


891.54
2-39

ԿՈՍՏԱՆ ԶԱՐՅԱՆ


ԵՐԿԵՐ



891,54

Գ-39

ԿՈՍՏԱՆ • ԶԱՐՅԱՆ

ԵՐԿԵՐ

Կազմող՝ Ռ. Մ. ՄՈՒՐԱԴՅԱՆ
Առաջաբանը՝ Ա. Ա. ԿՈՍՏԱՆՅԱՆԻ

227972

ԵՊՀ գրադարան



Ջարյան Կ.

Ձ 390 Երկեր /Կազմ.՝ Ռ. Մ. Մուրադյան: Առաջաբանը Ա. Ա.

Կոստանյանի. — Եր.: Սովետ. գրող, 1985, 576 էջ:

Սույն ժողովածուում ղետեղված է նշանավոր բանաստեղծի և արձակագրի երեք՝ «Տատրագոմի հարսը», «Արա աստված» և «Հագն» պոեմները, ինչպես նաև «Նավը լիտան վրա» վեպը (Վերահրատարակություն):

4708000000 (187)

Ձ 705 (01) 85 — 85 «Տ»

ԳՄԴ 842 Ս

ԵՊՀ գրադարան
Sarkis and M. Կոստանյանի
Մանկության համար, 1985.
Библиотека ЕПУ им.Саргиса и Мери Наваррцанов

Կազմիչու, առաջաբանի

ԿՈՍՏԱՆ ԶԱՌՅԱՆ

Երբ Կոստան Զարյանը վերջնականապես ընտրեց հայրենադարձության ուղին՝ յոթանասունյոթ տարեկան էր, վախճանվեց Երևանում՝ ութսունչորս տարեկանում, այժմ բոլորում է հարյուրամյակը:

Բազմանշանակ այն կյանքը, որ ապրեց Կոստան Զարյանը, բազմիցս նրան դարձրել է գրական ու ազգային շարժման կենտրոն, և հաճախ՝ այնքան նշանակալից, որ համընդհանուր վերաբերմունքը տարուրեքվել է ծափահարությունից ու դրվատանքից մինչև սուլոց ու պարսավանք. մի տեղ հայհույել են, մի այլ տեղ՝ պաշտպանել, իսկ մի երրորդ տեղ՝ ընդմիջման պահին, անտարբերներ չեն գտնվել:

Այսօր արդեն Կոստան Զարյանի գրական ժառանգությունը համարվում է ազգային մշակույթի անբաժանելի մասը, Սփյուռքը հպարտ է, որ այդպիսի մի անհատականություն ձևավորվեց ճգնաժամի ու մաքսաւիւն տարիներին, իսկ օտարերկրյա մշակութային շարժումներին քերած նրա նպաստը, որ այնքան խրոխտությամբ ու գորովանքով էր նա հիշում, ուսանելի են ճակատագրի առումով:



Ծննդավայրը Ծամախին է, պատմական Հաբանդը, բայց ոչ Սյունյաց Հաբանդը Գորիսով, ոչ էլ Արցախի Հաբանդը Ամարասով, այլ Աղվանից նույնանուն գավառը, որը Հայոց Արևելից Կողմանց հետ ներգրավվել էր ողուսաց հովանավորության տակ, նախապես հրաժեշտ տալով աշխարհիկ իշխանության վերջին մնացուկներին: Ծայրագավառի ազնվականության շտապիղենը համարեցին ողուսական բանակի բարձրաստիճան սպայակույտի շարքերը, ցուցաբերելով արիության, կորովի ու հավատարմության օրինակ:

Տասնամյակներ հետո, խոր ծերության հասակում, մտաբերելով վաղ մանկության ու ծննդավայրի դրվագները և հետադարձ ընտրովի վերաիմաստավորման ենթարկելով դրանք, Կոստան Զարյանը «Տեղի, ժամանակի և գրողի մասին» շատ հակիրճ նկարագրական էջերում անողորք ու պատրանագերծ վրձնումներ է անում, որոնք ոչ մի կերպ չեն տեղավորվում այլոց ուրվագծած անգայման երանելի ու ըստ ամենայնի երջանիկ մանկության շրջանակի մեջ: Մտային գրգիռը, որ ինտելեկտուալ խոչընդոտներ է հարուցում, միշտ ներկա է, և վաճում է իրենից ամենայն հուզականը, որ, այնուամենայնիվ, տեքստ է սողոսկում ու իրեն զգացնել է տալիս, վերածվելով էմոցիոնալ լիքի:

Հիշում է հորը, որ «մի օր պառկեց, խլուտաց ու մեռավ», նրա սենյակի պատից կախված «մեծ ու կոր թուրը», հիշում է մորը՝ «երիտաւարդ, թրթրուուն ու վախեցած տեսքով», որ աղոթում էր ու «Հայր մեր» էր սովորեցնում, հիշում է քաղաքը, նրա պարտեզները՝ «շքեղ ու մտտ ծաղիկներով լեցուն», «բողոքականների ժողովատեղին», որտեղից հնչող «երգեցողության ձայները թվում էին ճերմակ...» ու մահաձայնի դարերի ընթացքում արևելյան դրոշմ ստացած միջավայրը, որը այժմ էլ փորձում էր պնճվել «փայլփլուն, անհրապույր ու նույնպես եկվոր» եկրոպական հանդերձանքով, և վերջապես՝ ինքնիրեն, որ կարծես «լուռ, անմասնակից ու անհաղորդ» հանդիսատեսն էր մի ժամանակ, բայց այժմ պարզվում է, որ նույնիսկ այդպիսի հուշը ապրեցնող գործություն ունի, որ ոչ այլ ինչ է, քան կյանքի խորհուրդը: Լսենք նրան. «Թե՛ բակերը, թե՛ քանդված տները, թե՛ ծոված, վայր թափվող պատուհանները և դռները դեռ երկար տարիներ իմ մտքի մեջ արթնանում էին իբրև երևակայության մի տարօրինակ թատրոն, որի անկյուններում ես գետեղում էի մտքումս ստեղծած տեսարանները: Այստեղ տարիներով մարդիկ և կանայք ապրել էին բարդ և ուրախ կյանքով: Երազել էին, սիրել էին, տանջվել էրն, մեռել էին: Հիմա նրանք չկան: Բայց արդյոք իրա՛վ է, որ նրանք այլևս չկան»:

Մտորելու այս կենսունակ ջիղը, որով օծոված է եղել, երբեք չի լքել նրան, հնարավոր դարձնելով գեղարվեստական իրականության պատրանքը, որ գոյանում է ոչ այնքան իրական եղելություն արձանագրելով, որքան բիրտ ու շոշափելի իրականությունից վաճ:ելիս, երբ ապավինում է երևակայության հավելյալ նստվածքին:

Այս առանձնահատկության դրսևորմանն ու զարգացմանը դեռ առիթ կուճենանք հետևելու երկից երկ, իսկ առայժմ գանք կենսագրության հաջորդ էական դրվագին: Դա այն ուղին է, որ Բաքվի ու Թիֆլիսի վլայով, եվրոպական մայրաքաղաքներում հանգրվանելուց հետո, նրան հասցնելու է Կ. Պոլիս, այսինքն՝ տարուբերվելու է մինչեթևանյան հայոց կենտրոնների ու արևմտյան մայրաքաղաքների հույսի ու տվայտանքի, ձգտումների ու տեղատվության, պայքարի ու ալեկոծության միջև:

Ուրեմն, Կասպիականի ափից Բոսֆորի ափին հանգրվանելու համար անցել ու դարձել է Սև ո: Միջերկրական ծովերով: «Ես տեսել էի Կասպից ծովը՝ փակ, մտերիմ, նավթի հոտին խառնված, շքեղությունից գուրկ, գերազան-

ցապես աներազ: Նա անցել էր իմ երևակայության մոտից, արևին ու փոշի-ներին խառնված, առանց հմայքի և առանց հրավերի:

Այս ծովը տարբեր էր: Նա փովեց իմ մեջ, տարածեց մարմնիս անեն մասերում իր ամպերը, իր քամիները և իր փոթորիկները: Նա շտապեցրեց իմ ամանն շրջանը և արագացրեց իմ անհատական այլափոխումը:

Կարևոր խոստովանություն է, որ հետագայում է մտածված, թեև վերագրված է Սև ծովի երկայնքով առաջին անցմանը: Եվ սակայն նա դեռ պետք է հաքվում ստացած նախնական ոռոսական կրթությանը գումարի Փարիզում ստացած միջնակարգ ֆրանսիական կրթությունը, ապա և ավարտի Բրյուսելի Նոր կոշված համալսարանը փիլիսոփայության մագիստրոսի տիտղոսով: Բրյուսելյան տարիները հատկանշական են նրանով, որ գրական ասպարեզ իջնող երիտասարդ մտավորականի առջև ծառանում է լեզվի խնդիրը. նա, որ արդեն հասցրել էր լեզվափոխության երեք շրջան անցնել, բար որում արդեն իսկ ուսերեն, ապա և ֆրանսերեն բանաստեղծություններ էր հորինել, ու այդ լեզուները հաջորդաբար իրենն էր համարել, այժմ այստեղ նկատում է, որ ձևավորվում ու ուժանում է մտածողության ազգային կերպը:

1914 թվականի Կ. Պոլիսը դեռ լիովին չէր «ապականել կյանքի գեղեցկությունը» ու դեռ չէր սխրճվել ոճիրի մեջ, երբ նոր-նոր ժամանած Կոստան Զարյանը հիմնում է «Մեհյանը»: Հանդեսի առանցքն էր նա՝ ոչ միայն նյութական պատասխանատվության բերումով, այլև եռանդուն գրական գործիչի նոր ու թարմ գաղափարներով: Անշուշտ, հանդեսին հմայք էր տալիս Դանիել Վարուժանի ներկայությունը, և՛ իհարկե, «Մեհյանի» քուրմը Հակոբ Օշականն էր, ու մանավանդ հանդեսը արևմտահայ գրական առաջընթացի հերթական ու շողշողուն մի փուլն էր, և այնուամենայնիվ, նրա հիմնադիր անդամները իրենց համախմբված էին զգում Կոստան Զարյանի շուրջը, ու նրան էր պատկանում համահայկական, համազգային գրականության քարոզը, որ հետևյալ ձևակերպումն էր ստացել. «Մեր գրականությունը մեկ է... Բոլոր հայերուն ժառանգությունն է ան»:

Ազգային ինքնորոշման ձգտող հայության գաղափարախոսական դրսևորումը իր պատշաճ արձագանքն էր գտել «հայաստանյայց գրականության» բացառապես գրական-գեղագիտական այս գաղափարի մեջ, որ մեհենականների դավանած հավատո հանգանակի հիմքն էր կազմում:

Ավաղ, ճակատագիրը այլ կերպ սնօրհենց խնդիրը. հայկական հորջորջված «Պոլիսը դժբախտ նավի նման խորատուզվեց ջրերի մեջ»: Իտալիա ապաստանած Կոստան Զարյանը նորից նետվում է մի անգամ արդեն փորձած օտար գրական ասպարեզ, և սակայն նրա հայացքն այլևս զամված է մնալու հայրենիքին, իսկ խոսքը՝ հայրենիքի գաղափարին. ոչ հոգևոր ու երևակայական, այլ իրական ու երկրային: Այս ոգով, այսինքն՝ հանուն Հայոց անկախության ու պետական ինքնորոշման, նա բանախոսել է իտալական քաղաքներում, ապա և՛ պատերազմից հետո, մոտիկից հետևել է մնացյալ հայոց քաղաքական անցուղարձերին, մասնավորապես 1919 թվականին՝ որպես իտալական թերթի մերձավորարևելյան թղթակից եղել է ոչ միայն Երեվանում, այլև Թիֆլիսում, իսկ Հայաստանում խորհրդային կարգերի ստեղծումից հետո Կոստան Զարյանն ընտանիքով տեղափոխվեց Երևան:

Նա գալիս էր Կ. Պոլիսից, այս անգամ «հանրապետական տաճկի» ներ-

կայությունից հայաձական: Իսկ այն երկրորդ գրական ճիզը, որ փորձեց իրագործել այդ քաղաքում 1922 թվականին, նախորդի ընդմիջված շարունակությունն էր, որ սակայն այլափոխվել էր և՛ անունով («Մեհյանից» «Բարձրավանք» բառի ու իմաստի խաղ չորոնեթ), և՛ մասնակիցներով. Վահան Թեքեյանն էր այժմ սերնդի տիրական բանաստեղծը (Վարուժանն այլևս չկար), և Շահան Պերպերյանն էր հայտնվել քննադատական: մտքի հորիզոնում (Օշականը նույնն էր ու թերևս առավել ամեհի): Կոստան Ջարյանի նոր առաջնորդությամբ «Բարձրավանքը» հիմնադրած խումբը այն միտքն էր փայփայտում, թե շարունակելու է արևմտահայ գրական առաջընթացը, բայց սթափ գիտակցությունը շուտ վրա հասավ և հասկանալի դարձավ, որ այլևս արևմտահայ մտավորականությունը կանգնած է սիյուոքի անստուգությամբ առջև:

Երևանյան առաջին շփումներն ու ծանոթությունը ևս երկար չտևեցին. մի քանի տարի հետո, արդեն որերորդ անգամ, Կոստան Ջարյանը տրվում է իր «երկրորդ նախասիրությանը». քառասունը բոլորել էր, երբ Փարիզում ձեռնարկում է «Բաբելոնի աշտարակ» ֆրանսերեն հանդեսը:

Անհամեմատ ավելի էական ու կայուն էր վերջին պատերազմից անմիջապես հետո Նյու-Յորքում ձեռնարկած անգլերեն «Հայոց հանդեսը», որը հայագիտական բնույթ ուներ և սերտորեն առնչվում էր իր գործունեության հիմնական զբաղմունքներից մեկին, քանի որ նա տարիներ շարունակ մասնագիտական քերտումով գրականություն ու արվեստ է դասավանդել նախ՝ ամերիկյան համալսարաններում, ապա և հեղրություն. դրանից հետո է, որ թե՛ հայկական հեյրութը, թե՛ Երուսաղեմը այլևս անտարբեր չմացին նրա հանդեպ, մի հանգամանք, որի վկայություններից են ոչ միայն շարունակված առողջ քանակներն ու ջերմեռանդ վիճաբանությունը նրա ստեղծագործության շուրջը, այլև նրա երկերի բեյրության ու երուսաղեմյան հրատարակությունները ծնրնդյան իննսունամյակի առթիվ:

Կոստան Ջարյանը իր որդու՝ Արմեն Ջարյանի ու նրա ընտանիքի հետ վերջնականապես հայրենադարձվեց Հոռմից, որ իր բնակության ամենահաճախակի վայրն է եղել: Իր իսկ բանավոր խոստովանության համաձայն, նա այդ վճռական քայլին արդեն պատրաստ էր 1956 թվականին: Վերադարձից հետո նրա երկերը հրատարակվել ու վերահրատարակվել են Երևանում և Մոսկվայում:



«Օրերի պսակը» ժողովածուն (Կ. Պոլիս, 1922) Կոստան Ջարյանի առաջին հայերեն գիրքն է, որի առիթով ամենից առաջ պետք է ցրել մի պմատացած թյուրիմացություն. բանն այն է, որ նա ի սկզբանե բանաստեղծ էր, և այդօրինակ ինքնագիտակցումը նրան երբեք չի լքել հետագայում՝ ինչ ժանրով էլ ստեղծագործելիս լիներ, իսկ փորձել է, ինչպես հայտնի է, գրեթե բոլոր ժանրերը: Ապա և լեզվի հարցը, որի շուրջը ստեղծված առասպելին թերևս նպաստել է նաև ինքը բանաստեղծը. կրթության լեզվի հաջորդական փոփոխությանը համապատասխան, նա անցել է բանաստեղծություն գրելու ռուսերեն նախափորձերից մինչև ֆրանսերեն վարժ դրսևորումները: Ըստ երևույթին, լեզուները հեշտ են տրվել, դատելով այն պարագայից, որ արդեն իտալերենի

անցած հեղինակը ընդունելության ու ճանաչման է արժանացել հենց Իտալիայում: Բանաստեղծական նկարագիրը կայունացել է այնպիսի մի ժամանակ, երբ ֆրանսիական պատճառում դեռևս տիրական էին Պոլ Վեյլենը, Արթուր Ռեմբոն ու Ստեֆան Մալարմեն: Իսկ երբ արևելահայերենի կողմ քանաստեղծը արևմտահայ գրական միջավայրում անցնում է հայերեն ինքնադրստման, նա արդեն քաջ տեղյակ է երևում ժամանակակից հայ պոեզիային, նրա շատ որոշակի ու կոնկրետ ներկայացուցիչներին, ապա և դարասկզբի ազգային բանաստեղծության բուն ակունքին, որ Գրիգոր Նարեկացի հսկա բանաստեղծն է:

Եվ Գրիգոր Նարեկացին, բանաստեղծական մի տիեզերք՝ անչափելի, անսահման ու անընդգրկելի, իր բազմալար ճյուղավորումներից յուրաքանչյուրով ներշնչման աղբյուր ու վարպետության առաջնորդ հանդիսացավ մեր նորագույն ամենազանազան բանաստեղծների համար, թե՛ արևելահայ, թե՛ արևմտահայ իրականության մեջ, իսկ Կոստան Զարյանը, որը սկզբնավորվել էր ֆրանսիական բանաստեղծության նրբակերտման տարիներին, առանց այլևայլության, նույնպես դիմելով ամենահայր հսկային, իր խառնվածքին ու նկարագրին համապատասխան մի լար ընտրեց, որ դարձավ «մրմունջ, տրրտունջ Նարեկացվո խոսքերի շուրջ», այսինքն՝ գտավ և՛ ձև, և՛ ստելիք, այո՛, և՛ խոսք, և՛ իմաստություն, որովհետև թվացող միապաղատությամբ հանդերձ, որ հատուկ է ինքնաբավ քրիստոնեական ժամանակաշրջանի բանաստեղծական իրագործմանը, մեր ազգային հանճարը օժտված է այնպիսի անեզրությանը, որ թուր հնարավոր ու կարելի ձևերի կաղապարված գանձարան է ու նրանից հետո այլևս զարմանալիս միմիայն ինքն է՝ հսկա, խորհրդավոր ու աստվածային:

Այնպես որ, մեր պոեզիայի տարեգրության մեջ 1922 թվականը նշանավորվում է նաև «Օրերի պսակը» ժողովածուի հայտնությամբ, և նրա իշխող եղանակը մաքուր ու նկիրական հայկականությունն է և ոչ թե կարծեցյալ եվրոպական ղեկաղենությունը: Եվ արդեն ժողովածուի թեմատիկ յոթ բաժանումներից միայն մեկն է հիշեցնում նախորդ տարիների եվրոպական, այս դեպքում մասնավորապես իտալական դիտարկումների արձագանքը, որը ոգեկոչում է ասենք Բենվենտուտո Չելինիի, Լեոնարդո դա Վինչիի ու Ալիգիերի Դանտեի հիշատակը կամ մեծ մշակույթի հավերժական քաղաքների փառքը: Ու այդ անդրադարձի մեջ, դատեցեք ինքներդ, հայկականությանն աններդաշնակ միակ տարրը դալանաբանական բնույթի է. դա «խաչված մարդու» և «լուռ ասածո» հակադրությունն է, բայց այս բանաստեղծությունը՝ «Ահա խոհերիս մայր եկեղեցին» սողով սկսվողը, որ այլ բաժնի նյութերից է, ծնրեղավարի տխուր հուշն է ավելի, որ նստվածք է տվել օտարության մեջ կամ դալանափոխ եղած հայրենակիցների շրջանում:

Խորհրդապաշտ բանաստեղծը հյուսում է սակայն իր «օրերի պսակը», որ անխառն քնարականության նշանակն է, երգում է «մեր հայրենիքը»՝ «վըշտի անհամար ձայներով լեցված», բայց և՛ «ապագա կրոնի հրաշքով հղի», Մասիսը, որ «ցուցանում է աշխարհներին ապրկալիպս Հայաստանի սիրտը ցցված», Սարդարապատի դաշտը, որով փորձեց մի անգամ ևս անցնել «զայլը լեհերոտ»: Բանաստեղծը առայժմ ապավինում է իր հույսին և կապույտ երապին:

Ասում են ինձ,
պետք է հուսալ, պետք է լինել աստվածների
թևերի պես մետաքսածալ
ու դարիդուս ու դարիվար
ծաղկափթիթ ճաճանչներում արևների՝
խոլ պար դառնալ:

Ու դարիդուս ու դարիվար
ճախրե՛լ, թե՛ն՛լ
և հույսի մեծ տաղերգերով ջահել աշխարհ՝
Պետք է լինել մեղու հարթած ու այսա՛նիր՝
որ աստղերի սրտիցը հիբ
մեղր է հանում ու ամբարում՝
ամարասուն ծաղիկների բաժակներում:

Կոստան Զարյանի բանաստեղծական ուրույնությունը պայմանավորված է արվեստագետի տաղանդով, որ էլիքմն ուղղակի շքեղ ու շտալ դրսևորումների է հասնում, ապա և՛ աշխարհայացքով, որ յուրովի հասկացված ազատության ըմբռնումն է՝ անկախ ու ինքնուրույն կեցվածքի տեղ-տեղ շեշտադրումներով: Արվեստի ինքնաբավության զաղափարը, ինչպես դա բխեցվել է հենդեհետո Կրոչեի գեղագիտությունից, խարսխված է այն ըմբռնմանը, թե գեղարվեստական ստեղծագործությունը իրականության արտացոլքը, առավել ևս պատճենավորումը չէ, այլ դրսևորման միանգամայն ինքնավար ոլորտ է, ըստ որում ինքնավարությունը ստեղծագործական անսահմանափակ, ոչընչով չկաշկանդված ազատությունն է:

Իհարկե, հնարավոր է պատկերացնել մեր դարի առաջին քառորդի եվրոպական որևէ հասարակություն, որ մխիթարում է ինքնիրեն, թե լուծել է իր երկրի սոցիալական ու քաղաքական խնդիրները և կարողանում է իրեն շուայլորեն թույլ տալ գրական-գեղարվեստական այդպիսի մի ըմբռնում:

Եվ սակայն սիյուռքը, որ ազգային լինելիության մի աննախադեպ գույավիճակ է՝ 1915—1920 թվականների իրադարձություններով սկիզբ առած, պարտավորեցնում է ճիշտ չափի բերել այլոց սահմանած ապրելակերպի բարոյականությունը, պատմության դասերը և գեղարվեստական մտքի դրվածքը, այլապես անհող տարածությունից հետո անխուսափելի կդառնա ա՛նօդ տարածության մեջ հայտնվելը:

Հայրենիք կորցրած անհատը ազատության ձգտումով մխիթարվել հագիվ թե կարողանա. անհատապես ազատ լինելը խարուխի է, երբ հասարակականորեն անազատ ես: Մանավանդ որ, ետեղեռնյան առաջին տասնամյակի սիյուռքահայը՝ իր թվառությունն ու ամոթը աշխարհին ցուցադրող մի զանգված էր, որը հանուն հայրենիքի պայքարով պետք է վերագտներ իր արժանապատվությունը:

Ազգային պարտության ճիշտ իմաստավորումն էր հանգեթնելու հայրենիքի վերստին գյուտին, որ ոչ այլ ինչ էր, քան գիտակցված ազատություն և հենկում էր երեկվա մաքառող ոգու փտավոր դրսևորումներին: Հիրավի, մեր արևելյան հատվածի ազգային-ազատագրական շարժումը, որ սկսվեց վի-

ժառու լեռնականների կամքով, արիությամբ ու ֆիդայական պատվախնդրության անհողողող պարտադրանքով, աստիճանաբար ձեռք բերեց մի կազմակերպված տարերքի բնույթ, և՛ մի առողջ մտայնություն, որին ապավինելու էր աշխատավոր ժողովուրդը:

«Տատրագոմի հարսը» (Բոստոն, 1930) չափածո լայնաշունչ ստեղծագործությամբ Կոստան Ջարյանն ահա, ձայնակից էր դառնում արևմտահայ մնացորդաց սերնդի ու սիլուոքսիայ առաջին սերնդի ազգային տվայտանքին ու գեղարվեստական որոնումներին:

Երկի հիմքում ընկած դրվագը հայտնի է ժամանակակցի հիշողությամբ, որ կենցաղային միջադեպին տալիս է այնքան կարևորություն, որքան այն կարող է պարունակել. քաջ լեռնականների մի խումբ կենաց ու մահու կոնվուցիոն արանքում ընկած դաշարի ժամանակ իջնում է գյուղ և պատժում նրանցից մեկի անհավատարիմ գտնված կնոջն ու նրա պատիվն արատավորողին:

Բանաստեղծ ասացողի երևակայությունը ներկայացնում է մի համայնապատկեր, որ բազմապլան է, ամփոփ ու ընդհանրացված և ենթակա է խորհուրդի իմաստությամբ, այլապես պատումը ինքնուրույն տրամաբանություն չունի, որովհետև թե՛ ասվող, ասացվող նյութը, թե՛ երևութական բախումը, թե՛ այսպես կոչված հանգուցալուծումը կանխորոշված են. ներքևում գյուղն է, վերևում՝ լեռները, երկնքում՝ աստվածները. Հովանը պետք է վրիժառու լեռնական դառնա, Սանան պետք է տրվի կանացի թուլությամբ, Հովանը պետք է սպանի Սանային: Այսբան. մենք ականատես ենք լինում շարունակվող կյանքի մի հատվածին, գրականություն դարձած դյուցազներգական մեկ դրվագին: Հնարավոր է, որ շարունակվող գոյության մեջ Հովանը ևս Մակար ծերունունան, իր կյանքը փառքով պասկած, տրեխները մաքրելով երկինք բարձրանա, հնարավոր է, որ երևակայվող գոյացության մեջ Սանան արժանանա Աստվածամոր բարեհաճ հովանավորությամբ, երբ աղոթքով դիմի նրան, և վերջապես, հնարավոր է, որ աստվածները՝ միշտ հոգնակիրեն հանդես եկող, զսպեն իրենց բարկությունը և այլ վճիռ սահմանեն Հայոց տան համար:

Գեղեցկապաշտ բանաստեղծը՝ արվեստային ինքնաբավությանը հավատարի՛, արարում է, վերապրում ու նկարագրում: Նա արարում է մի ժամանակահատված, որը մեզ պատգամում է ժողովրդական արդար ընդվզումից ծնված քաջերի հիշատակը: Նա վերապրում է անցյալի մի կյանք, որը ի հեծուկս պատմական ճակատագրով դատապարտված զրկանքների ու բռնության, եղել է միս ու արյունով, սիրով ու պատվախնդրությամբ լեցուն մի ապրելակերպ: Եվ վերջապես, նա հկարաբարում է՝ մերձեցնելով անցյալի կյանքն ու ժամանակահատվածը, ցուցաբերելով հմտություն, ճաշակ, խելք, իմաստություն, բայց նաև՝ ընդգծված անփութություն լեզվակական տարերքի ու մտքի հորձանքի հա՛ղեա, և մանավանդ հաղորդակցվելով՝ որ չլինի թե անմասն մնա հարատևող կյանքի ոգուց, ժողովրդի երազանքից, իրականացման սպասող ձգտումներից, և փոխանցելով մեզ, որ այսուհետև ևս մերը համարենք այն, ինչ մեզ է պատկանում մեր ապրելու կամքով ու պատմության արար իրավունքով:



Կոստան Զարյանի արձակը բանաստեղծի ինքնադրսկորման շարունակությունն է, և քանի որ բանաստեղծը նրա մեջ հայտնուն է, թեև կազմակերպ, իսկ արտահայտվելու պահանջը անկաշկանդելի, հորդ ու տիրական, ինչպես տեղատարարը, արևեն և ծնվում է չափածոյի կանոնիկությունից դուրս մի պայմանականություն, որ կոչված է հեզոտրո ևսդու սենտուն գաղափարից սկիզբ առնող ու նրա շուրջը վստացող զգայության հոսքին:

Սենտուն գաղափարը հայրենիքն է, իսկ զգայության հոսքը սնունդ է ստանում կյանքից, որ ամեն ինչով հանդերձ տրոփող լինելություն է, և՛ ընթերցած լավագույն գրքերից, որոնց ազդեցությունը վճռական է եղել ու անանցանելի:

Կոստան Զարյանի մշակութաբանական նախասիրությունները լիովին կարող էին բավարարել անցյալի մեծ մշակույթներից յուրաքանչյուրի հմուտ ու գերազանց լուսաբանումը, իսկ մշակույթի ու քաղաքակրթության հակադրումը՝ որպես կենսունակության ու ամբողջական զուգահեռական, ելակետ էր դառնալու նրա արձակ ողջ գրականության բանուկ երակը հանդիսացող նկարագրական էջերի ու դատողական անցումների:

Այդպես վերնագրերով ու շարքերով հայտնի այդ բազմաքանակ ու բազմապիսի գրառումները տպագրվել են երևանյան տարիներից ի վեր, ապա և՛ մնացյալ քանակական ու երեսնական թվականներին, սիրյուրքի մասնույում:

Ներիհնակի խորհրդածությունները պատվում են միևնույն մտքի շուրջը, իսկ միտքը հանգում է միսթարական մի հեռություն, թե սրբազան լեռան խորհրդանշանը որպես հայրենիքի գաղափար իր հոգու մեջ կրող ժողովուրդը ևզգային լինելության կրող է, որ ապրող ու ապրեցնող մշակույթ է ստեղծում և ընդունակ է դիմագրավելու աշխարհին համակած քաղաքակրթական շփոթ մոլուցքը:

Մտածող արձակագիրը իր գրառումները համայնավեպ է անվանել անշուշտ ամեն ինչի մասին վիպելու իմաստով, իսկ նրա վիպասանելու ձիրքը, այս անգամ ժանրային ընդունված նշանակությամբ, ուր որ է իր դրսևորումն էր ստանալու:

«Նավը լեռան վրա» վեպը Կոստան Զարյանի արձակ գրականության ողջ տարերքի մի ընդարձակ մասն է միայն ու որպես այդպիսին նրա անանջատելի շարունակությունը՝ թե՛ իր ելուծով, թե՛ ռոճով ու գրելակերպով: Բացառապես վիպականը, որ, այնուամենայնիվ, զգայի է, մի խոսք խորհրդանշանների բազմիմաստությունն է, որ ներկայացված է շատ որոշակի կառույցի սահմաններում:

Վերնագիրը հուշում է. նապի ու լեռան սինվոլիկան մարդկության չափ հին է և հատկապես մեր աշխարհի հետ է առնչվում և ուղեկցել է մարդկային ստեղծագործ երևակայությանը դարաշրջանից դարաշրջան:

Հնագույն առասպելաբանական պատկերացմամբ համաձայն ջրհեղեղը առավածների քարկությունից սկիզբ առավ և որպես արդյունք հանգեց աշխարհի ու մարդկանց նորոգման, իսկ երբ տապանը հանգրվանեց լեռան վրա, փրկված նահապետը՝ Քսիստոթոսը, իր ընտանիքի հետ որպես վաստակած

վիճակ ու հավերժական բնակավայր աստվածներից առացավ Մասսի շուրջ-բոլորը:

Ի դեպ սեպագիր լեզուներով հիշատակվող լեռան անունը եզակի գործա-ծույթուն ունի, որ մեզանում հենքը հոգնակիաբար՝ Մասիք, Մասեաց էին ան-վանում ու հոլովում, իսկ նորերը՝ ուղիղ գրության հիմք ընդունեցին հոգնակի հայցաւան հոլովանքը: Քրիստոնեական պատկերացման համաձայն, Նոյ Նա-հապետի տապանը Արարտիհի հասնելով ազատվեց, և ետքհեղեղյան նո-բոց մարդկությունը Մասյաց փեշերից սփռվեց աշխարհով մեկ, կամ ինչպես հանճարեղ բանաստեղծն է ասում՝

Ի Մասեաց յաջ կողմանէն

Սայլիկն ի գիւ գայր, ի գիւ,

Եւ ճոնչալով գայր մտանըր լեռուսաղէս:

Իհարկե, ժամանակակից գրողի առաջարկած իմաստավորումն այլ է, և միայն սիմվոլիկայի ընձեռած մակարդակով են համեմատելի ջրհեղեղն ու հե-ղափոխությունը, բայց սա ինքնաբերաբար արվող զուգահեռ է, որ վեպի շքը-ջանակներում շատ ստույգ հասցեագրում ունի: Հայոց պետականության վե-րականգնման ժամանակաշրջանն է, նա՛վը՝ այդ պետականության շարժիչ մեքենան, իսկ լեռը՝ մեր հիմնավորը երկիրը:

Հեռավոր ճանապարհորդությունների նավապետ Արա Հերյանը մեկն է մեր երկրի սահմաններից դուրս սփռված այն մարդկանցից՝ կորովի, ձեռնե-րեց ու տոկուն, ովքեր հանրապետության հոչակումից ի վեր, այլևս թողած ասեն ինչ, մղվում են մայր-երկիր:

Այս մեկի որոշումը, որ և իրագործում է, հետևյալն է. մի նավ է գնում Բաթումի նավահանգստում վիստացող ցարական Ռուսաստանի նավային մի մեծ ընկերության նախկին կառավարիչից, ապա և՛ Թիֆլիսի վրայով, արկած-ներ ու փորձություններ հաղթահարած, հասցնում Երևան, որից հետո նոր գրկակնքներով ու տաժանակրոջամբ՝ մինչև Սևանա ջրերը:

Մյուսները ևս հայրենիքին նվիրված մարդիկ են, ճառում են, փնծում, տե-սություններ քարոզում, բայց նա՛ր շատ կրկրետ գործով զբաղվում, իսկ մար-տի դաշտերում՝ անձնուրացության դիմում:

Շատ են այս մարդիկ՝ մեծ ու փոքր, զարևոր ու անկարևոր դիրքերի վրա ու կենսական զանազան պայմաններում, իսկ նրանց միացնող հեղինակային տանող խոսքն է կամ այն հանդիսարանը, որտեղ նրանք բերվել են հեղինա-կային երևակայությունից և մնում են ընթերցողի ուշադրության ծիրում միայն այնքան ժամանակ, որքան նրանց առիթ է տրվում շփվելու գիա-վոր դերակատարի հետ. որովհետև ինքնուրույնապես նրանք գոյություն չունեն:

Վեպի երկրորդ հրատարակությունը (Երևան, 1963) զգալիորեն ու տրա-մագծորեն վերադրված է: Հեղինակը հայրենադարձ լինելով, վերաշեշտա-դրել ու ընդգծել է այս՝ իր բնույթով քաղաքական վեպի գաղափարական ուղղ-վածությունը, որի կրողը Զվարթն է՝ երբեմնի «տաք, մտերիմ, հուզաւան այդ էակը», որը նախ-հարում է բոլշևիկներին, ապա ակտիվ կոմունիստ է դառ-

ճում և ի վերջո նավապետ Արա Հերյանի հովանավորյալը լինելուց վերածվում է հովանավորողի:

Իսկ վեպի կառուցվածքային գծի մեջ հատկանշական տեղ զբաղեցնող Ֆեոդոր Պանտելեևիչը՝ ցարական ժամանակվա նախկին մեծ ընկերության երբեմնի կառավարիչը, որը անհայրենիք ու վտարանդի դառնալով և իր վաճառած նավի հետքը բռնած ու նավի նոր տիրոջ բարեհոգությանը ապաստանել էր Քանաքեռ հասած նավի ետնամասը՝ այժմ՝ բոլշևիկների գալով, «կարմիր» ձևանալու զավեշտական փորձ է անում և վճառագերծվում որպես դասակարգային թշնամու մնացուկ:

Մնացյալ նյութը, որ պատկերում է երկու-երեք տարվա մի ժամանակաշրջան՝ ճակատագրական իրադարձություններով, մասնավորապես Սարդարապատի հերոսամարտով և թուրքի կրկին սողոսկումով ու գրեթե միաժամանակ, մի քանի ամիս հետո, բոլշևիկների մուտքով, երբ արդեն մի անգամ ևս կիսված էր հայրենի հողակտորը, ինչպես նաև պատկերում է ներքին կյանքի մի ժամանակահատված՝ այլեկոծվող հոգիների տվայտանքով, աշխատանքային տաժանակրությանը ու հանուն գաղափարի մղված պայքարով, որ մատնանշում են օրվա զրգիռները, մանրամասների իմացությունն ու անմոռանալի հիշողության պարտադրանքը, այս ամենն, այո, ներկայացնում են վեպի ընդարձակածափալ ու երկարաշունչ համայնապատկերը՝ միտումնավորությունը բազմաձայնությանը և բարդությունը հակասականությանը:

Հասկանալի է այն խոտվիչ կիրքը, որ տածում էր հեղինակը այս գործի հանդեպ, որ իր համոզմամբ պատմա-փիլիսոփայական ուղղվածությունն ուներ: Հիրավի, ժամանակի հեռավորությունը այս դեպքում վճռական է, մանավանդ մի մարդու համար, որ միշտ արտահայտվել է և օրվա գաղափարին սովել այնքան նշանակություն, որքան այն պարունակել է: Եվ սակայն հեղափոխիչ ու ճակատագրական մի ժամանակաշրջանի ազգային գոյության պատկերը շրջանակելու համար հստակ, աներկմիտ ու ոչ-փոփոխական դիրքորոշում է անհրաժեշտ, որ ձեռք է բերվում՝ փիպական անձերից մեկի խոստովանությամբ, թոչունի թոչիքի բարձրությունից երևույթը դիտելիս, իսկ իրականում այդպիսի բարձունքը, ինչպես գիտենք մեր մեծերի օրինակով, «աստծո հայացքն» է, որ ամենքին տրված չէ, առավել ևս գործողության բուն մասնակցին կամ հարևանցի ակնատեսին. և ահա հեղինակային հնարավորությունների ծանրությունը կրող նավապետ Արա Հերյանը, որը իրական ու ապրող մի մարդ է, թեև գորեղ ու կամային, իր նպատակաաւաց կյանքի ընթացքում, հավատի, դեգերումների ու հուսախաբության պահերին, ծառանում է հենց այդպիսի թոչունի, այդպիսի թոչիքի ու այդպիսի բարձրության դեմ, մտորում իր հնարավորության ներածի չափով, անկեղծության վարկյանին փնտելելով իր իսկ պակասավորությունը, Հոփսիսի մեծ հրաշքը տեսնելիս հիշում է Բախի երաժշտությունը:

Եվ այսպես, հայեցողական այս շերտը ևս ուղեկցում է վեպի ողջ ընթացքին, սկզբից մինչև վերջ, երբ ցամաքով անցած ու լեռ հասած նավը՝ չարչրկված, հյուծված ու վերանորոգված, «հին ներկը քերած, ծակերը զոցած, կարմիր անցրած» իջել էր շուրթ, «հանդիսավորուպես» սազարարելով «նոր ու հուաշալի կյանքի» մասին:



Կոստան Զարյանի կյանքի ուղին բարդ, հակասական և ուսանելի մի ճանապարհ է որ սկսվել է անցյալ հարյուրամյակի վերջին, անցել է ներկա դարի առաջին տասնամյակների: ազգային ճակատագրի վերիվայրումներով ու միջազգային կյանքի խառնարանով և ավարտվել է հայրենիքում, որ շարունակ եղել է նրա ներշնչանքի ակունքն ու ապավենը:

Կ. Զարյանի գրական ստեղծագործությունը քսաներորդ դարի հայ գրականության ակնհայտ նվաճումներից է, որ այսուհետև ևս ապրելու և ապրեցնելու կարողությամբ է օժտված:

Ինքնատիպ բանաստեղծի ուրույնությունը նրան պատվավոր տեղ է ապահովում մեր ժամանակի հայոց հարուստ պոեզիայի անդատանում, որտեղ նա բերում է ճշմարիտ ներշնչանքի, գեղեցիկ նրբերանգի և շուսավոր բովանդակության դրսևորումներ:

Հմուտ արձակագրի երկերը տողորկան են կենսահաստատ լավատեսությամբ, հայրենիքի ճակատագրի ընդունումով ու աշխարհի բախտի մտահոգությամբ, և ի հայտ են բերում մտքի շատություն, հուզական անսպառ պաշար և նոր ու թարմ գրելակերպ:

Կոստան Զարյանի երկերի հրատարակությունը, որ իրագործվել է և դեռ անտարակույս իրագործվելու է, ավելի կնպաստի նրա ստեղծագործության դերի ու արժեքի ճանաչմանը, որին նա միանգամայն արժանի է:

ԱԼԲԵՐՏ ԿՈՍՏԱՆՅԱՆ

1

ԳՅՈՒՂՈՒՄ ՀԱՐՍԱՆԻՔ Է

Յասնա լեռը հոկա իր սաքը սեզուչ է
 գիշերվա մեջ կանգնած գյուղի եկեղեցու
 առջև: Ինձնատարանը դանդաղորեն թափա-
 ուում է ծանր սյունների շուրջը՝ ձեռների
 պատտարագիշի գողգողացող մարտրի վրա
 յույսեր կուտակելով:

Լեռների սարկավազները հովերին
 խուլորեն ժամերգում են և խավարի մեջ
 լուսավոր ձեռքեր կարկառում...

Մեր քաղվորն էր խաչ,
 եաչվառ, խաչ ու մազ...

Հովանը վզին

Կապել է մի լայն, կարմիր թաշկինակ:
 Գուլպան նախշուն է: Բեղը ծովել է:
 Սնդանի վրայից շարականները շարժում են մուկի:
 Մոմերը մրսկան ծռել են բոցը,
 քահանայի ձեռքը դողում է:
 ձայնը քսվում է խուպուտ գրաբարի մաշկա՝ խոսքերին՝
 շինականների պլզած աչքերին:

Շավարն էր կապույտ,
 Առեն էր կանաչ...

Լոկկ կանգնել են
 մազոտ ձեռքերով, դժգույն ու նիհար,
 հրկնքից իջած սրբերը բուլոր,

ու բաց են արել սրտերի գրքի էջերը սարսուռն՝
ուր մեծ տառերով գծված է ճամփան
խոնարհ կյանքերի և անհունի մեջ՝ բռնկած թևերով
խելագարորեն սուրող աստղերի:
Դրսում, լեռների քարաձևաներին՝ հովը կատաղած
փոթորկամրրիկ պատվեր է բերում: Ժայռը տնքում է,
ուր բուրվառի հետ երգում է կրակը, ծխում է խունկը:
Ականջին ոսկի, կրծքին ջուխտ մարջան,
այտերը դժգույն, աչքերը քուրա,—

կանգնել է Սանան
և սրտի վրա սեղմել վիրավոր, դժբախտ մի սոխակ:
Պիշ-պիշ նայում է.—

կազմը արծաթ է ավետարանի, խաչը ոսկեզօծ
և խնկի առատ ամպերի միջից,
անհանգիստ ու վառ՝ իրիկնամուտի բարդինների պես՝
նրա ճակատին շողեր են ընկնում
և իր գունաթափ բարակ շրթերին՝ կոճկում հևացող
մի խիտ լոռիջույն:
Սիրտը կծկվել է: Թուլիկ իր ձեռքը Հովանի ձեռքում
ձգել է մեռնող տատրակի նման
և իր մանկական գլուխը կախել:

Երբ երգը կանգնած, ծեր քահանայի աչքերը կապույտ
հարցաքննում են Սանայի սիրտը.—
նա մութ սենյակում դուռը փնտրող երեխայի նման
նայում է վախցած՝

Աղջի՛, ասա հա, աղջի՛, ասա հա—
ծուում է գլուխը, մինչ մեջը ըմբոստ մի ձայն է լալիս՝
— չեմ ուզի, դադո՛ չեմ ուզի, բաբո՛—...
— Աղջի՛, ասա հա...

Հա, հա, հա... սնքում է քամին կրդերից բռնած,
քսվում է պատերին, բարձրանում վեր:
և աղմկալից գոռում գոչումով պտույտ է գալիս
պարապը գրկած գլխերի գլխին:

Հյուրերը կանգնած՝

գոմից դուրս նայող տավարի պես մունջ՝
իրենց մտքի մեջ կամաց շոյում են ոսկեզօծ գարին

շարականների: Տրեխների ծայրին ձյունը հալվել է:
Պառավ մամերը, ոսկրուտ մատներով,
խորտակված ու մութ կրծքերի վրա աղոթք են սեղմել.
մինչ խաչը փայլում,
թագվոր, թագուհուն նշան է անում. ուրախ ձայնում է
զնգուն խշռոցը —

Մեր քաղվորն էր խաչ,
հաշվառ, խաչ ու մագ...

Փեթակի նման բզզում է ժամը, գյուղադիրների
ոլոր բեղերից ժպիտ է կախվում, ու ծիծաղում են
հարսները թրթռուն: Ապրե՛ք, ծերանա՛ք...
Սանայի այտին խնձոր է ծաղկել:
Հովանը գլխին դրել է մի մեծ, տոնական գալ:՝
Ապրե՛ք, ծերանա՛ք... Միծաղ ու կատակ:

Ոչ ոք չի տեսնում, թե ինչպես հանկարծ,
մեծ որոտումով, բացվում է դուռը մութ երկի՛քների
և սավառնելով՝ ոսկեթել, մեծղի՛ անհետանում են
անտես հյուրերը անդրաշխարհի:

Միայն կապուտաշ,
աղքատ մի հրեշտակ թռչ՛չ:.. ստեն թևը զարկում է
ժամի սուր խաչին և կակծալով մնում շվարած:
Գյուղը կախվել է Սասնա փեշերից, աչքերը նետել
խորխորատի մեջ ու միտք է անում, դարավոր մի միտք:
Գլուխը ձյան տակ ցրտից դողում է: Կապտած ձեռքերը
ամուր բռնել են ուռկանը հողմի՛ որսում են լեռ:սն ամենհի ստվերը
և խոր ձորերից եկած ձայների
մոռնչը և խուլ արձագանքները:

Իսկ գյուղի մարդիկ հրացան են պարպում:
Փրգը պատում է հողմի կոկորդը
և շուռ է գալիս — մեր թագավորի, մեր թագավորի՝
առջև շարելով մի մահուղ շուխա, մի քաթան շապիչ,
մի ջուխտ լավ գուլպա —
և շուռ է գալիս՝
ժռած բերանը ձյունին կարկառած:

Իսկ գյուղի մարդիկ հողմը հրելով —
ա՛հ, ի՛մ հայրենիք.

շուրթերդ սառած կպցրու ճակատիս
և գիշերներիդ խորհուրդը խորին
տուր իմ պանդխտի կարոտ աչքերին —

Իսկ գյուղի մարդիկ

ուժեղ ոտքերը զարնում են գետնին,
աքացի տալիս անհուն լուսթյան
և ցատկոտելով՝ խումբ խմբի դիմաց՝
ալեկոծ ծովի նավի պես շարժվում:

Սանան գնում է՝

փոքրիկ քայլերը ձյունին քսելով,
և կրճբին սեղմում հովի հառաչը:
Սանան գնում է ու ներաշխարհի երազանքների
լուսով քանդակված կածան է տեսնում,
ուր բյուր ոգիներ, անհասկանալի,
;եռան կողերին, թռչկոտող, ուրախ,
մի պար են պարում:

Սանան նայում է, ժպտում է երկար
ու ձեռքը տանում ուժգին բաբախող փոքրիկ իր սրտին:

Մշուշի միջից —

խորանի վերև խորհուրդը վառող բոցերի նման —
նայում են նրան

լայն բացված ու վառ, ծովի գույն աչքերու
Թևը քարշ տալով, փաթիլների տակ գլուխը վար առած,
սահում է լուսե մենակ հրեշտակը:
Սանան նայում է՝

— Աստված, իմ աստված, դա ի՞նչ նշան է —
և շի հասկանում:

Իսկ ժայռի կրճբին կպած խրճիթում
դհուլի վրա կարկուտ է տեղում,
և ճատրագոմը, բեղերը սրած,
հարայ-հուրայով պտույտ է գալիս և համազարկով
գնդակահարում ամպերի ետև աստղերը թաքնված:

Հետո հյուրերը մտնում են սենյակ:
Սփռոց մի կապույտ և աղոտ ճրագ: Ձիւր, լամիչ, խնձոր
և նարաթ-շաքար:— Շնորհավոր լինի,—
օղին վազում է ծեր քահանայի մորուքի վրայից,
և կովը գոմում զարկում է ոտքը հարևան պատին:

Երգը գինու հետ առատ հոսում է
մորթված աքլորի տաքուկ արյան պես,
և ջահելների դեմքերի վրա բոցեր է նետում:
Նետում է նրանց ուսերի վրա նազպարի թևեր,
մատներին չխկոց
և հուժկու զարկվող ձեռքի ափերին ալիքի ստրպուտ:

Ի՞նչ լավ է, եղբա՛յր, Հայոց աշխարհի
տոնը միամիտ,—
մոլեգին դափը բախում է ուժով սրտերին ուրախ
և ձայնը գլխին, վիզը երկարած՝
դհուլ ու զուռնա
— տմբլա, հա տմբլա —
պտույտ են ածում խենթացած յայլին,
դոփում ու ցատկում՝ մրրկահուզված անտառի նձևն
սարսուղ ու գիծ պապական պարը:

Դրսում էլ բուքը, փեշերը քաշած,
սառած ձեռքերում բռնել է մթին մի լայն թաշկինակ.
զարնում է գլուխը հարսնիքի դռան,
վազում է հարբած, գլորվում ձորի մեջ,
լեռների կրճքին մրճահարում է բոռնցքները հնչուն,
հետո ժողովում իր կատունների անոթի խումբը,

մլավում է երկար,

խզված կոկորդը ամպերին քսում
և խուլ հառաչում:

Ժամը զարկվում է անհանգիստ ժամին:
Երդիկների վրա հաղթանդամ մեկը ծանր քայլում է:
Այն ո՞վ է շալկել բուք ու բորանը,
երկաթե քայլով այն ո՞վ է գալիս,
ո՞վ է սարսափով թմբկահարում:

Գյուղի հարսները ծամում են մտածկոտ նաբաթի շաքար:
Սանան վախում է, և տղամարդիկ՝
գինով աչքերով նայում են հեռուն,
մի վայրկյան լռում:

Այն ո՞վ է շալկել բուք ու բորանը:

Բայց հայը վաղուց սովոր է ապրել մութ ոգիների
վտանգալից ծոցում.
անիծվի հերը գեշ մտածողի:—
Մաքուր սրտերին թող պաշտպան կանգնի Սանա Մհերը:
Ու ահա զվարթ, արախչին տնկած գլխի կատարին,
թևերը պարզած թիերի նման,
կուրծքը շարժելով,
պարում է նազով թագվոր Հովանը:

Փչում է զուռնան
— տմբլա, հա տմբլա,

մինչ քամին դրսում շարունակում է խփել իր դափը
ու ծափ է տալիս,
և հռհռալով վայում, ծիծաղում...
Եվ ծափ են տալիս բոլոր հյուրերը:
Երգը գինու հետ առատ հոսում է՝
մորթված աքլորի տաքուկ արյան պես,
և Տատրագոմբ,
ձյունի տակ նստած, քսում է գլուխը
թանձր խավարին:

Լուսաբացի մոտ,
երբ լեռան գլխին օրը բացում է իր թարթիչները
և կամաց-կամաց գլորվում դեպի գյուղ,
Երբ արձաթ ձայնով բարձր երգում է աքլորը հանկարծ՝
Սանան պարում է:

Կես մութ անկյունում, անտեսանելի հրեշտակը կանգնած,
նայում է նրան և իր դալկահար ճակատի վրայից
Ներս մտնող լույսի շողերն է պոկում:
Սանան դառնում է երազանման՝

երեխայական բարակ թևերը թափահարելով
Անհայտ և գաղտնի առջևը բախտի:
Իր նշանման աչքերի միջից կայծեր են ընկնում,
և եբենոսե վարսերը առատ
սև նավարկության առագաստի պես
տատան են գալիս, թափվում և սահում:

Սանան պարում է.

պարում է այնպես, ինչպես ամպի մոտ իջնող մի բազմ
ըզգալով շունչը փոթորիկների
պտույտ է գալիս, ծալում թևերը
և արագ նետվում ժայռերի գլխին:

Նա պարզ լսում է, թե ինչպես դրսում քամին կատաղի
մրճահարում է թիթեղի վրա,
պատռում աքլորի երգը խոնփած
ու ոտքը դոփում՝ գյուղի տանիքը սարսելու համար:

Ծափահարում են երկար: Սանահայրերը կատակ են անում,
հարսներին նայում խորամանկ աչքով
և թևը թևին դառնում են դարձպար,
թռչկոտում, ցատկում գնդակի նման:

Ոչ ոք չի տեսնում, ինչպես մտահոգ կանգնած հրեշտակը
կոտրած իր թևը թեքում է պատին
ու գունաթափվում: Սանան կծկում է ձեռքերը կրծքին,
հառում աչքերը դեպի հեռավոր տեսիլքի վրա
և մնում անշարժ:

Մի հյուրի ձեռքից ընկնում է կուժը,
և կարմիր գինին տրեխների վրա ժայթքում է ուժով,
աղմուկով պայթած երակի նման:
«Ախպե՛ր, ինչ է որ... ձեզ դուրքան լինի...
գինին առատ է, և Տատրագոմը խաղողով հարուստ»...
Ծափում են երկար: Հետո լռում են:
Ամեն մի հյուրի ճակատից ընկած՝ կախվում է մի սև,
ծանր մի գիշեր:

խրճիթի առջև մի ձի է կանգնել, իր սմբակները
զարկում է քարին:
«Բա՛ց արեք դուռը»... Բացում են դուռը՝
քամին մտնում է ու թավալ գալիս հարսների կրծքին:
«Խեղ լինի, ախպե՛ր... Այս անգամ խեղ չէ, թուրքերը եկել
հարևան գյուղից աղջիկ են տանում, տավար ու նախիր-
դիրքեր բռնեցեք»...
Եվ լրաբերը ձին մտրակում է ու ճեղքում հովը:

Կաղացող ահը, տնետուն ընկած,
լուռ կարկառում է իր թույլ ձեռքերը,
և ամեն մի տուն նետում է սիրտը՝
ինչպես մաշ եկած մի հին դահեկան:
Հովանը կատղած, հրացանը ձեռքին, խրճիթի առջև
դողում է, սպասում, կրծում շուրթերը:
Սանան գունաթափ, գետին է փռվել, աղոթք է անում
կանաչ աչքերով, անտես իր հյուրին:
Մռայլ է Սասունը:

2

ՀՈՎԱՆԸ ԳՆՈՒՄ Է ԶԻՆՎՈՐ

Հողերի սիրտը զարնվել է խոփին:
Գաշտը՝ ձեռքում ոսկե մի պնակ, տեն-
դահար ման է գալիս:

Լեռան կողից վար թավալող այգի-
ներում խնձորենիների ճյուղերը ծանրա-
ցել են: Աթոռը տանիքի վրա բարձրա-
ցել և, ամբողջ իր ուժով, թևերից թափ
է տալիս արշալույսի ճարճատող կրակը:

Լեռան կատարին ոսկի ճրագ է բռնել լուսաստղը:
Առավոտը —

խշշոցը ձեռքին կարմիր սարկավազ —
ձայնը դեմ է տվել ամպերին —

Հոռովել հո՛--

երգում է:

Երդիկներին ծուխ է ելնում:
Կշկշում են հավերը.

արտույտը լքել է բույնը,
և Սանան, ոտարորիկ՝

լեռան զմրուխտը կրծքին՝
մրսկան ու փխրուն, կովի առջև շոքել է՝
թուլիկ մատնեորով կաթ է կթում:

Այնտեղ վարը

տենդագին արտը շարժում է ուժգին. ուսերը իր լայն
և տավարը

ոտքերը ծռում, քաշում է լուծը՝

բյուրեղով լցված ախոսների մեջ.

այնտեղ վարը, Սանան տեսնում է,

Հովանը թափով հերկում է արտը:

Գլխին սրածայր ճերմակ մի թաղիք,

մեջքին հաստ գոտի,

կուրծքը լայն բացված —

Օրհնյալ է աստված,
Հիշյալ է աստված,
Մանկալ ջան, վարե՛:

Բռնել է մաճը՝ խոփը շշղի,

դարսվեն ու պառկեն

շարքով դուրս եկած գուղձերը հողի:

Արևը ընկել թավալ է գալիս ախոսներում խոր:

Եզը զարկում է ոտքը քարերին,

ծռում է գլուխը

և ուժգին թափով ճեղքում է հողը:

Արտը շատ քար է:

Ի՛նչ փուլթ, թե քար է, աղքատ, տկար է

արտը տոթահար —

Վարենք շատանա,
Տերն ուրախանա:

Սեղմում է գլխին թաղիքը ուժով, քայլում է արագ
Հովանը ահա,
բռում է, կանչում, շվվալով զարնում ձեռքի ճիպոտը
լեռներին ընկնող հորիզոնին վառ.
ուժ տալիս խոփին ամբողջ իր մարմնով,
որպեսզի ճեղքի երկիրը Հայոց՝
զար դարի ետքից դուրս հանի պառկած շերտերը համառ,
շերտերը ծալված
լուռ ոգիների խորհուրդների տակ.—

Օրհնյալ է աստված,
Օրհնյալ է աստված..

Ոմանք հնձում են, ոմանք հեսանում կռացած գերանդին,
ոմանք երգելով խուրձեր են կապում,
խոտը ոլորում, շալկում ծաղիկը
և դանդաղ քայլով բարձրանում լեռը՝
բուրումներ սփռում Տատրագոմի շուրջ:

Իսկ վերը, գյուղը
դրել է ճակտին իր ծանր ձեռքը.
խաղաղ նայում է փայլուն աչքերով
արտում եռացող կյանքին քրտնաթոր,
հեռվում փուլ եկող ադամանդածայր լեռների հսկա,
աղմուկով թափվող աղբյուրների մեծ.
հետո, կամացուկ, սեղմում է մեջքը բարձր քարերին
և մտածում է,
իմաստուն ու լուռ,
վաղվա օրերին:

Սանան վազում է մի երիտասարդ այծի ետևից, որ հիր նշենու
կարմիր հրդեհը բերանին առած,
փախչում է զվարթ
և ծիծաղում է՝ սրածայր մորուքը արագ շարժելով:
Մինչ ճամփի ծայրին
հարբած մի սոխակ բերանը բացել, լցրել է լույսով,
խելառ բաներ է լսում վարդերին:

Մի դեղին ճուարիկ ընկել է շուրը,
մայրը սարսափած կանչում է ափից: Կովեր ու եզներ,
դանդաղ շարժելով լեռներում հնձված ծաղիկի խուրձեր,
իջնում են կամաց, կանգնում, քառաչում:

Արտը պարպվում է:

Խրճիթի առջև, փեշը ճակատին, հոգնած Հովանը
քրտինքն է սրբում և լայն ժպիտով նայում Սանային:

Վերջալույսի հետ գյուղը պառկում է, մաշված դնդբրը
սեղմում է գետնին,
գրկում գիշերը և վերը ցանված աստղերի դաշտը:

Գիշեր է գյուղում:

Մարդ ու կենդանի քնել են հանգիստ՝

Արգանդից բերած սովոր ձևերով

կծկված:

Սանան փռել է վարսերը իր սև

Հովանի ամուր բազուկների մեջ՝

ինչպես հեռավոր, անհայտ մի երկրում:

Ամեն ինչ լուռ է:

Տատրագոմի վրա խորհուրդը իջել

սեղմել է ուժգին իր ոտքը խավար

նրա մտահոգ, այրված ճակատին:

Գիծ-գիծ պատուված արտերի կրծքից,

մռայլ ժայռերի մթին ճեղքերից

զալիս են շարքով մեր հեքիաթները

և երգիկների գլխին շուռ գալով

շարժում են կամաց

իրենց մատներին

վառված մոմերը

և ճամփա ընկնում՝

գեպի սրտերի պղնձե քաղաքը:

Քոնիրների շուրջ թափոր է նստել:

Պառկած տավարի կոպերի վրայից երազ է սահում:

Գոմը տաքուկ է, և եկեղեցու գմբեթի վրա
թառեւ է կանաչ բոցավետ մի լույս:
Պառավ մամերի շուրթերից ընկած խոսքերը գաղտնի
Քայլում են աշխույժ և հոգիների կիսաբաց դռան
Ուժգին զարնվում են ոսկե մուրճերով:
Հայ երազների խորունկ իմաստը
Նստել է լուսե մեծանիվ մի կառք
և ճոճալով

պտույտ է գալիս ոսկե մարգերում
ներ աշխարհների:
Ոմանք նետել են իրենց ուսերին
Սասնա լեռների փեշերը երկայն,
դրել են իրենց տենդոտ ճակատին Սիփանա թագը պսպղուն ու
վառ
և մեջքին կապել ադամանդազարդ սուրը Եփրատի:

Ոմանք էլ գարնան
ծաղկած ծառերով ծփող պատմուճան,
փղոսկրե կոշիկներ և կապույտ մի զրահ՝
Տավրոսի վրայից հաղթանդամ ձեռքով պոկած մի երկինք:

Հետո, խստադեմ ուրիշ ոգիներ,
սև ամպ վարսերով,
Վանա ալեկոծ ծովից դուրս թռած
բարկացած հողմեր
և բուք-բորանով լեցուն նայվածքներ,
արյունած աչքեր, խիստ էություններ՝
երկայն բեղերով, ածիլված գլխով,—
դուրս եկած մթին խորխորատներից:

Սանան նայում է և իր կիսաբաց շուրթերի միջից
պայթած նռան պես հառաչ է ընկնում:
Հովանի բռունցքը սեղմում է ուժգին սանձերը՝ մութի,
և հրեղեն իր ձին բախում է թևը
հարավից սահող աստղերի խմբին:
Երկնքից կախված

մեծ աշտարակը
հանկարծ աղմուկով ընկնում է անդունդ:

Մշո մեծ դաշտից
մի զիւ աղաղակ՝

մինչև ամպերը երկարած ձեռքով՝
ուժով նետում է
արյունով լեցված հսկա մի բաժակ: Մասիսի գլխին
կանգնում է մի սկիհ, և ոսկեալիք փիլոնի տակից
լավում է ձայնը սարսափով լեցված կաթողիկոսի:

Մաղկած ծառերը,

մտրակված ձայնի ահաբեկումից,
պտույտ են գալիս մեկ ոտքի վրա,
և նոր սերմերը, ակոսներում խոր,
աղաղակելով ժայթքում են հողի վառված արգանդից
և փոշիանում...

Այդ պիշերներին
աշխարհը ամբողջ գյուղացիների կոպերի տակից
տատան ծովի պես ծփում է, քայլում.
Տավրոսի շղթան, իր քարավանի պարանը ձեռքին,
առաջ է ընկնում, մտնում է անհուն,
և անապատի հանգիստ երկնքում
ուղտերը դանդաղ աստղեր են պոկում:
Հուսաբացի մոտ քարավանները
չոքում են շարքով
և արշալույսի զմրուխտը ծամում՝

իրենց սրածայր, արյունաթաթախ մեծ ատամներով:
Գյուղը զարթնել է:

Շեմերի առջև

եզներ են կանգնել.
հավերի համար ցանվել է կուտը,
և եկեղեցու զանգը հնչում է:
Տանիքի վրայից աքլորը կանգնել կանչում է բակի
կանաչ ծառերին.—
Ո՞ւր են, ձեզ մատաղ,
Ո՞ւր են բոցկլտող ձեր ծաղիկները.
Սանան կանգնել է, աչքերը ճմռում, նայում է հիացած:

Ամառը հրաշուրթ՝
պսպղուն մի բեռ իր ուսին առած՝

հարբած

ճառագայթավառ կապելաներում

արևի,

կախել է վզին բյուրեղե վզնոց,

ատամների տակ սեղմել է մի վարդ՝

թավալ է գալիս գյուղի փողոցում:

Օգների ճակտին հրդեհ է քայլում:

Կովը քաշում է պարանը կատղած՝

չոում ոտքերը: Քամին շոյում է

հասկերի ոսկին,

և միջատները բզզում են ուժգին:

Ռունգները թրթռուն, երեսը կարմիր, ձեռքերը կրակ՝

Հովանը քաշում, սեղմում Սանային

արևով լցված իր թևերի մեջ.

տրորում է, շոյում,

կծում այտերը:

Ձեռքում պինդ սեղմած ծիծեռնակի պես

Սանան, սփրթնած,

տանում է սերը տանջանքի նման

և իր մանկական մարմինը փակում

անուշ վերքի շուրջ:

Դրսում

դաշտերը հրակեզ թավալ են գալիս,

կանչում է կոունկը,

և թփերի մեջ

հուլը բռնում է ճյուղերի բոցը,

այրում մատները

և կաղկանձելով վազում ժայռերից թափվող աղբյուրի՝

զովագին ափը:

Ինչպես հինավուրց գեղեցիկ արձան,

մեծ մի կուժ ուսին,

ոտքերին նախշուն կանաչ շմուշկներ,

գլխին դեղձի գույն երկայն մի լաշակ,

երերուն քայլով Սանան կրում է օրերի բյուրեղ,

պողպաջուն ջուրը

ու հացը թխում՝

ամառվա հրավառ թոնիրի առջև:

Նա խոնարհաբար մտել է գյուղի տնքացող կյանքի
ծոցը փոշիոտ և ուրախ սրտով, ժայռերի դիմաց,
հատում է հույսին աչքերը վառված:

Տոթահար քայլով՝ օր-օրի հտքից՝ ամառը դանդաղ
անցնում է գնում:—

Ճոռում է սայլը, կովը բառաչում,

և Տատրագոմը թափահարում է իր ծեր գլուխը:

Սանայի կրծքին մի հով է գգվում:

Բացում է դուռը և ալգինների ոսկե հրդեհի ծառուղիներից
տեսնում է ինչպես աշունն է գալիս:

Ողջո՛ւյն քեզ, աշո՛ւն, բարի ես եկել:

գլխիդ ոսկեվառ լաշակ ես գցել,

ոտքերիդ դեղին հինա ես դրել:—

ողջո՛ւյն քեզ, ողջո՛ւյն:

Աշնան հեռացող ողկույզների հետ

գյուղը պարպում է իր երակների

զմրուխտե թասը:

Ժամերով կռացած շինականները

լուռ հաղորդում են

հողերի տակից եկած բերկրանքին

իրենց թևերի պողպատե ճիգը:

Արտ ու արոտը

դարսում է սողուն սայլերի վրա

լեռան կողերի ոսկեհուր բերքը:

Հարսների գլխից շալը ընկնում է,

Քրթոում են նրանց լեցուն կրծքերը,

և ալիք-ալիք պառկած հասկերը

լաշակի գլխին ջահեր են վառում:

Գյուղը տնքում է:

Գաշտը տենդագին շարժվում է արագ:

Կալերի գլխից ոսկե ամպեր են ընկնում ու սողում:

Մարդիկ բոռում են: Ձեռքերը մեջքին,

փորը շարժելով, երգում են կանայք:
Ու երբ գալիս է երեկոն դանդաղ,
վառվում է լեռը,
և մեծ մի լուսին հանկարծ ցցում է ամպերի միջից
պղնձե մի պնակ՝
կալերի մոտը գյուղը պարում է:

Օրվա այդ պահին
ժայռերի գլխին ծերերն են նստում,
վառում են երկար հողե շիբուխը,
հաստ բթամատով սեղմում կրակը
և վարագուրված իրենց աչքերով դիտում են արտում
ոլոր գծերով շրջող դարձպարը:

Երբ են գալիս, հասկերի նման, նազով, երազով,
հարսնեբը ուրախ —
դոփում ոտքը աջ, դոփում ոտքը ձախ
և հռհռալով սահում ծփծփող ալիքի նման:
Աշունն էլ գինով՝

նետվում է դիզված ցորենի վրայից,
ցատկում դաշտեղաշտ և պտույտ ածում լուսնո ջաղացը:
Մինչ տղամարդիկ,
իրենց թևերի հուրը դուրս նետած՝

առույգ շարժումով

հարսների շուրջը ոստնում են զվարթ՝
զնգուն ու շխկուն:
Ժայռերի գլխին նստած ծերերը,
մտահոգ ու լուռ, հոնքերի տակից դիտում են հեռուն:
Դիմացի լեռան

ճամփան շարժվում է: Ձիավորների խմբեր են գալիս:
Նայում են երկար, մտահոգ ու խիստ,
քաշում են ծուխը, աղմուկով թքում՝
լռում:

Աշունը անհոգ՝
մի վարդ է ճզմել, քսել շուրթերին,
արագ ցատկում է դաշտերի վրա
և հռհռալով թավալ է գալիս կալերի հրավառ

և տենդոտ ծոցում:
Սանան ընկել է երգերի լիճը:
Վայրենի բաղի հեզասահ ճախրով նա ման է ածում
ուսերի վրա լուսնո վայր ընկած ոսկե պատրանքը:
Դեմքը վառվում է: Թափված վարսերը
արտի խենթացած ալիքի ծայրին երազ են շոյում:
Ոտքերի տակից կարծես վազում են աղբյուրներ բյուրեղ,
մատների վրա ճառագայթները
պսպղուն ու վառ ակունք են շարում
և զսպված մի տենդ
բարակ, սլացիկ մարմնի վրա ծփում է, նազում:

Ո՞ւր է Հոփսնը, ո՞ւր է Հովանը...
«Կաքավդ ահա թևերը բացել
մեջտեղ է ընկել, իսկ դու կանգնել ես, ինչի՞ ես սպասում»...
Եվ ձեռքից բռնած նետում են նրան շուրջպարի ծոցը:
Մատղաշ եզան պես երկայն տրորում է ու ետև նետում
ուժեղ իր բաշը:
Ժողվում է ի մի դնդերը լարված,
և ոլոր գծով
ոտքի մատների ծայրերին ցցված,
արագ ու կայտառ, նա կոխկոտում է
անտեսանելի հազար օձերի գլուխները կատղած:
Ապա, տաքացած, դանակը ձեռքին,
երգերի շեշտը սրտին մխրճված,
առաջ է նետվում, հարված է տալիս
ուրվականներին վայրենի և բիրտ,
ցատկում է ետև, պտտում արագ,
նետում ոտքերը՝

երդիկի վրա ընկած հողմի պես,
դոփում ու թռչում:
Դոփում է, ցատկում խմբապարհ ամբողջ:
Ձայների ծովում թավալ է գալիս մի մեծ փոթորիկ:
Թմրուկի վրա լուսինը տենդոտ
փշրում է դեղին սաղափ հայելի:
Լեռների ծոցում հովը հարբում է,
և Տատրագոմը
շարժում է զվարթ, ալևոր գլուխը:

Բայց մեկ էլ, պարի էն տաք ժամանակ,
գյուղի ճամփի մոտ աղմուկ է լսվում.
փոշու ամպերից ձիավորների մի խումբ է ցցվում:
Սերերը հանկարծ,

մեջքները ծռած,
լիբուխի ծայրը օդում շարժելով,
գլորվում են ներքև
և խալխի առջև մտահոգ սեղմում
իրենց հոնքերի թանձր գիշերը:

«— Թշնամին եկել,

եկել կանգնել է գյուղի մեյդանում»:

Պարը շմում է: Դհուլի ձայնք
մորթված եզան պես իր վարագուրված աչքը տնկում է
և սարսուռով երկարում ոտքը: Կանայք փախչում են:
Շինականները,
պաղած քրտինքը, ճակատներն կպած,
բեղերի ծայրին կեղծավոր ժպիտ,
ոխր սրտներում՝
գնում են վերև և շարքով կանգնում,
գայլի նայվածքով, զինված քրդերի ահմակի առջև:

— Մեր շեյխը ձեզ շատ բարև է դրկել...

— Բարի եք եկել, աչքներիս վրա տեղ ունիք պատվո:

— Ալլահը օգնի: Բերքը ժողվել եք՝ պարում եք ուրախ:
Մեր շեյխն էլ հիմա իր մասն է ուզում: Ինչպես հերու էր՝
էղպես էլ այսօր: Թող չահեյները սայլերը դիզեն
և վաղը մեզ հետ բարձրանան լեռը:

Հովանը հուզված ուզում է խոսել: «Ինչպե՞ս թե դիզել
և բերքը տանել... ի՞նչ իրավունքով»...

Մերերը ուժգին քաշում են փեղը,—

«տո, տղա՛, լռե՛»,—

չեն թողնում խոսի և կմկմալով
առաջնորդում են վայրագ այս մարդկանց հյուրերի խրճիթ:
Արցունքը զսպած,
ատամների տակ զայրույթ ծամելով,

Հովանը արագ քաշվում է սենյակ, ցատումով նետում
գդակը գետին
և արյունալի խոսքերի վիհում՝ խեղդում է, գլորում
վեզիր և սուլթան:
«Մինչև ե՞րբ պիտի ծռենք մեր վիզը տավարի նման...
Բա նամուս չունի՞նք... Բա մեր ծերերը ամոթ իսկ չունի՞նք...
Մինչև ե՞րբ պիտի»...

Սարի ետևից,

երկար կրկնվող արձագանքի պես,
այս միտքը ուժեղ
խուզ դղրդում է բոլոր վայրերում,
հրավեր է նետում դյուղերի գլխին
և սուր դանակով կրճքերի վրա խայտում մի նշան:

Ամբողջ գիշերը, մինչ շեյխի մարդիկ խմում են, պարում,
Հովանը նստած՝ շուրթերը կրծում ու մտածում է:
Կսկծող սրտով երկար նայում է Սանայի դեմքին:
Նայում է երկար նրա կիսաբաց կրճքի վրայից
սարսուռով սահող շողերին լուսնու,
Նրա գեղեցիկ վարսերին առաս,
մանկության պայծառ ճակատին հոգնած,
չուրթերին կարմիր:
Նայում է երկար ու տառապում է: Ուզում է փաթթվել,
սիրել, գուրգուրել:
Դարձնում է գլուխը, փակում աչքերը:
Արձաթեղանգի ղողանջի նման, հեռավոր մի ձայն,
համառ ու հնչուն, կանչում է նրան:
«Մինչև ե՞րբ պիտի... Բա նամուս չունի՞նք»...

Երբ լուսնշաղի կես մութի ժամին՝
տխուր ճռուտով գնացին սայլերը,
երբ թշնամիները տարան տավարը,
և Տատրագոմը
դողացող ձեռքով սրբեց ճակատի թանձր արյունը
և տրտում նայեց պարապ արտերին՝
Հովանը կանգնած իր շեմի առջև, վագրի աչքերով
դիտեց լեռները և վճիռ առած ներս մտավ խրճիթ:

Տխուր ու լռիկ նայեց Սանային: Ուզեց բան ասել՝
կժեց շրթունքը:

— Գիշեր քուն չեղար... Հովա՛ն, բա՞ն մը կա...

— Ի՞նչ պիտի լինի... բան չկա,— ասաց և մեծ աղմուկով
հազաց ու կարմրեց:

Հետո թռավ դուրս

և վիրավորված որսի շան նման երկար կաղկանձեց:
Խենթի պես շրջեց տների շուրջը, նայեց ամեն ինչ,
ժամ մտավ, կանչեց ծեր քահանային

և խոնարհելով

պատմեց մեղքերը և հաղորդ առավ:

— Ձե՛զ մատաղ, տեսեք, մեզ շուտ ազատեք...

— Սանան շմոռնաք... Ինձ համար ընդմիշտ աշխարհ
վերջացավ...

հայդուկն իր կենդ հոգալ չի կարող, թող ժողովուրդը

հսկե, մտածե...

Քահանան շոյեց ճերմակ մորուքը, պլզեց աչքերը
և ուզեց հուզված մի քարոզ ասել: Թուքը կուլ տվեց՝
լռեց:

Հովանը շոքեց՝ համբուրեց հողը, Տիրամոր առջև խոնարհեց

գլուխը

և արագ քայլով առավ կս:ծանը մոտակա լեռան
և անհետացավ:

Սանան փոռլ է կապույտ սփռոցը:

Դարսիլ է հացը և շեմի առջև մտահոգ կանգնած
նայում է, սպասում:

ՖԵՒԱՅԻՆԵՐԸ

Արևը կոճկում է ձյունն իր ձեռնոց-ները լեռների կատարին: Լուսթյունը՝ ուսը սեղմած մոտիճի կոթին՝ փովել է խորխորատների եզրին: Երբ կրակում է՝ Հայաստանի նշենիներից արլուն է ժայթ-ջում:

Ո՞վ չի անցել Քսենոֆոնի հետ Հայոց երկրով.

Ճամփաների աղեղը ճաթել է.
 նետը խրվել է լեռան գագաթին՝
 դողում է:

Սառը

սրել է սուրը.

և անդունդի եզրի մկանունքները
 պողպատե ճիպոտներով զարնում են հսկա լուսթյունը
 Սասնա և ուրիշ վայրերի,
 որոնց անունը սոսկում եմ հիշել:

Ով շգիտե, որ Հայոց երկրում

լեռները ման են գալիս խմբով:

Երկինքը թափ է տվել

իբր մերկ ծառը: Հողը փոթորկվել է,

և հիմա՝

անկամուրջ տարածությունների միջից՝ սրել է ատամները
 և կծում է անարյուն ամպը:

Ո՞ւր է վազում հողմը,

ինչո՞ւ է բացխփում կապտած շրթունքները, խառնում աղիքները
 սարերի

և թիթեղե թմբուկի վրա խփում մատները
 սառած:

Ո՞ր հայր չի իմանում, որ Հայաստանում
 աշխարհագրական քարտեզը զոդիակոսի վրա
 գրել է կատաղի ցուլը,

որպեսզի սրածայր եղջյուրներով պատռե անհունը,
գետերի հունը, բյուրեղե քարերով շինված
երկնային տունը:

Արտերը կուլ են եկել: Արոտների վրա պառկել է ձյունը,
և անծայր պսպրղյունը
սառած ծովի տակ փակել է գյուղը:

Ուրիշ տեղեր,
ջրվեժների գլխին լալիս է անապատը: Ձորը ոռնում է,
և խորխորատը
դունչը քսում է սառույցին՝ խուլ մռնչում է:

Հեռագրաթելերի սյուները ծովել են: Ձյունը քայլում է,
և գայլը՝
Ֆոսֆորե մի պոեմ է ոռնում ժայռերի հետ կանգնած
և աչքերի սարսափած փայլը նետում է վիհ:
Իսկ վիհերի մոտ, մութ խորշերի մեջ,
փակվել են հայեր:

Հիմարեն՝ր, հիմարեն՝ր...

Մոսին, դանակ, սուր և խաշաձևված պատրոնդաշները
կրծքերին կապված: Դիագոնալ շալվար՝
պատուոված.

չերքեզի փափախ և նայվածքներ՝ կրակ ու բոց քուրա:

Այդքան էլ հի՞ն է այդ պատմությունը: Եվ սակայն, կարծես
կարողում ես վեպ մի հրաշուրթ և ահեղ, որի էջերից
ընկնում են վառված ածուխե խոսքեր և տողը տողին
հարված է տալիս
ուժգին:

Ահա կանգնել է խիզախ Ռուբենը: Տեսեք, շան տղան,
աղեղի նման ձգվել է, լարվել,
այրված իր դեմքը տվել է լեռան,
մի թուղթ է կարողում և հրաման տալիս.—

Կտրել լեռների

Բարձրաբերձ շղթան, անցնել հովիտներ, մագլցել սարեր,
հասնել Մշո դաշտ:

— Մեռելի ճրժեր՝

ձեր ոտքին մատաղ, թե առեք տեսնեմ:

Եվ խումբը ահա ճամփա է ընկնում:

Լռիկ, խստադեմ, ընդմիշտ ուխտ արած պատերազմիկներ,
Վայրի կատուի ցատկոտող քայլով,
մազցում էին Սասնա լեռները, շուք էին դառնում ավանների
մոտ,

կախվում ժայռերից, անջնում վիհերը
և հոգնած շնչով մի երկ մոմոում՝

կոխելու համար նոր զանգվերը:

Հայոց պատմութեան

սրտառուչ ու խոչ բառը արյունոտուշտ
գրված մի դատան դարի ճակատին:
Ամայի լեռանց կույր Հոմերոսը,

թափված աչքերը

հառել է երկրին և բուք-բորանի շեշտը ահավոր
զարկում է գորեղ իր հեկզամետրի երկաթե երչիւն

Գիշերը գալիս լեռների լանջքին նետում էր իր սև
և լայն վերարկուն:

Գազանները մունջ խորշերում պառկած մութ էին ծամում:
Թաթը սերանին

արջը որջի մեջ,

երկար լիզում էր երկնքից ընկած ծանր գաղտնիքը:
Վայրի այծերը իրենց թրթռող, սուր եղջյուրները
մխրճում էին լռութեան սրտին,

և սարսափահար,

լսում ձորի մեջ դոփող զրնգող մարդկանց քայլերը:

Եվ խումբը թափով ճամփա էր գնում:

Մակար ծերունին,—

թիկնավետ լայնքով, բեղերը սրած, հեռավոր գյուղից
դուրս եկած ասպետ, երազկուն ու վեհ
մի խիստ Գոն-Քիշոտ՝

կովան խոյի պես առաջ է ընկել
ու առել կրծքին ճամփի ուրրուն, անհայտ գիշերը:
Նրա ետևից,

կայծկլտող աչքով անտառի ոգի՝ ոտքերը կամաց
ձյունին է տալիս մոլեռանդ Սեյտոն:
Հետո, սեղմ շարքով,
դյուցազներգական աստվածների պես՝ գալիս են ահա,
չերքեզ փափախի վարսերը երկայն գլխին թափ տալով՝
ոտտինն մարմին և կսպույտ աչքեր՝ ետուն Ռուբենը,
նորման իշխանի խարտյաշ մաղբրով՝ Մանուկ Շենրկին,
գունաթափ Չոլոն, եզան պես ուժեղ, բիբերի շուրջը
կարմիր երակներ՝ կովազան Ախոն.
ըմբիշի նման ցատկոտող Հարոն, կարշնեղ Զավենը.
Հոնքերը կախած, աչքերը քուրա՝ Հովան Ֆեդային:

Չյունը տնքում է նրանց քայլերի համառ թափի տակ:

Ոչ ոք չի խոսում:
Այս հերոսները, զվարթ ձեռքերով, նետել են ընդմիշտ
անհայտին բախտի
իրենց սրտերի կատաղի բազեն:

Նորածիլ լուսնի բարակ մանգաղը լեռան ետևից
փորձում է հնձել խավար երկնքի տատան հասկերը,
և ամեն մեկը, իր վտանգալից կյանքի սահմանում,
նստում է մի ձի, հրեղեն թևերով բոցավետ մի ձի՝
գնում հեռավոր հուշերի աշխարհ:

Ոչ ոք չի խոսում:

Հովան Ֆեդային, արյուն տնսած մարդ, իր ժողովրդի
մոլեռանդ սիրտ քաղցը բերանին,
զոհվելու պատրաստ ահեղ խաչակիր՝
քայլում է լռիկ, տրեխների ծայրով տրորում է մութը
թանձր գիշերվա:

Ծրբեմն միտքը —

ամեն մի վայրկյան սպառնացող մահի արծաթ աչքերը
դեմքին առնելով — պտույտ է գալիս վաղուց հեռացած
իր Տատրագոմի երազի վրա:

Սրբերող մոմի դալուկ բոցի պես
ուրվականացած և ճառագայթուն՝ հանկարծ ցցվում է
Սանայի դեմքը՝ ձորը եզերող շովանի առջև:
Լքումի վայրկյան: Սառը կախվում է բեղերի ծայրին,
և նա, բարկացած, ձուռնին է զարնում իր ձեռքի մոսիւն,
թափահարում է իր ծանր բաշը: Ֆեդային պետք չէ
իր ուխտը դրժի հուշով իսկ աղոտ: Որպեսզի մոռնա՝
քթի տակ կամաց երգ է մոմոում: Վերքը բացվում է,
և ահա նորից, ժայռի ետևից, լուսնո սուր ծալը
կպչում է քարին, կայծեր արձակում և նոր մի տեսիլք.—
Սանան լուսավետ ամպի մեջ փաթթված, դժբախտ ու նիհար,
իր մեծ աչքերով նայում է նրան:
Շովանի սիրտը ընկնում է վանդակ, սեղմում թևերի կաթող
արյունը,
կտուցը տնկում, փակում աչքերը: Ի՞նչ գեղեցիկ է, ծաղկած
ծառի պես
հովի տակ թրթռուն:

Սանան, հեզ Սանան...
տաք հացի նման, բերանի մեջը սիրո և վշտի
բառեր է ծամում: Կրժքի տակ բացված դալար արտի մոտ
մի հիմար սոխակ
դայլայլ է ասում: Փափախք ուժով սեղմում է գլխին: Սնաաք
քսում է
թևերում սեղմած հրացանի ծայրին՝ ինչպես հովիվը
գառնուկին մատղաշ: Չորքած կոկորդը ուզեզի խորքում
որսում է մի հին սրտմաշ մեզեզի՝
ուր սեր է ասված, լքման տառապանք և ճակատագիր:
Բայց մեկ էլ ահա, առաջի շարքից,
Պարոնը կատղած նայում է ետև և խստիվ ձայնով,
«Ճրժեր, շան տղաք. ի՞նչ է՝ քնել եք. քամին մեզանից
առաջ է անցնում»:

Սվ խոր ձյունի մեջ
խումբը դոփում է և ցատկոտելով ճեղքում գիշերը,
անցնում օխտը սար, հասնում Շուշնամերկ,
և խուզարկելով երկնքի ճամփում դժգույն մի աստղի
ուղեկորույս լույսը՝

լուսաբացի հետ զլորվում է հովիտ,
գրկում արևի կարմիր փունջերը
և նոր ուժ առած՝ ուսերի վրա սառած քրտինքը թափահարելով,
հսկա Կուստիկի կողն է մագլցում,
ճանկատում ժայռեր
և թավալվելով նետվում զառ ի վար,
որպեսզի շուտով, Միրնկատարի ահեղ բարձունքից,
համարձակորեն, հալածե ներքև ժողված թշնամուն:

Ձյունը տնքում է նրանց քայլերի համառ թափի տակ:

Հայոց լեռները, արևով լցված երկնքի գրքում,
կարդում են դարի ահեղ հեքիաթը
և ամեն էջի երերող կողքին՝ կպցնում են վշտի
արյունած մի աստղ: Հետո շարժվում են,
իրենց բերանը լեցնում են հովի խուլ հառաչանքով
և ման են գալիս՝ շվարած խմբերով,
հալածված, դժբախտ փղերի նման:

Մի լեռան գլխին կանգնել են հայեր:
Այրված դեմքերով, ցեխի մեջ կորած, հոգնած, շնչասպառ,
բայց վառ
ցասումով հսկա և կատաղությամբ.—
սպասում են նրանք:

Պարոնը պառկած, հեռադիտակով,
կարմրած աչքերը նետել է ներքև և սիրտը կպցրել
ամեն մի քարին: Այնտեղ, դաշտի մեջ, տաճիկ զորքերի
ուժեղ վաշտերը գյուղերի շուրջը օղակ են կապել:

Խաչերի կրծքին գնդակ է մտել, և երդիկները
պառկել են մեռած:

Խարույկների շուրջ՝ խմբված են զորքեր
և մարդիկ գինված:

Մի քանի շներ: Անցնում է մի սպա,
ոտից քարշ տալիս պսպղուն մի սուր: «Ո՞ւր են հայերը»:
Հսկա լուռություն: Ձյունը թաղել է ձևերը մարդկանց.
ձորը կլլել է բուրբ ձայները:

Սակայն, ականջը էթի կպցնեք
սառած ու լռիկ հայոց հողերին —

Սիփանա Կողմից

մինչև Սասնա մոտ,

մինչև հարբերդի,

մինչև Տավրոսի հեռավոր ծայրը,

լեռների հսկա թոքերի մեջը, կշարժի փնթակը

ահեղ ձայների: Պատմության պատռած

շրթերից կելնեն սուր աղաղակներ:

և հողերի տակ բաբմահաղկանը գերեզմանները

մ'՛ծ դղողոցով կիջնեն անդունդներ:

Կտորած ձեռքերով, դողահար ծերեր շարձր կճշան:

և մայրեր, սպանված՝ ճեղքված արզանդը,

արյունաթաթախ դրոշակի նման, պցցեն նորից անհունի գլխին:

Խումբը սպասում է:

Մի քարի վրա, առանձին կծկված, զինվոր Մակարը,

հրավառ աչքերով, դողում է, դիտում՝ կարծես մեծ տոնում

նա պիտի պարի: Մյուսները շոքած, ժայռերի ետև,

շոյում են մոսին ու գայլերի պես նայում են դաշտում

այրվող ֆեսների խմբերին ցրված:

Ամեն մի փամփուշտ իր զոհը ունի: Ամեն մի վայրկյան

մի ժամ է երկար:

«Ձեզ տեսնեմ, քաջե՛ր».— և խմբապետը հրաման է տալիս

լեռան կատարից համազարկերը,

թիթեղին կպչող կարկուտի նման, տեղում են ներքև,

և խոր ձորերի արձագանքները

թմբուկ են զարկում: Լճի երեսին, որսի ժամանակ

նստած բադերի երամաների պես, թշնամին շվարած

վազում է շորս կողմ՝ պատերի ետև ապաստան փնտրում:

Ոմանք փովել են երեսի վրա և դեմքը տվել

արյունած ձյունին: Հստակ է սակայն, թե ինչպես շփոթված

թուրք սպաները հրաման են բոռում,

վազում, աղմկում,

հետո խումբ առ խումբ, գալիս են առաջ

և համազարկին նոր համազարկով պատասխան տալիս:

Վաշտը օձի պես սողում է դանդաղ, հետո նետվում է

ժայռերի ետև, ցրվում, ետ վազում,

ու համառ շարքով,
քարերի գլխին օղակ է կապում՝ մագլցում վերև:

Ֆեդայիները, վայրի այծերի ճկուն շարժումով,
փոխում են դիրքը, կրակում, վեր ցատկում և կատաղորեն
հնձում թշնամու սեղմած շարքերը:

Միայն Մակարը,
ծերացած խոյը, կովում է մենակ անդնդի եզրին,
արյունաթաթախ. թուլցած ձեռքերով, և էլ ուժ չունի
տեղից շարժվելու: «Մակա ր, վեր արի»: «Գուք գացեք, տղաք,
դեռ փամփուշտ ունեմ»:-- Եվ վերջին թափով,
ապլանի նման, ահապոր ու մեծ, հա հարվածում է
մոտեցող զորքին, իր վիրավորված բերանը ծռում,
դուրս թքում արյուն, հայհոյանք ու ոխ, կանգնում ուժասպառ
ոտքերի վրա՝
քաջասրտոտեն վայր նետվում անդունդ:

Թող այլ երկերում հնչե ոսկեձայն Ռուլանի փողը:
Ձեն ու զարդերով, սրերով փողփող և կորդակներով
թող առաջանան ասպետները ժիր Կարյուս Մեծի,
և ղղյակներում,
նուրբ պրինցեսները թող երգ հառաչեն,
լուսե ձայներով, հերոսի համար:
Հայոց լեռների դաժան վայրերում, միայն ձորերի
ոգին է դժգույն.
որ իր գլուխը զարնում է քարին և կաղկանձելով
թավալ է գալիս:
Արևամուտի վառված հողմերը նետվում են չորս կողմ,
արագ թպրտում՝ պեղում ձյունի մեջ խոր գերեզմաններ:
Մերուկ Մակարի փշրված մարմնից արյուն է հորդում,
և մահը նստած, մոմե ձեռքերով, մարում է կամաց
նրա աչքերի երկրային լույսը:

Հեովից Սասունը
իր բազուկները բախում է հուժկու
իջնող երկնքին և, ծանր ձեռքով,
պատռում ամպերի բոցավետ ճամփան:

Գիշերը

խարազանում է լեռը: Որչերում Պաքնված,
Ֆեդայիները մաքրում են մոսին և գրկախառնվում
աստղերի հետ:

Այնտեղ, դաշտերում, թշնամիները,
իրենց հաղթություն ամօթը սեղմած գունատ երեսին,
վերադառնում են քանդված գյուղերը և քաշկուտելով
Մակար հերոսի խոշտանգված դիակը,
տանում նետում են բաց հրապարակը:

Նրանք չեն տեսնում,
թե ինչպես վանա ծովում ընկզմած
սրբերը բոլոր
ալիքների հետ նետվում են ափը
և ոռնում քամու սանձերը բռնած՝ սուրում են արագ
Հայոց աշխարհում
ու աղոթքների մի դարձպար դառնում դժբախտ հերոսի
չիրիմի առջև:

Լեռների հսկա մագաղաթներում գծված ու ներկված
նահապետները, ոգիները քաջ, թագավորները,
վանքերից ելած դալկահար ու խեղճ
հայ Մարիամները՝
ծունկի են գալիս:

Հովիտների մեջ, երկաթե քայլով՝
կայծկլտող ու վառ սաղավարտներով՝
ահա անցնում են լեզենդաները,
ու հայ պատմություն
թափորը հսկա, գուրս եկած մթին
դարերի խորքից,
անցնում է լուկ ու նորից մտնում
մեծ խորհուրդների աշխարհը պայծառ:

Յուրտ մի գիշեր է: Հեռագրաթելի ծոված սյուները
խուլ հառաչում են: Արջը իր թաթը ուժով խփում է
հրավառ աստղերի շարժվող փեթակին
և ցավից ոռնում:

Ձորը կրկնում է
այդ ձայնը ահեղ, և երեք անգամ քամին զարնվում է
ճրկնքի դռան:
Մակար ծելուհին, տրեխները մաքրում, մտնում է երկինք:

4

ՍՍՆԱՆ

Խնձորենու ծանր ճյուղը զարնվում է
խրճիթի դռանը: Ամառվա ձեռքերը տաց
են: Երբմն հովը հարբում է և՛ կարմիր
ատամները բաց արած, վազում:
Միրզը աղմուկով վայր է քնկնում:

Լքված իր տան առջև կանգնած՝ տխուր, տրտում՝
այրվող պղնձի ժայռերին է նայում Սանան,
ճեղքված լեռան միջից սահող լերկ ճամփին է նայում Սանան,
դալար դաշտին, կապույտ ու խոր երկնքին է նայում Սանան,—
ինչպե՞ս եղավ, ինչպե՞ս եղավ,—

չի հասկանում ոչինչ:
Բնից ընկած թշվառ ճնճղուկ՝ երեխա է այրի:
Թևերի վրա վիշու է ծալվել,
աչքերի մեջ վիճ է ընկել,
մինչ խրճիթի շեմի առջև,
թպրտալով,
սողում է մեծ մի հառաչանք:

Տատրագոմի ճաղատ գլխից բոց է թափվում:

Ճամփի ծայրին,

ծանր փոշու ամպերի մեջ, ճոռան մի սալ վեր է քաշում
աղմկալից մի ձանձրոյթի գիզված բեռը:

Լեռը մերկ է:

Մեծ շները պատկել են լուռ, և հավերը կտցում են

ստվերը:

Իսկ Սանայի սրտում տխուր փորել են խոր
մի գերեզման և թևերի շուրջն են անցրել մի ժանգոտած
ծանր շղթա:

Ի՞նչ է Սանան,— ֆիդայու կյին, ընդհիշտ մեկնած
ողջ մի մարդու դժբախտ այրի, գյուղի ճնշիչ նայվածքի տակ
քայլող մի շուք՝ մենակուսություն և հիշատակ:

Տարիների թշվառ գամփոք, կոտրած ոտքով,
ցատկոտում է իր մթազին երազների հոտի առջև,
նայում սարի խորշերի մեջ անձայն քայլող ողբերգության.
ականջ դնում ձորերի մոտ ոռնող ձայնին և սպասում:

Շայը գլխին, աչքը տնկած ճամփաների օձառյուր և խաբուսիկ
սահող շուքին,
շուրթերի մեջ ճիչ մի դժգույն ուժով սեղմած՝ Սուրան սիւսո
ման է ածում խոր լուսության խոպան դաշտում,
դնում ձեռքը գոց ճակատին, նայում փնտրում.
— Ամա՛ն, անցո՛րդ, լեռան գլխից երբ կսնցնեիր՝
հայրուկների խումբ շտեսա՞ր: Մարդիկ ասին, քրդի սարյ
գյուղերի մոտ կռիվ եղավ և իմ էրիկ գինվոր Հովան
հոն էր անշուշտ, արդյո՞ք զարկին, արդյո՞ք մեռավ...

Եթե ողջ է,

գոնե խաբրիկ շուքե՞ց ղրկել Տատրագոմի հարս Սանային:
— Քույրի՛կ, վալլա՛հ, բան չիմացա: Հովիվները բան չգիտեն:
Ըզորդ է որ կռիվ եղավ՝ համա, ովքե՞ր ընկան, մեռան
և ո՞ւր գացին մեր կտրիճներ՝ ոչ ոք գիտի:

Օրը օրվա փեշը բռնեց:

Գյուղի մարդիկ, պաղած ու հեզ աչքերով,
իրենց ծռած ուսերի վրա քուրջի կտոր շարժելով,
ամենօրյա աշխատանքի բեռը տարան և կապարե հոգսը դաժան:
Սանան տրտում,

տաշտի առջև լվացք ալավ. մացառ ժողվեց անտառի մեջ
և դռնեդուռ մուրաց հացը—
ու կոտ մի ոսպ, փեշ մի ձալար:

Օրը օրվա փեշը բռնեց:

Ձմռան անվերջ գիշերներին, երբ սուրացիկ, խեղճ աստղերը սրսբփայլով մտնում էին փլած ամպի խրճիթից ներս, և սարերը իջնում էին գյուղի փողոց և ման գալիս աղմկելով,—

Սանան կծկված օջախի մոտ, իր դալկահար, լուռ հրեշտակի ձեռքն էր բռնում բոցակրկված և դողալով մտիկ անում՝
երդիկներից գալստնի իջնող հյուրերին:

Այնտեղ ներսը, իր մսերի մեջը նստած աշխարհում՝
վառ աչքերով մեկն էր քայլում, բախում դուռը լուսե մի տան,
ցցում մուկը

և վնր եյնում

երակների սանդո՞ղքներով:

Բակում, շորցած թփերի մեջ, քամիները վառում էին մի խարույկ ու սողկտում: Լեռը դանդաղ երերում էր, և մրրիկը ուժեղ բռունցքով

հարվածում էր ժամի զանգը՝

մղկտալով գլորվում մի ձոր:

Հետո, լսված հեքիաթներից, դուրս էր ցցվում հանկարծ մի կին՝
մկան աչքեր, սրածայր ծնոտ, ձեռքին ավելի
և առջևից մի բոցավետ երկայն գոգնոց:

Մտնում էր ներս,

փափուկ քալու՞ւ, հոհալով պտույտ գալիս
և դժոխքի թոնիրներից ժողված կրակով

քաշում մի գիծ,

ցանում խոսքեր բլմբոցիկ

և կուզ եկած՝

պարում մի պար գեհնական:

Սարսափահար, փաթաթվում էր իր հրեշտակին
Սանան

և երազի բարձի վրա սուստ նետում խոր գիշերը
վարսերի և լայն բացված իր աչքերի
լույսը տրտում:

Հաճախ նաև,

քնած ժամին, երբ իր մարմնի սարսրոագին
լուսանցքների առջև կանգնած թուխաչ մի ստվեր
սրինգ էր ածում, և արծաթե զանգակները
հնչում էին մեղմատատան,

ու իր ուռած կրծքերի մեջ
ոսկեկատար հասկ էր ծաղկում,—
մեկ էլ քամին, հուժկու զարկով, իր խրճիթի
ծոած դուռն էր թափահարում, ճռնչալով վար էր նետում
կողպեքը թույլ
և բարկացած մտնում էր ներս:

Սանան վախցած,

ցատկում էր վեր, կանչում շուքը սրբերի.
և դողահար ձեռքերով
հրում, փախցնում ձյունաթաթախ լեռան հյուրին:
Ապա շոքած, նա քսում էր իր ճակատը դալկահար
գոց երկնքի պատերին

և ժամերով աղոթում:

Ձինվոր շուվան էլ գյուղ շեկավ: Լուր չխարրեց, փող չղրկեց:
— Ամա՛ն, ախպե՛ր, լեռնեն անդին,
մարդս տեսա՞ք: Տատրագոմի հարս Սանային մի բան շտսի՞ն:
— Դե քեզ ասինք՝ մարդ շտեսանք: Տեղդ նստիր, սպասիր

հանգիստ

Տարին տարու փեշը բռնեց:
Նույսը կտրած, էլ հարց չտվավ, էլ աչքերից հովիվների
գաղտնիք քաղել չաշխատեց.
Սանան լոնց:

Անցան գնացին քանի ամառ, քանի ձմեռ:

Հիմա,

թզուկ թփերի վրա, նորից ահա, պարս են տալիս
գյուղի նիհար ճնճղուկները:

Կովը գոմի բացված ճեղքից,

իբր թրթռուն ունզներով, ներս է քաշում բույրը գարնան:

Նովը վառ է:

Մինչ տանիքի վրա կանգնած՝ արյունաթաթախ լույսերի

Ժողին է սուգում իր գագաթը և կանչ կանչում աքլորը:
Միծաղում է Տատրագոմը:

Կուժը ուսին,

Թավշն սալոր աչքերով,

Հոնքերը սև ուլոր կամուրջ, կուրծքը ուռած առագաստ՝

Սանան աղվոր՝ լիճը ընկած արևի պես

պսպղալով և մեղմաճեմ,

չինար թոյի սուգներն է նետում

տղամամրդկանց աչքերին և մրգերով ծանրաբեռնված ծառի նման
նազ երազով երերում:

Իր գիստերի թրթռացող հմայքի համար, իր հուլանի

բազուկների և դուրս ցցված ստինքների

անրջային պերճության հետ

հաղորդվելու համար ընդմիշտ՝

շատեր պիտի ցանկանային զոհել կյանքը իրենց շահել:

Բայց ֆեդայու կնոջ հանդեպ ո՞վ կարող էր

նայվածքով իսկ մեղանչել: Ո՞վ կարող էր հետը խոսել

կամ աչքերի միջից քաղել բոց մի դալուկ...

Տեղայու կին՝

գյուղի պատիվ և հիշատակ շատ սրբագին:

Միակ ծերուկ քահանան, հաճախ կանգնած շեմի առջև,

խորհրդավոր ձևերով, լեռների մութ ուղբերգության

լուրն էր բերում և պատռոտած փափուկները

տրտմորեն քաշքշելով՝

հեռանում:

Ոչ մի ուրիշ այր չէր գալիս Սանայի մոտ: Զլինի թե գեշ
մի բան մտածեն...

Իսկ զարունը աճում է: Հողմը զարնում է կալը,

և վայում է աղավնին վայրենի:

Յեխը, ձյունը,

պիծակը դեղին, բարդիների ջերմը արծաթ

և հացը սև՝ հողի ոսկե շրթունքներից պոկած խմորով

թիված —

Սանայի երակներում՝ հօւր, ու գինով սողունների երամներն են նրանք դիզում:

Ամեն գարուն՝ մի բուռ ծաղկած բոց է տալիս.
ամեն ամառ՝ խորքում մարմնի տառապագին,
պտուղների եռուն ու խոլ հյութն է շարժում.
ամեն աշուն՝ նրա սլտի մեջ պայթող նռան ճիւղ է նեւտում.
ամեն ձմեռ՝ ոսկեհեքիաթ երազներ: թաքուն ու լուռ
բույն է բացում:
Զեփյուռի տակ սրսփացող վարդենու պես,
այնպես, ինչպես կարմիր գինով մինչև ծալրը լեցված բաժակ,
լուսաճաճանչ քըքանքով եռող հրաշուխ.

ինչպես գարնան

բուրումնավետ պարտեզի մեջ թաղված մի հով. --

Սանան, հմայված, անտառի մեջ

ման է գալիս

հազիվ ոտքը գետին տալով՝

սահելով:

Կանգ է առնում ու թրթռուն ունգ: Կրով շունչ է քաշում:

Ինչքան քաղցր է

ամառային տոսախների բույրը ուժեղ.

Արևի բոցկտացող ձեռքերից երամ-երամ հօւր է թափվում,

և օդի մեջ շիկագանգուր՝ արծաթաձայն

բզեզներ են աղմկում:

Ի՞նչ լավ օր է: Կարծես կրծքի՞

մի նուննու ճյուղ է ընկել:

Ոտքերի տակ ծով է տատան, ամեն մի քայլ

վայր է նետում մի խենթ կոհակ, և թանկագին ակունքներով

ծածկված օձեր՝ իր իրանի շուրջն են պլլվում և թափ տալի:

բազուկների ծառը հասուն:

Ինչքան քաղցր է

ամառային տոսախների բույրը ուժեղ: Կարծես մեկը

իր ոտքերին, կրակով հյուսված,

գուլպաներ է հագրել և ուսերին նետել մի շալ

բոցակիրված:

Կարծես մեկը իր կրծքերի անտեղից
վարդ է քաղում և շրթերի աղբյուրից սեր է առնում:
Սիրե՛լ, սիրե՛լ...

Ճառերի տակ, դալար խոտի գիրկը ընկած,
թավալվում է և կես նվաղած, այտը քսում թավշյա գետնին
և ձեռքերի տենդը հետում դալար եկող խոտերին:
Ապա հանկարծ, ինքն իրենից վախենալով, ցատկում է վեր,
վազում գյուղի եկեղեցին
և քարերի վրա փռված, կարմիր ու վառ շրթերով,
փսփոռում է Աստվածամոր ականջին
մի աղոթք.—

Աստվածամե՛ր, լուսիդ մատաղ, սրտիդ ղուրբան:
Դու, որ մայրն ես վիրավորված զավակների,
գրկիդ մեջը արյունթաթախ թավալ եկող վշտերի.
Ինչպե՞ս ասեմ, որ հասկանաս, ներես, ուժ տաս...
Դու, որ մայր ես տխուր, լռիկ և վշտավոր հարսնելի.
դու, որ մայր ես լքված, հորթուկ աղջկանց.—
աչքիդ ղուրբան, գթա՛, գթա՛ արգանդիս վառ.
գթա՛ սրտիս, գթա՛ քաղցր երակներիս...

Կիսախավար եկեղեցու պատի վրայից,
շալի մեջը փաթաթված, պառավ մի կին,
սուր նայվածքով, Սանայի վառ աչքերից
հուր է քաշում,
և շուքերը ման են գալիս անհանգիստ:
Սանան շոքած՝

համբուրում է քարը ժամի
ն անորոշ փոշու մի համ բերանին,
երերալով դուրս է գնում:
Գյուղի մարդիկ՝ ֆեդայու կնոջ
նայում են խոր, գաղտնիք պեղող նայվածքներով,
աչք են անում մեկը մյուսին,
հազում, թքում
և շիթուխից երկայն շունչով
ծուխ քաշում:

Երբ արևոտի առավոտյան կանչը կարմիր
լեռան գլխից արագ անցնող բոցակիզված հավերին

ցույց էր տալիս Տատրագոմի փարոսը հիրւ,
և ծառերի ճյուղերից՝ աղմկալից երգ էր հոսում,—
Սանան վաղուց ճամփա ընկած, հուշիկ քայլով,
մազլցում էր կողը լեռան, իջնում էր ձոր,
և անտառում փայտ էր դիզում:

Քփերի մեջ արշալույսը կրակ է մաղել սրնգաթոր:
Քոչունների այրվող, մետաղ ձայներից
և լայն փոված ամպերից՝
մի ալ-վալա, կարմիր լալա,
քող է ընկել սարերի վրա:
Սանան մենակ, կաղնիների պսպղացող կանաչի տակ,
լցված սրտից բաժակ-բաժակ
հույզ է բաժնում
և երգ հրգում, մելամաղձոտ և թավ ձայնով:

— Ո՛վ բախտ, ո՛վ բախտ, մաշեցի աչքերս իմ
ճամփաները նայելով.

վիզս ծովեց ուրիշների դռան մոտ.
սիրտս մնաց ինչպես կաքավ վիրավոր,
ինչպես մորթված մի խեղճ ճնճղուկ,
ինչպես այրի մնացած լորիկ:

Քանդվի գահը սուլթանի —
յարս գցեց սար ու ձոր.
լույսս առավ դուշմանը,
հոգիս տարավ ասլանը:
Քանդվի գահը սուլթանի...

Ու Սանայի ձայնը տխուր հեծկլտում էր անտառի մեջ
ու թևարկում լալաթրթիռ, ինչպես զարնված,
իր երամին հասնել փորձող, կուրծքը պատռած, վայրի մի բաղ:
Տերևների շնչոցը վայր է թափվում

և հովի հետ՝
նրա գույնգույն շրջազգեստի ծալքերի մեջ
և եռացող
փեթակի մեջ կրծքերի՝
կամաց խաղում:

Սանան լուում, կանգ էր առնում հմայված, —

դա ի՞նչ բան է.

կանաչ ձայնը անտառի
և ոտքի տակ՝ խոտը բոց է,

քարը՝ կրակ:

Ո՞վ կարող է հասկանալ անտառների մեջը ապրող
գաղտագողի ոգիների խորհուրդները: Մառերի
ձայնը ծպտյալ ո՞ր սրտի մեջ ջահ չի վառել,
ո՞ր երկնքից ամպ չի քաղել, ո՞ր գանգի տակ
երազների լույս չի թաղել:

Սանան լուում, կանգ է առնում հմայված:
Հետո կծկվում —

գույնը նետած և գողալով —

կարծես ուրիշ մի աշխարհի արձագանքի
կոհակներ են փշրվում:

— Ո՞վ լե, լե, լե, հայու աղջիկ.

ո՞վ է քաշել պատը սրտի,

ո՞վ է սիրո սահման դրել:

Ձիս արագ է հովի նման,
ձեռքս վարժ է կռիվների —
քուրդ եմ թիկնեղ և ականջիս
բարակ ոսկե մի օղ ունեմ:

Ո՞վ լե, լե, լե, հայու աղջիկ,
դեմքիդ վրա լույս է ընկել:
ես քեզ համար առնեմ դոտի
հարուստ ու մեծ ակունքներով.

Շիրազի լայն խալիներով
չինեմ մի թախտ
և մեր շեյխի կնոջ նման —
Ո՞վ լե, լե, լե, հայու աղջիկ,
քեզ տամ պատիվ, անուշ շերբեթ

ու վառ սրտիս նուրբ քամեմ
Ստամբուլի բաժակի մեջ,
Քամեմ ու տամ խմես, հուզվես,
ո՛վ լե, լե, լե, հայու աղջիկ:

Սանան վախցած ուզում է շուտ գնալ, փախչել,
Այդ ձայնը թավ՝

տերևների միջից սահող
դողդողացող լույսի պես՝
երազների հմայք է սփռում աչքերում:
Կարծես հնչուն անտառի
ամեն կողմից ոգիներ են դուրս գալիս
ու ոսկեզօծ շղթաներով
կապում սիրտը ու կաշկանդում քայլը տատան:
Այտերի վրա վարդ է կախվում,
և կրծքի տակ, ալիք-ալիք, հուզումներ են փոթորկում:

Երբ ծառերին կպչելով, խրխնջացող ձիու վրա՝
թամբած նախշուն կարպետներով՝ դուրս է գալիս
քրդի տղան և իր թավշյա, սալորագույն աչքերով
նայում է նրան, Սանան նվաղած,
վայր է ընկնում:

Անտառի մեջ ոգիների
ազմկալից և հոհոուն մրրիկներ են բարձրանում:
Ամեն կողմից
բոց է ելնում:
Նոռների նեղ կածաններով ձին թռչում է:
Քուրդը ուժեղ բազուկների մեջ է սեղմել
Սանային:

Մտրակում է ձին.
լեռը փախչում է:
Իսկ ետևից, թևը տնկած, վազում է

հրեշտակը վիրավորված:

ՄԱՀՐ

Կապարը զարնվել է տատրակին:
Վերքը մտել է երգի մսերի մեջ, և եր-
կինքը վայր է գորվել՝ թեք ծռած:

Որսորդը վազում է, թռչունի թպրտա-
ցող մարմինը ձեռքերի մեջ է առնում և
արագ շարժումով վիզը քաշում:

Գինեմուլի տղու հիվանդ ձեռքերի պես,

սարսուռում է օղբ աշնան.

երերալով քալում, ցատկում —

պղնձե գլուխը զարնելով

լեռան կողին

և մատնների զրնգացող բոժոժները՝

դաշտերին:

Կովերի թեժ շրթունքներից

կրակ է կաթում:

Սեպտեմբերը ձորը լքել,

Կուրս է եկել —

հագել բրոնզե շարուխներ,

երկար շուխա

և գուլպաներ բոցակիզված՝

ման է գալիս մարխա:ցած

և մտրակով հյուսված դեղին բոցերով՝

մտրակում է պարտեզները

հրավառ:

Լեռը լեռան հոնքերի տակ լույս է փորում:

Ճամփան.

տմույն երկինքների բողբ առած,

ժայռի կարծր կողից ի վար՝

սահում է.

և դաշտի շուրջ ոլոր գալով

թափ է տալիս կրծքի փոշին

և մազլցում

դեղին մի բլուր:

Բլրի վրա՝ ճերմակ մի տուն և քարձրաբերձ

մի կաղամախ: Չորս ոտք բաղչա և քարե մեծ
մի նստարան:

Մի վարդենու

դժգույն թփի առջև նստած,
թախժոտ դեմքը հառած հեռուն,
Սանան՝ գլխին կարմիր լաշակ
և ձեռքերին հինցած ոսկու գուլնի հինա.—

Նայում է լուռ

և մղկտող իր աչքերում

սեղմում

տխրաշալուկ հովը աշնան:

Նայում է լուռ, բլրին, լեռան,

հորիզոնի ծայրին ընկած Տատրագոմին

և իր սրտի վիհում պառկած անասելի

վշտի խաչին՝

վերքի նման արյունած:

— Յավրում, աշո՛ւն, ասիր, ախպար,
կարասներիդ գինով հրավառ
ինչպե՞ս եղավ, որ վառեցիր, գինովցուցիր
սիրտս տկար:

— Յավրում, քույրի՛կ, ես խոմ չէի, այլ իմ ախպար,
իմ մեծ ախպար Պարոն ամառ —
տվեց սրտիդ հրակեզ մի ջահ
և շուրթերիդ բոցն բաժակ:

— Յավրում, աշո՛ւն, ասիր, ախպար,
ինչո՞ւ բախիր զանգին հրաշեկ և հոգեթով՝
ընկար գիրկս թավալվելով: Աման, ինչո՞ւ
մսերիս մեջ թրթռացիր և թևերիդ
խայտող հուրը զարկիր կրծքիս՝
արյունեցիր:

— Քույրի՛կ, աման, ես խոմ չէի, այլ իմ ախպար,
իմ մեծ ախպար Պարոն ամառ, արևավառ:
Սպասիր վաղեմ, լեռան ետև, ճաճանչների կարավանի
առջև ընկած իմ մեծ ախպոր հասնեմ, հարցնեմ...

Եվ աշունը բաց է անում թևերը հիւր և շնչասպառ՝
աղմկելով, մղկտալով՝ սուրում արագ
և ոսկեմուգ իր ձեռքերը քսում սարին, պարտեզներին
և գյուղերի տանիքներին մերկ ու տափակ:

Տատրագոմում, այգեկուծի եղանակին, իբրև սուգի
և ցասումի մեծ մի նշան՝ երգ չեն երգում, պար չեն պարում:
Յվիթների եզերքին կծկտում են ճնճղուկներ:
Փողոցներում՝ փոշի և թրիք, ոտաբոբիկ երեխաներ,
քամու միտինգ:
Սանւյի լքված, փակված խրճիթի մոտ զամփռ է նստել
և երկարած ոտքերի վրա սեղմել գլուխը մտահոգ:
Հարեան շինականի պառավ կինը -- Բուիկ Դեղեն --
լվացք է անում տաշտի մեջ և փրփրացող օճառի հետ
շարժվում դես-դեն, ջղայնացած թևը ծալում՝ փրփրում:
Շուրջը՝

կանանց պառլամենտ և հավերի կշկշոց:
Գոգնոցների տակ խաշկապած ոսկրոտ ձեռքեր
և շուրթերի շուրջը փորված ատելության և նախանձի
երկայն գծեր:

Կարծր խոսքեր՝
կարասի տակ քացախ դարձած գինու նման՝ կծու, լեղի:
— Հո՛ղը գլխին: Լույս շտեսնի՛ պաղի, մեռնի: Աղիթները ըն-
րանան:

Արգանդի մեջ օձ բուսնի:

— Վա՛յ մեզ, վա՛յ մեզ... Հայու կնիկ՝ քրդի լաճի հետ փախչի...

— Իի՛, իի՛... Վա՛յ, վա՛յ...

— Ա՛յ անհավատ, ա՛յ անամոթ, ա՛յ աննամուս...

Եվ զայրացած, խաշ են անում, սուրբ Սարգսի փեղը բռնում,
Բեղը քաշում և վհուկի ձևերով,
բարը ճեղքված ջաղացի պես, աղմկում:
Մի քիչ հեռվում, մեյդանի մեջ, տղամարդիկ —
ծեր ու ջահել, կատաղորեն,
իրենց ծալված բուռնցքների կոճղը տալով լեռներին,
չիբուխների ճպոտներով օդն են զարնում
և վառվուռն աչքերով ժայռ փորում:

— Թող մեծավորներ, թող քահանան, վարդապետը, ով որ ուզե՞
Տատրագոմի անբիծ դեմքեն մուրը հանե...

— Բա մեր պատիվ կրնա՞ տանիլ, բա մեր սարի կտրիճները
կրնա՞ն տանիլ... բա շովանը տղամարդու արուռ շունի՞...

— է՛ն, է՛ն բողը... է՛ն, է՛ն դեհ ելած ձագը... էն, էն, էն, էն....

Եվ ձորեծոր, և սարեսար, և գյուղից գյուղ՝
արտերի մեջ դիակ է ցկնում մի կանաչ իժ—
սողում, սուլում, ջղայնացած պոչը զարնում
ու թունավոր, երկայն լեզուն քսում թափած արյունին:

Լեռներից վար, լեռներից վեր, դաշտի ծայրում,
խորխորատի ստվերից կախված, բլրի ծոցին լռիկ թաղված,
գյուղերում՝
ամառային միջօրեի ճպուռների ճռոցի պես՝
սմբած խալիք սարերի
մրթմրթում է, խուպում, դավում,
պատռած տրեխը զարնում գետնին և թուքի հետ
լեղի ու սև բառեր թքում, և սրտերի փոթորկահույզ
պղտոր լճից
ափին հանձնում փտած կոճղը և քարը լերկ
ատելության:

— է՛ն, է՛ն բողը... է՛ն, է՛ն, դեհ հյած ձագը...

Այդ սեպ ու սև բարձունքների մարդիկ համառ,
որոնք հաճախ բիրտ թշնամու առջև կծկված,
իրենց վախկոտ և կեղծավոր ժպիտներով
և ոչխարի հեզ աչքերով

նայում են հլու՝

հանկարծ մի-մի գալլ են դարձել.

— բա մեր պատիվը կրնա՞ տանիլ.—

մի-մի առյուծ.

— բա մեր սարի կտրիճները կրնա՞ն տանիլ.—
և արյունոտ նայվածքներով՝ հանուն խաչի, հանուն ազգի,
ուզում են զոհ, պատիժ և մահ:

— Տո, սա՞ պես բան... Տափը ճղվի մեջը մտնի...

— Տատրագոմի հարս Սանային պետք է մորթել...

— Պետք է խաչել ժայռի գլխին...
— Պետք է նետել խորխորատը...

Ու ձայների մուտացող, խժժուն ու խուլ արձագանքը,
թափառական ղողանջի պես ման է գալիս սողոսկելով,
ցատկում, կաղում,
լեռներին է խփում գանգը,
երկայն ու սուր մագիլներով ձանկոտմ հողը,
ապոսմաների երամ կաղմում և դողալով՝
զնում թառում

հայդուկների խորշի առջև:
— Տնաշեննե՛ր, ի՞նչ եք լռել... ազգի սրտում մութ է թառել...
Տատրագոմի ծերուկ գլխին սուգ է ընկել... Մեր քաջ զինվոր
Հովանու կին փախել գացել, քրդի տղու հետն է նստել:
— Բա... Թա... Սանա՞ն... Քրդի տղա՞...
կարծես մի ումբ

Պայթեց հանկարծ:

«Սանա՞ն... Սանա՞ն»...

Հովանը լուռ խածեց ձեռքը,
հետո նայեց ինչպես կատղած ցուլը մուժին
և արյունած աչքերով

քամված դեմքը հատեց լույսին:
Սանան, Սանան... Մի կաղկանձող, վնճող մի ձայն
քերեց սիրտը՝ դողաց թոշնած տերևի պես,
ու շուրթերը ծերացան,

և բերանի ճիշը սարսուռն՝
խզվեց, կակազ:

Սանան... Սանան... Խմբապետը կախեց գլուխը,
սեղմեց բոունցքը և հեռավոր մի նայվածքով շափեց սարը:
Զինվորների շարքերի մեջ մրրկահար դիզվեցին
մեծ դայրույթի

աղմկալից ալիքները:
Հրացանների կոթերի տակ

թնդաց հողը:

«Բա... Թա... Սանա՞ն... Քրդի տղա՞»... Եվ հաղթանդամ
կրծքների վրա,

հովից ծեծվող կաղնու նման,

մի ահա՛վոր ծիծաղ շարժվեց,
և բոցկլտող վառվեց մի կրակ:

Մութ էր:

Իսկ Սանան նստել է խրճիթում
Շիրազի կարպետով զարդարված,
ձեռքերին դրել է հինա,—
ճակատին իմպերիալ ոսկի
և վզին կախել է մարջան:

Ճակատին իմպերիալ ոսկի,—
ծալլատիկ նստել է հայուհին՝
զազրելի աչքերով քրդի
առջևը նստել է Սանան
և լսում է երգը հրաձայն:

Նա գրել է ձեռքը այտին,
զազրելի աչքերը փակել —
երերում է իրանը կամաց,
տառապում դեմքը սփրթնած,
հառաչում է ձայնը քրդի:

— Այս գիշեր լուսինը արծաթ
քարայծի տոբերից բարակ
բոժոժներ է կախել զնգուն,
և լեռան կատարին լուսե
նստել է մի ստվեր ոսկեթագ:

Սա երբեք իմ կյանքում չեմ տեսել
այդպիսի մի գիշեր զգլխիչ,—
իմ հոգին, լեցուն բաժակով,
չէ ըմպել երբեք իմ կյանքում
այդպիսի մի հրավառ երազ:

Ո՛վ, լե, լե, անուշ սիրեկան,
լինեի լուսնո ճառագայթ
և կրճբիդ պարտեզում զողողոջ
թաղվեի մահով հավիտյան,—
ո՛վ, լե, լե, անուշ սիրեկան:

Ճակատին իմպերիալ ոսկի.—
նստել է ծալպատիկ Սանան.
ինչպես մի դալուկ թագուհի:
Իր սրտում բացվել է մի վիհ,
մի զգացում անորոշ և սև:

Նայում է գազել աչքերով
սիրածի երազկուն երեսին
ու սեղմում մարջանը վզի,
կոտրտում մատնեբրը նրբին,
հառաչում հառաչանք մի խոր:

— Սարերի կատարին այս գիշեր
ձայներ են սողում պղնձե.
երևի քարայրում մի խավար
ճգնավոր է մեռել մենակյաց,
և լուսինը տնքում է կամաց:

Զե՞ս լսում, ամպեր են անցնում
և տանում մարմինք սրբի.
լուսաթոր նրա ձեռքը կախված
բախվում է լույսին անհունի
և փշրում ապակին աստղի:

— Ինչե՞ր ես ասում, ո՛վ, լե, լե,
դողում է մեծ ոսկին ճակատիդ,
կախվել են հոնքերդ ներկված,
քամվել են շուրթերդ վարդե,
լեցվել են աչքերդ հրով:

Առ մորթված գառնուկը սրտիս,—
բառաչող գառնուկը մատաղ
և ասիր ինձ սերդ հրաշուրթ,
ամոքիր հոգիս իմ ծարավ.—
առ մորթված գառնուկը սրտիս:

Իսկ Սանան լռում է, լսում,
նայում է տենդոտ աչքերով

լեռներին կաճանին սողուն.—
իբր սրտում բացվել է մի վիճ,
մի զգացում անորոշ և սև:

— Սիրական, դուրս նայիր, մի տես,
չլինի՞ թե քո ձին մատղաշ
սմբակով վարդերին զարնե
և դեղին արյունով աշնան
պարտեզի ծառուղին ներկե:

— Ինչե՞ր ես ասում, ով լե, լե,
ես կապել եմ գոմում իմ ձին.—
այդ լուսնո վարսերն են ոսկե,
որ ընկած նունենու գլխին
խաղում են զվարթ քամու հետ:

— Չգիտեմ, չգիտեմ ինչո՞ւ,—
դողալով կրկնում է Սանան,—
այս գիշեր լսում եմ ձայներ,
զաղտնագող մոտեցող ձայներ՝
լեռներից, պարտեզից, դաշտից:

— Մի վախիր, անուշ սիրական,
ես ունեմ զարդարուն հրացան,
Բեյրութի պողպատե դանակ
և ունեմ կռացած մի սուր՝
Ստամբուլի փաշայից նվիրված:

Ես ոչինչ չեմ տեսնում դրսում:
Թող կանչե աղավնին վայրի,
շշնջա աշունը տխուր՝
թող վայելի հավերը լալկան —
մի՛ վախիր, տուր սերդ բոցե:

Բայց Սանան լսում է հստակ՝
պարտեզում քալում են կամաց
և խոսում են մարդիկ թաքնված:
Լսում է հստակ ու որոշ՝
պարտեզում քայլում են կամաց:

Սարսափով նայում է քրդին
և մարված ձայնով փսփսում.
— Լսում եմ ձայներ պարտեզում,
եկել են մարդիկ վրիժառու,
թաքնվել են, խոսում են ծածուկ:

— Եկե՛լ են մարդիկ վրիժառու...
Թող տեսնեմ ովքե՞ր են փորձում
իմ տունս, պատիվս պղծել:
Տուր պատից իմ սուրը կռացած՝
թող տեսնեմ ովքե՞ր են եկել:

Բայց հազիվ դուրս եկավ զոնից՝
շարժվեցին ստվերները արագ,
փայլեցին սրերը մութում,
և քրդի կոկորդից մի ճիչ՝
խուլտաց և ընկավ գետին:

Կանգնեցին ահեղ նայվածքով
լեռների խստադեմ մարդիկ,
բռնեցին ձեռքից Սանայի՝
դուրս տարան խրճիթից քրդի
և տարան ոլորուն ճամփով:

Ու քայլեց կես մարած Սանան՝
ճակատին իմպերիալ ոսկի
և վզին արյունած մարջան:

Հագել էր զարդարուն գուլպաներ,
և ընկել էր գլխին մի շող:
Երերող լեռների կածանով
զարնում էր ոտքերը քարերին,
քսվում մացառին խայտող
ու քայլում՝
թեահատ տատրակի քայլերով:

Ոսկեմուգ և երկայն մատերից,—
Սանայի ձեռքերից պսպղող,—

Թառամած մի լույս էր վար թափվում,
մղկտում էր ճառագայթը լուսնո՞ւ,
այտերից արցունք էր վազում:

Ծտեից գալիս են մարդիկ,
զայրացած և խոժոռ աչքերով
նայում են ետեից մարդիկ:
Մինչ ժայռը դրկել է մի հով —
խփում է կրծքին Սանայի,
քաշում է վարսերը թափված,
ծեծում է նրա դեմքը գունատ:

Ծտեից գալիս են մարդիկ
զայրացած և խոժոռ աչքերով.
Իսկ Վերը, երկնքի կամարից
լուսինը՝ պղնձե սկավառակ,
շարժում է շուրթերը արծաթ,
նայում է հարսին հուսահատ:

Նայում են աստղերը հրակեզ,
խածնում են նրա սիրտը վշտոտ,
լալիս է երկինքը ամբողջ,
լալիս են սարերը դժբախտ:

— Ախպե՛րք շան, ինձ ո՞ւր եք տանում,
զուրբան ձեզ, ինձ ո՞ւր եք տանում,—
հեծում է, պաղատում Սանան,
զարնում է ձեռքերը կրծքին,
քաշում է վարսերը իր սև:

— Քայլիր շուտ ու լռե, պոռնի՛կ,—
բոռում են ետեից մարդիկ
և նայում խոժոռ աչքերով,
երկաթե ուսերով մարդիկ:
— Ա՛հ, ո՞ւր է հրեշտակը պաշտպան,—
հեծում է, կանչում է Սանան,—
ա՛հ, ո՞ւր է հրեշտակը լուսե:

— Այստեղ եմ, ասում է մի ձայն,
ցավում է աչթևս կոտրած,
կաղում է ոտքս արյունած,
վաղուց է վազում եմ քեզ հետ՝
կաղում է ոտքս արյունած:

Քոնում է ձեռքից Սանայի,
կաղում է, հևում ու տնքում՝
հրեշտակը խոնարհ երկնքի,
հրեշտակը դժբախտ սրտերի:

Իսկ ճամփում հեռու երկնքի
ճոռում են սայլերը՝ լեցված
պսպղուն աստղերով լուսե
և ճերմակ ձայներով լուսե:

— Ինձ ո՞ւր են տանում, հրեշտա՛կ,
ա՛հ, ասիր, ինձ ո՞ւր են տանում,—
հեծում է, լալիս է Սանան,
հառում է աչքերը իր լայն,
նայում ճամփին երկնքի:

Հրեշտակը քայլում է անտես,
ասում է ձայնով իր ծածուկ.
— Քույրի՛կ իմ, լռենք և սպասենք.
տես, ճամփում հեռու երկնքի
ճոռում են սայլերը՝ լեցված
պսպղուն աստղերով լուսե:

Եվ աշնան սրսփող գիշերը
վազում է սարի կատարին,
գգվում է կրծքին Սանայի,
քաշում է վարսերը առատ,
ժենժում է նրա դեմքը գունատ,
դափում է տենդոտ մատներով
ճակատի իմպերիալ ոսկին,
արյունած մարջանը կրծքին:

Այն առավոտ բուք էր դրսում, և լեռների
աստվածները ծանրաքայլ
անցնում էին բարկացած և կատաղի,
ոռնում էին ու բռնում այն առավոտ:

Կիսախավար խորշում կուսնգնած զինվորների դեմքերի վրա
մրրիկը սուր ակոսել էր կնճիռներ,
և մի ծանր լոռիթյուն
քարե ոտքը զետեղել էր սրտերում:
Տատրագոմի հարսը, դժգուն, խելագարված և դողահար,
կանգ էր առել պատուված գուլպաներով,
թշվառ ու խեղճ —
կանգ էր առել թշվառ ու խեղճ

և շրթների սրսփաշող

ծայրից կախել պաղատագին խոսքերի
բոցը պլպլան:

— Ես սիրեցի... մե՞ղք է սիրել... Ես ոչ ոքի երգում չտվի
մնալ այրի, մնալ մենակ, ընդմիշտ մենակ... Ես սիրեցի,
մե՞ղք է սիրել...

Մինչ Սանայի ձայնը հնչում, արծաթ թևով, վիրավորված
թռչունի պես թպրտում էր, զարնվում քարին
կիսախավար խորշում սմբած լոռիթյան՝
մուռն հրեշտակը բուքի միջից սուրող գնացող
աստվածների փեշն էր բռնում

և աղերսող բառերով

օգնություն էր խնդրում:

Հովանը լուռ, ատամների տափն էր առել բեղի ծայրը,
սեղմել բռունցքը:

Կարծես սիրտը՝ կրծքից զարնված

մի երեխա՝ վայր էր ընկել և արյունած շուրթերով
մայրն էր կանչում:

Սանան... Սանան... Նրա նշածև,

երկայն ու կուռ թարթիչների տակը վառված աչքերում
երազանք էր կայծկլտում: Նրա կրծքերի տենդը դյուրիչ,
բազուկների հուրը ոլոր և գեղեցիկ ձայնը արծաթ
և սփրթնած դեմքը հրավառ... Սանան... Սանան...
Հովանը լուռ, ատամների տակն էր առել բեղի ծայրը,
սեղմել բռունցքը:

— Ես սիրեցի... մե՞ղք է սիրել... Ես իմ գյուղից դեռ երեխա
Հովանի մոտ նոր հարս եկա... Թողեց գնաց և վեց տարի
էլ գյուղ չեկավ, լուր չխաբրեց, չհարցրեց...
Լեռան մարդիկ, շարքով կանգնած, նայում են վար՝
սայլը քաշող եղան նման նայում են վար.—
Խոժոռ, համառ:

Այն առավոտ բուք էր դրսում, և սարերի
աստվածները ծանրաքայլ

անցնում էին բարկացած:

Եվ շատ չանցած, հրաման տվին՝ կանգնել դրսում և սպասել
դատաստանին:

Բուք էր դրսում, ցուրտ էր սաստիկ,
և Սանայի դողողացող ուսերին վայր էր ընկել
իր վարսերի գիշերը սև:

Կանգնել դրսում և սպասել դատաստանին —
Հրաման տվին:

— Յավրում, հրեշտակ, ես ի՞նչ արի, ևս սիրեցի, մե՞ղք է սիրել...

Թևը ծռած, քաշքշկուով, հրեշտակը
դանդաղորեն կաղաց.

— Ոչ մի աստված չի հասկանում,— ասաց,—
նորից դանդաղորեն կաղաց:

Այն առավոտ բուք էր դրսում, և ժայռերի կրծքին ընկած
մի թիթեղե ամպ էր շարժվում և մղկտում:

Այն առավոտ երեք հոգի, Հովանի հետ երեք հոգի,
մոայլ, քանդված դեմքերով,

խորշից ելան

և Սանային ասին՝ գնանք:

Ասին՝ գնանք, և վառվռուն ու կայծկտող նայվածքներով,
խիստ նայեցին:

Մի քիչ հետո, երբ պատռտված գուլպաները գետնին տալով
և իմպերիալ

ճակտի ոսկին դողացնելով, Սանան հասավ

լեռան հտև և կանգ առավ գունաթափած.—

այն առավոտ երեք հոգի, Հովանի հետ երեք հոգի

եկած մարդիկ,
զուրս քաշեցին կռացած սրեր
և բռռացին.

— Դե, աննամուս, կինդ խփիր...
— էրիկ... Հովան...

Եվ Սանայի մազերի մեջ լացավ մի հով,
և կրծքերը սրսփացին ու կուչ եկան:

Հովանի մութ աչքերի վրա մի ֆոսֆորե լույս էր քայլում,
ձեռքը բոցե աենդ էր սեղմել: Ուզում էր լալ,
բռռալ, կանչել,
գլուխը ժայռին խփել ուժգին,
զարնել սուրը իր մղկտող, դժբախտ կրծքին, մեռնե՛լ, մեռնե՛լ...

«էլիկ Հովան, դու որ... դու որ»...

— Տո, անարուս,

ի՞նչ ես սպասում... խփիր՝ կնիկ...

Լեռների մեջ ազիտողում մի ճիչ ընկավ
ու սողկտաց թպրտալով:

Հովանը շուտ

արյունթաթախ սուրը նետեց,
նայեց շորս կողմ և կաղկանձեց:
Հետո, վազեց խելագարված քարայծի պես,
խզված ձայնով երկայն բռռաց երկնքի դեմ
և արյունած ձեռքերով զարկավ դուռը սարերի...

Բուք էր դրսում:

Հայոց դաժան լեռների վրա
աստվածները քայլում էին բարկացած:

Եազ գուսանական

ԱՍՔ ԱՌԱՋԻՆ

1

Մեներգողը

Մայր Անահիտը, երկու ձեռքերով, սեղմեց իր մարմնին
 Նշենու ծառի ճյուղը սրբազան
 Եվ ծնավ Արան:

Արան՝ արևի հրաթափ լույսի
 Հրեղեն թիավար,
 Արան՝ աստղերի հոտը պահպանող սրնգահար հավիվ,
 Արշալույսների նուան գինիով հարբած տեսանող,
 Արան՝ թևավոր ցուլի եղջյուրներ հագած խոլ ոգի,
 Արան՝ զարունը ոսկե շողերով պեղող և հերկող
 Բյուրեղյա արոր,
 Արան՝ բողբոջի աճը պաշտպանող ցողաթուրմ վահան,
 Կախարդանք ցանող բույրասփյուռ ունհան,
 Արան՝ վառ ոգի և աստվածություն:

Մայր Անահիտը, երկու ձեռքերով, սեղմեց իր մարմնին
 Նշենու ծառի ճյուղը սրբազան
 Եվ ծնավ Արան:

Ողջունենք նրան, ողջունենք նրան:

Վիպասանը

Ծրբ արևելքի սահմանի ծայրին թափվող մշուշում
 Բացվեց երկնքի լուսաշող դուռը,
 Եվ ծովի մի կարմիր
 Սահեց սարերի սարսուղ կատարին—

Ամպերի միջից դուրս թռալ մի գունդ,
Շրջեց, ոլորվեց,
Տարածվեց անծայր, կանաչ մի հրդեհ՝
Երկիրը հայող մագլցեց լուսե աստիճաններով
Եվ այլափոխվեց:

Հանկարծ հովերը

Վեր թռան խմբով,
Զարկին ամպերին վարդե թևերը,
Շաշեցին կամաց
Եվ, Արարատյան դաշտի վրայով,
Ճախրեցին, թռան փայլատակելով:

Գունդը վայր իջավ, որոտաց, ճեղքվեց
Եվ հրավառվեց:
Բոցերի միջից դուրս եկավ Արան:
Նրա հետ միասին
Դուրս եկան նաև
Ոսկե թևերով չորս շուն հրածին:

Արան գեղադեմ
Աստված էր վսեմ,
Այր էր վեհաշուք, խորունկ աչքերով՝
Լվացված երազի խոր ծովով կապույտ:
Ճկուն, ներդաշնակ, ձիգ սոճի մարմնով—
Գանգրահեր և շեկ:

Արևածագի լճում թաթախված

Իր քայլերի տակ
Փթթող լույսերի շառայլ էր շաղվում,
Եվ իր իրանը
Վեր էր սլանում
Ավյունով լեցուն բարդու ծառի պես:

Նա իր աչ ձեռքում բռնել էր ծաղկած մեծղի՞մի աղեղ
Եվ ակունքներով զարդարված գոտուց
Կախել էր բոցեղ, ոսկենախշ մի սուր:

Երբ Արան իջավ՝ բացվեց գարունը:

Խիստ անտառներում սոսի և նոճի
Խուլ հառաչանքով խոսեցին կամաց:

Հակինթ և արծաթ ապարանջաններ

Կախած հովերը՝

Դաշտերի վրայով սուրացին արագ,

Եվ պարտեզներում նշենիները բարձրացան ոտքի,

Ե՛վ տատանվեցին, և՛ սարսուացին:

Արտը արթնացավ: Ամեն մի արմատ մի կանթեղ վառեց:

Բուրաստաններում ոսկեթափ մի վազը ճիչեր արձակեց:

Փթթող տնկերի ծիլերի վրայից բոց արշուն կաթեց,

Եվ մեղուները՝ զմրուխտ մանգաղով,

Հնձեցին բացվող վարդերի թույրը:

Հարբած գարունը

Ներս մտավ, կանգնեց ծաղկած ձեռքերով:

Կանաչ արտերը շողուն մետաքսներ փռեցին լորս կողմ

Եվ խշխշացին:

Գառան բառաչը խառնվեց շուշանի հեծկլտանքներին:

Մնվեց սմբուլը, և լալազարը,

Քրմապետ և մոզ,

Նայեց բախտավոր, ծիծաղուն, անհոգ:

Երբ Արան քայլեց՝ երկիրը ցնցվեց:

Մասիսի գլխից մինչև Հրազդանի շառաչող ափը,

Ջորեղ ոգիներ, հողերի տակը, մուրճերը զարկին

Թնդող, շառաչող սալերի վրա,

Եվ մեր գետերը

Սուրացին արագ և վայր թափվեցին գոռում-գոշումով:

Արտույտը երգեց, կաքավը կանչեց,

Եվ արագիլը՝ լայնաթև թափով,

Վեր ելավ կախվեց:

Արան աղեղը բարձրացրեց, լարեց:

Կանչեց շներին և մտավ անտառ:

Երբ մտավ անտառ՝ խիտ սաղարթներում

Ոսկեշարժ և խուլ փոթորիկ քայլեց:

Չալներ թնդացին: Կարծես երջանիկ

Եվ հարբած մի հով

Տրորեց ու շարժեց ծաղկման կանաչ ծով:

Լսվում է անտառի խաբչափը, շների ճաշոցը,

հեռվից հնչող շեփուհների կանչերը:

Վիպասանը

Արայի մասին, շարեցի՞ն՝ **Կրգոր**,
 Նվիրեցին զո՛հեր,
 Եվ բազինների առջևը մաքմար
 Առասպելեցին ձայներով հրավառ:

Երբ զո՛հ մատուցող դանակը քրմի
 Մխրճվում էր եղջրավոր այծի
 Խլրտող բկին՝ ժայթքող արլունը
 Բոսոր գետակ էր կազմում դաշտերում
 Եվ կակաշների թագը հրկիզում:

Երբ աղոթքների խոսքերը կախարդ
 Վեր էին ելնում և հորիզոնի
 Վրայից սավառնող ամպերին բախվում,
 Որթատունկերը արթնանում էին
 Եվ կունաչ ծիլեր նետում արեհին:

Մի գուսան

Արան ներկա էր բուլոր վայրերում,
 Լեռների ծաղկած լանջերի ծոցում
 Նա սրնգահար և աստղահմա
 Հովիվ էր պարթև և մոզ երազի,
 Արտերի միջում ակոսներ բացող,
 Խոփի ատամով հողերը հերկող,
 Եզների գլխին հարայ-հե՛յ կանչող
 Նա վե՛հ վարող էր—
 Լայնաբուռ ձեռքի արագ շարժումով
 Հունդերը նետող մեծղի ցածող էր:

Եզների մայոց:

Նրա լույսը ցնցող ներկա էր նուա՛ն
 Կարմիր շրթերով բացվող ծաղիկում,
 Խշե՛նու թրթուռն ճյուղերի վրա,

Միրանի լեցվող, հյութեղ ժանրում
Եվ խնձորենու ճերմակ բոցերում:

Արան ներկա էր բոլոր սրահերում:

Պղպանցի աղբյուր: Կուժերն
Իրենց ուտերի վրա կրող ճայ աղջիկներ:

Երբ լուսաբացի շողերի տակին
Թաքնված աղբյուրի զուլալ շրերը
Մեծ սափաթենքով տուն էին տանում
Հայ աղջիկները,
Նրանց կրծքերի, երանց այտերի,
Թավշե աչքերի սարսուռն տենչանքում
Արան ներկա էր:

Նա էր վեր հանում քողը հարսների
Եվ նրանց տանջող, շփոթ երազից
Նա էր կառուցում բյուրեղյա դղյակ,
Արյունով սիրտ ողողում նրանց:

Նա էր, որ ջահել աղեղնավորի
Ժիր բազուկներում տաք պողպատ հալում.
Նրա աչքերը լեռների շնչով,
Պայքարի համար, մաքրում, լվանում:

Ուրիշ մի գուսան

Երբեմն հրեզեն ձիան վրա նստած,
Նա նետի նման վազում էր, սլանում
Լեռան լանջերի զառիվերներով:
Քոչող այդ ձիու վառ սմբակները
Որոտի նման թմբկում էին,
Ժամ տալիս լեռան անհարթ կողերը
Եվ արձագանքվում ժայռերի գլխին,
Ու կիրճերի մեջ, խարխուրատներում:

Արան բնության բեղմնավոր թափի,
Սաղկածլումի լույսը շէր միայն—
Նա խորախորհուրդ, գերագույն ուժ էր:
Ոգու կշեռք էր, ներդաշնակութուն—
Հիմնական պարի սկզբնասկիզբ շեշտով
Տոգորված շքեզ մի աստվածութուն:

Պարի եղանակներ:

Երբ ցանքերից հետո, արևամուտին,
Շինական, հովիվ, աղջիկներ, կանայք
Շողերի գծով շուրջպարում էին—
Արան այնտեղ էր:

Նրա գեղակարկառ

Սոսու պես ճկուն, սլացիկ մարմինը
Սարսուռն ոստումի ալիք էր դառնում,
Աչ ու ձախ նետվում:

Եվ վերջալույսի

Լայն պատմունճանը ուսերին գցած՝
Նա միանում էր ոսկե նվագին:

Այդ վայրկյաններին ամեն ինչ լուր՝
Լուր էր նրա ոտքի դոփյունին
Եվ շարժումների թևավոր ճախրին:

Տավղահարների բարձր նվագը .
Հոսում էր կանաչ դաշտերի վրայով
Եվ ծաղիկների թարմ բաժակաները
Լցնում ճաճանշող գինիով հույզի:

Առան պարում էր:

Լույսերի բոսոր ոտքերը կամաց
Վեր էին սլանում լեռների վրայով
Եվ ոգիները՝ հրազով հարբած,
Սավառնում էին

Իրիկնամուտի աստղերի միջով :
Ամեն մի կույսի սիրատենչ սրտում
Նա թագավոր էր :

Նա, որ պիտի գա,
Հրավառ շրթերը տա իր շրթերին—
Նա, որ իր ծաղկուն, պայծառ գրկումով
Պիտի իրանը սեղմի ստինքներին
Եվ գորովալի, կրակոտ շոյանքով
Պիտի իր ծարավ վարդը արշունի :

Արան պարում էր :

Սև հոգերի տակ արթնանում էին
Մաղկող ուժերի շռինդ վազքերը :
Դաշտերի վրա ծով էր տառապում,
Ծ՛վ այգիներում, և՛ պարտեզներում
Անձայն ձայներով բարախում էին
Նոր ծաղկումների կանաչ սրտերը :
Արան պարում էր :

Ոսկե այդ պարը
Ցնցում էր ամբողջ Հայոց աշխարհը :

ԱՍՔ ԵՐԿՐՈՐԴ

1

ՄԵՆԵՐԳՈՂ

Գարուն արածող վիթի աչքերը
Լեցվում են կանաչ երազանքներով—
Հարբած մի քամու թեթև ոտքերը
Մածկվում են ոսկե, կայծկլտող ցողով :

Արևի հրատապ ճառագայթներում
Սրվում է սրտի սուրը մոգության,
Եվ լեռը տանող արահետներում
Քայլում է փառքը նոր աստվածության :

Ա՛հ, թող կամարը եղանակների
Բանա ամպերում իր լայն աղեղը,
Եվ ձեռքը ուժգին անմահ հերոսի
Վառի իր նետով սիրո կանթեղը:

Շրթերին տարած բաժակը գինու
Լցվել է բոցեզ մրբիկի համով—
Ակոսում թաղված ահբերը հլու
Պայթում են խեղդված, խառն աղազակով:

Աստղը փոխում է տեղը իր լույսի
Եվ սլանում է երկնքի վրայով,
Որպեսզի բախտի կենտրոնը փոխվի—
Բևեռը բևեռ դռանի հույսով:

Ես բաց եմ անում թևերը իմ լայն
Եվ ընդունում եմ հեղեղը գարնան,
Որ փոթորկել է տիեզերքը համայն—
Սիրո բոցերով կիզել Արային:

Չ

Մեջլիս է: Մես:

Առաջին գուսանը

Կեսօրվա պահին, երբ Արան հեծած
Իր երիվարը, կայծակի նման
Անցնում էր լանջով Արագած լեռան
Արոտատեղու արծաթե շերտով
Վազող աղբյուրի հառաչող ափին—
Նա հանկարծ տեսավ արևը ոսկուն
Նառնած մի տեսիլք:

Գեղանի, նրբին,

Վազող աղբյուրի հոսանքում նստած,
Շիկահեր և մերկ մի աստվածուհի
Լվացվում էր հանգիստ:

Արան իր ձիան սանձերը քաշեց՝
Նայեց, հիացավ:

Նոր արեգակի

Հրալույս ծովից իջած տեսիլքը
Պսակված էր բոսոր, դեղին շողերով,
Ե՛վ իր թևերից, և՛ ստինքներից
Ճրագ էր սահում, ծփծփում՝ օդում:

Նոր ծլած վարդի բարակ շրթերը
Մարսում էին, և իր վարսերը
Այրվող հարդի պես ծածկում ուները:

Վիճի մի հառաչ: Թմբուկի մի զարկ:

Ծրբ հանդիպեցին նրանց աչքերը՝
Աղբյուրը լեցվեց գուլգուլանքներով,
Արտի մեջ խաղաց արծաթե մի հով,
Ցողերով ծածկված ծաղկաթփերը
Իրար մոտեցան, դողացին կամաց,
Եվ անտառները բողբոջող ձայնով
Մեղմ հառաչեցին:

Արան վայր իջավ՝

Ուզեց մոտենալ, Աղջիկը ջրից
Դուրս նետվեց արագ, նետեց ուսերին
Մի շղարշ կապույտ: Նրա աչքերից
Կայծեր վայր ընկան և պլպլացին:

— Հեռացիր, գնա, մի՛ համարձակվիր,—
Գոռաց նա հուզված և ցասկոտ ձայնով
Եվ ջրի ափից թեթև ոստյունով,
Հեռացավ, վազեց:
Թեթևատն Արան դուրս նետվեց,
Առաջը առավ այդ հրաշք աղջկա—
Նրան իր լույսում բռնեց, բանտարկեց:

— Հե՛յ, աղջիկ հրատես, մի՛ փախչիր այդպես:
Ես քո արևիդ աղբյուրը գիտեմ,

Կրժքերիդ վառված աստղերը գիտեմ,
Ինչ դու ես՝ ես եմ:
Անահիտ իմ մոր գուրգուրանքները,
Կախարդանքները և ջո վարսերը
Ներկա են իմ մեջ ծննդյան օրից:

Ահա փթթել է, ծաղկել ու բացվել
Մեր զույգ սերմերի պայթած արյունը
Բոլոր վայրերում: Պետք է մեր ծառը
Դալար ճյուղերը նետի երկնքին,
Աճի, զարգանա, իրականանա:

Նա այդպես ասաց,
Աղջիկը կամաց
Գրկեց, վեր առավ,
Զետեղեց նրան իր թամբի առաջ—
Մտրակեց իր ձին:

Ամեն կողմից լսվում է վազող
ձիան սմբակների ձայնը: Վարը կանգնած
ծիսակատարները շուրջպար են բռնում
և խմբերգում:

Ամբողջ այդ օրը երկիրը լեցվեց
լեռից լեռ թռչող Արայի ձիու
վրնչյուններով:

Գարունը ցնցվեց:

Ոսկե մատներով տրորեց ծառերը,
Բույսերի ծոցում հակինթ զետեղեց
ծվ ծաղիկների բուրումով հարբեց:

Մեներգոդ

Տե՛ր Արա,
Իմ շրթերիս արմատները
Հասնում են ջո սրտիդ տենդին
Եվ աճում են լույսերով:

Արտ և սար խորասուզվում են քո մեջ
Եվ երգիդ աղբյուրից
Խմում զովությունը առավոտվա:

Աշխարհը հնչում է ինչպես շրջող մի գիսավոր:
Զմբուխտը խառնվում է հրին,
Եվ տարածությունք այլափոխվում է:

Յ

Վիպասան

Թագվոր-թագուհի իջան պալատը՝
Շինված արևի լուսե քարերով
Եվ ցցված բլրի ծառազարդ գլխին:
Շենքը այրվում էր բյուրեղի նման—
Փղոսկրե դուռ ուներ, մարմարե պատեր,
Աշտարակ ուներ վերամբարձ, սլացիկ.
Առյուծ և վիշապ քանդակներ ուներ,
Ուներ որթենու և նտան զարդեր:

Երբ լուր տարածվեց թագուհու մասին,
Նյա հուր-հրաշք աչքերի մասին,
Նրա գեղ այտերի կրակի մասին,
Բացված կակաչի շրթերի մասին—
Յոթ օր յոթ գիշեր հարսանիք արին:

Խրախնություն ձայները:

Կարասներ բացին հոտավետ գինու,
Ծառերի տակին սփռոց փռեցին—
Կերան, խմեցին, զարկին փանդիոլը
Եվ երգ շարելով՝ պարեր պարեցին:

Լեռների կողմից հովիվներ իջան՝
Աստղերով լեցված վառվռուն աչքերով,
Իջան քրմերը, մոզերը հայոց,
Քառներ և եզներ զոհեցին բազում,
Կերան, խմեցին:

Առաջին ժայթքող

Եզան արյունի վառ հոսանքի մեջ
Նրանք թաթխեցին երկայն կարմիր թել՝
Թագվոր-թագունուն վկա կանչելով,
Կոչեցին ոգին արգասավորման:
Ժիր շահելներից,

Թագվորի համար,
Թիկնապահ խմբեր ընտրեցին շուտով,
Ընտրեցին նաև գեղանի քավոր,
Որպեսզի կտրի իր ձեռքի սրով
- Խնձորը՝ ծածկված մեխակ ու մեղրով:

Տաք ձիեր հեծած երիտասարդներ
Խաղեր խաղացին դաշտերի վրայով
Եվ դեպի երկինք ուղղած աղեղով
Սրածայր նետի տարափ թափեցին:

Ասին, կանչեցին Մսին, թե Արան,
Անահիտ տիկնոջ ոսկեծին տղան,
Ուժն է սրբազան,
Որով արևը հասկերի սրտում
Անման բոցեր է զետեղում, վառում:
Թե տերևները իր պատմունձանի
Ալմազ են փթթում, և թե վարդերի
Բույրը և թույրը գալիս է նրանից:

Ասին, թե Արան սգին է այն մեծ,
Որ հասած նոան արյունի բոցով
Կիզում է կույսի ծոցը հրաթով
Եվ իր առեօվթյամբ՝ ծագի լույսերում
Կյանքեր է ստեղծում և բեզմնավորում:

Ասին, թե Արան բոլոր մայրերի
Կրծքերից հոսող ջերմ է բերկրալի,
Վազճերի միջից վազող կրակ է,
Սիրո սիրասուրբ, անուշ դանակ է:

Գարունը թնդաց, երգեց, բզավեց:

Երկնքի հրատապ լույսով համբուրված
Ճոխ այգիները առատ ծաղկեցին,
Ակոս առ ակոս ճեղքված արտերում
Քարձրացան կանաչ հասկերի ծիւեր,
Եվ ծաղիկները, դաշտերի գրկում,
Վառեցին խնկի բուրող ածուխներ:

Շինականները

Չորս կողմ հառեցին իրենց աչքերը
Եվ ուրախացան: Եկել էր ահա,
Մաղկել և աճել արտերի վրա
Քերքը այս տարվա:

Գոմերից ելած

Անթիվ տավարը՝ ամպի պես աճած՝
Լեռն էր մագլցում, մայում, բառաչում,
Եվ գյուղի մարդիկ իրենց բեղերը
Երկայն շոյեցին,
Ե՛վ ուրախացան, և՛ կատակեցին:

Ի՛նչ մեծ էր, հսկա բերքը այս տարվա:

Թմբուկի, վիճի ուրախ ձայներ:

ԱՍՔ ԵՐՐՈՐԿ

I

Առաջին գուսան

Ասեմ՝ լսեցեք:
Քարե տանք հրավառ աստղադաշտերը
Հերկող սայլերին,
Թռչող արևի բոսոր թևերին,
Իրիկունների բլուրներից իջնող
Քրտնած ձիերին:
Ասեմ՝ լսեցեք:

Օջախի առջև նստած ժամանակ
Ձեր զույգ աչքերը տվեք երազին—
Խմեցեք կում-կում դեպքերի քամած
Ուժեղ և լեղի
Օշարակները:

Ասեմ՝ լսեցեք:

Արա աստծո աճած համբավը,
Նրա դեմքի լույսը, գնդեցկութունը,
Թև առավ, անցավ երկրի սահմանը,
Օտար ցեղերի ականջին հասավ:
Քայլեց դաշտերով, լեռներ մագլցեց—
Դյուցազնավիպեց, ասքի վերածվեց:
Ալան և պարթև, մոսկեր և հատեր,
Ստեպանրի ազատ սկյութացիները,
Արևածագի բազում տոհմերը,
Տոթ Միջագետքի սևամորթները—
Երազ ներշնչող ոսկե բառերով
Պատմեցին քաջի մեծության մասին,
Պատմեցին նրան, փառաբանեցին—
Ջոհեր զոհեցին:

Երկրորդ գուսան

Ասեմ՝ լսեցեք:

Ասորիների անապատ երկրում
Կար-չկար հզոր, սևավարս և թուխ,
Ամեհի, կախարդ մի աստվածուհի:
Այդ աստվածուհին՝ ամեհի, կախարդ,
Օձի աղավնու զուգումից ծնված,
Իշտարի կրակե կաթով մեծացած—
Ինքնակալ և բիրտ մի տիրուհի էր,
Մթին աշխարհի հույզերի վիճ էր,
Սրտերի՝ քարայր, սիրո՝ խորխորատ:
Չկար սիրահար,
Որ նրա հրատապ կրքին զիմանար:
Վավաշուտ և նենգ, սրբազան պոռնիկ—
Անապատ երկրի այս Շամիրամը,
Սերը քաղում էր հասած մրգի պես:

Խածում, վաչելում բոցավառ համը,
Ապա, ալլալված, կատաղած, հրակեզ,
Սրասույր դաշույնը խփում էր սրտին,
Արյունում, սպանում իր սիրահարին:

Օձ էր լուռնավոր, ճերմակ աղավնի:
Նրա երակներում հոսող արյունը,
Նրա հաստ շրթերի տարփագին դողը,
Նրա մութ կրծքերի բոցե ալիքը,
Նրա պորտը տանջող հուրը, մրրիկը
Խարույկի նման բոցկլտում էին,
Փոթորկում, կիզում իր գիշերները,
Դաշունահարում իր գրգիռները:

Շատ մեղմ արևելյան երածշտություն:
Մեղր, քոտինև և սևո արտահայտող մի մեղեդիացում՝ ներքին հեծկլտան-
քով և տարափներով լնցված:

Երրորդ գուսան

Ուշ երեկո էր:

Իր դարատափի
Փարթամ բույսերով վարդարված այգում
Նա լուռ պանկել էր, դիտում էր լուսնին:
Մեծ անապատի կլանիչ տոթ շունչը՝
Տարփով մոլեզնած ծալքերում մարմնի՝
Երազանքների գրգիռ էր հյուսում
Եվ իր աչքերի վառված անդունդը
Հույզերով պեղում:
Երաժիշտները,
Նուրբ շոյանքներով,
Գրգռում էին վինի նրբին լարերը—
Լեցնում պարտեզը զսպված հառաչով:

Կես մերկ թագուհին,
Ոսկե իր թառը սեղմած շրթերին,
Արմավից շինված գինի էր խմում
Եվ լուսնի հրեղեն թևերից ընկած
Հակինթ բոցերի մեջը տառապում:

Հեռվից տարածվող
Մթագնած և լերկ ավազի ձովից
Շագու և տօթի ամպ էր մագլցում:
Լուս էր աշխարհը:
Գինին և երգը,
Հրավառ վարդերի, նուծուֆարեների
Թույնը և բուշրը,
Հովասարների թեթե գեպյուտը
Իր երակներում ջերմ էին թափում
Եվ իր մարմինը ցնցում ու լեցնում
Անուշ և փարթամ ցանկություններով:

Սարսուռով լեցված իր մեծ աչքերը
Թագուհին կամաց հառեց երկնքին
Եվ հանկարծ ցնցվեց:
Կամար հոներերը
Կիտեց և նայեց:
Վանդակի միջում փակված մի թռչուն
Երկայն դալլալեց:
Երաժիշտները
Խուլորեն զարկին դողուն թմբուկին:

Թագուհին արագ պարպեց իր թասը,
Մծեց շրթերը և նորից նայեց,
Նայեց զարմանքով հեռավոր լուսնին:
Ի՞նչ էր այդ, երա՞դ:

Թառամած ոսկե ճառագայթներում
Նախ լայն և պայծառ մի արատ կազմվեց—
Մի արատ կազմվեց, կամաց ոլորվեց,
Ասյա, ջահի պես, ուժով բռնկեց,
Ի՞նչ էր այդ, երա՞զ, ֆորհուրդ մի նշա՞ն,
Դեերի նետած գաղտնի մի ուռկա՞ն:

Թագուհու ցնցված մարմինը դողաց:
Ստվերների միջում — նա պարզ տեսնում էր —
Վեր էր սլանում մի աստվածություն:
Ի՞նչ գեղեցիկ էր:

Նրա ձիգ մարմինը,
Ուսերին թափվող դեղին վարսերը,
Կապույտ շառայլով լեցված աչքերը,
Ճկուն իրանը, ուրթ թևերը,
Բարձր ճակատք, շրթերը նրբին
Խենթացնող էին, աննման, հրաձին:

Կրակի պես վառվեց սիրտը թագուհու
Մարմնի ժալթերում խոլաչեքում գինու
Մի ալիք վազեց
Եվ պորտը արթորեց:
«Թող գան մոգերը, շուտ գան մոգերը»:

Եվ երբ մոգերը
Եկան, կանգնեցին, երկրպագեցին—
Նա վեր բարձրացրեց տքրվող աչքերը
Եվ մատը ցցեց, ցույց տվավ լուսնին:

Նայեցին երկայն և պրպտեցին
Լուսնո՞ւ երեսը, նրա ցից լեռները:
Մեծ քրմապետը աստղերը շափեց,
Փսփսաց գաղտնի մոգական բառեր,
Կուլեց ոգիներ, թևավոր դևեր,
Ապա, աչքերը կես խփած, ասաց.

— Թ՛, մեծ Շամիրում,
Արկրթ, երկնքի անհազթ տիրուհի,
Այն, որ տեսնում ես, արևի թևից
Ընկած պատկեր է: Շրջանք լույսի
Արտացոլում է, ինչպես հայելի,
Ճակատագրական տեսիլք մի վսեմ,
Մի աստվածություն, զեղեցիկ, հրաղեմ:
Գարո՞ւնն է արգյոթք ճթե գարունն է,
Պոռթկող սերմերի ձյման ավյունն է—
Պատկերն է Արա կոչված դյուցազնի,
Հարևան տերը Հայոց աշխարհի:

Նայիր, երկնքի մեջտեղը անցնող
Արծաթե լույսի բարակ այն շերտը
Ճամփա է հրատապ, որի բոցերով
Կյանքը անցնում է մահվան սահմանը,
Գնում միանում աստղերի խմբին:
Զոդիակոսի մոտ, Մեծ Արջը, ցնցված,
Գրեթե կաշում է Վիրապի պոչին:
Թուղղ Ձիան մոտ կրակներ են դիզված,
Ինչ որ նշան է, որ խեցգետինը՝
Երկիրը Հայոց, պիտի ետ սողա
Եվ քո զենքերի տակը բոցկլտա:

Օ՛, Մեծ թագուհի, ամեն ինչ պարզ է:
Ճակատագիրը
Իր անիվները տանում շրջում է
Կախարդված լուսնի շավիղի միջից,
Փնտրում է Բայը, դարձնում Մակդիրը:
Ապա նա պատմեց, ոգևորվելով,
Արայի մասին, որ արթնացնում է
Գարնան ուժերը, բողբոջների մեջ
Այլուն է դիզում և ինքն էլ՝ հրաշքը,
Մազկում, փշթում է, կյանք առնում անվերջ:

Մեծ քրմապետ

Ասեմ, հայերը
Ըմբոստ մարդիկ են, հոգիով կառչած
Իրենց մեծ հրկրին: Եվ ի՞նչ երկիր է...
Փարթամ, գովաշունչ, լեցված լուսավոր
Այգ ու պարտեզով և ձյունագագաթ
Հսկա լեռներով:

Գուսան

Թագուհու սիրտը բարախեց ուժգին,
Եվ մեծ աչքերից կայծեր վայր ընկան:
Նա գինու թասը տարավ շրթերին
Իվ կամաց ծծեց:

Եթե այդպես է ձեր պատմած Արան—
Ուզում եմ նրան:
Ղրկեցեք նրա մոտ մեծ դեսպաններին,
Հետևորդներով, բազում ուղտերով
Եվ նվերներով թանկարժեք ու նուրբ:
Թող գա բաժանի իմ անկողինը:
Լինի տերը իմ, իմ ամուսինը:

Եթե այդպես է ձեր պատմած Արան—
Ուզում եմ նրան:

ԱՍՔ ՉՈՐՐՈՐԴ

1

Վիպասան

Եվ ճամփա ընկավ մոզ և քրմերի
Եվ դեսպանների մի մեծ շքախումբ:
Զարդ ու մետաքսով ծածկված ուղտերի
Շարանը անցավ անապատները,
Անցավ փոսերը, անցավ ցից և թումբ
Եվ, երեքալով ու զրնգալով,
Մազլցեց դանդազ մեծ բարձունքները —
Հասավ Հայաստան:

Երբ, բլրի վրայից,

Ասորիները տեսան ժաղկազարդ
Եվ ոսկեգիսակ հսկա արտերը—
Շոյեցին իրենց ճոխ մորուքները,
Մնացին հափշտակված:

Հունիս էր բոցված:

Հրաբորբ արևը
Իր ադամանդե լուսե թևերը

Վայր էր երկարել,
Ճառագայթների տարածել գետեր,
Բոցով, ոսկիով լվացել արտեր,
Հնկղմել փարթամ բուրաստաններում:
Ի՞նչ տեսարան էր... Հսկա լեռներում
Ձյուն էր և բյուրեղ,
Իսկ վարը, գաշտում՝ կանաչ շրհեղեղ:

Հասան Արայի լուսավոր պալատ:
Փողեր փչեցին—
Ներս հրավիրվեցին:

Երկայն շապիկներ

Հազած մոգերի շարքի ետևից
Խմբով ներս մտան բազում ծառաներ,
Վայր դրին նվերներն իրենց ուսերից—
Երկրպագեցին:

Հետո ներս եկան,

Արծաթե փարթամ զենքերով զինված,
Կոնաձև, հարուստ զլխարկներ հագած,
Հաղթանդամ և ժիր նետահարներ:
Ապա բայլեցին՝ խուճուճ մագերով,
Մանր գանգուրներ հյուսված մարութով,
Բարդ օղեր կախած և իրանները
Ոսկեզարդ ու ճոխ գոտիով սեղմած՝
Մեծ գեսպանները:

Արան՝ զարմացած,
Նայեց այդ մարդկանց, նայեց գանձերին
Եվ համբերությամբ լսեց ճառերը:

Մեծ գեսպան

Մեր աստվածուհին,
Վե՛հ Շամիրամը, նա, որ իր կամքի
Հարվածով ահեղ սարսափ է ցանում
Ամբողջ աշխարհում, հրաման է տալիս
Հով և մրրիկին, տարվա շորս կողմի
Իրար հաջորդող եղանակներին,

Մարդկանց գործերին, կանանց հղիութեան,
Հուսնի փրկարար մաղրնթացութեան,
Աստղերի շարժման, թագավորներին—
Իր մեծ աչքերի ճրագը պայծառ
Նետել է վրադ և ցանկանում է,
Որ շուտ գաս մոտը, բաժանես իր բարձր,
Իշխանութունը, անհամար գանձը,
Իր երկրների հարստութունը:

Վիպասան

Ասաց, բարեկեց ու գետին փովեց:
Արան, զվարճացած, կամաց ծիծաղեց
Եվ այսպես խոսեց.

Արա

Իշտարի հաջորդ, աղավնուց ծնված,
Շամիրամ կոչվող թագուհու մասին
Լսել եմ հաճախ:

Նրան բարև տարեք

Եվ ասեք, որ շեմ կարող երբեք
Լքել երկիրս:

Ես այս հողերի

Ամեն մի ժլող բույսին և ծառին
Կապված եմ մարմնով՝ մարմնով, հոգով:
Իմ երակներում շրջող արյունը

Նրա արյունն է,

Իմ արև լույսս՝ նրա սրտից ժայթքող
Հուզման մեծ թևն է, և սուրս լուսեղ՝
Նրա զորության թափն է մշտահեղեղ:

Իմացեք նաև, ամուսնացած եմ
Հոգուս օղակված այն վեհ Դիցուհուն,
Որի աչքերը մի-մի ճրագ են՝
Իջած աստղերի ջահերից անմար:

Ձեր մեծ թագուհու երկրի շուկայում
Արմավի ծառը բեղմնավորում են
Գնած վարսանդով: Ես ծախու վարսանդ
Չեմ կարող լինել, շեմ լինի երբեք:
Շուտ վերադարձեք երկիրը ձեր տոթ,

Հուննով կախարդված անապատները—
Թե չէ լեռների և անտառների
Մեր ոգիները կարթնանան հանկարծ
Եվ ձեզ կհալածեն:

2

Շամիրամի շֆեղ պալատում: Մագեր,
զինված մարդիկ, սպասավորներ, պահա-
պաններ, ծառաներ: Գոռն առջև շղթայված
վագրեր և ստրուկներ:

Վիպասան

Մինչ Քաբելոնում, քաղաք պալատում,
Պատրաստվում էին ընդունել Արան,
Եվ Շամիրամը՝ յուզերով օծված,
Թափանցիկ և նուրբ շղարշներում կորած,

Հոնքերը նախշված, վարսերը ներկված՝
Այրվում էր տենդում անհամբեր սպասման—
Եկան սարսափած իր դեսպանները
Եվ հաղորդեցին սև լուրը մերժման:

Թագուհին շարժեց իր բոց աչքերը,
Կուրծքը վեր թռավ, շունչը ծանրացավ—
Կատաղեց, գոռաց:

Շամիրամ

Թող նոր դեսպաններ,
Ավելի ճարտար պատգամավորներ
Վազեն նրա մոտ և ամեն գնով,
Ամեն խոստումով համոզեն նրան:

Վիպասան

Այս անգամ հեծան Հայոց սահմանում
Գնած նժույզներ, Թամբեցին նրանց
Հրափայլ զարդերով և մետաքսներով
Պճնած թամբերով և, գիշեր-ցերեկ,

Արագ սուրացին, հասան Արային
Եվ նորից ստացան նույն պատասխանը:

Ճամիրամ

Հրաման եմ տալիս դաշունահարել
Այդ դեսպաններին: Սյուներից կախել
Հետևորդներին:

Հրաման եմ տալիս

Առնել գանձերի հսկա մի քանակ,
Արձաններ ոսկե, փղոսկրե սեղաններ,
Որ ինձ զրկած էր Մեծ Փարավոնը—
Առնել հյուսվածքներ, բյուրեղյա սկիհներ,
Ակունքով այրվող հարուստ վզնոցներ,
Հազվագյուտ օղեր, արծաթ վահաններ,
Եվ, Եգիպտոսի մոգերի շինած,
Գաղտնի և կախարդ հմայող բուրումներ:

Վիպասան

Քեռնեցին գանձեր, հարստութուններ,
Հեծան նժույզներ ավելի արագ
Եվ, անապատի ամպեր բարձրացնող
Ավազի միջով, տոթահար քամու
Դեղին վայոցի մշուշի միջով,
Ասպատակեցին, հասան Արային:
Չոքեցին հլու
Եվ հաղորդեցին կամքը թագուհու:

Արա

Իզուր եք բերել ձեր ճոխ գանձերը,
Իմ երկրում ունեմ այնպիսի գանձեր,
Որոնց նմանը ոչ մի տեղ չկա:

Իմ լուսարացի

Ձեռքերով կախված ամեն մի ցողը
Ավելի արժե, քան ձեր թանկագին
Քարերով ծածկված երկայն օղերը:
Արտում տատանվող հակինթ հասկերը,

Լեռան կատարի ձնծաղիկները,
Անտառում քայլող արծաթ հովերը,
Իրիկնամուտի ծովի պես փովող
Բոց ու կրակը ավելի արժեն,
Քան ձեռ խրճրի տեսքը սսկեշահ:

Վիպասան

Երբ Շամիրամը
Այդ կտրուկ մեքման վառ լուրը առավ՝
Պալատում մի խուռ փոթորիկ քալեց,
Խենթացած և կույր, թագուհին վազեց
Դահլիճից դահլիճ,
Դաշունահարեց

Իր նաժիշտներին, սիրահարներին
Եվ գոռաց, կանչեց,
Քարշ գալով գետնին:

Մի մութ գիշեր էր: Աքլորի ծամին,

Նա՛ ալլափոխված, զեք թռավ հանկարծ
Եվ, գալարվելով ու փրփրելով,
Իր մոտը կանչեց զորավարներին
Եվ հրաման ավազ—
Կազմել թե՛ թանակ,
Ձիեր ժողովել արագասմբակ,
Աֆրիկյան փղեր և թե՛ թառանակ
Աղեղնավորներ ու ոտավորներ—
Դառնալ վառ կրակ,

Արագ,
Ինչպես քամի, ինչպես մրրիկ,
Ինչպես անզուսպ, փրփրող ալիք,
Ինչպես աշնան խոլ փոթորիկ,
Վազել, զարնել,
Փշրել, քանդել
Եվ Արային բռնել, բերել:
Փոզերի ձայներ: Կանչ և ազմուկ:
Հավերի ռոնոց:

1

Վիպասան

Արարատ լեռան առջևը փռված
Ոսկեզօծ գաշտում մեծ այգեքաղ էր:
Բերքը առատ էր:

Ջրնգում էին գերանդիները

Եվ մանգաղները—
Խոտ ու հատ հնձում, հասկերը կտրում,
Բլուրներ դիզում, կալսում, ամբարում:

Աշնան այտերը հրավառվում էին,
Նրա հուր ձեռքերը սարսռում էին,
Կրծքերը նրա երեքում էին:

Ամեն մի ողկույզ

Արև էր և հույզ. ամեն մի ծիրան՝
Հակինթե մի շողք, ամեն մի սալոր՝
Թավշագույն ակունք և ամեն մի նուռ՝
Արյունով լցված բոցավառ մի հուր:

Հասուն դեղձերից լույս էր վար թորում,
Խնձորի թուշը ամաշկոտ վարդ էր,
Տանձի սրածայր, հյութեղ սափորը
Լեցված էր համի, համի և բույրի
Անուշ նեկտարով:

Եվ թուզի մեշը

Ծռում էր մեղրը՝ ճաթած շրթերը
Կառկառում հարբած, շլացած մեղիին:

Առաջին գուսան

Արարատ լեռան առջև փոված
Ոսկեզօծ դաշտում մեծ այգեքաղ էր:

Արայի ոգին՝ թևավոր, հրածին,
Խորասուզվում էր հյութի գետերում,
Մլման և ծաղկման արծաթ աղբյուրում,
Լվացվում հասնումի ճառագայթներում,
Ճախրում տեղից տեղ և՛ բոցաաղեղ,
Նիրհում ավյունի հրե աշխարհում
Ծվ նոր ձևերով փթթումին հասնում:

Այս հար ծովացման հեղեղի վրայով,
Շրշուն մետաքսներ շոյող ոտքերով,
Իր փերիների հետը միասին,
Անցնում էր երգով Հայոց թագուհին:

Իրիկունները,
Երբ աղջիկների ուղեբերի տակը
Ճղզանք տնքում, լեցվում էր հոսող
Խաղողի հյութով—

Պարի և երգի ձայներ:

Շինականները, հին մի կարասի շուրջը բուրբված,
Եղջյուրաթասը երկնքին ցցած,
Քեֆ էին անում՝
Ուրախ և տմբլան երգեր հառաշում:

Երբ վերջալույսը
Իր բոսոր նավի առագաստները
Քաշում էր, ծալում և, գունատվելով,
Իջնում վիհերը՝ արթնանում էին
Լեռ ու անտառի, արտ ու պարտեզի
Մեծ ոգիները:

Ջրերի միջից դուրս էին գալիս
Հրեղեն ձիեր, վիշապ-ձկները,
Հուր գոմեշները և փերիները
Եվ, լուսաշողջող պսպղանքներով,
Սավառնում էին արտերի վրայով:

Գիշերվա պահին,

Երբ որ լուսինը ոսկե վահանը
Կախում էր հմայված երկնքի ծայրին
Եվ վայր էր թափում իր շեկ լույսերի
Թառամած ոսկին—

Թուրք բույսերը՝

Մառը ծառի հետ, ծաղիկը ծաղկին
Գրկախառնվելով՝ տատանվում էին
Եվ վառ ձայներով իրար հետ խոսում:

Ջրերը հանկարծ կանգ էին առնում,
Եվ ջահելները, բաբախուն սրտով,
Սպասում էին, որ գետ և լճին
Նետած իրերը
Ջուտ ոսկի դառնան կամ ախուճ հրաշող:

Ժայռերի միջից, ապառաժների
Պատռած ճեղքերից,
Դուրս էին գալիս ուրվականները,
Մանր ոտքերով չափում դաշտերը,
Վազվզում, սահում և աչգիների
Կանաչի վրայով ցատկում ծառեծառ,
Թթվահամ հոնի արյունը ծծում,
Միրանի անուշ մտերը ծամում,
Ապա, լուսնո շեկ ճառագայթներով,
Մագլցում անհայտ, կորչում ամպերում:

Ա՛հ, ուրախ եղեք—

Լեցրեք փարչերը:

Թող փանդիռները

Ջարմեն և երգեն

Աշնան տաղերը:

Վիպասան

Արան այնտեղ էր: Նա ամեն տեղ էր,
Քարերի ծոցում նա հոսում շուր էր,
Սառերի գլխին թեթև սարսուռ էր,
Բլրի կատարին հարսնուկի հուր էր
Եվ աղջիկների կրծքերի վրա
Նա մի ալ-վալա
Բոց սիրո թև էր:

Առաջին գուսան

Լեցրեք փարչերը,
Թող փանդիւնները
Ջարնեն և Կրգեն
Աշնան տաղերը:

Խումբը

Լեցրե՛ք փարչերը, թող փանդիւնները
Ջարնեն և Կրգեն աշնան տաղերը:
Գըլեջան:

Ահա շրջիկ են վերի աստղերը՝
Վար թափել իրենց հրե վարսերը:
Մըրալե:

Աղջի, մե՞ծ ծածկիր սրտիդ աղերսը —
Կաքավիր նազով շուրջպարի ներսը:
Գըլեջան:

Օկ, քո աչքերիդ շուշանը քաղենք —
Օկ, քո շրթերիդ համերը խմենք:
Մըրալե:

Տղա, բարձրացուր սուրբ քո սրտիդ—
Փոիր ամառը քո սև աչքերիդ:

Գրլեջան:

Ա՛հ, թող պայտերը անսանձ քո ձիուդ
Դոփեն, կայծակեն ճամփերում հոգուդ:

Մըբալե:

Թող հասկը հասկին նետի իր ոսկին,
Գնա, միանա Արայի սրտին:

Գրլեջան:

Լեցրեք փարչերը, թող փանդիռները
Չարենն և երգեն աշնան տաղերը:

Մըբալե:

Պարը գնալով աշխուժանում է: Սալի,
ծնծղա, թմբուկ:

Մեներգողի ձայն

Մարդը հող է և ժամանակ: Մարդը հող է և ծիւ: Մարդը հող է և մահ:

Փոթորկվում և փոխվում են եղանակները: Լույսերը շրջվում են, և շափերը փոխում են իրենց եռանկյունին:

Առյուծը՝ անվախ և կանաչ, ոռնում է ոստանի շորս դռների առջև: Քամիները ման են գալիս պողպատե սմբակներ հագած: Լեռան թևերով ձիերը խրխնջում են, պատռում ամպերը, կայծակում:

Ահա հնչում են փողերը:

Փոթորիկը պատռում է իր թմբուկները:

Հայր Արամազդ, Մայր Անահիտ—

Արա, Արա, Արա:

Վիպասան

Աշունը փշրեց ճյուղերը իր բոց,
լճերի վրայից ամպեր վազեցին,
Բախվեցին իրար և, որոտալով,
Թռան, ժողվեցին Մասիսի գլխին:

Հովը պատուտեց կրծքերը իր սև,
Հասկերը քանդեց, ծառերը կոտրեց,
Վայեց, հառաչեց:

Անձրև և կարկուտ

Մրճահարեցին դաշտերը դեղնած
Եվ, գետակ-գետակ, հոսեցին կատղած
Բլուրների վրայից, ժայռերի միջով:
Հրաբորբ արևը իր վառ ուղտերի
Սանձերը քաշեց՝ ներս մտավ կամաց
Աղեղնավորը:

Կարճացավ օրը.

Եվ նոյեմբերը հեծկլտաց, սողաց:

Հայոց աշխարհը ժած եկավ, ցնցվեց:
Կատաղի թափով մի մեծ փոթորիկ
Իր սև դեերին ազատ արձակեց
Եվ առաջացավ, դարձավ գոռ մրրիկ:
Կորզվաց լեռների փեշերով մթնած
Վեր մագլցեցին Ասորեստանի
Բյուր քանակները:

Յոթ անգամ հազար

Ոտքով քայլողներ, երեսուն հազար
Հեծելազորքեր, հարյուր հիսուն փիղ,
Վեց հարյուր ուղտեր, զրահավոր կառքեր:
Չորս կողմից ժողված հաստաշուրթ ցեղեր

Ճեղքեցին քարոտ կիրճեր, ճամփաներ՝
Եվ, բղավելով, թմբկահարելով,
Եկան կանգնեցին Հայոց աշխարհի
Սրբազան դաշտում,

Որպեսզի նվաճեն

Եվ գերի տանեն
Արև Արային:

Տեղ հասան թե չէ՝ զորապետները
Հրամաններ տվին: Զորքը բաժնեցին
Աջ ու ձախ թևի, պատսպարեցին
Գնդերի ետև, որոնց պաշտոնն էր՝
Օգնել կատաղի ձիավորներին,
Առաջը առնել կողմերից եկող
Հարձակումներին:

Այդ դասավորման

Մեջտեղում գրին ոտավորներին,
Ժիր փաղանգներին և նրանց առջև
Դրին աֆրիկյան հսկայամարմին
Անհաղթ փղերին:
«Թող գան հայերը, չափվեն թող մեզ հետ,—
Կատաղած գոռաց մի ձեր քրմապետ,—
Թող գան հայերը, չափվեն թող մեզ հետ»:

Առաջին զուսան

Աշնան մետաղե, զնգող ձայները
Մնծղայի նման կպան ժայռերին:
Թափվեցին մեռած, չոր տերևները,
Եվ Արարատի զլխի բերդերից
Ոլորուն կրակով շանթեր վայր ընկան,
Ե՛վ դղրդացին, և՛ փայլատակեցին:

Երկրորդ զուսան

Արան այդ տեսավ՝ ձայն տվավ մարդկանց:
Հունձի և քաղի աշխատանքները

Լքած մարդիկը արապ գինվեցին,
Կազմեցին գնդեր ձիավորների
Եվ, մի-մի ազեղ, մի-մի թուր բռնած,
Կանգնեցին սեղմված շուրջը Դյաւցազնի:

Հայոց աստվածը՝ գեղադեմ և վեհ,
Ճերմակ ձի հեծած, աղեղը ձեռքին,
Մի մեծ թուր կախած,

Ասես ամպերի

Միշից գուրս եկած հրաբարբ լայս լիներ՝
Շոայլուդ տեսիլք:

Նրա զույգ աչքերը

Պարզ էին, ինչպես երկինք մի լազուր,
Եվ իր վարսերը՝ արևազանգուր,
Բոցկլտում էին ուսերի վրա:

Ամպերի դրդոց: Քմբուկների
ճարվածներ: Նետերի շվոց:

Առաջին գոսան

Հայոց աստվածը իր թուրը հանեց,
Իր կտրիճների առջևը ընկավ,
Քափոզ խոյացավ
Եվ, Բարելոնի զորքերի մեջը,
Վիթխարի ուժով գրոհեց և կովեց:

Թշնամու նետած

Վահան-նիզակով գինված շարքերը,
Բքից տրորված ծառերի նման,
Աչ ու ձախ ընկան և, սասանվելով,
Դաշտը ծածկեցին հազար դիակով
Եվ ետ քաշվեցին:

Երբ Շամիրամը

Իր ոսկեզօծված կառքի վրայից
Այդ գուժը տեսավ՝ դողաց, կատաղեց,
Հրամաններ տվավ, գոռաց, հայհոյեց:

Ջորականները ասին.— Քաղաւհի,
Դա հով է և բուք:
Լեռներից իջած դա հով է անմահ,
Դա հով է և բուք:

— Կտրեք այդ հովի թևերը իսկույն,—
հեննթացած ձայնով բղավեց Քաղաւհին:
— Կտրել այդ հովի թևերը իսկույն,—
Կրկնեցին խմբով բոլոր ձայները:
Ծվ նոր գնդերը՝
Բոնած երկաթե հսկա վահաններ,
Առաջ նետվեցին, վայեցին, զարկին,
Չարկին, վայեցին:

Արան իր թուրը բարձր կարկառեց,
Մտրակեց իր ձին, ամուհի ուժով,
Թշնամիների շարքերը հնչեց:
Իր քաջ հայերը՝ փոթորկամբը՝
Հոսանքներ կազմած, պաշարում էին
Չտեսնված մի ոռոգմ:

Հա, երկրների
Թուրը վայրճից՝ Սյունիքից, Տայքից,
Վաւապուրականից, գիշեր և ցէրնի
Ճամվա կտրելով, նոր մարտիկների
Փալանգներ էին շուտափույթ հասնում,
Արային միանում:

Հանձնել Արային
Ասորեստանի սլոռնիկ թաղուհուհի,
Նրա ամպ խավարից ելած ուժերին,
Գծոխքում սնված ուրվականներին,
Քէ, այդ չէ, այդ չէ:

Չէ, այդ չէ, այդ չէ... գնդնշը հրե՛
Նիզակ նիզակին, սրեր սրերին
Շանթահար զարկով՝ անշուշտ գրոհով
Հարձակվում էին, կռոււմ բոց թափով:

Վախճած փղերը ետ էին փախչում:
Տեգի, նիզակի շալունը ահեղ
Արձագանքվում էր ամբողջ երկնքում
Ծվ, հեղեղ դարձած, վայր էր գլորվում,
Քազուհին նայեց՝ իր գույնը նետեց:
Իր բոց բիրբրից կայծակներ ընկան,
Նա այսահարված՝ իր բազուկները
Գողալով ցցեց դեպի երկինքը
Եվ Ուդուֆ, Ասագ, Ալա և Գալլա
Անվերջ գոռալով, կանչեց Դևերին:

Վազելով եկան քրմեր և մոգեր:
Ասին.— Քազուհի, թշնամի մի ամպ,
Ծրկնքից կախված սպառնում է զորքին:

— Ամպի սրտի մեջ մխրճել նիզակ,
Արյունել նրան, տապալել արագ:

— Ամպի սրտի մեջ մխրճել նիզակ,
Արյունել նրան, տապալել արագ,—
Շարքերով զորքի գոռացին կրկնակ:

Այդ կանչը անդադար կրկնվում է
և արձագանքվում:

Թշնամին բերավ զորավոր խմբեր:
Օղբ ցնցեցին ծնծղա և շեփոր:
Կատաղի ոազմը սկսվեց նորից:
Քավալվող ամպի այդ ուժի առջև
Հայ մարտիկները տատամսեցին
Եվ ետ քաշվեցին:

Բայց երբ որ տեսան

Արայի գլխի շուրջը պտտվող
Հրավառ լույսերը,
Եվ երբ որ տեսան իր հսկա սրի
Զարկի տակ ընկնող թշնամիներին՝
Առաջ նետվեցին, կովեցին գինով:

Իրիկնամուտին, երբ ամեն կողմից
Առվակ առ առվակ արյուն էր հոսում,
Եվ մարտիկները մեծ հոգնութունից
Կուրացած էին՝ մեկ էլ հովերի
Անտառի միջից մի խարշափ վազեց,
Ապա գզրգոզ մի որոտ ժայթքեց:
Ալբերի խմբեր, մի էգ ուլ բռնած,
Նրան խեղդեցին, զոհեցին նրան:
Ուլը թպրտաց: Ալբերը լացին:

Ուլը թպրտաց, ալբերը լացին,
Եվ այդ վայրկյանին
Որոտող ամպից վայր իջավ մի նետ,
Մտավ Արայի նժույգի կողին՝
Վայր գլորեց նրան:

Օ՛, մեծ Շամիրամ,

Արայի հուր ձին սև արյուն փսխեց,
Ընկավ, տապալվեց:
— Ջլինի որ դիպչեք,
Արյունեք, սպանեք Արա Դյուցազնին,
Նրան ողջ բռնեք և մոտս բերեք:

Եվ Շամիրամը, հուզումից ցնցված,
Իր վեցձիանի կառքը վեր քշեց
Եվ բլրի գլխին անհամբեր սպասեց:

Փանդիոի օդը: Վիների լաց:

Երբ հորիզոնի սարսռատատան,
Թոշնած վարդերը կամաց վայր ընկան,
Մենակյաց մի հով, պղնձե թևերը
Արագ շարժելով, ճեղքեց ամպերը,
Սուրալով իջավ և, հառաչելով,
Դեգերից, անցավ դաշտի վրայով:

Խուլ մի հեծկտանք

Տրորեց աշխարհը .
Արտն՝ թագավոր ծաղկավետ գարնան,
Նետը մխրճված սրբազան կրծքին,
Նշենու կտորած բոսոր ճյուղի պես,
Հոգին հանձնել էր աստղերին հրակեզ:

ԱՍՔ ՅՈՒՆԵՐՈՐԴ

1

Մեճերգող

Օ՛, ցավ, օ՛, ցավ, օ՛, ցավ.
Աստված մի մեռավ:
Սփրթնեցին շրթերն արևի,
Նույսը բեկվեց,
Եվ աստղը առավոտյան մորմոթելով
Պսպղաց:

Օ՛, ցավ, օ՛, ցավ, օ՛, ցավ.
Աստված մի մեռավ:
Գարունը փշրեց իր անիվները,
Շվարեցին սերմերը,
Եվ ծառերը աղքատացան:

Մեռավ Արան, մեռավ Արան՝
Սրբազան սիրտը ծաղկող գարնան:

Գուսան

Ամբողջ երկիրը ասասնած լռեց:
Սարերի վրայով, գաշտերի վրայով
Մառնաշունչ և մերկ մի ձմեռ քայլեց:
Լեռները իրենց բարձր գագաթը
Մածկեցին ահրճկած ամպերի ծոցում,
Եվ առանձնացավ վես Արարատը:
Սուր վշտով պեղված հողերի տակից

Որոտներ անցան: Երկնքի ծայրից
Շանթաճար ընկան պատռաված լույսեր
Եվ Տայթից մինչև Գուգարք ու Մովքը,
Մինչև Սասունը, Փայտակարանը
Սուգի դառնաողբ ձայներ բարձրացան
Եվ աղաղակներ բողոքի ցասման:

Ողբասան կանայք, ջրմերին խառնված,
Քայլեցին պարով, վայելով լացին—
Ջոհաբերեցին իրենց վարսերը
Եվ պատռեցին իրենց կրծքերը:

Ողբասաններ

Արա Գեղեցիկ, Արա Գեղեցիկ...
Երբ նա վայր ընկավ,
Մեռավ—
Ձեռքերը սառած կպան հողերին՝
Հողերը գժբախտ լուռ մորմոքեցին:

Երբ նա վայր ընկավ,
Մեռավ—
Անահիտ իր մոր սրտիցը կաթեց,
Երկու մեծ կաթիլ վառ արյուն կաթեց՝
Լեռ ու ձոր ցնցեց:
Օ՛, բողբոջների լուսատու աստված,
Օ՛, գարուն քանդված...
Սոսյաց անտառի մերկացած ու չոր սաղարթների տակ,
Հիվանդ արտերում, դաշտերում դառաարկ
Ողբ ասին, լացին լորի և տատարկ:

Լացին, ողբացին, ինչպես ողբում են,
Ինչպես ողբում են, կրծքին ծեծելով,
Հարազատ մի հոր դիակի առաջ,
Գետում խեղդված զավազի առաջ,
Փերթաթափ եզած խեղճ վարդի առջև,
Տանիքը փլված խրճիթի առջև,
Կույր ծնված տղայի խավարի առջև—

Լացին, ողբացին, սրինգները վշտի
Հեծկլտանքներով լացին, ողբացին,
Ծվ լացավ, ողբաց քարի տակ սեղմված ռեհանը թռչնած—
Անցորեն արտը քամիով ծեծված,
Զորքած աղբյուրի ափը մենակյաց,
Մաղիկից զրկված բլրի կատարը,
Արևը կորցրած խաբված ամառը:

Գուսան

Մինչ բիրտ ասորիք ամեն ինչ քանդում,
Ավերում էին—

Ամենավսեմ,

Գոռոզ, քաջարի Հայոց այրերը
Վեր էին ցցում իրենց սրերը,
Գոռում, բողբոջում
Ծվ հտ պահանջում իրենց Արային,
Տարոնի դաշտից, Աղձնիքից, Մոկթից,
Հայկական Պարի հպարտ լեռներից
Նոր մարդիկ էին գալիս անդադար
Ծվ բարկությունից ցնցված, դողահար,
Պատրաստվում էին նոր պատերազմի:

— Մենք հտ ենք ուզում մեր վեհ Արային:
Քաջեր, ժողվեցեք մեր մարտիկներին
Ծվ հուր ու կրակով նետվենք կովի դաշտ՝
Տապալինք, հաղթենք թշնամուն անհաշտ:
Մենք հտ ենք ուզում մեր վեհ Արային:
Ծվ այդ ձայների արձագանքները
Լեռնելեռ անցան, ընկան դաշտերը
Ծվ որոտացին:

Ծրբ Շամիրամը այդ կոչը լսեց՝

Վախեցավ, հուզվեց:
Կանչեց քրմերին, կախարդողներին
Ծվ հայտնեց նրանց, որ աստվածները
Հրաման են ստացել լքել ամպերը,
Շուտափույթ իջնել
Ծվ Արա քաջին նոր կյանք պարգևել:

Գրահայտութեան խմբի գնացին
Եվ հազարավոր դիակների մեջ,
Գտան Արային:

Հայեր

— Մենք ետ ենք ուզում մեր վեհ Արային:

Գուսան

Գտան Արային և տարան պալատ:
Նրա գորովալի և գեղ մարմինը
Պառկած էր անշունչ, ինչպես մի արձան:
Ճակատի վրա մի վերք էր բացվել՝
Սուտակի նման պսպղուն վառվել:
Գունատվել էին իր շրթունքները,
Բայց իր գանգրավոր, վեհաշուք գլխի
Շուրջը հրավառ մի լույս էր վառվում
Եվ ճառագայթում:

Շամիրամ

Ես չէի ուզում նրան մեռած տեսնել,
Գեղանի դեմքը սիրթնած տեսնել,
Եվ իր շրթերը անարյուն տեսնել,
Թո՛ղ նրա ճրագը աստղերից իջնի
Եվ սիրտը նրա կյանքով բարախի:

Լսվում է շուրս շնիկների
մղկտոցը:

Գուսան

Օրերը անցան: Իզուր մոգերը,
Գաղտնի բառերի կախարհող շեշտով,
Վերակոչեցին մութ ոգիներին՝
Իշտար, Մարդուկին, դև և ալքերին—
Արան շարթնացավ:

Տասներկու ցերեկ,
Տասներկու գիշեր նրա շուրջը գարձան:
Տասներեքերորդ օրվա լուսաշող ծագին
Ամպերը հանկարծ խուլ որոտացին
Եվ ճարճատելով, կայծակներ ընկան,
Կպան պալատի առջևի դռան—
Քոցակիզվեցին:

Մոզերը վախցան:
Իրենց թագուհուն շուտ խորհուրդ տվին
Տանել Արային գիշերվա մութով—
Անշշուկ, անձայն, մի բլրի վրա
Այրել գեղապանձ մարմինը նրա:

Ընտրեցին մի բլուր: Գերաններ դրին,
Հատակ կազմեցին: Շուրջը շարեցին
Քանկարժեք իրեր, տեղեր, նիզակներ,
Իր սուրը ոսկե, իր մեծ վահանը,
Իր արքունազարդ լայն պատմուճանը:

Պանկեցրին Դիցին: Հատակի տակը
Դրին անհամար վառելիք և ցախ:
Հեռացան կամաց և սպասեցին
Գիշերվա կեսի խորացած մութին:
Երբ կուծն շարժեց երկնակամարում
Իր վառ արորը, և Հայկը ուղղեց
Աղեղնավորը Մեծ Շան սահմանին—
Հանկարծ վայր իջան լուսե թևերով,
Կրակ աչքերով այն չորս շները,
Որ կապված էին Արայի լույսին
Գաղտնի կապերով:

Նրանք բոլորվեցին
Արայի շուրջը, բոց լեզուներով
Երկար լիզեցին նրա վերքերը:

Երբ մարդիկ եկան՝ ապշած մնացին:
Երկնքի միջից ցուացող մի լույս,

Մի լույս կապուտակ,
Հերարձակ իջավ—
Վառեց Արայի երկու աչքերը:

Վառեց Արայի երկու աչքերը,
Ոսկիով լվաց նրա վարսերը:
Արան բարձրացավ և հանգիստ նստեց,
Նստեց և խոսեց:

Արա

Անտեռ աշխարհը
Տեսանիլի է: Նա մեծ հայելի է,
Որ լի է կյանքի թաքնված ձևերով՝
Աշխարհաշինման նախակերպերով:

Երբ սանդուղքներով ոլորապտույտ
Մտա հողերի մթնած մեծ վիհը՝
Ինձ բոլորեցին բարդ այն կերպերը,
Որոնց առջևը ո՛չ մի դուռ կամ պատ,
Ո՛չ մի բերդ ամուր
Չեն կարող ցցել անանց մի արգելք:
Նրանց արմատները,

Սպասող սերմերի հուր մագիլները
Պատուում են ներքին լույսի ամպերը:
Հերկված ճամփեքում արյուն է հոսում՝
Կանաչ զորություն և համառություն:
Ցոթը կրակ են
Ցոթ անգամ բացված,
Ցոթը ուժերով անողոք ճեղքված
Եվ յոթ կյանքերի ձևերը առած:

Հասկացա, որ դրանք այն հոսանքներն են,
Հյուլեն իր սաղմում խեղդող ուժերը,
Որոնց սահմանից անցնելու համար
Պետք է այրի սիրտ և պայքար համար:

Ասի, ես պետք է անցնեմ այս խավար
լաբիրինթոսը,
Ոսկեծին իմ մոր
Փեշերին հասնեմ և Անահիտի
Արգանդի լույսը երկու ձեռքերով
Ժողվեմ և խմեմ:

Եվ երբ այս արի՛

Իմ ձեռքը զինվեց բոցավառ սրով—
Ես ճամփա բացի խավարի միջով:

Հնկա ուրիշ վայր:

Կարծես լեռան մեջ

Բացված մի կիրճ էր, լեցված սրածայր
Հսկա ժայռերով:
Երբ առաջացա՝
Մառերը հանկարծ շարժվեցին կամաց—
Վիշապի դեմքով շարժվեցին իմ դեմ:
— Ես հասկանում եմ, — ասի ես նրանց, —
Մթին աշխարհի
Քաղաքի վրա իշխող արքայի
Դուք պահակներն եք:

Դուք ոգիներն եք

Մեռնող իղձերի՛

Հազված պարապով գերեզմանների:

Վեր առա ձեռքս և կարկառեցի
Մեջս բոցկլտող ջահը իմ սրտի,
Այդ ոգիները սողացին մի կողմ—
Ես առաջացա:

Առջևս բացվեց մի կամար հսկա,
Որտեղից լույսի հեղեղ էր թափվում:
— Դու վերադարձար, դու վերադարձար,—
Փսփոսաց մի ձայն, և սեր մի հրատապ
Ինձ գիրկը առավ:
Կյանքը ծնվում է արգանդում հրավառ
Եվ նորից իշնում արգանդը հրավառ:

Ինչքա՞ն ժամանակ այնտեղ մնացի,
Ես լավ չեմ հիշում: Հիշում եմ, որ լույս
Կամարի պարզած նեղ ոլորտներով
Ես վեր բարձրացա և աշտարակի
Բարձրաբերձ գլխին կանգնած նայեցի:

Ամբողջ տիեզերքը փռվեց առջևս:
Պետք է իմանալ. աստվածները իսկ
Իրենց սահմանած երկնքի մասից,
Իրենց մեջ ապրող հուլզի աշխարհից,
Իրենց աստղերի ոլոր շրջանից
Շատ շեն հեռանում:

Այն որ հեռու է—

Թվերի ծովը, բարդ հավելումի
Խաչաձև կարգը, անծայրածիրը՝
Մնում է թաքնված:

Այնտեղից տեսա Ամբողջությունը:
Աստղադաշտերի հսկողությունը,
Արևելք շրջող ոսկեթափ բացը,
Արևամուտքի բոսոր շրջանը,
Մոլորակներում պառկած ծովերը,
Բյուր արևների լուսե գետերը:

Մնացի սասանած:

Աջից և ձախից,
Կոնաձև ցցված Մեջտեղի կողմից,
Մեկմեկի խառնված, մեծ ալիքների
Եվ հոսանքների ջրվեժ է թափվում:
Անթիվ աստղերը՝ ոսկե դաշտ կազմած,
Փայլվում էին, երերում էին:
Գիսավորները՝ հրաբոց և արագ,
Մագլցում էին դեպի անհունը,
Ապա ոլորվում, վայր էին սահում
Երկնակամարի զառիվայրներով:

Այդքան մեծության բեռը մղկտաց
Իմ կոպերի տակ: Սիրտս ի՞նչ կերպով

Կարող էր գտնել բաբախման ձևը
Եվ անծայրաժիր անվերջությանը:
Ինչպե՞ս կարող էր հոգուս մեջ գտնել
Հիմնական շեշտը իր արարչության:

Նորից վայր իջա:

Կանգնեցի առջև մի վերջալույսի:
Հազիվ թե նիրհող արևից մեկը
Սուզվել էր ծովում իր հորիզոնի—
Ազամամութը, արևածագը, ապա գիշերը
Ճախարակի պես աջ ու ձախ դարձան,
Երկնակամարը լեցրին փոփոխվող
Լույսի, խավարի զորագնդերով:

Հանգիստ դիտեցին:

Մտրիս մեջ դանդաղ, ալիքանման շրջաններ անցան,
Եվ ժամանակը,
Լողացող տղայի կայտառ շարժումով,
Թափառեց մեջս, ճեղքեց շրերը:

Ուզեցի թափով նետվել ետևից
Ոլորապտույտ շարժվող արևի,
Հագնել ճրագը, ճախրել նրա հետ:
Այդ պահին, սակայն, հոգնություն զգացի,
Կոպերիս վրա ծանր թև նստեց,
Լեցվեցի քնով:

Լեցվեցի քնով,

Եվ քնի պահին իմ ներքին, գաղտնի
Աչքերիս առջև տարածվեց մի ծով՝
Անհուն և անծայր, անափ և անվերջ:

Լուս հայելի էր զմրուխտե ծովը
Առերես միայն:

Պարզ էր ու հանգիստ,

Անծայր ջրերի թաքնված խորքերում
Կատաղի, ծածուկ պայթար էր մղվում:

Խաղաղութիւնը ծնվում է ներսի
Մաքառող ուժից: Երբ իր գեներին
Հաղթահարում է կովող ալիքը՝
Գալիս պառկում է հայելու կրծքին:

Ներսում աչքերս պարզ տեսնում էին
Սովերի խորքում, մթնած աշխարհում,
Զորութիւնների մղած պայքարը:
Ինձ ակներև էր.
Ամեն ինչ, որ կա,

Ես կամ նրա մեջ:

Ու վայր սուզվեցին, միացան նրանց:
Պեղեցի ջուրը, նրա հաստ մետաղը,
Բերդերը նրա
Եվ թավալ եկա այդ բուքի գրկում:

Ես անհետացա: Քնեցի կարծես:
Ինձ թվաց, որ բյուր դարեր եմ քնել —
Կամ թե քնել եմ մի քանի վայրկյան:
Չափել գաղտնիքը՝ անկարելի է:
Հայտնի էր միայն, որ ծովի մթին,
Անվերջ պայքարը մեզս առնելով՝
Ես դարձա նոր ձև, լինելու նոր կերպ,
Կյանքի նոր ճախրանք, միութիւն մի նոր:

Ուսերիս վրայից անցած կյանքերի
Քողերը ընկան: Մարմինս հազավ
Լույսերի մի լիճ: Սրտիս սահմանը
Կայնացավ, շարժվեց, և ես նիրհեցի,
Միացա ընդմիջտ կյանքի ճրագին:

Հասկացա, որ երբ երկու ենք ասում՝
Չկա երկուսը. երեք ենք ասում՝
Չկա երեքը, չկա հազարը,
Այլ կա միաձուլլ Մեկութիւն մի վառ:

Հասնելու համար Մեկությանն այդ վառ՝
Պետք է վիշապի աչքերը հանել,
Բաժանումների թշնամուն հաղթել
Եվ այլափոխվել:

**Ահա կանգնած եմ բաժանումների
Կենտրոնում ոսկե:**

Ես միություն եմ:

**Երկու բեռով շղթայված խորհուրդ,
Հավիտենական ներկայություն եմ,
Գարնան պոռթկումով ժայթքող նոր ավիշ,
Հաց եմ և գինի՝ զոհաբերություն,
Հերկող և ցանող անմեռ զորություն:**

Խոր երկնքում
Անծայր մի ծով
Մրրկահույզ թավալ եկավ,
Աղաղակեց հազար ձայնով, մունչաց, գոռաց—
Իր երկաթե սև թևերը
Խփեց մութի ոլոր եկող եզերքներին
Եվ, փլվելով,
Թափվեց անդունդ:

Հյուսիսային կողմում փռված սահմաններից
Մերկ խավարի ահագնաձայն խմբեր իջան,
Շառաչեցին, փշրվեցին
Եվ արևը խավարեցին:

Երկրի վրա անտառները գանգատվելով
Երեբացին,
Իրենց շորցած բազուկները գալարեցին—
Լացին խեղզող հովի գրկում:

Մորուտներում, պղնձին պղինձ բախվեց ուժով,
Եվ մի եղեգ ցնցված շարժվեց,
Իր ոտքերը գետին խփեց —
Ճչաց բոսոր աղաղակով:
Որոտացին երկիր, երկինք:
Սասանվեցին լեռներն հսկա:
Մութը սողաց,
Փշուր եկան փոթորիկի ոսկորները,
Եվ մի ամպրոպ
Բոցակիզվեց ճարճատելով,
Կարմիր կրակով ճեղքեց մութը,
Նիրհեց երկիր —
Հըրավատվեց:

Երբ ամպրոպը՝ զինված հրդեհ դաշույններով,
Փայլատակեց, ճայթեց, վայեց —
Զիգ եղեգնի միջից ելավ
Արյուն ոսկի խառնած մի լույս,
Կայծակնացայտ ճառագայթեց
Եվ դուրս նետեց
Հուր մազերով, բոց մորուքով,
Արևի պես երկու փայլող մեծ աչքերով
Մի պատանյակ:

Մնավ թե չէ՝ նայեց վերի կարմիր ծովին
Եվ, հով հագած իր ոտքերով,
Վազեց, թռավ:

2

Իր անհամբեր, մեծ աչքերում կայծեր ծնան,
Իր ոտքերը շմշկեցին և սլացան,
Կրծքի վրայից սողաց մի բուք,
Եվ մազերից կրակ թափվեց:
Արագ ճախրեց անծայրածիր ծովում կարմիր,
Ինչպես հրատես խորհուրդների մի շահակիր:
Սուրաց, ցատկեց ալիքների վրայից մութի,
Գորովալի իր ձեռքերով ճամփա ճեղքեց,
Մտավ փոված շոր ամպերի լաբիրինթոս,
Խորասուզվեց, վեր բարձրացավ,
Նիրհեց, լողաց, առաջացավ:

Մրրիկ պայթեց:

Դղրդալով փշուր եկան խոր վիհերը,
Եվ վահագնի առջև ցցվեց ահեղնատես,
Կես-ձուկ, կես-ուղտ և կես-թռչուն
Մի մեծ վիշապ:

Այդ վիշապի խորը փորված գորշ աչքերից
Թույն էր ժայթքում, ծուխ և կրակ:
Փետուրները սրածայր՝ դիզված մետաղ էին,
Դունչը երկայն, պոչը ոլոր,
Կուրծքը ծածկված քարից հղկված վահաններով:

Կոիվ ընկավ երկուսի մեջ: Դղրդացին երկինք, երզրու՝
Հրեջը սրաբոց
Մագիլները իր երկարեց,
Ոլոր ածեց դեղին լեզու՞ն
Սվ, ոռնալով,
Գրոհ տվավ Վահագնի վրա:

Վահագն արագ

Հանեց թուրը իր վիթխարի, նետվեց առաջ,
Ահագնազարկ հարվածներով զարկեց հրեջին,
Վիզը կտրեց, փորը ճեղքեց:
Կտոր-կտոր վայր գլորեց նրա պոչի օղակները:
Մռնչացին սև ամպերը —
Սրկինքն ամբողջ աղաղակեց:
Հաղթեց, իջավ:
Ո՞րն էր ճամփան Սովինարի: Նա չհասավ:
Ա՛հ, չհասավ վերի շերտին երկինքների:
Նա չհասավ
Խավարի խիտ պարիսպների ետև թաքնված
Իր երազած աստվածուհու ապարանքին,
Պայծառաշող նրա դեմքին,
Նրա հարդագույն գանգուրներից,
Նրա՝ վարդ բացված, լույս շրթերին:

Կանգնեց, նայեց: Մի ձայն թնդաց:
— Հե՛յ, պատանի, — բոռաց ձայնը, — որպեսզի դու
Հասնես բյուրեղ դղյակներին Սովինարի,
Պետք է հաղթես յոթ շերտերի յոթ դևերին,
Անցնես հոգու կողպեք հագած մեծ դոններից,
Ահով կոփված արգելքներից,
Ալլափոխման, վերածնման շրջաններից:

Նայեց շուրջը՝ փոշին հոտեց:
Մարավ էին հողերն ամեն: Զոր, ամաչի:
Կմախք դարձած բույս և ծաղիկ
Կանգնել էին հիվանդ և լերկ
Ավեր սփռած անապատում:

Անձրև, անձրև...

Եվ Վահագնը
 Այդքան թշվառ տեսքից հուզված,
 Ձայն արձակեց,
 Կանչեց հրաթև, խարտյաշ իր ձին,
 Ցատկեց վրան —
 Նետովեց երկինք:

Ջրնգացին մութ ամպերում
 Ծրիվարի արծաթաձայն սմբակները,
 Եվ շաշեցին այրվող պղնձե լայն թևերը՝
 Հասան մի բաց,
 Մաղիցեցին հսկայական բարձրություններ,
 Իշան վիհեր, վեր սահեցին —
 Կորան ծխում:

Հանկարծ, ձորը տրորող, քանդող մրրիկի պես,
 Մի ահավոր ձայն պատռվեց, շաշեց, պայթեց,
 Եվ, ոռնալով,
 Հսկա մի հրեշ
 Պոչը խփեց քամիներին,
 Կայծեր հանեց
 Եվ Վահագնի գլխին կախվեց:

Ուռած մարմնով, վագրի գլխով և կրիայի
 Տափակ ու լայն ոտքերով՝
 Այդ սև ոգին
 Վայր գլորվեց, նիզակները իր կարկառեց,
 Քրոճ տվավ
 Եվ Վահագնին իր թևերով պաշարեց:
 Վահագնը քաջ
 Արագ շարժվեց ետ ու առաջ,
 Քոսավ մի կողմ,
 Իր նիզակը խրեց դեի մեկ աչքի մեջ,
 Խառնեց, հասավ իր ուղեղին —
 Ուժով պեղեց:

Մի աղաղակ թնդաց ահեղ,
Որոտ պայթեց և անշրդի, շոր ամպերի
Դատարկ կավե սափորները փշրվեցին,
Զրնգալով վայր թափվեցին:

Վահագնը փորձեց վեր բարձրանալ,
Հասնել երազ Սովինարին,
Բայց երկնքի ո՛չ մի կողմում ո՛չ մի նշույլ
Չնշմարեց,
Այլ լոկ խավար, որոտացող ամայություն:
Սանձերն ձիան կատղած քաշեց,
Իջավ երկիր:
Իջավ թե չէ, նայեց նորից՝
Արյուն կաթեց իր վեճ սրտից:
Փտած փայտի, թանձր ծխի,
Ածուխացած անտառների, շոր ծծմբի
Գոլորշիներ սողկրտացին երկրի վրայից:

Նայեց նորից—
Քար էր, փոշի:

Սարավ էին աղբյուրները:

Քայլերի տակ խշխշացին
Բույսերի շոր դիակները և խոտերից
Դեղին հառաչ վեր բարձրացավ:
Թողնել էին

Սառերն ամեն,
Ուժասպառ էր հողը փխրուն:

Հեռվում տեսավ մի մեծ թափոր:
Կանայք, մարդիկ, մոզեր, քրմեր,
Դաշտից ի դաշտ թափառելով,
Բարձր ձայնով
Լալիս էին,
Եվ, Վահագնին պաղատելով,
Զուր աղերսում, ա՛հ, ջո՛ւր, ա՛հ, ջո՛ւր:

Երբ այդ լսեց՝
Իր ուսերի վրայից քայլեց
Հույզի մի հուր,
Եվ աչքերը կայծկլտացին:

Ցնցեց նրան

Մի մեծ զայրույթ, տնկվեց համառ իր ճակատը:

4

Եվ վահագնը դարձավ հրավազ, զորեղ մի ցուլ:
Գլխի վրա քուսան երկու սուր եղջյուրներ,
Եվ ունգներից կրակ ժայթքեց:
Իր աչքերում
Արյուն և հուր շահեր դրին:
Հսկա բաշը
Կատաղորեն թափահարեց, կանչեց, մայեց—
Պարզեց բոսոր իր թևերը,
Մրրիկ շնչեց,
Բառաշելով վեր բարձրացավ,
Ժիր ճակատը տնկեց առաջ՝
Ճախրեց:

Հասավ երկինք: Մտավ շաշող շոր հովերի
Խաչաձևվող հոսանքների ոլորտի մեջ:
Տեսավ լույսով ճեղքված մի վայր,
Նետվեց այն կողմ—
Փորձեց անցնել: Իր առջևը
Մի պատ ցցվեց թանձր մութի:
Ցուլը զարկեց բաշը պատին՝ փլուզումով
Խավար թափվեց և, խավարի միջից ահեղ,
Իր դեմ կանգնեց հրդեհ ծամող, ահագնատես
Մի մեծ վիշապ,
Որ ոլորվեց, ճամփան փակեց:

Վայրի փղի երկայն գլուխ
Եվ գիշատիչ, մեծ անզղի աչքեր ուներ այդ վիշապը:
Նա պողպատե տախտակներով ծածկված
Հսկա
Իր ոտքերը

Վեր գալարեց, իր վիթխարի դունչը քացեց,
Բացեց, նետվեց Յուլի վրա:

Յուլ-Վահագնը

Եղջյուրները առաջ նետեց,
Արագաշարժ զարկավ, խփեց—
Արյուն հոսեց:

Կայծակները ահադղորդ ճարճատեցին,
Եվ ամպերի ծնծղաները
Ամպերի դեմ փշրվեցին:
Հսկայաթափ կոխվ ընկավ: Շանթ և ամպրոպ
Բղավեցին: Զրնգացին Յուլի ամուր եղջյուրները,
Եվ նա մայեց ահագնականչ, ահեղնագոռ:
Նետվեց առաջ՝
Թափեց հրեղի սողպատակուռ ակուաները,
Զարկավ փորին, զարկավ կրծքին, զարկավ գլխին
Եվ, որոտող մի հարվածով,

Գլորեց նրան

Վարի անդունդ:

Յուլ-Վահագնը իջավ երկիր:

Կսկիծ մի մեծ խայթեց նրան: Դեռ չհասավ,
Ա՛հ, չհասավ Մովինարին:

Պառկեց բարձր բլրի վրա,
Եվ երբ պառկեց՝ մեր քաջերի բարձր սարից
Մի ձայն ելավ, նրան խոսեց:

— Ամեն մի նոր, ջահել աստված,—

Չայնը ասաց,—

Պետք է անցնի ծննդի, մահվան շրջաններից՝
Վերածնի, նորից մեռնի, նորից ծնի:
Օ՛, Վահագն, դու աղեղի լար ես և նետ,
Արմատ և ծառ,
Որոտ և լույս:

Որպեսզի գու

Ընդմիշտ հասնես

Քեզ մեջ թաղված վիթխարի, վեհ,

Հրով կերտված զորության—

Պետք է ազգով վերածնվես,
Աճես նրանով, վերափոխվես:

— Ես ուզում եմ, — պատասխանեց վահագնը քաջ, —
Հասնել երկրիս պայծառ լուսին՝
Մովատեսիլ, ծովահրավառ Մովինարին:
Ես ուզում եմ լվացվել նրա կրակներում,
Հագնել թագը նրա ջերմության՝
Նվաճել լույսը հսկայության:

— Պետք է հաղթես, — ասաց նորից ձայնը լեռան, —
Ճամփադ կտրող ոգիներին:
Հերայից շեն միայն ծնվում,
Այլ խավարի համատարած դիզվածքներից,
Այլ գետերի շորցած հունից,
Այլ հողերի ճեղքվածքներից,
Այլ ժայռաքանդ անդունդներից
Եվ նաև շոր, շոր, ամալի
Մարդկանց սրտից:

Եվ նաև շոր,

Նենգ, խորամանկ, հոգով սնանկ
Մարդկանց վարքից:
Երբեմն գալլ, երբեմն գառ,
Օձ թունավոր, կարիճ ոխի:
Նրանք գալիս են ամեն կողմից,
Խմում լույսը մարդկանց սրտից,
Որք աղջկա ցավը ծծում,
Ծաղիկների բույրը պղծում,
Կյանքի թագը ցեխը նետում՝
Կեղծում, խաբում և բամբասում:
Նայիր և տես՝ ամեն մի տեղ թաքնված սովերներ,
Աղտ և փոշի, հոգու ավեր:

Տ

Եվ վահագնը դարձավ հրատես մի Արագիլ:
Վեր բարձրացավ, հասավ ձյունոտ գագաթներին,
Կախվեց օդում և, աչքերով զորատեսիլ,
Նայեց Հայոց մեծ դաշտերին:

Խոր խավարը՝ սեղամուկի, սև մողեսի,
Արմատ ուտող միջատների
Ջևեր առած՝

Սողոսկում էր, դավում, սպառնում,
Մեռելների ոգին տանջում—
Արանց, կանանց քենով լեցված
Մութ աչքերում
Մաղձ սրչկում, նախանձ և ոխ,
Ատելություն:

Արագիլը իր կտուցը երկարեց,
Վայր սլացավ և կատաղի կոխվ մղեց:
Նա հարվածեց սուտ քրմերին,
Կեղծ ու ծախու մարտիկներին,
Շինականին շահագործող
Եվ իմաստուն իրենց կոշող
Չարչիներին:

Ծրբ տեսնում էր մի տան բակում
Կամ արջառի շուրջը թաքուն շարժվելով
Անցնող շուքին —

Շանթի նման վայր էր գլորվում,
Մագիլները մխրճում էր դեմքին, վզին,
Խեղդում նրան, ծակում կուրծքը:
Ապա նորից վեր էր սլանում,
Օդում կախվում՝ լեգենդական նավի նման,
Հայաստանը խուզարկում:
Այդպես կովեց տարիներով:
Հողը ծածկեց հրեշների դիակներով:
Ծրբ երկնային դիտարանից նա վայր իջավ՝
Իր առջև ցցվեց տձև մի Աժդահակ:
Հսկա մարմին,
Մուխ և կրակ փսխող բերան,
Վառված ածուխ կարմիր աչքեր,
Դեղին թևեր:

Արագիլը, մագիլները երկարելով,
Շարժեց արագ, թռավ վրան:

Բայց Վիշապը՝ քամուց մղված ծխի նման
Վեր սլացավ, մտավ անտառ, անհետացավ:
Վահագնը շուտ իր բոցաշունչ ձին ետ կանչեց,
Նստաւձ վրան, մտավ անտառ:

Երբ առաջին

Սոսիների շարքը անցավ՝ մի հով շաչեց,
Օձապտույտ վեր մազլցեց
Եվ, ճյուղերում կանչ գոռալով, երեւ եկավ
Եվ ճարճատեց:

Հեռվից տեսնվեց

Պարզ, հասարակ մի ձիւղոր
Ասես որսորդ: Ուսին կախած քրջի մի կտոր,
Գլխին մորթից կլոր փափաթ,
Չեռքին աղեղ:
Նա նայում էր ամեն մի կողմ
Եվ որոնում որսի մի զոհ:

Վահագնը նրան տեսավ թե չէ՝
Կասկած ծագեց նրա մտքում:
— Օտարակա՛ն,— բռնաց նրան,— որս ես փնտրում
Իզուր տեղը: Չե՞ս թմանում,
Որ այժ և ցուր, եղնիճի, ոչխար
Լեռ են մեկնել ջուր փնտրելու,
Այս մեր երկրի շորութլունից ազատվելու:
Ձիւղորը նայեց նրան և երբ նայեց՝
Իր աչքերի միջից կարծես սրեր քնկան:
Անտառն ամբողջ խարշափելով տատան եկավ:
Ապա, մեկ էլ,
Կայծակի պես, մարդը ձիուց վայր գլորվեց՝
Առաջ խուժեց:

Բայց երկու քառ շտապացած՝

Վրան ընկավ Վահագնը քաղ,
Իր բոցավառ, պինդ ձեռքերով վիզը սեղմեց՝
Ոլոր տվավ:

Զիալորի մեջքին գցած քրշի տակից

Դուրս եկավ մեծ և հրեշ տիտան,
Մուռմուռ դեմքով այդ էակից ծուխ բարձրացավ,
Եվ բերանից թափվեց առատ դեղին մի մաղձ:
Երբ նա շարժվեց՝
Անտառի շոր սաղարթները կոտրտվեցին,
Վայր թափվեցին հառաչելով:

Կռիվ ընկավ: Տապալվեցին գետնի վրա,
Ահազողորդ հարվածներով ըմբռեցին:
Օտարակա՛ն այդ հրեշին,
Նրա իսկ ձեռքից խլած սրով,
Վահագնը քաջ խփեց, սպանեց:
Մի հով լացավ կաղկանձելով,
Տրորվեցավ
Եվ գիշերը՝ թանձր և խոր, անտառ մտավ:

6

Ղազարներով վիշապ քաղեց Վահագնը մեծ,
Անձրև շեկավ:

Գաշտ ու արտում,

Չոր և անուժ բույսերի շուրջ,
Կրակ էր մաղվում:

Տնքում էին խեղճ հողերք:

Գյուղի մարդիկ, սարսափ գրկած,
Նայում էին մութ ամպերին
Եվ անիծում վիշապներին:

Բազինների առջև քարոտ
Ձոհում էին ոչխարների ամբողջ մի հոտ
Եվ վեհերոտ ձայնով հրգում:

— Օ՛, Վահագն,
Ամպրոպ կայտառ, արապաշարժ,
Ամպերի դեմ կովող վարաղ,
Արծիվ անհաղթ, վագր մեծդի—
Օ՛, հրաթև որսորդ դևի,

Հասիր, օգնիր այս տառապող չոր հողերին,
Քոշնած ու լերկ ողկույզներին,
Երբեք չհասնող պտուղներին
Եվ արտերի ծարավ լացող ծաղիկներին:

7

Եվ Վահագնը դարձավ գոմեշ մի հրացայտ:
Դարձավ գոմեշ,
Սուրաց ինչպես անզուսպ մրրիկ,
Ինչպես կարմիր ձայնով մնչող մի փոթորիկ,
Ինչպես հրե դանակներով կոժող մի շանթ:

Երբ նա վազեց՝
Մութը ցնցվեց,
Ահագնազոռ թավալ եկավ
Եվ, թևերը փշրվելով, գլորվեց վիճեր
Եվ բղավեց:
Երեք գլխով, վեցը պոչով մի Դև ելավ
Եվ, հրդեհի մեծ քույաներ դուրս հանելով,
Քոսավ, նետվեց
Գոմեշ դարձած աստծո վրա
Եվ հարվածեց:

Քաջ Վահագնը հովի նման պտույտ եկավ,
Ոլոր ու վառ եղջյուրները վեր կարկառեց՝
Զարկավ Դևին:
Երկինքներում որոտ վազեց:
Ամպը դիպավ ուրիշ ամպին՝ շաչեց, ձայնեց:

Այդ կոիվը տևեց երկար: Տևեց մինչև
Այն լույս ժամը,
Երբ արևը, դուրս թափելով ճաճանչների բոց երամը,
Հանկարծ ցցվեց հորիզոնի խառն ծովում,
Քացավ շողշող, ակունքակերտ առազաստը
Եվ նավարկեց դեպի հեռուն:
Հալվեց ամպը:

Հրեշի երեք գլուխներից ծուխ բարձրացավ:
Իր աչքերի կրակը մարվեց, ձայնը մեռավ:

Շիոթ ընկավ երկինքներում: Վազվզեցին
Դղրդալով կայծակները,
Մեկմեկի դեմ թուր հանեցին
Եվ շաշելով առաջացան:

Մի շանթ պայթեց

Եվ ժած տվավ լույսը ծածկող սև կամարը:
Երբ վահագնը այդ նկատեց՝
Ամբողջ ուժով գրոհ տվավ,
Եղջյուրները խորասուղեց մի մութ ամպի հղի փորին,
Պատռեց նրան, անցավ մյուս կողմ,
Մտավ լույսի ծաղիկներով բուսած կածան,
Վեր մագլցեց և կանգ առավ
Գեղափթիթ, վարդակրակ Մովինարի լույսի առջև:
Վայր գլորվող կաթիլները մուրճեր զարկին
Հողի շորցած գնդակներին,
Եվ բաղերի շրթերն ծարավ
Թրջվեցին:

Երբ արտ, արոտ, երբ լեռ և դաշտ,
Վերածնված, թարմ թոքերով
Խոր շունչ առան,
Եվ խաղողի ողկույզները
Մովինարի լույս կրծքերից
Արևաքամ կաթ ձծեցին,
Բոցկլտացին —
Վահագնը հուր, քաջ պատանին,
Վազեց, թռավ
Եվ եղեգնի աճող բոցում սարսռագին
Անհետացավ:

Այս վեպը սովորական առումով պատմական վեպ չէ, այլ պատմությունը մի քանի հայ հոգիների, որոնց վիճակվեց ապրել մեր ազգային կյանքի ամենաբախտորոշ ժամանակաշրջաններից մեկում: Նկարագրված անձերը երևակայական են, որովհետև զուտ ստեղծագործական աշխատություններում երևակայությունը ավելի իրական է, քան իրականությունը: Պատմության գիրք չէ, այլ ոգու պատմություն:

Այնուամենայնիվ, կարելի չէր բոլորովին անտեսել պատմական իրադարձությունների մոտավոր ճշմարտությունը: Արտասահմանյան պայմաններում, հեռու երկրից և սկանառեսների վկայություններից, դժվար էր հարազատ պատկերը տալ բոլոր անցողաբձերի, և ականա վեպում տեղ էին գտել որոշ անճշտություններ, որոնք և աշխատել են ուղղել երկրորդ հրատարակության առիթով:

Հայաստանում պահպանված մի շարք փաստաթղթերի լույսի ներքո, ես հանգեցի այն եզրակացության, որ Սարգսրապատի ճակատամարտը հանդիսացել է ճշմարիտ համաժողովրդական պայքար բռնակալների դեմ, կազմակերպվել և առաջնորդվել է ոչ թե մի կուսակցության խմբապետներով, այլ հայ ժողովրդի միահամուռ և հերոսական ջանքերով: Տեսա նաև, որ սխալ են մեկնաբանել Մայիսյան բանվորագյուղացիական ապստամբության նշանակությունը և ուրիշ մի շարք դեպքեր, որոնք ճակատագրական նշանակություն են ունեցած հայ ժողովրդի կյանքում:

Ժամանակին, իտալացի մեծ փիլասոս Ալեքսանդր Մանցոնին Ճյորանս ժամանելիս հայտարարում էր, որ եկել էր իտալական արդի մշակույթի այդ օրրանը Առնո գետի ջրերում մաքրաջրելու իր «Promessi Sposi» վեպի ինչ-ինչ թերությունները: Հայրենական Հրազդանի ափերում, որտեղ ամեն ինչ հրաշալիորեն վերածնվում է, որտեղ հայ երգը հնչում է գորեղ և հմայիչ, և հայ ժողովուրդը իր ճիգը խառնելով եղբայրական մյուս ժողովրդների ճիգերին, ստեղծում է պատմության մեջ չտեսնված մի նոր կյանք, ես ևս մաքրաջրեցի իմ վեպի որոշ տեղերը:

ԿՈՍՏԱՆ ԶԱՐՅԱՆ

1

Երբ պատից կախված ալպյան տնակի ձևով ժամացույցի դուռը հանկարծակի բացվեց և դեղին սարյակը դուրս նետվելով մեքենական կոկորդով կու-կու կանչեց, հեռավոր ճամփորդությունների նավապետ Արա Հերյանը աչքերը բաց արեց, նստեց անկողնի վրա և աղմուկով հորանչեց: Կարելի՞ բան էր, որ այդքան ուշ լիներ... Մի քանի վայրկյան այս ու այն կողմ շարժվեց, մեջքի վրա շրջած մեծ բզեզի նման ոտքերը և ձեռքերը վեր հանեց, ապա, վճռական որոշումով վերմակը մի կողմ նետեց, մահճակալից վայր ցատկեց և պատուհանի փեղկերը բանալով քիթը կպցրեց ապակույն և երկար մնաց այդ վիճակում. մտահոգությունների մի փեթակ բզզալով խուժեց իր ներսը:

— Սատանան տանի,— մոմռաց նա: Արագ շարժումով մերկացավ և սկսեց մարզանք անել: Մարմինը երկարեց գետնի վրա, միացրած ոտքերը բերեց մինչև գլուխը. դարձավ երեսի վրա, մարմնի մկանները մղակի նման խաղացնելով վեր վար շարժեց, ոտքի կանգնեց, մեջքը անիվի ձևով պտույտ տվեց և երբ մարմինը սկսեց քիչ հոգնել՝ վազեց լվացարանի առաջ և փոշտալով, սուչելով և մոնչալով լվացվեց:

Նավապետ Հերյանը, թեպետ երեսունը վաղուց անց, դեռ երիտասարդ մարդ էր: Միջահասակ, բարեկազմ, ճկուն, բացօթյա ճամփորդությունների և ծովային աղերի վարժ, արևից եփված և խիստ հովերից ծեծված երեսով:

Մոխրագույն, երբեմն կապույտին տվող թավշյա աչքեր ուներ, որ հեռավոր նավահանգիստների կանայք գտնում էին հմայիչ՝ երբ հանգիստ էին, և սարսուռ ազդող՝ երբ բարկանում էին և սկսում կայծկլտալ: Ընդհանրապես, հավասարակշռված, կամքի տեր, բարի բնավորությամբ

մարդ էր: Սակայն, բուռնցքները ծանր էին և բարկությունը կատաղի: Նա գիտակցում էր այդ և իր ուժը կրում էր վայելչությունը:

Հագնվեց, պայուսակը բաց արեց և վարժ ձեռքով բոլոր անկյունները լավ օգտագործելով զետեղեց իր հետ տանելիք անհրաժեշտ իրերը, ցատկեց վրան, սեղմեց, կողպեց և դրեց անկյունը:

Միջանցքում, գլխարկը դնելու ժամանակ, կանգ առավ և երազուն աչքերով նայեց, մտածեց Դաշենկայի մասին: Ինչպե՞ս պիտի նրան տար իր մեկնումի լուրը... Միամորճը վառեց, նորից մտավ սենյակ, նայեց թե բան չի մոռացել և շատ շտապ դուրս եկավ:

Երբ ծովափ հասավ, հոնքերը կիտեց և աչքերը կամաց պտտեցրեց ծովի և երկնքի վրա: Օղը ուժով ներս քաշեց: Երևի պիտի անձրևեր:

Խոր լուծյունը պեղում էր հորիզոնը:

Ոչ մի շարժում չկար: Մի քանի մարդիկ իրենց կիսադատարկ խա-նութների առաջ նստած կամ քարափի պատվարի մոտը կանգնած ծու-լորեն նայում էին հեռուները:

Տխուր տեսարան էր պարզում նավամատույցը: Պարապուձյան մեջ խարսխված մի քանի ժանգոտ նավեր աննպատակ սպասում էին իրենց բարձր կայմերի կատարները կամացուկ ճոճելով: Երկու շաբաթ մի ան-գամ իտալական մի նավ էր գալիս, և հեռվից հնչող նրա սուլոցը բոլոր սրտերում արձագանքում էր հույսով լցված երգի նման: Երբ մեկնում էր՝ քաղաքը դատարկվում էր տուպրակի նման և մրափում:

Երբեմն պատահում էր, որ պատերազմից մնացած, ծովի մի ան-կյունում թափառող պայթուցիկներից մեկը զարնվում էր մի անորոշ առարկայի, գոռում գոչումով վեր թռչում, քաղաքը շարժում և մի կտոր պատռած հորիզոն գրկելով վերադառնում էր ջրերի անդունդը: Այդ վայրկյաններին սարսափած դեմքերով մարդիկ շտապ վերցնում էին իրենց հեռադիտակները, դողալով նայում կամ աննպատակ վազվզում քարափի երկայնքով: Չլինի՞ թե ռումբը կպավ փախստականների նա-վակին...

Այդ փախստականները՝ պատահական նավակների մեջ սեղմված, գալիս էին Օղեսայի կամ թուրքական ափերի կողմից: Ռուսաստանից խույս տված անորոշ տարրեր էին կամ դահիճների դեմ երկար ժամանակ կռիվ մղելուց հետո ազատված հայեր:

Երբ, օրեր և գիշերներ փոթորկալից ծովի և անոթությունների դեմ մա-քառելուց հետո ողիսևները հրաշքով հասնում էին տեղ, ափ էին դուրս գալիս ուրիշ աշխարհներից եկած ուրվականների տեսքով: Ապշած աչ-քերով նայում էին իրենց շրջապատող բազմության, հիմարորեն ժպտում,

կակազում: Սրտաճմլիկ բան էր նրանց նայելը: Ոսկրացած դեմքով, արյունոտ աչքերով, կմախքի վերածված, ոչլոտած և քայքայված այդ դժբախտները, ամբողջ մարմնով դողում էին, ոսկրոտ ձեռքերը սեղմում իրենց խորտակված կրծքերին, անհասկանալի բաներ մոմում, ապա, էլ չկարողանալով դիմանալ այդքան հոգնություն, ծովափի մոտ կուչ էին գալիս և քնում:

Երբ արթնանում էին նրանք, սրտացավ մարդիկ նրանց հաց էին տալիս և օդի: Այդ վայրկյաններին նրանք վերակենդանանում էին, արագ-արագ հաց ծամում և խոսում:

Հերյանի համար այս ամբողջը այլևս ծածկված էր ծանր մշուշի հետև: Այդ ամենքի հետ նա գործ չուներ: Նա որոշել էր մեկնել, բավական է ինչքան համբերել էր, սպասել: Դժնդակ, անուրախ, անվստահ այդքան օրեր համբերել էր և սպասել:

Բաթումը՝ կանաչ բլուրներով շրջապատված գեղեցիկ այդ նավահանգիստը, այլևս դարձել էր անտանելիորեն ձանձրալի մի վայր:

Մշուշ, արյուն, աղտ:

Պատերազմից ի վեր, ֆուտբոլի գնդակի նման քաղաքը ձեռքից ձեռք էր անցել: Ռուսներ, թուրքեր, վրացիներ, անգլիացիներ: Զանազան տեսակի դրոշակներ, զանազան տեսակի դրամանիշներ և միշտ նույն թշվառությունը:

Ծովը փակել էր իր ճանապարհները և քաղաքը գնալով աղքատացել: Փողոցների սալահատակները փշացել էին, ջրի և աղբի խողովակները պայթել, լամպարները փշրվել:

Տները խոնավությունից մզլոտում էին, հոտում: Բնակիչները՝ վախից, անոթությունից և ցրտից հյուծված, քայլում էին ստվերների նման և խոսում հառաչելով և կսկծալով:

Տեղական նավերը չէին մեկնում: Նավթը, ճերմակ այդ արյունը, որ Բաթումը տալիս էր աշխարհին, Կասպյան ծովից մինչև Սև ծով անցնող պողպատե երակներով, այլևս չէր վազում: Բաքվի հսկայական մեքենաները վայր էին թափվել օդը ելած գործարանների փլատակների տակ: Նավթահորերը արևադարձային անտառների նման դեռ շարունակում էին այրվել:

Կովկասը՝ հրավառ լույսերով թաթախված իր վեհաշունչ լեռների բարձունքներից մինչև Հայկական բարձրավանդակի անհանգիստ սահմանները՝ զորակոչի էր հրավիրել իր վիթխարի ուրվականներին և մտել քառս:

— Այո, քառս,— ասաց Հերյանը՝ ծուխը ուժով ներս քաշելով:

Երկնքի մեծ մասը թաքնված էր վայր իջած ամպերի հետև: Մովը, ափերի մոտ կանաչ, կապարե տեսք էր ընդունել դեպի բացը երկարող նեղլիկ քարափի ժայռին, որի մեծ քարերով շրջապատված հստակ գիծը երկարում էր բավականին հեռու:

Փոթորիկ էր սպասվում:

Հերյանը մտահոգ աչքերով նայեց շորս կողմը, խուզարկեց հեռուները, ուր տարածվում էին անվերջ շարաններով կայմեր, լաստեր, պարաններ, և իր հառաչը խեղդեց:

Իսկական գերեզմանատուն էր:

Մեծ և պզտիկ նավերի, նավածիգների, առագաստանավերի խմբեր առնարժ կանգնած էին: Ավելի հեռուն, բացին խարսխած՝ քիթը վեր, փորը շափազանց ուռած, վրայի ներկը տեղ-տեղ թափված՝ բանտարկված կանգնել էր այն նավթատարը, որի վրա Հերյանը նավապետի պաշտոնով տարիներով ճամփորդել էր:

Ամեն անգամ, որ նայում էր «Հյուսիսային աստղին», տրամուլթյան սարսուռ էր զգում իր ամբողջ մարմնի վրա: Գլխի մեջ հազար ու մի հիշատակներ էին արթնանում, վերհիշում էր անցյալը և հեռավոր նավահանգիստները:

Մնա՞ք բարով ամեն բան, մնա՞ք բարով...

Վարը, ամբարները վաղուց փակել էին իրենց կանաչ դարպասները: Ապրանք բարձրացնող մեքենաները մեկ բազուկը վեր տնկած առնարժ կանգնել էին: Ափի շղթաները թաղվել էին լարժուճ ալվալի մեջ: Մեծ պահանջների շուրջը սուսկի նման բուսել էին ամեն կողմից եկած թըշվառ մարդիկ: Պատահական տնակներ, թիթիղե կտորներով ծածկված տձև շինություններ, ցեխ, աղբ, ժանտ:

Ու դեղնած դեմքով, ծոված վզով, դուրս ընկած աչքերով մի մարդկուլթյուն էր վիտում, որի գոյությունը թվում էր անհավատալի:

Մնա՞ք բարով...

Ի՞նչ տարօրինակ բան է կյանքը: Մարդ ապրում է այնպես, կարծես ամեն ինչ անվերջ է, հավիտենական: Ապրում է առանց հավատալու մահվան: Առանց հավատալու այն ուժերին, որոնք աշխարհի շորս կողմից եկած քամիների նման երկնքի մի որոշ ծայրում համախմբվում են, հսկայական հոսանքներ կազմում և կուրորեն հարձակվում խաղաղ պատկած երկրամասերի վրա: Մարդ այդ շի տեսնում: Սահում է նախօրոք դարսված երկաթագծերի վրայից, թաշկինակը հանում բարև է տալիս լինելության տեսարաններին, մինչ ահա տեսարանները տակնու-

վրա են եղել, երկիրները ցնցվել են, պատվել, բաց արել խորխորատները:

Ահա ծովը. մոռյլ, պարապ: Ահա որբացած նավերը և ահա նավապետ Հերյանը, որ այդ վայրկյանին, հրամանատարական կամըջակի վրա գտնվելու տեղ, գտնվում է սատանան գիտի ո՛ւր...

Ամբողջ մի անցյալ, որին տվել ես լավագույն տարիներդ, սև մի գիծ է քաշում, փակում իր շրջանը: Երեկի դուռը դղրդալով կողպվում է, կյանքը հրում է քեզ և առաջ վազում: Այն որ ներկա էր՝ ուրախություններով ու մտահոգություններով լցված ճամփորդությունները, Արևմուտքի և Արևելքի հեռավոր նավահանգիստների զվարճությունները, կանայք, մեկնումի նախօրյակին պատահած անսպասելի արկածները, այդ ամենը հանկարծ մտնում է խավարի մեջ և անվերադարձ անհետանում...

Նույնիսկ ծովը:

Մովը: Անվերջ տարածվող ջրերի վտանգավոր այդ օրորանը, փոթորիկների խենթ խաղը, հողմերի վայող գանգատները... Մանուկ հասակից նա վարժվել էր երկար այդ ճամփորդություններին, անակակալներին, դժվարություններին:

Մովը: Կանաչ, պղտոր աչքերով այդ քույրը:

Անտանելի էր եղել ամիսների այդ սպասումը, այդ անորոշը, մուկի շարժումով այդ ձանձրույթը: Եկել հասել էին դեպքեր, որոնց հետ անկարելի էր շփվել: Կյանքը թաքցրել էր իր երեսը, փոփոխական դիմակներ էր հագել, ապա, խենթացած դարբնի նման մուրճը աջ ու ձախ շարժել և ամեն ինչ փշրել, կոտրտել, վայր թափել:

Պատերազմ, հեղափոխություն, փլուզում:

Խնչ կարող էր անել ինքը: Նա կյանքից երբեք չէր վախեցել: Միշտ էլ վստահ քայլերով ճեղքել էր ճանապարհը դժվարությունների միջից, ընդունել էր դժբախտությունները առանց ընկճվելու, դիմադրել էր ճակատագրի հարվածներին, մարդկանց շարությանը և խորամանկությանը: Ծակատը բաց, բռունցքները պատրաստ, սիրտը տեղը:

...Հիմա ուրախ էր:

Իսկական մարդը պետք է հնարի իր ուժերին համապատասխան դեպքեր: Ներքին իմաստով լուսավորի իր օրերը: Մշտապես ծարավ լինի իր ուժերով և ծարավ լինի իր հոգու խորքում երգող կյանքով: Լինի իր էության ամբողջ գորությունով...

Ձեռքերը գրպանները դրած, քիչ երերող դանդաղ քայլերով նա առաջացավ քարափի երկայնքին և քթի տակ սուլեց:

Այլևս որոշել էր. պետք էր լքել ծովը, պետք էր լքել Դաշենկային:

Դաշենկան... Ճգմված խաղողի գույն վարսերով, քմահաճ, կապույտ աչքերով Դաշենկան:

Հայաստանը, ուր որոշել էր գնալ, մանուկ հասակից չէր տեսել: Հոր մահից հետո, այլևս բուրբուխն որբ, եկել էր Քաթում մի ինչ-որ հեռավոր ազգականի մոտ, որը մի քանի ամիս նրան շարժարելուց հետո, վաղեղ էր դուրս: Դժվարին և շարքաշ կյանքի ընթացքում հեռավոր հայրենիքը հաճախ այցելել էր նրան երազի պես շքեղացած և քաղցր:

Իր ծննդավայրը, լեռները, դաշտերը... Լուսաբացի առաջին սարսուռը՝ հանկարծակի դուրս թափվող ոսկեջրված ճառագայթների հոսանքը, որ թարմ և պայծառ, սահում է երկրի արթնացած մակերեսի վրայից... Ու գուղը՝ լեռան լանջին կպած, ու տնակը՝ ծեփով ծածկված, և գետակը, որ վշշալով նրա մոտից վազում էր... Նա մանավանդ սիրում էր վերհիշել գետակը, որը բարձունքներից ազմեկելով վայր էր թափվում, մասնատված մտնում խոնարհած տանիքների տակ պատսպարված տնակների բակերը, այնտեղ երկար ժամանակ կորչում, ապա, անսպասելի մի տեղից դուրս թափվում, մտնում խախուտ կամրջակի տակ, տարածվում լճակի ձևով և մեկ էլ ուժ առնում, ձայնը գլխին տալիս և վազելով փառաբանում անսահման երեկոն, որը իջնում էր մոտակա լեռներից և օրորվում բլրի վրա կանգնած եկեղեցու հնչող զանգակի հետ...

Այս պատկերները նրա հետ ապրել էին տարիներով, արյուն և մարմին դարձել, իր էության մաս կազմել:

Այն աստիճան, որ նրանց առաջ ուրիշ տպավորությունները նսեմանում էին, մակերեսանում: Հաճախ, կյանքի դժվարին վայրկյաններին, երբ պետք ուներ վերագտնելու իր իսկությունը, ետ քաշվել դեպի այն հոգեկան բերդը, ուր պիտի զգար պաշտպանված, նա բնազդորեն վերադառնում էր իր ժանկության հուշերին և ամուր կանգ առնում լեռներով և գետերով բնակված այդ վայրերում:

— Հայի սրտում հրկիրը, հայրենիքը, — ասել էր նրան արտասահմանում հանդիպած մի գաղթական, — միայն անուշ հիշատակ չէ, այլև արյունի հետ շրջող հոգեկանություն, առանց որի աշխատանք, հարստություն, դիրք և փառք դառնում են անիմաստ: Ամեն անգամ, որ այս հեռունեքում մի քիչ կյանք եմ վայելում, — ավելացրել էր նա, — մի հաջողություն եմ ձեռք բերում, ինչպե՞ս ասեմ, ինձ այնպես է թվում, որ մի բանով զրկում եմ, վիրավորում իմ սրտում ապրող երկրի ոգին...

Տարիների ընթացքում այդ պարզ խոսքերը մեծացել էին, խորացել, բարդացել: Առիթ էին տվել ամեն տեսակ անհանգիստ, երբեմն էլ տանջող երկվության: Մի անբացատրելի անբավականություն ծարավի նման նրան տանջել էր, տեղից տեղ նետել, մշտական անհանգստության մատ-

նել, Չէր կարողացել ըմբռնել իսկական պատճառը: Երկար ճամփորդությունների ընթացքին կարողացել էր շատ գրքեր, հետաքրքրվել էր գիտական և իմաստասիրական հարցերով, աշխատել էր, զվարճացել էր, կյանքի հրապույրը քաղել լեցուն ձեռքերով և, շնայած դրան, ամեն անգամ, որ մնացել էր ինքն իրեն հետ, նրան պատել էր մի խոր պարապուծություն: Ամեն ինչ քողարկվել էր, մտել անորոշության մեջ, փոքրացել: Անխարիսխ նավի նման հոգին թափառել էր լուսթյունների անափ ծովում:

Այո, պետք էր գտնել սեփական անհատականության միությունը և դիմավորել եկող դեպքերին սրտի և մտքի լարված ուժերով:

Ուրախ էր, որ պետք է մեկնի:

Վերջին այն գիշերը նա անցկացրեց Դաշենկայի հետ:

Ընթրեցին դուրսը: Այցելեցին պարի և երաժշտության վայրեր: Նա աշխատեց ուրախ երևալ, երգեց, պարեց:

Դաշենկան հագել էր բաց վարդագույն այն զգեստը, որն այնքան դուր էր գալիս Հերյանին: Կրծքին կպցրել էր լայն թերթերով ոսկե մի ծաղիկ: Հարդի գույն մազերը ճակատի վրա ընկնող գանգուրներով լուսավորված էին այնպես, որ կարծես նրանց տակը մի ճրագ լիներ զետեղված:

Հերյանը իր աչքերը նրա վրայից չէր կարողանում պոկել: Դաշենկան մի քիչ գինի էր խմել և տխրել: Նրա արդեն երկար թերթերունքները կարծես ավելի էին երկարել, բիբերը լցվել էին անհանգիստ կայծերով և թրջված գեղեցիկ շրթները մնացել էին կես բացված:

— Ի՞նչ պիտի լինի, — ասում էր նա մեղամաղձոտ ձայնով, — ի՞նչ պիտի լինի, Արա...

Հերյանը նրա նուրբ, ոլոր ձեռքերը առնում էր իր ափերի մեջ և կամաց սեղմում:

— Սպասի՛ր, մի օր ես քեզ համար կբերեմ քո զգեստին հարմարող վարդագույն կոշիկներ, կբերեմ նուրբ և արբեցուցիչ անուշահոտություններ, որոնք պատրաստվում են Ֆրանսիայում... Սպասի՛ր... Դաշենկա, դեռ կզան լավ օրեր...

Եվ Դաշենկան ժպտում էր բախտավոր ժպիտով:

Նա սիրում էր գնչուական մեղեդիները, որ երաժշտախումբը պատվեր էր ստացել նվագելու: Նա ցածր ձայնով ընկերակցում էր երգերին և նրա աչքերը լցվում էին արցունքով: Հերյանը համբուրում էր նրա ձեռքերը և խոստանում հաճելի բաներ:

— Տոն էր, Արա, և մարդիկ եկան, սրտերի լույսերը մարեցին... Շքեղ գինիներ թափվեցին գետին, ծաղիկներ ստնակոխ եղան և ծիծաղի տեղ խուլ աղաղակ բարձրացավ... Գիտե՞ս, երկու եղբայրներից ոչ մի լուր չկա...

— Լուր չկա, որովհետև հազորգակցություն չկա... Խմի՛ր:

Խմում էին: Պարում: Եվ նա վախենում էր լուսաբացից, որն ահա պիտ գար և փշեր կապույտ այն բոցի վրա, որ վառվել էր իր սրտում: Պարում էին, նորից և նորից: Դագարի միջոցին նայում էին և նայում մեկ մեկի աչքերի մեջ: Դաշենկան գնալով ավելի էր տխրում:

— Ինչո՞ւ... Ես էլ չգիտեմ ինչու... էնպես... ես էլ չգիտեմ...

— Օրերը կանցնեն և կգան ուրիշ օրեր, Դաշենկա... Կտեսնես, երբ ամեն բան անցնի և մարդկանց սրտերում բարձրացած փոթորիկները հանգստանան, ես նորից իմ նավը կտանեմ դեպի արեւելք... Դու կգաս, փոքրիկ մի թաշկինակ ձեռքիդ սեղմած, կկանգնես քարափի վրա և տխուր աչքերով կնայես ինձ և փոքրիկ թաշկինակը շարժելով, մնառ բարեկասես... Եվ նավը իր հաստ ձայնով կսուլի, պարանները կբաշվեն, և ես կմեկնեմ, ու ամբողջ ճամփորդության ժամանակ կմտածեմ քո մասին և տխրելով կցանկանամ քեզ... Վերադարձիս, Դաշենկա, կրերեմ քեզ համար մետաքսե և թավշե փարթամ կտորեղեններ, որոնց վրա մեծ ծաղիկներ և տարօրինակ թռչուններ են հյուսված...

Բայց ժամերը անցան, լուսաբացը ճերմակ աչքերը կպցրեց պատուհաններին, լրտեսեց նրանց, և պետք եղավ մեկնել:

Նրանք քայլեցին թև թևի: Եվ ամբողջ ճանապարհին առանց պատճառի ծիծաղեցին միմիտ, երեխայական ծիծաղով:

Երբ հասան Դաշենկայի տան մոտերը, Հերյանը հանկարծ լրջացավ և կանգ առնելով ասաց՝

— Դաշենկա, սիրտ իմ... Ահ, Դաշենկա-դուշենկա... մինչև հիմա քեզ չէի ասել, կասեմ, բայց շտխրես... Մի քանի ժամից ես կմեկնեմ... Դաշենկան քարացած կանգնեց և լայն աչքերը հառեց նրա վրա:

— Ճիշտ չէ... Ճիշտ չէ... Ուզում ես ինձ վախեցնել...

— Չէ, չեմ ուզում քեզ վախեցնել... Մեկնելու եմ...

Բացատրեց:

Դաշենկան բողբոջեց և սկսեց հեկեկալ: Արցունքները նրա այտերից վայր գլորվեցին, մի քիչ շափար տանելով, և նրա դեմքը ավելի դժգոտնեց և ավելի խեղճացավ:

Գլուխը դրեց Հերյանի ուսին և շարունակեց լալ:

— Պիտի վերադառնամ... Դաշենկա, պիտի վերադառնամ...

Այն առաջնութ, մի փոքրիկ պայուսակ ձեռքին, նա վորդի հնացած գլխարկը մինչև հոնքերը քաշած, վերարկուի օծիքը բարձրացրած՝ Հերյանը մեկնեց Հայաստան:

2

Լեփլեցուն մի գնացք:

Խոնարհ դաշտանկարների ծայրին կանգնած մենակյաց կայարաններ: Բլուրներ, կովեր, ալծեր, գյուղացիներ:

Գնացքի ներսում՝ մեկը մշուսի վրա ընկած մարմիններ, պայուսակներ, արկղեր, տուպրակներ: Գետինը պառկած կանայք, դիզված իրեղենների կատարին քնած՝ մոմի գույն երեխաներ, կկառած ծերունիներ՝ մազոտ ձեռքերը կրծքների վրա սեղմած, աչքերը լայն բաց արած և դեղնած ատամները դուրս ցցած:

Երբ գնացքը կանգ էր առնում, խառն այդ բազմութունը սկսում էր ազազակելով շարժվել: Ամեն մարդ հրմշտկելով և գոռալով ձեռքի կուլան թափահարում էր ուրիշների գլխին և աշխատում իշնել մի քիչ ջուր բերելու համար: Շոգեմեքենան անդադար սուլում էր, կանայք ճշում էին և երեխաները բարձրածայն լաց լինում:

Երկու տուպրակների միջև սեղմված, քրտինքը ճակտին, լեղուն շորացած, ուժասպառ Հերյանը հասավ Թիֆլիսի կայարանը և առանց ուրիշ բանի մասին մտածելու հարցուփորձ արեց Հայաստան տանող գնացքի մասին:

— Արմեանսկի պոեզը պատրաստ կանգնած է, բայց մինչև մեկնելը դեռ ժամանակ կա,— ասաց մի պաշտոնյա:

Երբ նա ոտք դրեց հայկական գնացքի աստիճանների վրա, շափազանց հուզվեց: Մտավ ներս և տեսնելով, որ դեռ ոչ ոք չկա, մարմինը մեկնեց նստարանի վրա:

Նա պինդ քնած էր, երբ գնացքը շարժվեց:

— Հե՛յ, պարոն, վեր կացեք... Այստեղ ամենքը իշնում են...

— Ինչպե՞ս թե, արդե՞ն...

Աչքերը ճմռեց և նայեց դուրս:

Մութ, ամալություն, անձրև:

— Գնացեք երկաթգծերի ուղղությունով,— ասաց վրացի կոնդուկտորը,— և կգտնեք Երևանի պոեզը... Այստեղ Սանահինի կայարանն է... սահմանը:

Զարմացավ, Պայուսակը ձեռքում սեղմած, ուսերը ցրտից տրորելով, նա քայլեց մութի մեջ, ոտքերը գերաններին զարնելով: Երթները թեթեվորեն գողում էին:

— Սանահինն,— մտածեց նա,— կարծում էի վանք է... հուշակավոր,
հինավուրց մի վանք... Եվ, վերջապես, ո՞ր է այդ Սանահինը...

Մուժ, անձրև:

— Լավ,— ասաց նա ինքն իրեն ուժ տալու համար,— լավ... Ահա-
վասիկ հայրենի երկիրը...

Բայց բավական քայլելուց հետո նա սկսեց մտահոգվել: Ոչ մի կա-
յարան չէր երևում, չէր երևում և ոչ մի անկյուն, ուր կարելի լիներ անձ-
րեկից պատսպարվել: Իսկ, ըստ վրացու ասածի, պետք էր մի քանի ժամ
սպասել: Մի քանի ժամ սպասել... ո՞ր...

Հայրենի երկիրը...

Մի քանի անգամ նա ոտքերը մխրճեց թանձր ցեխերի մեջ. քայլեց
գետինը գննելով, ուշադրություներով՝ լճացած ջրերի վրայից ցատկելով:
Նրա ոտները բոլորովին թրջվել էին. մրսում էր: Սիրտը սեղմեց խոր
մի հուսահատություն: Յուրտ էր, դատարկ, խավար:

Դաշենկան...

Չէ, ավելի լավ էր վերադառնալ: Ետ վազեց և ապշած կանգ առավ:
Վրացական գնացքը՝ փայլուն, լուսավորված, մաքուր սուլեց ամայու-
թյան դեմ և արագ հեռացավ:

— Այ քեզ...

Պալուսակը դրավ գետին և վրան նստեց:

— Հէ՛-է-է՛,— գոռաց նա ձայնը քիմքին ուղղելով:

Խոնավ լուսթյուն էր. ոչ մի պատասխան: Միամորճը գրուանից հա-
նեց, լցրեց, վառեց: Ձեռքերը բոլորեց նրա շուրջը և տաքացրեց: Չէր
հասկանում մի բան. Թիֆլիսի գնացքից ուրիշ մարդիկ էլ էին իջել, ո՞ր
անհետացան:

Աչքերը սկսեցին սովորել մթին: Հիմա տեսնում էր, որ առաջը բարձր
մի բլուր էր ուրվագծվում: Բարձր, սև, խիստ: Կարծես ահա պիտի շարժ-
վեր և ամբողջ մեծությունով քայլեր վրագ: Երևի վերը, կատարին գտնը-
վում էր վանքը: Մեջտեղը բակ, իսկ բակի շուրջը հաստ պատերով՝ նեղ,
կիսամութ խուցեր, խցերում ազոտ ճրագների մոտ երկար մորուքներով՝
իրենց քթի ծայրին ծոված ակնոց դրած վանականներ: Նրանք կարողում
էին իրենց դեմքերի գույնն առած մազաղաթի ձեռագիրներ կամ գրում
բոցե գրերով խավար պատմություններ:

...Իսկ ո՞ր է կայարանը:

Ներկա են. ինքը, անձրևը, գիշերով պատած բլուրները և այնտեղ,
անորոշ մի տեղում նստած վանականները: Իսկ կայարանը չկա, Երևան
տանող գնացքը բացակա է:

Նորից պայուսակը վերցրեց և քայլեց: Բավական գնալուց հետո մի լույս նշմարեց: Վազեց դեպի այդ լույսը: Երկաթգծերի վրա մեծահասակ կանգնած մի վագոն էր: Ուրախացավ: Բարձրացավ աստիճանների վրա և դուռը ուժով ծեծեց: Մի զինվորական պատուհանը վայր իջեցրեց և գլուխը դուրս հանեց:

— Ներողութուն, եղբայր, ուզում եմ իմանալ...

Բացատրեց իր դրութունը:

— Դե, այս վագոնը վախեննի է, մտնելը արգելվում է,— պատասխանեց զինվորականը:— Եթե այդ կողմից գնաք, մրգավաճառի խանութ կա, ուր կարող եք և սպասել... Եթե նոր եք եկել ուրեմն, պետք է ներողամիտ լինեք... այսպես է, պատերազմի պատճառով կայարան-մայարան քանդվել է, և ի՞նչ արած... ուրեմն այսպես...

Հերյանը պարկեշտ և լուրջ այդ զինվորականի դեմքը շատ սիրեց: Ուզեց ջերմ շնորհակալութուններ հայտնել, բայց լեզուն շփոթվեց և անորոշ ինչ-որ բան կմկմալով հեռացավ:

Քայլեց ցույց տված տեղով և կանգ առավ կես քանդված պատերի առաջ: Փլատակներ, վայր ընկած քարեր, գերաններ, պլերված պատուհաններ, դուրս ընկած դռներ: Երևի նախկին կայարանն էր: Մատները դրեց շուրթերին և ուժով սուլեց: Մի շուն հաչեց: Մթում մի անորոշ ստվեր շարժվեց:

— Ո՞վ է...

— Մրգավաճառը ո՞ր է, մրգավաճառը...

Արագ քայլերով մոտեցավ ստվերին:

— Այստեղ է, այստեղ:

Կիսաքանդ պատերի անկանոն ընկած քարերի մեջտեղ նա նշմարեց մի փոս, որը տանում էր գետնահարկի նմանող մի տեղ: Մեջքը ծռեց և ոտքերով գետինը շոշափելով մտավ ներս: Խոնավ և կծու հոտ փչեց երեսին: Կոնաձև թղթի մեջ գետեղված մի կտոր մոմի լույսը նրա աչքերի առաջ պարզեց ամբողջ տեսարանը: Սև ստեպլիկով և խնձորով լցված մի քանի զամբյուղներ: Նրանց շուրջը պզգած նստած մի քանի ստվերներ:

— Բարի երեկո ձեզ,— բամբ և աշխույժ ձայնով ողջունեց Հերյանը և պայուսակը գետին դնելով, նստեց վրան:

Ստվերները աչքի տակից նայեցին նոր եկողին, լռեցին և հառաչեցին:

— Սա ի՞նչ է, կայարանի սպասարանն է,— կատակեց Հերյանը:

— Երևի պոեզդին եք սպասում,— հարցրեց նրանցից մեկը:

— Հա...

— Պոեզիոյ վաղուց կանգ է առել, համա դռները շնն բաց անում, շնն ուզում մարդ ներս մտնի...

— Կանգ է առել... Այդ ի՞նչ կարգադրութիւնն է...

— Ի՞նչ իմանամ... Ասում են ամեն ինչ գողանում տանում են...

— Տնաշեն,— անհանգստացավ մի ուրիշ ստվեր,— էլ ինչ մնա՞ց որ տանեն... ամեն ինչ թալանել տարել են...

— Էդ եմ ասում էլի,— շարունակեց առաջինը,— աշխարհը էնպես է փոխվել, էնպես է փոխվել... Թշնամիս շտեմնի... Ձեր հրամանքը ո՞ր կողմերից է գալիս...

— Բաթումից,— պատասխանեց Հերյանը:

— Հը... Լավ բաղաք է...

Ու մի քիչ լռելուց հետո՝

— Հա... Դե որ գալիս եք Բաթումից... կարող եք իմանալ... էդ զահրմարը գալի՞ր է թե...

— Ո՞վ...

— Էն, էլի... Եվրոպան...

— Ո՞վ է իմանում,— ասաց Հերյանը,— ո՞վ է իմանում: Գլուխը առայժմ խառն է... Չեմ հասկանում մի բան. ինչո՞ւ այս երանելի գնացքը Թիֆլիսից ուղղակի Երևան չի գնում,— հարցրեց նա դառն շեշտով:

— Չի գնում...

Հերյանը մի ստեպալին վերցրեց զամբուղից և շրխկացնելով կերավ: Ստվերներից մեկը սկսեց կամացուկ խոսիլ: Մարդը մոմի վրա փչեց:

— Մոմ չի ճարվում,— բացատրեց նա:

Իր պայուսակի վրա երկար ժամանակ օրորվելուց հետո Հերյանը լսեց շոգեմեքենայի սուլոցը և դուրս վազեց:

Զարմանքով տեսավ, որ գնացքի առաջ հոծ բազմութիւնն էր հավաքված: Գլուղացի կանայք, փափախաժոր շինականներ, զինվորականներ, երեխաներ: Որտեղի՞ց էր եկել այդ բազմութիւնը: Գրոհ էին ավել դռների վրա և աղաղակելով և կովելով աշխատում էին ներս մտնել: Հերյանը հասկացավ, որ եթէ չշտապի, կարող է դուրս մնալ: Պայուսակը ձեռքին նետվեց, ճեղքեց բազմութիւնը, ետ մղվեց, ծնկների վրա վայր ընկավ, ոտքի ելավ, նորից առաջ նետվեց, հրեց, հրմշտկեց և, ինքն էլ շիմացավ ինչպիսի հրաշքով, իրեն գտավ վագոնի ներսում:

Վագոնի ներսում թանձր խավար էր:

Նետվել էր մի նստարանի վրա, բայց ո՞ւր և ո՞ւմ մոտ, ինքն էլ չգիտեր:

— Եղբայր, այդ ի՞նչ է... լույսերը ե՞րբ պիտի վառվեն,— բողոքեց նա:

— Ի՞նչ է, Չինաստանից եք գալի՞ս... լույս կա, որ վառեն,— հեզ-նող ձայնով պատասխանեց մեկը:

Հառաչեց:

Նոր եկող ճամփորդները ներս էին մտնում, կույրերի նման պատերը շոշափում, սրան նրան զարնվում, բողոքում, անիծում և անհետանում: Երևի լեռնցիներ էին: Չորացած խոտի, այծի կաթով շինված պանրի, ոչխարի հոտ էր գալիս նրանցից:

Գնացքը շարժվելուց հետո Հերյանի հարևաններից մեկն աշխատեց մոմի մի կտոր վառել: Անկարելի եղավ: Փշրված պատուհաններից և դռներից քամին ներս էր մտնում և հարյուր բերնով մոմի վրա փշում: Բայց վառված լուցկիների վայրկենական լույսն էլ բավական էր վազոնների թշվառ վիճակը ցույց տալու համար: Նստարանների կտավները հանված էին, երկաթե մասերը կմախքի վերածված, վարագույրները դանակի հարվածներով կտոր-կտոր եղած:

Հերյանի աչքերը լայնացան:

Դրսում, գիշերը՝ նա ևս ավերված և դատարկ՝ վազում էր գնացքի ետևից և ոտքերը ուժգին դոփում հողերին:

Դեբեղը շառաչելով խենթանում էր ժայռերի մոտ: Քամին վայում էր լուսվա ծառերը թափահարելով:

Հերյանը վառեց ծխամորճը և փայտացած ձեռքերը ոլորեց նրա շուրջը: Կամաց-կամաց մարմինը ծանրացավ, քաշվեց և քնի ու հոգեածուրջան շղիմանալով, հանձնվեց ցրտին և օրորվող գնացքին:

Սակայն քնել անկարելի էր: Ընկավ խոր թմրության մեջ: Ինչ-որ ծանրություն սեղմեց նրա կուպերը, ճնշեց ուսերը և քողարկեց գիտակցությունը:

...Ահավասիկ մի տարածություն՝ դատարկ, անծայր, կաճալ:

Դա՞շտ էր, թե ծով:

Պլլված աստղերով երկնքի տակ ալեկոծվող մի գիշեր: Բարկացած քամիները վայրագ սուլոցով զարնվում են նրա երեսին, հրում, ուզում նրան վայր նետել: Մարմինը ձգել է, բուռնցքները սեղմել, ոտքերը լայն բացել, որպեսզի կարողանա հավասարակշռությունը պահել՝ ալիքներ մանածող այդ տարածության վրա:

Ահա նաև մութ կապույտ հորիզոնը, որի ծայրում ճեղքված ամպերի միջից առատ լույսեր են ժայթքում: Կողմնացույցի սլաքը խենթացած աջ ու ձախ է դառնում: Ինչ տարօրինակ բան. կարծում էր ալիքների

փրփրող գագաթներ են, մինչ անհամար հոտեր են անցնում: Տավարի և այծերի վզերից կախված զանգակները զնգզնգում են, շները հաչելով դեսուդեն են վազում և հովիվներն իրենց ցուպերը օդի մեջ խաղացնելով աչ ու ձախ են գնում ոչխարներին առաջ քշելու համար:

Իսկ ի՞նչ է այդ սուլոցը: Խոպոտ, անդնդային մի սուլոց: Նավի սուլոց:

— Շուտ, պարանները քաշեցեք...

Պարանները քաշում են, նավը շարժվում է: Սակայն չի կարողանում առաջանալ, որովհետև առաջը լեռներ են ցցվել: Ահա հոտերը երերալով հեռանում են: Ուզում է նրանց ետևից գնալ, տեղից չի կարողանում պոկվել: Ուզում է կանչել, գոռալ: Չայնը խեղդվում է կոկորդում: Մըրսում է...

Սատանան տանի: Գլուխը թափահարեց, ուսերը տրորեց: Երա՞զ է, ի՞նչ է: Հորանջեց և նորից թմրեց:

Թակ-թակ, թակ-թակ, երգում էր գնացքը:

...Եվ անցնում է հայրենի գյուղի նեղլիկ փողոցով: Նայում է ու զարմանում, Ադա, Բերրիվզա գեղը անճանաչելի է դարձել: Սա ի՞նչ է, քե մատաղ: Ամեն ինչ շրջվել է, թափվել: Անկարելի է քայլել: Խոր ցեխ, այս ու այն կողմ ընկած քարեր, գերաններ: Ոտքերը թուլանում են, ընկնում ցեխի մեջ, զարնվում քարերին: Վեր է կենում և ամբողջ մարմնով սարսուռում, Չգիտե ո՞ր կողմը գնալ, չգիտե ի՞նչ անել: Մի վիշտ փորում է նրա ներսը: Դողում է:

Նորից նայում է: Խավար, մի ծանր երկինք կուրծքը դիմ է տվել այս ավերված տեսարանին և ծածկել դիակների նման պառկած տնակները: Կոպերը ծանրանում են և ցավում: Քանի նրա քայլերը առաջանում են, այնքան մուխը թանձրանում է: Սկսում է վախ զգալ: Թեպետ ոտքերը շարունակում են քայլել, սակայն մարմինը այլևս չի զգում: Ինքը չկա: Կան միայն աչքերը: Կան՝ և իրենք չեն...

Նույն այդ վայրկյանին աչքերը գնում կանգ են առնում բուլորովին մի ուրիշ վայրում: Բիզերտի արաբական սրճարանում հանդիպել է կապիտան Մենիկովին և նրան պատմել իր գյուղի մասին:

— Պանիմատե, սիրելի բարեկամ, իբրև թե գնացել էի մեր գյուղը...

Սրճարանի անկյունում արևելյան ինչ-որ սրտաճմլիկ երաժշտություն է համեմունում: Այդ երաժշտությունից զզված՝ նա փախչում և վերադառնում է գյուղ: Ահավասիկ հեռուն, գյուղի գլխավոր ճանապարհի ծայրին, փոքրիկ մի լույս է երևում: Երևի մեկը նավային փոքրիկ լամպարի լույսով խուզարկում է գիշերը և այս քանդվածությունը: Հերյանը

ամբողջ ուժերը հավաքելով նետվում է այդ լույսի ուղղութեամբ: Յատկում է փոսերի վրայից, դարնվում քարերի կույտերին և ընկնում ծընկների վրա:

Դեմը ցցվել է անհավատալի բարձրութեամբ մի էակ: Ուսերը նեղ և անկյունավոր, դեմքը քանդված, մորուքը հերարձակ, աչքերը երկու կտոր վառված ածուխ, շրթները շոր և նեղ: Ոսկրոտ, կծկված ձեռքում բռնել է երեքող լամպարը, որի դողդողուն բոցը դեղին լույս է տարածում և ամեն կողմ ստվերների ամբոխները վեր հանում: Նրա ձեռքերը լայնանում են և մեծանում:

Հերյանի աչքերը լայն բացվում են և սառչում: Տարօրինակն այն է, որ դեմը կանգնած մարդը,— այո, տարակույս չկա, մարդը— անծանոթ չէ, նրան տեսել է մի տեղ: Ո՞ւր է տեսել նրան, ո՞ւր...

Թակ-թակ, թակ-թակ, թակ-թակ...

...Հիշեց, այո, հիշեց: Կիրակի առավոտները, երբ մորը ձեռքից բռնած գնում էր եկեղեցի, մայրը շփում էր առաջին սյան մոտ, ճակատը հողին քսում և այդպես մնում: Ինքն էլ շփում էր, բայց որովհետև մոր աղոթքը շատ երկար էր տևում և ծնկները սկսում էին ցավել, զգուշորեն նստում էր գետնին, կամաց-կամաց այս ու այն կողմ քաշքշվում, բերանը բաց՝ սրան-նրան նայում, ապա, բուրբուկի ձանձրացած պպուզ էր անում և աչքերը ման ածում պատերից կախված պատկերների վրա: Մրոտած, աղավաղված ձևերով և տարօրինակ կեցվածքներով մարդիկ և հրեշտակներ էին կանգնած: Հիմա հիշում էր, ահա այս մարդուն այնտեղ էր տեսել:

Կանգնել է ճիշտ այնպես, ինչպես կանգնած էր պատկերում և աչքերը վառվում են երկու կտոր ածուխի նման:

Ծտեից մրոտած, սևացած ամպեր են իջնում:

— Ի՞նչ ես ուզում ինձանից,— հուզված ձայնով փսփսում է Հերյանը:

— Ոչինչ,— պատասխանում է մարդը,— ոչինչ... Ի՞նչ կարող եմ ուզել... եկել եմ բարի գալուստ ասելու... Գնացիր, կորար, քեզ հանձնեցիր ծովերին և մեր գեղը մոռացար...

Թակ-թակ, թակ-թակ...

Հերյանը ուզում էր պատասխանել, բայց չկարողացավ: Հուզումի մի մեծ ալիք խեղդում է կոկորդը: Երթունքները ձայներից պարաված շարժվում են մեքենաբար, բայց խոսքերը չեն գոյանում: Մի սուր ցավ ցնցում է նրա ամբողջ մարմինը: Պատկերի ներքնախոր ամպերը, բո-

լորովին սեպացած, քուլա-քուլա իջնում են և գիշերը խորանալով կուր է տալիս ամեն ինչ:

Երբ արթնացավ, գնացքը կանգնած էր:

Նայեց դուրս. մի կայարան, նավթի լամպարի աղոտ մի լույս:

Վեր թռավ տեղից և գլուխը պատուհանից դուրս հանեց:

Ստվերներ: Խեղդված ձայներ: Մոտակա բարձրաձայնից իջնող ցուրտ քամի:

Նիհար, ահագին բեղերով և կլոր աչքերով մի շինական հսկա տոպրակի ծայրից բռնած քաշում էր և, բոռնցքով փափախին զարնելով՝ բողոքում էր:

— Եկել ինձ ասում է... Տո, հերն օրհնած, հալա սպասիր, տե՛ս, թե ինչ կասեմ... Չէ, եկել ի՛նձ է ասում...

— Քեզ եմ ասում, հա, քեզ եմ ասում... Ասում եմ, շուտ արա... պոեզը խոմ ժամերով այստեղ քեզ չի սպասի,— գոռում էր մեկը կայարանի մյուս ծայրից:

Գլուղացին կանգնեց և աչքերը ուղղելով Հեքյանին՝

— Ախպեր, էս ա երեք ժամ է սպասում եմ... Եթե ձեր պոեզը ժամանակին չի գալիս, բա ես խնշո՞վ եմ մեղավոր... էսե՛նց էլ բան. ախպեր շան, էսենց էլ բան...

— Պոեզը կգա կամ ոչ, քո գործը չի... դա պետական գործ է... ինչ ասում եմ, դու էդ արա...

— Սա արա, դա արա... նաղարա...

Գլուղացին բողոքելով և տնքալով վերջապես տոպրակը քաշեց և մտավ վագոն:

Իսկ գնացքը շէր մեկնում:

Անցավ կես ժամ: Անցավ մի ժամ: Գնացքը դեռ կանգնած էր:

— Դա ի՞նչ կարգ ու կանոն է... Մինչև և՛ որ պիտի մնանք այստեղ,— ստենտորյան ձայնով բողոքեց մի ուրիշը:

— Ի՞նչ ասեմ, ես էլ չեմ իմանում,— վշտացած պտտասխանեց գլուղացուն հրամաններ տվող պաշտոնյան:— էդ շան որդի մեքենավարը գնացել է կնոջ մոտ և չի գալիս, էլի...

— Մեքենավարը գնացել է կնոջ մոտ,— ձայնը դեռ ավելի բարձրացնելով բղավեց մյուսը,— գնացել է կնոջը տեսնելու... Սվ սրան էլ ասում են հանրապետություն... Բա, քե մատաղ, սրան էլ ասում են հանրապետություն:

Հայհայեց:

— Խնդրվում է քաղաքականութունով շքբաղվել... Անում ենք այն, ինչ կարելի է անել ներկա պայմաններում...

Ամոթ է...

Մինչ դրսում շարունակում էին վիճել, Հերյանի վերևում պտուկած մարդը երկու բռունցքներով աչքերը ճմռեց, հորանչեց և կես քնոտ ձայնով խորհրդածություններ արեց:

— Մեր երանելի երկրում,— ասաց նա,— կան մարդիկ, որ անպատճառ ուզում են ամեն բանի դեմ բողոքել... կարծես թե դրանով կտրող են մի բան փոխել... Հայերը անուղղելի ժողովուրդ են, տաքանում են ոչինչի համար...

Մի երեխա ճվալով լաց եղաւ: Ամեն ինչ լուց: Եղջալով վայր թափվող առվակի ձայն լսվեց: Այդ ձայնին միացավ ծառերի խուլ խարշափր: Կայարանապետը թղթերի մի կապոց թևի տակ սեղմած, վեր վար քայլեց, կանգնեց, ուսերը ջղայնորեն տրոթեց, աչ ու ձախ նայեց, ապա նորից քայլեց...

— Ներեցեք,— դիմեց նրան Հերյանը,— արդյոք կարելի չէ՞ մի բաժակ թեյ ստանալ բուֆետում...

— Էս ժամին թե՞յ... Այն էլ էպիսի ժամանակներում... Այսօրվա օրս Ռուսաստանում խնձորի կճեպով են թեյ խմում, եթե ճարվի... Ժամանակներ...

Քիչ հետո մեքենավարը վազելով ներս եկավ:

— Զանգը տուր... ախպեր, կնիկմարդ հավի խելք ունի... Զանգը տուր... Ասել էի մի քանի ֆունտ մոթալի պանիր ճարի, շէր ճարել... Զանգը տուր:

Ներսից երկար ճերմակ մորուքով, Նոյ նահապետի գեմքով մի մարդ դուրս եկավ և սկսեց զանգը տալ:

— Երրորդ զանգը Երևանի համա-ա-ար...

Այդ զանգահարության պատասխանեց նոր արթնացած երեխաների ազմկալից լացը:

— Գանգատվում են,— ասաց նորից վերևի մարդը,— զանգատվում են, որ գնացքն ուշանում է... Մենք ուղղակի ոչ մի բանից չզոհացող ազգ ենք... Մոռանում ենք, որ մի քանի ամիս առաջ հարյուր վերստ գնալու համար տասը օր էր հարկավոր...

— Նու, էդ մեկը, ներեցեք, իսկի պատճառաբանություն չէ,— բողոքեց դիմացի անկյունում նստած մեկը,— իսկի էլ չէ... Ցարի ժամանակ գնացքները մեկ կամ երկու ժամից ավելի չէին ուշանում... Ա՛խ, աստված իմ, ա՛խ...

— Դա, ուրիշ հարց է...

Գնացքը վազեց:

Դրսում կաթնանման մի լույս արթնացավ: Ավելի ցրտեց:

Քիչ հետո երկնքի փռած վարդագույն կտավը պատովեց և հորիզոնը օրոր եկավ ամեն կողմից խուժող լույսերի ծոցում:

Պատուհանի առաջ կանգնած Հերյանը անհազ աչքերով նայեց այդ տեսարանին: Նայեց տարերքին վարժ, ծովային մարդու աչքերով, հուզված ուշադրությամբ, լարված մտքով: Ամեն ինչ մեծացավ, դրոշմվեց նրա ուղեղի վրա, նրա ջղերի վրա:

Ահավասիկ պղնձե մի աշխարհ:

Ահավասիկ քարացած մի հսկայություն, որի վրայից կրակ էր վազում, որի վրա լուսությունների դիզվածքներ էին բարձրանում, կաշում երկնքին, անհետանում: Ահավասիկ ցցված գագաթներ, վայր գլորվող անդունդներ, պատովածքներ:

Այս մեծդիրության մեջ գնացքը թվում էր երեխայական խաղալիք:

Հերյանը բնագոյորեն սպասեց շարժման: Սպասեց, որ ոտքերը երեք գան, երևակայական նավի առաջակայմը աչ ու ձախ ճոճվի, հորիզոնը դուրս հանի իր ցատկատախտակը: Բայց, չէ, ծով չէր, այլ քար կտրած հսկայական ալիքներ էին, կանգ առած մի շարժում, որի անտես մղանակները թաքնված են հողերի տակ:

Նայեց ապշած և երջանիկ:

— Դա էլ ծովի մյուս երեսն է,— մտածեց նա:— Ուրիշ ավելի գաղտնի արկածներով լցված ծովացում: Իր սովորած իրականության տարբեր մի ձևը: Լինելու և նավարկելու ուրիշ մի կերպ:

Ամեն ինչ ձգվում էր դեպի վեր, ամեն ինչ բարձրանում էր: Ծվ Հերյանը վերանալու այդ ձգտումը զգում էր խորապես: Ոչինչ չէր ճնշում, ոչինչ չէր խեղդում: Ընդհակառակը, նա պարզ զգում էր այնտեղ, իր էության անբացատրելի խորքում, ինչ-որ զգացում, ինչ-որ ապրում գնալով լայնանում էր, նոր ծնված թևեր պարզում, նոր վառված ճրագի ինչ-որ լույսով լուսավորվում:

Այո, ահավասիկ պղնձե մի աշխարհ:

Հերյանը, ըստ իր սովորության, ուզում էր այդ տպավորությունները ձևավորել, պարզ մտքով ամեն ինչ հասկանալ, պարզ աչքերով տեսնել մտածումները: Անկարելի բան: Միտքը խուժում էր ներսը, առանց որ իր գիտակցությունը մասնակցի նրա մշակման: Միտքը դառնում էր մարմին, էություն: Նա գալիս էր առանց որոնումի, առանց ճիգի, ձևավորված և պատրաստ, տիրական և լուսավոր, հիմնական և անհրաժեշտ, ինչպես երկիրը, որի առաջից ահա անցնում էր:

Երկիրը կանգնած էր մի և անբաժանելի: Ընդմիջոս միացած իր տա-
րերքների հետ, հսկայական լուսթշունով հագված, վսեմ և մերկ:

Կասկած չկար, այդ հողերը սպասում են: Մպասում են մարդու:

Այդ հողերը ծարավի են մարդու: Դարերի ի վեր, անհիշատակ ժա-
մանակներից ի վեր նրանք սպասում են ուժեղ, համառ, բազուկները զո-
րեղ մարդու:

Մարդու: Մարդկանց, մարդկանց...

Հափշտակված նայում էր:

Երբեմն-երբեմն գնացրը կանգ էր առնում ամայության մեջ կո-
րած մի կայարանում: Գալիս էին պարզ, լուրջ, մտածկոտ մարդիկ:
Նրանք քայլում էին դանդաղ և խոսում հանգիստ ձայնով, շուգելով խան-
գարել առավոտյան խաղաղությունը:

Հնրյանին թվում էր, որ ամենքն էլ իր մտերիմներն են: Կարծես
ամենքն էլ ճանաչում էր, ամենքի հետ կապված էր խոր կապերով:

Ժպտում էր. պատասխանում էին ժպիտով:

Ներսը, վագոնում ամեն ոք արթնացել էր: Ուտում էին: Ցուղոտ ոչ-
խարի մսի, պանրի, ուժեղ գինու բուրումը խառնվում էր լեղի խոսակ-
ցություններին:

— Եվ մենք,— լսում էր նա,— միայն կանանց տեսանք... Եան որ-
դիները փախել էին և կանանց թողել այնտեղ:

— Դե հայտնի է...

— Պետք էր տեսնել այդ աղջիկներին... Եղևգի նման դողում էին...
Փաթաթվում էին մեր ձեռքի վզին, մեր ձեռքերը համբուրում, խնդրում,
որ իրենց վնաս չհասցնենք... Մի իսկական թամաշա...

— Իսկ հետո ի՞նչ եղավ...

— Ի՞նչ պիտի լիներ, ոչինչ: Կանանց ձեռք շտվեցինք:

Պատմում էին, ուտում:

Մոտի պատուհանի առաջ կանգնած, շարժուն և գունաթափ դեմ-
քով մի երիտասարդ աղջիկ նայում էր դուրս և ինքն իրեն համար եր-
գում: Երբեմն երեսը դարձնում էր ներսի մարդկանց, հոնքերը զարմա-
ցած վեր առնում, բերանը ծռում և անտանելի կերպով ծիծաղում: Մի-
ծաղում էր անբնական, շինծու ծիծաղով: Վիզը երկարում էր բարկացած
բագի նման, և աչքերը հրավառվում էին արևի տակ ընկած ապակու
կտորի պես:

Հերյանը զարմացած նայում էր:

— Պոեզդը թրոո... պոեզդը թրոո...

Բազուկները թափահարում էր, ճիգ անում թռչելու:

Տարիքավոր մի մարդ, վշտացած դեմքը երերալով, աղջկան նշաններ էր անում, որ հանգիստ մնա: Հաղթանդամ դեմքով, տեղ-տեղ դեղնին տվող ճերմակ մազերով մի ծերունի էր: Առատ և հաստ հոնքերը ծանրորեն վայր էին ընկնում մոխրագույն աչքերի վրա: Քանդված, ակոսված երեսի մեջտեղից էր առաջանում մեծ, մսոտ մի քիթ, որի շուրջը անկանոն բուսած մազեր էին ոլորվում, խորդուբորդ ընկած այտերը ծածկելով: Շրթները կրծոժում էր և գլուխը անհամբեր երերում:

— Աղջի, հանգիստ կաց... Աղջի...

Աղջիկը նրան շէր տեսնում: Անդադար շարժվում էր, ինքն իրեն հետ խոսում, ծիծաղում:

Մերունին հուզված նայում էր Հերյանին, ձեռքերը բարձրացնում վեր, կծկված մատերը տանում ճակտին, խփում, հառաչում:

— Գեպքերի ժամանակ... էն, մարդասպանները,— փսփսաց նա: Ապա շարունակեց խոսել հարևանների հետ:

— Պոեզդը թըռռ... պոեզդը թըռռ...

Աղջիկը հուզվում էր, անհանգստանում: Ո՞վ է իմանում, մտածեց Հերյանը, ինչեր են կատարվում նրա ներսում: Ահա մի հոգի, որ գտել է իր ուրույն աշխարհը և հեռացել մեր իրականութունից: Նա այլևս պատկանում է երեսը շրջած հոգեկան մի տիեզերքի, որ մեզ անծանոթ է: Մի տիեզերք նույնքան իրական, ինչքան մերը և կարող է պատահել, ավելի ճշմարտության մոտ, քան մերը: Բավական է նայել նրա սեղմած շրթունքներին, նրա փայլվող աչքերին, նրա նեղիկ ուսերի վրա գիշերվա նման թափվող վարսերին և ձեռքերին՝ նեղիկ ու թափանցիկ, նրա ապրումների խորութունը ըմբռնելու համար:

Գնացքը կանգնեց մի նոր կայարանում: Մերունին տեղից վեր թռավ, աղջկա ձեռքից բռնեց և քաշեց դուրս:

Ահավասիկ Գյումրին:

Կայարանը լցված էր աղմկալից ամբոխով: Զինվորներ, ոստիկաններ, տղաներ և աղջիկներ, գյուղացիներ, քաղաքից եկած մարդիկ և կանայք: Վեր վար էին գնում, ինչպես մի զբոսավայրում:

Բուֆետից, ուր Հերյանը նստել էր, ճարպի, կաշվի և խահանսցի կծու հոտ էր գալիս: Բոլոր սեղանները զրավված էին: Այդ բազմութունը ուտում էր ահավոր ախորժակով: Գինին և կոնյակը խմում էին թեյի բաժակներով: Անդադար խորովածի շշեր էին բերում: Մամում էին, ծիծաղում, գոռում:

— Ինչ կայտառ թշվառութուն,— մտածեց Հերյանը:

Հետո լավեցին անդադրում զանգահարումները: Շարքով սերմված զինվորներ անցան գետինը մրճահարելով: Կտրուկ հրամաններ հնչեցին:

Նրանց ետևից եկան որբերի խմբերը: Երգում էին: Չգիտես ում ուղղված կեցցեներ հնչեցին: Մափահարեցին: Օդը լցվեց բացականչություններով, ողջույններով, մնաս բարևներով:

Վերջապես նոր զանգահարումներից, սուլոցներից, կանչերից հետո վագոնները մի վայրկյան հտ մղվեցին, զրնգալով բախվեցին մեկը մյուսին, շոգեմեքենան ասագին քանակությամբ շոգի դուրս նետեց, և մինչ ամբոխը ոգևորված աղմկում էր, օդում հարյուրավոր թաշկինակներ էին երերում և անհամար պառավ կանայք իրենց ավերված աչքերի արցունքները սրբում էին, գնացքը տնքալով առաջ շարժվեց և կուրծքը տվեց մի նոր անապատի:

Այդ եռուզեռին հաջորդեց թխաթույր պարապություն:

Առաջին վագոնից երգի ձայներ լավեցին: Բոլոր պատուհանները լցվեցին դուրս նայողներով:

Գնացքը անցնում էր մեծ, քառակուսի, գորանոցների տեսք ունեցող շենքերի կողքով: Մոռյլ, ծանր, խիստ շենքեր:

— Որբերի քաղաքը,— ասաց Հերյանի մոտ կանգնած մի երիտասարդ:— Քանի-քանի հազարներ... էս շենքերում ռուս կողակներ էին ապրում... Հիմա լցրել են տղա և աղջիկ որբերով... Ամերիկյան օգնության գործ... Առավոտները աղոթք են անում և մարմնամարզություն, հետո աղոթք են անում և ուտում, հետո նորից աղոթք են անում և էլ չեմ իմանում ինչ... այդպես, ամբողջ օրը...

— Շա՞տ շատ են,— հարցրեց Հերյանը:

— Ո՞վ կարող է նրանց թիվը իմանալ: Անհամար: Ամեն տեղ միայն որբ ենք տեսնում: էստեղ, քաղաքի փողոցներում, գյուղերում, մասնավոր տներում, ճանապարհների վրա... Մորեխի նման... մի ահավոր բան...

Պարզ երևում էր բակերում խաղացող երեխաների բազմությունը: Ամեն ոք այն կողմն էր նայում:

— Ի՞նչ օրի հասանք, ի՞նչ օրի հասանք,— բացականչեց մորուքավոր մի մարդ, ձեռքերը երկինք բարձրացնելով:

Մի պառավ կին բուռնցքը խփեց կրծքին և անհանգստացավ: Առաջին վագոնից այլևս երգի ձայներ չէին լսվում:

Եվ ահա եկավ անապատը: Պատուհանները դատարկվեցին:

Հերյանը մնաց կանգնած:

Հեռվում, թառամած արծաթի արտացոլումներով մի գետ, մի մոռյլ բլուր հրմշկելով վիզը վեր բարձրացրեց, հիվանդ կատվի նման սողոսկեց, ապա անհետացավ կույտ-կույտ ցցված ավերակների ետևում:

— Անին, Անին,— գոռում էին ներսից:

Այդ նվիրական անունը Հերյանի գլխի մեջ մի վայրիշան երգեց: Պատմության մագաղաթե էջը սարսուղով բացվեց և խոսեց նրա սրտին: Անին, հայոց փառքերի հեքիաթային վայրը, հարյուրավոր եկեղեցիներէր, փարթամ պալատների և անառիկ ամրոցների մայրաքաղաքը:

Հիմա դարերի ատամների տակ կրծոտլած դժբախտ մի աստվածուհի լուին:

Դեղնած, մոխրացած, մեռած մի երկիր: Հրավառ արևի եղունգները ճանկոտում էին այդ տարածուկները: Ոչ մի խրճիթ, ոչ մի ծառ, ոչ մի կենդանի մարդ:

Հերյանը տխրած աչքերը շրջեց շորս կողմը. նայեց անապատին, նայեց մարդկանց: Ի՞նչ ավերածուկ լուին...

— Զուր, ջուր,— ասաց մեկը ներսից:

— Զուր, ջուր,— կրկնեցին ուրիշները:

Հերյանը ետ նայեց:

— Բանը նրանումն է,— ասաց մեկը նրան մոտենալով,— բանը նրանումն է, որ երկիրը ծարավ է... Ամբողջ հարցը հենց դրանում է. երկիրը ծարավ է... այս հողերը ջրել, կյանք տալ նրանց, թաքնված անսպառ հարստությունները դուրս հրավիրել, այդ է մեզ պետք, այդ... Եթե լավ մտածենք, այդ դժբախտ հողերը ճիշտ ու ճիշտ նման են մեր ազգին... Կարծես քնությունը իր հուշատետրում ամեն ինչ արձանագրել է... Նույն ճակատագիրը, նույն բախտը... Մի լավ նայեք. այդ հողերը, ինչպես նաև մեր ազգը տառապում են նույն բանի համար, տառապում են, որ շեն կարողանում տալ այն՝ ինչ կարող են տալ...

— Այո՛, — ջերմ շեշտով համաձայնվեց Հերյանը, — այո՛, այդպես է...

— Ահա քանի-քանի դարեր այս երկիրը սպասում է, ահա քանի-քանի դարեր այս ժողովուրդը սպասում է... Երբ ես դար եմ ասում, դուք հասկացեք տառապանք, թշվառություն, մարտիրոսություն... այնպես չէ՞...

— Այնպես է:

— Հիմա շեմ հասկանում մի բան. շեմ հասկանում թե ինչու՞ մեզ հանգիստ չեն թողնում. շեմ հասկանում ի՞նչ են ուզում մեզանից... Ազահություն. բայց ազահություն ինչի՞ համար... Մեր երկրում նավթ չկա, ոսկի չկա, արծաթի հանքեր չկան: Քաղաքները քարուքանդ են, գեղերը կես ավերված... Եթե մեզ հարց տան, ի՞նչ է Հայաստանը, կպատասխանենք՝ քար: Ծշմարտությունը դա է, Հայաստանը քար է: Որտեղ ոտք դնես՝ քար է զրնգում: Ամեն կողմ, ամեն տեղ: Լեռներ, ժայռեր,

լեռներ, ժայռեր, Այծերը երկու հարյուր արշին վեր պետք է բարձրանան, քարերի միջից երկու խամրած խոտ պոկելու համար: Եվ եթե մարդ համառությամբ չունի և չունի այն, որ անվանում ենք հայրենիքի սեր, այստեղ չի կարող ապրել: Այստեղ ապրելու համար սեր պետք է, կրակ պետք է, եզան ճակատով խնայելու պետք է... Քար է, չէ՞, պետք է մաքառել, պետք է բազումների, ոտքերի, ամբողջ լարված մարմնի դնդերները դեմ տալ և պետք է ճակտից քրտինք վար թափելով տքնել և շարշարվել: Վերջապես... եղբայր, այս քարերը մենք սիրում ենք, դարեր կապվել ենք նրանց հետ և շենք ուզում բաժանվել... պետք ունենք նրանց և նրանք էլ պետք ունեն մեզ... այնպես չէ՞... Հավ: Եթե այդպես է, ախր, ինչո՞ւ մեզ հանգիստ չեն թողնում, ինչո՞ւ ուզում են մեր ձեռքից այդ քարերը խլել... Ուղղակի չեմ հասկանում...

Գլուխը խոնարհեց, լռեց: Ապա հուզված Հերյանի վրա հասելով.

— Դուք հասկանո՞ւմ եք...

— Չէ, ես էլ չեմ հասկանում:

— Ասում են Հայաստան և անցնում գնում... Երզում են, ոտանավորով խոսում, Վենետիկի կղզու կեղծ գրաբարը խառնում աշխարհաբարին... Չեն մտածում, որ այդ անունը, Հայաստան անունը շատ ծանր բեռ է... շատ, շատ... Իսկ հայ լինե՞լը՝ շարքաշ, քարտաշ, դժվարին մի վիճակ... Հայ լինելը, պարոն ջան, նշանակում է գործ ունենալ ժայռերի, քամիների, ցրտի, ձյունի հետ, նաև մետաղի նման հավիող արևի հետ... Չարմանալի է, մինչ ուրիշ երկիրներ կերակրում են իրենց վրա ապրող ժողովուրդներին, այստեղ հայ ժողովուրդը պետք է կերակրի իր երկրին... Գլուխ ծռել և բարձր բուսած խոտը քաղել, ձեռքը վեր բարձրացնել և պատրաստ խնձորը պոկել, այդպիսի բան չկա Հայաստանում... Մինչև ծառը ծաղկի, պետք է տքնել, քրտնել, շարշարվել, և երբ ծաղկեց մեծացավ, նորից պետք է նրան խնամել, ամառվա շոգությունից և ձմեռվա ցրտից պաշտպանել... Այդ պայմաններում, ի՞նչ են ուզում մեզանից, ուղղակի չեմ հասկանում...

Ձեռքը արագ-արագ քսեց հուզումից կարմրած ճակատին:

— Ոչինչ, շուտով շարշարանքները կվերջանան,— միջամտեց խնամված բեղերով և միամիտ աչքերով մի երիտասարդ սպա:— Մեծ պետությունները կորոշեն և մեր բարգավաճ հողերը ետ կստանանք... Մշո դաշտի, Վասպուրականի ազատագրումից շատ բան է կախված...

— Հը՞, տեսնե՞ք,— հոռետես շեշտով միջամտեց մի ուրիշը:— Քանի դեռ մեր արյան պետք ունեին, խոստանում էին... Առաջին անգամ չէ, որ մեծ պետությունները խաբում են մեզ...

Ներկաները միաձայն բողոքեցին: Հայերը մեկ միլիոն զոհ էին տվել, կռվել էին բոլոր ճակատների վրա, Վիլսոնը խոստացել էր... Այլևս պատվի հարց էր Ֆրանսիայի և Անգլիայի համար:

— Թող այդպես լինի,— հանգստացավ հռեանքը,— թող այդպես լինի... Այնքան բան ենք տեսել և այնքան անճշմարտություն, դավաճանություն...

Լոնցին: Գնացքը հանկարծ խելահույզ արագությունով նետվեց առաջ, թեքվեց աջ, անվերջանալի մի սուլոց արձակեց և մտավ Սարդարաբադ: Շատ շանցած կանգ առավ:

— Մերենան փոխում են,— հայտարարեց մի պաշտոնյա:

Հերյանը վայր իջավ, երկաթգծերի մոտից քայլեց, մի անորոշ շենքի շուրջ պտույտ եկավ, բարձրացավ մի հողակույտի վրա և մնաց հափըշտակված: Քրքմագույն լայն տարածություն, որը ծանր թմբուկյան տակ ճնշված նմանվում էր հինայով ներկված, լուսավորությունով այրվող մի բևեռի: Օղը թրթում էր, բյուրեղե կայծերի վրա ցատկոտելով: Այդ տեսարանը վիացված էր ճերմակ խաղողի հյութով և լուսությունը այնքան խոր էր, որ կարծես հնչում էր:

Եվ ահա, խորությունով լցված և դեղին մանգաղներով հեծված այդ լուսավորության ծայրին՝ բորոզանների նվազախմբի նման պայթող մի տեսիլք՝ Արարատը, Տիրական և վսեմ այդ մեծությունը իշխում էր ամբողջ դաշտի, ամբողջ երկրի, ամբողջ երկնքի վրա:

Հերյանը երկար ժամանակ մնաց անշարժ, ենթարկվեց այդ տեսիլքին, ինչպես մարդ ենթարկվում է մեծ հոգևկան ուժերին, որոնք լույսի և հավատի ակոսներ են բաց անում մեր ներաշխարհում:

Գնացքը շմեկնեց: Սարդարաբադից քիչ հեռու երկաթուղագծերը պայթեցրել էին...

— Ինչքան ժամանակ կմնանք այստեղ,— հարցրեց Հերյանը:

— Ո՛վ է իմանում...— պատասխանեց երկաթուղագծի պաշտոնյան:— Գուցե մի օր... գուցե երկու...

Ուղևորները գիշերեցին կայարանում:

Մուխը ցրվում էր, երբ սև ամպեր կուտակվեցին Հայաստանի վրա... Կայարանում, քամու արագությունով, լուր էր շրջում թուրքական բանակի շարժումների մասին...

Երբորդ օրն էր... և գնացքը մնում էր տեղում: Ոչ ոք ոչինչ չէր իմանում...

Ուղևորներից շատերը ճանապարհը շարունակեցին սայլերով...

Հերյանը որոշեց ամեն գնով հասնել Երևան...

Հինգերորդ օրը լուսաբացին խուճապ ընկալ կայարանում սպասող ուղևորների մեջ:

Հեռվից թնդանաթի խուլ ձայներ լավեցին:

— Ի՞նչ է պատահել, — հարցրեց Հերյանը:

— Բա, չեք իմանում, կոխվ է... թուրքերը փորձում են նվաճել Արարատյան դաշտը...

Մի խումբ զինված մարդիկ մոտեցան կայարանին:

— Շատերը պնդում էին, որ վճռական ճակատամարտը մղվի Սևանում, — միջամտեց մի ուրիշը, — սակայն ժողովուրդը շուգեց, շուգեց, որ մեր սուրբ դաշտը պղծվի, և հա՛ա երեք ժամ է կռվում ենք...

— Ինչ եք ասում, — զարմացավ Հերյանը, — մենք ոչինչ չենք իմանում:

— Դե, պարոն ջան, չգիտեք, իմացեք, Հայաստան երկիրը լիքն է անակնկալներով:

— Ինչ եք կանգնել այստեղ, — ասաց Հերյանը, — գնանք, մենք էլ մի բանով օգնենք կռիվողներին:

Եվ Հերյանը խմբի հետ առաջացավ դեպի ճակատ:

3

Հերյանը անհամբեր շարժումով ծխամորճը փնտրեց և չգտավ: Նորից քայլեց: Երբ բավականին առաջացավ, տեսավ, որ փոքրիկ թմբի հտև ձիեր և կառքեր էին կանգնած: Մի քանի զինվորներ զբաղված էին ինչ-որ աշխատանքով:

— Բարև, տղերք ջան, — ասաց նա:

Զինվորները ուշադրութուն չդարձրեցին նրան:

Հերյանը մոտեցավ սպային, որը միջահասակ, թուխ, պնդակազմ մի տղա էր: Զգիտես ինչու հանկարծ հուզվեց և շիմացավ ինչ ասել: Սպայի մոտ գետնի վրա երկարած մի զինվորական հեռախոսի լսողակները ականջներին, մատիտը և տետրակը ձեռքին՝ լսում էր:

— Այստեղ եմ, — ասում էր նա, — այստեղ եմ... Հա, արողը պատրաստ է... Ի՞նչ է... Հը... Շատ լավ, շատ լավ...

Հերյանը մնաց կանգնած: Նա միանգամայն զգաց, որ ինքն այստեղ ավելորդ է... և շիմացավ ինչ անել: Սպան, երևի, զգաց նույն բանը. մի քանի անգամ զարմացած աչքերը հառեց նրա վրա, ապա, զբաղված ուրիշ բանով, այլևս ոչ մի ուշադրութուն չդարձրեց նրան:

Հերյանը ուզել էր մոտենալ կովի դաշտին, որովհետև, հազիվ լսել էր հեռվից որոտացող թնդանոթների ձայնը, մի մեծ անհասնգատութուն բռնել էր նրան և մտածել, որ ինքն էլ մի բանով կարող է օգտակար լինել:

Մինչ անհանցել էր շվարած և անհարմար դրության մեջ:
— Ասացեք, խնդրեմ,— դիմեց նա սպային,— ո՞ր կողմն են կարմիր հաշի խմբերը...

Այդ միտքը հանկարծակի եկավ:

Սպան մատով ցույց տվեց բլրան աջ կողմը:

— Առաջին խմբերը այնտեղ պետք է լինեն,— ասաց նա,— մյուսները թիկունքում են, գլուղում: Ի՞նչ է, ուզում եք գնա՞լ...

— Հա, առաջին խմբի մոտ...

— Վտանգավոր է... եթե հատուկ գործ չունեք...

Հերյանը քայլեց դեպի ցույց տված կողմը:

Այդ գաղափարը լուսավորեց նրան և նա իրեն զգաց բուրբուխի հանգստացած: Քայլերը վստահ էին և սիրտը անտարբեր: Սպան հիշեցրել էր նրան վտանգի մասին: Անշուշտ, ամեն վայրկյան կարող էր մի կույր ռումբի զոհ գնալ: Մարմնի կտորներ և հող: Այդ մտածումը շուտով նրան: Ընդհակառակը, շուրջը կատարվող դրաման թվում էր հեռավոր պատմութուն, լաված մի բան, որին ինքը անձամբ մասնակից չէր:

Ինչ որ իրական էր, դա էլ ցուրտն էր: Ոտքերի մատները սառել էին: Կանգնեց և սկսեց ոտքերը ուժով խփել գետնին: Բազուկները ճռճեց: Քայլեց:

Հարյուր քայլ շանցած, ականջների մոտից շվալով գնդակներ անցան: Գլուխը բնազդաբար վար առավ:

Նորից ոտքերը ուժով խփեց գետնին և ճանապարհը շարունակեց: Ինչ հիմար բան էր, որ մոռացել էր ծխամորճը...

Դիմացի բլրակի կողմը, երկու հարյուր քայլ հեռու մի ռումբ պայթեց: Հողի, ացետիլենի և քացախի հոտ տարածվեց: Ինքն էլ գնում էր այդ ուղղությամբ: Հիմա ի՞նչ անեք՝ շարունակե՞ք: Անորոշության մեջ ընկավ: Կանգ առավ: Նայեց ետ, կառքերը և ձիերը տեղափոխվում էին ուրիշ տեղ:

Այդ վայրկյանին, մինչ նա նայում էր ետ, աղաղակիլով պայթեց մի ուրիշ ռումբ: Ու մեկը մյուսի հետևից մի քանի ուրիշներ: Պառկեց գետնի վրա, գլուխն առավ ձեռքերի մեջ և այդպես մնաց:

Երբ գլուխը բարձրացրեց, տեսավ որ ձիերից երկուսը տուպրակը իրենց վզից կախ ամբողջ ուժով վազում էին: Հասկացավ, որ այն կողմը

մի քան է պատահել: Շրջվեց, ուշադրութեամբ նայեց. զինվորներից մի քանի հոգի վազելով հեռանում էին: Իսկ ո՞ւր էին մյուսները: Ուզեց բարձրանալ, չկարողացավ: Ի՞նչ է, ինքն էլ վիրավորված էր: Ձևոքերը շարժեց, ոտքերով աքացի տվեց. չէ, ո՛չ մի ցավ չէր զգում: Ուժ արեց, կանգնեց:

Ձիմացավ, ո՛ր կողմը ուղղի քայլերը:

Երբ քայլեց, գետինը նորից ցնցվեց: Ամեն ինչ սկսեց ոռնալ և պատռվել: Նորից պատկեց: Կարծես, հսկայական մի երկրաշարժ աշխարհը տակնուվրա էր անում: Օդը լցվել էր գոռում գոչյունով: Հողերը, քարերը վեր էին ցատկում: Գետինը ծխում էր:

Կուչ եկավ և այդպես մնաց:

Այդ վայրկյանին, ինքն էլ լավ չէր իմանում, թե ինչ է զգում: Աշխատում էր ինչքան կարելի է տափականալ, միանալ հողին, աներևութանալ:

Պառկած տեղից մի քանի քայլ հեռու, փոքրիկ մենակյաց մի տունկ՝ մերկ ճյուղերը վեր տնկած, ամբողջ մարմնով դողում էր: Ուշքը կենտրոնացրեց այդ թշվառ տնկի վրա: Իրեն զգաց նրա հետ բախտակից. ինքք ևս, նրա նման կպել էր հողին և տեղից չէր կարողանում շարժվել: Ըմբռնեց բույսի անել վիճակը և սարսուռով վշտացավ նրա ճյուղերի հետ: Ահավոր այդ մենակությունը, վտանգից այդ փախչել չկարողանալը... Զգաց տնկի մեջ ման եկող սարսափի ներուժությունը, նրա արմատների ողբը, նրա երակների մեջ սառած վախը:

Վերը, երկինքը հանգիստ էր, անտարբեր, խաղաղ:

Ինչքա՞ն ժամանակ մնաց այդպես, չէր հիշում: Նկատեց, որ այլևս չէին զարնում բլրի այն կողմը. ռումբերը պայթում էին ավելի հեռուն, դաշտի հյուսիսային ուղղությամբ: Այս մասում հողերը՝ տեղ-տեղ քանդված, հանկարծ մրափել էին: Կարծես ոչինչ չէր պատահել: Միայն սուր՝ ամառվա տոթին բացված աղբանոցի հոտ էր գալիս:

Ուրախացավ: Ուրախացավ տնկի համար և իրեն համար: Ինչ հիմարություն էր, գալ այստեղ ընկնել: Ասել էին, զգուշացրել էին: Ինչևէ, հիմա պետք է այդ դրությունից մի կերպ դուրս գալ:

Վեր կացավ և արագ, գրեթե վազելով, քայլեց:

Առաջին խրամատները:

Հայկական հրետանին հանգիստ չէր առնում: Գնդացիները անդադար կրակում էին:

— Դուք ի՞նչ եք անում այստեղ... Հեռացեք, անմիջապես հեռացեք...

— Կարմիր խաչը...

— Այն կողմը...

...Ձենքի բեկորներ, զգեստների պատռված կտորներ, թիթեղե արկղ-ներ, կողմը թեքված հրետանու անանիվ կառքեր, ուումբեր, դատարկված փամփուռներ, ձիերի դիակներ...

Հերյանի ոտքը կպավ մի դիակի և նա ետ քաշվեց: Մեծ, հաղթան-դամ մի տղա էր՝ բազուկները լայն բացված, սառած աչքերը դեպի եր-կինք տնկած:

Մի պատգարակ բռնած երկու զինվոր գալիս էին այս կողմ: Հեր-յանը վազեց նրանց կողմը:

— Մենք էլ ենք այնտեղ գնում... Առաջին պունկտը այնտեղ է...

Քանզված եկեղեցու դեռ կանգնած հաստ պատերի հտև, նա, վեր-ջապես գտավ բժշկական առաջին կենտրոնը:

Վիրավորվածները, շարքով պառկած ուղղակի զետնի վրա, սպա-սում էին իրենց հերթին: Հերյանը ուշադրությամբ նայեց: Ոմանք լուռ և անշարժ էին, ինչպես մեռելներ: Ուրիշներ խոր տնքոցներ էին արձա-կում և իրենց շրթները խածում: Շատերը գանգատվում էին, մղկտում, բայց այնպիսի հեռավոր ձայնով, որ կարծես այդ ձայները իրենց չէին պատկանում, այլ գալիս էին մեքենաբար, անկյանք մարմինների ներ-սից: Նրանց վրա ոչ ոք առանձին ուշադրություն չէր դարձնում. ամենքը սաստիկ զբաղված էին:

Եկեղեցու նախկին խորանի վրա բժշկական գործողությունների սե-ղան էր սարքված: Վարը, պատահական բարձրությունների վրա, հար-մարեցրել էին երկու ուրիշ սեղաններ:

Դիակի, փշացած մսի և դեղորայքի անտանելի հոտ էր տիրում: Հերյանի գլուխը պտույտ եկավ և նա ստիպված եղավ ուժ անել, այդ մթնոլորտին դիմանալու համար:

Իր վրա ոչ ոք չնայեց: Ժամանակ չունեին: Սեղանների վրա անզագ-րում գործողություն էին կատարում: Հազիվ մեկի գործը վերջացրած, պատգարակների վրայից անմիջապես բարձրացնում էին մի ուրիշ վի-րավոր:

Այդ ամենը կատարվում էր խոր, մեքենական լուսվյան մեջ: Հոգ-նած, սփրթնած երեսներով բժիշկների արյունած ձեռքերի վրա մի դույ-լից ջուր էին թափում և նրանց բերանների մեջ վառված ծխախոտ դնում: Նրանք մի քանի անգամ քաշում էին, նետում և արագ վերադառնում գործի:

Ամենից շատ զբաղվածները ճերմակ հագած մի քանի կանայք էին: Անդադար պտույտ էին գալիս բժիշկների շուրջը, գործիքները եփում,

վերքերը կապում, շտապ-շտապ՝ կեր որոնող թռչունների նման, աջ ու ձախ վազում և նորից գնում իրենց տեղը:

Հերյանը զարմացած նայեց: Մի վայրկյան նրան այնպես թվաց, որ դժնդակ երազ է տեսնում: Դժգույն դեմքով, ճերմակ հազած մայրապետներ արշուճալի պատարագներ էին մատուցանում շար և ռիսերիմ աստվածներին: (Հինաժողովը խորանի վրա երկարած մարդկային շարշարված այդ մարմինները արգյաթ հասվոր զոհաբերություններ չէի՞ն և նրանց շուրջը պտույտ եկող լուսկայաց այդ մարդկանց և, կանանց շարժունները մաս չէի՞ն կազմում խորհրդավոր այն արարողության, որի գաղտնիքը անըմբռնելի էր)...

Նոր վիրավորներ էին բերում:

Ամեն կողմ յոդոֆորմ էին արսկում: Պատերի ետև, խուլ սանցքով ումբեր էին պայթում: Գետնին պառկած վիրավորները մղկտում էին:

— Զո՛ւր, շո՛ւր,— շորացած շրթները շարժելով խնդրում էին շատերը:

Ոմանք տնքում էին, ոմանք խլրտում:

Լավ, հիմա ի՞նչ պետք էր անել... Այդ բուպեին Հերյանի մատից շտապ բայլերով մեկը անցավ: Հերյանը վազեց նրա հետևից:

— Ներողություն,— ասաց,— ես բարոքովին պատահմամբ բնկել եմ այստեղ... Պիտի ուզեի մի բանով...

Մարդը, որ երևի բժիշկ էր, կարճատես աչքերը հառեց նրա վրա և ձեռքերը վեր բարձրացրեց:

— Ուզում եք օգտակար լինե՞լ... Գործ շատ: Տեսնում եք, չէ...

— Ասացեք, ի՞նչ պետք է անեմ:

— Ամենից լավը կովի դաշտերից վիրավորներ բերելն է... Եթե չեք վախենում, գնացեք մյուսների հետ և լծվեցեք այդ գործին... Միայն թե մեռել չբերեք... Ժամանակի կորուստ է. պետք է փրկել նրանց, որոնց դեռ կարելի է փրկել...

— Շատ լավ. պատրաստ եմ...

— Ավետիս,— կանչեց նա փոքրահասակ, կլոր դեմքով մի գինվորի,— այս պարոնը ուզում է աշխատել... Ուղարկիր դաշտ մյուսների հետ վիրավորներ բերելու:

— Շատ լավ, բժիշկ... Եկեք ինձ հետ...

Զինվորը, որի հետ Հերյանը գնում էր, լեցուն թուշերով, մազոտ և կայտառ մի տղա էր: Զախ ձեռքի երկու մատները կտրված էին և այդ պատճառով էլ հատկացված էր Կարմիր խաչին:

— Անտեղից ի՞նչ լուր,— հարցրեց Հերյանը, ցույց տալով կովի գաշտը:

— Մերոնք խփում են և, առավոտից ի վեր, թուրքերը բավականին հտ քաշվեցին... — պատասխանեց զինվորը: — Միայն թե, մեռած և վիճարվորված շատ կա...

— Բժիշկները քիչ են,— ասաց Հերյանը, քիչ լոբլուց հետո:

— Հա... Միայն մեր պունկտը չի, ուրիշ պունկտեր էլ կան... Ղա-
սաբի նման աշխատում են. թև, ոտք, ձեռք... կտրում են, հա կտրում...
Ծս նրանց ինչ ասեմ...

Եվ զինվորը բարկացած՝ աչքերը հառեց թշնամու ուղղությամբ:

— Գալու ժամանակ,— ասաց Հերյանը,— ոտմբեր էին ընկնում...
Ինձ այնպես թվաց, որ մեկը ընկավ գումակի վրա. գուցե վիրավորներ
կան... Գնանք նայենք...

— Ո՞ր կողմը...

— Ահա այնտեղ...

— Գնանք:

Երբ հասան Հերյանի ցույց տված վայրը, փշրված կառքեր տեսան
և ձիերի դիակ: Ամեն կողմ ուշադրությամբ նայեցին:

— Մեռած է,— ասաց զինվորը մի մարմին շուռ տալով:

Հեռախոսող տղան էր. լսողակները դեռ ականջի վրա...

— Կառքերի տակը պետք է նայել...

Մի կառքի տակ երկարած պառկած էր երիտասարդ սպան: Ձեռքե-
րը և ճակատը արյունով ծածկված էին. երեսը մեղրամոմի գույն էր
առելի. աչքերը բաց էին և անշարժ:

Հերյանը շոքեց և ձեռքը կպցրեց նրա ձեռքին:

— Տաք է երևում,— ուրախացած ասաց նա:

— Ուշաթափված է... Հա, այնպես է երևում... ապրում է...

Մարմինը կամաց բարձրացրին և դրին պատգարակի վրա: Հազիվ
մի քանի քայլ առաջացան, սպայի աչքերը շարժվեցին և կրծքից խուլ
մի տնքոց դուրս եկավ:

— Կանգնիր,— ասաց զինվորը,— շունչը տվեց...

Պատգարակը վայր դրեցին և նա երկու մատով շոշափեց սպայի
քիթը:

Ջարկերակը քննեց. մարմինը կամաց թոթվեց:

— Հա, էլի... ավելորդ է...

Սպայի դիակը վար դրին:

— Մի քանի ժամ սրանից առաջ,— մտածեց Հերյանը,— այստեղ

կանգնած էր նա, լուրջ, մտազբաղ, ինքը իր անձի տերը... Հիմա՝ թե վար դիր, ավելորդ է...

Խոր մի ընդվզում ցնցեց նրան:

— Բա մեռելները այսպես պիտի մնան... այսպես բաց, անտե՞ր...

Չայնը դող եկավ և ձեռքը դանակի նման կտրեց օդը: Զինվորը հանգիստ նայեց նրա աչքերի մեջ և ոչինչ չսասաց:

— Բա այդպես պիտի մնան,— կրկնեց Հերյանը ավելի մեղմ ձայնով, կարծես ուզում էր մյուսի առաջ արդարանալ:

— Հարցը պարզ է,— պատասխանեց զինվորը սառը ձայնով:— Մեռելները կարող են սպասել, իսկ մյուսները չեն կարող... Պարզ է, չէ՞...

— Ճիշտ է:

— Գնանք:

...Այն օրը Սարդարաբադը գոռաց և վայեց:

Հայ ժողովրդի բոլոր խավերը վիթխարի և վճռական թափով որոշել էին թշնամուն ետ մղել:

Մտան խրամատների մեջ: Պատռած, եռացող վերքերով մարմիններ կրեցին: Աշխատանքը այնքան շատ էր, որ Հերյանը ուժասպառ էր եղել, ծնկները դողում էին, շրթները չորացել էին:

Խուլտող կոկորդիներ, խուլ վայոցներ, ծանր տնքոցներ:

Արյունի, յոդոֆորմի, ացետիլենի և թթվածնի հոտը լցրել էր ճակատամարտի վայրը: Արարատը՝ մի կողմ քաշված, անտարբեր նայում էր: Երկնքի վրա կապարե ամպեր էին կախվել: Թեթև քամի էր փչում:

Դրսից դիտված՝ կոիվը շարունակում էր անողոք, անանուն, մեքենական: Հրամանները հնչում էին չոր, կտրուկ և մաքրիկ կատարում էին այդ հրամանները վարժ, արագ շարժումներով, առանց հուզումի, սառնասիրտ, համառ:

Խրամատներից դուրս էին վազում, առաջ նետվում, պառկում:

— Կրա՛կ...

Կրակում էին:

Գնդացիները ջղայնացած տրաբտուաբում էին, թնդանոթները վայելով աղմկում: Անապատի կարծր հողերը վեր էին թռչում, հառաչելով պտույտ գալիս, թափվում:

Մուխ, կրակ, երկաթ:

— Հարձակման պատրա՛ստ...

Թողնել թուրքերին, որ մտեն Արարատյան դա՛շտ:— Այդ երբե՛ք: Մի եպիսկոպոս, խաչը ձեռքին, գնդակների տարափի տակ, խրամատից

խրամատ էր անցնում և վառ ու պարզ խոսքերով այդ հիշեցնում հայերին:

Հայերը կովում էին կատաղի կերպով:

— Հարձակման պատրաստ...

Հերյանը տեսավ, ինչպես երկաթգծի հողաթմբի պատնեշի հետևից գնդերը դուրս նետվեցին և, դիմացի բլուրների վրա ամրացած թշնամու գնդակների հեղեղը արհամարհելով, համարձակ առաջ անցան և գրավեցին նոր դիրքեր: Ծուխի հրետանին արագ տեղափոխվեց և կրակը աստկացավ:

Այնպես թվաց, կարծես ամբողջ դաշտը հանկարծ կատաղած տեղից շարժվել էր և ցասումով լցված՝ նետվել առաջ:

Թուրքերը այդպիսի դիմադրության չէին սպասում:

...Մնկները դողում էին, շրթները չորացել էին:

Երեկոն մոտենում էր, իսկ Հերյանը մի վայրկյան հանգիստ չէր տռել: Քայլում էր ոտքերը քաշքշելով, միտքը հեռացած: Այլևս ոչ մի բան նրան չի տպավորում. նոր այս իրականությունը մտել էր իր մեջ. ինչպես սովոր և բնական մի երևույթ: Երբեմն պարզ ինքնապաշտպանման բնազդը նրան ստիպում էր կանգ առնել, ետ քաշվել կամ պառկել, խուսափելու համար շուրջը պայթող ռումբի հարվածներից: Այդ տեսում էր մի բոպե. անմիջապես վեր էր ցատկում, պատգարակի ծայրերը բռնում, քայլում:

Հուզվում էր միայն, երբ հասնում էր բուժման վայրը: Անհավատալի մի քառս էր: Ճիշեր, խնդրված ազազակներ, արյուն, մարդկային մարմնի կտորներ: Թժիշկները ուժասպառ էին: Գթություն քույրերը՝ սփրթնած, նիհարած, հագիվ կարողանում էին կանգնել իրենց ստօրի վրա:

Հերյանը վիրավորին վայր դնելուց հետո անմիջապես հեռանում էր այդ տեսարանից խուսափելու համար:

Նախընտրում էր գնդակների տարափը:

— Պարոն գնդապետ, գործերը ո՞նց են գնում...

— Լավ: Թուրքերը ետ են քաշվում...

Ահ, աստված, թուրքերը ետ են քաշվում...

Հիմա բավականին պետք էր քայլել հասնելու համար նոր բռնած դիրքերին: Ահա հեռուն գնդերը շարժվում էին: Հրետանու մասերը անդադար տեղափոխվում էին: Թուրքերը հեռացել էին դիմացի բլուրներից:

Հայ գլուղացի տղաները՝ ծանրաշարժ, պնդակազմ, պատահական փոսերում շարքով պառկած անդադար կրակում էին: Ապա, հագիվ հրա-

մաննները հնչում էին, նրանք վեր էին ցատկում և ծանր կոշիկները գետնին խփելով վազում էին առաջ, մազլցում թմբերը, ծածկվում քարերի ետև և շարունակում կրակել:

Դաշտը դղրդալով սունամ էր:

Թնդանոթները, որոնց առաջ մլրտած դեմքով մարդիկ քուրմերի նման միօրինակ շարժումներ էին անում, կրակում էին, աղաղակելով ետ քաշվում, նորից կրակում:

Նրբեմն, նրանցից մեկը հանկարծ գամվում էր իր տեղը, սզոցված ծառի նման երեբում և փռվում գետին:

Հերյանը վազում էր նրա կողմը:

Պատահում էր, որ ռումբը ընկնում էր ամբողջ մի խմբի մեջ. ձյունամրբիկի նման պտույտ էր գալիս, ամեն ինչ կտորտում, ծամում և օդը հանելով աղմուկով վայր թափվում: Մեկ էլ տեսնում էիր ինչպես պեղված հողի և ձյունի միջից մեկը վեր էր ցատկում, բալուկները ճոճելով, խենթացած վազում և տասը քայլ հեռու երեսի վրա երկարում:

Կամ այնտեղ, ուր քիչ առաջ քրմական շարժումներով լցնում էին թնդանոթը, հողերը մխում էին և մի կտոր ծանր լուռություն սփռում թիթեղե արկղերի, կտորատված անիվների, մարդկային մարմնի կտորների և անասելի տակնուվրայության վրա:

Ինչ փուլթ, թուրքերը ետ են քաշվում:

Ահ, աստված, թուրքերը ետ են քաշվում...

...Գնդակները շարունակում էին սուլել:

— Սպասիր, — ասաց Հերյանը հանկարծ գույնը նետելով, — սպասիր... ուսս...

Պատգարակը վայր դրեցին: Վրան պառկած արյունաթաթախ սպան բերանը բացեց, շրթունքները ծոց, խոլտադ:

— Չլինի՞ զարկվեցիր, — հարցրեց ընկերը:

— Չգիտեմ: Ուժս հանկարծ պակասեց...

Այ ձեռքը բաճկոնի տակից շոշափեց ուսը: Ցավից խեղդված մի օհ քաշեց: Ձեռքը դուրս բերեց արյունված:

— Հա, — ասաց, — վիրավորված եմ:

— Այ քեզ բան... Հը, հիմա այս մեկը ի՞նչ անենք, — հարցրեց ընկերը, ցույց տալով սպային: — Շատ արյուն է կորցնում, եթե շուտ չտանենք...

— Տեսնեմ աչ ձեռքով կարո՞ղ եմ...

Այ ձեռքով փորձեց պատգարակը բարձրացնել: Քիչ մնաց սպան վայր գլորվելու:

— Անկարելի է...

— Դե այդպես է... — որոշեց մյուսը, — զնա պունկտը, ուսդ ցույց տուր, — թող ուրիշին ուղարկեն... Ես էստեղ կսպասեմ... Միևնույն է, — ավելացրեց վիրավորվածին ուշադրութեամբ նայելուց հետո, — մեծ հույս չկա... Լավ, ես կսպասեմ...

— Ոչինչ, — ասաց բժիշկը, — մի մեծ բան չի, ուսի կողմն է... Վերջը ժամանակավոր կերպով կմաքրենք, ապա կարող եք զնալ Երևան, որտեղ կբուժեն...

Հերյանը, չնայած սուր ցավին, ժպտում էր:

Լվալու ժամանակ վերքը մղկտաց և նրա գույնը ճերմակեց:

— Նու, նու, — քթի տակ մրթմրթաց բժիշկը, — ձեզ նման մի տղամարդ... Բարեբախտաբար, ոսկորին չի կպել և երկու շաբաթից ամեն ինչ կանցնի... էս է, կարող եք զնալ...

Գիշերը էջմիածնի զանգակները դողանջում էին:

Հայերը մեծ հաղթություն էին տարել: Ամբողջ հայ ժողովուրդը մեկ մարդու պես ոտքի էր կանգնել, նետվել մարտի դաշտ և հերոսաբար թշնամուն վտարել Արարատյան դաշտից դուրս: Այդ հաղթությունը հայ աշխատավոր ժողովրդի հաղթանակն էր:

4

Երևան:

Հերյանը մտավ մայրաքաղաք, նա քայլում էր մտածկոտ և դանդաղ, աչքերը ուշադիր և հետաքրքրված:

Վեր մազլցող մի կենտրոնական փողոց:

Հաստ փողի, տակնուվրա եղած մայթեր, կիսափուլ տներ: Երկար պատերազմի և աղքատության մոխիրների տակ ընկած այս վայրը նմանվում էր դեղնած, մաշած, պատռված նամակադրոշմի:

Կիսով պարապ մոռյլ խանութներ: «Հայ վաճառականության բրնից անոթություն է հոտում» — մտածեց Հերյանը: Թրիքի կուլտեր, եռագույն դրոշակներ, տների բոլոր անկյուններում պառկած՝ փլած դեմքերով և մարմիններով գաղթականներ:

Այդ թշվառության հակապատկեր, փառավոր ծառեր և անթիվ զինվորականներ:

Կաղամախիները և բարդիները շշնջում էին: Բակերում զինավարժության ձայներ էին լսվում: Փողոցներում հեծելազորքի գումարտակների փողերը հնչում էին՝ մեռելներ արթնացնող վերջին դատաստանի

կանչի նման: Հրետանին, ծանրածանր և աղմկալից, անցնում էր քարերի վրայից ցատկոտելով: Նրան հաջորդում էր օդը պատուտող զինվորական երաժշտախումբը, որի հետևից գալիս էին քառյակ շարքերով ուրիշ զորամասեր: Վերջում փոշու ամպեր և ոտաբոբիկ երեխաների ոգևորված խմբեր:

Գեղեցիկ էին վերասլաց բարդինները:

Մառերի, այգիների և փողոցների այդ շարքերը զետեղված էին բարձր պատշգամբի կատարին, որտեղից մարդ իշխում էր՝ լուսագագաթ լեռների ստորոտին մետաղե պնակի նման երկարած դաշտի վրա: Այդ դաշտից և այդ լեռներից գալիս էր հանգիստ և կորովալի մի պայծառություն, որը արտացոլվում էր քաղաքի բնակիչների երեսների վրա:

Կաղամախիների թրթռուն գագաթները հրավիրում էին մարդկանց նայվածքները դեպի վեր: Օդը զրնգում էր արձագանքելով լույսերի անտեսանելի ծնծղաներին և լեռները վսեմ ու խաղաղ ծանր լուռություն էին տարածում:

Երևի այդ պատճառով էր, որ մարդիկ պարզ էին, կայտառ և մտածկոտ:

Հերյանը քայլում էր կես երազի մեջ: Առաջին անգամ էր այցելում այդ վայրերը, բայց ամեն ինչ արդեն տեսածի տպավորություն էր թողնում նրա վրա: Կարծես ամեն ինչ նախապես գրված էր նրա ուղեղի մեջ: Ամեն ինչ նախատեսված էր, ծանոթ և մտերիմ: Ու նրա հուզումը սեղմում էր բոլոր մարդկանց ձեռքերը, միանում ամենքին, ընդունում ամեն ինչ, բնականորեն, առանց ճիգի, առանց շատ մտածելու:

— Բարև՛, բարև՛ ամենքին...

Այո, սեղմում էր բոլոր մարդկանց ձեռքերը:

Երբեմն արթնանում էր, աշխատում տրամաբանել: Այդ վայրկյաններին, ամբողջ այս աշխարհը փլշում էր տարրական առաջին քննադատության առջև: Ամեն ինչ դառնում էր անհավատալի, անհասկանալի: Կարելի՞ քան էր, օրինակի համար, մոռանալ այն մղձավանջային գիշերը, որը նա անցկացրել էր Երևանի կայարանում...

Հաղիվ գնացրից իշած նա զարմացած կանգ առավ մի անհավատալի տեսարանի առջև: Վատ լուսավորված մի սրահ: Կեղտով, աղմուկով, գարշահոտությունով լցված: Լցված՝ ցնցոտիներով ծածկված, գորշ, գուհիկ բազմությունով: Մարդկանց, կանանց, երեխաների՝ մեկը մյուսի վրա դիզված կույտեր, ամեն տեղ՝ գետնի վրա, նստարանների և սեղանների վրա:

Աղբ, յողոֆորմ, քրտինք: Կարծես սև թշվառութեան անկյունից վայր թափված այդ մարդկութեան վրայից ծանր ոտքերով մի հսկա էր անցել ամեն ինչ ճզմելով: Բոլոր անկյուններից՝ հողի գույն առած, մոմ կտրած գեմքեր էին դուրս ցցվում: Կմախքացած փոքրիկ երեխաներ: Խորտակված կրծքերով, դեզնած ձեռքերով, շերմից շորացած կանայք: Կուշ եկած, կծկված, գալարված տղամարդիկ:

Մի քանի աստիկաններ այս ու այն կողմ էին վազում և հրացանի կօթը գետնին խփելով բզազում: Նրանց պատասխանում էին դեռ ավելի ուժեղ բզազոցներ: Այդ վիճաբանութուններին և կոխվներին կանայք մասնակցում էին վայելուով և երեխաները՝ լացուկոծով: Օղբ լցված էր լկտի հայհոյանքներով:

Հերյանը կանգ առավ շվարած:

Պետք էր այդ տեղից շուտ ազատվել: Ահագին գծվարութուններով նա կարողացավ հասնել մինչև ելքի դուռը: Նայեց դուրս: Խավար: Ո՛չ կառք, ո՛չ մարդ: Ո՛ւր էր քաղաքը: Վերադարձավ ներս և դիմեց մի պաշտոնյայի:

— Ներեցեք, քաղաքը...

Պաշտոնյան քթի ծայրի ակնոցները բարձրացրեց ճակատի վրա, կույր և զարմանքով լցված աչքերով նայեց և ծիծաղեց:

— Դուք, ի՞նչ է, նո՞ր եք եկել...

— Այո, նոր... հենց վերջին գնացքով...

— Պետք էր իմաց տալ ձեր բարեկամներին, որ զային ձեզ գիմավորելու... Ուրիշ կերպ անկարելի է և վտանգավոր... այդպես, մենակ, խորհուրդ չեմ տալիս... Ի՞նչ թաքցնեմ... վտանգավոր է...

Անկյունում նստած մի ծերունի նրան բացատրութուններ տվեց: Քաղաքը կայարանից բավական հեռու էր և ամայի ճանապարհը լցված էր զինված մարդկանցով, որոնք ավազակութունով էին զբաղվում: Պատերազմի նախկին կամավորներ, մութ անցյալ ունեցող մարդիկ, մաուզերիստներ:

— Ասում են,— ավելացրեց ծերունին ձայնը իջեցնելով,— վերևում կանգնած պաշտպաններ ունեն: Ո՞վ է իմանում, ճիշտ է, ճիշտ չէ... Դրութունը այս է: Դահլիճների ձեռքից ազատվեցինք, եկանք ընկանք ավազակների ձեռքը...

Մարդը հառաչը զսպելով մորուքը շոյեց և էլ շխտեց:

Հերյանը շէր ուզում հավատալ, որ քաղաք չի կարող մտնել: «Միջնադար» է, ի՞նչ է», մտածեց նա: Բայց սրան նրան հարցուփորձ անելով, նա համոզվեց... ուրիշ ելք չկար և պայուսակը գետին դնելով, նրստեց և սպասեց:

Սպասեց մինչև լուսաբաց:

Ինչպես կարելի էր մոռանալ մղձավանջային այդ գիշերը...

Առավոտյան մոտերը կայարանում գիշերող ուրիշ ճամփորդների հետ եկավ քաղաք: Երկար ժամանակ փնտրելուց հետո նա կարողացավ մի ընտանիքի մոտ սենյակ վարձել: Համեստ, պատերը մաքուր գաճով քսված, փողոցի վրա նայող պատուհանով մի սենյակ: Պարզ մարդիկ էին նրանում սենյակ տվողները: Բակը լցված էր երեխաների աղմուկով: Ներսը, տանտիկինը՝ գեթ ու աշխույժ, անդադրում շարժման մեջ էր: Առավոտները, երբ տղաները դպրոց էին գնում, սենյակները դատարկվում էին և լուռ, կեսօրին լցվում էին անհամբեր ձայներով, պնակների գրնգոցով, ծիծաղով, ապա նորից դատարկվում էին մինչև երեկո:

Ձէ, հակառակ դրսի փոթորիկներին, կյանքը տներից ներս պահում էր միապաղաղ գոյությունը: Բավական էր ականջ դնել հարևան սենյակներից եկած ձայներին միանգամայն հանգստանալու համար: Այդպես, երբեմն, մի խումբ ծառերի մեղմ սոսափը կամ մանկության օրերը հիշեցնող վտիտ մի ազբյուրի երգը մեզ լցնում է տեականության զգացումով:

Քանի օրերը անցնում էին, այնքան ավելի Հերյանը հաշտվում էր այդ միջավայրի հետ: Մանկության հիշատակները գալիս խառնվում էին ներկային և ամենահասարակ երևույթները բարդ խորհրդանշանների կարեորության բարձրանում: Լեռնային ուժեղ այս օդը, ժայռերի բորնզե մոայլությունը, միջավայրի պարզությունը, երկինքը, մարդիկ, ծառերը, անցյալը և ներկան իրար խառնվելով զորեղ հուզումների հոսանքներ էին ստեղծել, ճրագ և լույս դարձել նրա ներաշխարհում:

Ամեն ինչ այնքան հին էր և ամեն ինչ այնքան նոր: Նման էր կարդացված այն գրքերին, որ մի կողմ ենք գցում, ապա մի օր նորից բաց անում և զարմանքով նորանոր իմաստների հանդիպում:

Հերյանը ժամերով ման եկավ և միամիտ հետաքրքրությունով ամեն ինչ վերադիտեց:

Տխուր ժպիտը երեսին նա կանգ առավ դեռ բաց մնացած խառնութների առաջ և նայեց ցուցափեղկերում շարված պատահական ապրանքների: Չորացած ձկնեղեն, մի զույգ կոշիկ, մի քիչ լոբի, հնացած ամերիկյան ածելի, հին ակնոցներ, մի սահր, լեռան պտեիր և միամիտ նկարներ, որոնց վրա ամբողջ հասակով կանգնած էին տարօրինակ թեերով հրեշտակներ և անկարելի մորուքով աստվածներ: Ապա գնաց փողոցի անկյունի փողրիկ կրպակների առաջ, օրվա հարցերի շուրջը վի-

ճարանության բռնված բեղավոր մարդկանց խմբերի մոտ, կամ ծեծ կերած երեխաների պատճառով տաք և անվերջանալի կոլիւնէր սարքող պառավ կանանց մոտ:

Դիտեց, ժպտաց, ներեց:

Բայց, առօրյա կյանքին մտերմանալով, նա այս կես գյուղ, կես քաղաքի արտաքին հանգստութեան տակ սկսեց նշմարել աներևութ վազող լավաների հոսանքներ: Անցնող փոթորիկները ոչ միայն տակնուվրա էին արել կյանքի մակերեսը, այլ պեղել նրա խորքը, թողել ավերածութիւն: Օդը դեռ լցված էր անձկութեամբ:

Այո՛, բուռն կերպով արտահայտված հույսերի ետև արյունոտված դրոշակներ էին կախված: Ամենքը գիտեին: Թշնամին, վիզը երկարած, հսկում էր սահմանների շուրջը:

Հայաստանը դաժանորեն մեռնակ էր:

Լցված մի քանի հարյուր հազար արևմտահայ փախստականերով և անհամար որբերով:

Արևմտահայաստանը՝ փոթորկված ծովից դուրս նետված ավազի նման ահագին բազմութիւններ էր կուտակել Արարատյան դաշտում:

Քանդված և այրված իրենց քաղաքներից և գյուղերից փախած այդ ամբոխները անվերջանալի խմբերով անցել էին սահմանը և քայլել՝ սպառնանք և անեծք որոճալով:

Ըհե՛ծ մասամբ ծերերից, կանանցից և երեխաներից կազմված, նրանք ստիպված էին անցնել դժվարին ճանապարհներով, ենթարկվել բեռոյին ցրտերի և իրենց մարմինները հալածող համաճարակներին: Նրանք ամեն քայլափոխի կանգ էին առել մեռել թաղելու համար: Հուսահատ, հիվանդ, կատաղած՝ այրվող անտառներից փախող զազանների նման. այդ բազմութիւնները առաջացել էին իրենց ցատուձը ոռնալով, բուռնցքները սեղմած և աչքերը խանձված:

Տարածվել էին երկրի բոլոր մասերում: Փռել էին իրենց թշվառութիւնը երկրի բոլոր անկյուններում, սև դրոշակների նման դուրս ցցելով իրենց ցնցոտիները, իրենց այրող վերքերը, ոսկրի վերածված իրենց թշվառ մարմինները:

Ուրիշ խմբեր դեռ շարունակել էին քայլել: Այդքան ցավերից կուրացած, նրանք անխնա կերպով ոտնահարել էին դժվարութեամբ մշակված հողերը, կոտորել ու պլոյկել էին մրգաստանները, տաքանալու համար այրել էին անտառները:

Արարատյան դաշտի գյուղացիները հյուրընկալ ձեռքով բաժանել էին իրենց հացը, մթերքը և ողորմությունը, բայց այդ ժով անոթությունը կշտացնել շկարողանալով, փակվել էին իրենց տներում և վեհերոտ աչքերով նայում էին աղմկող ամբոխներին:

Փախստականները, գյուղերի փողոցներում և ճանապարհներում երդիկների տակ մտած քամիների պես մլավելուց և ոռնալուց հետո այլևս հասած հուսահատության գազաթնակետին, մտաբերել էին էջմիածինը և սեղմված շարքերով, խզված ձայներով աղոթքներ երգելով նետվել էին դեպի Լուսավորչի գահը, ամենայն Հայոց կաթողիկոսից մխիթարանք և իրավունք պահանջելու համար:

Հին ավետարանների մանրանկարներից դուրս պրծած տեսքով, խորտակված դեմքով, բոցավառ աչքերով քահանաներ բայել էին նրանց առաջից, գալարված ու մազոտ իրենց բազուկները վեր կարկառած և իրենց կապտած շրթների գառն Կ կրակոտ խոսքերը երկնքի անտարբերության ուղղելով:

Ամեն տեղ մի նոր գերեզման էր բացվել: Զուլումից մտրակված բազմությունները մի վայրկյան կանգ էին առել, հեկեկալով աղոթել և նորից քայլել լալով, գանգատվելով, մոնչալով:

էջմիածնի մոտերը, հազիվ, հեռվից նշմարել էին մայր տաճարի գմբեթը, կրոնական բուռն զգացումով ոգևորված, արագացրել էին իրենց քայլերը և լացուկոծով հարձակվել եկեղեցու դռների, քարերի, կաթողիկոսների գերեզմանների վրա և համբուրելով գանգատվել:

Խաղաղ վանքի բակը լցվել էր աղաղակներով:

Կաթողիկոսը, կաթողիկոսը, պահանջել էին ամեն կողմից:

Եվ երբ բակի խորքից քահանայապետը իջել էր արարողական ոսկեծույլ զգեստների մեջ հանդիսավոր մորուքով, սփրթնած դեմքով, վշտով լցված աչքերով և դողողացող ձեռքերով, ամբոխը շարժվել էր ափը վազող ալիքների նման, հուզումով և հառաչանքներով մտրակված: Մարդիկ և կանայք վայր էին ընկել և գալարվելով ճչացել և հեկեկացել էին: Կաթողիկոսին շրջապատող եպիսկոպոսները՝ բարձրահասակ, պնդակազմ, հաստ հոնքերի և երկար մորուքների մեջ սեղմված դեմքերով մարդիկ՝ բռնել էին նրա թևերից, որպեսզի վայր չընկնի, մինչ նա, իր մոմի գույն առած հայրապետական դեմքը վեր բարձրացրած, աղոթել էր արցունքներ կուլ տալով:

Այդ տեսնելով ամբոխը ավելի տակնուվրա էր եղել: Հագարավոր բազուկներ վեր կարկառած նա մոնչացել էր խեղդված քամու նման, կանչել, աղաղակել, ապա, գրոհ տալով ժերոնու վրա, համբուրել էր

ներա զգեստների ծայրերը և կապույտ երակներով ծածկված նրա հուսա-
հատ ձեռքերը:

Հազիվ կարողացել էին նրան ներս տանել եկեղեցի:

Հայրապետը պատարագել էր: Էջմիածնի, Հոփսիմեի, Գայանեի
զանգակները բամբ ու դանդաղ զոզանջով ընկերացել էին տխուր և
հանդիսավոր արարողութուններին:

Հետո այդ ամբոխը զետեղվել էր վանքի աղատ խուցերում, բացօթ-
յա շրջապատում և որոշել այնտեղ ձմեռել:

Հա՛ց, հա՛ց, պահանջել էին նրանք:

Դուրս էին հանել եղած հացը, ալյուրը, մթերքները:

Այդ բավել էր մի քանի օր:

Հա՛ց, հա՛ց...

Ամեն կողմից բողոքի ձայներ էին լսվել: Հաց չկար: Հաց չկա՞ր...
Այդ մարդիկ և կանայք բոլորվել էին վանքի շուրջը և բռունցքները թա-
փահարելով կրոնականների դեմ բողոքել և սպառնացել:

Հա՛ց, հա՛ց...

Կաթողիկոսի պատուհանների տակ համախմբված նրա՞ք անիծել
էին և՛ նրան, և՛ սրբերին, և՛ երկնային զորութիւններին:

Կատաղած և հուսահատ կոտորտել և այրել էին լիճը շրջապատող
գեղեցիկ ծառերը: Ավերել էին այգիները, դատարկել դարանները, ապա-
կանել եկեղեցիները, ամեն ինչ անապատի վերածելուց հետո խումբ-
խումբ նետվել էին դեպի քաղաքը և մայթերի վրա փռել իրենց ցնցո-
տիները, վերքերը և տենդը:

Կովկասը վայր ընկած հախճապակիի նման բաժանվել էր տասը
մասերի: Թիֆլիսի, Բաքվի և Երևանի համեստ քաղաքապետության
շենքերի կատարին շտեմնված և շերևակայված անկախության դրոշակ-
ներ էին ծածանվում:

Հայաստանը մորիկներից թափահարված ծառի նման մնացել էր
պլոկված և մենակ:

Բաց սահմանների կողմից վտանգված և էժան շթի եռագույն դրո-
շակներով զարդարված:

Մի օր, աննպատակ թափառելուց հոգնած, Հերյանը ուղղվեց քա-
ղաքի կենտրոնում գտնվող փոքրիկ պարտեզը, որին տեղացիները Բուլ-
վար էին անվանում:

Բարձր կազամախիների և բարդիների տակ դրված նստարանները
բռնված էին ամբողջովին: Անգործ, մտահոգ, մռայլ մի հասարակու-
թյուն էր: Շատ ուրիշներ թափառում էին ծառուղիների մեջ կամ խումբ-

խումբ կանգնած խոսում օրվա քաղաքական դեպքերի մասին: Ամեն տեղ երևում էին նաև զինվորականներ: Նրանք հագած էին ուսական բանակի զգեստներ, բայց օձիքի և ուսագիրների վրա կրում էին հայկական վերտառություններ:

Քուլվարում լցված այդ մարդիկ խոսում էին ցածր, լրջացած ձայնով, ինչպես ծառերի վրա խոսում էր աշունը տերևների մեջ մեղմ քամի մաս ածելով:

Նա պտույտ հկավ պարտևզում հետաքրքրված աչքերը չորս կողմ պտտեցնելով, գիտելով և մտածելով, երբ արդեն պատրաստվում էր վերադառնալ տուն, նկատեց ծառուղու ծայրի տաղավարի շուրջը հավաքված բազմութունը: Քայեց դեպի տաղավարը և հարցուփորձ արեց: Ասացին, որ այնտեղ գտնեղված է ժամանակավոր գրասենյակ, արձանագրելու համար արտասահմանից եկած այն անձնավորութուններին, որոնք ուզում են իբրև կամավոր ծառայել բանակում: Քիչ չէր աշխարհի չորս կողմից եկողների թիվը: Մեր, երիտասարդ, զարգացած կամ պարզ մարդիկ: Ուրիշ ազգերի բանակներից դուրս եկած սպաներ, ճարտարագետներ, բժիշկներ: Գալիս էին հայրենիքին ծառայելու համար:

Հերյանը ուրախացավ. ինքն էլ նրանցից մեկը չէ՞ր: Առանց շատ մտածելու կանգնեց հերթի և համբերությամբ սպասեց: Նրա շուրջը Ֆրանսիայից, Ամերիկայից, Ռուսաստանի խորքերից և ուրիշ երկրներից եկած հայեր:

— Ահա, սրանք ևս, — մտածեց Հերյանը, — վազել եկել են իրենց տանջող երազի հոտից, վերագտել են իրենց մենակության հետ խոսող աշխարհը...

Ի՞նչ գաղափար ունեին Հայաստանի մասին դրսում ծնված և մեծացած այս հայերը... Երազի աչքերը միշտ էլ մեծ են և շափազանցված... Հայերը, ինչպես բոլոր իրապաշտ մարդիկ, գյուրին կերպով տարվում են բանաստեղծական պատկերներով: Այն, ինչից զրկված են, միշտ էլ դրախտի մի կտոր է: Դալար գաշտեր, կարկաչուն աղբյուրներ, մեծղի պարտեզներով հնչող մի երկիր... Մինչ իրականությունը բուրրովին տարբեր էր: Մերկացված մի արքայություն: Մերկ լեռներ, անապատներ, վշտի և թշվառության թթվածինով այրված մի դաշտանկար:

Բայց երազը միշտ նորանոր պատճառներ է գտնում տեղիւ համար: Դա է, Հայաստանը... Չէ՞, չէ՞, իսկական Հայաստանը գեռ նվաճված չէր, նա գտնվում էր անորոշ հեռուներում և սպասում էր, որ գան, քերությունից նրան ազատեն...

Եվ եկել էին շարքով կանգնել:

Հերյանը ամենքի հետ խոսում էր, կատակ անում: Գիտեր նրանց
երկրները, ծանոթ էր այն քաղաքներին, որտեղից նրանք եկել էին:

Երբ հերթը հասավ իրեն, մտավ և բացատրեց:

— Նավապե՞տ, ասում եք նավապե՞տ...

— Այո, տասը տարվա ծովային ծառայություն... նավարկել եմ բո-
լոր ծովերում...

Մի պոլսեցի անձնավորություն իր խուլ ականջը երկարեց դեպի
նրան և հարցուփորձ արեց: Զէ, ինքը արևմտահայ չէր, ծնվել էր Ղարա-
քիլիսայի մոտի գյուղերից մեկում: Անձնավորությունը ձեռքի մատիտի
ծայրը բերանը դրեց, լռեց:

— Բայց առայժմ ծով չունենք,— վերջապես պատասխանեցին
նրան:— Ավելի ուշ, երբ Դաշնակիցները վերջնական որոշում տան Հա-
յաստանի սահմանների մասին և իրագործեն Միացյալ Հայաստանի
ժրագիրը, մենք կունենանք մի նավահանգիստ Սև ծովի վրա:

Հերյանը բողոքեց:

— Ախր, ի՞նչ որոշում, ի՞նչ բան. ես եկել եմ անմիջապես գործի
լծվելու համար... երկրին օգնելու համար:

— Սո, վայրկյան մը,— բացականչեց մի ուրիշ անձնավորություն,
ակնոցների ետև փոքրիկ աչքերը ոլորելով:— Հիմա հիշեցի... երիտա-
սարդ ծովային սպա մը կա, որ Սևանա լճի ափին թան մը կշինե... նավ
մը բլլալու է... Պոլսո թերթերը այդ մասին երկար բարակ գրեցին...

Հերյանի աչքերը լայն բացվեցին:

— Հետաքրքիր է... շատ հետաքրքիր է...

— Դիմեցեք նախարարության: Կամ ավելի լավ է Սևան գնալ և
այնտեղ տեսնել, թե ինչ կարող եք անել... Առայժմ, Սևանը մեր միակ
ծովն է...

Հերյանը տաղավարից հեռացավ ուրախացած: Պետք էր գնալ տես-
նել լիճը: Պետք էր ծրագիր մշակել և փորձել իրագործել այն: Իսկապես,
Սևանը... Ինչպե՞ս այդ մասին չէր մտածել...

Հերյանը նստեց կենտրոնական փողոցի սրճարանում:

Երեկոյան շինականները իրենց դատարկ սայլերի ետևից ընկած
վերադառնում էին գյուղ: Արագ քայլերով՝ մտածկոտ, գլուխը վայր
պցած մարդիկ էին անցնում: Փողոցի գաղթական տղաները՝ դեղնած
երեսներով, ներս ընկած այտերով, վազում էին անցնողների հետևից
և լալկան ձայնով մուրում: Ուրիշներ՝ ջերմից և թոքախտից ավերված,
պռակել էին աղտոտ փողոցում լճացած ջրերի մոտ: Տնքում էին:

Հերյանը ժամանակ շուներ նրանց մասին մտածելու: Հագիվ նստեց, զինվորական երաժշտության մոտեցող ձայներ լսվեցին: Անցորդները կանգնեցին և անձկությամբ լցված աչքերով նայեցին: Նվագախմբի հետևից զինվորների մի գումարտակ անցավ գետինը մրճահարելով և փոշի բարձրացնելով:

Ապա ամեն ինչ վայրկենապես լռեց: Աղմկալից քայլերգը կլլեց, հետը տարավ փողոցի բուրբ ձայները:

— Ինչպիսի՜ հակապատկերներ,— մտածեց Հերյանը:— Երաժշտություն, մարտական քայլերով անցնող, առողջ կարմրաթուշ զինվորներ և մայթերի վրա ուժասպառ փուլած այս անասելի խեղճությունը... Հայ կյանքը միշտ էլ շահագանցություններով է սնվել... Եթե մարդ լավ նայի շուրջը, ամեն ինչ գետեղված է անիրական, վերացական հատակագծի վրա... Մութ, անըմբռնելի, բանականության չնթարկվող մի աշխարհ, ուր պատահականը և անսպասելին գալիս պատվաստվում են խստադեմ լեռների նման կայուն և անխորտակելի երևույթներին... Ամեն ինչ հուսահատիչ է, դժբախտ վերին աստիճանի և միևնույն ժամանակ ամեն ինչ այնքան պայծառ է, բարձր և լուսավոր...

— Համեցեք... սուրճը տաք-տաք բերի, որպեսզի վայելեք...

Բաժակը դրեց սեղանի վրա և գոգնոցի ծայրը ճմլելով մնաց կանգնած: Թարթիչներից զրկված փոքրիկ աչքերով, ցած ճակատով, քթի շուրջը երկարող խորամանկ գծերով, փոքրահասակ, շարժուն մի մարդ էր սրճարանի տերը: Կանգնեց և հարցաքննող ժպիտով նայեց Հերյանին:

— Խնչ եք ուզում,— հարցրեց Հերյանը ձանձրացած շեշտով:

Նայել և մի ակնարկով հասկացել էր տիպարը:

Մարդու փշրված շրթունքները ուտինի նման ձգվեցին և աչքերը դեռ ավելի փոքրացան:

— Սանկ, կուզեի իմանալ, թե նոր եկվո՞ր եք...

— Այո, նոր եմ եկել:

— Եթե բանով մը կրնամ օգտակար ըլլալ... ծախելու բան ման չե՞ք բերած...

— Չէ, ոչինչ չեմ բերել: Վաճառական չեմ:

Սուրճի բաժակը վերցրեց հասկացնելու համար, որ խոսակցությունը վերջացած է, բայց մարդը չհասկանալ ձևացրեց և մնաց տեղում:

— Կտեսնեք կոր,— հռուշելով շարունակեց նա,— մոխիրներու վրա կապրինք... Վալլահ, մարդ չի գիտեր վաղը ինչ կրնա պատահել... մենք որ դժոխքը սա մեր աչքերով տեսանք... Ինչ օրեր տեսանք, ի՞նչ օրեր տեսանք...

Անրևական և չալկան այդ շեշտը Հերյանի շղերին տվեց:

— Վերջին վայրկյանին, տուն-տեղ, հարստութիւն թողուցինք և քանի մը խաչիներ ուսերնուս զարկած եկանք... Եթե ձեր հրամանքը խաչի պետք ունի...

— Ասացի վաճառական չեմ,— խիստ ձայնով նրա խոսքը կտրեց Հերյանը և երեսը մի կողմ գարծրեց:

Մարդը վերջապես հեռացավ:

— Այգպես են,— ասաց ինժեների գլխարկով, թուխ, լայնուս մի պարոն,— նոր մարդ է տեսել, ուզում է վառք նրանից մի բան պոկել...

— Անմիջապես հասկացա...

— Մրանք առանձին տարր են... հարդի նման միշտ ջրի երեսն են գուրո գալիս...— շարունակեց ինժեները:— Ասում է դժոխքից է գալիս, իսկ տեսեք, արդեն սրճարանի տեր է... Մրանք մեր գլխին ուղղակի պատուհաս են... մորեխի խորթակով նետվում են ամեն բանի վրա... Ես նրանց հանդիպել եմ շատ տեղերում... Մարդ ուղղակի ամաչում է... Ծտարականները նրանցով են մեզ դատում...

— Հա՛, ճիշտ է,— հաժաձայնովեց Հերյանը,— մանավանդ արտասահմանում... Եվրոպայում, Ամերիկայում... Մրանց պատճառով, օտարականների համար մենք խաչի և աղամանդ վաճառող խարդախ ժողովուրդ ենք... Զգվելի է...

— Սրիկաները... վարկաբեկում են հայ ժողովրդի անունը...

Հետո, ուրիշ նյութի անցնելով, ինժեները շարունակեց.

— Մի ամիս է, որ եկել եմ: Ռուսական ածուխի հանքերում էի աշխատում և երբ դեպքերը վրա եկան, այստեղից վատ լուրեր ստացանք, որոշեցի գալ և մի բանով օգտակար լինել... Տեսնում եմ, ամեն օր նոր-նոր մարդիկ են գալիս, ինչ որ լավ է... Երևի դուք էլ...

— Այո, ես էլ... նավապետ եմ, այժմ ծով չունենք... Հոռետես չեմ, մի բան կանենք...

Ինժեները բացատրեց, որ ինքն էլ դեռ չի աշխատում: Ինքը, հանքային մասնագետ է և անշուշտ այս երկրի հողերի տակ ո՞վ է իմանում ինչպիսի հարստութիւններ են թաքնված... Պետք է զննել, փնտրել: Սոսկալին այն էր, որ խաղաղութիւն չկար: Հինգ տարի կովկուց հետո երկիրը քտնվում էր նոր վտանգների առաջ: Ամենքը մտահոգված էին զենք ճարելու հարցով, նոր բանակ կազմակերպելու հարցով և քա՛ ժով թշվառութիւն մեջ...

Եվ մատով ցույց տվեց գաղթականներին:

— Անհավատալի դրութիւն է,— շարունակեց նա:— Այսօր, գարե-րով տարած մեր աշխատանքների արդյունքից իսկ մենք չենք կարողա-

նում օգտվել... Քամին եկավ, մի վայրկյանում ամեն ինչ մաքրեց, տարավ... Ի՞նչ եղան հարուրավոր սերունդների ճիգերը... Կովի ենք, արյուն թափել, քրտինք թափել... Վարել ու ցանել ենք մեր դաշտերը, զարգացրել և շքեղացրել ենք քաղաքները, մշակույթ... և տեսեք, մնացել ենք անապատում...

— Մեղքը մերն է,— պատասխանեց Հերյանը:

— Ինչե՛ք. անցածը անցած է... թող խաղաղություն տան մեզ, և մենք ամեն ինչ կվերաշինենք: Ես վստահ եմ, տասը տարում մեր երկիրը կդառնա անճանաչելի... Այդ մասին ոչ մի կասկած չի կարող լինել...

— Ես բոլորովին համաձայն եմ ձեզ հետ,— ոգևորված շեշտով պատասխանեց Հերյանը:— Մենք մեր հայրերի զավակներն ենք, չէ՞... Երբ մարդ մտածում է ինչեր են շինել նրանք... Ստեղծել են հրաշալի ճարտարապետական մեր ոճը: Բյուզանդիային հսկաներ են տվել, թուրքերին՝ լավագույն մզկիթներ, Վոսփորի ամենապեղեցիկ պալատները և քանդակների ուրիշ բաներ... Այդպես, մինչև Եվրոպա...

— Մենք՝ հայերս միշտ էլ մեր թերությունների մասին ենք խոսում, կապիտան: Բայց նայեցեք մի բոպե ձեր շուրջը. ի՞նչ է դա՝ երկրի և երկնքի ակունների տակ ծամված, պատառ-պատառ եղած մի սոսկալի իրականություն, այնպես չէ՞... Այս վիճակում որևէ ուրիշ ժողովուրդ պիտի վհատեր, ընկճվեր, գլուխն առած փախչեր... Սակայն, տեսեք, ապրելու և պայքարելու ինչպիսի կորով... Խոսում և գործում են այնպես, որ կարծես կյանքը հենց այսօր է սկսվում... Եվ մտածելի թե այդքան անարդարություն մեր դեմ... Կգա մի օր, աշխարհը կտեսնի և խիղճը կշարժվի... Այսօր, աշխարհը դեռ կույր է չափազանց շատ դիակներով սնած բորենու նման: Բարոյական զգացումը մրափում է, արդարություն վրա ծիծաղում են... Օրը կգա, կարթնանան և սոսկումով կհասկանան...

— Դա, միանգամայն ավելորդ հոռետեսություն է,— միջամտեց մի ձայն ետևի սեղանից:— Օրենքներ կան, որ չի կարելի անպատիժ խախտել...

Փոքրիկ ճերմակ մորուքով, ակնոցների ետևը փայլփլող մոխրագույն աչքերով այդ մարդը,— այդ իմացվեց հետո,— նոր եկած իրավագիտության պրոֆեսոր էր:

— Անտանտի պետությունները,— միամտորեն շարունակեց նա,— քանի անգամ պաշտոնապես հայտարարել են, որ մեր պահանջները պիտի հարգվեն... Չեմ խոսում Անգլիայի մասին, բայց Ֆրանսիան, Ամերիկան... Մտածեցեք... Այդպիսի բարոյական մահ նրանք չեն կարող ընդունել և եթե ընդունեն, այդ նրանց կտանի դեռ ավելի սոսկալի պա-

տերազմների... Վաշինգտոնի, Լենգոլնի, Վիլսոնի ոգին... դեմոկրատիան...

Սրճարանը թողնելուց հետո Հերյանի ականջներում դեռ երկար ժամանակ անուշ երգի նման հնչում էին պրոֆեսորի ասածները: Այնքան լավ էր, այնքան անհրաժեշտ այդպես հավատալ:

Հավատալ, հուսալ: Պարզ երևում էր, որ շատ գիտնական մարդ էր պրոֆեսորը: Խոր համոզումների մարդ: Կայուն օրենքների անխախտելիության վրա կանգնած մարդ, որի ձայնը խոր էր և շեշտը վճռական: Եվ այդ այն օրերին, երբ հողը փախչում է մարդկանց ոտքերի տակից, երբ ամեն ինչ երեւում է նոր և նոր բացվող անդունդների եզերքին:

Թող ուրիշները ուրախանան: Կարևորը այն ճրագն է, որ անհատը կրում է իր մեջ, այն լույսը, այն ուժը, որ տարածում է իր շուրջը:

Կյանքը ցուլ է, որին պետք է հաղթել: Կյանքը պատրաստ նվեր չէ, այլ բիրտ նյութ, որին պետք է նվաճել և կառուցել:

Մտածել, որ այդքան ամիսներ ժանգոտված մնացել էր Բաթումի փողոցներում: Խնչ էր սպասում, ինքն էլ չգիտեր... Մինչ այստեղ այնքան գործ կար, այնքան գործ...

Երկար քալելուց հետո Հերյանը հիշեց, որ անոթի է և ուղղվեց դեպի այն համեստ ճաշարանը, որտեղ սովորաբար ընթրում էր:

— Այս կողմը համեցեք... այստեղ մի լավ տեղ կա...

Այն սեղանի դիմացը, ուր նրան առաջնորդեցին, արդեն նստած ուտում էր մի ուրիշ հաճախորդ: Պատուհանից շեղակի ընկնող լույսի պատճառով նրա դեմքը լավ չէր երևում: Հերյանը շատ էլ ուշադրություն չդարձրեց: Ներողություն խնդրեց, նստեց, ճաշը ապսպրեց և գլուխը վայր գցած, կերավ և շարունակեց մտածել:

Ճաշարանը, ինչպես միշտ, լցված էր խառն բազմությունով: Պարզ, կայտառ, շատ ուտող և շատ խմող մարդիկ էին: Խոսում էին բարձրաձայն և ծամում աղմուկով:

Հերյանը մի վայրկյան գլուխը վեր բարձրացրեց և նայեց շուրջը:

— Պնդակազմ, ժայռի նման մարդիկ են,— մտածեց նա:— Խոնարհ, համառ, տխրություն տեսած դեմքեր: Նմանում են հայ հողին՝ առանց կեղծիքի, կարծր, պինդ, անմիջական: Նմանում են հայկական բնակավայրերին՝ լերկ, լեցուն, խոր:

Իսկ հարևանի վրա չնայեց անգամ: Ծաշը վերջացնելու մոտ էր, երբ աչքերը հանդիպեցին նրա աչքերին: Նա ժպտաց, ինքն էլ պատասխանեց անորոշ ժպիտով: Այլևս հետաքրքրված նայեց: Որոշ էր, որ այդ մարդը տեղացի չէ: Այտերի ոսկորները քիչ դուրս ցցված, թուխ, թափան-

ցիկ մի դեմք: Շատ սև, շատ մեծ, շեղակի ճեղքված, փայլփլուն, գրեթե անընական աչքեր: Բարակ, կանոնավոր քիթ, ծայրերը վայր ուղղված, նուրբ բեղեր: Ավելի հնդկացու էր նմանվում, քան հայի...

Հերյանը սրված հետաքրքրությունով նայեց նրան: Մարդը, նկատելով այդ հետաքրքրությունը, նորից ժպտաց և խոր, ֆոսֆորե իր աչքերը Հերյանի վրա հառելով ասաց՝

— Տեսնում եմ, տեսնում եմ... դուք էլ ինձ նման եկվոր եք...

— Դուք հա՞յ եք,— հարցրեց Հերյանը շվարած շեշտով:

— Հայ եմ. ինչպես չէ, հայ եմ...

— Նեղեցեք... չեմ ուզում ձեզ վիրավորել, բայց ես կարծում էի...

— Ոչինչ: Դուք կարծեցիք, որ ես հնդիկ եմ, ինչպես առհասարակ շատերը կարծում են...

— Հա էլի...

— Երեխա հասակից ապրել եմ կալկաթանում և ուրիշ վայրերում... Հասկանալի է, օդը, ջուրը, արևը և տարբեր բնույթով սնած հոգիների մոտիկությունը մարդկային դեմքերի վրա դրոշմվում են: Այդ հայտնի բան է... Բուն նորջուղայեցի եմ, իսկ ինչպես գիտեք, Ջուղայի արմատները մխրճված մնացել են այստեղ, Շահ Արասի օրերից ի վեր...

— Լսել եմ, ինչպե՞ս չէ... մեր պատմության սև օրերից մեկը...

— Ես կամեցա վերադառնալ այն ճանապարհով, ինչ ճանապարհով մեր նախահայրերը այստեղից գաղթել էին: Հնդկաստանից Պարսկաստան, Պարսկաստանից Հայաստան... Մեր հոգեկան քարտեզի վրայից անցնող հնդդ մի գիծ...

Այդ ասելով նա ջրի բաժակը բարձրացրեց և Հերյանը տեսավ նրա ձեռքերը: Նրա դեմքի նման թուխ, շատ երկար մատներով և նուրբ մազոտ ձեռքեր: Արտահայտիչ, կամավոր, բարդ հոգեբանություն հատկանշող ձեռքեր...

— Պատկերացնում եմ,— ասաց Հերյանը ավելի ու ավելի հետաքրքրված,— պատկերացնում եմ, ինչքան մեր երկիրը տարբեր է ձեր ապրած վայրերից: Ո՞վ է իմանում, ինչ էիք սպասում և ինչ գտաք...

Մարդը գլուխը վայր գցեց և ոչինչ չպատասխանեց: Անհարմար լուծություն տիրեց: Ապա, հանկարծակի վճռական շարժումով մարդը երկարեց իր ձեռքը և ներկայացավ:

— Իմ անունը Պետրոս Մարկ է:

— Իմ անունը,— պատասխանեց Հերյանը նրա ձեռքը սեղմելով,— Արա Հերյան է, նավապետ...

— Նավապե՞տ... Քյապուր՞ն...

— Այո:

— Ո՞ր ծովի:

— Սև ծովի և բոլոր ծովերի...

— Այդ պատասխանը շատ սիրեցի... Սև ծովի և բոլոր ծովերի...
Շատ լավ, շատ և շատ լավ...— Ժիծաղեց նա, սպիտակ ատամների կատարյալ շարքը բաց անելով:— Մովերը շատ ավելի են, քան հողերը,— ավելացրեց նա լրջանալով,— բայց տեսեք, մեր Հայաստանը ծով չունի:
— Ինչպե՞ս չէ,— բողբոջեց Հերյանը,— Հայաստանն էլ ծով ունի.
Նախ Սևանը, ապա հույս ունենք...

— Լսել եմ... կարդացել եմ...

Ու մի վայրկյան մտածելուց հետո՝

— Մովը... Մեր պատմության մեջ ծովը գրեթե դեր չէ խաղում և անգամ եթե խաղում է, անհրեույթ է, ծածկված... Մովը թաքնված է դեպքերի հետևում...

Նայեց Հերյանի աչքերին և սպասեց պատասխանի:

— Չհասկացա...

— Ամեն բան գալիս է ծովից և ամեն բան գնում է դեպի ծով:

Մարկի աչքերը հեռվից պսպղուն էին: Ձայնն էլ կարծես հնչում էր հեռվից:

— Մովը կար,— շարունակեց նա,— բայց այդ ծովը միանալով երկրներին և երկրին բոց դարձավ և այդ բոցից ծնվեց խարտյաշ այն պատանին, որ կրակոտ մազեր ուներ, բոցավառ մորուք և արեգակի լույսը փոխ առած աչքեր... Մով, երկիր, երկինք, բուսականություն, տարերթ միացան, խառնվեցին մեկ մեկի, դղրդալից քոսսի վերածվեցին, տարածությունը մորիկներով և երկրաշարժերով ցնցեցին, կրակ ու քար փրսխեցին և ստեղծեցին այն աշխարհը, որին անվանեցին Հայաստան, որի անունը մեծ զգուշությունով պետք է արտասանել, որովհետև նա ծփում է կրակով և վտանգով...

Հերյանը մնաց շշմած: Չէր իմանում ինչ ասի:

— Դե, անշուշտ,— կմկմաց նա,— դա մի տեսակ երազ է...

Իսկ Պետրոս Մարկը արդեն ոտքի էր կանգնել և խորհրդավոր ու անխրախան մի ժպիտ երեսին՝ անհետացել:

— Ո՞վ էր այդ մարդը,— հարցրեց Հերյանը ճաշարանատիրոջ:

— Առաջին անգամն է, որ տեսնում եմ,— պատասխանեց նա:— Երևի եկվոր է...

Տուն վերադարձի ժամանակ Հերյանը չգիտեր ինչ պատճառով անհանգստացած մտածում էր այդ տարօրինակ հանդիպումի մասին: Ո՞վ կարող էր լինել այդ մարդը: Նրա խուլ և խոր ձայնը դեռ շարունակում

էր հնչել նրա ականջներում: Նրա տարօրինակ, ֆոսֆորե փայլով կլանիչ աչքերը կարծես գալիս էին իր ետևից: Նա այդ զգում էր այնքան ուժեղ կերպով, որ մի քանի անգամ ետ նայեց, մի քանի անգամ կանգնեց, պրպտեց շորս կողմը, բայց ոչինչ շտեմսով:

Երեկոյան այդ ժամին մեծղի մի վերջալույս հրդեհել էր հորիզոնը: Բարդինների վրայից սրսփալով դեղին բոցեր էին թափվում:

Հերյանը վերհիշեց անծանոթի խոսքերը. «Երկինք և երկիր և ծով միացան... և բոց դարձան...»: Ամեն կողմից լավայլ նման վառ հեղուկներ էին վազում: Ամեն ինչ հրաշալիորեն այրվում էր:

Հազիվ տուն մտավ՝ մթնեց, կարծես մեկը մարեց երկնքի ճրագը: Ու նույն այդ վայրկյանին, ամեն կողմից գեների տրուրոցներ լսվեցին: Պատահանը բաց արեց և մտահոգված ականջ դրեց: Տարակույս չկար, հրացանի ձայներ էին:

Շտապ դուրս եկավ փողոց:

Դռան առաջ նստած մի մարդ հանգիստ ծխում էր:

— Խնչ է, կոխիվ է,— հարցրեց Հերյանը:

— Ինչ կոխիվ, ինչ բան,— պատասխանեց մարդը:— Այնպես, կրակում են վախից, կրակում են վախեցնելու համար... Սով է, թշվառություն է... պետք է վախենալ: Մթության աչքերը մեծ են...

Այն գիշեր Հերյանը մի քանի անգամ արթնացավ և ականջ դրեց: Քաղաքը պատերազմում էր սեփական սովերների հետ:

5

Մի քանի օր հետո, դեռ լույսը չբացված, Հերյանը պատահական մի սայլի նստած, մեկնեց Սևան:

Թւերը կրծքին ծալած և ոտքերը վայր կախած հետաքրքրություններ նա դիտում էր շուրջը...

— Լավ էր:

Ջառիվերներ բարձրանալիս սայլը մղկտալով ճռռում էր: Եզները իրենց եղջյուրները վերջացող գիշերվա մեջ մխրճած տնքում էին, մերթընդմերթ ետևի ոտքերը բաց արած կանգ էին առնում, որպեսզի առավոտյան զով քամին մտրակի իրենց երեսը և ապա նորից քայլում:

Երիտասարդ սայլապանը ճիպտոր ձեռքին խաղացնելով քայլում էր սայլի կողքից և անորոշ բացականչություններով խթանում եզներին:

Մանկության օրերից ի վեր այդպիսի ճամփորդություն չէր արել: Զվարճալի էր:

Փորձեց գյուղացու հետ խոսքի բռնվել: Անկարելի եղավ: Գյուղացին, կասկածոտ՝ հարցերին պատասխանում էր անորոշ մոմոցներով:

- Ասա՛ տեսնեմ, անունդ ի՞նչ է...
- Շմավոն:
- Լավ անուն է... Շմավոն... Գյուղում գործերը ո՞նց են գնում...
այսքան դեպքերից հետո...
- Հը՞... Ո՞վ գիտե...
- Ճիպոտը բարձրացնում էր և օդում ման ածում:
- Քանի՞ հոգուց է ձեր ընտանիքը...
- Ինը:
- Դու, ամենից ջահելն ես... կարծում եմ...
- Չէ... Հրոռա, հրոռա, հրոռա...
- Եվ եզներին խփում էր իզուր...



Քանաքեռ բարձրանալիս օրը բացվեց: Վերևում ցցված ժայռի մի կտոր պսպղալով սկսեց այրվել և գյուղացու բարձր բռնած ճիպոտի կատարին սարսուռն բոց կայծկլտաց:

Երբ բարձրացան վեր, նոր և հրաշալի մի աշխարհ ծնվեց:

Հերյանը վայր ցատկեց և կանգնեց ներքևում տարածվող քաղաքի դիմաց: Պարտեզներով շրջապատված տափակ տանիքների այդ կուտակումները թաղված էին խոր լուռության մեջ. կարծես ուշադրությամբ ականջ էին դնում երկնքի շորս կողմերից իջնող լույսերին: Ավելի արթուն էին ծառերը: Ամենքն էլ լարված նայում էին դեպի այն կողմը, որտեղից գալիս էր աշունը:

Իսկ աշունը գալիս էր Արարատյան դաշտի կողմից, ուր այդ վայրկյանին քայլում էր գույների և լույսերի խառն մի հեղեղ: Երբեմն լույսերը դառնում էին ծով, որի վրա նավարկում էին թրթռացող կաղամախիների բարձր կատարները: Երբեմն էլ սփռվում էին ինչպես ճաճանչներով հյուսված մի սավան, որի տակ թաքնված էր անիրական մի երկիր: Հերյանը նայում էր հիացած:

Ահա բռնկված այդ հորիզոնի առջև կանգնել էին լեռները: Դեպի աջ՝ Արագածի ճեղքված գագաթից նուան հյուսիս գույն լավաներ էին վայր թափվում, լվանում լեռան կողերը և ուրորուն գետակների միջով վազում դեպի դաշտ: Դեպի ձախ՝ երկնքի առաջ լուծ հսկայական ազակի նման ցցվում էր Արարատը:

Այդ ազադակը ամբողջովին լույս էր:

Ավելի ետև, խորքից շեղակի իջնող այրվող ամպերի մի ամբողջ խուժել էր Գեղամա լեռների կատարների վրա և այնտեղ լճացել: Վարը՝

շղթայի կողերի երկայնքին, կապտավուն լույսեր էին թափառում և ամբողջ այդ տեսարանը վեր ցցելով տանում զետեղում երկնքի անորոշության մեջ:

Թռչունի մի սուր կկվոց օդը ճեղքեց և Հերյանին սթափեցրեց: Սայլը բավականին հեռացել էր: Հերյանը գլխարկը հանեց և երեսը զովին քսելով շտապեց նրա ետևից:

Նեղ ճանապարհը թեթևորեն ոլորվում էր, մխրճվում բարձրությունների կողերի մեջ, տեղ-տեղ մեջքը վեր հանում, թեքվում աջ, թեքվում ձախ, այլա երկարելով վազում առաջ, ժայռերի ստորոտի մոտ ճերմակ մի գիծ քաշում և անհետանում:

Թռչունների երգ էր լսվում: Հեռվում, վայրի տատրակները կվկվում էին, մի վայրկյան լռում և սպասում պատասխանի: Կապույտ քամին թևերը բախում էր ժայռերին, ընկնում գետնի վրա և քիչ փոշի բարձրացնելով թպրտում:

Հերյանը վազեց սայլին հասնելու համար:

Ամեն ինչ թվում էր նոր: Եվ ամեն ինչ տարբեր էր տեսած տեղերից: Ոչ թե ավելի գեղեցիկ, ոչ թե ավելի տարօրինակ, այլ՝ ուրիշ: Տարբեր էր նրանց լցնող հուզումը: Կարծես դրսի ձայները գալիս էին իր սրտից: Ինքը և այս աշխարհը նույնացել էին, մի սիրտ, մի մարմին դարձել:

Եվ այդ զգացումը տևում էր շնայած այն բանին, որ, քանի գնում էին, այնքան ամեն ինչ ամայանում էր և վայրենանում:

Սառը և մերկ բարձրություններ, բրոնզե ժայռեր, քամիներից մաքրված և փոթորիկներից հրմշտկված: Քար, երկինք և մենակություն:

Երկար քայլելուց հետո, վերջապես, հանդիպեցին մի գյուղի և նա էլ մեծ մասամբ բնակված մալականներով: Գյուղի մեկ կողմում կանգնել էին ստեպաներից եկած փայտաշեն տնակները, խկ մյուս կողմում՝ ավազակների և ցրտերի պատճառով, գետնի մեջ կես փորված թմբանման՝ նախապատմական լեգեոնականների գերեզմաններ հիշեցնող հայ շինականների խրճիթները, որոնք կայուն էին և տխուր, ինչպես շրջապատող ժայռերը:

Սայլը անցավ առանց կանգ առնելու:

Ավելի հեռուն, ճանապարհի ձախ կողմի վրա գետինը գլորվում էր վար, քանդվում: Զանգուն անհամբեր և աղմկալից, քարերի վրայից ցատկոտելով՝ վազում էր դեպի դաշտ: Նա աղբյուր էր առնում Սևանի սրտից և այդ պառճառով էլ նրա կոկորդը լեցուն էր լճից՝ փոխ առած հնչուն և զորդալից ձայներով:

— Զանգուն, հին ժամանակների Հրազդանը, — մտածեց Հերյանը, —

վազում է, ազնվում, որպեսզի լուծվունը շկլանի այս աշխարհը, որպեսզի կյանքը տևի... Ժամանակին, ահավոր մի հրաբխային զորություն կրակ էր փսխել, այս երկիրը տակնուվրա արել, պեղել, քանդել, ամեն ինչ տրորել և ցնցել և մի նոր դաշնակություն ստեղծելով լռել, Կազմվել էր նոր մի աշխարհագրություն: Եվ թեպետ հրկրի տակից քայլող կրակների ճարճատյունը մրափել էր, և քաշվել էին երկրաշարժային ուժերի սանձերը, անցած քառսի ավերակները դեռ ներկա էին: Երևի այդ պատճառով էլ Հրազդանի անունը հուր էր հնչում և վիշապ: Երևի այդ պատճառով էլ նա վազում էր գրնգուն թևերը կողերին զարնելով, մետաղի և ճարճատող բոցերի ձայն հանելով:

Հայաստանը բազմահազար ոտքերի վրա ցցված մտահոգ նայում է բարձրությունների ճեղքվածքների միջից սահող երկնային հոսանքներին և սպասում: Ամեն ինչ սպասում է: Սպասում է երկնքի և երկրի միջև սառած հսկայական այս լուծվունը: Սպասում է վիթխարի Բարձրավանդակը, մեծղի լեռների թափառուն խմբերով, մենակյաց կապույտ լճերով, ոտքերը ուժգին գետին զարնող, աղմկալից գետերով, փոթորիկներից տաշված սրածայր և խստադեմ ժայռերով, լեռների մեջ պառկած դալար դաշտերով: Սպասում են մարդիկ, կենդանիները և բույսերը:

Ահեղ, խորհրդավոր մի զորություն այդ ամենը նետել է երկրագնդի բարձրանիստ մի բեմի վրա, ներկայացնելու համար բարձր և ճակատագրական մի ողբերգություն: Գործողությունները բաժանված են դարերի: Հերոսները հաջորդում են ուրիշ հերոսների, թշնամիները հաջորդում են ուրիշ թշնամիների:

Հայաստանը մնում է:

Տանջվում, կռվում, սպասում:

— Ահ, կարելի՞ բան է, կարելի՞ բան է,— մտածում էր Հերյանը— որ այդ ողբերգությունը թաքնված և լուսավոր մի իմաստ չունենա: Պարզապես դեռ չի հնչել հայտնությունների ժամը: Չեն արթնացած թաքնված աստվածները:

...Եզները գնում էին դանդաղ երերալով: Առանց ճիգի, մտածկոտ: Կարծես լայնատարած այդ խաղաղությունը խոհի էր վերածվում նրանց աչքերի մեջ: Միայն սալի անիվներն էին ճոռում և երբեմն էլ լսվում էին գյուղացու բացականչությունները:

— Դե, դե... Մոռ, Մոռ...

Նոր դառիվերների մոտենալու ժամանակ Հերյանը սալից վայր ցատկեց և քայլեց գյուղացու հետ: Գյուղացին մի քանի անգամ նրա կողմը նայեց և, լուծվունից երևի այլևս հոգնած, սկսեց խոսել:

— Ճանապարհը քիչ երկար է,— ասաց նա:— Դե, մենք սովոր ենք, իսկ դուք սովոր չեք, դժար է...

— Ի՞նչ դժվար...— պատասխանեց Հերյանը,— ճանապարհը գեղեցիկ է և մեր բախտից եղանակն էլ լավ...

— էդ մեկը, դե, իհարկե...

Մի քանի տասնյակ քայլ լռեց:

— Աշխարհում ամեն ինչ դժար է,— ասաց նա նորից:— Մարդ երբ մեծանում է, երբ մտածում է...

Հերյանը հասկացավ, որ Շմավոնը ուզում էր խոսել...

— Ի՞նչ, գյուղում գործերը այնքան էլ լավ չե՞ն...

— Լավ չեն: Ի՞նչ եք ուզում, գեղը դատարկվեց: Զահեկներին տարան նեմեցների դեմ կռվի: Գնացին: Ի՞նչ արին, ինչ շարին... Ողջ են թե մեռած, խաբար չկա... Ճիշտ է, Ռուսաստանում նոր բաներ են պատահել... Ասում են շատ խառն է... Կարող է... էդ հեշտ բանը նրանում է, որ կինարմատը մնացել է մեջտեղ և նեղվում է... Սպասում են... Օր ու գիշեր սպասում են... Ժամում մոմ են վառում և ասում են՝ սաղսալամաթ տուն կդառնան: Բայց չեն գալիս... Ո՞վ է իմանում, մի օր էլ տեսար... Ամեն ինչ կարող է պատահել...

Մի քանի տասնյակ քայլ լռեց:

— Ասում եմ դժվար է,— շարունակեց նա:— Մարդիկ գնացել են նեմեցների դեմ կռվի, իսկ օղլուշաղը մնացել է անճարակ... Հարևանները նրանց հողերը մշակում են, նրանց համար աշխատում, ինչ արած... սոված չմնան... Համա, արի տես, հիմա էլ հայն է կանչում... Զորք են հավաքում, ասում են անիրավ թուրքը նորից կռիվ է ուզում... Հրոս, հա-ա, հրոս...

Նա խոսում էր առանց մեծ հուզումի, գրեթե չեզոք ձայնով:

Բարեկազմ, քայլը թեթև, աչքերը պարզ, եղջերուի շարժումներով երիտասարդ էր Շմավոնը:

— Իսկ դու գինվոր չե՞ս գնալու,— հարցրեց Հերյանը:

— Ասում են տանելու են... էհ, կտանեն, թող տանեն... Ասացի չգնացած վանքի տոնին ներկա լինեմ...

— Վանքը որտե՞ղ է...

— Ո՞նց թե... կարծում էի վանք ես գնում:

— Գնում եմ Սևան... գործերի համար...

— Կղզու վանքը թամաշա է... շատ մարդ է գալիս... սրբերի պատճառով...

Գիմացի բարձրութիւնների լանջերի վրա սկսեցին կանաչ տարածութիւններ երևալ: Սաղարթախիտ անտառներ էին և լայն արոտատեղիներ: Վերի ճանապարհից բեռնավորված էշերի խմբեր էին իջնում և նրանց հետևից քայլող գյուղացիներ: Բարևեցին, հեռացան:

— Քաղաք ձուկ են տանում,— բացատրեց երիտասարդը:— Իշխան ձուկ... Շատ համեղ է... ասում են, մինչև թագավորի սեղանն է գնում...

Հերյանը ծիծաղեց:

— Այդպես են ասում... որ ձուկը համեղ է, ըղորդ է...

— Գիտեմ, շատ լավ ձուկ է...

Հետո, ճանապարհը աչ ու ձախ նետվեց, ժայռերի շուրջը հանգույց կապեց և սկսեց մագցել դժվար մի բարձրութիւն: Եզները ահագին ուժ էին վատնում սայլը քաշելու համար:

— Անիրավ այս ճանապարհը... տավարը շարչարվում է... էս է շուտով տեղ կհասնենք...

Քիչ անցած, բազմաթիվ ձիերի սմբակների ձայն լսվեց: Հերյանը հետաքրքրված ետ նայեց: Նախ՝ զառիվերի կողմից մի խումբ գլուխներ երևացին, ապա ձիավորներ: Գեղեցիկ ձիերի վրա նստած, փափախավոր, յափունջին ուսերին նետած, ոտքից մինչև գլուխ զինված այդ մարդիկ անցան շտապ, հագիվ բարևելով:

Ժանգոտած երկաթի գուլնով բնակավայրում, առույգ երիտասարդների հեծյալ այս խումբը՝ Հերյանի աչքերի առաջ, հին մագաղաթների վրա նկարված առասպելական մի տեսարան պարզվեց: Նրանք նմանվում էին արկածի դուրս եկած հինավուրց այն ասպետներին, որոնց կյանքի և մահի հետ մեկտեղ խաղերը ներշնչում էին աշուղներին և բարդ երգերի վերածվում:

Հերյանը նայեց զարմանքով:

— Ջահելներն են...— ասաց գյուղացին ծիծաղելով:— Երդում են տվել կովել և մեռնել ազգի համար: Բայց գնում են վանքի մատաղները ուտելու:

Ահա լեռների կողերին, անտառներով շրջապատված գյուղեր: Մեկը մյուսի վրա կուտակված շենքերը վայրի թուլունների բույների էին նմանվում:

Ժայռերի գլխին արագիլներ և արծիվներ են ստվառնում:

Երբ բարձրացան զառիվերը, երկինքը հանկարծ վայր իջավ և կապույտ մի քամի կպավ Հերյանի աչքերին:

Հերյանը մնաց անշարժ, կիճը:

— Ահա ծովը...

Հուզվեց: Անտեսանելի հոսանքներից և հալված մետաղի նման հո-

սող լույսերից կազմված այդ վերամբարձ աշխարհը կամաց-կամաց խուժեց նրա ներսը և նվաճեց նրան:

Այնպես թվաց, որ կորցրել էր իր մարմնի ծանրությունը և կայունությունը: Իրեն զգաց թափանցիկ: Օդը և լույսը անցնում էին իր միջից, ինչպես անցնում էր ամպերի միջից:

Այդպես երևի շատ երկար պիտի մնար, եթե հանկարծ չնկատեր իրեն նայող զարմացած գյուղացուն: Երբ նրան նկատեց՝ շփոթվեց և սկսեց շտապ-շտապ պրուտել գրպանները:

— Դե, ասա ի՞նչ պետք է տամ...

— Ոչինչ, — բողոքեց գյուղացին: — Սրբատեղի գնացողից փող չեն վերցնում... Սաղ ըլնիք...

Քարերի վրայից ցատկոտելով և ճռռալով սայլը մեկնեց:

Հերյանը, այլևս մենակ, կամաց քայլեց և նայեց:

Ափի ձախ կողմում ցցված էին մրրիկներից և ջրերից կերված, անմատչելի ժայռեր: Հեովից նրանք նմանվում էին մեկնող հսկայական փղերի մի խմբի:

Այ ափի կողմը ամայի անապատ էր: Տեղ-տեղ ալեկոծված, փոթորիկներից կրծոտված տարածություն: Ոչ մի տուն, ոչ մի բուսականություն: Զաֆրանով ծածկված մոխրի գույն մի դատարկություն, որ երկար թափառելուց հետո գլուխը կպցրել էր հորիզոնին և սարսուռով կանգ առել:

Երկու այդ ափերի մեջ՝ լիճը:

Պսպղուն, լազուր մի հայելիացում:

Քիչ հեռուն, ջրերի միջից կանաչ բլուրի նման վեր ցցվող մի կղզի: Եկեղեցի՝ մոխրագույն և երաժշտական:

Սևանը:

Դարերի ստվերներով և լույսերով կառուցված Սևանը: Հանգիստ, խաղաղ, ճառագայթուն:

Հերյանը իր ճակատը տվեց լույսերին և երկար ժամանակ մնաց կանգնած: Այն, ինչ տեսնում էր, բոլորովին նոր էր իրեն համար: Նոր, պարզ և գեղեցիկ: Սակայն նա զգում էր, որ խաղաղությունով լցված այս աշխարհը թաքցնում էր քարոզ եղելություններով հղի մի անցյալ: Այս ժայռերի լուռությունը, այս ջրերի ծփուն հանգստությունը, այս երկնքի անշարժ խորությունը միայն երևութական էին: Այնտեղ, ներսը ուժասպառ ծալված ալիքների մեջ, քարերի կուտակումների տակ, հողերի շերտերում, ամեն տեղ ծածկված էին անիմանալի զորություններ:

Նրանց ներկայությունը նա զգում էր իր ամբողջ էությունում:

Զորություններս

«Ըմբռնել նրանց,— մտածեց նա,— նշանակում է չափվել նրանց հետ: Մարդկային ուժը կարո՞ղ էր դրան հասնել...»:

Քայլեց դեպի գյուղը: Ելնեովկա: Անցավ ափը եզերող ձանապարհի վրայից այն հույսով, որ գյուղացիներից կարող է տեղեկություններ ստանալ այն երիտասարդ ծովային սպայի մասին, որին անսնելու համար եկել էր Սևան:

Հանդիպեց մի ուս մուժիկի: Բարձրահասակ, երկայն մորուքով այդ ուսը անցնում էր մորուք շոյելով և աչքերը հեռուներին սոված:

Պրպտող աչքերով նայեց Հերյանին, նրա նավապետի գլխարկին և բարևեց նրան:

— Բարի երեկո,— ասաց նա հայերեն:

— Բարի երեկո,— պատասխանեց Հերյանը:

Ինչ տարօրինակ էր հնչում այդ հայերենը ուս մուժիկի երկար կաֆտան և բարձր կոշիկներ հագած այդ մարդու բերանում:

Ռուսը կանգ առավ և, խուզարկու աչքերը ման ածելով Հերյանի երեսի վրա, սպասեց:

— Ասացեք, խնդրեմ, գործերը ո՞նց են...— հարցրեց Հերյանը, խոսակցությունը սկսելու նպատակով:

— Ի՞նչ գործեր,— գանգատվեց մուժիկը նեղացած ձայնով,— գործ չկա:

Ձեռքերը խոթեց կաֆտանի գրպանները և նայեց երկնքին:

— Իսկ Ռուսաստանից լուր ստան՞ում եք...

— Ի՞նչ իմանամ... Մեկը էսպես է ասում, մի ուրիշը էնպես... Չի հասկացվում... Մերոնցից մի քանիսը գնացին, էնտեղ հողեր են բաժանում... մալականների դեմ հալածանք չկա, բայց նամակ չենք ստանում...

— Եթե հաստատ իմանայիր, որ իսկապես հող են բաժանում, երևի գու էլ կվերադառնայիր...

— Ո՞վ է իմանում...

Ասաց և ռաբի ծայրով զարկեց մի քարի, որը գլորվեց հեռուն:

— Իսկ դուք, ի՞նչ է, գործո՞վ եք եկել,— հարցրեց նա:

— Այնպես եկել եմ... ծովային մարդ եմ...

— Տեսնում եմ գլխարկից...

Իր լայն ձեռքով մորուքը վերից վար շոյեց և ծիծաղեց:

— Էստեղ,— ասաց նա,— ձեռոնցից մեկը... Փայտի կտորներ է հավաքել, ասում է նազ է շինում... Առավոտից մինչև երեկո աշխատում

է, շարշարվում, բուրբուրովին իզուր... Ինչպե՞ս կարելի է նավ շինել, երբ ոչինչ չկա... Չեմ ասում... շատ լավ տղա է, Ռուսաստանում ծովային սպա է եղել և եղել է պատերազմում... Հիմա, ինչպե՞ս նա կարող է նավ շինել, շեմ հասկանում...:

— Ես էլ ճիշտ նրան եմ փնտրում...

— Եթե նրանք եք փնտրում, շատ հեշտ է... Այդ կողմից իշխե՞ք ափը, էնտեղ կգտնեք նրան էլ, լոգկան էլ...

Հերյանը ցույց տրված ճանապարհով իջավ ափ և այնտեղ՝ մի մեծ նավակի կմախքի շուրջը, հանդիպեց մի քանի բանվորների: Նրանք մի կտոր տախտակ բռնած, ինչ-որ հաշիվներ էին անում և վիճում:

Հերյանը նախ նայեց ցցված կմախքին: Կասկած չկար, հիմքը լավ էր դասավորված: Տաշված փայտի, ջրի և փայծղանի հոտը նրան մեծ հաճույք պատճառեց:

— Բարև ձեզ, տղերք ջան,— ողջունեց նա ուրախ ձայնով, կարծես հին բարեկամների էր հանդիպում:

Բանվորները զարմացած նայեցին նրա գլխարկին և պատասխանեցին բարևին:

— Բարով, հազար բարով...

Հերյանը նավի ցռուկի առաջ կանգնեց և մեկ աչքը փակելով դիմեց.

— Փորի տակից անցնող փայտերը,— ասաց նա,— պիտի ավելի հաստ լինեին, ինչպես ցռուկի և հետնամասի գերանները:

— Ինքն էլ մտածել է,— ասաց եղջյուրների պես սրված հաստ թեզերով մեկը,— համա չճարվեց... Միջից երկաթ պիտի անցկացնենք...

— Իսկ ինքը ո՞ւր է:

— Հիմա կգա... գնացել է գործիքներ բերելու...

— Լավ գործ է, իմ արև,— նորից բացականչեց Հերյանը,— թեպետ պիտի խոստովանել, որ մի քիչ փոքր է պատերազմական նավի համար...

— Ի՞նչ եք ուզում որ լինի. եզածը գա է... Այստեղ ձկնորսի նավակ սարքողներ կային... Ուստա Մարտիրոսը կար և քայազետցի Խոսրովը... Կովի գնացին, էլ չղարձան... Իսկ մենք, մեր կյանքում նավ չենք շինել և շինելու համար էլ պետք եղած ապրանքը չկա... Մեջի փայտերը, օրինակ, տանձենի է, որ պինդ լինի, իսկ տանձենին քիչ է ճարվում, նրա համար, որ ծառը չեն կտրում պտուղի պատճառով...

— Հասկանում եմ:

— Մենք դյուրզար մարդ ենք,— քացատրեց մի ուրիշը,— եթե սեզան, աթոռ, գուռ-մուռ լինի կարանք սարքել, ամա նավ շինելը դժվար

է... Անում ենք ինչ ինքը հրամայում է և վաստակում... էն է գալիս է... ինքը ձեզ ամեն բան կբացատրի...

Հերյանը հետաքրքրված նայեց ափի կողմը: Մովսիսն սպայի մինչև ոտքերը ընկնող սև վերարկու հագած, ձեռքում երկաթե եռանկյունի, նիհար, բարձրահասակ մի երիտասարդ էր եկողը:

Նա Հերյանին նկատեց և քայլերը արագացրեց: Երբ մոտեցավ, Հերյանը ներկայացավ, ձեռքը պինդ սեղմեց և ուշադրությամբ դիտեց նրան:

Տպավորիչ էին նրա հստակ, կանաչի տվող, միամիտ և մեծ աչքերը: Երեխաների և վանքից դուրս չեկած ծեր վանականների հատուկ մի նայվածք ուներ. ներս ուղղված, կենտրոնացած և հավաստավոր: Բաց շագանակագույն՝ թրջված հարդի երանգով մազեր, ներս ընկած այտերով քիչ սփրթնած երկար դեմք, բարակ քիթ և գունատ շրթունքներ: Վերարկուի զարդերը թառամած էին, քեռի և գրպանների ծայրերը մաշված, սև գույնն էլ, հնության պատճառով, սկսել էր կանաչին տալ:

Առաջին հայացքով, նա ավելի նմանվում էր գավառացի աղքատ գիմնագիտի, քան սպայի:

Ոտքերը միացրած, իրանը շիտակ, աչքերը Հերյանի աչքերին հառած, նա կանգնած սպասում էր:

— Ես նույնպես ծովի մարդ եմ, — ասաց Հերյանը: — Հեռավոր ճամփորդությունների նավապետ... Պատիվ ունեմ ներկայանալու...

— Բախտավոր եմ, պարոն նավապետ... Սպա Նորին Կայսրության տորմիդի...

Ու մեկ մեկի զինվորական բարև տվին:

Այժմ Հերյանի հարցերին նա պատասխանում էր առանց վարանելու, պարզ և կարճ նախադասություններով: Թեթևորեն գեղեցիկ ձայն ուներ, որ երբեմն իջնում էր կուրծքը և բամբ հնչյունների վրա կանգ առնում, ինչ որ նրա ասածներին տալիս էր հուզիչ բնույթ, մանավանդ որ հայերենը խոսում էր դժվարությամբ, օտար շեշտով և ուսերեն բառեր խառնելով:

Ասաց եկել է Բեսարաբիայից իր հոր հետ, որ դատական պաշտոնյա էր այնտեղ և որ այժմ գտնվում է Երևանում: Բեսարաբիայի հայությունը նրա հորը զրկել էր Հայաստան՝ այդ գաղութը երկիր տեղափոխելու հարցի շուրջը կառավարության հետ բանակցելու համար: Ահա քանի ամիս է այստեղ էին, բայց բանակցությունները երկարում էին, առանց որևէ դրական արդյունք տալու: Ինքը, անգործ լմնալու համար, որոշել էր իր կարողությունները ի սպաս դնել հայրենիքին: Որոշել էր շինել այս նավը: Անշուշտ, բնականոն ժամանակներում այդ ձեռնարկը կլիներ ավելորդ, բայց այժմ, երբ բանակը զրկված է ամենա-

տարրական միջոցներից, այդպիսի անկատար նավն էլ կարող էր որոշ ծառայություն մատուցել:

— Ահա, նայեցեք այս կողմը,— շարունակեց նա, ձեռքը երկարելով դեպի լճի աջ կողմի ժայռերին,— այնտեղից թշնամիները կարող են մեզ կրակի տակ առնել: Լճի եզերքները ամրացված չեն... Թնդանոթով գին՝ ված մի նավակ, որ կարողանա փոքրիկ մեքենայի միջոցով արագ շարժվել, նրանց բավականին մեծ վնաս կարող է պատճառել... Դա, անշուշտ, մի մեծ բան չի, կապիտան, սակայն արհամարհելի էլ չի...

— Շատ ճիշտ է... հասկանում եմ...

— Դժբախտաբար, անհրաժեշտ միջոցները պակասում են... Պետք է աշխատել Ռոբինզոնյան սիստեմով, ամեն ինչ հնարել, բավականա՛նալ փոքրով...

— Տեսնում եմ...

Վեր վայր քայլեցին, խոսեցին:

— Վաղը տոն է,— ասաց ծովային երիտասարդ սպան,— բանվորները շեն աշխատում: Օգտվելով այդ հանգամանքից պիտի գնամ Երևան՝ հորս մոտ: Ցավում եմ, որ ստիպված եմ ձեզ թողնել... Հայրս մենակ է:

— Լավ է, կարողանո՞ւմ եք կառք ճարել:

Երիտասարդը տխուր ժպտաց:

— Ի՞նչ կառք, ի՞նչ բան... Գնում եմ ոտով: Եթե հիմա մեկնեմ, առավոտյան միայն կհասնեմ քաղաք...

Հերյանը զարմացավ և բնազդաբար նայվածքը ուղղեց նրա կոշիկների: Մաշած, կարկատած, խեղճ կոշիկներ էին: Տաբատի ծայրերն էլ ծակ:

Նրա ձեռքը առավ իր ափերի մեջ և երկար սեղմեց: Ուզեց նրան հայտնել իր խոր համակրանքը, բայց լեզուն կապվեց հուզումից: Կարմրեց: Նորից ձեռքը սեղմեց:

— Դեռ կխոսենք...

Երիտասարդը կրունկները մեկը մեկին զարկեց և գինվորական բարե տվեց:

— Հա՛, մոռացա,— վազեց նրա հետևից Հերյանը,— ուզում էի հարցնել, ո՞ւր կարելի է գիշերել...

— Համեցեք ինձ մոտ,— հրավիրեց սպան:— Ես ոստիկանի տանն եմ ապրում... մի շատ համեստ սենյակ է... Այս գիշեր տանը չեմ, եթե ուզում եք օգտվել... ուրախությամբ...

— Շատ շնորհակալ եմ...

Եվ միասին գնացին սենյակը տեսնելու:

Հենց որ դուրս եկա՞վ վանքը տանող առագաստանա՞վից, որոշեց բարձրանալ բլրան կատարը: Այնտեղից ավելի լավ կարող էր դիտել լիճը:

Կես ճանապարհին նա հանդիպեց քամու, որը խուժեց նրա վրա, տրորեց մազերը և կրծքի վրա թավալ գալով նրան հրեց նու: Հերյանք այդ սիրեց: Ճակատը դեմ տվեց քամուն և ուրախացած՝ քայլերը արագացրեց:

Չնայած առաջացած աշնան, խոտը ամեն տեղ թարմ կանաչ էր: Վայրի ծաղիկները, տեղ-տեղ, բոցերի նման այլովող կարպետներ էին փռել: Արբեցուցիչ մի բուրում էր բարձրանում:

Վարի վանքի զանգակները հանգիսավոր հնչում էին: Ղողանջները ընկնում էին ժայռերի մեջ և կրկնվելով զրնգում:

Երբ հասավ վեր, բարձրացավ ժայռի վրա և նայեց լճին: Ծարավ աչքերը լայն բացվեցին, և սիրտը սկսեց ուժով թնդալ:

Սևանը:

Լազվարթ այդ տարածությունը, որ քամին տեղ-տեղ ավլում էր, թվում էր անվերջանալի: Երկու կողմի ափերը գնալով լայնանում էին և կորչում: Շատ հեռուն ամպերին խառնված բարձրամերձ լեռների ստվերներ էին երևում և հորիզոնի ետև խոժոռ և եղբրավոր մի աշխարհ ուրվագծում: Լճի մեծդի այդ տարածությունը կալում էր Հերյանի թոքերին և նրա շնչառությունը խորացնում:

Մով էր:

Ժայռի կտորը, որի վրա նա նստել էր, մեկ կողմից սահում էր դեպի լիճը և մյուս կողմից այն աստիճան- թեքվում բլուրի լանջերին, որ նա մի րոպե կարծեց թե գտնվում է ուղղությունը որոշելու համար կես ճանապարհին կանգ առած նավի հրամանատարական կամրջակի վրա: Միտը սեղմվեց և աչքերը ծոկային թռչունի աչքերի նման կլորացան: Խուզարկեց բոլոր ուղղությունները, չափեց հեռավորությունները և լեռները լայն բաց արած օդը ուժով շնչեց ներս: Պակասում էր աղբ: Ձեռքը դրեց ճակատին և նորից նայեց: Ոչ մի կյանքի նշան, ոչ մի շարժում, ոչ մի նավ: Շատ հեռուն, աչ ափի ուղղությամբ ահա երևում էր օտափակ խրճիթների մի խումբ: Դեռ ավելի հեռու, մի բարձրության լանջերի վրա նա գուշակեց քնակության մի ուրիշ վայր: Հետո՝ ոչինչ:

Զուր, ամպեր, ամայություն:

— Հայերը, — մտածեց նա, — վայրի թռչունների նման կառչում են ժայռերին: Երևի այնտեղ, Նոր Բայազետի կողմերում, լեռների կողերին

կպած խորխորատների ծայրերին կամ սարերի մեջ սեղմված թառև էն բաղմամբիվ ուրիշ գյուղեր: Մտածել, որ կան բնակություն տեղեր, որոնք, ձյունների մեջ թաղված և փոթորիկներով ծեծված, ամիսներով մնում են արտաքին աշխարհից կտրված:

Մնում են երկնքի և երկրի մեջ գերեզմանացած:

Լուռ, մենակ:

Չկան գյուղեր, որովհետև չկան հաղորդակցության միջոցներ: Այստեղ պետք են նավեր:

Մտածեց և տակնուվրա եղավ: Այո՞, այո՞, այստեղ պետք են նավեր: Ուրախությունից բազուկները շարժեց այնքան, որ քիչ մնաց հավասարակշռությունը կորցնեք և ընկներ ջուրը: Հիմա գիտեք, հիմա իմանում էր ինչ անել:

Այստեղ պետք են նավեր:

Իր հուզումը ծածկելու համար ուզեց ելագել: Չայն շհնչեց: Վայր իջավ և սկսեց ուրախացած երեխայի նման ցատկոտել:

Վարը, վանք՝ գլխավոր եկեղեցում մեծ պատարագ էր:

Վանքը լցված էր բազմություն: Քաղաքից և մոտակա գյուղերից եկած բնտանիքները նախօրոք բռնել էին ամեն մի անկյուն: Գետնի վրա կարպետներ էին փռել և բացված սփռոցների վրա շարել ուտելիքներ, ինքնահոտներ, գինու և օղու բազմամթիվ շշեր: Սպասում էին, որ պատարագը վերջանա:

Բազմության մեծ մասը խճողված էր եկեղեցու ներսը և մուտքի դռան առաջ: Նոր եկողները, որպեսզի կարողանան իրենց մոմը տանել և սուրբ սեղանի առաջ վառել, ստիպված էին հրել, հրմշտկել, ուրիշների ոտքերի վրա քայլել և հազար ու մի դժվարություններ հաղթահարել:

Ներսից թարմ և սուր դիսկանտների խմբերգության ձայներ էին լսվում: Ձանգակները անդադար զողանջում էին: Հարյուրավոր մոմեր բոցկլտում էին խունկի ամպերի մեջ, որոնց ուժեղ բուրումը խառնվում էր կանեփի և ոչխարների ծանր հոտին: Այդ վերջինները այս ու այն կողմ վազելով մայրում էին: Հինայի արատը իրենց ճակտի վրա և տարօրինակ կերպով փայլիլող աչքերով նրանք խառնվում էին ամբողջին:

Գիմացի ափում, խառն և անհամբեր մի բազմություն աղմկելով սպասում էր վանքի միակ առագաստանավին:

Ամեն կողմից եկողների նոր խմբեր էին երևում: Ուրախ, ղվարթ, խաղալով, երգելով: Հերյանը նկատեց, որ այդ ղվարթությունը մի տեսակ հանդիսավոր բնույթ էր կրում: Մարդկային այդ տարրական զգա-

ցումը ավելի խոր էր, ավելի լուսավոր: Այդ լուսավորութիւնը կարելի էր նշմարել բոլոր դեմքերի վրա: Պարզ, հավատալի աչքեր ունեին այդ մարդիկ, և՛ պայծառ ժպիտ:

Երկար նայելուց հետո Հերյանը որոշեց եկեղեցի մտնել:

Հեշտ բան չէր: Դժվարութեամբ հասավ մինչև դուռը, գանձանակի մեջ փող գցեց, մի քանի մոմեր գնեց և մի քիչ արմկահարելով, մի քիչ ուրիշների բարյացակամութիւնից օգտվելով, նա, մոմերը գլուխների վրա բարձր բռնած, առաջացավ մինչև սեղանի մոտերը: Այնտեղ նա մի քանի վայրկյան մնաց երեխաների խմբի մեջ սեղմված: Ազատվեց և կանգնեց երգեցիկ խմբի ետևը:

Քանի տարիներ էր պատարագի ներկա չէր գտնվել: Խոր հուզումը սեղմեց նրա կոկորդը: Այդ հուզումի առաջը առնելու համար նա իր գլուխը թափահարեց և բռնի հազաց: Հանկարծակի կերպով խուժող այդ զգացումը զարմանք պատճառեց իրեն: Զգիտեր, որ իր ներսում մրափող հիշատակի նման հուզական այդպիսի աշխարհ էր թաքնված:

Մոմերը մոմակալների վրա տնկեց, վառեց: Այդ վայրկյանին ծնկի շոքեց խումբը և մեղմ ու խորհրդավոր հնչեց «Սուրբ-սուրբը»: Հուզիչ և հանդիսավոր այդ տեսարանը Հերյանի սիրտը սեղմեց և լույսի նման տարածվեց նրա ամբողջ էութեան մեջ:— «Տեր աստված,— փսփոսցին նրա շրթունքները,— տեր աստված, ինձ ուժ տուր իրագործելու համար այսօրվա հղացած գաղափարս... Ոչ անձնական շահի համար, ոչ փառասիրութեան համար, այլ այս ժողովրդի համար, որ ահա քո առաջ ընթած, սպասում է քո լույսին... Դու, որ ապրում ես այս կղզում, դու, որ ստեղծել ես այս լիճը, տուր ինձ ուժ և եռանդ և հարատևութիւն, բերելու համար երազած նավը... նավը հավատքի և լույսի...»:

Մի ժամ հետո վանքի բակը սպանդանոցի էր նմանվում:

Մառերից, պատշգամբի կամարներից, սյունների վրայի գամերից կախված էին ոչխարների արյունած մարմինները: Մաշկում էին, պարպում էին նրանց ներսը, կտրտում: Պատրաստում էին մատաղի բաժանումը:

Ամեն տեղ կրակ էին վառել ավանդական խորովածի համար:

Մի քանի վանականներ՝ հանդիսավոր և մորուքավոր, ժողովրդի մեջ շրջում էին, բարևում մատաղ անող հյուրերին, աշխատում ուրախ և հյուրասեր ձևանալ: Երբեմն, շատ խնդրանքներից հետո, համաձայնում էին մի բան խմել: Բաժակը երկու մատոների մեջ սեղմած՝ աչքերը վեր բարձրացնում, մաղթանքներ անում, օղին կլլում և բեղերը ծծելով հեռանում:

Ուրիշներ հավաքում էին մատաղի մորթեբլր, գլուխները, ոտքերը, որոնք իրավունքով պատկանում էին վանքին:

Բակը լցվել էր աղմուկով, կրակով, ծխով:

Եփվող մսի կտորները ճզզում էին, յուղերը կաթկթում ածուխի վրա և բռնկվում: Խորովածի ախորժելի հոտը բռնել էր ամբողջ կղզին:

Անցնող գնացողին հյուրասեր հրավերներ էին ուղղում:

— Չէ, խնդրում եմ, մի մերժեք... Սրբին պատվելու համար հալա այս բաժակ գինին... պատվական մատաղի կտորը վերցրեք...

— Շնորհակալ եմ, ձեր ուխտը ընդունելի լինի...

— Ախպիր ջան, նստեք, է, նստեք... Այս օրը չէ շեն ասում... ամենքս հայ քրիստոնյա ենք, այնպես չէ՞...

Հերյանը բոլոր այդ հրավերները մերժել էր և նույնիսկ ուզում էր կղզին թողնել հեռանալ, երբ լսեց իր անունը և զարմացած ետ նայեց:

— Պարո՞ն Հերյան, պարո՞ն Հերյան... Ո՞վ կարող էր մտածել, որ դուք էլ էստեղ եք... Ինչ անսպասելի հանդիպում... Լսեք, հայրիկը անպայման ուզում է ձեզ տեսնել...

Հերյանը կանգնեց անակնկալի եկած և մի քիչ էլ ուրախացած:

Տանտիրոջ մեծ աղջիկն էր: Սենյակը վարձելուց ի վեր Հերյանը նրան տեսել էր երկու կամ երեք անգամ, այն էլ շատ անցողակի կերպով: Օրիորդը երբեք տանը չէր, և եթե տանն էր՝ փակվում էր սենյակում և դասերը պարապում: Գիմնազիոնի վերջին դասարանումն էր, ասել էր նրա մայրը, և այս տարի շատ էր աշխատելու ավարտական քննությունները հանձնելու համար:

Հերյանը հետաքրքրությամբ նայեց նրան և երեսը լուսավորվեց լայն ժպիտով:

Ինչ որ թարմ, միամիտ, անմիջական բան կար նրա մեջ, գյուրալի և նույնիսկ հմայիչ: Արդյոք նրա սև, ընդարձակ, թավիշե աչքերն էին այդ տպավորության պատճառը, թե նրա քաղցր ու սարսուռն ձայնը: Գպրոցական շագանակագույն համազգեստը, քիչ վրան նեղ, նրան ավելի էր երիտասարդացնում, և թեպետ կարելի չէր բառի բուն նշանակությամբ ասել, որ գեղեցիկ զգեստ էր, սակայն նրան տալիս էր առանձին հմայք, անմեղուության շեշտ, որ կանայք այնքան լավ գիտեն օգտագործել:

Տաք, մտերիմ, հուզական մի էակ էր:

Հերյանի աչքերը փայլվեցին: Օրիորդը զգաց նրա նայվածքի ծանրությունը և շփոթվեց: Երկու ձեռքերը տարավ մազերին, ուժեղ շարժումով հտ քաշվեց և շիտակ նայեց Հերյանի աչքերի մեջ:

Մեկ մեկի հասկացան: Ժպտացին:

— Դե, եկեք,— ասաց օրինորդը այլևս զրեթե հրամայական ձայնով,— դե, շուտ եկեք...

Հերյանը հպատակվեց:

— Մենք չգիտենք, որ այսօր վանք էինք գալու,— շարունակեց նա առաջ քնկնելով,— հայրիկը չէր ուզում... Այս տարին սրբատեղի գնալու տարի չէ,— ասում էր նա...— Վերջին բոպեհի բարեկամներ եկան և հայրիկին համոզեցին... Իսկ ձեզ այստեղ տեսնել իսկի չէինք սպասում...

— Ծս, ճիշտն ասած, տեղյակ չէի, որ այստեղ այդպիսի տոնակատարություն կա... Եկել էի գործով, լճի վերաբերյալ հարցեր ուսումնասիրելու համար և հանկարծ...

Նրան ընդունեցին ուրախ և սիրալիք բացականչություններով: Տեղ տվին, պնակը և բաժակը անմիջապես լցրին:

— Պաժալստա, էս կտորը իբրև օղու զակուսկա... տաք-տաք կերեք... Աղջի, հաց շտա՞ս, կանաչեղեն շտա՞ս... Դա, մեր պատրաստած օղին է, կապիտա՛ն, խմե՛ք, դա ուրիշ բան է...

— Ձեր կենացը...

— Շեն կենաք... Մի հատ էլ, մի հատ էլ... Ասում եմ ձեզ, դա մեր քաշած օղին է...

Հերյանը ստիպվեց մի քանի բաժակ մեկը մյուսի հետևից պարպել: Մոտը նստած մարդը, որին քիչ առաջ ներկայացրել էին, հաստ, մազոտ և կնճոտ դեմքը երկարեց, թարթիչները բացխփեց և սկսեց խոսել:

— Դուք ուսումնական մարդ եք,— դիմեց նա Հերյանին,— ես ձեզ քան ասեմ լսեք... էնպես է, նաուչի տեսակետից... էս ամառ իմ աղջիկը, որին տեսնում եք... Աղջի, Սրբուհի,— դիմեց աղջկան,— կապիտանին բարև ասա՛...

Մեծ հոնքերով և լայն շրթներով աղջիկը վախեցած նայեց հորը և մինչև ականջները կարմրեց:

— Ինչպե՞ս չէ, ծանոթացանք,— միջամտեց Հերյանը:

— Հա, ուրեմն, ինչ էի ասում... Աղջիկս էս ամառը մեկ էլ հիվանդացավ... Հիվանդացավ պիտի ասել շատ լուրջ... բոլոր հույսերը կտրիլ էինք... Մայրը անդադար լաց էր լինում, բժիշկները... գիտեք էլի ոնց են լինում... Գնում գալիս էին կոնսուլտացիա անում, փողերը վերցնում և թե՛ վաղը նորից կգանք, կտեսնենք: Իսկ փոփոխություն չկար: Ի՞նչ փոփոխություն... քանի գնում վատանում էր: Մտածեցի, մտածեցի և, մտքով աղոթելուց հետո, մի ուխտ արի: Սրբին աօացի, երեխա կյանքը դնում եմ քո ձեռքերի մեջ, արա ինչ ուզում ես, ես էլ կանեմ ինչ պարտական եմ անելու...

Մի կարմիր բողկ վերցրեց, շխիրտացնելով կծեց և ժամելով շա-
րունակեց.

— Հիմա դուք, որպես ուսումնական մարդ, պիտի ասեք... սա ինչ
տգետ մարդ է, որ ծոտի-մոտի բաների է հավատում... Ախպեր, ինչ
ուզում եք մտածեք, փաստ է, որ էն օրվանից իմ աղջիկը սկսեց լավա-
նալ... ուղղակի հրաշք... էս օրվա լուսի նման ճշմարտություն... մի, մի,
մի... Դե ասացի՝ հասկացաք...

Հերյանը լսում էր և դիտում շուրջը: Ամենուրեք կերուխում էր: Բա-
ժակները բարձրացրած կենացներ էին խմում, ճառեր էին արտասանում:
Տեղ-տեղ երգում էին: Ամենից շատ շարժվողները կանայք էին, սպա-
սարկում էին, բաժակները լցնում, ուտելիքների պնակները շրջում, ծի-
ծաղում, տրամադրությունները վառ պահում: Ըստ ավանդության, ինչ-
քան տոնը զվարթ անցներ, սրբերն այնքան կուրախանային:

Հերյանի խմբում տանտիրոջ աղջիկն էր սպասարկում: Անունը
Զվարթ էր և ձեռքերը գեղեցիկ էին՝ դարկահար, սրածայր, ողորկ մատ-
ներով: Հերյանը նայում էր նրա ամեն մի շարժումին: Նստելու ժամանակ
սրունքները երկար էին և ներդաշնակ. նեղ՝ ոտքերի մոտ և փափկորեն
լեցուն և հեշտական՝ ծնկների տակ: Արթնացող կանացիությունը արդեն
եռում էր նրա մեջ կարասի նոր փնտել նման և այդ պատճառով էլ նրա
շարժումները հանկարծակի էին և քիչ անկյունավոր:

Միծաղելիս կրծքերը դող էին գալիս և ձայնը մետաղի նման հնչում
էր:

— Ահ, պարոն Հերյան, դուք իսկի բան չկերաք, — բացականչում էր
նա, — իսկի բան չխմեցիք... Ձեզ նման տղամարդը պետք է ուրիշներին
օրինակ լինի... Դուք, ծովի մարդ...

Այդ վայրկյաններին բառերը կլկլում էին նրա կոկորդի մեջ, աշ-
քերը վառվում և այտերը կարմրում:

— Դուք միայն պահանջում եք, — պատասխանեց Հերյանը կեռ
լուրջ, կես կատակելով, — ոչինչ չեք տալիս... Տեսե՛ք, ուրիշ սեղաննե-
րի մոտ կանայք երգում են, իսկ դուք, որ անկասկած լավ ձայն ունեք,
ոչինչ չեք երգում...

Հերյանը խոսում էր՝ նրա աչքերը իր աչքերի մեջ առնելով: Զվարթը
այդ նայվածքը զգում էր և անհանգստանում: Շարժումները շփոթվում
էին և ձեռքերը այս ու այն կողմ ընկնում:

— Ե՛ս, երգե՛մ... Ահ, պարոն Հերյան, դուք իմ վրա ծիծաղում եք...

— Այդպես է, ամաչում է, — միջամտում էր հայրը, — եթե ուզենա...

Զվարթը լայն բացված աչքերով նայում էր հորը և բողբոլում: Հայտ-

նի է, ծնողները իրհնց զավակների կարողութունները միշտ էլ շարժա-
զանցված աչքերով են տեսնում:

Հայր և աղջիկ վիճաբանում էին:

Բակի ետևի մասից խմբական երգի ձայներ լսվեցին, շփոթ, բայց
կայտառ մի երգեցողություն:

Ամենքը նայեցին դեպի այն կողմը:

— Զահեկներն են,— բացատրեց Զվարթը,— եկել են քեֆ անելու...

— Հասկացա,— ասաց Հերյանը, նրանց կողմը նայելով,— դրանք
այն ձիավորներն են, որոնց տեսա ճանապարհին:

— Սպասեք թող մի քիչ խմեն, ինչ բաներ կանեն... Ես նրանց լավ
գիտեմ...

— Մի՛ վախենաք, ես այստեղ եմ, ձեզ մոտ...

Թեպետ նա այդ ասում էր կատակելով, սակայն, վերջին բառերը
արտասանելիս, նրա ձայնը քիչ դողում էր: Զվարթը կարմրեց և աչքերը
ցած իջեցրեց: Երկուսն էլ լռեցին:

— Հայրենակիցներ,— գոռում էր ակնոցավոր մի երիտասարդ, աթո-
ռի վրա բարձրանալով,— հայրենակիցներ, թույլ տվեք երկու խոսք
ասել...

— Ահա սկսվեց,— նկատեց Զվարթը:

— Ասացեք, ասացեք,— խնդրեցին ամեն կողմից:

Աթոռի վրա կանգնած երիտասարդը, մեկ ձեռքով ակնոցները բռնելով
և մյուս ձեռքը դեպի երգողների կողմը ուղղելով, սուր, բղավող ձայնով
խոսեց հայրենիքի մասին, ազգի կրած տառապանքների, անցած ահա-
վոր օրերի և հայ քաջերի մասին, որոնք,— ասաց նա,— արհամարհելով
իրենց կյանքը, պաշտպանել են և պիտի պաշտպանեն հայրենի հողերի
արյունաթաթախ ամեն մի փշրանքը...

Առաջարկեց լեցուն բաժակները բարձրացնել և մեկ կումով պար-
պել նրանց կենացը:

Ուռուաները թնդացին:

Շատերը ոտքի կանգնեցին և լեցուն բաժակները վեր բռնելով ազա-
զակեցին: Զահեկներն իրենց գլուխները համեստաբար ծռած բարևեցին:

Ծեր, երիտասարդ, կին, երեխա մեկը մյուսի վրա քայլող ձայներով
երգեցին: Ընդհանուր ոգևորությունը մենակյաց այդ կղզու մեջ տպավո-
րիչ էր և հուզիչ: Հերյանի մարմնի վրայից պազ սարսուռ անցավ: Եր-
գողների դեմքերը կարծես լուսավորված էին: Նայվածքները ուղղված
դեպի հեռավոր մի երկինք, այդ բազմությունը ջերմություն և հավատք
էր աղերսում: Տխուր այդ մեղեդին աղոթքի էր նմանվում:

— Ինչ լավ է, որ այստեղ եմ,— մտածեց նա,— ինչ լավ է...

Ետ դարձավ: Զվարթն էլ էր երգում: Կրծքից եկող կոնտրալտոյնի գեղեցիկ ձայն ունեւր: Դեմքը ներշնչված էր, աչքերը վառված էին: Հերյանը հափշտակված ականջ դրեց միայն այդ ձայնին: Կարծես նրա ամբողջ մարմինը երգում էր: Տաք, սարսուռի, միամիտ մի երգ:

Մի րոպե նույնիսկ մնաց շփոթված: Ապա, ուշքի գալով— «դե, դե, հիմար, հիմար, շթուլանանք»,— ասաց ինքն իրեն: Եվ որպեսզի թույլ չտա, որ խուժող այդ զգացումը նվաճի իր կամքը, առանց շատ և երկար մտածելու ինքն էլ միացավ խմբերգության: Սակայն հենց որ բերանը բաց արեց, կոկորդից այնպիսի բղավոց և անճիշտ ձայներ դուրս եկան, որ Զվարթը անակնկալի եկած, գրեթե վախեցած նայեց... ապա ծիծաղը շարողանալով զսպել շրթները ծոց, ուժ արեց անտարբերություն ցույց տալ, բայց չկարողացավ և, դեմքը ձեռքերի մեջ թաքցնելով, սկսեց խենթի նման հոհալ: Մտոր կանգնողները նայեցին Զվարթին, նայեցին Հերյանին և իրենք էլ վարակված սկսեցին խեղդել իրենց ծիծաղը: Մերերը խեթ-խեթ սրա նրա աչքերի մեջ նայեցին, բայց ոչ մի բան չօգնեց: Ընդհակառակը, իրենց ձեռքերը ստամոքսին տարած, գլուխները ուրիշների կոնակի հետև թաքցնելով, ամենքը գալստվում էին:

Հերյանը ոչինչ չէր նկատում, գնալով դեռ ավելի էր ոգևորվել և աչքերը վեր, բնրանը լայն բաց արած շարունակում էր երգել: Երբ վերջապես նա ետ դարձավ, ծերերն էլ միացան մյուսներին: Զսպված ծիծաղը թափահարում էր նրանց մարմինները: Հերյանը անմիջապես հասկացավ, շփոթվեց, կարմրեց, մեղավոր ժպիտով շորս կողմը նայեց և լռեց:

Կարծես գլխին հարված էին տվել: Ուզեց փախչել: Մնաց տեղը կանգնած: Վիզը երկարեց, իբր թե մի կարևոր բան է նկատել և լուրջ-լուրջ նայեց դեպի հեռուն:

Երբ երգեցողությունը վերջացավ, ամենքը ծափահարեցին: Ինքն էլ՝ ձեռքերը ուժով մեկ մեկի խփելով ծափահարեց:

— Ահ, պարոն Հերյան, պետք է մեզ ներքե,— ասաց Զվարթը արցունքները զսպելով:— Գիտեք, երբեմն մարդ առանց պատճառի այդպես բռնկվում է...

— Միանգամայն ներված եք, օրհորդ ջան, միանգամայն ներված եք...

Ասաց և նորից կարմրեց:

Այդ կարմիրը Զվարթի սիրտը սեղմեց: Հերյանի ձեռքը բռնեց և պինդ, բարեկամաբար սեղմեց:

— Գիտե՞մ, ձայն շունե՞մ, ոչ էլ՝ ակառնջ... Բնությունը չի օժտել ինձ,— ասաց Ներյանը:

Ասաց և վարի շրթունքը քիչ դողաց:

Զվարթը աչքերը վար առավ իր հուզումը ցույց շտալու համար:

— Ախպեր, սա ի՞նչ բան է,— միշտժողո՞հ հայրը,— քե՞ֆի ենք եկել և խմող չկա... Գե, բաժակները լցնո՞ք...

Ներյանը մեկը մյուսի հետեից մի քանի բաժակ խմեց և գլուխը քիչ պտտվեց: Տրամադրությունը բարձրացավ և խոսելու մեծ ցանկություն անկցավ:

Սրկու ձեռքերով ծնկները գրկեց և երերալով խոսեց նավի մասին:

— Իսկական մի նավ, պարոն Արտեմ... նավ... Այն նավերից մեկը, որ ծովի վրա փրթփրթալով, փորը այս կողմ այն կողմ շարժելով, քիթը ալիքներին զարնելով, վազում է մարդ կամ ապրանք գիզած վրան... Բառի բուն նշանակությունը նավ... Ասում եմ, եթե այդպիսի նավ գա այստեղ և մեր լճի վրա ձայնը գլխին պցած սկսի քուլը, թրխթրխկալ, աղմկել, այն ժամանակ կտեսնեք, որ այս հողերը, այս ժայռերը իրենց տեղերից կաժաց վեր կկենան, զարմացած կնայեն և ուրախ-ուրախ կշարժվեն... Իմ արև... Չէ, մի քիչ մտածեք, պարոն Արտեմ, մի քիչ մտածեք, ինչ մեծ հետևանքներ կարող է ունենալ, ինչ նոր կյանք կարող է առաջ գալ... Ամբողջ ծրագրեր արդեն գլխումս կազմ պատրաստ է: Մովի հին գայլ եմ, հեշտ կերպով չեմ որոշում, իսկ եթե որոշե՞մ՝ ուրեմըն գիտեմ ինչ եմ անում... Գիտեմ նաև, որ շատ դժվար գործ է: Բայց ես, ինքնագովություն չէ, շատ համառ մարդ եմ... որ գործը սկսեցի՝ մահին էլ հանդիպեմ, վրայից կթոնեմ... Ինքնագովություն չէ, դրանում կարող եք արխային լինել...

— Մաշալա... ձեր կենացը...

— Այնպես եք խոսում, նավապետ ջան, որ մարդուս սիրտը ուղղակի ուրախանում է... Ձեր կենացը...

— Շնորհակալ եմ, դե որ այդպես է, խմենք այդ ձեռնարկի հաջողության համար... Մովը մի շատ տաժանելի դպրոց է, երբ մարդ այնտեղից անցել է, ամեն տեղից էլ կարող է անցնել...

Նա խոսում էր առանց Զվարթին նայելու, բայց Զվարթը բնազդաբար զգում էր, որ նա խոսում է իրեն համար: Իրեն համար էր նաև, որ նա սկսեց մտնել գիտական մանրամասնությունների մեջ, որոնք միանգամայն անհասկանալի բաներ էին լսողների համար:

Սկսեց բացատրել արդի մեքենագիտությունը, մանրամասն տեղեկությունների տվեց խուզարկիչ գեոստատիստի, գիրոսկոպային ուղեքայացի և ուրիշ հրաշալի նորությունների մասին:

Ունկնդիրները լսում էին իրենց աչքերը բացսփեկելով: Պարոն Արտեմը՝ Զվարթի հայրը, երբեմն հարցեր էր տալիս:

— Նավաստիտ ջան, ինչպե՞ս ասացիր... սաղիտ ի՞նչ...

— Ռադիոգոնոմետրիկական...

— Ախպեր, մարզիկ: զարմանալի բառեր են հնարում...

Զվարթը բաղձահարկանի այդ բառերի հետևից լսում էր ուրիշ, ավելի իրական մի ձայն:

— Տեսնո՞ւմ ես, — ասում էր այդ ձայնը, — տեսնո՞ւմ ես ով է հետո խոսողը... Այո՛, այո՛, այո՛, նա վատ և անճիշտ է երգում... Ի՞նչ արած, սիրելի օրիորդ, նա այն տենորներից չէ, որոնց ձայնը կլկում է և որոնց գլուխը խոտով է լցված... Նա ծովի պարզ մարդ է, ալիքների նման համառ և շառաշուն, քամիներից ծեծված մարմնով, համարձակ սրտով, երկաթե կամքով...

Եվ այդ ձայնը նրան վախեցնում էր և հափշտակում:

Կեսօրը վաղուց անցել էր:

Կերուխումը դեռ շարունակվում էր: Տղամարդիկ, այլևս տաքացած, անկապ ճառեր էին արտասանում և բղավելով երգում: Ամեն կողմից երաժշտության ձայներ էին լսվում: Տեղ-տեղ պարում էին:

Վանքի առագաստանավը հանգիստ շուներ: Հազիվ թե բազմությունից դատարկվում էր, վերագառնում էր ափը և նորից ձգված ետ էր գալիս:

Նոր եկողների համար կրակները նորոգվում էին և մսի շամփուրները շարվում:

Հերյանը, մի քիչ հագնած, հետաքրքրություններ դիտում էր: Էլ չէր խոսում: Մյուսներն էլ լռել էին: Հիվանդ ազգկա հայրը մի քանի անգամ վերսկսած իր պատմությունը շէր կարողացել վերջացնել և գլուխը կրծքի վրա գցած կամաց խամփում էր: Պարոն Արտեմը, որ դժվար մաքսողություն աներ, ուժ էր անում աչքերը բաց պահելու և պիշ-պիշ սրան-նրան էր նայում: Զվարթը գնացել էր բարեկամաճեխների մոտ:

Երբ Զվարթը վերադարձավ, արդեն երեկո էր:

— Տեսե՞ք, է, տեսե՞ք ի՞նչ հրաշալի վերջափուլ է սրտաբաստվում, — բացականչեց նա: — Պետք է նայել թլուսե վրայից... այնտեղից հոյակապ է...

— Գնանք նայենք, — առաջարկեց Հերյանը ոտքի կանգնելով:

— Գնա՛նք... — համաձայնեց Զվարթը հոր դեմքին նայելով: Հայրը գլխով համաձայնությունն նշան արեց:

Բազմութեան միջոց դժվարութեամբ ճանապարհ բանալով, սփռոցների շուրջը պտույտ գալով և կրակների վրայից ցատկելով, նրանք կարողացան հասնել մինչև եկեղեցու մոտերը, ծովեցին և բարձրացան վեր:

Առավոտվա քամին դադարել էր:

Խորացած մի հանգստութուն լճի վրա փոփել էր հալված մետաղի նման, շեռուն, լեռները թաքնվել էին մեկը մյուսի վրա քայլող հրդեհների ետև: Ամեն կողմից բոցերի և լույսերի հսկայական հեղեղ էր թափվում: Այրվող ժայռերի կատարները խառնվել էին այդ հրավառութեան և մեկ մեկի հրմշտկելով մագլցում էին անհաստ:

Աջ ափից, վայրի բաղերի ահագին խմբեր էին վեր թռնում եռանկյուն կազմած, նետի նման մխրճվում էին և կորչում երկնքի անդադար փոխվող լուսավոր հոսանքներում:

Այդ լույսերը թափվել էին Զվարթի հափշտակված երեսի վրա և այտերը վառել: Նա քայլում էր լուռ, խոր երազանքի մեջ ընկած: Կես ճանապարհին, վերադարձող մի խումբ աղջիկներ հենց որ Զվարթին տեսան, բոլորվեցին նրա շուրջը և օղջ լցրին աղմուկով և բացականչություններով:

Հերյանը շարունակեց քայլել:

Գնաց դեպի այն ժայռը, որտեղից այս առավոտ դիտել էր լիճը: Դժգոհ չէր, որ մնացել էր մենակ: Ընդհակառակը, այդ նոր գտած աշխարհի մեջ ծնվել էր մի գաղտնիք, որը նա ուզում էր պահել միայն իրեն համար: Լավ չգիտեր, թե ինչումն է կայանում այդ գաղտնիքը, սակայն, իր սրտի ամբողջ ուժով, նա զգում էր, որ դա կարևոր է, անհրաժեշտ ինչպես ճակատագիրը:

Մի քանի վայրկյան սպասելուց հետո նա ցատկեց առաջին քարի վրա և երբ ուզում էր մագլցել ավելի վեր, լսեց իր անունը:

Վարը կանգնած էր Զվարթը:

Ճակատի վրա ընկած մագերի փոքրիկ գանգուրները անհանգիստ շարժվում էին, դեմքը ամբողջովին լուսավորված էր և աչքերը, որոնց մեջ վերջալույսը կրակ էր զետեղել, փայլփրկելով հառել էին Հերյանի վրա և սպասում էին:

Հերյանը մի վայրկյան մնաց քարացած: Հայ այդ աղջիկը նմանվում էր անիրական մի տեսիլքի: Կարծես նա ևս եկել էր շատ հեռվից՝ լույսեր և երազ դառած: Նրանց նայվածքները հանդիպեցին և խորացան մեկը մյուսի մեջ:

— Ահ, դո՛ւք եք, օրիորդ,— ասաց Հերյանը սթափվելով:

Ցատկեց վար և նրան օգնեց վեր բարձրանալ:

Նստեցին և առանց բառ արտասանելու նայեցին:

Արևի կարմիր գունդը, չափազանց մեծացած, դանդաղ իջնում էր ուրվացնոր սլաքներով ձգված լեռների կուտակումների հետև, ինչպես վայրենի աստվածության խորհրդավոր մի դիմակ, որը գործողությունը վերջացնելուց հետո լքում է բեմը, ոսկիներով և կրակներով հյուսված կախարդական մի վարագույրի հետևում անհետանալու համար:

Գրոհ տվող այդ գույները և պսպղացող ճաճանչները կարծես թաքնորված երաժշտության ձայներ էին. ճառագայթների ծնծղաները, մեկը մյուսին էին բախվում, սրինգները հալված ապակի՝ արտացոլվող լույսեր էին դաշնակում, և բոցակիզված մետաղները դղրդալով վայր էին թափվում օդի լարված թմբուկների վրա:

Լիճը, ոսկի այդ հեղեղով լցված, երփներանդ քամիներից ծեծվող հսկայական խարույկի էր նմանվում:

— Ի՛նչ գեղեցիկ է,— հառաչեց Զվարթը հազիվ լսելի ձայնով:

Աչքերը տվից Հնրյանի աչքերին և այդպես մնաց: Այդ, վայրկյանին նա նմանվում էր գինով հավերժահարսի:

— Հանգիստ նստեք,— ասաց Հերյանը:— Տեսեք... վարը...

Զվարթը նայեց և, երբ տեսավ երկու ժայռերի մեջ մինչև լիճը բացվող վտանգավոր ճեղքվածքը, վախեցավ և բռնեց Հերյանի թևը:

էլ բաց չիողես:

— Ձեզ հետ չիմ վախենում,— փսփսաց նա:

Հերյանը իր թևը բոլորեց Զվարթի իրանի շուրջը և նրա ձեռքը առավ ափերի մեջ:

— Իրավունք ունեք, կարիք չկա վախենալու... ինչ որ էլ լինի...

Ու երկար ժամանակ լռեցին:

Հորիզոնը գնալով գունաթափվում էր, տեղ-տեղ ընկղմելով անվըստահ լուսավորությունների մեջ, տեղ-տեղ արյունի գետակների վրայից սահելով կամ ընկնելով բաց գեղին հեղուկների ծոցը, որոնց վրա մանիշակապույն քողեր էին իջնում:

Կղզին կամաց-կամաց շրջապատվում էր ստվերներով:

Հեռվի լեռները, անհանգիստ ամպերի հետ մաքառելով, քայլ առ քայլ հտ էին քաշվում: Նրանց շուրջը թափառող լույսերի և շուքերի պատճառով երկնքի զսնազան մասերում անսպասելի ճեղքվածքներ էին բացվում և բարձրաբերձ գագաթների սպառնացող շարքերը մի վայրկյան վեր ցցվելուց հետո անհետացնում էին նրանց:

— Ի՛նչ մեծ բեմադրող է երկիրը,— ասաց Զվարթը,— ինչ տարօրինակ բեմադրող... Արևը ամեն օր գուրս է գալիս և ներս է մտնում, ինչպես հսկայական գրամայի հերոս... Եթե մարդ կարողանար ճանաչել մյուս ծածկված դերակատարներին...

— Երանք, անտարակույս, գոյութիւն ունեն. . մենք չգիտենք... Այսինքն, գիտենք և չգիտենք... Գիտենք մեր մեծագույն խելքով, որ չի տրամաբանում... Կան բաներ, որ խոսքերով չես կարող հարցնել: Նրանք չես կարող ասել. եթե ասեա՝ քեզանից կփախչեն, կհեռանան...

— Առում ևն, Լուսափորչից առաջ այս վայրերում մեծ և զորեղ աստվածներ էին ապրում...

— Նրանք դեռ կան, այստեղ են:

— Իսկ ես կարծում էի առասպելներ էին:

— Յուրաքանչեւերը ավելի իրական են, քան իրականութիւնը: Ես հաստատ գիտեմ, նրանք կան, ներկա են ամեն տեղ... Ըճի մեջ, ակերի մոտ, այստեղ...

— Այստե՞ղ...

Զվարթը ուսերը անհանգիստ շարժեց:

— Պատկերացրեք, ես նրանք ներկայութեամբ շատ պարզ կերպով զգացի այս առավոտ:

— Ո՞ւր:

— Եկեղեցում: Շատ զարմանալի էր... Այդ տեսարանը մեխւել, մնացել է մտքիս մեջ: Ինչ շատ տարօրինակ թվաց ոչխարներին օրհնող քահանան, իր թափթփված մորուքով, քիչ կուացած իր քթով, իր ճեղքված փոքրիկ աչքերով... Մի ընդհանուր ինչ աչքիս թվաց... ինչպե՞ս ասեմ... թվաց որ... եթե շուրջառը մի քիչ վեր բարձրացնեք, տակից անպատճառ այժի ոտքեր պիտի երևային...

— Ահ, պարոն Հերյան, վառ երևակայութիւն ունեք...

— Հա, էի... Ո՞վ է իմանում ինչու համար այդ բաները գալիս, տեղ են բռնում գլխումս... Այն էլ ասեմ, որ ծովի երկար ճամփորդութիւնների ժամանակվանից միտքս սովոր է արկածներին... Մարդ երբ մենակ է, ուզում է շուրջը ամեն ինչ ապրի... Ամեն բանի հետ խոսում է և ամեն բան խոսում է նրա հետ...

Լոնցին:

— Բւշացա... Եթեում է, և հայրս կարող է մտահոգւել... Ես գնում եմ...

Հերյանը իջավ, ձեռքերը կարկառեց և Զվարթին առավ իր թևերի մեջ:

— Թողեք...

Սեղմեց կրծքին և որոնեց նրա շրթունքները: Գտավ: Այդպես մնացին:

— Այդ պետք չէր, — ընկճված ձայնով բողբոջեց Զվարթը: — Ահ, այդ պետք չէր...

Գրկից ազատվեց, մազերը կարգի բերեց, վերջին բարձրութունից ցատկեց վար և մի քանի անորոշ քայլերից հետո ճամփան գտավ: Ամբողջ ուժով վազեց վար:

Հերյանը աչքերը փակեց և երկար շնչով օգը ներս քաշեց:

Իջնելու ժամանակ կանգնեց վանքի վերի հինավուրց եկեղեցու առաջ:

Ի՞նչ հրաշք էր, որ այդ տաճարը դեռ մնացել էր կանգուն: Շինված նախկին կռապաշտական մեհյանի հիմքերի վրա, քրիստոնեոթյան առաջին դարերից ի վեր, նրա առաջից անցել էին դեպքերով բեռնավորված, խիստ ամեհի գաթեր և աբյուն ու երկաթով դաբբնված ժամանակաշրջաններ:

Մեռել էին մեծղի պետութունները, անհեռացել էին ժողովուրդներ և ցեղեր, իսկ նա մնացել էր կանգուն:

Անխնամ, որբ, թշվառ:

Տանիքը ծոված, բարերը շաղախից պարպված և եզանակներից կերված: Կոտորտված պատուհանները լցված էին անկանոն շարված քարերով, դռները փլված, գերանները վայր ընկած:

Աղբատ մի ուրվական էր. հոգու մուրացկան:

Ներսը մի քանի մոմեր էին բոցկլտում: Հերյանը, որի ուշքը միտքը վանքն էր, սւր գանձում էր Ձվարթը, ուզեց եկեղեցու առաջից շտապով անցնել, սակայն շանցավ, այլ կանգ առավ և առանց իրեն հաշիվ տալու, թե ինչ է անում, մտավ ներս:

Կարծես մեկը կանչում էր նրան:

Եկեղեցին պարապ էր: Խոնավ, պաղ: Մեղրամոմ և մզոտութուն: Կանգնեց սեղանի առաջ. միակ լուսավորված տեղը: Դեղնած էջերով մեծ մի աղեհատարան էր բացված: Փաթրիկ մոմակալների վրա կաթկթոզ մոմեր էին կպցված: Բոցերի աղոտ լույսերը անհանգստացնում էին շրջապատող մռթը մեծ սաղեբներ պտտցնելով:

Երբ նրա աչքերը սեղանի սովորել մթին, սեղանի պատերի վրայից նկարները վար նայեցին: Կաթաց-կամաց արթնացան և մեծացան: Պատը դուրս ցցեց երկայն մարմիններ, կրծսաված դեմքեր, խոշ ընկած սև աչքեր, առկնուվրա եզած մորուքներ և սղիւտ, անբնական ձեռքեր, որոնք զալարվելով խորտակված այդ կրծքերի վրա մաշված գրքեր էին սեղմում:

Հերյանի աչքերը հանդիպեցին նրանց աչքերին:

Խիստ, ընդարձակ, ֆոսֆորե աչքեր:

Պատկերները պատը լքելով աննշմարելի կերպով առաջանում էին:

Հերյանը ետ քաշվեց:

Այդ վայրկյանին տանիքից կախված մի բան շարժվեց: Երևի շղջիկ էր կամ... Վեր նայեց: Ուշինչ շտեսավ: Նայեց պատկերներին, նրանց լայնացած աչքերը տիրեցին նրա վրա: Նրա նայվածքը քաշեցին ներս, նվաճեցին:

Այլևս չկարողացավ տեղից շարժվել: Խուլ պայքար սկսվեց նրա ներսում, գիտակցությունը սքողվեց, կորցրեց իր հստակութունը:

Մոմերից երկու հատ ծովեցին, բոցկլտալով մի քանի ստվերներ լվացին և մեռան:

Մութը դեռ ավելի խորացավ: Ու, հանկարծ, եկեղեցու խորքից, ոտ-նաքայլերի ձայներ լսվեցին: Հերյանը ետ դարձավ և մնաց ապշած: Դեմը կանգնած էր Պետրոս Մարկը:

Մարկը՝ Հնդկաստանից եկած այն հայը, որին հանդիպել էր ճաշարանում:

— Բարև ձեզ, քեփթըն, բարև ձեզ...

Թուխ և մազոտ ձեռքը երկարեց և Հերյանին ջերմ կերպով ողջունեց: Ձեռքը պաղ էր և բազուկը — այդ մասին Հերյանը հետո միայն հիշեց — տարօրինակ կերպով երկար:

— Տեսա, երբ ներս մտաք և սպասեցի, որ ձեր աղոթքը վերջացնեք... Հիրավի, սրանք նշանակալից վայրեր են, որոնց հետ հաղորդվելու համար արժե հազարավոր կիլոմետրեր ճեղքել անցնել, ինչպես անցել եմ ես... Նշանակալից, կարեորագույն վայրեր են...

— Ուրախ եմ, պարոն Մարկ... չէի սպասում...

— Իսկ ես մտածում եմ, որ պետք է միշտ-միշտ սպասել... Ես ձեզ սպասում էի, ինչպես ահա այս սուրբ և խեղճ պատկերները սպասում էին ինձ և ձեզ... դարերից ի վեր... Հոգու սահմանները, քեփթըն, ինչ ճանապարհ էլ քայլես հասնելու համար, անդադար ընդարձակվում և հեռանում են:

Քթի տակ կամաց ծիծաղեց և այդ վայրկյանին նրա դեմքը հնդկական որմնաքանդակներից դուրս եկած դիմակի կերպ ստացավ...

Պետրոս Մարկը հագել էր դեղին գծերով մոխրագույն զգեստ, անգլիական ճաշակով կարված: Տաբատը շափազանց վեր էր քաշված և բաճկոնը, որի ուսերը նեղ էին, կպած էր մարմնին և թվում էր փոքր: Վզի օձիքը բարձր էր և ձեռքին բռնել էր հարդե, շատ լայն ծայրերով մի գլխարկ:

Տարօրինակը այն էր, որ խոսած վերացական բաները բոլորովին չէին համապատասխանում նրա հագնվելու ձևին: Կարծես այդ զգեստները իրենը չէին: Սակայն, համոզիչ էր ձայնը, որ երբեմն սրվում էր և

երբեմն էլ խլանում, խորանում և մանավանդ, համոզիչ էին նրա շատ սև, շատ փայլփլուն աչքերը, որոնք — ինչո՞վ կարելի էր այդ բացատրել — հար և նման էին սեղանի առաջ կախված պատկերների աչքերին:

Մարավ, կլանիչ, հափշտակող:

խոսելու ժամանակ վիզը բադի նման երկարում էր: Սեղանի վրա դեռ վառված մի քանի մոմերը նրա այտերի դուրս ընկած ոսկորների շուրջը շարժվող շուքեր էին կախում, աչքերի տակ փոսեր զետեղում, կզակը սրում և դուրս ընկած կոկորդը ավելի ևս ուռեցնում:

Հուզվելու ժամանակ շատ քիչ կակազում էր:

— Ասեմ ձեզ, քեափթըն, և դուք հասկացեք. աշխարհիս վրա ամեն ինչ շրջում է, պտույտ գալիս: Արևը, աստղը, մարդը... Քիչ առաջ, այնտեղ խորքում կանգնած մտածում էի. մարդիկ անցնում են փոքր երիվույթների կողքով առանց նշանակութուն տալու... շեն տեսնում, շեն նայում... Մինչ, տեսեք, այդպես կոչված դրական գիտությունն իսկ հյուլեներով և ծանրականության օրենքով է տիեզերքը կառուցում... Խնձորը ծառից պոկվում է և երկիրը նրան քաշում է իրեն և այդ նույն նյութոսնյան օրենքով լուսինը մնում է իր շավիղի վրա և պահվում են բոլոր մարմինները... Ուզում եմ ասել, գոյություն ունեցող բոլոր երևույթները շողկապված են և, բոլոր երևույթները, փոքր թե մեծ, հավասարապես կարևոր են տիեզերքի համար...

Լոսց և Հերյանի աչքերի մեջ պրպտեց: Գլուխը վար նետեց և բավական ժամանակ այդպես մնաց: Այդ լուսթյան վերջ տալու համար Հերյանը ուզեց մի բան ասել: Նաև ուզեց ցույց տալ, որ Մարկի ասածները իրեն այնքան էլ հասկանալի չեն և քիչ համոզիչ...

— Գե... իհարկե... — սկսեց նա չափազանց բարձր ձայնով և առանց համոզումի, — դե, եթե մարդ լավ մտածի...

— Միտքս վերջացնեմ, հետո դուք ձեր ասելիքը կասեք, — շարունակեց Մարկը նրա խոսքը կտրելով: — Նախ, պետք է խոստովանեմ. մեր երկրում շատ անգամ ինձ օտար եմ զգում... Օտար՝ արտաքին, դրսի կյանքին... Այն չէ, որ սպասում էի, այն չէ... Կարծում եմ պատճառը այն է, որ երբ մարդը իր միջավայրից հեռու է ապրում, ամեն ինչ ուրիշ կերպ է տեսնում... Չեմ ասում միշտ ճիշտ, բայց մեծ և խոր... Հեռվից նա նայում է իր երկրին, ինչպես սարի վրայից նայում են դաշտավայրերին՝ բազուկները լայն բաց արած հորիզոնով... Ծվ նայում է ներքին աչքերով... հոգու մոտ բացված աչքերով... Ոչ իբրև անձնավորություն, այլ իբրև անձ: Բայց, քեափթըն, կարող է այս ամենը ձեզ խսկի չի հետաքրքրում...

— Ի՞նչ եք ասում, խնդրում եմ... Բա, ինչպե՞ս չէ... շա՛տ...

— Ենթահակալ եմ... Ասում եմ իբրև անձ... Պետք է տարբերել, այնպես չէ՞, պետք է տարբերել... Անձը գերիմացական է և գերժամանակային... արված մի ժխտյալն է, ավելի լայն, ավելի ընդարձակ, քան մեր առօրյա գիտակցությունը: Անձը մեր մեջ կանգնած անփոփոխ մի ներկայացումն է, որի թելադրությունները վճռական են և որոշ չափով հասկանալի... Կարողացա՞րքացառել... Կարողացա՞րքացառել...

— Եստե՞սե՞ք ինչն է...

— Ենթահակալ եմ... Համայնության մի տնգամը, ասոցի մի գավակը, ընկերային մարզը — և մեզանից ամեն մեկը ընկերային մարդ է — ներկայանում է նախ և առաջ իբրև նկարագիր... Մեկը այսպես, մյուսը այնպես... Այդ նկարագիրը կազմվում է զանազան սովորանքից... Սա ի՞նչ խմանամ, բնածին հատկությունները, կյանքի ընթացքին ձեռք բերած կարգավիճակները, ավել, առաքինությունը և կամ, ընդհանրապես, թերությունները, պակասությունները, արտաքին պայմանների պարտագրած շեղումները... Ազգում եմ առել նկարագիրը անձնավորությանն է. ենթագրայն, փոփոխական, ժամանակավոր... Անձը տարբեր է: Նա կանգնած է մեր փորձնական եսի շերտերի տակ: Նկարագիր չէ, փոփոխական չէ, ենթագրայն չէ, ժամանակավոր չէ, ազ մնայուն է, անտեսանելի, ինչպես անմար ճրագ: Սվ ահա, հենց հարցը գրանում է, իսկական մարդկային էությունը պիտի հասնի այդ ճրագին, պետք է արագորի նրա լույսը, արավհասն այդ լույսը գաղիս է ասոցիակի արևից, գալիս է ասոցիակած համայն տիեզերքից... Սա մտապա ձեր տեսնը, քննարկել...

— Արա Հերյան:

— Ենթահակալ եմ: Եստ լավ անուն է, շատ լավ... Ուրեմն, Արա Հերյան, իմանանք. այդ լույսը ճանապարհ է: Կան հետավոր արևելքում հալած մեծ մատնողներ և նրանց մեջ կա մեկը, որի իմաստությունը աղբյուրին ես միշտ մտանում եմ ժառանգով, նրա անունն է կասողի. կոն՝ ևք... Արգ, առել է կարողան, — երբ կարցնում են ճանապարհը՝ մնում է առաքինությունը. երբ կարցնում են առաքինությունը՝ մնում է բարոյակոնությունը. երբ կարցնում են բարոյակոնությունը՝ մնում է օրենքը. երբ կարցնում են օրենքը՝ մնում է սովորությունը: Իսկ սովորությունը բարոյակոնի արտաքինն է միայն և նրանից սկզբում է աղբյուրում... Առել է, նախ ճանապարհը: Գնանապարհը՝ անձը: Եստ հետաքրքիր է, այնպես չէ՞...

— Գրեմեմ, ինձ համար գոնե անհասկանալի...

— Հիմա ասեմ. ես քայլեցի այս երկրի դաշտերից և լեռներից, մտա քաղաքներ ու գյուղեր, լսեցի մարդկանց ու կանանց և սիրտս

սեղմվեց... Հայոց ազգը, պարոն նավապետ, կորցրել է ճանապարհը, և պահել է ժիւղին սովորութիւնները... Կորցրել է ոգին, պահել է ձեւը... Մենք պարտւած ենք:

Չեւթերը ծալեց կրծքի վրա և թուխ դեմքը մուսլվեց

— Սա այդ ասում եմ, որովհետև ձեզ հանդիպեցի այտուտ, նշանակալից այս վաշտում, ուր մեզ վիճակված էր տեսնել, խոսել, մտածել: Հասկացե՛ք. ես եկել եմ հեռուներից, լցված սրտով, ծարափ և տանջված... Ինքս իմ հետևից վաղելով... Սվ ահա, կորցրել են ավանդույթները... ցիրուցան են եղել... Ախր, ասում են ազգ, ասում են երկիր... Սա առանց այստեղ գալու էլ ճանաչում էի իսկական մեր երկիրը ասեպես ինչպես կա... Յի իբրև պարզ տարածություն, այլ իբրև լուսավոր և գաղտնի մի կենդանություն... Զգիտեմ, երբեք մտածել եք այդ մասին. արևմուտքի գիտնապետները տարածությունը համարում են շեղք մի վաշտ, որը պարունակում է մարմիններ և շարժումներ: Երանց համար տարածությունը նյութ է և դեպքը՝ դեպք: Առանց փոխադարձության, որ ասել է առանց միութան: Եթե մենք էլ այդպես մտածենք, եկել է վերջը և ճանապարհը փակ է...

— Լա՛վ.— ասաց Հերյանը հետաքրքրված,— իսկ մենք ինչպե՞ս պիտի հասկանանք երկիրը...

— Ասեմ, քեանիթըն, ասեմ... Կան երկրներ, ինչպես, օրինակ՝ Ամերիկան, որոնք շին պեղված, շին մշակված ոգիով: Նրանք պարզ նյութ են, ենթարկված բնության տարրական օրենքներին և մատրկանց քմահաճույքներին: Սակայն գործույնա ու երիտասարդ են ոգով և կոշված են կառավարելու կյանքում... Իսկ կան նաև երկրներ, որոնք պատկանում են Սրբազան աշխարհագրություն, ուր ամեն մի բնական երևույթ արտաճառարածված է հոգեկանով և ուր մարդկային ամեն մի շարժումն մասնակցում է այդ հոգեկանին... Գա, կենդանի, մագնիսականությունով լրցված, բախտագուշակ, բնագաղտնական տարածություններ են, որտեղ բազմաբանները գծված են, և որտեղ ամեն մի ժեստ, ամեն մի գործողություն, ամեն մի արտասանված բառ ստանում է գերազույժ նշանակություն: Թեպայն այդ երկրներն արդեն անդոր են, ծերացած, երանք պետք ունեն մի այլ երկրի զորավոր դեկավարություն: Տեսե՛ք, մեր այս երկրում, մինչ անձը վերածվել է անձնավորության, կորցրել մարդ-աստվածային բնույթը, ենթարկվել գորշացած միջին տեղերին, մոռացել հոգեկան ավանդակներ, երկրի և անհատի միջև առաջ է եկել երկվություն: Աշխարհագրության համապատասխան միակ երևույթը, որ մնացել է, այն շենքերն են, որոնցից մեկի մեջ ահա կանգնած ենք...

— Իբրև կրոնի, քրիստոնդություն արտահայտություն...

— Չէ՛, չէ՛, ավելի քան այդ... Նրանք եկել են ավելի հեռվից և ավելի են, քան մեզ պարտադրված կրոնը... Նրանք հայոց ժայռերի և լեռների լույսերով են կառուցված, նրանք համադրում են անձը և երկիրը և ցույց տալիս այն ճանապարհը, որի մասին խոսում էինք... Սա ման եկա ամեն տեղ և ամեն տեղ ես որոնեցի նրանց... Տեղ-տեղ նրանք մնում են կանգնած, քարերով արտահայտված սառած երգի նման, տեղ-տեղ նրանք վիրավորված են դարերից, հողմերից և մարդկանցից, սակայն, ողջ կամ կիսաքանդ, նրանք վկայում են անդիմադրելի մի ձգտում, ներքին և ներուժ մի կեցվածք, հոգեկան մի նախատվյալ, առանց որի չկա և չի կարող լինել իսկական կյանք... Այնտեղ, նրանց մեջ, գծվել են սահմանները, գտնվել է միությունը, ծնվել է աստվածայինը: Այդ գծերի միակ պայծառությունը, որ թռիչք է և ուժ, որ բացարձակ ձև է և ամբողջություն, առաջ է եկել երկար և տաժանելի այն պայքարներից հետո, որ մեր ժողովրդի ոգին մղել է քառսային, գիշերով և կախարդանքով հագնված հոսանքների դեմ, ինչպես նրանցից առաջ, ողիմսլիական լուսավոր սկզբունքը պայքարել էր օձ-աստվածների և աստված-օձերի, դևերի, կենդանու, գլուխներով էակների, ստորերկրյա մոգական կրակի և ուրիշ մութ, անարևային ազդեցությունների դեմ: Այստեղ, նավապետ, հայր երկրորդ անգամ և ուրիշ ձևի տակ վառել է այն ճրագը, որ ժամանակին դորիացիները վառել էին իբրև հաղթության նշան կրիտա-մի-նոյական աշխարհի դեմ: Հայր գտել է իր հոգեկան միությունը, իր լույսը, որ տարածել էր աշխարհի շորս կողմը...

Կանգ առավ. մի վայրկյան մտածեց:

— Ամեն մի ժողովրդի գերագույն նպատակն է,— շարունակեց նա,— տարածել մարդկայինը, և տեսանելին՝ տիեզերքի և անտեսանելիի մեջ... Հայ տաճարը առաջին կարևորագույն քայլն էր այդ նպատակին հասնելու համար: Ոգին համադրված էր, ոճը գտնված, սանդղղը վեր կարկառված, սակայն բարձրացող չեղավ... Եկավ նորից գիշերը և քառսը, հայ ժողովուրդը կորցրեց իր ձեռք բերած ճրագը և մտավ երկրաշարժային մի շրջան...

— Մենք մեղավոր չենք... պատմությունը... արտաքին պայմանները,— բողոքեց Հերյանը:

— Գիտեմ, սովորություն է այդպես ասել: Սխալ է: Հոգեկան գորությունը և միությունը անհաղթելի են... Արտաքին դեպքերը մեզ այցելում են այն ժամանակ միայն, երբ մենք ներքնապես արդեն պատրաստ ենք ընդունելու նրանց... Ոգին է, որ ստեղծում է արտաքին դեպքերը, նա է հրավիրում նրանց... Չէ՛, չէ՛, համաձայն չեմ ձեզ հետ... Ասեմ պարզ, ահա նորից ժողովրդի առաջ ցցվել են վճռական օրեր, տա-

ժանելի, սոսկում ազդող օրեր... Դեպքերը գրոհ են տալիս մեր վրա անսպասելի կերպով, մեկը մյուսի հետևից... Նրանք զալիս են օրերի պողպատով զինված, հարվածում են մեզ և մենք՝ զարմացած և վշտացած, հարց ենք տալիս, թե ինչո՞ւ... ինչո՞ւ... ասհա խնդիրը...

— Ինչո՞ւ,— փսփսաց Հերյանը:

— Ինչո՞ւ... Դուք քիչ առաջ հուզված նայում էիք այդ պատի վրայից ճառագայթող նայվածքներին... Ես հետևում էի ձեր ամեն մեկ շարժումին և եթե մոտեցա ձեզ պատճառը այն էր, որ ևս ևս նույն պահին անցկացնում էի տազնապի մի վայրկյան... Ինչո՞ւ, ասում եք դուք, ինչո՞ւ... Նայեցիք նրանց, և նրանք ձեզ կասեն... Հարգանքներս, քհափթըն, հարգանքներս...

Եվ Պետրոս Մարկը անհետացավ: Կորավ մութի մեջ:

Հերյանը իր ճակտի վրայից պաղ քրտինքի կաթիլները սրբեց և նետվեց դուրս:

Վանքի վարի բակից երաժշտության և ծափի ձայներ էին լսվում: Ափի մոտ մեծ խարույկ էին վառել: Թեթև քամուց տրորված, նրա բոցերը դժգույն և անհանգիստ լուսավորություններ էին սփռում պարողների և նրա շուրջը բոլորված բազմության վրա:

Վերևից այդ տեսարանը թվում էր անիրական, գրեթե երազային:

Իջավ ցած: Ուզեց պարը տեսնել Պետրոս Մարկի տարօրինակ խոսակցության ծանրությունից ազատվելու համար: Չնայած այն բանի, որ Հերյանը չէր համաձայնվել նրա արտառոց գաղափարների հետ, այնուամենայնիվ, դրանք ճնշել էին իր սրտի վրա, խախտել հոգու անդորրությունը: Բնության ծոցում լվացվեցին նրա մտածումները: Ամեն ինչ՝ գույն, լույս, ձայն՝ անմիջապես արձագանքում էր նրա հոգում, հնչում, լուսավորվում, ընդարձակվում:

Պարում էին:

Նվագախմբի ձայները նվաճել էին գիշերը:

Մեղմ, գրեթե մելամաղձոտ մի նվագ: Զուռնայի սուր կանչը սավառնում էր աշխարհի վրայից դեղնելով և տրտմելով: Թմբուկը ընկերակցում էր ընդհատ բախումով: Մի զարկ, դադար, ապա նորից մի ուրիշ զարկ: Մյուս գործիքները համաձայն ներդաշնակությամբ, անվերջանալի հառաչի նման, մի գանգատ էին կրկնում:

Մեղեդին օրոր էր գալիս, անորոշի մեջ:

Պարողները՝ իրենց շերտեզկանների՝ ծայրերը գոտիի մեջ խոթած, մերկ խանչալները ատամների տակ սեղմած, երբեմն խանչալները աչ ձեռքով խաղացնելով, գաղտագողի և խուզարկիչ շարժումներով գանդազ

առաջանում էին, կարծես ա՛նա, խավարի մեջ մոտենում են թշնամու բա՛նկակտեղին, անսպասելի հարձակվելու համար:

Երբեմն կանգ էին առնում, բարձրանում իրենց ոտքի մատնեքի վրա, նայում դեպի անորոշ հեռուն, պտույտ գալիս և խանչալով շրջաններ գծելուց հետո նորից սահում առաջ:

Բայց ահա, քիչ հետո, երաժշտական գործիքները սկսեցին անհանգիստ աշխուժանալ: Դամ պահող զուռնան աքլորի նման կատարը վերցցեց և ձայների սանդուղների վրայով երկու աստիճան բարձրացավ: Նայեց, ձայնեց և, հեռուն պատրաստվող մի վտանգ նախատեսելով, մտահոգվեց, թեևրը թափ տվավ և օգնութուն կանչեց: Թ՛մբուկը սիրտ բարախելով միացավ նրանց:

Պարողները ականջ ավին, հասկացան: Իրենց մեջքերը ծռելով ամբողջ մարմնով գողացին, խանչալները վեր կարկառեցին և, աբախ, որ վերջապես պիտի կարողանան ցույց տալ իրենց բաշութունը, ոտքերի փոքրիկ շարժումներով ձեծեցին գետինը:

Շուրջի բազմութունը օթմիկական ծափերով քաջալերեց նրանց:

Պարողները ոգևորվեցին: Աշխույժ շարժումներով սահեցին, ետ և առաջ գնացին, որոշ տեղերում կանգնած նազ եկան, ապա ցատկաբեցին, ոտտոտեցին և գրո՛հ տալով հարձակվեցին երեսկայական վագրերի փամ թշնամիների վրա: Տաքացած, օդի մեջ սրսպառացնելով խաղաչրին իրենց խանչալները, աջ ու ձախ հարձակեցին և այլևս հազթական պտույտ եկան իրենց զոհերի շուրջը և վախելու, և տոնական ձևերով պարեր հյուսեցին:

Հերյանը նայում էր հիացած: Ո՞ր էր Պետրոս Մարկը, այդ ցնգած փիլիսոփան, մտածում էր նա, թե՞ դար տեսներ: Պարը ևս ճարտարապետութուն է և կառուցողական ոգի, ուժ է նա ու ջահելութուն, թող գա Պետրոս Մարկը ու տեսնի ծերացած է՛ պյա ժողովուրդը...

Ճկուն, կայտառ, ազատ հայութուն էր այդ, որի գեղեցիկ շարժումների մեջ թաքնված էր և՛ վեհելություն, և՛ ուժ, և՛ խորհուրդ: Ա՛հ, Մարկը դար և տեսներ...

Մինչ պարը գնալով ավելի էր հուզվում և ավելի բարդանում:

Բոցկլտող խարույկի անհանգիստ լատավորութունը տեսարանը պեղում էր և խորացնում: Բռնկող բոցերը և նբանց հաջորդող սավերները սահում էին թրերի, դանակների, երեսների վրայից և ամեն ինչ մեծացնում, լայնացնում, քանդակում: Շարժումները կրկնապատակում էին, ձևերը գալարվում, դես ու դեն նետվում, փշրվում...

— Տաշ-տաշի, տաշ-տաշի,— ծափերով կրկնում էր բազմութունը, տարվելով ալգ պարի գեղեցկութունից:

Հափշտակված էին մանավանդ կանայք: Նրանց կրծքերը սարսուռւմ էին, նրանց մեծ նշանման աչքերը վառվում: Մափ էին զարնում ամբողջ ուժով, օդը բացահանչություններով լցնում և աշխատում պարողներին նայվածքները որսալ նրանց սեր և կորով ներշնչելու համար:

— Տաշ-տաշի, տաշ-տաշի...

Շուտով, պարողներից մեկը, երկայնահասակ շեկ մի տղա, խմբից առանձնացավ, մի քանի տեղում սահելով պտույտ եկավ, ետ առաջ գնաց և, թեթևորեն ուտոստելով եկավ մի օրիորդի առաջ և այնտեղ արագ-արագ ռոքերը գետին կոփկոփեց: Կանգ առավ, երկու ձեռքերով բռնեց իր գոտուց կախված խառնալը, ռոքերը միացրեց, քարենց և ձեռքի լայն շարժումով հրավիրեց նրան մտնել պարողների շրջանը:

Աղջիկը կարմրեց, հա քաշվեց, գլխի շարժումով մերժեց: Պարողը նոր պտույտներ արեց և նորից վերադարձավ: Ստեփ կանգնողները նրան քաջալերեցին և հրեցին ներս: Աղջիկը նազով թևերը վեր առավ, մեջքը մի քիչ ծռեց և փոքրիկ, սահուն քայլերով, գլուխը մի կողմ թեքած առաջացավ, բաղունները կամաց շարժեց և սարսուռը արձանի նման մնաց մի կետի վրա:

Վայրկյանի այդ թագուհու ուշադրությունը իրենց վրա հրավիրելու համար պարողները աշխույժ և ջերմ մրցումի մեջ մտան: Մեկը մյուսի հետևից նետվեցին նրա առաջ, շուրջը պտույտ եկան, գծվարին ձևերով գետինը կոփեցին, թռչկոտելով սահեցին և սպասեցին, որ նա հաճի իր ընտրությունը անել: Երբ վերջին երիտասարդը հովի նման շրջեց, թռավ անցավ, աղջիկը՝ կարծես մի բանից սարսափած, դողացող թևերը լայն բացեց և ջրի վրայից հանկարծակի վեր բարձրացող վայրի բազի նման սահեց:

Երիտասարդները խմբով ընկան նրա հետևից և նույնպես սահեցին:

Հերյանը լույսի պակասություն և առաջը կտրող բազմություն պատճառով լազ չէր կարողացել տեսնել պարուհու դեմքը: Սակայն, երբ նա նուրբ ճախրով մոտեցավ և աչքերը հանդիպեցին նրա աչքերին, զարմանքով տեսավ, որ պարող աղջիկը Զվարթն էր:

Ամբողջ մարմնով ցնցվեց:

Հիացավ, թխրեց: Տխրեց նախաձեռնից: Կարծես օրտի ամենամտերիմ բանը վտանգի տակ էր:

Բայց ինչ գեղեցիկ էր այդ վայրկյանին Զվարթը, ինչ գեղեցիկ էր...

Պարը նրան այլափոխել էր: Ներսից լուսավորված նրա ճկուն մարմինը շարունակաբար կառուցվող մի երգ էր:

Նա, երբեմն հիշեցնում էր լեռների կատարներին սավառնող մեհակյաց մի թռչուն, երբեմն էլ՝ ծովափին կանգնած, սարսուռը մարմինը

լուսնի շոգերով լվացող մի ծովանուշ: Ահա, ոտքի մատերի վրա բարձրացած, հանդիսավոր և լուրջ, ինչպես մի քրմուհի, նա սահում է, կարծես ոտքերը գետնին չեն կպչում: Եվ ահա, մարմինը ամբողջովին մեղեդիանում է, նազ անում, երազանքով օրոր գալիս, դալկանում:

Հերյանը ծարավով փնտրեց նրա աչքերը:

Բայց, պարով տարված, Զվարթը անցնում էր առանց Հերյանին տեսնելու: Իր մարմնի կշռույթով հարբած, ավելի մոտ օդին, քան երկրին, նա գրեթե թռչում էր, խույս տալով հետապնդող ոգիներից: Երբ, մեծ շրջանների բոցերի վրայից ցատկոտելուց հետո, պարողներից մեկը վերջապես հաջողում էր նրա առաջը կտրել, նա հովի նման դառնում էր ետ, թեքվում էր աջ, թեքվում էր ձախ, կամ թևերը պարզած ճանապարհ էր բաց անում խմբի միջից և նորից ազատված, սահում, հեռանում:

— Ինձ ոչ ոք չի կարող բռնել... ոչ ոք,— կարծես ասում էին նրա շարժումները...

— Տաշ-տաշի, տաշ-տաշի,— ծափում էր ողևորված ժողովուրդը:

— Ի՛նչ աղջիկ է, է՛-է՛,— բացականչում էին շատերը:

— Կրակ է, կրակ... Այդպես աղջկա համար մարդ կարող է հրաշք կատարել, իմ արև,— գոռում է Հերյանի մոտ կանգնած հափշտակված շինականը:

Պարը վերջացավ դղրդալից ծափահարությունների մեջ:

Անմիջապես կազմակերպվեցին ուրիշ պարեր: Հերյանը, կարճ դադարից օգտվելով, բազմության միջից դուրս եկավ, առաջ նետվեց Զվարթին գտնելու համար:

Զվարթը արդեն նստած էր իրեն հետ պարող երիտասարդների սնդանի մոտ: Հենց այդ վայրկյանին նրա կենացն էին խմում: Բարձր, լայն ուսերով մի տղա, երեսը կարմիր բծերով ծածկված, աչքերը մոխրագույն և բեղերը շեկ, բաժակը վեր բռնած ճառում էր, խոսքը ուղղելով Զվարթին: Երեսը վառված, աչքերը վար առած Զվարթը գոհունակության ժպիտը երեսին լսում էր:

Հերյանի սիրտը սեղմվեց: Ուզեց այդ տեսարանից խուսափել: Արագ անցավ, մտավ ծառերի ետև, իջավ ջրի ափը: Նստեց քարերի վրա: Անբացատրելի մի մելամաղձություն էր իջել նրա վրա: Ահ, եթե կարելի լիներ, պիտի ուզեր կղզուց անմիջապես հեռանալ: Հևա՛նալ և երիտասարդ ծովային սպայի նման, աստղերի հետևից ընկած, ոտքով քայլել մինչև քաղաք:

Քայլել անվերջ: Գիշերվա հետ, մենակության հետ, ժայռերի խիստ և սպառնացող ստվերների հետ:

Սիրտը լցվել էր հակասական զգացումներով:

— Սատանան տանի,— մտածեց նա,— պետք է կենտրոնանալ, միայնանալ. պետք չէ աչ ու ձախ ցրվել...

Վերջին օրերի տպավորությունները և ապրումները խուժել էին նրա վրա ծովաբացում հանդիպած անսպասելի հողմերի նման: Չէ, պետք չէր տարվել... Պետք էր դեկը ուժեղ ձեռքերով բռնել, ուղեցույցը աչքից բաց չթողնել... Հողմերը նշան են կղզիների, նեղուցների, վտանգավոր անցքերի մոտություն... Վերջ ի վերջո, ինքը եկել էր այստեղ միայն լճի համար: Եվ ահա լիճը, ահա աչքերը նրա աչքերի մեջ, ահա սիրտը նրա սրտին կպած...

Ձեռքերը լցրեց փոքրիկ, ողորկ, գույնզգույն քարիկներով և շոյեց նրանց: Այդ շոյանքից գրեթե ֆիզիկական հաճույք զգաց: Լիճը փափկասուն էակի նման դեռ ավելի մոտեցավ իրեն, աչքերը լցվեցին գուրգուրանքով և սիրտը հուզվեց:

— Բարև, Սևան ջան,— փսփսացին նրա շրթները:

Ասաց և սիրտը լցվեց անասելի մի բեղիբանքով: Աչքերը վառվեցին: Ինչ լավ էր, որ լիճը այդքան մեծ էր, այդքան լայն և խոր, և խիստ: Իրավունք ուներ ժողովուրդը նրան ծով անվանելու: Սևանը միայն լույս չէր, լեռների մեջ նետված հայելու կտոր չէր միայն, այլ և լայն թոքերով մրրիկ և փոթորիկ շնչող, մեծ բազուկներով ալեկոծություններ խառնող հսկայական տարերք:

— Յո՛վ:

Վտանգ, բարկություն, քաոս:

Անշուշտ, համեմատաբար փոքր էր, բայց ի՞նչ փույթ... անհունը, որին նա մասն էր կազմում, արդյոք անեզր և անվերջ չէ՞ր... Եվ այդ լեռները, այդ ժայռերը արդյոք այդ նույն անհունի ապրած դրամայի մի անբաժանելի մասը չէին... «Կան երկրներ, որոնք պատկանում են սրբազան աշխարհագրության, և կան երկրներ, որ երիտասարդ են ոգով», ասել էր տարօրինակ այդ Մարկը: Հիմա հասկանում է, թե նա ինչ էր ուզում դրանով ասել: Ասել էր նաև. «Բնազանցական տարածություն, ուր բոլոր նշանները գծված են...»: Այդ ևս հիմա հասկանում էր: Այո, Պետրոս Մարկ, այո, մեր երկիրը լեռ է, և ավելի է, քան լեռ. ծով է, և ավելի է, քան ծով:

Իսկ այդ ավելին մեր իսկ էության մեջն է: Մեր ձգտելը դեպի ամբողջականը, բարին, գեղեցիկը, իսկ ժողովուրդը միշտ երիտասարդ է ոգով և ուժեղ, նա կարող է ինքն իրեն կառավարել, առանց օտարի օգնության, եթե համախմբված է ու հստակ է արտահայտված իր ազատության ձգտումը, եթե ճանաչել է իր պայքարի ճիշտ ուղին:

Տարակույս չկա: Դեպքերը, որ մեզ այցելում են, երկար տարիներով պատրաստվում էին մեր մեջ: Հիմա իր ամբողջ անցյալը, տարիներով ծովերի վրա թափառելը, շարշարանքները, ներքին անբավականությունը, անլիերջանալի որոնումները, ներքնապես հիմնավորվելու, ապա, կարծես մոտ են իրենց լուծումին:

Այնպես չէ՞, Սևան ջան, այնպես չէ՞...

Հարցը նրանում է, որ մեր ամենօրյա տաղտկալի լինելիությունը, մեր վրա խուժող փոքրիկ դեպքերի շարանը, հազար ու մի անեղան մտազբաղումները, թաց սպունգի նման ջնջում են մեր կյանքի գլխավոր տեղ գիծը, որ գոյանում է ներսը, որ շողկապում է օրերը և գիշերները, ձայները և լուսթյունները: Մենք նրան չենք տեսնում: Չենք կարդում բոցն տառերով մեր ներսը գրված մեծ գիրքը:

Համենայն դեպս, այդ պատահում է հազվագյուտ կերպով: Փրբեմն, խոր մենակությունով լցված օրերում, ներքին տրամաբանազուտ այդ զարգացումը հանկարծ լուսավորում է մեր գիտակցությունը և անմիջապես անհետանում: Կայծի նման: Չգուժ ենք և չենք ըմբռնում:

Ահա եկել է այս լճի ափին: Արտաքնապես թվում է պատահականություն, մինչ ներքնապես՝ լիճը սպասում էր նրան, և նա՝ Հերյանը, սպասում էր լճին:

Լիճը վաղուց էր մասնակցում նրա ներքին գոյացման մթնոլորտին: Եվ եթե նա եկել էր, եկել էր հանդիպելու ինքն իրեն: Եկել էր ամբողջապես իրականանալու համար:

...Դիմացի ափի կողմը, հորիզոնի վրա մի լույս դանդաղ ման եկավ: Լուսինը:

Երկնքից կախվեց պսպղուն պղնձ՝ մի սկավառակ: Լիճը ծածկվեց մետաղե արտացոլումներով: Ծառերը կայծկլտուն մկրատով լույսի մեջ արծաթե տերեւներ կտրտեցին:

— Եվ,— շարունակեց մտածել Հերյանը,— անսպասելի այդ հանդիպումը... Նույն տանիքի տակ մի քանի օրեր և գիշերներ անցկացրել էր նրա հետ և ոչինչ չէր իմացել, ոչինչ չէր տեսել, և ահա որ... Ի՛նչ գեղեցիկ էր Ձվարթը:

Աստղերը ետ քաշվեցին: Ամեն ինչ քողարկվեց, ընկավ երազների մեջ:

Այդ վայրկյանին, ծառերի հետևից գետնին խփվող հարյուրավոր ուրբերի համատրոփ ձայներ լսվեցին: Դոնգ-դոնգ, դոնգ-դոնգ, դոնգ-դոնգ... Կարծես ստորերկրյա ոգիներ լճի տակից ժրճահարում էին կղզին:

Մետաղե հնչյունով մի ձայն բարձրացավ և մեներգեց: Խումբը

երկնեց հանգերգը: Ոտքերի դոփյունը գնալով մեծացավ: Խուլ, ուժեղ, համառ: Նորից հեշեց մեներգը:

Այդ ձայնը իշավ Հերյանի սրտի մեջ և պեղեց:

Վեր կացավ, մտավ վանքի բակը և դիտեց: Հայկական խմբապար էր: Կին, տղամարդ, ծեր, երիտասարդ ձևեր ձևերի տված ալիքաման շարժումով աջ ու ձախ, առաջ և ետ սահնչով, ոտքերը գետինը խփելով, ցատկելով սյարում էին և երգում:

— Այդպես շրջում են մոլորակները երկնքի հեռուներում,— մտածեց Հերյանը:

Զվարթը, շունչը կտրած վազեց դեպի նրան:

— Ահ, պարոն Հերյան, սրտե՞ղ էիք... Ամեն տեղ ձեզ փնտրեցի... Դե, շուտ եկեք, միացեք մեզ...

— Ես պարել չգիտեմ,— բողոքեց Հերյանը ետ քաշվելով:

— Եկեք, խնդրում եմ... տեսե՛ք ինչքան հեշտ է...

Ձեռքից բաշեց և մտավ շուքապարը:

— Նայեցեք... մի աջ, երկու ձախ... մի աջ...

Հերյանի առքերը մեքենաբար հետևեցին ընդհանուր շարժումին: Մի բանի վայրկյան հետո նրա ամբողջ մարմինը թեթևացավ, կարծես քամին նրան առել էր բազուկներին մեջ: Մեծ, լայն, տարերային մի շունչ գրկեց նրան և շենք, եկեղեցի, կղզի և լիճ միացած պտույտ եկան, երգեցին...

Զվարթի այտերը վառվել էին, աչքերը հասիշտակված մեծացել: Նրա մարմինը ճոճվում էր օարսաաչով քամու թեթև շնչով թափթփված ուռենու նման:

...Եվ թափթփվել էին լուսինը և արծաթով ցածված երկիրը:

7

Գրեթե ամեն օր, ժամը երկուսի մոտերը, Հերյանը գնում սպասում էր փողոցի այն անկյունում, ուր գտնվում էր գիմնազիոնի մեծ շենքը: Գրպաններից լքված ամեն տեսակ թղթերով — քարտեզներ, հաշիվներ, ծրագիրներ, գիտական տեղեկություններ — նա սպասում էր, անհամբեր աչքերը ուղղած դեպի դարբան, որտեղից, սովորաբար, Զվարթը դուրս էր գալիս:

Տասը թույն չէր անցնում ըրակյաց փողոցը հանկարծ ակում էր թնդալ: Դուրս թափվող աշակերտությունը վայրենի հորդայի կերպարանք էր առնուած: Վարդում էին, խաղում, գոռում, կովում: Փողոցը քիչ հանգստանում էր, երբ դուրս էին գալիս բարձր գուսարանների աշա-

կերտ-աշակերտուհիները: Ընդհանրապես, ուսուցիչներին շուրջը բոլորված, նրանք տաքացած վիճաբանում էին կամ կատակ անելով բարձր ծիծաղում:

Հերյանը հենց որ նրանց տեսնում էր, շրջվում էր և դանդաղ քայլերով հեռանում: Չէր ուզում իմանան, որ սպասում է Զվարթին, Զվարթն էլ, իր կողմից, ոչ մի անհամբերություն ցույց չէր տալիս. շարունակում էր անտարրեր խոսակցել, առանց շտապելու Մակայն, երբ հասնում էր փողոցի անկյունը և տեսնում էր կամաց հեռացող և ուսի վրայից մերթընդ մերթ ետ նայող Հերյանին, սիրտը սկսում էր ուժեղ բաբախել և այլևս չէր կարողանում զսպել անհամբերությունը: Դասագրքերը կրօքին սեղմած, այտերը վատված, արագ քայլերով հասնում էր նրան:

Հերյանը նրան գրկում էր իր նայվածքի մեջ:

— Դե, շուտ պատմիր, ի՞նչ նորություն,— հարցնում էր Զվարթը նրա թևից բաշելով:

— Տեսնենք... ուսումնասիրում են... Երկար խոսեցի քարտուղարի հետ: Բանիմաց մարդ է երևում... Հարցը նրանում է, որ բանակը ամեն ինչ կլանում է: Նեղություն մեջ են... դրսից փող չի գալիս, իսկ ներսը սով է... Ես, անշուշտ, նրանց բացատրեցի ձեռնարկի կարևորությունը... Ապրանք տանել բերել, զորք տեղափոխել... պարզ է, չէ՞... Ներկայացրի մեք գրած մանրամասն հուշագիրը. ասացին կկարդանք... Ես ի՞նչ իմանամ...

— Ուրեմն լավ, շատ լավ...

Նորից հարցեր էր տալիս: Ուզում էր ամեն ինչ իմանալ:

Հետո պատմում էր իր մասին:

— Գիտես, եռանկյունաչափության դասին բավականին խեղճ էի... ամենահիմար հարցերին չկարողացա պատասխանել... Ուսուցիչը կատաղել էր... «Կողմնակի բաներով զբաղվելու փոխարեն լավ կլիներ քիչ էլ դասերով զբաղվեիր»... Երբ այդ ասաց՝ ամբողջ դասարանը սկսեց ծիծաղել... Ինչ անպիտան են...

— Ոչինչ, թող ծիծաղեն... Մի օր կգա, կտեսնեն... Իսկ դասերը, անշուշտ, պետք է, որ պատրաստես... Այս գիշեր ժամանակ ունենք... միասին կպարապենք...

Փողոցում հանդիպած ծանոթները հետաքրքրված հարցուփորձ էին անում:

— Հը, ասացեք, ո՞նց է գնում գործը... Մի բան կարողացա՞ք անել...

— Լավ... Վստահ եմ մի բան դուրս կգա,— պատասխանում էր Հերյանը աշխույժ շեշտով:— Աշխատում եմ համոզել...

Քաղաքում արդեն խոսում էին Հերյանի ծրագրի մասին: Ոմանք համակրում էին ձեռնարկին, իսկ ուրիշներ դեմ էին, ոմանք լավատես էին և ուրիշները՝ հոռետես:

Հոռետեսները աչքերը կես փակում և խորամանկ ժպտում էին:

— Ախպեր, բան ասացիք... Մինչև Սևան նավ բարձրացնելը հաց ու պանիր չէ... Այդ Հերյան կոչված մարդը ո՞վ է, ո՞րտեղից է եկել... Այս օրվա օրս ամեն մարդ հայրենասիրություն է ծախում, մանավանդ եթե անգործ է...

Հերյանը, որ միամիտ և անկեղծ կերպով ամենքին պատմում էր իր ձեռնարկի մասին, սաստիկ հուզվում ու զայրանում էր, երբ լսում էր թերահավատների այդ քննադատությունները:

— Դա, ի՞նչ բան է... Եթե այդպես է, կթողնեմ, կհետանամ...

Զվարթը իր մեծ, գեղեցիկ աչքերը հառում էր նրա վրա և հանգրստացնում նրան:

— Սրանք այդպես են... Պետք չէ ուշադրություն դարձնել, փոքրիկ մարդիկ են, ինչ ուզում են թող ասեն...

Զայնը թրթռում էր հուզումից:

Հերյանը լսում էր նրան և կրկնապատկում եռանդը: Հիմնարկությունից հիմնարկություն էր անցնում, բացատրում էր, համոզում, վիճում:

Մանավանդ թող իմանան մի բան. ինքը շահագրգռված էր միայն բարոյապես: Միծաղելի էր այդպիսի գործերից նյութական շահ սպասել: Պարզապես ուզում էր մասնակցել երկրի վերաշինության: Հայտնի է, որ երբ Ամերիկայում ուզում են ամալի տեղերում բնակչություն հաստատել՝ նախ հաղորդակցության միջոցներ են ստեղծում:

— Այդ մասին, պարոն Հերյան, ի՞նչ առարկություն կարող է լինել... Ամենքս էլ սկզբունքով համաձայն ենք... Բայց, ախր, աչք նետք սահմանների վրա, նայեք ներքին մեր թշվառության...

Սակայն, Հերյանը անզրգվելի, համառ և մոլեռանդ նորից և նորից պնդում էր: Գրպաններից թղթի կապոցներ էր հանում, փռում սեղանի վրա և մատիտը ձեռքին գծագրում էր, կոտորում, բաժանում, հավելում և ամեն տեսակ ապացույցներ մեջբերում: Տեղեկություններ էր տալիս Միսսիսիպի գետի, Կոնգոյի ինչ-ինչ լճերի, Հյուսիսային և Հարավային Ամերիկաների, Վոլգայի, Բայկալ և Հնդկաչինի նավային հաղորդակցության կազմակերպությունների մասին: Խոսում այնպիսի հավատով և ոգևորությամբ, որ պաշտոնյաները ուժ չէին ունենում նրան ճանապարհ դնել կտրուկ մերժումով:

— Շատ լավ ասացիք, շատ լավ... Մի քանի օրից նորից անցեք... կտեսնենք ինչ կարելի է անել...

Գրասենյակներից դուրս էր գալիս ճակատի քրտինքը սրբելով: Ջղային քայլերով փողոցից փողոց էր անցնում և ինքը իրեն հետ մենախոսում: Այնքան որ, մոտից անցնողներից շատերը կարծում էին, որ եկվոր նավապետը քիչ խնացել է:

Կանգ էին առնում և տխրած աչքերով նայում նրա հետևից:

...Մրեկները նա կտր օեղանի վրա բաց էր Թեում իր քարտեզները և Զվարթի ամբողջ ընտանիքը շուրջը բոլորած խոսում էր, բացատրում, նոր հաշիվներ անում:

Ձեղունից կախված նավթե լամպարից անհանգիստ լույս էր տարածվում: Պատերից նայում էին կես շուքի մեջ թաքնված խրիմյան կաթողիկոսի, զորավար Լորիս-Մելիքովի և Լազարևի զարմացած աչքերը: Անկյունում դրված հսկայաձև ժամացույցից, մերթ ընդ մերթ սայլի ճռոցի նման, ձայներ էին դուրս գալիս:

Հերյանի մոտ կանգնած Զվարթը մանրամասն բացատրություններ էր ուզում, և երազկոտ աչքերը լճի քարտեզի վրա ման ածելուց հետո հանկարծ ուրախանում էր, ամբողջ մարմնով ցնցվում, սենյակը կցնում սուր բացականչություններով: Հայրը՝ պարոն Արտեմը, ոսկրոտ և հաստ ցուցամատը քարտեզի մի կետի վրա դրած, գործի հետ ոչ մի կապ չունեցող, երիտասարդական հիշողություններ էր պատմում և սաստիկ բարկանում, երբ խոսքը կտրում էին:

— Ախր, սասծս կարևոր է և մի օր կարող է պետք գա... Չեք հասկանում...

Մայրը՝ տիկին Արուսյահը, օրվա աշխատանքներից հոգնած, մեծ շալը ուսերին քաշած, ուժ էր անում աչքերը բաց պահել և հորանըր զսպել:

Հերյանը աչ ձեռքը մազերի մեջ խոթած, ճահատը հնճոտած, աչքերը թղթերի վրա վազեցնելով, ենթադրյալ առարկությունների պատասխաններ էր տալիս և բարձրաձայն մտածում:

— Այդպես ուրեմն, ասե՛ք նավը արդեն լճի վրա է. շոգիները ճնշման տակ են... Սլենոգկայի ափերից ահա սուլոցը երեք անգամ հընչում է: Գալիս եմ, գալիս եմ... Պտուտակը շրջում է, ջուրը խառնում և ահա որ գնաց...

Նայվածքը ման էր ածում ներկաների դեմքերի վրա, բախտավոր ժպիտ բաժանում և ապա շարունակում:

— Մեկնում ենք... Ափի վրա բազմությունը հարա-հուռա է բարձրացնում, կեցցեներով ողջունում է մեզ և այլն... Անցնում ենք կղզու մոտից: Վանականները թափվել են բլրան վրա, ապշած, հիացած նայում

են... Մոտից նստեա՛ նբանց շրթունքները կամաց սարսուռն են, սաղմոս և աղոթք են փափսում, իսկ նրանց աչքերը մի-մի փարոս են դարձել... Իսկ նավը ուքախ, քաքախ գնում է, քթի սրված դանակով ճեղքում ջրերը, կտրում փոքրիկ ալիքները, ճանապարհ բաց անում... Եվ ահա... մտանք ծովք...

Զվարթը հուզումով դիտում էր Հերյանի բզեքաված դեմքը: Նավապետի աչքերը կայծակաւում էին, համառ ճակատը դուքս էր տնկվում և ամբողջ նրա անձը համակվում էր խոր հավատով:

Զվարթի մարմինը սարսուռն էր և թևերը թուլանում էին: Եթե ծնողները ներկա չլինեին, նա կփաթաթվեր նրան, գլուխը կսեղմեր նրա լայն կրծքին, մազերը կխառներ նրա մազերին և աշտպես կմնար, տաք, ջերմ ավազի վրա փռվող ալիքի նման:

— Եվ ահա մտնում ենք ծովը, — շարունակում էր Հերյանը: — Երկներք, ջրեր, հեռվում փոխաշող ամայի ափեր... Բայց գեռ սպասենք, կարող են առարկություններ լինել: Ի՞նչ եք կարծում, ի՞նչ առարկություն կարող է լինել...

Սպասում էք: Ամենքք սպասում էին:

— Կարող են հարց տալ... Եթե նավը մոտենա ափին, ո՞ւր պետք է կանգ առնի: Այնպես չէ՞. բնական և տրամաբանական հարց է, չէ՞... Մենք այդ մասին արգեն մտածել ենք և կպատասխանենք. ահա նայեցեք, այստեղ, ուղղաճիտական այս քարտեղում ցույց է տրված մի առաջացող վայր... մի շատ փոքրիկ թերակղզի... Այստեղ, մենք կխփենք գերաններ, հողք տառչ կքշենք, քարեր կգլորենք, կամբշտկ կշինենք և նավը կկարողանա մտնել ափին... Հը՞...

— Դե, այդ բաները գառք ավելի լավ եք իմտնում, — համեստ շեշտով պատասխանում էր պարան Աբտեմը, — մարակոյ բաներից մենք շատ չենք հասկանում...

— Ահ, եթե Մանուկս այստեղ լիներ, — հասաչում էր ափին Արուսյակը, — նա կարող էր ձեզ շատ տեղեկություններ տալ... Ահա եթեռա տարի է հանգիստ շունի, մի ճակատից մի ուրիշն է անցնում...

— Մայրիկ ջան, — աւարկում էր Զվարթը, — Մանուկը ցամաքային սպա է, ի՞նչ ես կարծում... Նավային գործերից բան կհասկանա՞մ...

— Հասկանում է, — պնդում էր մայրը, — իմ գաղտնիք, մեռնեմ նրա գլխին, ամեն ինչ հասկանում է...

Հերյանը համբերությամք սպասում էր, որ վերջացնեն, սուպ ջարուհակում էր...

— Հարցը նրանում է, որ ջրի խորությունք ամեն անող չափված չէ... Այդ շատ կարևոր է, ջատա... պատկերացրե՛ք, նավը կարող է քարձրա-

ցած հողերի և նույնիսկ քիթը դուրս նետած հիմար մի ժայռի բախվել և... արի, էջը ցեխից հանի, ինչպես ասում են... Վատ է, վատ: Պետք է խորությունները որոշ տեղերում չափել, քարտեզի վրա անցկացնել, մանավանդ որ լիճ ասվածը ծովի նման չէ, սատարներով է լցված...

— Բա, ասում են լիճը էին է, ծովը՝ տղամարդ... Իսկ կանայք, գիտեք էլի՞... — կատակում էր պարոն Արտեմը:

— Գա էլ նոր բան... Հիմա էլ լիճը կնամարդ դարձրին... էլ բան չի մնում, որ կանանց մասին շասեն, — կես մարած ձայնով բողբոջում էր տիկին Արուսյակը:

— Մայրիկ ջան, հայրիկը կատակ է անում...

— Ես նրա կատակները շատ լավ գիտեմ... Ասում է լիճը սատարներով է լցված, բա՛, ի՞նքը ինչով է լցված, այդ չի ասում...

— Սպասեք, սպասեք, — ձեռքը ճակատին կայցնելով և ձայնը ավելի բարձրացնելով միջամտում էր Հերյանը, — կա մի կարևոր, մի շատ կարևոր հարց...

Այդպես շարունակվում էր մինչև որ պարոն Արտեմի հոգնած աչքերը սկսում էին պիշ-պիշ նայել առանց բան հասկանալու և տիկին Արուսյակի անզսպելի հորանջումները մարում էին Հերյանի ողևորությունը:

— Գե, լավ, մնացածի մասին վաղը կխոսենք...

Ընտանիքը ցրվում էր:

Զվարթը մտնում էր սենյակը, նստում բացված դասագրքերի առաջ և գլուխը ձեռքերի մեջ սեղմած մտածում էր ուրիշ բաների մասին:

Գիշերը և սիրտը արորոզ հուզումները խուժում էին նրա վրա քաղցր ջերմի նման: Մարմինը ձգվում էր, սարսուռ: Աչքերը հրազում էին:

Հերյանը քայլում էր սենյակի մեկ անկյունից մյուսը:

Ուշ էր, քնել չէր կարողանում: Եթե մտներ անկողին, ժամերով կշար-շարվեր: Ատրճանակը գրպանն էր դնում և ոտքի մատներին վրա քայլելով գնում էր դուրս:

Փողոցի խավարը նրան առնում էր իր բազուկների մեջ:

Մենակյաց քայլերը զնգում էին մայթի քարերի վրա: Հեռուն, ինչպես միշտ, անհայտ մարդիկ շարունակաբար գնդակահարում էին գիշերը:

Երբեմն զենքի ձայները այնքան մոտից էին հնչում, որ նա կանգ էր առնում, ձեռքերը բնազդաբար տանում գրպանը, սպասում:

Տների տակը վայր ընկած գաղթականների ծանր շուքերը կամաց շարժվում էին: Խուլ, խեղդված ճիչեր էին լսվում: Կարծես գիշերը՝ շար-շարանքների մեջ գալարվելով, խեղդվում էր:

Զնայած դրան երկինքը վխտում էր աստղերով:

Քանի գնում էր, ջգերը սկսում էին լարվել: Նրան թվում էր, որ նավարկում է անհայտ խավարում, աղաղակներով և գնդակներով լցված մի սև Աֆրիկայում:

Քայլերը արագացնում էր: Կուրծքը ծանրանում էր և միտքը շփոթվում:

Նոր մտած փողոցի անկյունում տնկված գերանի կատարին աղոտ մի լամպար էր արտասվում: Տներին կպած շուքերը սկսում էին շարժվել և սողոսկել:

— Աղա ջան, ողորմություն...

— Աղա ջան, մի թողեք, որ մեռնենք... օգնեք մեզ...

Չնչին լույսի պատճառով բացված այդ գերեզմաններից գալարվող բազուկներ էին դուրս ցցվում, ոսկրատ ձեռքեր երկարում և վար թափված աչքերով դեմքեր դուրս նայում:

Հերյանը շտապում էր անցնել, առանց նայելու:

Երբ համատարած շարիքը բնության կատաղի ավերների նման գառնում է անանուն, այլևս տպավորություն չի թողնում:

Այն գիշերը նա ուզվեց Քաղաքային ակումբ, ուր հույս ուներ հանդիպել մարդկանց, որոնք կարող էին օգտակար լինել իր ձեռնարկի համար:

Քաղաքի բարեկեցիկ դասակարգը ակումբի շենքը գիշել էր հանրապետության նորակազմ խորհրդարանին և տեղափոխվել պատահական այդ վաչրը:

Առաջին անգամն էր, որ Հերյանը ոտք էր դնում այնտեղ:

Ակումբի մուտքի դռան առաջ մի մեծ լամպար էր վառված: Մի ոստիկան հսկում էր ներս մտնողների վրա: Հերյանը ներս մտավ, անցավ բավականին երկար և կես մութ նրբանցքից մի դուռ բացեց և կանգ առավ անորոշության մատնված:

Մուխի, խորովածի, կաշվի և գինու ծանր հոտը նրան ետ մղեց: Կարծես ներս էր մտել ստորերկրյա մի գինետուն: Այնուամենայնիվ, իր զվականքը հաղթահարելով ներս քայլեց և աչքերը կես փակված նայեց: Տեսարանը ամբողջովին քողարկված էր թանձր ծխի պատճառով: Առաջ գնաց: Աչքերը սկսեցին սովորել մթնոլորտին: Դիտեց:

Բավականին մեծ սրահ էր. քիչ ախոռ, քիչ զորահիզ: Սևացած պատերից մի քանի լամպարներ էին կախված և խաշաձևված եռագույն դրոշակներ: Բազմաթիվ սեղանների շուրջը բոլորված մարդիկ թուղթ էին խաղում: Վատ լուսավորության և սովերների պատճառով ներկաների դեմքերը թվում էին ավելի երկարած և դժգունած: Աղոտ

ճրագները թթվածինի նման խածելու փորել էին դիմագծերը: Հաստ շրթունքների շուրջը խոր կնճիռներ էին ձևացրել, այտերը ներս քաշել, քթերը մեծացրել:

Վառ էին փառապատգանքների աչքերը: Այս ու այն կողմ ուղարկող, անհագ, անլույս աչքեր: Նկատեց նաև նրանց ձեռքերը՝ ճկուն, ջղային, գոգգողացող:

Լարված ուշագրությունը խաղաղ էին: Երբեմն աղմկելով վիճաբանում էին, երբեմն տաքանում:

— Քսան միլիոն...

— Հիսուն միլիոն...

Հանրապետության գրամանիշները գլորվում էին անգունք:

Սրահի խորքում, շշերով և օտելիքներով լցված մեծ սեղանի շուրջը բազմաթիվ սպաներ էին նստած: Ուտում-խմում էին առանց ազմուկի և առանց ոգևորության. գրեթե պարտազրկած:

Երբեմն սպաներից մեկը ոտքի էր կանուխում և առաջինն լեզվով ճառ ասում: Պաշտոնական ճառը արտասանելու ժամանակ ճառախոսը գործ էր ածում վառվողն գովաբանական բառեր և ճիգ էր անում, առանց հաջողելու, անկեղծություն և ոգևորություն ցույց տալ: Սեղանի շուրջը նստողները՝ լուրջ, գրեթե տխուր, իրենց պատասաքաղները վայր ցրած ուշագրությունը լսում էին:

Այդ ճառը և հաջորդող ճառերը ուղղված էին սեղանի զլխում նստած փոքրահասակ, սկուկ, գոհունակությամբ լցված շնչին գեմքով մի անձնավորության: Կես զինվորական և կես քաղաքացիական զգեստ հագած այդ մարդուն կոչում էին հրամանատար և հերոս: Եվ ամեն անգամ, որ նրան կոչում էին հրամանատար և հերոս, նրա աչքերը փայլում էին, կտրծքը վեթ էր անկվում և ժպտում էր:

Մոտը նստած, նշաձև մեծ աչքերով, մաստ գեմքով և թրջված շրթունքներով մի կին աչքերը հասում էր նրա վրա և հրճվում:

«Հերոսը» մերթ ընդ մերթ, աչքի տակով նայում էր զանախում նստած փառապատգանքներին, կաթծես ասում էր՝ «Տեսնո՞ւմ եք, լսո՞ւմ եք...»:

Երբ ճառը վերջանում էր, սպաները օտքի էին կանգնում և մեքենական շեշտով հուռա կանչում:

Հետո նստում էին և շարունակում օտակ:

— Տասը միլիոն, քսան միլիոն, — բացակասչում էին փառապողները:

— Հեծեղազորի դիվիզիան սղջունում է քաջարի հրամանատարին, որ...

Հուռա՛, հուռա՛, հուռա՛...

«Հերոսը» տեղից վեր էր թռնում, ուսերը աչ ու ձախ դարձնում, քարկում:

Հերյանը մի վայրկյան դիտեց և ճշշված տպավորության տակ հեռացավ: Սեդանների մոտից աւեցներու ժամանակ զարմանքով նկատեց, որ խաղացողներից ոմանք նայում էին իրեն հետաքրքրված և զարմացած աչքերով: Իրենց հարևանների ակնշիւն ինչ-որ բան էին փսփստում և խորամանկ ժպտում: Անտարահոյս, բարեկամական ժպիտներ չէին: Երբ այդ մի քանի անգամ կրկնեցից, նա չղայնացավ, կանգ առավ, ձեռքերը գրգռանների մեջ դրեց և խիտտ նայվածքը ուղղեց փսփսացողների վրա:

Նկատեցին և իրենց պաղած նայվածքները կհետրոնացրին խաղաթղթերի վրա:

Հերյանը հանգիստ մտն եկաւ, ուշադրութեամբ նայեց և ոչ մի ծանոթի չհանդիպելով այլևս շուգեց ստատել:

Հիվանդոտ, գիշատիչ դեմքերով և անհագ նայվածքներով մարդկանց այդ միջավայրը խեղդիչ էր:

Դուրս գնաց:

Հազիվ դուրս եկավ՝ ամեն կողմից տասնյակ ձեռքեր ևրկարեցին ողորմութիւն խնդրելու համար: Մուտքի լամպարք լուսավորեց երեսները: Պատված, կնճոտած նրեխանների երեսներ, եխհարուկ, սսկոր կորած ձեռքեր:

Մի քանի թղթադրամ նետեց նրանց առաջ:

Հազիվ նետեց, անմիջապես կռիվ և աղմուկ բարձրացավ: Տղաները սկսեցին մեկ մեկի ժեծել: Երբ մեկին հաջողվում էր դրամը հափշտակել, մյուսները հարձակվում էին նրա վրա, ձեռքերը խածում, վայր գցում և միասին գլոր գալով շարունակում կռվել: Թրեշնեք, իրենց ձեռքերը Հերյանին երկարելով, շարունակում էին լալկան ձայնով մուրախ:

Հերյանը հասկացավ, որ եթե շտապ կերպով չհեռանա՝ դժվար պիտի լինի նրանց ձեռքից ազատվել: Ուստի հրեց առաջը կանգնած երեխանների խումբը, արագ քայլեց, ժովեց առաջին հանդիպած փողոցի անկյունը և հետքը կորցնելու համար պատսպարվեց մի դարպասի հաստ պատի հետևում: Գիտեր, որ տղաները պիտի հալածեն նրան և անկարելի պիտի լինի ամենքին գոհացնել:

Մի քանի վայրկյան հազիվ էր անցել և արդեն նրան փնտրում էին:

— Սպասեցեք,— ասաց տղաներից մեկը,— շուտ պահեք փողոցի անկյունը, որ շփախի... Նոր մարդ է երևում... գրպանները լիքը...

Հերյանը զվարճացած նայեց պատի հետևից: Այդ խոսքերը արտասանողը՝ թոքախտից դեղնած, խապոտ ձայնով, կուրծքը ներս ընկած մի երկայնահասակ տղա էր: Նրա ընկերները, որոնց կարելի չէր լավ տեսնել, հրամանը անմիջապես կատարեցին. աջ և ձախ վազեցին և խաչածևուղ փողոցի անկյունները բռնեցին: Ինքը՝ երկայնահասակ տղան, ուրիշների հետ միասին սկսեց խուզարկել գիշերը:

Հերյանը ամբողջ մարմնով կպավ պատին:

Սակայն, մի քանի վայրկյան հետո, ուր, ածիված գլխով մի տղա՝ մուրացկանների, տեսլապաշտների և որսի շների հատուկ բնագոյով՝ հոտ առավ, բոբիկ ոտքի մատերի վրա քայլելով մոտեցավ դարպասին և հենց որ Հերյանին տեսավ, սկսեց աղաղակել.

— էս ա՛, պարոնը էստեղ է, էս ա՛, էստեղ է...

Ամենքը վազեցին նրա կողմը:

Հերյանը թաքստոցից դուրս եկավ և հանգիստ քայլեց: Անտարբեր, իբր թե ոչինչ չի նկատում: Գիտեր սակայն, որ փողոցի այդ տղաները կարող էին խաղ խաղալ գլխին:

Նրանք խմբով գալիս էին նրա հետևից: Աղաչում էին, արտասվում և, միևնույն ժամանակ, աշխատում էին նրա շորս կողմը բուրդվել և ճանապարհը կտրել:

— Պարոն ջան, Հիսուսի խաթեր, մի բան տվեք...

— Աղա ջան, ողորմություն արեք...

— Մի միլիոն: Պարոն, մի միլիոն...

— էլ փող չունեմ,— բողբոջեց Հերյանը:— Եղածը տվեցի... Դև, շուտ հեռացե՛ք... Հեռացեք, ասում եմ ձեզ... ամոթ է...

— Մենք բան չստացանք, աղա ջան, մյուսները վերցրին...

— Վաղը... հիմա փող չունեմ, հասկանո՞ւմ եք...

— Մենք բան չստացանք... Աստված վկա, մենք բան չստացանք...

— Պարոն, մեկ միլիոն ողորմություն արեք...

Արդեն բուրդվել էին նրա շորջը. չէին թողնում, որ քայլի:

— Հեռացե՛ք, ասում եմ ձեզ... հեռացեք...

Հագիվ հագնված, ոտաբոբիկ, հիվանդ աչքերով, խապոտ ձայներով, շուքի վերածված այդ երեխաները համառ կերպով կտրում էին նրա ճամփան, քաշում նրա բաճկոնի ծայրից և գնալով օղակ կապում նրա շորջը:

Քանի գնում էին, այնքան նրանց թիվը ավելանում էր: Մարդ չգիտեր ո՞րտեղից էին դուրս գալիս:

Երբ հասան փողոցի ծայրը և Հերյանը, մթից օգտվելով թեքվեց

և ուզեց անհետանալ, խուժանը սպառնական դիրք բռնեց: Այլևս չի՛ն աղաչում, այլ պահանջում էի՛ն:

— Ավելի լավ է տաս, մեզանից շեռ կարող ազատվել...

Սկսեցին աղմկել, գոռալ, խուլ հայհոյանքներ արձակել:

Կես փլած մի տան առաջով անցնելիս նրանք աշխատեցին Հերյանին հրել ներս: Պարզ էր, հարձակում էին պատրաստում: Մի քանի հոգի բռնել էին նրա թևերից, մինչև ուրիշներ բռունցքները սևեմած նայում էին սպառնացող, գայրացած աչքերով:

— Մարդ աստծու, ասում ենք, մենք շատացանք...

Հերյանը իրեն զգաց թակարդի մեջ: Զգվանք զգաց, ինչ-որ լարժուն բան կպել էր նրա մարմնին և կաշկանդել նրան:

— Հեռացեք, հեռացեք...

— Ավելի լավ է մի բան տաս, ավելի լավ է տաս...

Հերյանը հանկարծ կանգ առավ, ուժեղ շարժումով ձեռքերը ազատեց, մի քանի քայլ ետ ցատկեց և աւորձանակը գրպանից դուրս հանելով, գոռաց.

— Հեռացեք, թե չէ կեղտնեմ...

Խուժանը անակնկալի եկած ետ քաշվեց, մի վայրկյան սպասեց և, տեսնելով, որ չի կրակում, նորից առաջ եկավ:

— Լավ, պարոն, լավ, դե որ եղում եք մեզ սպանել, սպանիր,— կեղծ լալկան ձայնով ասաց բարձրահասակ այն տղան, որ թվում էր մյուսների պահապուրտ— Սպանիր... Որքան խփել էր մի մեծ քաշու-թյուն չէ... Թուրքի յաթաղանից հետո հայ զնդակը մեզ կարող է միայն ազատել... Խփիր...

Մի քանի հոգի սկսեցին բարձրաձայն հեկեկալ:

Հերյանը ատրճանակը վար առավ:

— Ախր, ասում եմ մոտս փող շունեմ... Հալատացեք, վաղը նորից մի բան կտամ...

Խզի խայթ ունեցավ: Դա ի՞նչ որոշում էր, երկխանների վրա ատրճանակ պարզել: Մոտեցավ տղաներին և պատրաստվեց ատրճանակը գրպանը դնել: Հազիվ ուզեց այդ անել, սաստիկ մի ցավ այրեց նրա ձեռքը: Երկու հոգի ատամները մխրճել էին նրա ձեռքի մեջ, մյուսները բռնել էին նրա բազուկը և աշխատում էին տիրանալ ատրճանակին: Ոմանք քաշում էին նրա բաճկոնի ծայրերը, ոմանք էլ փաթաթվել էին ստքերին և ճիգ էին անում նրան վայր գցել:

Տեղի ունեցավ մի խուլ խայթար:

Հերյանը ազատված ձեռքով մի քանի հարված տվեց, աչ ու ձախ խփեց, աքացի զարկավ և հրը ձեռքերը վերջապես ազատեց, ետ քաշ-

վեց և սկսեց կրակել օդում:

հուժանը վայրկենապես ցրվեց:

— Սրիկաներ, սրիկաներ...

Նրան պատասխանեցին քարերի հարվածներով:

Մոտակա տան ապակիները զնգալով թափվեցին: Մի քար դիպավ Հերյանի կրծքին: Վազեց և թեքվեց ուրիշ մի փողոցի անկյունը: Քարերը շարունակեցին վզգալ նրա ափանջների մոտ: Արագ ետ քաշվեց և մտավ խոր ընկած մի տեղ: Քարկոծությունը զնալով ավելի ուժեղացավ: Ատրճանակը գեր բանեց և նորից սկսեց կրակել: Նրան պատասխանեցին բարձր ծիծաղով: Այդ ծիծաղը արձագանքեց փողոցի պարապուժյան մեջ:

Հերյանը ամբողջ մարմնով դողաց:

Ու մի վայրկյան նրան այնպես թվաց, թե ամբողջ այդ քաղաքը, ամբողջ այդ գիշերը և ամբողջ այդ երկիրը, խավարի ծանրության տակ տափակացած այդ տները, ծոված և կուրացած այդ լամպարները, գերաններով զամված այդ դռները, խոնավությունից ուռած այդ պատուհանները, երկչուղոտ լուծությունով լեցված այդ ճանապարհները, ամբողջ այդ աշխարհը, որ ահա նրան շրջապատում էր, վատ երազի նման հռճալով գալարվում էր, հեզնում նրան, հեզնում քուր մարդկանց, հեզնում կյանքը...

— Այդպես է, պետք է ծիծաղել, պետք է ծիծաղել...

Մեկը այդ ասաց և ծիծաղեց:

Հերյանը զարմացած նայեց: Կոնակը մինչև ծնկները ծալած, տձև, փոքրահասակ մի ծերունի էր: Երկար բազուկները կողմ էին նետված թիկրի նման, բարակ ոտքերը թռչունի ոտքերի էին նմանվում: Գլուխը երկար էր, գագաթը տարօրինակ կերպով տափակած: Երբեմն երեսը վեր էր բարձրացնում և ցույց տալիս վերքի նման ճեղքված աչքեր, վայր ընկած շրթունքներով լայն մի բերան, որ միշտ մնում էր բաց:

Հերյանը զարհուրանքով ետ քաշվեց: Մերունին վայր քնկնող բազուկները շոտ ու գլուխը դժվարությամբ վեր բարձրացնելով՝ որսի ետևից վազող թռչունի քայլերով արագ առաջացավ, բոլոցովին մոտեցավ Հերյանին և շարունակեց ծիծաղել:

— Ո՞վ եք դուք... Ի՞նչ եք ուզում,— ասաց Հերյանը և նորից ետ քաշվեց:

— Այնպես,— պատասխանեց էակը,— այնպես... մի քիչ ծիծաղում եմ... Չե՞ք ճանաչում, փողոցում սրինդ ածող մարդն եմ... Ինձ ամեն մարդ ճանաչում է... Հանրապետության սրնգահարն եմ...

Դողողացող ձեռքը տարադժիբքին, պրպտեց և շապկի տակից դուրս հանեց մի փոքրիկ սրինգ:

— Այդպէս ե՞՞մ ծնվեցի... նվազում եմ...

Դեմքը վեր ցցեց և նրա աչքերի մեջ երկու ճերմակ բոցնր փայլփր-
լեցին:

— Նվազում եմ... Աշխարհի բաները, ցավը, վիշտը... նվազեմ
լսե՞ք...

— Չէ՛,— բողբոջեց Հերյանը,— ի սեր աստօ՞՞ն, էս ժամին, ի՞նչ
նվազելու ժամանակ է...

— էս ժամին... Ժամ կա՞... էլ ժամ չկա, էլ գիշեր չկա, ցերեկ
չկա... Կա մի մեծ լաց, մի մեծ ողբ, որ դարձել է գիշեր, որ
դարձել է ցերեկ... Կա մի մեծ լաց, որ դարձել է երգ և մրսելով, հառա-
չելով ման է գալիս աշխարհի վրա և ասում է՝ ինձ նվազիր, ինձ
նվազիր, ինձ նվազիր... Հալա լսե՛ք...

— Չէ՛, խնդրում եմ, չէ՛...

Եվ Հերյանը շուռ եկավ և արագ փախավ:

Նա քանի վաղու՞մ էր, էակը միշտ նրա մտան էր: Խոսում էր, հըռ-
հըռում, գանգատվում:

Այդ տեղեց, մինչև հասավ տուն:

8

Այն օրը, որ նա պիտի մեկնե՞ր Փաթում՝ քամի էր և անձրև:

Ցուրտ և խենթ քամին ավրում էր այդ անձրևը, ցեռում տների
պատերի և տանիքների վրա, ծխնելույզների շուրջը մոմառում, ապա՝
փողոցների անկյուններում ալիք-ալիք ոլորվելով աղմկում էր և հե-
ռանում:

Հերյանը ուրախ էր:

Թեպետ գնացքը պիտի մեկնե՞ր Երեկոյան, բայց նա շատ շուտ
ոտքի էր կանգնել: Հին պայուսակը սեղանի վրա բացած մի քանի
անգամ դարսել էր իրեքը, նորից պարսել, նորից դարսել, ապա ման
եկել սենյակի մի անկյունից մյուսը, հազար ու մի ժտքերով տարված:
Ուրախ էր, անհամբեր, մտատանջ:

Ուրախ էր, որ վերջապես պիտի մեկնի, մտատանջ էր այն բոլոր
դժվարութիւնների պատճառով, որոնք սպասում էին իրեն: Համենայն
դեպս, սեփական ձեռքերով ստեղծած դրամայի առաջին գործողութիւնը
վերջանալու վրա էր: Այլևս հոգնած էր անդադրում վազվզելուց պա-
տահասկան վահարատիներով և պատահական մարդկանցով լցված
գրասենյակից գրասենյակ: Հոգնած էր պետական անկայուն պաշտոն-
ների կոչված և գործից անտեղյակ նախկին վարժապետներից, ուսա-

նողներից, գրագիրներին: Ամեն տեղ հնացած սեղաններ՝ կանաչ կտավի կտորներով ծածկված, ճոճվող աթոռներ, կես փլած այլանդակ բազկաթոռներ, հազվագյուտ գրամեքենաների առաջ նստած շատախոս ու կտորատվող աղջիկներ և մինած հոնքերով, դանդաղ շարժումներով ու փակ նայվածքներով անձնավորութուններ:

Խեղդիչ ծխով և բղավող ձայներով լցված այդ գրասենյակներից նա սկսել էր զզվել, երբ մի օր, կողմնակի փողոցից անցնելիս՝ ցածլիկ և աննշան մի շենքի առաջ, որի դռան մոտ կանգնած էին երկու պինձված պահակներ, նա հանդիպեց մի հին ծանոթի:

— Տո, ո՞ւմ եմ տեսնում,— բացականչեց նա զարմացած:— Դու, Պերոնյան, այստե՞ղ... Ո՞նց է որ մինչև հիմա չեմ հանդիպել սիրելի դերասանին...

— Ինչ դերասան, ինչ բան,— պատասխանեց մյուսը տխուր ժպիտը երեսին:

Պերոնյանը քառասունին մոտեցող, լայնուս, երկայնահասակ, մեծ գլխով, մսոտ դեմքով և արջի քայլածքով մի մարդ էր. Կլոր քիթ ուներ, ուժգին փորված դիմադժեր և խուլ, անդնդային ձայն: Բեմի վրա նա խաղում էր արքայների և ազնիվ հայրերի դերեր, կյանքում՝ նրա միակ առաքինությունն էր լավ ուտել և լավ խմել:

Բարի բնավորության մարդ էր և լավ ընկեր:

— Այս պայմաններում ինչ թատրոն,— շարունակեց նա,— Ողբերգությունները բեմի վրայից իջել են և բռնել կյանքի ասպարեզը... Մթնոլորտը լցված է վառողով, համատարած թշվառությամբ և քաղաքական զարմանազան դեպքերով... Մեր համեստ թատերական դահլիճը վեր է ածվել պառլամենտի, ուր գավառներից եկած անհայտ մարդիկ շեքսպիրյան ճառեր են արտասանում, մինչև նա, ամեն ինչ մի կողմ եմ դրել և ծառայում եմ նորակազմ հանրապետության...

Հառաչեց:

— Սառայում ես հանրապետության... Ասա տեսնեմ, ի՞նչ ես անում,— հետաքրքրվեց Հերյանը:

— Ա՛յ, տեսնո՞ւմ ես այդ շենքը, որտեղ կանգնած են զինվորները...

— Տեսնում եմ...

— Նրա կառավարիչն եմ:

— Իսկ ի՞նչ ես կառավարում...

— Եղբայր,— ասաց Պերոնյանը շփոթվելով,— ինչպե՞ս բացատրեմ... Այդ ողորմելի շենքում մի հին տպարան կար, ուր ժամանակին հայտարարություններ, փոքրիկ զավեշտներ և օրացույցներ էին տրվա-

վում, իսկ հիմա... չլախես... հիմա պետութունը վերցրել է և տպում է հանրապետության փողերը...

Ասաց, կարմրեց և սկսեց հռհռալ:

— Եվ ողբալին այն է,— շարունակեց նա,— որ դրամանիշները տպելու համար թուղթ չկա... Պատկերացրու, այո՛, թուղթ չկա... Երկու օր է տանջվում եմ, մտածում, մտածում... Այդ անպիտան մեքենան... ուտում է... ուղղակի մի ածղահա... Չի բավում էլի: Ֆինանսների նախարարութունը անդադար նոր սերիաներ է պահանջում. միլիոններ, միլիոններ, միլիոններ... Հիմա այն օրին ենք հասել, որ թուղթը ավելի է արժու, քան նրա վրա տպած գումարը... Երկու մարդ եմ զրկել Քիֆլիս թուղթ ճարելու համար, բայց այնտեղ էլ... վրացական կառավարութունը արգելել է արտահանումը, ինքն էլ տպում է ու տպում... Ճահահատյալ անձամբ եմ գնում, ամեն կերպ կաշխատեմ ծածուկ ճարել... Ընդհանր չկարողացավ ծիծաղը զսպել:

Պերոնյանը նրան նայեց տխուր աչքերով, հազաց և ինքն էլ սկսեց ծիծաղել:

— Մարդ չգիտի՝ ծիծաղի, թե լաց լինի...

— Այնպիսի ժամանակներում ենք ապրում,— լրջանալով պատասխանեց Հերյանը,— որ եթե մարդ սկսի լաց լինել, էլ երբեք կանգ չի առնի... Ավելի լավ է գնանք մի տեղ և զրուցենք:

— Հարցը նրանում է, որ կառավարութայն նախագահի հետ ժամադրութուն ունեմ:

— Նախագահի՞ հետ,— հետաքրքրվեց Հերյանը:— Եթե ես էլ կարողանայի նրան տեսնել... եղբայր, ուղղակի չարչարանք է...

Եվ Պերոնյանի թեւ առնելով քայլեց: Նա արագ-արագ նրան պատմեց իր ծրագրի և հանդիպած դժվարութունների մասին:

Կես ժամ հետո նախագահի մոտն էին:

Փոքրահասակ, ժիր, ճերմակ մորուքով և ծխախոտից դեղնած բեղերով մի մարդ էր: Ուշադրութամբ լսեց և հարցուփորձ արավ:

Մտածեց, ծխեց, նորից մտածեց: Եվ քարտուղարին՝ Բաթումի հյուպատոսին ուղղված մի հանձնարարական նամակ թելադրեց:

— Սրանից ավելին չեմ կարող անել,— ասաց նա ձեռքերը դեպի երկինք բարձրացնելով:— Հաջողութուն եմ ցանկանում...

— Տեսա՞ր,— բացականչեց Պերոնյանը, երբ գրասենյակից դուրս եկան,— քեզ համար ավելի հեշտ պիտի լինի նավ ճարել, քան ինձ համար թուղթ... Վաղը ես մեկնում եմ Քիֆլիս...

— Ես էլ վաղը մեկնում եմ Բաթում:

— Լավ: Ծանապարհի կեսը միասին կլինենք...

Հուզումից ամբողջ գիշեր չէր կարողացել քնել:

Պիտի վերադառնար Բաթում, պիտի վերատեսներ նավահանգիստը, հին ծանոթներին, հին բարեկամներին և իր նավթատարը...

Պիտի տեսներ Դաշենկային:

Դաշենկան... Իսկ Զվարթը... Մեկը կապված էր ծովի հետ: Կայնատարած բացը, շոգենավերի սուլոցը, մեքենաների աղմուկը, մեկնումի վայրկյանների ջերմը... Մյուսը լիճն էր: Կապույտ աչքերով երկնքին նայող մենակությունը, լեռների մեջ փակված մտերիմ չքնադուխտներ, երկու հազար ոտք վեր ցցված տեսիլքը...

Անկողնի վրա նստած սպասեց լուսաբացին:

Հիմա անհամբեր էր:

Պատուհանը բաց արեց և նայեց դուրս: Պաղ քամի՞ն մտրակեց նրա հրեսը: Զյունի եղանակ էր:

Քայլեց:

Զէր սիրում սպասել: Իսկ պետք էր սպասել մինչև երեկո: Գնացքը մեկնում էր օրը մի քանի անգամ և դեռ պատահում էր, որ բնավ չէր մեկնում: Երբեմն էլ մեկնում էր և տեղ չէր հասնում:

Ամեն ինչ պատահական էր:

Սուլեց, երգեց, քայլեց և վերջապես սրռչեց գնալ Զվարթին դռպրոցից վերցնել: Անձրևը դադարել էր: Երկինքը փակ էր և մռայլ: Քամի էր: Երկայն շնչով քամի, գրկող, տրորող, խածնող:

Քաղաքի կենտրոնում գրեթե մարդ չկար: Հազվագյուտ անցորդներ՝ օձիքը և ուսերը վեր առած, շտապ անցնում էին պատերին քսվելով: Գաղթականները կուտակվել էին տների դարպասների ներսը: Մեկը մյուսի վրա ընկած նրանք նմանվում էին խոշորացույցի տակ դիտված, անշափ մեծացրած միջատներին: Փողոցների անկյուններում ոմանք խարույկներ էին վառել և շուրջը պլպլել:

Ի՞նչ պիտի անեին այդ խեղճերը, երբ իսկական սառնամանիքը սկսվեր: Հիմա իսկ, ամեն օր, շատերը մեռնում էին: Ամեն առավոտ, լուսաբացի մոտ սայլեր էին գալիս և փողոցներում ընկած դիակները հավաքում: Հերյանը մի քանի անգամ այդ սրտաճմլիկ տեսարաններին ներկա էր գտնվել: Սայլ նետելուց առաջ դիակները մերկացնում էին: Հաճախ, կոիվներ էին տեղի ունենում նրանց ցնցոտիներին տիրանալու համար: Սայլը գնալով ծանրաբեռնվում էր. մեկը մյուսի վրա դիղված մերկ մարմիններ, դուրս ցցված դեղնած ոտքեր և ձեռքեր...

Հերյանը արագացրեց քայլերը և դեմքը քսեց քամուն:

Երբ հասավ դպրոցի շենքի մոտ, աշակերտների ձայները պայթե-

ցին ուումբի նման: Անհամբեր աչքերով պրպտեց փողոցը: Վարի դասարաններն էին: Զվարթը շկար:

— Ութերորդ դասարանը դուրս եկե՞լ է,— հարցրեց նա մոտից անցնող դպրոցականին:

— Չէ,— պատասխանեց նա, քիթը վեր առնելով և աչքերը բացխլուփելով,— դեռ դասի են... Իմ քույրը Զվարթի դասարանում է...— Ասաց և փախավ:

Հերյանը պտտարաստված էր վերադառնալ, երբ տեսավ դեպի իրեն վազող Զվարթին:

— Ճղեցի, դասարանից ճղեցի,— գոռաց նա հեռվից:— Այսօր մեկնում եք... քիչ ժամանակ բանենք...

Ցրտից և հուզումից այտերը կարմրել էին:

Մտավ Հերյանի թևը և պինդ սեղմվեց:

— Չեմ կարող պատկերացնել, որ քեզ պիտի թողնեմ,— ասաց Հերյանը, նրա լայնացած և միամիտ աչքերի մեջ նայելով:— Դժվար է նույնիսկ ժամանակավոր կերպով քեզանից բաժանվելը...

Քայլեցին:

— Գնում եմ մեզ համար, մեր հաղթանակի համար... Ա՛հ, Զվարթ ջան, եթե հաջողեմ, եթե հաջողեմ...

Զվարթը երկու ձեռքերը ոլորեց նրա թևին և ամբողջ ուժով սեղմեց:

— Գարունը գա, վերջին քննությունները հանձնեմ... Մինչ այդ, դու էլ կվերադառնաս... նրա հետ...

— Ո՞ւմ հետ:

— Ո՞ւմ հետ, նավի հետ: Մեր նավի հետ: Մինչև այն ժամանակ ես կլինեմ ազատ քաղաքացի: Համալսարանի ուսանող... Միայն թե, տեր աստված, նոր դեպքեր չպատահեն...

— Ի՞նչ դեպքեր կարող են պատահել:

— Ո՞վ է իմանում: Մեր երկիրը կրակով և մրրիկով է լցված: Արյունով կախարդված ժամանակաշրջան է: Այսօր դպրոցում խոսում էին պատերազմի մասին: Կարծես քիչ պատերազմներ տեսանք... քանի տարի է կռվում ենք. ժողովուրդը ուղղակի ուժասպառ է եղել...

— Այդ մասին Պերոնյանին հարցուփորձ կանեմ. նա ամեն բանի տեղյակ է: Երեկոյան գալու է ինձ մոտ երկու զինվորների ընկերակցությամբ... Չեմ կարծում բան պատահի, բայց եթե պատահի, լավ իմացիր, անմիջապես կվերադառնամ... Եկ խոսենք ուրիշ բաների մասին. ուզո՞ւմ ես:

— Հավ...

Բախտավոր էին և տխուր:

— Ո՞ր ենք գնում,— հարցրեց Հերյանը:— Տո՛ւն:

— Չէ, տուն չէ,— բողոքեց Զվարթը:— Գնանք բուլվար:

— Բուլվա՞ր, էս եղանակին...

— Գիտես, աշնան քամու գանգատը ծառերի մեջ, բարդիների հառաչող մենակությունը, և հետո այս եղանակին ոչ ոք չի լինի այնտեղ... այլ միայն քամի, ծառերի շվվոց և կլինենք մենք...

— Իսկական բանաստեղծուհի ես...

— Ես սիրում եմ մեր երկիրը: Աղքատ, թշվառ, ողբերգական: Չեմ դավաճանի ոչ այս թշվառությունը և ոչ այս գեղեցկությունը... Ահա, աշունը կանցնի և կսկսի ձյուն գալ. ձյունի տակ աշխարհը փոխվում է, կարծես երկինքը իջնում է վայր և ճերմակ թևերով ամեն ինչ գրկում...

— Բաթումում միշտ արև է, երբ անձրև չկա: Իսկ երբ անձրևում է, վերջ շունի: Այսպես կոչված բարեխառն վայրերը միշտ էլ փոփոխական են անառակ կանանց նման... չի կարելի վստահել... Չէ, ես նախընտրում եմ մեր խիստ, կայտառ և աղնիվ այս եղանակը...

— Դե, շուտ վերադարձիր և վայելենք մեր ձմեռը:

— Դա ինձանից չի կախված: Նավ գտնել, գնել, բարձել վագոնների վրա, բերել Հայաստանի սահմաններից ներս և սպասել գարնան, վեր տանելու համար... Երբ մտածում եմ, վախը ինձ բռնում է...

— Վախ, այդ քեզանից չէի սպասում...

— Դե, պետք է վախենալ եռանդը սրելու համար:

Երբ հասան բուլվար, զարմանքով տեսան, որ պարտեզը պարապ չէր: Խումբ-խումբ մարդիկ, ինչպես միշտ, խոսում, վիճում էին:

— Եթե այդպես է,— ասաց Զվարթը,— ավելի լավ է գնանք:

— Չէ, սպասիր, լսենք ինչ են ասում... Բուլվարը Երևանի ժողովրդի շերմաշափն է...

Կանգնեցին. լսեցին:

— Չեմ հասկանում,— ասում էր տարիքավոր, կարճահասակ մի մարդ,— չեմ հասկանում, ի՞նչ կարիք կա ամեն բան սև տեսնել... Փարիզի մեր պատվիրակությունից նամակ է ստացվել. ասում է, Վիլսոնը հայտարարել է, որ հայկական նահանգների ազատագրումը օրերի հարց է և ինքը՝ Վիլսոնը սահմանների խնդիրը անձամբ կլուծի... Թուրք զահիճները կպատժվեն, կողոպտված հարստությունները կվերադարձվեն, և Ամերիկան իր հովանավորության տակ կառնի Հայաստանը: Դաշնակից պետությունները խոստացել են... հանդիսավոր կերպով և իրենց խոստումը կկատարեն. այդ մասին կասկած չի կարող լինել: Պատկերացրեք, Ամերիկայի նման մի երկիր...

— Դե այդքան արյունը զուր չի հոսել խոմ...

— Երբ պետութիւնները հայտարարում են՝ կատարում են...

Մարդիկ լսում էին և հավատում: Այդքան սարսափներից և դառնութիւններից հետո նրանք պետք ունեին հավատի իրենց ապրելու կարողութիւնը պահելու համար: Վառ քնարերգութիւնը ուռեցնում էր նրանց սրտերը և կրակե դրոշակներով զարդարում նրանց հույսերը:

— Ձէ, այդքան արյուն, այդքան զոհարերութիւն իզուր չի կարող կորչել...

Քամին ծառերի մեջ աղմկում էր...

Պառլամենտի շենքի վրա կախված եռագույնը անհանգիստ ծփում էր:

— Դե, գնանք,— առաջարկեց Զվարթը,— միշտ նույն բաների մասին են խոսում:

— Այն խմբին էլ լսենք, հետաքրքրական է...

Կենտրոնական ծառուղու ծայրին բազմաթիվ մի խումբ էր կանգնած: Իմացվեց, որ վեճի էին բռնվել Հյուսիսային Կովկասից եկած մի քանի անձնավորութիւններ: Նրանցից մեկը՝ երկայնահասակ, ներս ընկած աչքերով, նիհար, ջղային, ջերմ և համոզիչ ձայնով մի մարդ էր: Նա օձիքը վեր բարձրացրած և ձեռքերը զրպանը դրած խոսում էր աչքերը երկնքին սևեռելով, համոզված շեշտով:

— Ախր, պատմութիւնը մեզ ոչինչ չի սովորեցրել, ոչինչ չի սովորեցրել... Մենք ծամում ենք այն հաշիշը, որ ուրիշները գցում են մեր առաջ... Ե՛րբ պիտի հասկանանք, որ այսպես կոչված մեծ պետութիւնները, շնայած իրենց գեղեցիկ հայտարարութիւններին, շնաբար խաբում են մեզ: Նրանք մեզ դավաճանել են անցյալում և կշարունակեն դավաճանել... Տո, մոռացա՞ք Զեյթունը, մոռացա՞ք 95-ի կոտորածները, մոռացա՞ք Ադանան... Տեսե՛ք, ինչ է անցնում Կիլիկիայում, Փրանսիացիները գնեքերը ուղղում են մեր կամավորների վրա, որոնք կովեցին իրենց հետ և նպաստեցին հաղթութեան... Փրանսիացի զրոյներից շատերը սկսել են գովաբանել թուրքերին: Նրանց հարեմները, սուլթանը, բռնութիւնը: Եվ հայհույում են մեզ, որովհետև տիմարութիւն ունեցանք իրենց սուտ սկզբունքների համար զոհել մեր ժողովրդի մեկ երրորդը... Եվ դա, այսօր, երբ հաշտութիւնը դեռ չէ կնքված, երբ պատերազմի դաշտերում դիակները դեռ պառկած են անթաղ, երբ վառված հրդեհները դեռ ծխում են... Կարո՞ղ եք պատկերացնել ինչ կկատարվի վաղը, երբ դեպքերը մոռացվեն և մարդիկ հոգնեն և ուզեն ամեն ինչ մոռանալ... Լավ իմացեք, մեզ կծախեն, կդավաճանեն և նույնիսկ կմրտեն... Ինչ ուզում էք ասեք, մեր միակ փրկութիւնը Ռուսաստանն է...

— Սպասիր, սպասիր...

Հակաճառողը շարժուն, անհամբեր, զայրացած աչքերը դեսուդեն ուրորող մի անձնավորութիւն էր: Խոսում էր խզված ձայնով, ամբողջ մարմինը հտ ու առաջ երեւալով:

— Ռուսաստան... ո՞ր Ռուսաստանը... էն, որ Նիկոլայ Նիկոլաե-վիչի օրով ուզում էր Հայաստանը կազակների գաղութներով լցնե՞լ, թե էն Ռուսաստանը, որ քեզ հետ տեսանք Կիսլովոդսկում, Պլյատիգորսկում, Եկատերինոգարում...

— Ոճրագործներին սպանելը և գողերին թալանելը ոճիր չէ, այլ սրբազան պարտականութիւն,— պատասխանում էր մյուսը:— Հեղա-փոխութիւնը պարտավոր է անողոք լինել, թշնամիների և պորտաբույծ-ների նկատմամբ, թե չէ ի՞նչ հեղափոխութիւն... Երբ մրրիկը մոտենում է, մոնչալով անցնում, մարդ կոտրած կուժի մասին չի մտածում... Պետք է հասկանանք, աշխարհը փոխվում է. հինը քանդվում է, որ-պեսզի նորի համար հող պատրաստվի... Մենք մոռանում ենք մեր պատ-մութիւնը... Դարեր առաջ, հանուն մի նոր վարդապետութեան, վերի հրամանով, մեր իսկ գործերը եկան և հենց այս վայրում, որտեղ կանգ-նած ենք, ամեն ինչ քանդեցին, այրեցին... Փանդեցին մեր մեհյան-ները, վայր նետեցին քուրմերին, սպանեցին մոզերին, տակնուվրա արին հինավուրց, հարուստ մեր մշակույթը և մեր ժողովրդին պարտա-դրեցին օտար լեզվով քարոզված մի վարդապետութիւն... Եվ հանուն այդ օտար վարդապետութեան մեր ազգը դարերով պայքարեց, անհա-մար զոհեր տվեց, արյուն թափեց և վտանգեց իր ֆիզիկական գոյու-թիւնը... Իսկ այդ քրիստոնեութիւնը, որի համար դարերով կովկեցիք, դուրս եկավ մի զավեշտ... Նայեցեք քրիստոնյա Եվրոպային. ինչ ողոր-մելի տեսարան... Չէ, մենք կմիանանք՝ նրանց, ովքեր ուզում են այս կեղեքող աշխարհը փոխել... Տապալենք նրանց, ովքեր մեզ դավա-ճանեցին, շահագործեցին մեր լավագույն զգացմունքները, ժախեցին մեզ, խաբեցին և թափած արյունը առևտրական շահի վերածեցին...

Այդ բառերի դեմ ոչ ոք չառարկեց:

— Դե, ճիշտ է ասում էլի,— փսփսաց Զվարթը:— Եթե Ռուսաս-տանի հետ խզենք մեր հարաբերութիւնները, ո՞ւմ հետ պիտի միա-նանք... էնքան մենակ ենք...

— Կարելի՞ է մի խոսք ասել,— դիմեց Հերյանը ճառախոսին:

Եվ, հանկարծ, աստուիկ հուզվեց: Արյունը գլխին խուժեց և մո-ռացավ այն, ինչ ուզում էր ասել: Եփոթվեց այդքան մարդկանց և Զվարթի ներկայութիւնից: Կարմրեց և բերանը բաց արած նայեց շորս կողմը:

— Ասում եմ...

Շապկան ուժով քաշեց հոնքերի վրա: Ինքը իր դեմ զայրացավ, որ այդպես, երեխի նման կանգնել էր և ոչինչ չէր կարողանում ասել:

— Եվ նախ և առաջ, — հանկարծ գոռաց նա, — այդ բոլոր մեծ պետություններին էլ:

Հայհոյեց:

Երբ հայհոյեց, միտքը պարզվեց և հիշեց այն, ինչ ուզում էր ասել:

— Էլ բավական է, — շարունակեց նա: — Էլ բավական է ուրիշների վրա դնել մեր հույսերը... Դարերով մեզ քնացրել են... Դարերով մեզ ասել են, որ քրիստոնյա աշխարհը գալու է անհավատների ձեռքից մեզ ազատելու... Արևմուտքը գալու է, ֆրանկները գալու են թուրքերին պատժելու... Այդպես ասել են և հայ ժողովրդին օրորել, կուրացրել... Ուղղակի զարմանում եմ, որ այսօր էլ դեռ շարունակում ենք կրկնել նույն բաները... Կրկնում ենք նույն բաները շնայած դեպքերին, հուսախաբու-թյուններին, անհամար զոհերին... Սպասում ենք Ամերիկային, սպասում ենք Ֆրանսիային...

— Չսպասենք, ի՞նչ անենք, — հարցրեց մոտը կանգնած մեկը:

— Ես ասում եմ, որ եթե ուզում ենք ազատ հայրենիք՝ պետք է նրան ստեղծել մեր սեփական ձեռքերով: Աշխարհը անողոք կովի գաշտ է, փոթորկված ծով և պետք է մեր բոլոր աւժերը միացնենք և մեր իրավունքները պաշտպանենք... Ես ծովի մարդ եմ. երբ օվկիանոսի վրա քամիները ոռնում են, լեռան նման ալիքները վեր բարձրացնում և սպառնում, նավապետը և նրա մարդիկ ուրիշների օգնության խոմ չե՞ն սպասում, այլ ճիգ են անում նավը այնպես դեկավարել, որ չընկղմվի... Մեր երկիրը նավ է. ուժ պետք է, խելք և կամք պետք է, մեր սեփական միջոցներով նավը տեղ հասցնել...

— Ասում եք կովել, — միջամտեց Ռուսաստանից եկած մարդը, — մինչև հիմա չե՞նք կովել, ի՞նչ ենք արել: Ահա շորս տարի է արյուն ենք թափում, պատերազմի բոլոր դաշտերում կովում, և հիմա, երբ հաղթանակի ժամը եկել է, մեր այսպես կոչված զինակից պետությունները՝ գայլ դարձած, երկիրները բաժանում են իրենց մեջ, իսկ մենք կանգնել ենք նոր վտանգների առաջ...

— Ուրեմն, նշանակում է, որ կոիվը դեռ չի վերջացել, շարունակվում է...

— Շարունակում ենք, բա, չե՞նք շարունակում...

— Առայժմ բավականանանք մեր ունեցածով... — շարունակեց Հերյանը: — Ամրապնդենք այն, ինչ ունենք... Ժողովրդի մեծությունը հո-

դերի մեծութունից խոմ չի կախված, փոքրիկ հայրենիքները կարող են մեծ հրաշքներ կատարել...

Բազմության միջից բողոքի ձայներ լսվեցին: Մի երիտասարդ առաջացավ և բարկացած ձայնով հակաճառեց:

— Այդ, կներեք, այդ չէ,— ասաց նա հուզված ձայնով:— Մենք չենք կարող թշնամիների ձեռքին թողնել այն հողերը, որտեղ թաղված են մեր նախնիները, մեր ծնողները, մեր մարտիրոսները... դրանով արդարացրած կլինենք մարդասպաններին... Չէ, այդ չէ... Դուք, կովկասահայերդ այդ չեք կարող հասկանալ, որովհետև դուք չեք տեսել, չեք ապրել այն, ինչ տեսել և ապրել ենք մենք... Իմ հայրս, մայրս, իմ եղբայրներս և ազգականներս ամենքն էլ այնտեղ անգերելման փոված են և սպասում են արդարության...

Երիտասարդը քերում էր վերքը, որ բոլորի սրտի վրա էր:

— Անշուշտ, այդ այդպես է,— մտածկոտ ձայնով պատասխանեց Հերյանը:— Ես էլ կուզենայի ամբողջ երկրի ազատագրումը, բայց, բարեկամ, զգացումով հայրենիք և պետութուն չի ստեղծվում...

— Եթե զգացումով հայրենիք չի ստեղծվում,— նորից բողոքեց երիտասարդը,— ապա ինչո՞վ է ստեղծվում... Եթե հայրենի հողերի ներշնչած սերը և լույսը հողիները չի լուսավորում, ո՞ր հիմարն իր կյանքը կզոհի այդ հողերը պաշտպանելու կամ ազատագրելու համար...

Ռուսաստանից եկած մարդը համբերությամբ լսելուց հետո սկսեց խոսել տնտեսական ազդակների մասին: Մեջ բերեց Մարքսին և էնգելսին, տվեց լենինի անունը և աշխատեց ասածները հիմնավորել, ինչպես նա ասում էր, գիտական տվյալներով:

— Այս վիճաբանությունը կարող է դեռ երկար շարունակվել, Զըվարթ ջան,— կամացուկ ասաց Հերյանը,— ավելի լավ է գնանք. շատ ժամանակ չկա...

— Այո, գնանք,— համաձայնվեց Զվարթը:— Գիտե՞ս, Ռուսաստանից եկած այդ մարդը բավականին պատրաստված և լուրջ մարդ է երևում...

— Կարող է... երևի պրոպագանդիստ է...

Հետո գնացին: Ման եկան, խոսեցին առանց խոսելու: Եվ քամին, որ խիստ էր և պաղ, նրանց թվաց հաճելի, և փողոցները, որ դատարկ էին և մռայլ, նրանց թվացին մտերիմ և բարեկամական:

Երկուսն էլ այնքան բաներ էին ուզում ասել, որ չէին ասում: Գնում էին մեկ մեկի սեղմված, հնչուն և հառաչող սրտերով, երազկոտ և անուշ շերմով լցված ձեռքերով:

— Այդ մարդիկը ցրտում կանգնած դեռ վիճում են,— ասաց Հեր-

յանը,— անհանգիստ, մտահոգ, իրենց երկրով անոթի... Գիտե՞ս, հիմա սիրում եմ այս մեր աղքատ երկրի ամեն քարը:

— Չար:

— Ինչո՞ւ:

Զվարթը գլուխը սեղմեց նրա ուսին և ոչինչ չպատասխանեց:

Փողոցը թեքվելու ժամանակ ուժեղ քամի փչեց և սուլելով փաթաթվեց նրանց: Եվ երբ նրանց փաթաթեց հրող և կուրացնող իր ալիքի մեջ, Հերյանի բազուկները պինդ ոլորվեցին Զվարթի ուսերի շուրջը և նրա շրթները կպան Զվարթի շրթներին:

Ապա, թև թևի տված, սարսոռող իրենց մարմիններով մաքառելով քամու դեմ, նրանք ուրախ, հարբած այգբան լիությունից, վերադարձան ետ և շարունակեցին աննպատակ քայլել:

— Սպասիր,— ասաց Հերյանը հանկարծ կանգ առնելով,— չմոռանամ... Մի քիչ բան վերցնենք ճամփորդության համար...

— Դե, գնանք:

Մտան խանութները և գնումներ կատարեցին:

— Զարմանալի երկիր է մեր այս երկիրը,— նկատեց Հերյանը,— հաց ասես չի ճարվում, բայց իշխան ձուկ, իկրա, շամպայն, կոնյակ, գինի ինչքան ուզես: Թագավորական սեղանի նրբություններ և սև թըշվառություն...

— Ա՛յ, տեսնո՞ւմ ես, ձուկը գալիս է քո Սևանից,— կատակեց Զվարթը:

— Այդ մասին խնդրում եմ իսկի կատակ չանել...

Կանգնեց և երազկոտ աչքերով նայեց հեռուն:

— Դու պատկերացնում ես ինչ կլինե՞ր ժայռերի այս աշխարհը, եթե Սևանը չլիներ... Մտածիր. երկու հազար մետր ծովից բարձր, լեռների կատարին թառած այդ լիճը լավագույն գանձն է, որ մեր երկիրն ունի... Զուր կտրած երկնքի մի կտոր... Չնայած սիբիրյան ցրտին, երբեք ամբողջապես չի սառչում, որպեսզի մարդիկ նրա առատ սեղանից օգտվեն ողջ տարին: Եվ ի՞նչ կլինե՞ին վարի դաշտերը առանց նրան... Չէին բուսնի մեր վաթսուն տեսակ խաղողները, մեր հյութեղ դեղձերը, ոսկե հեղուկով լցված մեր ծիրանները, սալորը, խնձորը, նուշը... Նա է, չէ՞, Սևանն է, չէ՞, որ իր ափի մի ծայրը կամաց բաց է անում և զնգացող, ուրախ Զանգուլին ուղարկում դեպի Արարատյան դաշտը... Նա շոգիանում է և անձրևների միջոցով տարածվում ամեն տեղ...

— Այնպես ես խոսում լճի մասին, որ սկսեցի նախանձել:

— Չե՞ս հասկանում, լիճը և դու ինձ համար ընդմիշտ կապված

եք... Ես ձեզ գտել եմ միասին, նույն օրը, և ձեզ սիրեցի: Շատ: Սրտիս խորքից, մարմնով, հոգով... Եվ եթե,— ավելացրեց նա, Զվարթի աչքերի մեջ լուրջ նայելով,— եթե մի օր մեկին կորցնեմ, մյուսին էլ կկորցնեմ: Հասկանո՞ւմ ես...

— Մի քիչ բարդ է... Զգում եմ ավելի, քան հասկանում եմ:

— Մի օր կհասեանաս... Զարմանալի բան է մեր այս կյանքը... Միշտ անբավական, միշտ անհանգիստ, հազար ու մի գործ ենք սկսում, պայքարում, շարշարվում, երբեմն բոլորովին աննշան բաների համար տանջվում, վազում կրկներևույթների հետևից... զոհվում... Իսկ ինչո՞ւ... Ուզում ենք վերագտնել մենք մեզ... Վերագտնել մեր լիությունը, որ մերն էր և այլևս մերը չէ... Կյանքը այս է. կյանքի միջոցով վերաստեղծել մեր ամբողջությունը: Մենակության ժամերին, ծովի վրա, այդ հարցերի մասին շատ եմ մտածել... Գիտես, մենակությունը լավ դպրոց է...

Ասաց և շփոթվեց: Իր շփոթությունը ծածկելու համար բարձր ծիծաղեց:

Զվարթը իր գլուխը սեղմեց նրա ուսին:

— Շատ լավ բաներ գիտես,— ասաց նա,— որ ես չգիտեմ: Սպասիր, մի օր ես էլ կիմանամ:

— Միասին կիմանանք: Չէ՞:

— Դե, իհարկե, միասին...



Տան փողոցում հանդիպեցին Պերոնյանին:

— Տո, քեզ եմ փնտրում,— զոռաց նա հեռվից:

— Խեր լինի, ի՞նչ կա...

— Պարզապես ուզում եմ իմանալ, թե այս երեկո մեկնո՞ւմ ենք...

— Ինչպե՞ս թե մեկնում ենք...— զարմացավ Հերյանը:— Կազմ և պատրաստ սպասում եմ:

— Մի բան կա, որի մասին նախընտրում եմ խոսել ներսը: Վատ տեղեկություններ ստացանք:

— Եթե վտանգ կա,— միջամտեց Զվարթը, աչքերը լայն բանալով,— պետք չէ մեկնել:

— Իսկի բան չկա, իսկի բան չկա,— հանգստացրեց նրան Հերյանը, տուն մտնելով:— Եթե մի բան թույլ տաս... Պետական գաղտնիք է...

— Գիտե՞ս որ, Ուլուխանլուից հետո, երկաթուղագծի երկայնքին թրքարնակ որոշ վայրեր կան...

— Գիտեմ:

— Եղբայր, մերոնց կատարած կողոպուտները գրգռել են նրանց...

— Ի՞նչ է, ապատամբե՞լ են...

— Այդպես են ասում: Հարձակվում են անցնող գնացքների վրա... Այս առավոտ հասած ճանապարհորդներից մի քանի հոգի վիրավորվել են և երկու սպանվածներ էլ կան... Հենց որ իմացա, ուզեցի քեզ հաղորդել...

— Կառավարությունը միջոցներ չի՞ առնում:

— Ինչպե՞ս չէ. զորք է ուղարկել:

— Եթե այդպես է, ինչո՞ւ վախենանք: Դեպքերից խուսափել ուզողը տեղից չի շարժվի: Այստեղ թուրքերը, Գորիի և Բաթումի մեջտեղ՝ ավազակները... Դու ի՞նչ ես որոշել:

— Ես, իբրև պաշտոնյա, ստիպված եմ մեկնել: Առանց թղթի հանրապետությունը չի կարող ապրել,— ծիծաղելով ավելացրեց նա:

— Ես էլ գնում եմ հանրապետության համար նավ ճարելու: Ուրեմն, մեկնում ենք: Զենք ունե՞ս:

Պերոնյանը բաճկոնի ծայրը բարձրացրեց և ցույց տվեց կախված մատուցիկ ատրճանակը: Հերյանը նույն շարժումով ցույց տվեց իրենը:

— Եվ,— ավելացրեց Հերյանը,— ... վերցնում եմ երեք շիշ հայկական կոնյակ:

— Ո՞ր տարվա:

— Զգիտեմ:

— Ուրեմն, լավը չի: Ես վերցնում եմ նոյի տապանից մնացած մի քանի աննման շշեր:

— Շատ լավ: Մանավանդ որ, իբրև զակուսկա, վերցրել եմ չրհեղեղի ջրերում որսած և փոում տապակված հոյակապ ձկներ:

— Ուստի, ավազակները միանգամայն հաղթված են:

— Այդ մասին ոչ մի կասկած չի կարող լինել: Միայն թե, շոտոանաս, մի քանի զինվոր բերել... ավազակներից պաշտպանվելու համար:

— Այդ էլ մտածել եմ:

Մի ժամ հետո ամբողջ տունը լցվեց աղմուկով: Ամենքը խոսում էին միասին:

Զվարթը, գույնը քիչ նետած, աշխատում էր հուզումը գսպել: Անդադար ժպտում էր:

— Դե, շատ շուշանաս... Այնպես չէ՞, շատ շուշանաս...

— Հանգիստ եղիր, Զվարթ ջան... Ես ինքս էլ անհամբեր եմ, չէ՞...

Կառքը մեկնելու ժամանակ հետևից ջուր նետեցին:

Մթնում էր: Յուրտը մլավում էր անտեսանելի գերանից կախված սև կատվի նման: Քաղաքը պարապ էր և լուռ:

— Զուգեցի այնտեղ ասել,— փսփսաց Պերոնյանը,— դրուձյունը նորից լարված է նաև Վրաստանի սահմանների մոտ... Հուսամք գնացքը սահմանը կանցնի...

Վերջ առաջին մասի

1

Նրեկոյան մոտ էր, երբ Հերյանը ուղղվեց դեպի «Ուրախ նավագների» սրճարանը: Նրա մեկնումից հետո Բաթումը շէր փոխվել: Նույն մարդիկ, նույն անորոշութիւնը, նույն ազտը: Անհամբերութեամբ սպասել էր այդ վերադարձին: Հիմա, որ այստեղ էր, ոչ մի առանձին հաճույք չէր զգում: Իրեն զգում էր անտարբեր, օտար: Ամեն ինչ հեռացել էր, անջատվել: Ներքին հոգեբանական կապերը խզվել էին: Մովը և հին նավթատարը այլևս չէին արթնացնում սարսուռն և գունավոր այն պատկերները, որոնց աշխարհում նա սիրում էր ապրել: Այնպես էր, ինչպես պատահում է, երբ մարդ այցելում է տարիներին ի վեր լքած տունը: Մի տուն, ուր հնչել է երիտասարդ տարիների ծիծաղը և բերկրանքը, ուր ապրել էս դեռով և անիմաստ վշտերով ծանրացած օրեր և գիշերներ: Մոտեցել էս սրտատրոփ սպասումով, սակայն տանիքը փուլ է եկել, պարտեզը փչացել է, ամեն ինչ ծածկվել է գորշ փոշիով: Այդ տան մեջ քեզանից հետո ապրել են ուրիշ, օտար մարդիկ: Մոված այդ տանիքի տակ հնչել են ուրիշ ձայներ, իրագործվել են ուրիշ ճակատագրեր, գոյացել, զարգացել և սպառվել են ուրիշ ուրախութիւններով և վշտերով լցված կյանքեր:

Կապը խզված է: Անցյալը թաղվել է անորոշի մեջ:

Դաշենկային դեռ չէր տեսել: Չէր էլ փնտրել:

Քայլել էր քարափի երկայնքին և նախանձով ու կատաղութեամբ նայել ծուլորեն տատանվող, անզոր ձեռքերով մեծ ու փոքր նավերին: Անզոր նավեր: Իսկ այնտեղ, լեռների ծոցում մեջքի վրա պառկած խեղճ Սեանը, աչքերը երկնքին կայցրած, լայնածավալ և դատարկ սպասում էր:

Սպասավորին կանչեց և խմելու մի բան պահանջեց:

— Եթե ինձ հարցնեն, ասա, որ այստեղ սպասում եմ,— պատվիրեց նա:

Խմեց և աթոռի ծայրին նստած, ոտքերը երկարած, ձեռքերը գրպաններում սպասեց:

Հոգնած էր:

Ահա երկու օր էր հասել էր. ժամանակ չէր կորցրել: Յերեկները վազվզել էր, գիշերները չէր քնել: Ամեն ինչ մանրամասն ուսումնասիրել էր, ամեն տեղ հարցուփորձ արել:

Շատ դժվար գործ էր: Ավելի դժվար, քան այն, ինչ ոգևորության վայրկյաններին մտածել էր: Հյուպատոսը, որին ներկայացել էր նամակով, շնայած շատ սիրալիք ընդունելության, մեծ ոգևորություն ցույց չէր տվել: Քաղաքավարի, բայց չափազանց դրական և մանրակրկիտ մի մարդ էր:— «Միրելի նավապետ,— ասել էր նա,— այս բոլորիս մենք պետք ունենք ոչ թե նավի, այլ ցորենի, դեղորայքի, հագուստեղենի... Դուք ձեր աչքերովը տեսաք, թե ինչ է կատարվում այնտեղ...»:

Հին մտավորականներից մեկը: Առանց թռիչքի, առանց համարձակության:

Ստիպվեց նորից, ինչպես Երևանում, ճառել, լուսարանել, ապացույցներ բերել: Եվ, վերջապես, Նախագահի նամակը կար, չէ՞:— «Այդպիսի նամակներ,— պատասխանել էր հյուպատոսը,— ամեն օր ստանում ենք: Հրաման տալը հեշտ է, իսկ փող ճարելը՝ դժվար: Համենայն դեպս, ավելորդ է վիճել. դուք աշխատեցեք, իսկ ես խոսք եմ տալիս, հնարավորության սահմաններում օգնել ձեզ...»:

Ահա այդքանը:

Մի բաժակ ևս խմեց: Ձեռքերը դրեց սեղանի վրա և գիտեց իր կապտած երակները: Աչ ոտքի ծայրով խփխփեց գետնին: Նորից խմեց:

Պետք էր մի կերպ միջից դուրս գալ:

Միջոցներ հնարել, կոմբինացիաներ սարքել: Պետք էր անպատճառ հաղթել բոլոր դժվարությունները:

Պերոնյանը խոստացել էր, անհրաժեշտ պարագային, նախագահին հանգիստ շնորհել: Մանավանդ, եթե նա ժողովուրդը և բանակը ապրեցնելու համար դրամ տպելու անհրաժեշտ թողթը գտներ:

Մտածեց, տխրեց, ժպտաց:

Ինչ խելագար աշխարհ է և ինչ տարօրինակ դրություն: Թիֆլիսում հայկական գնացքը անվանում են «Միլիարդների գնացք»:

Այն գիշերը, ճամփորդության այն գիշերը...

Թուրքերի գնդակները բաց պատուհաններից ներս էին թափվում:

ինքը և Պերոնյանը, և ամեն մարդ, պառկել էին գետնի վրա: Լսվում էր գնդացիների տրաքոցը և թնդանոթների ոռնոցը: Խուլ աղաղակներ, վախեցած կենդանիների վայոց: Հեռուն գյուղեր էին այրվում: Անիմաստ կոիվ, անիմաստ զոհեր:

Վտանգի դոտին անցնելուց հետո ամեն մարդ գլուխը բարձրացրեց և ժպտալով նստեց: Կարծես ոչինչ չէր պատահել: Շշեր բացվեցին, կենաց խմեցին: Մինչ հեռուն կոիվը շարունակվում էր:

Մարդիկ դարձել են մի տեսակ սալամանդր, անվում են կրակով: Ամեն ինչ շփոթվել է, մթնել: Գիտակցությունը, բանականությունը: Աշխարհը շրջվել է, մարդկությունը այլափոխվել է: Կարծես խոր անտառներից դուրս պրծած վայրենի գազաններ լինեն՝ վախից կատաղած, արյունած աչքերը երևակայական թշնամու վրա հառած: Երեկ թվում էին քաղաքակրթված մարդիկ, իսկ այսօր՝ կենդանացած դեմքեր, ոխով և կասկածանքով ուռած նայվածքներ և ատրճանակը դուրս հանելու միշտ պատրաստ՝ դողողացող, դեղնած ձեռքեր: Թիֆլիսում, Բաքվում, Բաթումում, ամեն տեղ: Մի ոմն զվարճանում է աշխարհը խառնաշփոթության մատնելով. մի ոմն շարունակմբ ծիծաղում է շրթթները ծոված, կոկորդը խոփանքով և հռհռոցներով լցված:

— Սիրելի նավապետին խոնարհ ողջույններ:

— Ահ, Ֆեոդոր Պանտելենիչ, ուրախ եմ... Ձեզ էի սպասում... Դե, նստեք, նստեք... Հե՛յ, խազեին, մի բաժակ...

Ֆեոդոր Պանտելենիչը ձեռքերը մեկ մեկի քսեց, մոխրագույն փոքրիկ աչքերով ժպտաց, գլուխը չղային շարժումով օրորեց, նստեց և Հերյանի ածած օղին արագ շարժումով կուլ տվեց:

— Տակ... էդպես...

Նա հազում էր անհանգիստ փոքրիկ հազով, կոկորդը անդադար քերելու ձևով: Այդ վայրկյաններին նրա ականջների վերի մասերը և այտերը կարմրում, բոցավառվում էին և աչքերը դեռ ավելի փոքրանում: Կարծես անդադար մրսում էր: Թուփը կուլ տալու ժամանակ նրա կոկորդը շափազանց ուռչում էր և նրա դեմքը վախեցած, մտատանջ մարդու կերպարանք էր ստանում:

— Նու, մեկն էլ...— առաջարկեց Հերյանը և բաժակը լցրեց:

— Ողջ լինենք...

— Առողջություն:

Դեպքերից առաջ Ֆեոդոր Պանտելենիչը բավականին կարևոր պաշտոնի տեր մարդ էր: Նավային մի մեծ ընկերության կառավարիչն էր: Շատ գործեր էր կատարել, շատ փող էր վաստակել և անխնա ծախսել: Հեղափոխությունը և նրան հաջորդող կովկասյան դեպքերը բարդ վի-

ճակ էին ստեղծել նրա համար: Մի օրից մյուսը նրա դրուժյունը փոխվել էր, և նա, ինչպես ասում էր ինքը, «մնացել էր օդում կախված»: Ընկերության իսկական սեփականատերերը փախել էին մարդ չգիտեր ուր, ճանապարհները փակվել էին, տեղական փոփոխական իշխանությունները լավագույն նավերը սեփականացրել էին: Իսկ պաշտոնյաներին ոչ ոք ոչինչ չէր վճարում: Գործ չկար, դրամ չկար: Մնացել էր անպաշտպան և ապշած: Մնացել էր կառավարիչ առանց ընկերության: Սպասում էր, ինչպես ամեն մարդ, որ դրուժյունը փոխվի: Ապրելու համար ինչ-որ գործեր էր անում, որոնք շատ պարզ չէին: Հերյանը այդ լավ գիտեր:

— Դե, մեկ էլ խմենք...

— Չէ, չէ, չէ...

— Ֆեոդոր Պանտելեևիչ, առանց օդու խոնավ եղանակին մարդ չի կարող դիմանալ...

— Այդ մեկը ճիշտ է: Առանց օդու չի կարելի ապրել...

Հերյանը շարունակում էր բաժակը լցնել:

— Է՛, խենթություն խենթության վրա,— ասաց նա փիլիսոփայական շեշտով:— Երբ մարդ ուզում է աշխարհի դարերով ստեղծված սարքը և կարգը մի օրում փոխել, միայն գծություններ է անում... Բայց այդ տխուր հարցերը թողնենք: Ֆեոդոր Պանտելեևիչ, ո՞նց են գործերը...

— Ի՞նչ գործ,— հառաչեց ուսուր:— Դրուժյունը ծանոթ է ձեզ... Ընկել ենք անորոշության մեջ: Մի խավար շրջան...

— Շատ ճիշտ է,— համաձայնեց Հերյանը:

— Խավար: Աշխատում եմ պաշտպանել նավային ընկերության շահերը. գոհողություններ եմ անում, պայքարում եմ... Տեսնենք ինչ գուրս կգա: Դժվար է...

Ասաց և մի սարդինկա վերցրեց:

— Ի՞նչ եք ուզում,— ասաց Հերյանը,— մարդ խոմ գլխի հարվածով պատեր չի կարող քանդել... Իշխանություն չկա, օրենք չկա, ոչինչ չկա...

Բերանը մի բողկ դրեց և ձեռքերը վեր բարձրացրեց ի նշան հուսահատության:

— Ես չեմ հասկանում անտանելի այս դրուժյունը,— շարունակեց նա բաժակները նորից լցնելով:— Երբ մտածում եմ, ուղղակի կատաղությունը ինձ բռնում է... Ահ, ավելի լավ է, այդ մասին բնավ չխոսել... Լավ է համբերել և սպասել: Բարեբախտաբար, դեռ մեզ նման մարդիկ կան աշխարհում. ազնիվ, գործ հասկացող... Թույլ տվեք ասեմ,

Ֆեոդոր Պանտելեևիչ, այդ ձեր իրավունքն է... Դեռ վերջերս, նույն այս բառերով ձեր մասին խոսում էր Երևանում նախարարների խորհրդի նախագահի հետ... — ասաց նա: Ինքն էլ չիմացավ ինչպես այդ սուտը բերնից դուրս բերեց: Շիտակ նայեց մյուսի աչքերի մեջ իրեն շատնելու համար: Ռուսը շփոթվեց, աչքերը վայր առավ:

— Ուղղակի այդպես... Հիմա կասեմ, թե ինչ առիթով...

Աթոռը մոտեցրեց ռուսի աթոռին, գլուխը երկարեց դեպի նրան և խորհրդավոր շեշտով շարունակեց.

— Վերջերս, Հայաստանի կառավարությունը, հրավիրեց ինձ քննել և զեկուցում տալ Սևանա լճի կարելիությունների մասին: Դե, գիտե՞ք, մենք— ես, ինչպես և դուք— ծովային մարդիկ ենք. ուր մի քիչ ջուր ենք տեսնում, ուզում ենք նավարկել... Ասեմ անմիջապես, Ֆեոդոր Պանտելեևիչ, որ լայնատարած այդ լիճը իսկական գանձ է, ամեն տեսակ բարիքներով լցված և հսկայական կարելիություններով... Դուք, իբրև լայն ձևնարկներ ղեկավարող մարդ, այդ լավ կարող եք հասկանալ...

— Հետաքրքրական է,— փսփսաց կառավարիչը:

— Վերին աստիճանի: Կարծում եմ, առայժմ, նրանք այնտեղ կարիք ունեն մի քանի փոքր նավերի, որպեսզի կարողանան մարդ և ապրանք տեղափոխել: Ասում եմ փոքր, աչքի առաջ ունենալով նավերի տեղափոխության դժվարությունները, բայց ոչ շատ փոքր: Լիճը մեծ է, ճամփորդությունները կարող են տևել երկար ժամեր և քամիներն էլ խիստ են... Լսել եմ, ի միջի այլոց, որ մի խումբ ամերիկացի կապիտալիստներ որոշ հետաքրքրություն են ցույց տվել... Ինչո՞ւ թողնել ուրիշներին, ինչո՞ւ... Բայց խոսելով տարվեցի և բաժակները մոռացաւ...

Մինչ Հերյանը դանդաղ և մտածկոտ շարժումով բաժակները լցնում էր, մյուսը, ավելի խորամանկ, քան թվում էր, արդեն հասկացել էր, թե բանը ինչումն է և որոշել էր իրեն ծախել ինչքան կարելի է թանկ: Անակնկալ այդ պատահականության առաջ բերած հուզումը ծածկելու համար, նա, պատառաքաղի և դանակի ծայրերը բռնած աշխատում էր ձուկի կտորը ուտել հանգիստ և անտարբեր շարժումով: Սակայն, այդ չէր հաջողվում նրան: Ձեռքերը կամաց դողում էին:

— Եվ այդպես է, որ... — շարունակեց Հերյանը, անմիջապես հասկանալով թե ինչ է անցնում ռուսի գլխով,— և այդպես է, որ նախարարների խորհրդի նախագահի. հետ այդ հարցերի շուրջը երկար բարակ խոսելիս տվեցի նաև ձեր անունը... Անշուշտ, շատ դժվարություններ կան... Մեր հարևանները,— ավելյացրեց նա շոշափելով քաղաքական լարը,— դժգոհ են մեզանից, մանավանդ Դենիկինի պատճառով... Գի-

տեք, որ նա մեզ պաշտպանում է և մեր բանակը համարում էր իր բանակի հետնապահը... Ուզում եմ ասել, որ վաղը, նոր ներկայացող դեպքերի շրջանում, այդ մեր ձեռնարկը կարող է նաև ընդհանուր օգտակարություն ունենալ...

Մտավ ռազմական պատճառաբանությունների մեջ:

— Հասկանում եմ,— ասաց կառավարիչը,— հասկանում եմ: Ուրե՞մն...

— Ուրեմն... Դուք եք, որ ինձ խորհուրդ պետք է տաք... Ծն, այդպես ասած, գնող եմ: Ձեր ընկերությունը բազմաթիվ նավեր ունի, որոնք քարափին կապված փտում են... Վաղը իշխանությունը մի պարզ հրամանով կարող է խլել... Մտածո՞ւմ եք:

— Դուք ինձ դնում եք դժվար դրուժյան մեջ,— պատասխանեց ռուսը բառերը արագ-արագ ծամելով:— Ծն, ինչպես գիտեք, դեռ շարունակում եմ մնալ ընկերության պատասխանատու վարիչը, սակայն, ստեղծվել է տարօրինակ դրուժյուն: Նավերը ծախելու մասին հրքեք հարց չի եղել, բայց՝ մյուս կողմից, մարդ չի իմանում ինչ կարող է պատահել... Մեծ պատասխանատվություն է... Ասեմ նաև, որ ես համակրում եմ ձեր երկրին և պիտի ուզենայի մի բան անել...

Ձեռքով անորոշության շարժումներ արեց, երկար հազաց, կարմրեց և աթոռի վրա փոքրանալով, լռեց:

Հերյանը աչքի տակով դիտեց նրան: Այլևս վստահ էր հաշողությանը: Այն, ինչ դիմացինը ասում էր, պարզ ձևականության համար էր, վաճառականական խորամանկություն:

— Տեղոր Պանտելեևիչ,— ասաց նա քիչ մտածելուց հետո,— ես հասկանում եմ ձեր տատամսանքը: Բայց, մյուս կողմից էլ, այսպիսի ժամանակներում, դուք պարտավոր եք որոշ պատասխանատվություն վերցնել ձեզ վրա և ընկերության սեփականությունը հնարավոր չափով փրկել... Մենք չգիտենք ինչ կարող է պատահել վաղը... Շատերը ասում են, որ եթե բոլշևիկները հաղթեն այնտեղ, անպայման կիջեն նաև Կովկաս... Թե նավերը կխլեն և թե ձեզ կհեռացնեն...

— Բայց կարող է պատահել, որ Դենիկինը...

— Ինչո՞ւ ծածկեմ, տարակուսում եմ... Վերջին ժամանակները նրանք անդադար ետ են քաշվում... Նույնիսկ եթե նրանք հաղթեն, դա երկար ժամանակի խնդիր է, այնքան երկար, որ խնամքից զուրկ ապրանքը կարող է փչանալ: Մի քիչ էլ անցնի և դրանց արժեքը կվերածվի հնացած երկաթի արժեքի...

— Այդ, դժբախտաբար, ճիշտ է: Ի՞նչ կարող եմ անել:

— Ծա իրավունք չունեմ ձեզ խորհուրդ տալու, դուք ձեր գործերը ինձանից լավ եք հասկանում: Սակայն թույլ եմ տալիս ինձ ասել, որ եթե ես լինեի, նավերից մեկը կզոհեի մյուսները փրկելու համար:

— Ինչպե՞ս:

— Շատ պարզ է: Մեկից առած փողով հնարավորություն ձեռք կբերեք մարդիկ վարձելու, յուզ գնելու, մեքենաները սրբելու, ներկելու և առհասարակ տանելու անհրաժեշտ խնամքը: Բայց դա, անշուշտ, ձեր գործն է... Ասեմ ձեզ ամենայն անկեղծությամբ, երկու ուրիշ առաջարկություններ ևս ունեմ... ահա...

Ձեռքը տարավ բաձկոնի կողքի գրպանը և... ոչինչ դուրս չբերեց:

— Դե, ի՞նչ արած,— ասաց նա, բռունցքները սեղանի վրա նետելով և ձայնին վերջնական որոշումի շեշտ տալով,— գործը չեղավ, ուրեմն չեղավ: Կարևորը մեր բարեկամությունն է, որ մնում է անփոփոխ: Մի բաժակ ևս...

Տեղորդ Պանտելեևիչը զարմացած նայեց: Այդպիսի կտրուկ վերջավորության չէր սպասում: Աչքերը վայր առավ, մտածեց, հաշվեց, ապա, սխալի մեջ բռնված մարդու նման, անվստահ ձայնով բողբոցեց:

— Չէ, չէ, սիրելի նավապետ, այդպես չէ... Մենք խոսում ենք իբրև հին բարեկամներ, սիրտ սրտի, անկեղծորեն... Ծա չասացի, որ ուզում եմ մերժել, ես պարզապես նկարագրեցի դրությունը... Ի՞նչ վայրուտայով եք վճարելու:

— Դա, երկրորդական հարց է... Համենայն դեպս, ոչ թե թղթե միլիոններով կամ կովկասյան հանրապետությունների դրամանիշներով... Ապրանքով, ոսկով...

— Նավը արդեն ընտրե՞լ եք:

— Այո: «Ալբատրոսը»:

— Լավ եք ընտրել: Մեր վերջին գնած նավերից մեկն է, բոլորովին նոր:

— Չափազանցում եք, երեք տարի առաջ...

— Երկուսեկես: Շինված է Օդեսայում: Դիզելի հրաշալի մեքենա ունի և, առհասարակ, նորագույնն է այստեղի հրապարակի վրա:

— Ինչքա՞ն եք ուզում:

— Այս բոպեխս չեմ կարող ասել. պետք է հարցք ուսումնասիրել:

— Լավ: Այս գիշեր որտե՞ղ ենք ընթրելու.— Հրավիրված եք...

— Բարի: Վերջացնենք շիշը:

— Պահանջենք մի ուրիշը:

— Դա կլինի իմ հաշվին:

— Այդ չէ, այդ երբեք: Այսօր իմ հերթն է... Դուք այդ պիտի

թույլ տաք և, խնդրում եմ, այդպիսի բաների մասին չվիճենք... Մովս-
յին մարդիկ ենք. ե՞նք, թե չենք...

Մի քանի շիշ խմելուց հետո նրանք քայլեցին փողոցների միջով,
թե թևի գցած, երեբարով, անիմաստ կերպով ծիծաղելով և բղիտալով:
Կանգ առան ծովի ափին և փորձեցին երգել:

Երգելուց հետո Ֆեոդոր Պանտելենկիչը հանկարծ տխրեց: Մեկամաղ-
ձոտ շեշտով հոռետես և փիլիսոփայական բաներ ասաց մարդկային
ճակատագրի և Ռուսաստանի մասին: Երեսի կնճիռները կուտակեց
լալու համար, բայց արցունքներ չեկան, և որովհետև արցունքներ չե-
կան, նա բարկացավ աշխարհի դեմ: Սկսեց բարձրաձայն հայհոյել
և «կեցցե ցարը» գոռալ:

Ուշ երեկոյան ճաշարանում նստած կերան և նորից խմեցին:
Բալալայկաների նվագախումբը ճմլում էր սրտերը և էժան զգայ-
նության հրավառություն բաժանում:

Պաժարսկի կոտլետ: Մեկանի գինի: Կարմիր բողկ:

Երգ, աղմուկ, բազմություն:

Կղմինդրի գույն դեմքերով տարօրինակ տիպարներ: Աներևակա-
յելի բեղերով տղամարդիկ՝ ազահ, լրտես, վառվռուն աչքերով: Կեղծ
շքեղություն ծախող աղջիկներ՝ ներկած մազերով, հեղհեղուկ նայվածք-
ներով, նուրբ և դալուկ ձեռքերով: Նրանց զգեստների տակից աղքա-
տություն էր հոսում և նրանց կրծքերից՝ մուշկ:

Փշուր եկած ցարական Ռուսաստանի այդ մնացուկը, մաշված երազ-
ներով բնակված՝ լափում էր վերջին ճաշը:

Ամեն մի պատառ ուտելիքը, ամեն մի բաժակ գինին լցված էր
դառնություն:

Հեռվից, հսկայական հրդեհը ճարձատելով մոտենում էր: Բուրբի
սրտում վաղվա օրը անվստահություն և արյունով էր լցված: Գիտեին,
ձեռքներում էին, որ չգիտեն:

Ու դահլիճը լցված էր բռնազբոսիկ ծիծաղներով, անհոգություն
կեղծոք բացականչություններով, հարբած ազաղակներով:

Թրշված ռետինե շրթներով մի կին՝ ձեռքերը իր լեցուն կրծքերի
վրա սեղմած, գնչուի ողբ էր մլավում: Բալալայկաները ընկերակցում
էին նրան մղկտալով:

Ֆեոդոր Պանտելենկիչը պատառաբաղը՝ ձեռքով պինդ սնդմած, աչ-
քերը վարադուրված՝ լսում էր երգը և հառաչում: Նրա բեղերից սալցա-
յի կաթիլներ էին կախված: Հուզումի ամենատաք վայրկյաններին նա
իր վարի շրթունքը վեր էր քաշում և բեղերի ծայրերը աղմկով ծծում:

Նրա գլուխը դողդողում էր մեռած նապաստակի գլխի նման և վհատած ձայնը անդադար հառաչում:

— Ռուսաստանը... Րասեյա՞ն... մարտիրոս Րասեյա՞ն...

Ապա, պատառաքաղի ծայրով պրպտում էր պնակի մեջ:

Նվագախումբը մետաղե տերևների հեղեղ էր վայր թափում և արհեստական անտառի նման խարշափում: Սրտերը վեր էին թռչում և նայվածքները բոցակիզվում:

Սոխով ծածկված սելյուդկա: Խորոված գառնուկ: Հայաստանի կոնյակ: Ուռած երակներով կարմրած դեմքեր:

Ասպետական կեցվածքներ, չռած ոտքեր, ոսկեջրած խանչալների վրա սեղմված ձեռքեր:

— Կասիմ բեկ, ձեր թանկագին կենացը...

— Պարոնայք, Կասիմ բեկի կենացը:

Մարդիկ ոտքի էին կանգնում: Նվագախումբը վայր թափված պնակների նման փշրվում էր:

Կասիմ բեկը—մի հին ավազակ, որ թուրքերի օրոք ամենքին կողոպտել էր—գլխի թեթև շարժումով գոհունակութունն էր հայտնում, ժպտում և հրաման տալիս հարևան սեղանի վրա մի քանի շիշ գինի դնելու:

Ֆեոդոր Պանտելեևիչը, որ, իբրև միապետական ոռուս, սովոր էր տեղական ժողովուրդների վրա նայել բարձրից, իրեն զգում էր ճզմված, անհետացած: Քթի տակ հայհոյանքներ էր մոմռում, սփռոցի ծայրը ջղային ձեռքով ճմշում, ապա շարունակում ուտել:

— Ահ, նավապետ,— ասում էր նա հեռավոր ձայնով,— երբ մերոնք վերադառնան, ամեն բան նորից կփոխվի: Այս վայրենիները դողում էին մի գարադավոյի առաջ, հիմա համարձակվում են... Րասեյան, ահ, Րասեյան...

Ու մինչ բալալայկաները մեկնում էին Վոլգայի ափերի հառաչանքները ժողովելու, Ֆեոդոր Պանտելեևիչը երեսը ձեռքերի մեջն էր առնում և այդպես մնում: Նրան տանջում էին խմած գինիները, կերած ճաշերը և վիրավորված մեծապետական զգացումը:

Հերյանը ևս նայում էր այդ տեսարանին տխրած աչքերով:

Ի՞նչ է կատարվում հիմա այնտեղ, երկրում...

Ձեռքը բնազդաբար մտցրեց բաճկոնի ներսի գրպանը, տեսնելու համար, թե Զվարթից ստացած նամակը այնտե՞ղ էր: Այո, այնտեղ էր: Օրվա ընթացքում քանի անգամ նա կարդացել էր այդ նամակը և լցվել նոր կորովով:

Ու սրտի վրայից սահեց տխրության հետ խառնված անհանգիստ մի

գորով: Անշուշտ, հաճախ կյանքը շար է և անողոք: Բայց նաև երբեմն մեր գլխի վրա կախված ծանր ամպերի միջից ճառագայթների փունջեր լուսավորում են մեր հոգնած ճակատները:

— Այո, Ֆեոդոր Պանտելենիչ,— ասաց նա, հանկարծ պահանջ զգալով մի կերպով արտահայտել սիրտը լցնող զգացումը,— օրերը գալիս են, օրերը անցնում են, ինչպես ասված է իմ երկրի մի երգում, բայց մեր ճակատագիրը կապված է անհայտ ուժերի հետ: Եթե մարդ մի բան ունի անելիք, ուրեմն նա պետք է այն անի, ինչքան էլ օրերը աղաք գան և անցնեն...

— Այդ ճշմարտապես այդպես է,— բացականչեց ուռաբը:— Ծիշտ մտածում... Ինչպե՞ս ասացիր... Օրերը... Ահ, թողնենք օրերը և խոսենք գիշերների մասին... Ասացեք, նավապետ, ասացեք ամենայն անկեղծությամբ, կարողան՞ում եք գիշերները քնել...

Հարցրեց և սարսափով լցված աչքերը հռոկեց Հերյանի վրա:

— Ե՛ս, այո, հենց որ աչքերս փակում եմ, քնում եմ:

— Դուք բախտավոր մարդ եք...

Գլուխը զցեց կրծքի վրա, մտածեց և վախով, տանջանքով լցված աչքերը լայն բանալով շարունակեց:

— Ես չեմ կարողանում քնել... Հավատո՞ւմ եք. դա մի սոսկալի տանջանք է... մի սոսկալի տանջանք... Ոչինչ չի օգնում, ո՛չ դեղերը, ո՛չ խմիչքը: Ժամերով երևակայական դաշտերից անցնող ճերմակ ոչխարներ եմ հաշվում, աղոթքներ փսփսում, Կռիլովի առակներ արտասանում... ոչինչ չի օգնում: Հազիվ գլուխս ծանրանում է, հազիվ սկսում եմ հորանջել՝ անմիջապես ներս է մտնում նա:

— Ո՞վ:

— Զեմ իմանում... Նա... Դուք, նավապետ, պիտի ասեք, որ Ֆեոդոր Պանտելենիչը այս գիշեր մի քիչ շատ է խմել. նա լիռտում է, անհավատալի բաներ է պատմում... Զէ, նավապետ, չէ: Ի՞նչ պատմում եմ՝ ամենաճշմարիտ ճշմարտություն է և դուք առաջին մարդն եք, որին այդ մասին պատմում եմ: Բնակարանում մեն-մենակ եմ: Իմ ընտանիքը մնացել է Ռուսաստանում: Կինս զնացել էր Մոսկվա զավակներին տեսնելու համար և դեպքերը վրա գալով նա մնաց այնտեղ փակված: Բոլորովին մենակ եմ: Քնում եմ մի սենյակում, որը պատշգամբ շունի փողոցի վրա: Պառկելուց առաջ դռները կողպում եմ, պատուհանները և փեղկերը ծածկում, ապա մտնում եմ ննջասենյակ, կողպում եմ դռները և պատուհանները, բոլորովին ապահով լինելու համար դռան առաջ սևղան եմ քաշում, վրան աթոռներ դարսում... Երբեք ոչինչ չեմ լսում, այնուամենայնիվ, նա այնտեղ է:

— Ո՞վ է, ո՞վ է այնտեղ...

— Ես ձեզ ասացի, չեմ իմանում: Տարօրինակ մի էակ, որին առաջ երբեք, ոչ մի տեղ չեմ հանդիպել: Կարճ, լուռ, զբաղկոտ, բամբասող: Մտնում է ներս, մեկ ձեռքով արագ և ճարպիկ շարժումով մի ծխախոտ է ուրրում, տանում կպցնում է վարի շրթունքին և թողնում այնտեղ առանց վառելու: Ապա, փոքրիկ, շտապ-շտապ քայլերով շրջում է սենյակի շորս կողմը, դունչը ամեն տեղ խոթում, ուշադրությամբ ամեն ինչ զննում, քննում, մի առարկայից անցնում մյուսին, բաց անում գրքերը, առանց կարգալու փակում, կանգ առնում նկարների առաջ, թեթև մի նայվածք պցում և անցնում: Վերադառնալով սենյակի մյուս ծայրը, նորից շտապ-շտապ, կարծես մի բան է մոռացել, շրջում է, նայում, զննում... Դուք չեք կարող պատկերացնել ինչպիսի սարսափ է ազդում իմ վրա... Ուրվական ասես, ուրվական չէ, ատանա ասես, Մեֆիստոֆել չէ և սակայն... Մի փոքրիկ մարդ է, կլոր, դեղին պզտիկ մորուքով... Ուռած փոր աճի, լեցուն այտեր... Ավելի շուտ, նստակյաց կյանք վարող չինովնիկի է նման: Այո, լավ ասացի... չինովնիկի: Ամենից ավելի դժնդակ տպավորություն են թողնում նրա ոտքերը... Կանացի, փոքրիկ ոտքեր. տձև, ալլանդակ և սոսկալի թեթև ու արագ... Մի ուրիշ ահավոր բան. երբեք ինձ չի նայում... Մնում եմ պառկած անկողնիս մեջ, աչքերս լայն բացված, շունչս կտրված, շարժումներս կաթվածահար... Ինձանով չի հետաքրքրվում,— չէ, նրա համար ես գոյություն չունեմ... Զկամ, բոլորովին չկամ: Բայց հասկացեք այդ... մինչ նա զննում է սեղանի վրա դրված փոքրիկ առարկաները՝ խոզանակ, հայելի, դրիչ, թանաքաման... մինչ նա, ձեռքերը մեջքի վրա կապած, չվառված ծխախոտը վարի շրթունքին կպցրած, գլուխը երկարած, մի վայրկյան կանգ է առնում և անցնում, ապա նորից կանգ առնում և նորից անցնում... երակներին մեջ արյունը սառչում է, սիրտս բաբախում է այնքան ուժգին, որ լսում եմ նրա ձայնը, մազերս վեր են տնկվում և ճակտիս վրա սառն քրտինքի կաթիլներ են գոյանում, որովհետև... որովհետև ես զգում եմ, ես պարզ զգում եմ, որ նրա աչքերը թեև նայում են ուրիշ տեղ, իրականում խուզարկում են իմ հոգին... Ասում եմ ձեզ, դրանք ահավոր բաներ են, որ բառերով չի կարելի նկարագրել... Դրա համար էլ... չեմ ուզում տուն վերադառնալ, չեմ ուզում...

— Այ թեզ դոստոեշինս,— մտածեց Հերյանը:— Մարդը մարդ չի լինի, եթե սեփական սատանան չունի:

Ֆեոդոր Պանտելևիչը գլուխը կախած սպասում էր, թե ինչ կասի Հերյանը:

— Այն, ինչ պատմում եք, սիրելի բարեկամ, շատ տարօրինակ է,—

ասաց շերտանը:— Ինձ էլ պատահել է երբեմն ուղղակի շմեցուցիչ երազներ տեսնել (մտաբերեց Հայաստանի ճանապարհին տեսած երազը): Պետք չէ տպավորվել: Մենք ամենքս, դեպքերի բերումով, հիվանդագին վիճակի ենք հասել... մեր ջղերը սարսուռն են փոքրագույն գրգռներին... Կարևորը, Ֆեոդոր Պանտելեևիչ, կյանքում մի ղեկավար գաղափար ունենալն է... Պետք չէ ապրել կրավորական կերպով, այլ գործել, իրագործել, կառուցել... Միայն այդ կարող է փրկել մեզ...

— Գործե՞լ, նավապետ, գործե՞լ, այսպիսի անիշխանական դրության մեջ... Կառուցե՞լ, ասում եք... Չե՞ք տեսնում, որ ամեն ինչ քանդվում է, ոչնչանում, փոշիի վերածվում... Սա ամբողջ կյանքս աշխատել եմ, տքնել, շարշարվել որոշ դիրքի հասնելու համար... Իսկ հիմա, տեսեք...

Բազուկները երկարեց դեպի դահլիճը: Ապա, ամբողջ մարմնով գողալով, երեսը տակնուվրա եղած, աչքերը դուրս պրծած, նա բռունցքներով խփեց սեղանին, ոտքի կանգնեց և ջղային ու ծիծաղելի ձայնով գոռաց.— Կեցցե՛ Ռուսաստանը, կեցցե՛ ցարը...

Ամենքը նայեցին նրան:

— Այո, կեցցե՛, կեցցե՛, կեցցե՛...

— Լոռեթյո՛ւն, Լոռեթյո՛ւն...

— Դո՛ւրս, դո՛ւրս...

Ահագին ազմուկ բարձրացավ:

Մտի սեղանի շուրջը նստած աջարացիները արհամարհանքով ծիծաղում էին: Երկու վրացիներ ոտքի կանգնեցին և իրենց շերքեզկայի թևերը ծալելով վազեցին կառավարչի վրա: Հերյանը վեր թռավ, իր մարմնով առսին ծածկեց և բռունցքները սեղմած սպասեց: Այդ վայրկյանին սրահի խորքից դուրս նետվեց սմոկինգ հագած, նիհար, շոր մի անձնավորություն և քաղաքավարական չափազանցված ձևերով խնդրեց միջադեպին վերջ տալ: Ճաշարանի տերն էր: Երաժշտախումբը մի աղմուկալից քայլերգ նվագեց և ամենքը վերադարձան իրենց տեղը:

Քիչ նստելուց հետո Հերյանը հաշիվը վճարեց և սեղանակցին առաջարկեց միասին դուրս գալ անախորժ դեպքերից խուսափելու համար: Դուրս եկան: Քայլեցին դանդաղ և մտածկոտ քայլերով, առանց խոսելու:

Ֆեոդոր Պանտելեևիչը քարշ էր գալիս ընկճված, կարծես ուսերի վրա մի ահագին բեռ էր կրում:

Կանգնում էր, ցուրտ առած ձիու նման հագում, քայլում, նորից հազում:

Երբ հասան փողոցի այն անկյունը, ուր գտնվում էր նրա բնա-

կարանը, նա սկսեց անհանգստանալ: Անդադար շտկում էր փողկապը: Ոսկրոտ և հաստ մատներով բաց էր անում մաշված ծայրերը, հանգույցի ձևով ոլորում, ջղային շարժումով վեր քաշում, նորից բաց անում, նորից կապում:

Այդ տեղեց բավական երկար ժամանակ:

Երբ վերջացրեց, վճռական որոշում կայացնելու ձևով հանկարծ փայտացավ, զինվորական լարված դիրք ստացավ, ձեռքերը մեկնեց Հերյանին, մի քանի անգամ ուժեղ կերպով թոթվեց... ապա մոտեցավ տան մուտքի դռանը, կանգնեց և սկսեց բարձրաձայն հեկեկալ:

Հերյանը վազեց դեպի նրան:

— Նու, նու... Ֆեոդոր Պանտելեևիչ, ասացեք, ի՞նչ պատահեց...

Ֆեոդոր Պանտելեևիչ, ախր, չի կարելի էղպես... Նու, նու...

Հասուն այդ մարդու լացը ճնշիչ էր և վհատեցուցիչ:

— Ֆեոդոր Պանտելեևիչ, ինչդրում եմ... Ախր, էղպես, նու, նու...

Հեռվից լսվում էր ափին զարնվող ալիքների ձայն: Մխնելույզների հոտ կապույտ աստղեր էին երևում:

Ֆեոդոր Պանտելեևիչը, վերջապես, հանգստացավ: Կանգնեց պատի առաջ, միզեց և արագ քայլերով մտավ ներս:

Հերյանը քուն չունեի:

Օրվա ընթացքին այնքան բաներ էին պատահել: Հիմա, նրա մտքի մեջ ամեն ինչ սկսել էր խառնվել: Անշուշտ, ձեռք էր բերել որոշ հաջողություն, սակայն շատ կետեր մնացել էին մութ:

Դժբախտությունը նրանում էր, որ ստիպված էր գործ ունենալ անհավասարակշռված մի մարդու հետ: Ի՞նչ էր անցնում այդ Ֆեոդոր Պանտելեևիչի սրտում: Վիշտ, վհատություն, բնածին տկարություն՝ ծածկված խենթության քողերով:

Մի մարդ, որի հետևից բազմաթիվ ուրվականներ են քայլում: Ինչպես մեր ամենքի հետևից:

Մտածելով քայլեց դեպի ծովափը:

Քամու մի լայն ալիք երեսին կպավ և իրեն զգաց թարմացած: Շապկան քաշեց մինչև ականջները, կտրծքը դուրս հանեց և աշխույժ՝ քայլերն ուղղեց դեպի քարափ:

Վերջ ի վերջո, անհաստական դրամաները, արցունքները, ջլագրգրությունները պետք էին նրան սնտարբեր թողնել: Ինքը խոժ հիվանդապահ չէ՞ր, ոչ էլ դյուրազգաց հոգեբան: Եկել էր պարզ, որոշ, դրական գործով: Պետք էր հաղթահարել բոլոր դժվարությունները և ձեռք բերել նավը:

Նավը, նավը:

Մարդը խմել էր և լաց էր լինում, գիշերները չէր քնում, վատ հիւշ-
ներ էր տեսնում: Մեծ բան: Մտածել, թե ի՞նչ է անցնում Երևանի փո-
ղոցներում, լեռների կողերին, տակնուվրա եղած դաշտերում:

Նույնիսկ այդ, նույնիսկ այդ սև ողբերգությունը պետք չէ թուլաց-
նի նրա կամքը: Թող ամեն մեկը անի այն, ինչ կարող է անել և լինի
այն, ինչ լինելու է:

Եվ լինի, ինչ լինելու է...

Անհանգիստ կոհակները մտրակում էին գիշերը և շառաչելով ետ
քաշվում: Նրանց ետևից վազելով գալիս էին ուրիշ կոհակներ, ապա
ուրիշներ... կարծես դատապարտված էին երբեք կանգ չառնող տաժա-
նակիր աշխատանքի:

Իսկ ծովը, սարսուղ անէությունն նման փուլած, աստղերով լցված,
մի փոքրիկ կտոր լուսին օրորող, մեծ և խավար շնչառություն էր, գի-
շերով լցված աշխարհի առաջ:

ԱՏ, լինի, ինչ լինելու է...

Կանգ առավ, նայեց: Ձեռքը տարավ ճակատին և նորից ուշադրու-
թյամբ նայեց:

Հեռուն մի նավ էր կապված:

Քայլեց ծովի մեջ երկարող քարափով: Գիտեր, անզգուշություն
էր գիշերով այդ վայրերում քայլելը: Գիշերները բնակված էին կաս-
կածելի և հուսահատ անձնավորություններով: Մարդ էին սպանում
տասը կողակի համար: Օր չէր անցնում, որ նավահանգստի տարբեր
վայրերում դաշունահարված գիակներ չգտնեին:

Ատրճանակը հանեց և շարունակեց քայլել:

Նավը:

Որքան առաջանում էր, այնքան քամին սաստկանում էր: Նրա
դեմ կարկառած անտեսանելի ձեռքեր նրան հրում էին ետ: Մեկ ուսը
առաջ տնկեց, գլուխը վար ծռեց և խոյի նման եղջյուրելով շարունակեց
ճանապարհը:

Ահա պինդ պարաններով կապված տասնյակ առաջաստանավեր
ծփծփալով օրորվում էին, մեկը մյուսին բախվում և կայմերի ծայրերով
աջ ու ձախ ճոճելով մղկտում:

Ահա խարիսխ նետած ուրիշ նավեր: Մեծ, պզտիկ: Կորած, մենակ,
տխուր: Կարծես խոր վշտերով տանջվող էակներ էին:

Որքան մոտենում էր քարափի ծայրին, այնքան քամին սաստկա-
նում էր: Պետք էր մազլցել կոհակներով լվացվող կողմի քարերի վրա
հեռուն օրորվող «Ալբատրոսը» տեսնելու համար: Սահուն էին և վտան-
գավոր: Մազլցեց, թրջվեց, նստեց:

«Ալբատրոսը»: Պարզ տեսնում էր նավի դիմաստվերը:

Շատ բարձր չէր, բայց երկար էր և սլացիկ: Քիթը՝ ճերմակ թռչունի երկու թևերի միացրած ծայրերի նման: Գեղեցիկ, վայելուչ, քիչ կանացի: Անգլիացի շեն այն աղջիկների նման, որոնք Լոնդոնի փողոցներում պտտեցնում են իրենց պարզ շքեղությունը և աննյութականությունը:

Այդ մտածեց և հեշտանքի մի ալիք անցավ նրա մարմնի միջից: Նավի մոտությունը զգաց սիրո անուշ ցավի նման:

Հերյանի աչքերի առաջ «Ալբատրոսի» կողքին մարմնավորվեց Դաշենկայի սիրելի կերպարը, այն լավ ռուս աղջկա, որին նա անցյալում սիրել էր: Մի քանի անգամ նա անցել էր Դաշենկայի տան մոտով, սակայն, նրա սրտում ծաղկող նոր սերը, Զվարթի սերը...

Հիմա, նորից Հերյանը ակնկոծվում էր նույն ներքին պայքարով: «Ալբատրոսը» նրան քաշում էր դեպի Դաշենկան... իսկ Սևա՞նը, Զվա՞րթը...

Նա երկար նայեց...

Կայացրել էր արդեն վճիռը: Պիտի ընդմիշտ մոռանալ Դաշենկային... Զվարթը սպասում էր...

«Ալբատրոսը» պիտի նավարկեր Սևանի ջրերում...

«Ալբատրոսը» Սևանի վրա: Ահա Ելենովկայից հեռանում է, ահա անցնում է կղզու մոտից, ահա ճեղքում է ջրի կապույտ հայելին և ուրախ սուլում...

Խոսեց նավի հետ, փաղաքշական բառեր ասաց:

Վեր մագլցեց: Մեջքը քամուն տվեց և սուլելով վերադարձավ:

Հեռուն, պարապի մեջ փարոսը անդադար բացխփում էր կապույտ աչքերը:

Լուսին էր:

2

Հերյանը ճանաչում էր Թիֆլիսը, Կովկասյան փոխարքայության վարչական կենտրոնը: Հեռավոր ճամփորդությունից վերադարձին, մինչ նավը բեռնավորում էին, նա մի քանի ընկերների հետ գնում էր այնտեղ ավելորդ փողերը ծախսելու և զվարճանալու համար:

Այնքան էլ հեռու չէին այդ ժամանակները...

Լավ հիշում էր մինչև լույս անցկացրած գիշերները Քուռ գետի վրա կախված կապելաններում, խորովածի և գինիների հոտով լցված նկուղային պանդոկներում, ուր կես-խավար լուսավորության տակ կյանքը մագլցում էր ջերմաչափի բոլոր աստիճանները, թասը զրնգա-

լով կլկլացնում էր մետաղե իր լեզուն, երգը հնչում էր ուրախ և փիլիսոփայաբար մեյամաղձոտ: Գինին հոսում էր, երիտասարդ աղջիկները պարում էին գեղեցիկ բազուկները օդում կախած և իրենց սև ու մեծ աչքերի բոցը սրտերին բաժանելով:

Այն օրերին, Թիֆլիսը կովկասյան ժողովուրդների մշանջենական արծակուրդով ապրող խավի հավաքատեղին էր: Զվարթ, պաշտոնական, անհոգ:

Մնգուրված, զարդարված, թևթև:

Մեծ պողոտայի վրա ցցված փոխարքայի պալատը, բազմաթիվ և բազմատեսակ զինվորականները, դորդալից երաժշտության ընկերակցութունով տեղի ունեցող զորահանդեսները, շքեղ և կոտորատվող կանայք և անզորժ մի հասարակութուն, որ առավտոից մինչև ուշ գիշեր ման էր գալիս առանց նպատակի, առանց մտահոգության:

Լոքո ձկի, Կախեաի գինու և ղոզինաղի Թիֆլիսը:

Սոլուակ կոչված ամենագեղեցիկ քաղաքամասը լիքն էր լավ ցեղի ձիերով լծված փայլփլուն կառքերով, որոնց միջից շքեղ, նվաղուն մեծ աչքերով կանայք շանթահարող նայվածքներ էին տարածում և անցորդների սրտերի վրա մի քիչ երազանք սփռելուց հետո սրընթաց անցնում:

Կյանքը թավալ էր գալիս անձայն սրինգների եղանակով կշռականացած:

Առատ, հեշտ:

Հաճախորդներով լցված անուշեղենների խանութները անկարելի մեծութունով կարկանդակներ և շաքարեղենի կույտեր էին ցուցադրում: Խանութների առաջ՝ մայթերի վրա կտավեղենի և թավիշների բլրակներ էին դիզված: Նրանց շուրջը բոլորված կանանց խմբեր նուրբ և գերզգայուն մատներով շոշափում էին մետաքսները և հեշտանքով նայում գույնզգույն կերպասները: Ծմվող հյուսվածեղենի այդ շրջյունը՝ միացած ամեն կողմից բուրող անուշահոտութուններին՝ նման էր վարդենիների վրայից կախած գինով զեփյուռի:

Ահա գնում էր՝ գունավոր մետաքսե շադրայի մեջ փաթաթված, ոսկիներով բանված ծայրերով շրջազգեստի մեջ սարսոռող, մի թուրք կին: Կարծես մեղունների փեթակ էր անցնում: Կամ, ահա կանգնագեղ և ճկուն մի շերքեզուհի վիթի աչքերով և այծի քայլերով, և կամ փոքրիկ գլուխը օրորելով սահող մի պարսկուհի, կոլոր և երաժշտական:

Քաղաքի ներքևի մասը հասնելու համար պետք էր անցնել նեղլիկ, ծուռուժուռ փողոցներով: Վաղը, հրապարակը՝ Մեյդանը, ինչպես ասում էին տեղացիները, աչքերի առաջ բաց էր անում միամիտ ձեռքով

նախշված պարսկական ձեռագրի մի էջ: Մուլլ նստած, հաստ շրթունքներով, գլուխները վեր բարձրացրած ուղտեր: Կաբժես արև էին որոճում: Չորացած ճյուղերի ծայրերը քաշքշող, բռժոժավոր այծեր: Կկուզ արած, երազկոտ աչքերով և դանդաղ շարժումներով երկար շիբուխներ ծխող արևելացիներ:

Սծմբի, շորացած խաղողի և աղբհարդի ուժգին հոտ: Աղբատ և անտարբեր շներ: Քանդված աչքերով ու դողողուն ձեռքերով մուրացկաններ: Ասիան էր, Իսկ վերը՝ Եվրոպան: Մուռ հայելիների մեջ արտացոլված Եվրոպան:

Երևանյան հրապարակը կարմիր ներկված քաղաքայնություն շենքով: Քաղաքի կենտրոնական փողոցը, երկրի հպարտությունը՝ Գալավինսկի պրոսպեկտը: Այս պողոտայի վրա, Կովկասի բոլոր ազգերը, ցեղերը, տոհմերը, կիրակնօրյա իրենց զգեստները հազած, մեկ մեկի էին հանդիպում: Գալիս էին արձակուրդով, զվարճության, արկածի և ցուցամուլության համար:

Թիֆլիսը ապրում էր ի հաշիվ աշխատող, արտադրող գավառների: Թանկ գնով ծախում էր իր անհոգությունը, իր պարը, իր գինիները, իր աղջիկները:

Գավառային խուլ ընկած քաղաքներում նրա մասին խոսում էին շահագանցված բառերով, թուրք կուլ տալով, գովքը հառաչող ձայնանիշների վրա թրթռացնելով:

Իրականության մեջ, Թիֆլիսը կես եվրոպական, կես ասիական համեստ քաղաք էր: Կղմինդրավոր տանիքների կուտակումներ՝ փոքր բլուրների վրա պառկած, ուրոնց տեղացիները շահագանցելով լեռ էին անվանում: Մի քանի շքեղ փողոցներ: Կենտրոնում, ուր քաղաքի երակները ուռչում էին, խառն և անորոշ ոճերով շինված մի քանի մեծ շենքեր: Թիֆլիսը համակրելի, քաշող և կերուխումի քաղաք էր:

Հերյանը քաղաք էր հասել նախընթաց օրը: Վրացական իշխանություններին դիմել էր, որպեսզի նրանք վերջ տային պաշտոնյանների կամալականություններին և նավը տեղափոխելու գործում հարուցած ավելորդ դժվարություններին: Այլևս ամեն ինչ տարբեր աչքերով էր տեսնում:

Դա է՞ր Թիֆլիսը...

Նա հոգնած, մտահոգ, անհանգիստ քայլում էր դատարկ փողոցներում: սպասելով, որ նախարարությունների գրասենյակները բացվեն: Առաջնություն ժամը ինն անցել էր, իսկ քաղաքը դեռ արժնացած չէր: Խանութները և սրճարանները փակ էին: Պարապ անկյուններում կանգնած կառքերի նիհար ձիերը սմբակները խփում էին քարերին և մեղքի

մորթը դողդղացնում: Ոստիկանները մրսելով վեր վար էին գնում:

Ցուրտ էր:

— Կարծես, — մտածում էր Հերյանը, — ամբողջ գիշեր տեղ գի-
մակահանդեսին հաչորդող դատարկված առավոտ լինի:

Ցավում էր, որ եկել է: Ավելի լավ էր տեղական իշխանությունների
հետ մի կերպ համաձայնության գալ: Ամենադժվարը արված էր: Նավը
բարձված էր ապրանքատար վագոնների վրա և արդեն մեկնած կլիներ,
եթե փոքրիկ, չար մարդիկ դժվարություններ չհանեին: Ամեն կողմից
կաշառք էին ուզում: Ունեցած բոլոր դրամները բաժանել էր: Ունեցած
չունեցածը ծախել էր և այդ մարդկանց տվել: Չէ, որքան տալիս էր,
այնքան ավելի էին ուզում:

Քաղաքի կյանքը սկսվեց տարօրինակ կերպով:

Քաղաքապետության շենքից բազմաթիվ զինվորներ և ոստիկաններ
դուրս գալով խմբերի բաժանվեցին և բռնեցին գլխավոր փողոցների ան-
կյունները:

Հերյանը կանգնեց և զարմանքով նայեց:

Նախընթաց օրը, կայարանում նկատել էր նույն երևույթը: Բոլոր
դռների առաջ ոստիկանների հոծ խմբեր էին կանգնած: Անցագիր էին
հարցնում, ուսաներին և հայերին հարցաքննում, խուզարկում:

Ինչպես ամեն բան մոռացվում, փոխվում է, — մտածեց Հերյանը:
Երբ օրերի վրայից փոթորիկ է քայլում, ալեկոծված ծովի սպառնացող
ալիքները դուրս են բերում աննշան և փոքրիկ մարդկանց: Նրանցից
ստեղծվում են այդպես անվանված զեկավարներ: Մոռացվում են բոլոր
այն արժեքները, որոնց համար տարիներով պայքարել են և երգել: Ու
դիմում են նույն բռնապետական միջոցներին, որոնց լծի տակ իրենք
իսկ ճնշվել են: Խոսում են ընկերավարության, հավասարության, ար-
դարության մասին: Երբ նրանց քերթես, մորթի տակից դուրս կցցվի
չարացած և նախանձոտ ազգայնամոլը: Ոստիկանություն, լրտեսու-
թյուն, խուզարկումներ, ձերբակալություններ, բանտ, աքսոր:

Այդ էր հիմա Թիֆլիսը...

Ահավասիկ, վերջապես մարդիկ:

Առանց շտապելու, մի քանի քնոտ խանութպաններ բաց են անում
իրենց խանութների դռները:

Բացվում է նաև երկնքի մի կտորը: Բացվում է, մի քանի սլառու-
հանների վրա շողշողում, ապա անմիջապես զոցվում և մտնում ամ-
պերի ետև...

Գորշ է և ցուրտ:

Ո՞ւր էր այդ «Մի բաժակ թեյը», որտեղ պիտի հանդիպեր ծանոթներին:

Քայլեց, հարցրեց, գտավ...

Կանգնեց դռան առաջ և զարմացած նայեց: Ոստիկանների մի խումբ շրջապատում էր անցորդներին և խուզարկում նրանց: Մաքուր հագնված, տարիքավոր, ակնոցավոր մի մարդ զայրացած բողոքեց: Ոստիկաններից մեկը՝ կծկված դեմքով և երկայն բազուկներով, մոտեցավ նրան, հայհոյեց, գոռաց և ապտակեց: Ակնոցները փշրվեցին, կլոր գլխարկը վայր ընկավ և գունատված աչտերից արյուն կաթեց:

Հերյանը զայրացավ: Գույնը նետեց և սկսեց կրծոտել շրթունքները: Մարդուն նախատելով տարան:

— Վայրենություն է,— ասաց Հերյանի մոտ կանգնած մարդը զզվանքով:

— Ձեմ հասկանում, ի՞նչ են ուզում դրանից,— հետաքրքրվեց Հերյանը:

— Ի՞նչ են ուզում... Պատճառ են փնտրում նրա ինչքերը յուրացնելու համար: Ուղարկում են զավառ իբրև թշնամի և նրա բացակայությունը կկողոպտեն նրա ունեցած շունեցածը... Այդ է մենշեխների կասավարելու ձևը:

Հերյանը մտավ ներս:

Գեղեցիկ և մաքուր մի սրճարան: Մառայում էին լավ ընտանիքի աղջիկներ և տիկիներ բարեգործության նպատակով: Շատ մաքր չկար: Սակայն, մինչև որ ապսպրված թեյը և կարկանդակները բերեցին, սրճարանը լցվեց: Կարծես նույն ժամին ամենքն էլ ժամադրություն էին տվել միմյանց:

Հետաքրքրված նայեց:

Անմիջապես հասկացավ, որ հաճախորդների մեծ մասը Ռուսաստանից փախստական մտավորականներ և արվեստագետներ էին: Այդ երևում էր նրանց դիմագծերից և շարժումներից: Դեղնած, նիհար դեմքեր, շվարած նայվածքներ: Թափթփված երկար մազեր, բարձր ճակատներ, թուլացած ձայներ և ամենատարօրինակ զգեստներ: Այդ մի քիչ երդիծաբանական և սակայն գութ ազդող տիպարները անդադար խոսում և վիճում էին: Ամենքն էլ ծանոթներ էին: Մենակ էր միայն Հերյանը: Մենակ, տխուր, ընկճված: Դռան առաջ պատահած վայրենությունը դեռ շարունակում էր ճնշել նրան:

— Կարևի՞ է, օրիորդ, մի բաժակ թեյ ևս խնդրել:

— Իհարկե...

Գեղեցիկ, հնչուն, կրծքից բարձրացող ձայն ուներ մատուցող աղ-
ջիկը: Հերյանը այդ ձայնը սիրեց և քիչ հանգստացավ:

Հաճելի միջավայր էր: Ալիելի ընդունելութան սալոնի էր նմանում,
քան սրճարանի: Կրակների միջից անցած, բզկտված փախստական այդ
մտավորականները աշխատում էին պահել կյանքի արտաքին ձևակա-
նությունները, չափազանցված քաղաքավարական ձևերը, կանացի ձեռք
համբուրելը, նյութագին անուշուրթյունները, որոնք հատկանշական էին
նախահեղափոխական շրջանի հասարակությունը:

Հիշեց դեպի գիլյոտին տանող կառքերի վրա բազմած ֆրանսիա-
կան ազնվականների քաղաքավարական ձևերը:— Թույլ տվեք, մար-
կիլոտի, ձեր ձեռքը համբուրել...— Ահ, սիրելի կոմս, թողեք որ հանեմ
ձեռնոցս...

Նույնը մատուցող կանայք: Կարծես, հատուկ հրավիրված հյուրեր
էին ընդունում իրենց տան մեջ: Սահում էին սրահի մի ժայրից մյու-
սը, ժպիտներ և անուշահոտություններ սփռելով, զգեստների շխախտող
մետաքսները, լայն բացված դողողուն կրծքերը և խնամված ճերմակ
ձեռքերը ցուցադրելով:

Նա բնազդաբար նայեց իր ձեռքերին և թաքցրեց: Հետո, անմիջա-
պես դուրս հանեց և դրեց սեղանի վրա: Ինչո՞ւ ամոթ զգալ, աշխատած
ձեռքեր էին: Վերջին շաբաթները նա այդ ձեռքերով, այդ հաստ, ուժեղ
ձեռքերով մաքրել, յուղել, փայլեցրել էր նափի մեքենաները, ներկել
էր կամրջակները, սրբել, կատարյալ վիճակի էր հասցրել ամեն ինչ:
Ինչո՞ւ ամոթ զգա...

— Տո, ի՞նչ ես բռունցքներդ խաղացնում սեղանի վրա... Կռվի՞
ես պատրաստվում, ի՞նչ է...

Պերոնյանն էր:

— Քո արև, այնպես ես նայում, ասես պիտի հարձակվես այս
խեղճ, փափկասուն աղջիկների վրա... դե լա՛վ, լա՛վ, ոչ մի բացատրու-
թյուն, ծանոթացիր բարեկամներիս հետ... Հայկ Շուշան՝ փեշակով
նկարիչ... Կարա՝ ֆուտուրիստ բանաստեղծ... Սուլթանյան՝ գրականա-
գետ... Մի խոսքով, տեսնում ես... բոլոր մուսաները...

— Շատ, շատ ուրախ եմ... Տեսնեմ, չէի սպասում քեզ այսուհ
տեսնել... Նստեք, խնդրում եմ, նստեք...

— Քեզ ներկայացնելու կարիք չունեմ,— ասաց Պերոնյանը, երբ
ամենքը նստեցին:— Քո մասին արդեն գիտեն, խոսել ենք... Սեանի
ազմիրալը... հայտնի մարդ ես...

— Ինչպե՞ս չէ,— բացակահիշեց Կարան,— ձեր մասին շատ լավ

բաներ ենք լսել... ձեր ֆուտուրիստական ոգին, ձեր հանդուգն ձեռնարկը ներկա պայմաններում...

— Լավ, լավ, շատ մի՛ գովիր,— նրա խոսքը կտրեց Պերոնյանը:

— Շատ մի՛ գովիր, համեստ մարդ է, մեկ էլ տեսար վեր կացավ գնաց... Դու ինչպե՞ս ես ընկել այստեղ, քեզ Երևանում էինք սպասում...

— Երկար պատմություն է: էլ գլխիս ինչեր ասես չեն բերում...

— Այսինքն...

— Պարզապես դժվարությունների համադրույթի Գիտե՞ս, որ նավը գնել եմ և նույնիսկ բարձել եմ վագոնների վրա:

— Այդ մասին խոսում էին Երևանում:

— Երևանո՞ւմ,— զարմացավ Հերյանը:— Ո՞նց են իմացել:

— Ամեն բան իմանում են: Եվ ուրե՞մն...

— Ուրեմն, սկսեցին խոչընդոտներ հանել երկաթուղային պաշտոնյաները: Ամեն բան անում են, որպեսզի նավը տեղից չշարժվի: Եկել եմ դրա համար: Մտադիր եմ դիմումներ անել: Սակայն, արդեն հուսաբարվեցի...

Պատմեց այն, ինչ տեսել էր սրճարանի առաջ:

— Չեմ ուզում գործ ունենալ այդ կարգի մարդկանց հետ:

Ամենքը լռեցին:

— Սոսկալին այն է,— տխուր շեշտով ասաց Հայկ Շուշանը,— սոսկալին այն է, որ մարդիկ այդքան հեշտ կերպով հրաժարվում են իրենց մտքի պսակներից: Այն, ինչ, դեռ երեկ, ամենքի՛ համար հոգիները լուսավորող անվիճելի իդեականություն էին, այսօր խավար են, չգոյություն: Երկրաշարժային ցնցում, ընկերային տակնուվրայություն... աղետ, և ամեն ինչ թավալվոր խորասուզվում է վայրենության մեջ: Մարդը վերադառնում է կենդանական բնազդներին և դառնում է գայլ:

— Այդ ապացուցում է, որ,— միջամտեց միշտ հակաճառելու պատրաստ Կարան,— այն հին արժեքները, որոնց մասին խոսում ես, չեն համապատասխանում իրական կյանքի պահանջներին:

— Եվ այդպես ամեն ինչ կարող ենք արդարացնել...

— Չեմ արդարացնում, բայց տեղի ունեցող փոփոխություններից էլ չեմ վախենում: Կյանքը փոփոխվելով նորանոր պահանջներ է դնում մեր առաջ և մենք պետք է ի վիճակի լինենք պատասխանել այդ պահանջներին: Կարենալ փոխվել, կարենալ հնարել, կարենալ դարձնել նոր զենքեր... Ահա:

— Բայց, սիրելիս, դու բոլորովին ուրիշ բանի մասին ես խոսում...

Հայկ Շուշանը ակնոցների հետևից նայեց Կարային հեղնական ժպտով: Նա Կարային չէր կարողանում տանել: Ո՞վ էր նա: Նմանու-

թյան մի նմանությունը: Եվրոպայում ծագել էր ֆուտուրիզմ անվանած գրական մի շարժում: Որոշ ոուս արվեստագետներ այդ նմանությունը ստեղծել էին մի նոր սեփական շարժում արտահայտելու համար իրենց անհանգստացած խենթությունը... Ներկում էին իրենց քթի ծայրերը, ստեպղինի պսակներ էին հագնում, կաղամբի շքանշաններ էին կախում: Կատաղեցնում էին բուրժուաներին և հմայում հիստերիկ աղջիկներին: Կարան երգվում էր նրանց անունով: Երկար, զունավոր շապիկներ էր հագնում, աֆղան գլխարկ, բարձր կոշիկներ և իրեն համարում էր նոր կյանք հայտարարող առաքյալ: Իսկ առաքյալները միշտ էլ մի բիշ ծիծաղելի են:

— Դու բոլորովին ուրիշ բանի մասին ես խոսում,— կրկնեց Շուշանը:— Այն, ինչ այսօր տեսնում և քննադատում եք՝ նորը չէ, այլ հին է, շատ հին դիմակների ժամածոություններ... Պատմության խորքից գուրս ցցվող խրտվիլակներ...

— Մոռանում ես, որ փոթորկի մեջ ենք: Երբ երկիրը ցնցվում է, մարդիկ կորցնում են իրենց գլուխը: Վաղում Լն այնտեղ, ուր կարիք չկա վազելու, անում են այն, ինչ բնականոն ժամանակ ծիծաղելի պիտի թվար:

— Այդ անկասկած այդպես է...

Արահը գնալով լցվում էր նոր բազմությունով: Նոր եկածները սեղմվում էին խճողված սեղանների շուրջը, մեծ խմբեր կազմում, անցքերը փակում:

Մուխ, աղմուկ:

Հերյանը ուշադրությամբ դիտում էր:

— Զարմանալի տեսարան է,— ասաց նա:— Երևում է, որ այս մարդկանց գլխից վտանգ է անցել: Շվարած նայվածքներ, կծկված բերաններ:

— Ռուսաստանը անցնում է մի հսկայական մաղի միջից, ծանր հատիկները մնում են, մնացածը հանձնվում է քամուն...

— Փախստականներ...

— Եթե լավ մտածենք,— բացականչեց Սուլթանյանը,— փախչելը նվաստություն է: Մարդ երբեք չպետք է լքի հայրենիքը, նույնիսկ եթե կյանքի վտանգ կա: Գաղթականը, վերջ ի վերջո, կես մարդ է...

— Փախել են ճնշումներից, զրկանքներից, սովից:

— Ճիշտ այդ. վախենում են զրկանքից: Սակայն, տեսեք, նրանք արդեն նմանվում են քամուց քշված մեռած տերևների: Եվ չեմ հասկանում մի բան, եթե ժողովուրդը շարշարվում է, ինչո՞ւ արվեստագետները պիտի խուսափեն շարշարանքից:

— Միանգամայն համաձայն եմ,— ասաց Կարան,— միանգամայն համաձայն եմ, պիտի քաջություն ունենալ իրականությունն ընդունել այնպես, ինչպես գալիս է, և այդ իրականությունը ինչքան դժնդակ լինի... պետք է արվեստի վերածել: Երգը ամեն ինչ կարող է հիմնավորել:

— Այդ անուրանալի է,— համաձայնվեց Հերյանը:— Պետք է մնալ, պնդել, հարատևել: Մենք ամենքս էլ պատասխանատու ենք տեղի ունեցող դեպքերի համար... և քաջություն է պետք դրանց հետևանքները կրելու:

— Շատ հետաքրքիր տեսարան են պարզում այդ փախստականները,— քիչ լսելուց հետո նորից խոսեց Հայկ Շուշանը:— Քանի եկել են, նայում եմ նրանց: Այդ խուժանը միայն արվեստագետներից և մտավորականներից կազմված չէ, ամեն տեսակ տարրեր կան նրանց մեջ... Երբ եկան, ողորմելի էին, խեղճ, նիհարած, հյուծված... Բայց ժամանակ չկորցրին, նրանցից շատերը՝ խուզարկիչ աչքերով, ցած և համառ ճակատներով անձնավորություններ՝ անմիջապես ուսումնասիրեցին տեղի պայմանները, հոտոտեցին միջավայրը և գործի անցան: Բազմաթիվ խանութներ բացվեցին: Ամեն ինչ ծախում և ամեն ինչ գնում են: Փող են փոխում, և ոսկի, արծաթ, թանկագին քարեր հավաքում: Կարճ ժամանակում մեկ էլ բազմաթիվ տիկիներ ասպարեզ իջան: Հնչուն, ազնվական անուններով բարոնեսներ, կոմսուհիներ, իշխանուհիներ, Մեծ-մեծ հավակնություններ, սիրալիր ժպիտներով, նրանք սկսեցին հովանավորել արվեստագետներին և գրողներին...

— Ըստ ավանդության...

— Հա: Այդ պատրվակի տակ նրանք բացեցին գիշերային ակումբներ, որտեղ ձեզ ընդունում են ազնվագույն ձևերով, հանդիսավոր մեծարանքներով, գիջանող ժպիտներով, և որտեղ դուք հանդիպում եք հռչակավոր ազնվական անունների, որոնց մասին ժամանակին կարդացել էիք Պետերբուրգի կամ Մոսկվայի թերթերում: Ձեզ առաջարկում են անխուսափելի մի բաժակ թեյը: Տիկիներից մեկը կես ձայնով երգում է: Անուշեղեններ և կարկանդակներ են հրամցնում, արվեստի շուրջը խոսում և վիճում:

— Ի՞նչ կա որ... վատ բան չէ...

— Չէ: Շատ լավ է: Վատը այն է, որ հետո ձեզ հրավիրում են ուղեթի սենյակը... բարեգործության համար: Դուք, բնականաբար, ամաչում եք, ընդունում, վերջին ձեր կոպեկները կորցնում և պաղած դեմքով, մեղավոր, որ ավելի փող չունեք, մի կերպ դուրս եք գալիս և փախչում...

— Ահա բանը ինչում է...

— Թիֆլիսը այժմ այդ կյանքով է ապրում: Գիշերային ակումբներ, գեղեցիկ ոռոս իշխանուհիներ, անվանի արվեստագետներ: Զարմանալի է բարձր ազնվականության յուրովի շահագրգռվածությունը արվեստով... Ձեզ հրավիրում են երեկո:յթի, ուր իբր հայտնի մի բանաստեղծ պիտի կարդա իր վերջին գրվածքները: Լեցուն բազմություն: Գահլիճի խորքում փոքրիկ բեմ: Գողգալից ծափահարություններ: Բանաստեղծը դուրս է գալիս բեմ: Բուխարայի մետաքսից կարված երկար և տարօրինակ մի շապիկ հագած, քթի ծայրը ներկված, Լրեսը հուպիտի նման սնգորված, Լրորդական դերասանի ձևերով նա սկսում է արտասանել հեռավոր և խլացած ձայնով՝ եզակի և անհասկանալի բառեր: Տիկիները հառաչում են և ծափահարում: Շրջապատում են բանաստեղծին, սեղմում և համբուրում նրա ձեռքերը: Հետո, անխուսափելի կերպով, ձեզ հրավիրում են անցնել մյուս սենյակը, ուր, պատահաբար, դուք նորից գտնում եք ծանոթ ոուլեթը և աչքերով ձեզ ուտող փափկասուն տիկիներին...

— Ցեխ...

— Բարեբախտաբար, — ասաց Պերոնյանը, — մեր երկիրը դեռ հեռու է մնացել այդ կեղտից: Աղքատ ենք և գոնն պատիվ ունենք մենակ լինելու մեր անիծյալ հարցերի և ողբերգությունների հետ: Մենք ապրում ենք վտանգավոր մի կյանք: Արտաքին թշնամիները, մալարիան, տիֆը, անոթությունը և մեր գաղթականները պրինցեսներ չեն... Նախընտրում եմ այդ: Մի օր, մեր այդ դժբախտություններից կղարբենք նոր գեղեցկություններ, մեր գեղեցկությունները՝ խոր և մեծղի: Գեղեցկությունները ծնվում են տառապանքից...

Լոեցին:

Ամեն մեկը իրեն զգաց մի մեծ բեռան տակ ճնշված: Մտքով վերադարձան Հայաստան: Լոեցին:

— Նկատե՞լ եք ինչքան գեղեցիկ է բարձրահասակ այն օրիորդը, որը թեյ բերեց, — հարցրեց Շուշանը, կարծես երազից նոր արթնանալով:

— Իսկապես...

— Շատ լավ ընտանիքից է: Կրթված, դաստիարակված, նուրբ ճաշակով:

— Առաջին վայրկյանից նա իմ ուշադրությունը գրավեց, — ոգեվորված ասաց Հերյանը: — Կատարյալ դասական գծեր ունի, ասես հունական արձան է...

— Եվ սակայն... Չէ, լավ է ձեր պատրանքը շփաշցենեմ...

— Մեր պատրանքը... Ի՞նչ ես ուզում ասել... բարոյականությունը...

— Չէ, չէ, այդ շեմ ուղում ասել: Ամենքդ այդպես նրա կողմը մի՛ նայեք, թե չէ կհասկանա, որ իր մասին ենք խոսում:

— Դե, լավ, ասա տեսնենք բանը ինչո՞ւմ է:

— Նայեք, նրա ձախ ուսի վրա միշտ էլ մի բան կա գցված, ծածկելու համար բազուկը:

— Այո, իսկապես...

— Պատճառը այն է, որ այդ բազուկը շատ ավելի կարճ է, քան մյուսը...

— Այո... Ի՞նչ մեղք...

— Եղբայր, ի՞նչ կարիք կար այդ ասելու...

— Դուք կամեցաք... Նաև, ուզում եմ ասել... ամեն մի երջանկություն թաքցնում է մի վերք, որը մենք չենք նշմարում: Խոսում էինք մեր երկրի և մեր թշվառության մասին... Մտածեցի, հաշմված գեղեցկությունից ոչինչ չի կարելի ստեղծել, իսկ հաշմված, փշրված, տանջանքով լցված կյանքը կարելի է բարձրագույն արժեքների վերածել...

— Նայած, — միջամտեց Սուլթանյանը, — նայած... Տևական ֆիզիկական տանջանքը բթացումի և անզգայության է հասցնում: Տառապանքը գեղեցիկ է, երբ նա սնունդ է տալիս ստեղծագործական ուժերին, հոգեկան թոփռանքին, կյանքի լեցունության, որոնք որոնում են արտահայտության միջոցներ: Դանթեն ցցվել է իր ժամանակների խավարի կատարին. նա արձագանքն է Իտալիայի ամենադաժան ժամանակաշրջաններից մեկի: Արձագանք և դատավոր:

— Այո, որովհետև նրա անձնական, ուժգին հոգեկան միությունը անբաժանելի կերպով կապված է իր ժողովրդի միությանը: Նա զայրացած դատավոր էր հանուն այդ ժողովրդի գերագույն ավանդությունների, — ավելացրեց Շուշանը:

Կարան տեղից վեր թռավ: Բողոքեց:

— Ավանդություն, ավանդություն... Ի սեր աստվածների, թողնենք այդ հնացած, մաշված գաղափարները, վերջ տանք այդ ժեր, զառամած խոսքերին: Նայեք ձեր շուրջը, կյանքը վազում է հրացանից դուրս պրծած գեղակի նման, իսկ դուք ճառում եք ավանդության մասին... Եղբայր, ժամանակն է հասկանալու, որ եթե այսօր ընկել ենք այս դրության մեջ, պատճառը այն է, որ մեզ կրթել են տխմար տերտերները և նրանցից ոչ նվազ տխմար վարժապետները: Միշտ նույն խոսքերը՝ մեր փառավոր անցյալը, մեր առաքինությունները, մեր քրիստոնեությունը, Սահակ-Մհարոպը, գրերի գյուտը, Լուսավորչի ճրագը, պապերի իմաստությունը, հայրենի գյուղի թղենու ծառերը և մամի պատրաստած մածուեը... Արդյո՞ւնքը... Արդյունքը մեջտեղն է. մեր անկա-

րողութիւնը՝ ըմբռնելու ահաւոր դեպքերը, որ մեզ ճգմում են, դարը, որ գրոհ է տվել մեր վրա, պատմութիւնը, որ մեզ համար անհասկանալի նոր ձևեր է դարբնում: Ինչո՞ւ թաքցնեմ: Մեր գրողները ավելի պատասխանատու են այդ անհասկացողութիւնի համար, քան որևէ ուրիշը...

Պատասխանեց Սուլթանյանը:

— Նորից տաքացար, Կարա: Անշուշտ մասամբ իրավունք ունես քննադատելու մեզ՝ մտավորականներին. դրանում կարծում եմ ամենքս էլ համաձայն ենք: Խոսել ավանդութիւնների մասին, ինչպես խոսել են այդ պարոնները, նշան է մտքի քնածութիւն, դանդաղութիւն, միջակութիւն, դյուրին իմաստականութիւն և այլն...

— Հենց ճիշտ այդպես...

— Գրանք, ազգի անունից ու նրա անցյալից ճառողները, փոքրիկ մարդիկ էին, ոչ միշտ անկեղծ, որոնք իրենց միջակութիւնը աշխատում էին թաքցնել դարից դուրս կրկնված գատարկ ֆորմուլաների ետև: Այդ գաղափարները ժամանակին անտարակույս կատարել են իրենց անհրաժեշտ դերը, կառուցել են բաներ, որոնց հիշատակը կորել է, բայց, այլևս նրանք ոչինչ չեն նշանակում և մտքերի մեջ էլ ոչ մի արձագանք չեն գտնում... Այդ պարզ է օրվա լույսի նման:

— Թռավո՞ւ...

— Այդ այդպես է: Սակայն, շմոռանանք մի ուրիշ կարևոր հանգամանք. ազգերի կյանքում առաջադիմութիւնը՝ պատմութիւն և մտքի՝ արիշ բան չէ, եթէ ոչ նոր վերադարձ դեպի բուն ժողովրդի իսկութիւնը: Գեպի այն վտիտ և պարզ հոգեկան աղբյուրները, որտեղից առաջ են եկել նրա գլխավոր առաքինութիւնները և որոնց վրա հիմնվել է նրա լինելու կամքը: Այն մաքրամաքուր նախասկզբնական ուժերը, որոնք սնուցել են և արդարացրել նրա էութիւնը: Այդ տեսակետից, ամեն մի իսկական հեղափոխութիւն, որքան առաջադիմութիւն է, միևնույն ժամանակ նաև ետ գնալ է, ոչ գեպի այն՝ ինչ անկատար կերպով անվանում են ավանդութիւն, այլ դեպի այն, ինչ կազմում է ժողովրդի հոգեկան բնութիւնը, նրա ծագման դրդապատճառը, այդ ձևով է միայն պահպանվում սերունդների հաջորդականութիւնը, միաժամանակ նաև առաջագիժութիւնը...

— Զգիտեմ, կարողանո՞ւմ եմ ինձ բացատրել... Իսկական հեղաշրջումը կատարվում է այն ժամանակ, երբ ժողովուրդը վերագտնում է իր պայծառ, անմեղութիւն մասալորոված աչքերը. այն աչքերը, որոնք կարողանում են տեսնել անհրաժեշտը հավիտենականութիւն լույսի տակ և այդ անհրաժեշտը վերածում մարդկային, զուտ մարդկային ար-

ժեքներին: Իրականությունը շրջանական է. նա անցյալի և ներկայի համադրությունն է: Նա կյանքի գերագույն այն միությունն է, որով մենք վերամշակում ենք, ինչպես արտը վերամշակվում է ցանոզի մեծդի և հիմնական ժեստի մղումով:

Այդ խոսքերը Հերյանին հիշեցրին Հայաստանում հանդիպած Պետրոս Մարկին:

«Եթե այստեղ լինեիր,— մտածեց Հերյանը,— նա էլ կասեր իր ասելիքը, ով գիտի ինչպիսի ոգևորությամբ ճառելու էր այս մարդկանց հետ, որոնք հայրենասիրական փքուն ճառեր են արտասանում, բայց գործնականում ոչինչ չեն անում...»:

Մովսիսն մարդու իր խառնվածքով, Հերյանը չէր կարողանում նրանց արտառոց մտքերի հետ հաշտվել... և մտածում էր— «բարձր կոչված այդ գաղափարներով ոչ թե հայրենիք, այլ անգամ խրճիթ չի կարելի կառուցել»:

Նա այդպես մտածեց և դառն ծիծաղեց...

— Գիտեք, Հայաստանում հանդիպեցի մի...— սկսեց խոսել Հերյանը, բայց չկարողացավ շարունակել:

Ամենքը իրենց գլուխը դարձրել էին դեպի հարևան սեղանը:

Փոքրահասակ մի երիտասարդ՝ ուռած աչքերը գորտի նման դուրս գցած և կարճ բազուկները ջաղացի նման շրջելով՝ բարձրաձայն, անհասկանալի լեզվով ինչ-որ բան էր արտասանում:

Բերանը տարօրինակ կերպով ծռում էր և կատվի նման մլավում: Քամու նման վշշում էր, մոնչում, կամ արևադարձային անհայտ մի անտառի մեջ երգող թռչունների ձայներ էր հանում, ապա՝ կտկտում հավի նման կամ բառաչում, խումփում, ոռնում:

Սաստիկ ոգևորված էր:

Ձեռքերը կպցնում էր կրծքին, աչքերը ոլորում, մարմինը գալարում, շրթունքները ուտինի նման լայնացնում և սուլում, շվվում, ինչ-որ ներքին հուզում, ինչ-որ վիշտ նկարագրելով:

— Տո, ի՞նչ է կատարվում,— զարմացավ Հերյանը:— Հիվանդ է, ի՞նչ է...

— Ձէ,— լուրջ կերպով պատասխանեց Կարան,— պարզապես բանաստեղծ է, որ պատկանում է գրական այն խմբերին, որը կոչվում է «40 աստիճան»... Այդ տղան, իմ բարեկամս միջազգային ձայնական լեզվի հանճարեղ հնարողն է: Նա արտասանում է մի պոեմ, որի անունն է «Մոր ողբը իր գավակի գերեզմանի վրա»: Գեղեցիկ և շատ տպավորիչ բանաստեղծություն է: Պիտի ասել, որ դա իսկական հեղափոխություն է ձևի և արտահայտության կերպարի մեջ:

— Այ քեզ բան,— բացականչեց Շուշանը Սուլթանյանին դառնալով:— Ճիշտ և ճիշտ քո քիչ առաջ քարոզած վերադարձը...

— Դեպի գազանային դարաշրջանը...

Ամենքը ծիծաղեցին:

— Այդ միայն ցույց է տալիս,— հանգիստ ձայնով պատասխանեց Սուլթանյանը,— որ ամեն մի ճշմարտութուն կարելի է հասցնել տխմարության... Ես խոսում էի ժողովրդի սկզբնական հոգու, ծագման շրջանի հոգեկան թոփշի մասին, և ոչ չորս թաթերի վրա քայլելու մասին...

— Նորից վիճաբանությունը չվերսկսենք,— միջամտեց Պերոնյանը,— ժամանակը անցնում է, հազար ու մի բան ունենք անելու և, հետո, մի բան ուտենք, չէ՞... Եկեք գնանք...

Փողոցում Հերյանը մտավ Պերոնյանի թևը, սպասեց, որ մյուսները անցնեն առաջ և սկսեց հարց ու փորձ անել:

— Ինչո՞ւ ես նորից Թիֆլիս եկել:

— Այգ էլ հա՛րց է. գիտես, չէ՞... Այս անգամ, ոչ միայն թուղթ չկա, այլև մեղան և տպագրական ներկեր:

— Հասկացա: Իսկ երկրում դրությունը ինչպե՞ս է:

— Վատ: Քո մեկնելուց հետո դեռ ավելի բարդացավ: Հենց որ վրացիների հետ տեղի ունեցած միջադեպը վերջացավ, մերոնք նոր բարդություններ ստեղծեցին: Ղարաբաղի դեպքերը տեղի ունեցան...

— Բայց ո՞վ է այդ ամենքի պատասխանատուն,— հարցրեց Հերյանը:

— Անշուշտ մեր անճարակ ղեկավարները,— պատասխանեց Պերոնյանը:— Հանգիստ չունենք. սահմանների վրա անդադար միջադեպեր են ստեղծում, գրգռում: Ավելացրու ահավոր ցուրտը և այն, որ մեր զինվորները ոչ հազուստ ունեն, ոչ կոշիկ...

— Լավ. իսկ դաշնակից մեծ պետությունները...

— Պատկերացրու, ոչ միայն մեզ չեն օգնում, այլ ընդհակառակը, օժանդակում են մեր թշնամիներին... Անշուշտ, պատմությունը կարձանագրի նրանց սրիկայական այդ վարմունքը... Հարցը նրանում է, որ թե՛ Եվրոպայում և թե՛ Ամերիկայում հասարակական կարծիքը, պատերազմից հոգնած, քնել է, և մեջտեղ են ընկել հին քաղաքական գայլերը՝ առանց խղճի, առանց պատվի, նյութապաշտ և ազահ... Դաշնակիցները, մոռանալով այն իդեալները, որոնց համար իբրև թե կռվում էին, այսօր, հաղթությունից հետո սկսել են մրցել մեկը մյուսի հետ, դավել և դավաճանել, սիրաշահել երեկվա թշնամիներին և զինել նրանց՝ երեկվա բարեկամներին տապալելու համար... Մենք փոքրիկ, արյունաքամ

եղած ժողովուրդ ենք և մեր երկիրն էլ ոչ նավթ, ոչ ոսկի ունի... ուստի մեզ խաբելուց հետո հիմա էլ զոհում են...

— Իսկ ձերո՞նք... — հարցրեց Հերյանը:

— Մերո՞նք... — կրկնեց Պերոնյանը, — մերոնք այնքան թշվառ են, որ նախարարական ողորմելի աթոռները պահելու համար կայել են նրանց պոչին... ո՞ւմ վեջն է, թե այդպես վարվելով ժողովուրդը հասցընում են կործանման անդնդի եզրին...

Լուս քայեցին:

— Դրանից դուրս... ժանտիները, բարեկամները... առհասարակ Հերյանի ձայնը վարանում էր: Պերոնյանը ժպտաց:

— Հասկացա ում մասին ես հարցնում: Շատ շեմ տեսել նրան...

Երևի քեզ գրում է, չէ՞...

— Երբեմն... Երկու ամիս առաջ պնդում էր շուտ վերագառնամ, գոնե մի երկու օրով, բայց անկարելի էր. գործի ամենատաք ժամանակն էր... Դրանից հետո երկու նամակ ևս ստացա, բայց կարծես ինչ-որ բան փոխվել է... Առաջվա նման չէ...

— Եթե շեմ սխալվում, քո բնական սենյակը վարձել է մեկ ուրիշը:

— Ուրի՞շը... Ո՞վ...

Հերյանը գույնը նետեց:

— Անձամբ նրան շեմ ճանաչում, — շարունակեց Պերոնյանը: — Կարծեմ ուսանող է: Զվարթի քննություններին օգնում է... Երբեմն նրանց տեսնում էի միասին... Ամեն անգամ ինձ հանդիպելիս, միշտ էլ քո մասին էր խոսում: Հիշում եմ, ինչքան ուրախացավ, երբ նրան պատմեցի նավի մասին...

Այդ ժամին Թիֆլիսի կենտրոնական փողոցը լցվել էր զբոսանքի դուրս եկած տարբեր ազգության խառն բազմությամբ: Ման էին գալիս անհոգ, աննպատակ, ուրիշների մոտից քսվելով անցնելու հաճույքի համար:

Աղմկալից էին երիտասարդական խմբերը: Ամեն տեղ էին, ամեն անկյունում:

Բազմության մեկ հոսանքը գնում էր վեր, իսկ մյուսը՝ վար:

Առանց դադարի:

Անկարելի մաղերով և անկարելի հագուստներով մտավորականներ: Զերքեզկայի գոտին ուժեղ սեղմած, կուրծքը դուրս ցցած, պարի քայլով անցնող գավառացիներ և լիոնցիներ: Ծարպերի մեջ երերող կանայք և փայտ կուլ տված իրաններով մարդիկ:

Մարդկային այդ սև գիտը հոսում էր մինչև քաղաքապետության

չենքը, այնտեղ լայնանում էր, ապա սեղմվելով ուղղվում էր դեպի փոխարքայի նախկին պալատը և նորից ետ գնում: Պարասյություն որոճող այդ արարողությունը տևում էր մի քանի ժամ:

Ժամը հրեքի մոտերը ամենքը վերադառնում էին իրենց բնակարանները, ուտում ինչ կարող էին ուտել, հառաչում, հորանջում, մրափում և սպասում հրեկոյան ժամին, երբ նորից կարող էին դուրս գնալ և աշխատանքից հետո հանգստացող մարդու ձև առած քայլել փոխարքայի պալատից մինչև քաղաքապետություն և քաղաքապետությունից մինչև փոխարքայի պալատը:

— Չեմ կարողանում տանել այս մթնոլորտը, — ասաց Հերյանը: — Աշխարհը տակնուվրա է, իսկ այդ մարդիկ...

— Քայլում են և սպասում...

— Ի՞նչ են սպասում:

— Էնպես: Գիտեն ամեն ինչ ժամանակավոր է, որ դռների ետև վտանգավոր ստվերներ են թաքնված, որ մի ոմն հեռվից երկաթե կոշիկներ հագած մոտենում է...

— Իսկ դեմքից նայես անհոգ են երևում...

— Միշտ էլ այդպես են եղել: Այս մարդիկ չեն աշխատել, չեն տանջվել, սարսափների չեն ենթարկվել: Ապրել են ուրիշի աշխատանքով, և վաղը ով էլ գա, կապրեն նրա աշխատանքով: Դա բոլոր պորտաբույծների փիլիսոփայությունն է:

— Իսկ մեզ մոտ ամեն ինչ պետք է կառուցել անապատի վրա: Գիտես, երբևն էլ մտածում եմ ինչ լավ է, որ մեզ այդպես է վիճակված: Դա էլ մեծ բան է, չէ՞, կարողանալ ամեն ինչ նորից շինել. նոր հղացում, նոր գաղափար... Սուլթանյանը իրավունք ունի, մենք՝ արարատյան մարդիկս, հեղեղից նոր ազատված, պետք է անցյալին «ոչ» ասենք և կառուցելով կառուցվենք... Այո, նա իրավունք ունի, պետք է վերադառնանք մանկական միամիտ մեր աչքերին և աշխարհը տեսնենք այնպես, իբրև թե առաջին անգամը լիներ...

— Մոռանալ երեսուն դարերի պատմությունը...

— Չեմ ասում ուրանալ, բայց մոռանալ, այո: Այլևս ետ չնայել, հասկանո՞ւմ ես, ետ չնայել: Ստեղծել նոր հոգեկան նավարկություն... Հանգդնել, ցանկանալ և հանգդնել:

— Այդ մասին խոսիր քաղաքական գործիչների հետ...

— Դա է, էլի: Կարելիությունների վաճառականներ... դեպքերի շահագործող վաշխառուներ...

— Նրանք էլ սոսկալի պատասխանատվություններ ունեն:

— Չեմ ասում: Գիտեմ մի բան. փոքր են և սահմանափակ, և այդ պատճառով էլ աշխարհը անշնչելի է դարձել:

— Ի՞նչ է, եղբայր, սոված չե՞ք... Մի քիչ շուտ քայլեք...
Հերյանը և Պերոնյանը շտապեցին մյուսների հետևից:

Խումբը սանդուղներով իջավ մի տան ներքնամասում գտնվող ճաշարանը:

Գեր, կլոր, հաստ բեղերով տերը վազեց մոտ, նրանց ցույց տվեց շարված ձկնեղենները և ուտելիքները, ընդունեց պատվիրը և նրանց առաջնորդեց ներս:

Հաստ կամարների տակ ճզմված սենյակները բավականին մութ էին: Մայթի վրա նայող պատուհաններից սվելի աղմուկ էր ներս գալիս, քան լույս:

Մի միամիտ վրձին պատերի վրա էկարներ էր շարել: Անկարելի դաշտանկարներ, հայ, վրացի, ռուս հայտնի գրողների պատկերներ:

Ամեն ինչ պարզ էր, նախնական:

Կոպիտ հախճապակե պնակներ: Յուղոտ կերակուրներ: Արյունի գույն թանձր գինիներ: Սալորի և խաղողի ուժգին օղիներ:

Ժողովրդական աիպական Թիֆլիսը:

Ճաշարանը, ինչպես միշտ, լցված էր արվեստագետներով և գերասաններով: Ուռած, դուրս նետված ճակատներ, դերվիշի և առաքյալի չհաղողված դեմքեր, ակոսված այտեր, սրածայր փոքրիկ մորուքներ և աչքեր՝ երենոսե գնդակներ:

Ամենքն էլ մեծ ախորժակով ուտում էին:

Սենյակի խորքում ոլոր սեղանի շուրջ աղմուկով ուտողների մի խումբ էր նստած: Հարթված գեմքեր, ձգված շրթունքներ, բոցկլտացող, գինովցած աչքեր: Հնչ դերասաններ էին:

Երբ Պերոնյանը ներս մտավ, այդ խմբում նստած մարդկանցից մեկը՝ հաղթանդամ, ըմբշի դանդաղ շարժումներով, աչքերը խմբից վարազուրված՝ վեր թռավ, մոտեցավ նրան, համբուրեց և դիմելով հասարակության գոռաց.

— Ահավասիկ, պարոններ, Հայաստանի հանրապետության շրջիկ գանձը... Ժամանակին, երբ ես Վենետիկի պալատում Յթելտ էի՝ նա իմ դոժս էր: Հիմա, ավաղ, նա թղթի վրա տպված միլիարդների երեվակայական հարստության ենթադրյալ պետն է...

Ամբողջ ճաշարանը աղմուկով ժիծաղեց:

— Դու հարբած ես, Տիգրան, — ասաց Պերոնյանը խիստ ձայնով:—

Չգիտես ինչ ես ասում: Գնա... Խնդրում եմ, ինձ հանգիստ թող... Բարեկամների հետ եմ...

— Գնում եմ, գնում եմ...

Եվ մարդը քթի տակ հռհռալով գնաց նստեց իր տեղը:

Այդ անտեղի կատակը վիրավորեց և տխրեցրեց ամենքին: Պերոնյանը, գլուխը կախ արած լոնց, ապա, չկարողանալով զսպել իր զայրույթը, խոսեց:

— Ահա մարդիկ, ոչ միայն նախընտրում են վտանգի և թշվառության օրերին իրենց ամենօրյա գինին խմել հեռուներում, այլև քաջություն ունեն ծաղրելու նրանց, ովքեր անում են ինչ կարող են...

— Ձզվելի է,— բացականչեց Հերյանը:

— Ձզվելի ոչինչ չկա,— քիչ կակազելով պատասխանեց հարևան սեղանից մեկը:— Ձի կարելի պահանջել, որ մարդիկ գազա-գան Երեվան և փողոցներում քնեն... Տները լեփ լեցուն են, անկարելի բան է պա-պա-պարզ սենյակ իսկ գտնել, էլ չեմ խոսում հիվանդությունների և անոթաթերթի-թուլեան մասին... Կառավարութունը պարտավոր է մտածել արտիստների մասին...

Պերոնյանը չպատասխանեց:

— Ծիշտ է, էլի... Ինչ ասում է, ճիշտ է,— միջամտեց մի ուրիշը:

— Մի փոքրիկ թատրոն ունեին,— ավելացրեց սուր ձայնով, ջղագրգռված, գնդակի գլխով մի երրորդը,— նա էլ վերցրել պառլամենտի են վերածել... Այդ պայմաններում, ինչո՞ւ դերասանները այնտեղ պիտի գնան, չեմ հասկանում... Եթե այգեկութի ժամանակ լիներ, լավ, բայց ձմեռվա այս ցրտի՞ն...

Հերյանը ջանք էր անում շարժվելու համար: Վերջ ի վերջո, չկարողացավ ցատումը զսպել:

— Լավ կանեք մնաք այնտեղ, որտեղ եք: Ծիշտ է, Հայաստանում տեղ չկա... տեղ չկա մակարույծների համար...

Սեղանների շուրջը աղմուկ բարձրացավ: Ամենքը խոսեցին:

— Ո՞նց թե, ի՞նչ է ասում... մակաբո՞ւյծ... մե՞նք...

— Ես չեմ կարող թույլ տալ, որ մի պարոն վիրավորի այնպիսի մարդկանց, ովքեր իրենց ամբողջ կյանքը նվիրել են ազգային արվեստին...

— Մենք էլ զղը-զավակներ ունենք...

— Ի՞նչ թատրոնի մասին խոսք կարող է լինել, երբ փողոցներում մեռնում են...

— Դերասանության ժամանակը չի, այլ զինվորության, կովի... Առողջ մարդիկ միշտ էլ կարող են իրենց պարտքը կատարել...

Այդպես շարունակվեց բավականին երկար ժամանակ:

— Ասում են իբր միուսաստանում,— ասաց Հերյանը,— զնդակահարել են այսպես կոչված մտավորականներին... Չեմ ասում լավ են արել, բայց վաղը, երբ ամեն ինչ կարգի մտնի, այդ մարդկանց երկիր մուտքը կարգելեն... Դա, ի՞նչ զզվելի մտայնություն է... Քննադատում են, պահանջում, արհամարհում...

— Ցավում եմ, որ եկանք այստեղ,— հառաչեց Պերոնյանը:— Ճահիճ է, մտավոր և հոգեկան մալարիա...

Ճաշը վերջացրել էին: Հաճախորդների մեծ մասը մեկնել էր, իսկ Հերյանը և նրա բարեկամները մնացել էին:

Մտածկոտ և լուռ:

— Ես դիտել եմ ճամփորդություններիս ընթացքում, երբ հայը լքում է լեռները՝ նսեմանում է, փոքրանում, բարոյալքվում... Դառնում է ուրիշ, դատարկվում է մի ինչ-որ գաղտնիքից, մի ինչ-որ խորհրդից: Պետք է մի օր հստակ սահմաններ ճշտել, զանազանել: Թող թվով լինենք քիչ, այդ կարևորություն չունի, բայց լինենք ամբողջովին այն, ինչ իսկապես ենք... Թող զնան, օտարանան և շասեն, որ հայ են...

Հերյանը այդ ասաց բարկությանմբ լցված աչքերով:

— Դժվար հարցեր են,— բարձր մտածեց Պերոնյանը:— Մի օր, կյանքը այդ հարցերը կլուծի... Անշուշտ, գոնե մենք, մեր բուն դաստիարակության համար պետք է այդ գիտակցենք և ինչպես ասում ես դու, հստակ սահմաններ ճշտենք: Զանազանենք բուն հայը լեվանթինատիպ, աղավաղված այն տարրերից, որոնց հետ կապված ենք միայն լեզվով... Սակայն, շմոռանանք, եթե վաղը, մեզ հաջողվի կայուն պետություն ստեղծել, նրանք կարշավեն, ամենից շատ աղմկողները և իրավունք պահանջողները կլինեն...

— Այդ ոչինչ, թող զան, հայրենի օդը նրանց կլվա, կմաքրի,— ասաց Շուշանը:

— Վստահ ես...

— Բարդ բանե՛ր,— բացականչեց Սուլթանյանը,— բարդ հարցեր... Մեր ժողովուրդը, ինչպես աշխարհիս վրա ապրող բոլոր ժողովուրդները, խառն է: Դարերի ընթացքում հազար ու մի դեպքեր են տեղի ունեցել, հազար ու մի ժողովուրդներ են եկել և անցել և, բնական է, հետքեր են թողել նաև մեր արյունի մեջ: Ստեղծվել է մի տեսակ բառս: Արյուն, ժառանգություններ, հեռավոր անցյալի խավար, ժողովուրդներ, ցեղեր... Այդ ամենի վրա մեծ խորհրդավորություն է տիրում...

— Այդ ճիշտ է,— համաձայնվեց Պերոնյանը,— նույնիսկ ֆիզիկապես մենք տարբեր ենք. վերցրեք, օրինակ, մեր տարբեր պավառները, էլ չեմ խոսում Պոլսի, Իզմիրի և այլ հեռավոր վայրերի մասին...

Սուլթանյանը ձեռքերը դրեց սեղանի վրա, գլուխը մի կողմ թեքեց և լռեց: Ծրևում էր, որ նրա ներսը տեղի էր ունենում ներքին պայքար: Շոշափած այդ հարցերը վաղուց տանջում էին նրան, ինչպես տանջել էին բոլոր գիտակից և մտքով հպարտ այն հայերին, որոնք չէին համակերպվել տիրող պայմաններին:

Ուզում էին պարզ և ազնիվ աչքերով նայել իրենց ներսը: Գիտակցության լույսի տակ տեսնել իրականությունը: Կրավորական կիրպով չենթարկվել դեպքերին, այլ ամեն ինչ անողոք կերպով վերլուծել:

Մերժել, ուրանալ ազգային հավաքական թերությունները և այդ ճանապարհով վերագտնել ժողովրդի հոգեկան կենտրոնում վառված այն անմար ճրագը, որ պատմության ընթացքում քողարկվել էր թանձր գիշերով: Վերագտնել այդ դրական ուժերը, որոնք կարող են թափ և թոփջ տալ վերածնվող նոր կյանքին:

— Բարդ հարցեր են,— ասաց Սուլթանյանը,— այնքան բարդ, որ մարդ երբեմն մնում է շվարած... Հաճախ, շատ փնտրելուց հետո, թվում է, որ ահա, վերջապես, գտել ես այն հիմնականը, ամենակարող այն բանալին, որ պիտի ամեն դժները բանա, լուսավորի քեզ, տանի ջեզ ծածուկ նրբանցքներով դեպի բուն կենտրոնը... Քիչ հետո, լավ քննելուց հետո՝ գաղափարը կյանքի հասակի վրա շափելուց հետո, մեկ էլ տեսնում ես, որ այդ չէ, որ քո առաջ ցցվել են ուրիշ հաշվի շառած ուժեր, ուրիշ ազդակներ, գետնի տակից անցնող ուրիշ հոսանքներ... Ընկճվում ես, հուսահատվում: Հարցը նրանում է, որ մենք վերցնում ենք անհատը իբրև բացարձակ միավոր և նրա վրա պահանջներ ենք դնում, մոռանում ենք առօրյա մարդը, այն, որ թիվ է, քանակ, մեծամասնություն, ուրիշ բան չէ, եթե ոչ բեկոր... Առօրյա մարդը կոտորակ է, մասնիկ, անկենտրոն մի էություն: Նա ամբողջական անհատականություն չէ. ինքնաբավ, ինքնիշխան անհատականություն, որ ի վիճակի լինի ստեղծել և հաստատել սեփական փոխհարաբերություններ մահվան, սիրո, տիեզերքի հետ: Ու կոտորակը ուղի շուգի կվերածվի հավաքականության, էլ կեզիայի, ազգության...

— Կա նաև լեզուն...

— Այո, նաև լեզուն: Սակայն, երբ կենտրոնաձիգ ուժը պակասում է, երբ այդ ուժը զորեղ, միշտ նորոգվող, միշտ ստեղծագործող քաղաղականություն չէ, երկրից դուրս քշված բեկորները գնալով փոքրանում են, նսեմանում և, վերջ ի վերջո, փոշիանում... Կենտրոնախույս տար-

րերը այլափոխում են ամեն ինչ՝ լեզուն, ազգութեան և հայրենիքի ըմբռնումը: Իրականութիւնը քողարկվում է սին բառերով: Ստեղծվում են պայմանական պատկերներ՝ աճման կարողութիւնից և ծաղկածլման սովորներից զուրկ... Եվ պատահում է դեռ ավելին. այլևս կենտրոնածիղ ուժը չէ, որ ղեկավարում է մասնիկներին, այլ մասնիկներն են, որ այդ ուժի հիմնական իդեականութիւնները հարմարեցնում են իրենց անմիջական, տեղական պայմաններին, այլափոխում նրանց, շեղում նրանց բնականոն ընթացքը, խափանում նրանց կենսական խորհուրդը: Իսկական ողբերգութիւնը հենց դրանում է...

— Ստեղծվում է գաղութը...

— Այո: Ազգը: Ազգը դադարում է լինելուց և նրա տեղը բռնում է ինչ-որ ազգանմանութիւն: Լեզուն վերածվում է լեզուների, ոճը կորչում է և բառերը բռնում են իմաստների տեղը:

— Գրում են դիակ բառերով,— ավելացրեց Հայկ Շուշանը:— Մտացածին, շինծու, անկենդան լեզուներ են ստեղծվում:

— Արհեստական, խաբեական: Աբովյանի մեծութիւնը հենց դրանում է: Երբ նա Գերմանիայից վերադարձավ իր ժողովրդի ծոցը՝ մերկացած մոտեցավ ժողովրդին և խոսեց նրան այդ ժողովրդի բերնից առած կոշտ և կոպիտ բառերով: Ոչ մի կեղծիք, ոչ մի սուտ, ոչ մի ավելորդ զարդ: Եվ ստեղծեց հրաշալի զրական գործեր՝ հիմնական և անհրաժեշտ... Աղքատ գյուղացին իշ արտի վրա վարդենիներ չի տնկում. այլ ցորեն է ցանում... Մերոնք՝ Վենետիկյան Մխիթարյանները և Պոլսոն ուրիշ վայրերի պալտոնները՝ արտ էլ չունեին, որպեսզի մի բան ցանեին, ուստի արհեստական վարդեր էին շինում. գունազարդ, դեղեցիկ և թղթե: Հետևանքը այն եղավ, որ անհետացան հիմնաքարերը, քողարկվեց կենտրոնական այն ճրագը, որով ազգը լուսավորում էր իր լինելու խորհուրդը:

— Եղբայր, այդպես նստել ենք... գոնե մի բան խմենք,— առաջարկեց Հերյանը, մի շիշ գինի պատվիրելով:

Ուզում էր մի բանով ցույց տալ իր ոգևորութիւնը:

— Կենացդ, Սուլթանյան... Ինչ լավ ասացիր, արյունի ջահը...

Սուլթանյանը խմեց և մնաց մի վայրկյան լուռ, կարծես լսելու համար իր մեջ բարձրացող հակասական և վշտոտ ձայները:

— Մարդ երբեմն վախենում է մտածել,— շարունակեց նա,— վախենում է խոսքի վերածել այն, ինչ խոյլ ալիքի նման կոփում է սիրտը... Ահա եկել են ահավոր դեպքեր, մտել ենք պատմութեան երկրաշարժային մի նոր շրջան, դուրս են նետվել ահավոր նոր ուժեր, բարձրացել են մասսաներ, շփոթվել են սահմանները, ծնվել են նոր ախոր-

ժակներ և նոր պահանջներ: Աշխարհը ցնցվել է մորիկով, իսկ հարիզոնի վրա կուտակված ծանր ուրիշ ամպերը մեզ ավետում են դեռ նոր, ավելի սոսկալի մորիկներ... Մեզ անհրաժեշտ են բոլոր մեր ուժերը այդ փոթորիկի միջից անցնելու և դիմադրելու համար: Իսկ դիմադրել կարելի է միայն կուռ և տիրական ոգեկան ուժով: Ուզենք կամ չուզենք մեր արյունը թափվում է, բայց թափված արյունը զուրկ է նշանակութունից, եթե նա չի ճառագայթում: Գերագույն գաղափարի համար ազատ կամքով ընդունած մահը կյանքը լուսավորող հոգեկան փարոս է, այլապես, հուսահատություն է և պարապ...

— Չես կարող ասել, որ մենք չենք պայքարել... Մեր ժողովրդի հրաշալի դիմադրությունը:

— Ես չեմ ուրանում այդ... Ես ասում եմ, աշխարհը տակնուվրա է եղել, մարդկությունը կորցրել է իր հավասարակշռությունը, վարից եկած նոր ուժեր գրոհ են տվել նվաճելու համար կյանքի նոր կարելիություններ, ընկերությունների մնայուն թվող հիմքերը ճարճատում են, պետությունները փոխվում են և ժողովուրդների նոր դառավորում է տեղի ունենում... Մեզ համար այդ նորություն չէ. մեր պատմությունը միշտ էլ եղել է ահավոր և մեծդի և մենք միշտ էլ ապրել ենք վտանգավոր կյանք: Եթե չենք անհետացել... որովհետև վտանգի ժամերին մենք վերագտել ենք մեր իսկությունը, մեր միությունը, մեր հոգեկան դեմքը... Ահա այդ: Այն ժողովուրդները, որոնք զուրկ են հոգեկան ուժեղ միությունից, որոնք ասելիք և բերելիք ոչինչ չունեն, որոնց ձեռքում ոչ մի ճրագ չկա լուսավորելու համար այդ ընդհանուր քաոսը, կոչված են անհետ կորչելու...

— Եղբայր, բան չեք խմուս,— բողոքեց Հերյանը:

— Խմում ենք, ինչպե՞ս չենք խմում...

— Դե, բաժակները...

— Կենացդ...

Հարեան սենյակում մի խումբ մարդիկ նույնպես խմում էին:

Մեկը կես ձայնով երգում էր:

Տխուր, արևելյան մի երգ: Ասես խոր սրտից եկած մի ողբ:

— Բայաթի է երգում,— ասաց Պերոնյանը:

— Ի՞նչ...

— Բայաթի, պարսկական...

Ամենքը լուռ լսեցին:

— Քո խոսքը ընդհատվեց,— ասաց Հայկ Շուշակը դիմելով Սուլթանյանին:

— Ասացի, ինչ ուզում էի ասել:

— Հարցը նրանում է,— միջամտեց Կարան,— այդ միութիւնը, որի մասին խոսում ես, ինչպե՞ս պիտի ստեղծել: Հայութիւնը կազմը՝ վաճ է այլազան տարրերից... Վերցնենք, օրինակ՝ մի պոլսեցի և նրան դնենք ղադաբաղցու մոտ... լեզուն իսկ...

— Մի կանարչակ և մի բազե...

— Լավ ասացիր...

Միծաղեցին:

— Այդ լուրջ առարկութիւն չի... Այդ տարբերութիւնները բոլոր ժողովուրդներին մոտ էլ կան, սիկիլիացիին և վենետիկցիին...

— Բնական է: Դա նույնիսկ կազմում է մի ժողովրդի հարստութիւնը... Տարբեր տիպարներ, տարբեր բարբառներ... Սասունցի Դավիթը երգված է բոլոր գավառներում, բոլոր բարբառներով, տեղական բարեմասնութիւններով...

— Սասունցի Դավիթը սակայն երգված չէ պոլսահայերենով...

— Այդ չէ: Պատկերացնում ես պոլսահայերենը և Սասունցի Դավիթը...

— Այդ մարդիկ դարերով ապրել են Պոլսում, Բյուզանդիոնի ժամանակ նույնիսկ տիրել են այդ քաղաքին և, սակայն, հայկական ոճով մի հատ եկեղեցի շին կառուցել...

— Այդ շատ հատկանշական է...

— Պոլիսը գաղութ է եղած:

— Լվովն էլ գաղութ էր, չէ՞...

— Այդ չէ,— ասաց Սուլթանյանը.— այդ չէ: Թողնենք Պոլիսը... Մեր ազգային դյուցազներգութիւնը գավառներում երգել են տարբեր բարբառներով: Կարևորը այդ է: Պոեմի հերոսները ժողովրդի սրտում բարձրացրել են զորեղ և տիրական նույն ձայնը, ապրելու, պայքարելու, լավագույն և արդար մի աշխարհ ստեղծելու ձայնը: Ոգին եղել է ամեն տեղ նույնը:

— Ես նույնիսկ կարծում եմ, որ հայկական հոգեկան աշխարհագրութիւնը կարելի է սահմանել Սասունցի Դավիթով: Որտեղ նրան երգել են՝ Հայաստան է, որտեղ շին երգել՝ գաղութ է:

— Եթե ուզում ես...

— Ժողովուրդը կազմվում է տարբեր հոգեկան հոսանքներից՝ տարբեր միթոսներ, տարբեր աստվածութիւններ: Եթե մեր հողերը պեղենք, Հայաստանը կլցվի հեովից, շատ հեովից եկած ուրվականներով:

— Լեռան մարդը, դաշտի մարդը...

— Թրակիան, Ուրաբտուն...

Հարևան սենյակում այլևս չէին երգում:
Լուռ խմում էին:

— Հիմնական տիպարները մնացել են,— շարունակեց Սուլթան-
յանը:— Եթե ուզենանք կարող ենք մտավոր կերպով բնորոշել և բնու-
թագրել դրանք: Նախ՝ Թրակիայի հայր. նրանք անցել են Փոքր Ասիայի
վրայով ամեն ինչ տակնուվրա անող մորրիկի նման: Բարձրահասակ,
ուժեղ, ճկուն: Ամենհի կովողներ, անողոք նվաճողներ: Նրանց աստված-
ները ուրախ, բարդ տեսիլքներով հարբած, զինով և արյունով սնված
աստվածներ էին: Նետ արձակող, քար տաշող, ժայռերը իրենց տեղից
շարժող, պարանի վրա պարող, խորհրդավոր պաշտամունքներով ոգև-
վորվող, թեթևաշարժ և արագավազ մարդիկ էին: Նրանք պաշտում էին
հերոսներին, կրակը, արևը, լեռները: Եվ նրանք նման էին կրակին,
նման էին լեռներին:

— Նրանց հետքերը կարելի է մինչև այսօր տեսնել Տեկորում,
Բագարանում: Իսկապես որ նրանք ժայռերը տեղից շարժել են... Կիկ-
լոպյան աշխատանք...— ավելացրեց Պերոնյանը:— Երբ նայում ես,
երբ նայում ես գլխապտույտ ես զգում...

— Այո, Կան և մյուսները... անվանենք նրանց՝ պայմանական
անունով ուրարտյան տիպար: Սրանք իրենց բնույթով գրագիր ևն,
հաշվապահ, վաճառական, ճանապարհորդ և երբեմն էլ՝ զեղարվեստա-
գետ, գրող: Այդ տարրը զբաղվել է ապրանքների փոխանակությամբ,
ձգտել է դեպի նորը, ընդօրինակել է օտարներին, պահել և զարգարել
է մեհյանները, եկեղեցիները:

— Լավ դիվանագետներ...

— Խաղաղասեր: Հարստություն, բարեգործություն: Զուրկ թռիչքից,
զուրկ զոհաբերությունից, անհերոս: Առանց համարձակության: Աստ-
վածությունից վախեցող, ծնկաչոք աղոթողներ: Ստրկամիտ և խորա-
մանկ: Ապագա խալիճիների ցեղը...

— Դժբախտությունը նրանում է, որ հրք երկիրը դարձել է վտանգ-
ներով լցված, նրանք փախել են, տարածվել ամեն տեղ...

— Եվ օտարները նրանցով են դատել մեր ժողովրդին...

— Այո, զնա, հասկացրու այդ օտարականներին, որ նրանք կազ-
մում են հայության շնչին մասը, որ բուն մեր ժողովուրդը միշտ էլ
մնացել է իր հողի վրա, իր լեռների մեջ, աշխատել է, պայքարել, կա-
ռուցել...

Հարևան սենյակում նորից երգում էին: Պար էին երգում...

Սեղանի շուրջը նստածները մատերով կամաց խփում էին սեղա-

նին, իսկ լայնուս և բարձրահասակ մի մարդ՝ շերքեզկայի ծայրերը
պտտու մեջ հավաքած, պարտւմ էր:

Տամ լի տի բըլ

Բըլ լի տի տամ

Տի բըլ լի տամ... Տամ-տա-բըտամ...

Ասում էին, խփում սեղանին, պարում:

Պարողը տարիքը առած մորուքավոր մի մարդ էր...

Մի վայրկյան ամենքը նայեցին այն կողմը:

— Կովկասը, — ժպտալով ասաց Կարան:

— Հա, ի՞նչ էինք ասում...

— Խալիճիները...

— Այ, — մի վայրկյան մտածելուց հետո ասաց Սուլթանյանը, —
թողենք օտարականները... Մեզ համար իսկ հասել է ժամանակը տար-
բերելու, զանազանելու, ընտրելու: Պետք է անողոք սահման գծել մեր
և նրանց միջև, ուղղակի մտքի դանակով կտրել և նետել այդ խավարը...

— Հեշտ է ասել...

— Հեշտ չէ: Այն, ինչ ասում եմ, ուղղված է, բնականաբար, այն
ընտրանիին, որը պետք է իր վրա վերցնի բոլոր պատասխանատու-
թյունները: Նայենք մեր անցյալին և քաջություն ունենանք մեզ հաշիվ
տալու:

— Մեր պատմությունը գոց գիրք է...

— Բայց եթե մենք չհասկանանք, ո՞վ պիտի հասկանա: Անցյալը,
անտարակույս, խորհուրդների մի շարք է... Մեր քրիստոնյա պատմիչ-
ները ամեն ինչ աղավաղել են և նույնիսկ խարդախել՝ իրենց բիբլիա-
կան աշխարհայացքը առաջ քաշելու համար...

— Դա եղել է ոճիր, մի, մի, մի...

Եվ Կարան կծու և շաշող բառերով խարազանեց կղերականներին:

— Այդ թողնենք մեկ կողմ, — շարունակեց Սուլթանյանը, համբե-
րությամբ Կարային լսելուց հետո, — այդ չէ կարևորը այժմ... Երբ մենք
նայում ենք մեր անցյալին, մեզ համար մի բան բացահայտ է՝ երեսուն
և ավելի դարերի ընթացքում հայ ազգը գերմարդկային ճիգեր է թափել
մի մեծ մշակույթ ստեղծելու համար, բայց ամեն անգամ կիսատ է
մնացել և մենք մեր բուն նպատակին չենք հասել... Ասորիներ, հոռվ-
մայեցիներ, բյուզանդացիներ, թամեռլաններ, շինգիզխաններ, պարսիկ-
ներ, արաբներ, թուրքեր, եկել քանդել են այն, ինչ մենք սկսել էինք
շինել, կողոպտել են մեզ, տարել են մեր լավագույնը և սեփականացրել
մեր ժողովրդի ստեղծագործությունները...

— Օտար գիտնականների քաղաքական ստրկամտությունը հասել է այն աստիճանի,— ավելացրեց Հայկ Շուշանը,— որ Քուրքիայում, այսինքն՝ Հայկական գավառներում պեղումներ կատարելիս վախենում են անգամ քարտեզի վրա արձանագրել Հայաստան անունը...

Մի մեծ աղմուկ բարձրացավ: Ներկաներից ամեն մեկը անբարեխղճության փաստեր էր առաջ բերում և զայրանում:

— Քրիստոնեական առաջին դարերի հայ ճարտարապետությունը կարելի է համարել դասականության երկրորդ վերածնունդը...

— Խոսում են թուրքական արվեստի մասին... ծիծաղելի է...

— Այդ չէ: Ես ուզում եմ ասել...

— ...Միծաղելի է...

— Լեոնարդո դա Վինչիի ճամփորդությունը դեպի Հայաստան և նրա հետևանքները...

— Դա յուրահատուկ թշնամություն է...

— ...Տոսկանայում քրիստոնեությունը մտցրել է Ս. Մինիատոն...

— Լոուիցյուն: Մի վայրկյան լոուիցյուն...

— Եղբայր, տեսնենք Սուլթանյանը ինչ է ուզում ասել...

— Նախ խմենք... Խմենք այս բաժակը...

— Չէ, ուղղակի ծիծաղելի է...

Հարեան սենյակի հաճախորդները այլևս չէին պարում, չէին երգում: Տարիքը առած մորուքավոր մարդը՝ սեղանի ժայրին նստած, աչքերը արցունքով լցված, ինչ-որ բան էր պատմում փսփսալով:

Ամենքը տխրած լուում էին:

Մարդը՝ ձեռքերը լայն բացած՝ գլուխը աջ ու ձախ շարժելով խոսում էր:

Երբ նա մի վայրկյան ընդհատում էր խոսքը, ամենքը օգտվում էին այդ դադարից և խմում:

Հետո նորից խոսում էր: Նորից խմում էին:

— Երբ ամեն ինչ քանդվում է,— ասաց Պերոնյանը,— օտարները օանդ վերջին քարերն էլ տանում են...

— Թուրքերը մեր գավառներում մնացած հինավուրց եկեղեցիների հոյակապ հիշատակարանները ախոռի են վերածում, որպեսզի հայությունից ոչ մի հետք չմնա,— ավելացրեց Հայկ Շուշանը:

— Վաղը կտեսնենք, Քուրքիային էլ կհամարեն մեծ և ազատարար ժողովուրդ...

— Աշխարհի բաները այդպես են... Ամերիկացի պատվեհիները,

որոնք իրենց կապիտալիզմի առաջնորդներն են, պիտի գովաբանեն արյունարբու գազաններին...

— Սրանք հին ցավեր են, որոնց մասին ավելի լավ է չխոսել, — ասաց Սուլթանյանը: — Պերոնյանը իրավունք ունի: Երբ ազգերը խեղճանում են և պատմական կարևորությունից զրկվում, նրանց արհամարհում են և կողոպտում: Երբ մի օր նորից ոտքի կանգնենք, մեր բարեկամների թիվը անմիջապես կբազմանա: Նախ, մտածենք մեր մասին, հետո կտեսնենք...

— Քիչ առաջ, Սուլթանյան, դու խոսում էիր մեծ մշակույթ ստեղծելու մեր պատմական ճիգի մասին... Խոսքդ ընդհատվեց, — ասաց Կարան:

— Հա, ուզում էի ասել... — շարունակեց Սուլթանյանը, — այդ... Մշակույթը ոգի է... Մշակույթը հարստություն, քաղաքակրթություն, ընկերային բարենորոգված կազմ կամ պետական զորություն չէ միայն, այլև ոգեկանություն, կյանքը լուսավորող և հարստացնող ճրագ... Արդ, եթե լավ ուսումնասիրենք մեր պատմությունը, կտեսնենք, որ սկզբից, առասպելական օրերից, մենք վազել ենք այդ ճրագի, այդ լույսի հետեւից: Արան...

— Արբան այդ լույս, արքան արև.

Որ սուրն պարզեց և մթնաթև

Խափարի դեմ կոիվ հանեց.

Շամիրամա սերը մերժեց...

Կարան իր ոռոտանալուչի այդ տողերը արտասանելիս նայեց Սուլթանյանի աչքերի մեջ:

— Հա, էդպես, — գլխի շարժումով Կարային քաջալերեց Սուլթանյանը: — Նշանակալից է, որ մեր պատմությունը սկսում է այդ ոսկի առասպելով: Կարծես պատմությունը մեզ ասում է՝ վերցրեք այդ լույսը և քայլեցեք... Եվ մենք քայլել ենք դժվարին ճանապարհներով և ամեն անգամ, որ այդ լույսը մարել է՝ մենք դեզերել ենք խավարի մեջ, մեր հասակից վայր ենք իջել, հրաժարվել ենք մեր մեծությունից... Արայի և Շամիրամի լեզենդը երկու սկզբունքների պայքար է: Մի կողմից Արան՝ հովազի ուժեղ, ճկուն մարմնով, քաջ, լուսավոր մտքով, ամբողջական և զորեղ արևային արքան՝ անմար ճառագայթներով հյուսած կամբը, խորհրդանշանների ստեղծող հանդուգն տեսլապաշտը, արյունը և տառապանքը երջանկության վերածող և տիեզերքի իմաստը լույսով դրսևվորող քրմապետը, և մյուս կողմից, Շամիրամը՝ ասորա-բաբելական

անապատային ջերմը, կանացիութունը, հիստերիան, լիբիդոն, աղավ-
նին և օձը, ոսկին և ոճիրը, լուանային պաշտամունքի տանարը...

— Մոռանում ես, որ հազթողը եղավ Արան,— նկատեց Շուշանը:

— Այդպես էլ պիտի լիներ: Ողբերգության օրենքով հերոսը պիտի
զոհվի, պսակվի մահով, որպեսզի վերածնվի: Արևը մայր է մտնում
և որից ծագելու համար...

— Մի քիչ ոռմանտիկ է,— նկատեց Պերոնյանը:

— Գուցե մեզ համար, բայց ո՛չ մեր ժողովրդի համար,— պատաս-
խանեց Սուլթանյանը:— Մեր ժողովուրդը արևային այդ սկզբունքից
էրբեք չի հեռացել: Երբ մեզ պարտադրել են քրիստոնեությունը, մենք
այդ կրոնը կերպարանափոխել ենք արայականի... Մեր ժողովրդի համար
Հիսուսը Արև է: Հիսուսը հարություն առած Արան է: Լույս, կրակ: Մեր
գյուղացին իր օջախում անմար կրակ է վառում, երգվում է արևի
անունով, պաշտում է լույսը՝ զոհաբերության միջոցով վերակոչում է
Արայի մահը՝ արևի մայր մտնելը, և աղոթում է դեմքը արևածագին
դարձրած...

— Այդ ճիշտ է,— համաձայնվեց Պերոնյանը,— մեր ժողովուրդը
ասում է՝ իմ արև, արևդ վկա, օջախդ շմարի...

— Ասում է նաև,— նկատեց Կարան,— մարդ-աստված...

Մարդը պարտ է դառնալ լույս, ճառագայթ... աստվածանալ: Երևի
մեր նախնիքները ունեցել են հոգեկան միջոցներ այդ մեծության հաս-
նելու համար... այդ միջոցները մենք կորցրել ենք:

Լոնցին:

Հարևան սենյակում նորից երգում էին: Մելամաղձոտ, ողբի նման
գանգատվող արևելյան մի մեղեդի:

Մորուքավոր մարդը, գլուխը ձեռքերի մեջ բռնած, լսում էր: Երեսը
կարմրել էր, աչքերը ուռել էին:

Ամենքն էլ խմած էին:

Հերյանը (մինչ այդ ոչ ոք չէր լսում) ականջ դրեց երգին, բաժակը
լցրեց, խմեց և սաստիկ տխրեց:

Հիշեց Զվարթին:

— Ի՞նչ է,— ասաց նա իր ընկերների աչքերի մեջ պիշպիշ նայե-
լով,— ի՞նչ է... խմենք...

Միծաղեցին:

— Ի՞նչ կա,— կմկմաց նա շփոթված,— վատ բա՞ն ասացի...

— Զէ, Հիշեցի, որ քո անունն էլ Արա է...— ասաց Պերոնյանը:

Հերյունը սաստիկ կարմրեց:

— Դու էլ բան ասացիր...

— Այդ բոլորը շատ լավ, շատ գեղեցիկ, — ասաց Կարան, — բայց անմիջական կյանքը, նրա պահանջները, պայմանները...

— Սպասում էի այդ առարկություն, — պատասխանեց Սուլթանյանը: — Առարկայական պայմանները, պատմության օրենքները... Դրանք կան, անկասկած գոյություն ունեն և, սակայն, թող զարմանալի չլինի եթե ասեմ, որ հաշվապահների և տիրացուների ցեղը չի հասկանում այդ ճշմարտությունը:

— Ես, տիրացու, — զայրացավ Կարան:

— Չէ, չէ, խոսքը քո մասին չէ, — հանգստացրեց նրան Սուլթանյանը: — Ասում եմ առհասարակ... Ախր, հենց վերցնենք մեր պատմությունը, եթե նյութական ազդակը լիներ միակ գերիշխանը, մենք վաղուց պարսիկ, արաբ կամ թուրք դարձած կլինեինք, մինչդեռ, մեր պատմությունը կազմված է ողբերգական արկածների անհավատալի հաջորդություններից, հանուն գերագույն հիմարություն... —

— Չափազանց հոռետեսություն... — առարկեց Պերոնյանը:

— Անցել են այդ ժամանակները, երբ կարող էինք մեկուսանալ մեր լեռներում և ապրել մեր ավանդական կյանքով... Աշխարհը շողկապված է և ամեն մի ժողովուրդ պարտ է բերել իր ուրույն արժեքները, — ասաց Շուշանը:

— Շատ ճիշտ, — համաձայնվեց Սուլթանյանը: — Հենց հարցը դրանում է, ի՞նչ արժեքներով մենք կարող ենք մասնակցել ընդհանուր կյանքին... Այսօր մարդկությունը անոթի է նյութով: Նա վազում է նյութական բարիքների հետևից և այդ բարիքները ձեռք բերելու համար քանդում է, այրում, ուժեղացնում ամեն ինչ...

— Քանդեցին և մեր տունը, զոհեցին և մեզ, — ասաց Հերյանը:

— Այո: Վաղը մեքենային պիտի հակադրեն մեքենան, գործարանին՝ գործարան: Պիտի մրցեն նյութական արժեքներ արտադրելու մարդի մեջ, պիտի երգվեն նյութի անունից, պիտի աստվածացնեն երկաթը, ցեմենտը, պողպատի բաղադրությունները, առարկան: Մենք՝ փորքիկ ժողովուրդներս այդ մրցումին նույնպես կմասնակցենք, փրկելով զուտ մարդկային արժեքները: Սրկաթ և ստեղծագործական զորություն, ցեմենտ և հոգեկան վերելք, պողպատ և մտքի խորություն և հոգեկան կառուցողություն: Մենք կարող ենք հակադրել ծխոտ, մուժ, աղմկալից գործարանին՝ ընդունելով հանդերձ նրա անհրաժեշտությունը, մարդկային արժանապատվությամբ տոգորված միտքը:

— Դա, բանաստեղծություն է, — մոմուսով նկատեց Պերոնյանը:

— Թող լինի բանաստեղծություն,— պատասխանեց Սուլթանյանը,—
թող լինի բանաստեղծություն: Բանաստեղծությունը այնքան իրական
է, ինչքան սերը և մահը... Համենայն դեպս, կարևոր է կյանքի համար
ինչքան երկաթը և ցեմենտը:

Հարևան սենյակում կոպում էին:

— Ախր, ես այդպես չասացի, ես ասացի...

— Ո՞նց թե էդպես չասացի, դու ասացիր... Չէ, էդպես էլ բան...
Քաս, իմ սեղանիս նստես, իմ գինին խմես...

— Ախր, ես ասացի...

— Ո՞նց թե...

Եվ մորուքավոր մարդը, զայրացած աչ ու ձախ տատանվելով, իր
եզան աչքերը դուրս գցած խփում էր կրծքին և գոռում:

Այդ տեղից մի քանի վայրկյան: Հետո ամենքը նորից նստեցին և
շարունակեցին խմել:

Պերոնյանը ոտքի էր կանգնել մյուս սենյակում տեղի ունեցող
տեսարանը դիտելու համար: Հանկարծ նկատեց ներս մտնող մեկին և
կանչեց նրան:

Վիզը կարճ, ճերմակող մազերով, կարճատես մի մարդ էր:

— Տո՛, Մարտիկ, արի՛ այստեղ,— ասաց Պերոնյանը:

Մարդը ներս մտավ, ամենքի ձեռքը սեղմեց և նստեց: Տեղական
հայ թերթի խմբագիրն էր: Կարճատես աչքերով նայեց ամենքի երե-
սին և լռեց:

— Ի՞նչ է, քե՞ֆ եք անում,— հարցրեց նա քիչ հետո:

— Չէ, էնպես խոսում էինք...

Նորից լռեց:

— Մի բան շե՛ս ուզում խմել:

Գլխով մերժումի նշան արեց:

— Հը, բարեկամ,— կատակեց Պերոնյանը,— գործերը վատ են
երևում...

Խմբագիրը չպատասխանեց: Մխեց:

— Ի՞նչ է, Մելանի գինի՞ էիք խմում,— հարցրեց նա մեքենաբար:

— Կախեթու...

— Հա, Կախեթու... Իմացա՞ր...

— Ի՞նչ...

— Այնտեղ՝ նորից տաքացել են...

— Ո՞րտեղ...
— Ո՞րտեղ... մեր պատվական երկրում...
— Լավ, լավ, հասկացանք. ուզում ես վախեցնել... Սուտ սուտ
բաներ մի՛ հնարիր...

Եվ Պերոնյանը թերահավատությամբ նայեց նրա երեսին:

— Չէ, քո արև, ճիշտ եմ ասում... նոր հեռագիրներ կան...

Ամենքը իրենց գլուխը երկարեցին դեպի նրան:

— Ընդհանուր զորակոչ է հայտարարված,— շարունակեց խմբագիրը շեղոք ձայնով:— Պատերազմական դրություն է, զենքերի հանձնում և այլն...

— Պատերա՞զմ...

— Թուրքական որոշ տարրերի ապստամբություն: Նախ սկսվել է Բեյիկ-Վեդիում... Արաքսի մյուս ափի թուրքերը միացած Շարուրի և Նախիջևանի թուրքերին, հարձակվել են մեր զորքերի վրա և առաջանում են դեպի Զանգեզուր:

— Թուրքերը այդ վաղուց էին պատրաստում...

— Շտապում են: Ուզում են խաղաղության համաժողովը կատարված փաստի առաջ դնել:

— Ա՛յ քեզ դրություն...

— Պետք է անմիջապես վերադառնանք,— հուզված ձայնով բացականչեց Հերյանը:

— Այդ մասին պետք է հարցնել այստեղի մեր պատգամավորության: Թերթերը շուտով լույս կտեսնեն, իրողությունը հայտնի կլինի, և երևի շատերը կմեկնեն...

Ճաշարանի բոլոր հաճախորդները եկել խոնվել էին խմբագրի շուրջը: Աղմկում էին, մեկնաբանում, հուզվում:

Հայհոյում էին պետություններին:

Հերյանը և նրա բարեկամները որոշեցին անմիջապես գնալ Հայկական պատգամավորություն, մանրամասն տեղեկություններ ստանալու համար:

Փողոցում հայերը մեկ մեկի ձեռքից խլում էին նոր լույս տեսած թերթերը: Խոր անձկություն էր դրոշմված անցնող մարդկանց դեմքերի վրա: Ամեն տեղ խմբեր էին կազմվել: Խոսում էին, վիճում, հուզվում: Ու ձայները խորանում էին և սարսռում:

Հերյանը և նրա ընկերները շտապ քայլում էին, առանց խոսելու: Հիմա նավը Ի՞նչ պիտի լինի, մտածում էր Հերյանը: Նավը այն-

տւղ վագոնների վրա սպասում էր. իսկ մյուս կողմից էլ խոսք էր տվել Ջվարթին երկիր վերադառնալ... Չէ, պետք էր մեկնել երկիր:

Պատգամավորության դռան առաջ խուռն բազմութիւն էր հավաքված: Մեծ մասամբ երիտասարդներ՝ պատրաստ զինվոր արձանագրելու:

Դռները փակել էին և ոչ ոքի ներս չէին թողնում:

Ամեն մի վայրկյան նոր մարդիկ էին գալիս: Դիմացի մայթի վրա վրացիներ, ռուսներ, շերքեզներ հետաքրքրված նայում էին այդ տեսարանին:

Դռնապանի հետ երկար վիճելուց հետո, Պերոնյանը իբրև պետութայան պաշտոնյա կարողացավ ընկերների հետ միասին ներս անցնել:

Նրբանցքներում բազմաթիվ մարդիկ էին սպասում: Խոսում էին ցածր ձայնով, փսփսալով, կարծես ներսը մեռել էր պառկած: Երբեմն, արագ քայլերով պաշտոնյաներ էին անցնում՝ լուրջ, մտազբաղ: Հարցերին պատասխանում էին ուսերի անորոշ շարժումներով:

Պատգամավորութունը խորհրդակցում էր ֆրանսիացի և անգլիացի սպաների հետ:

— Ահա Առաքելը, — բացականչեց Պերոնյանը և մոտեցավ անցնող քարտուղարներից մեկին:

— Հալոնակիցներ, — ասաց քարտուղարը, — նրանք, ովքեր ուզում են երկիր մեկնել, կարող են: Թեպետ այդ մասին մեր հեռագրական հարցերին Երևանը դեռ պատասխան չի տվել:

— Դաշնակիցները ի՞նչ են անում, — հարցրեց Պերոնյանը:

Քարտուղարը ձեռքերը վեր բարձրացրեց և տխուր ժպտաց:

— Պետք չէ մեծ հույսեր կապել: Այդ մարդիկ գաղափար չունեն այս երկրի և այս ժողովուրդների մասին:

Ամեն ոք մնաց լուռ:

— Ինչնէ... հիմա ասացեք, ի՞նչ եք որոշել, — վճռական շեշտով հարցրեց շերքեզը իր ընկերներին: — Ես որոշել եմ անմիջապես մեկնել:

— Ես ևս, — պատասխանեց Պերոնյանը:

— Նաև ես, — ավելացրեց Սուլթանյանը:

Մյուսները մեկ մեկի աչքերին նայեցին և ոչինչ չասացին:

— Նախ տեսնենք Երևանը ի՞նչ է պատասխանում, — ասաց Հայկ Շուշանը դուրս գնալու ժամանակ: — Նախ տեսնենք...

Դրսում բաժանվեցին:

— Ուրեմն երկու ժամից կհանդիպենք կայարանում, — առաջարկեց Պերոնյանը:

Այդ երկու ժամերը Հերշանին թվացին անվերջանալի:

Շտապ գնաց պանդոկ, վճարեց, պայուսակը վերցրեց և, աչքի առաջ ունենալով երկար ժամանակը, որոշեց քայլել մինչև կայարան:

Գալափինսուի պրոսպեկտից բարձրացավ վեր, թեքվեց աջ, մի քանի վայրկյան կանգ առավ Քուռի կամրջի վրա, դիտեց գետը:

Պղտոր էր և հանգիստ:

Ափերի մոտ ձկնորսների նավակներ էին կանգնած: Մեծ մասամբ պարապ: Միայն մեկի մեջ մի մարդ էր նստած, ինչպես երևում էր, ուռկանը նետել էր և հանգիստ սպասում էր: Հերշանը միշտ էլ սիրել էր ձկնորսներին և հուփվներին: Նախանձեց այդ ձկնորսին:

Մեծ հավատավորուհիներ ձկնորսներ և հուփվներ են եղել:

Ջուր, ամպ, աստղ:

Խաղաղություն:

Կամուրջը անցավ: Քայլեց: Մտավ Միխայլովսկի փողոց: Երկար, լայն մի փողոց:

Զարմանալի չէ՞ր, որ մարդիկ հանգիստ քայլում էին, երբ այնտեղ... այնտեղ, Երևանի փողոցներում ցուրտ էր, անոթություն, վտանգ: Նավը: Զվարթը:

Քայլերը արագացրեց: Գրեթե վազում էր:

Մի հարյուր քայլ վազելուց հետո կանգ առավ: Նայեց ժամացույցին: Դեռ մեկ ժամ կար: Նավը: Զվարթը:

Մի խանութի առաջ հրաշալի պտուղներ էին դարսված: Հրաշալի էին մանավանդ խնձորները: Մեծ, սառը, կարմիր, փայլվում:

Որոշեց գնալ: Մտավ ներս, գինը հարցրեց:

— Ֆունտը ինչքա՞ն արժե:

Պտղավաճառը երկայնահասակ մարդ էր, հիվանդոտ, ճպուռն աչքերով:

— Ֆունտը երկու միլիոն,— պատասխանեց խանութպանը:

— Երկու միլիոն,— զարմացավ Հերշանը:

— Այսօրվա օրս փողը ի՞նչ արժեք ունի,— պատասխանեց պտղավաճառը:— Նայիր պտուղին, և փողին...

Սեղանի վրայից ճմլված, կեղտոտ մի դրամանիշ վերցրեց և ծիծաղեց: Եվ երբ ծիծաղեց, նրա աչքերը նմանվեցին ճմլված այդ թղթին: Հերշանը պայուսակը բարձրացրեց և առանց ոչինչ ասելու դուրս նետվեց: Խանութպանը նրա հետևից դուրս գալով մայթի վրա կանգնեց և բազուկները վեր վար շարժելով ասաց՝

— Տո, էսենց էլ բան կույի...

Ահա փոքրիկ, շնչին տնակներ: Նեղ, աղտոտ փողոցներ: Աջ, հետո

ձախ: Թիֆլիսից խաշի և քացախի հոտ էր գալիս: Նաև ձուկի, նաև սխտորի:

Կուլի-կուլի-կուլի...

Նավը: Զվարթը:

Կայարանի առաջ Պերոնյանը արդեն կանգնած էր: Ժպտում էր:

— Ուշացար...

— Ո՞նց թե...

— Արդեն կայարան գալը ավելորդ էր:

— Զե՞նք մեկնում:

— Զենք մեկնում: Նորից գնացի պատգամավորութուն, տեսա Երևանից ստացված հեռագիրները: Մարդկանց կարիք չունեն, ավելորդ բերաններ չեն ուզում: Զենք են ուղում: Հա, մի լավ լուր... Դե, ուրախացիր, ինչպես ես եմ ուրախանում...

— Ասա որ ուրախանամ...

— Վրաց նախարարին հանդիպելիս խոսեցի քո նավի մասին... քարս: ուղարն էլ միջամտեց: Ամեն բան կարգադրված է և ավելորդ է այստեղ սպասել... Ես քո տեղը լինեի անմիջապես կամեկնեի Բաթում...

— Իսկ եթե իրենց խոստումը մոռանա՞ն...

— Ես այստեղ եմ, կմիջամտեմ:

Նստեցին կայարանի բուֆետում:

— Մի բան իմենք...

— Խմենք...

— Իսկ ես կարծում էի, որ վաղը երկրում կլինենք...

— Այդպես է: Պատրաստվում ես մեկնել հյուսիս, մեկնում ես հարավ...

— Օղին թունդ է...

— Մի բան կեր:

Նավը: Զվարթը:

— Մի ժամից կմտնես Բաթումի գնացքը:

— Իսկ եթե Երևանը վտանգի մե՞ջ է...

— Ճակատները Երևանից հեռու են: Վստահ եմ, մերոնք, չնայած դժվարություններին, թշնամիների հաշիվը կմաքրեն:

— Կենացդ...

— Հաջողություն:

Ամբողջ Կովկասը ներկա էր բուֆետում: Թաթարներ, վրացիներ, հայեր, լազեր, աշարացիներ, շերքեզներ, ռուսներ: Մի սեղանի շուրջ էլ երկիր մեկնող հայ երիտասարդների մի խումբ էր նստած:

— Տեսնո՞ւմ ես այս ժողովուրդներին,— ասաց Պերոնյանը:— Մեկը մյուսին է նայում գազանի աչքերով: Մարդ չի հասկանում ինչու...

— Խմիր:

— Կենանցդ: Կտեանվենք Երևանում, քո նավի հետ միասին:

— Կուլի, կուլի, կուլի,— ասաց Հերյանը:

— Դա ի՞նչ է:

— Այնպես... Կենացդ...

Զանգակները զողանջեցին գիշերվա մեջ: Հաստ բեղերով մի մարդ որոտալի ձայնով ուղևորներին հրավիրեց գնացք: Բազմությունը, հանկարծ անհանգստացած, վազվզեց:

Զվարթը:

Բաթումի գնացքը սուլեց և զղրդալով մեկնեց:

3

Բա՛ց արեք քարտեզը, դրեք ձեր մատը Հայաստանի բարձրավանդակի վրա:

Յո՛ւրտ: Զյո՛ւն: Լոությո՛ւն:

Կուրծքը աղաղակներով պատառոտված, կտուցը վառ, աչքերը կույր քամի: Զյունամրրիկների խենթացած ոտքերի տակ ծեծված դաշտերը: Թափառող մենակյաց լեռներ: Սառած ծառերով ծածկված երբորող բլուրներ: Մրախառն բարձրություններ, ճերմակ տափաստաններ: Սառույցի ձայներով մղկտող խորխորատներ:

Բա՛ց արեք քարտեզը, դրեք ձեր մատը Հայաստանի բարձրավանդակի վրա:

Հայոց աշխարհ՝ մենակությունների, լոությունների աշխարհ:

Լեռների լանջերում թաղված, վեց ամսով մեռած գյուղեր: Ժայռերի մեջ փորված բնակարաններ: Բլուրների կատարին թառած վանքեր, ուր ուրվականները քշոցներ են շարժում և անլսելի աղոթքների բոցեր:

Ամբողջ մարմնով դող եկող փոքր քաղաքներ:

Նայեցեք քարտեզին, ամեն ինչ պեղվում է:

Տանիքները գնալով վայր են իջնում, տափականում:

Օջախների փոքրիկ կրակների առաջ նստած պառավ մամերը ոսկրոտ

բուսնցքները խփում են իրենց կրծքին և շորացած շրթներով աղոթում: Սուրբ Սարգիս, սուրբ Կարապետ, սուրբ Անանիա, սուրբ...

Գիշեր է: Ամեն կողմից զենքերի ձայներ են լսվում:

Այդ ձայները գալիս են մոտակա դաշտերից, բլուրներից և լեռների լանջերից: Գալիս են, մի քանի անգամ արձագանքում, մեծանում, խառնվում քամուն և մրրկի ձայներին:

— Սուրբ Սարգիս և սուրբ Կարապետ...

Եվ մինչ մամերը դողողացող ձեռքերով շտկում են կրակը և աղոթելով փչում բոցերի վրա, առավոտյան կես մութի մեջ, գլուղերի բնակիչները արթնանում են: Հարզ շալակած շինականները մտնում են ախոռը և խավարի հետ խոսակցում: Կովերը որոճալով լսում են և գլուխը մի կողմ դարձնելով՝ մեկ աչքով ուրախանում: Շները փոնչում են և ապահաշում քամու դեմ: Ականջները վեր տնկած վազում են դուրս, քերում ձյունը և պոչը հետույքին կպցրած վախենալով վերադառնում ներս:

Քնդանոթների ձայները խառնվել են քամու ունոցին:

Շինականները մտահոգ բարձրանում են տանիքների վրա և, ձեռքը ճակտին դրած, խուզարկում են տարածությունը: Ձյուն, քամի: Գնդացիլները ճարճատում են:

— Թվանքի ձեն ա...

— Թվանք չի, քե մատաղ, թոփ ա...

Վարը, ձորերը եզերող վայրերում երկար թափորներ են երևում:

Վտանգի ենթարկված գլուղերը պարպվում են: Մարդիկ, կանաչք, կովեր, էշեր բարձր ձյունում մխրճվելով՝ գլուխները դեմ տված քամուն հեռանում են:

Ամեն կողմից վեր բարձրացող կրակ, գնդակների տարափ, պայթող սումբերի ծայրին փոշու վերածվող գլուղեր:

Կարսի ամբողջ գավառը աղմկում է քամիների բերանը ընկած հրակայական թիթեղե պարապ արկղի նման: Սարիղամիշի անտառները այրվում են: Օլթիում թուրքերը փախչում են:

Ձյունը խառնվել է արյունին:

Իսկ լեռների գագաթների վրայից ճամփորդող երկնքի ձայները ոչինչ չեն լսում: Քամիները կուլ են տալիս Քնդանոթների ունոցները. ձյունը ուտում է կրակը. ժայռերը կամաց զնգում են և վիհերի ներսում կուտակված լուծվածները անհասկանալի են և բարկանում:

Հայեր...

Բա՛ց արեք քարտեզը...

Երևանում տների դռները փակ են: Այնքան ցուրտ է... Ոչ ոք չի

համարձակվում դուրս գնալ: Փողոցների անկյուններում վառված խա-
րույկները վաղուց մարել են. մռխիրը քար է դարձել:

Եկեղեցիների զանգակները ղողանչում են ցուրտ պարապի մեջ:
Երկինքը կախվել է ծանր և անշարժ:

Քիչ ու շատ պատասպարված տեղերում գաղթականները այնքան
կպած են մեկ մեկի, որ թվում են բազմաբազուկ մի մարմին: Երբ ջերմը
բռնում է մեկին՝ ամբողջ մարդկային այդ կույտը սարսուռով երերում
է, ասես մեջքի վրա պառկած, ոտքերը վեր տնկած, ղողզողալով մեռ-
նող հրեշ լինի:

Բայց ահա, երկինքը կամաց-կամաց վայր է առնում պատուհան-
ների վարագույնները: Քամին տրեխները խփում է դռներին: Մարդիկ
հորանջում են և աչքերը տնկում պարապին: Կովերը շեն որոճում, զար-
մացած նայում են: Այծերը պառկում են կովերին կպած: Նոր ձու
ածող հավերը քաշվում են անկյունը առանց բորոզանելու իրենց ուրա-
խությունը:

Այդ այն ժամն է, երբ օրհասականները կուլ են տալիս իրենց վեր-
ջին հնչյունը, երբ հղի կանայք իրենց փորը վեր են ցցում և աղաղակը
խեղդում, մինչև պառավները շորացած շրթունքներով փշում են ինք-
նահեռի ածուխի վրա, և զորանոցների փողերը հնչում են արթնացումի
երգը:

Քաղաքի վարի մասում, գունավոր հախճապալիներով ծածկված
պարսկական մզկիթը հրավառված է: Ոչ մի մուսուլման չի համարձակվում
հայտարարել ալլահի ներկայությունը: Ավելի հեռուն, սուրբ Խաչի հի-
նավուրց եկեղեցին թեքվում է դեպի վարը տարածվող դաշտը, սրի
վրայից վազում է աղմկալից Զանգուն, և մտահոգ նայում է ճերմակ
տարածություն: Երկինքը կուլ է տվել բոլոր լեռները:

Տանիքների վրայից ձյուն է թափվում: Վանականները ճշոռ:մ են
աչքերը և ղողացող ձեռքով վառում նավթե լամպարները:

Սոված են: Աղոթում են:

Զորանոցներում կտրուկ հրամաններ են հնչում:

Մի բորոզան պատում է օդը, խփում վերջին ձայնանիշի վրա և
կտրուկ լռում: Հրացանների կոթերը բախում են գետնին: Ոտնաքայլերը
աղմուկով դոփում են— մեկ, երկու, մեկ, երկու— շրջում, մեկնում:

Երրորդ գունդը մեկնում է ճակատ:

Մեծ դարբասի առաջ՝ որտեղից զինվորները պիտի դուրս գնան, մեծ
մասամբ տարիքավոր կանայք հուզումից և ցրտից սարսուռով ուզում
են վերջին անգամ տեսնել իրենց զավակներին: Մտահոգ և սրված աչ-

քերով խուզարկում են շարքերը: Երբ գտնում են իրենց հարազատներին, վազում են նրանց հետևից: Մաշված, կծկված, ծիծաղելի:

Գնդի առաջից գնում է ձի հեծած մի երիտասարդ սպա: Նրա հետևից քայլում է հաստ գնդապետը, թուրը ձեռքին, փորը դուրս տնկած, ոտքերը աշխույժ: Անդադար ուղղում է գոտին, որ վատ է կապված:

Թմբուկները հնչում են: Նվագախումբը պատրաստվում է նվագելու: Երբ հասնում են հրապարակի մոտերը, ուր հրամանատարութունը և նախարարները պիտի գան նրանց ողջունելու, փայլփլուն մետաղե գործիքները հանկարծ պայթում են և քաղաքը լցնում հնչող և ոռնացող ազմուկով:

Մտերի վրայի ազոավները վախեցած վեր են թռչում և երկնքում սև դրոշ պարզում:

Զինվորները կանգ են առնում:

Հրապարակը սլարապ է:

Մայրերը, խմբերով կանգնած, իրենց շալերը փաթաթում են գլխին, մրում են: Տառապագին նայվածքներով պեղում են փայտ կտրած իրենց զավակների աչքերը: Զավակների աչքերը պատասխանում են դառն և քաջալերիչ ժպիտով:

Հաստ գնդապետը անհանգիստ վեր վար է քայլում և վերջապես նրան հաջողվում է գոտին կարգի բերել:

Գալիս են, գալիս են...

Սպաները վազում և կանգ են առնում շարքերի առաջ: Հրամաններ: Թմբուկներ, բորողաններ:

Գալիս են պառլամենտի շենքի կողմից:

Հրամաններ:

Միջահասակ մի պարոն, քնոտ աչքերով և ակնոցավոր, վերարկուի օձիքը բարձրացրած, ձեռքերը գրպանների մեջ թաքցրած առաջնորդում է բարձրաստիճան սպաների խումբը, որը քայլում է քիչ երերալով, կոշիկների խթանները զնգզնգացնելով:

Սպայակուլտի անդամներից ոմանք սեղմված են մոխրագույն վերարկուների մեջ: Պսպղացող կոճակներ, լայն և ոսկեգօծված ուսադիրներ: Ուրիշներ հագած են շերքեզկաններ, լափունջի, փափախ: Կռացած արծաթե սուր: Ոմանք էլ՝ բարձր կոշիկներ, կարճ վերարկու, կամավորական բարձր մորթե գլխարկ:

Նախարարը մտնում է հրապարակ: Նվագախումբը հնչում է հանդիսավոր մի քայլերգ: Հաստ գնդապետը կոլոր և արագաշարժ մոտենում է նրան, ոտքը ոտքին խփում, զեկուցում: Նախարարը լսում է և մտածում...

Գլխարկը հանում է և ճաղատ գլուխը հանձնում ցրտին: Առաջա-
նում է: Բարձր ձայնով ողջունում է գնդին և ձեռքը արագ-արագ քսում
սառած ճաղատին:

Զինվորները լայն բաց են անում բերանները և քամի կուլ տալու
ձևով պատասխանում...:

Կանգնած մայրերը աչքերը կես փակում են և սարսուռում:

Սպայակույտի անդամները անցնում են շարքերի առաջից և խիստ
աչքերով ամեն զինվորին վերից վար զննում, քննում:

Ապա նախարարը վերադառնում է հրապարակի մեջտեղը, գլխարկը
ձեռքին խաղացնելով հայրենաշունչ ճառ ասում: Մայրերը ավելի են
հուզվում, հառաչում են և ձեռքերը սեղմում կրծքի վրա:

Գաղթական երեխաները դուրս են վազում, դողդողալով նայում,
բոբիկ ոտքերը տաքացնելու համար ցատկոտում, բայց ցրտին չդի-
մանալով անհետանում:

Ճառերը վերջանում են:

Թմբուկները աղմկում են, նվագախումբը հնչում է, դրոշակները
վեր են ցցվում: Հրամաններ: Գունդը մեկնում է դեպի կայարան: Մալ-
րերը, կապտած շրթունքները պինդ սեղմած, մեջքերը ծոած և քայլերը
շփոթված վազում են գնդի հետևից, փսփուլները շրմփացնելով և ախ
ու վախ քաշելով:

Դատարկված հրապարակում ագռավները մնում են մենակ:

Քամին փշրում է իր մետաղե թևերը:

Մորզեի գործիքները տարածությունից տարածություն լուրերի կաթ
են կարում:

... Քարքարուտի շրջանում ճակատամարտը տևեց ամբողջ գիշերը:
Երեսուն մեռած, հարյուր քսան վիրավոր: Գյուղը մեր ձեռքին է: Վերի-
շանի կողմում նոր հարձակումներ են սկսվել...

... Այս երեկո, ժամը յոթ քսան հինգին գրավեցինք Բաշկետ, Բեգկետ,
Մկեստետ: Թուրքերը սպանում են. օգնություն ուղարկել: Ռումբերի
սաստիկ պակաս: Ստոպ: Դեղորայքի և բժիշկների անհրաժեշտություն:
Ստոպ: Յուրտ 39 աստիճան: Գրավեցինք երեք թնդանոթ, տասը զըն-
դացիր, 64 հրացան...

... Զանգիրասար: Գյուղերը մաքրեցին առանց կորստի: Ստոպ:
Մարդիկ առանց կոշիկի են և մանավանդ առանց ծխախոտի: Ստոպ:
Ուղարկեցե՞ք դրամ և փամփուշտ: Ստոպ: Բարոյականը բարձր, ցուրտը

ահա՛վոր: Գուլպայի պակաս, կարելի է պարտյանկա: Սպասում են հարձակումի...

Մորզեի մեքենան անդադար աշխատում է:
Զինվորականները թեյ են խմում և արձանագրում:
Անզլիացիների խոստացած զգեստները չեն հասել...

Քաղաքում խանութները բացվում են:

Քնչու՞թի ձեթը տակառների մեջ քար է կտրել: Ոչխարի մսի պահածոն չի պոկվում: Զրի խողովակները պայթել են: Առաստաղից կախված վորլա ձկները փայտացել են: Վառարանների ժխնելույզները ծուխը ետ են ուղարկում, անկարելի է շնչել: Գպրոցները փակված են: Վառելիք չկա: Երեսխաների ձեռքերը ուռել են: Լաց են լինում և կոպում:

Երիտասարդ մի մարկիդ, մեծ պետության ներկայացուցիչ, առատ մուշտակների մեջ փաթաթված, սպորտի հաստ կոշիկներ հագին, դահուկները ուսին դանդաղ քայլով բարձրանում է Աստաֆյան փողոցով: Գահուկները հագնում է և սահում վար, մինչև մզկիթը, ապա նորից բարձրանում վեր:

Վարդագույն թշեր ունի և հապույտ աչքեր:

Ամենքին ժպտում է:

Ամենքը պատասխանում են ժպտով և մտածում՝ Եվրոպան զվարճանում է, երբ...

Թոքախտավոր ջութակահարը, որ ապրում է մարկիդին մարմնամարզության վայր ժառանգող փողոցում, նայում է նրան և հիանում:

Ահա իսկական մի մարկիդ:

Երագում է:

Մատերը արագ-արագ շփում է կրծքին և ջութակը պատից վայր առնում: Ուզում է նվազել մի ոռնդո, ուզում է նվազել մի մենուետ...

Մարկիդ, մենուետ, շպար, ուներանս: Իսկ կոլոֆան չկա: Ծիպոտի մազերը կտրվում են, լաբերի վրա կրճտում, սահում: Ծիպոտը չի խածնում լաբերին:

Խածնում է ցուրտը: Զութակահարը հազում է, ջութակը մի կողմ դրում և մատները շփում բաճկոնին: Վատոյի, Շարդենի մարկիդուհիները: Ռոնդոն, մենուետը:

Մտնում է անկողին, վերմակը զլխին քաշում և անիծում Եվրոպային:

Ինչո՞ւ են հայերը անիծում Եվրոպային: Հինգ արկղ խինին է ստացվել և մի լիտր յոդ:

Սեանա լճի ափի տնակները թաղվել են ձյունի և սառույցի մեջ:

Երիտասարդ ժովային սպա Թումանյանը նավթի լամպարի մոտ, ձեռքերը տաքացնում է և մտածում: Դրսում ցուրտը այրում է կրակի նման: Աշխատանքները դադարել են: Նավը, գրեթե ավարտված, դիակ է կտրել. երբ մուրճը խփում ես, հեծում է և ճայթում:

Ենթադրենք Հյուսիսային Բևեռում ես— մտածում է Թումանյանը: Պետք է սպասել զարնան:

Սպասում է:

Անկողին: Մի քանի գրքեր: Մի քիչ պահածո:

Մենակություն:

Ամեն անգամ, որ քամին վայելով անցնում է տանիքի վրայից և գերանները սկսում են շարժվել, նրա միտքը գնում թափառում է Հյուսիսային ծովում: Գեղեցիկ պատերազմական նավը, որի վրա ծառայել է, սրված քթով ճեղքում է անհանգիստ կոհակները, թեթև պարում և սարսոռոց մետաղե մարմնով նետվում առաջ:

Ինքը, երկրորդ աշտարակի վրա կանգնած նայում է մեկը մյուսի վրա գրոհ տվող ալիքներին և մտածում սիրուն և շքեղ այն աղջկա մասին, որին այս գիշեր հանդիպելու է պարահանդեսում: Կրոնշտադտի բարձր հասարակությունը պարահանդես է սարքել ի պատիվ տորմիդի սպաներին:

Ժամը յոթին կհասնեն նավահանգիստ:

Նոր և փայլփլուն համազգեստը արդուկված պատրաստ է: Քիչ հետո հերթապահությունը կվերջանա, կվազի խցիկը և արագ-արագ, ինչպես բոլոր սպաները՝ կլվացվի, կածիլվի, կսանրվի, կհագնվի:

Եվ ահա լույսերով և ծաղիկներով լցված դահլիճը:

Երաժշտություն, շլացուցիչ կանայք, Պետերբուրգից եկած բարձրաստիճան հյուրեր, պսպղացող համազգեստներ, արծաթե խթանների զրնգոց, ծանր և ոսկեզօծ էքսեկանդներ, ազմիրալներ, հարբեցուցիչ մթնուլորտ:

Առաջին պարը սկսվել է: Իրենց նավի երիտասարդ եղաներից մեկը ղեկավարում է պարերը:

— Invitez vos dames!— Հեշում է նրա օտենտորյան ձայնը այնքան աղմուկի մեջ:

Թումանյանը շտապ անցնում է շարքերից, ժպտալով կանգ առնում Սոնյա Դաշկովայի առաջ, ոտքը ոտքին խփում, հրավիրում պարի:

— Իսկ ես կարծում էի ուշացաք,— ասում էր Սոնյա Դաշկովան՝
թևը նրա ուսի վրա դնելով:

— Մովսիսին մարդը միշտ հավատարիմ է խոստումին,— անմիջապես պատասխանում է Թումանյանը և նրան իր թևերի մեջ առնելով՝
թևթև, արագ, ձկուն նետվում է պարասրահի մեջտեղը:

Շուրջը՝ անիրական, երազային մի փեթակ:

Երաժշտության թովիչ և հմայիչ ձայներ, արբեցուցիչ բուրումներ, մետաքսների շխշոց, լույսերի առատություն, կանանց թրթռացող և զմայլելի դեկորատիվներ:

— Դուք շատ գեղեցիկ աչքեր ունեք,— վերջապես համարձակվում է ասել: Ասում է և գույնը գցում:

Սոնյան պինդ սեղմում է նրա ձեռքը և ոչինչ չի պատասխանում:

Նրա կապույտ աչքերի մեջ արծաթե լույսեր են բռնկվում: Նրա մարմինը՝ թևթև և տաք, հանձնվում է սպայի թևերին, և նրանք, երիտասարդ, արթնացող սիրով գինովցած, անհոգ և բախտավոր պտույտ են գալիս անիրական մի աշխարհում:

Երբ պարը վերջանում է, նա կրունկը խփում է կրունկին և գլխի խոնարհումով շնորհակալություն հայտնում, ապա թևը Սոնյային առաջարկելով տանում է բուֆետ:

Շամպայն: Իկրա: Անանաս: Սանդվիչներ:

Գորովալի նայվածքներ, ջութակի նման երգող ձայն և աննշան խոսքեր, որոնց տակ քաղցր զգացումի խարույկ է թաքնված:

Եվ հանկարծ, երբ նրանք ձեռքը ձեռքի մեջ սեղմած ուզում են վերադառնալ պարելու... երաժշտությունը ընդհատվում է, բազմությունը իրար անցնում, վազում դուրս... կանանցից շատերը ուշաթափվում են... հնչում են շոր և կտրուկ հրամաններ:

— Պարոնայք սպաները թող անմիջապես վերադառնան իրենց նավերի վրա...

Քաղաքում ապստամբություն էր:

Նավաստիների վրա շէր կարելի վստահել: Արդեն զնդացիրների ձայներ էին լսվում: Տեղ-տեղ ոռնում էր թնդանոթը:

Ինչպես կարելի էր մոռանալ շարագուշակ այդ ժամը: Այդ վայրկյանին նրա կյանքը փոխվեց, խորտակվեց, այլանդակվեց:

Հիշում է, ատրճանակը ձեռքին նրանք խմբով դուրս նետվեցին, վազեցին դեպի նավը: Ուշ էր: Ապստամբները կարմիր դրոշակ էին պարզել գլխավոր կայմի վրա: Հերթապահ սպաներին զնդակահարել էին: Սպանում էին քաղաքը ուժեղացնել, եթե որևէ դիմադրություն ցույց տրվեր:

Շվարած, խենթացած, նրանք քայլեցին նեղլիկ փողոցներով... Այն ու ձախ վազեցին առանց հասկանալու, թե ինչ պետք էր անել:

Շատ շանցած, նրանց շրջապատեցին մի խումբ զինված նավաստիներ և հրամայեցին հետևել: Սպաները մերժեցին: Երկու կողմից էլ սկսեցին կրակել:

Մի նավապետ՝ կուրծքը շքանշաններով և Վլադիմիրի լայն ժուպով ենով ծածկված՝ ամբողջ մարմնով գետին փռվեց, դեմքը ցեխոտ ջրերի մեջ ծածկելով: Հրացանի կոթի մի ահավոր հարված վայր գցեց նրա բարեկամ Միշա Միտլինին, որը լավ չութակ էր նվագում, բանաստեղծություններ գրում և որի գրպանները միշտ լցված էին պրակիով: Մի ուրիշը, դա՛նակի հարվածը ստամոքսին կուշ եկավ և «մայր» աղաղակելով գլորվեց:

Թումանյանը կրակելով ետ էր քաշվում:

Ինչքան ժամանակ տևեց չի հիշում: Հիշում է, մտավ կես խավար մի փողոց, կպավ պատին, սպասեց:

Ձախ բազուկի վերի մասը մղկտաց: Նա վիրավորված էր: Արյուն էր կորցնում: Կամաց-կամաց հեռացավ, մտավ մի ուրիշ փողոց և այնտեղ մարդ չտեսնելով վազեց, հասավ մի տան առաջ, ուր ապրում էր մի ծանոթ ընտանիք: Զանգը տվեց, դուռը չբացեցին: Նորից ու նորից զանգահարեց: Վերջապես, վերի պատուհանից մեկը գլուխը դուրս հանեց, նայեց, և դուռը բաց արեցին:

Նրա գեղեցիկ համազգեստը ամբողջովին ծածկված էր արյունով:

Վերջին պարահանդեսը:

Սոնյա Դաշկովան: Մովանույշի աչքեր ուներ, վառվռուն շրթներ և բառերը արտասանելու այնքան միամիտ, այնքան մանկական ձև... էլ նրան հրեք չտեսավ:

Տարիները սահեցին երգի նման:

Անկողին: Մի քանի գրքեր: Մի քիչ պահածո:

Քամի: Ցուրտ: Մենակություն:

Կողքի սենյակում պահակներ են ապրում:

Կոշտ, ուժեղ, նախնական մարդիկ: Հրացանը ուսին, բաշխիկը գրկին փաթաթած, գոտին փամփուշտներով լցված, նրանք մեկնում են առավոտ շատ շուտ և վերադառնում երեկոյան, բեղերը սառած, հոգնած, կատակելով և հայհոյելով: Երբ նրանք ազատ են՝ օրը անցկացնում են քնելով, երգելով և պարելով:

Երեկոյան, մեծ կրակ են վառում և շուրջը նստած գրուցում: Հաճախ, մոտակա խրճիթից մի ծերունի է գալիս: Դողդողացող մարմնով, կծկը-

ված, ծոված, շփոթված մորուքով, շափաղանց երկար ձեռքերով մի վանեցի է: Անդադար հառաչում է և անդադար խոսում: Սպասում է, որ Վանը ազատագրեն: Ուզում է մեռնել այնտեղ: Նրա համար Վասպուրականից ավելի գեղեցիկ երկիր չկա աշխարհում: Եվ երբ խոսում է Վասպուրականի մասին, նրա ձայնը մեղմանում է, փոքրիկ աչքերը փայլվում են և ձեռքերը ավելի են երկարում:

Երբ նա գալիս է, նրանք ձայնում են թումանյանին.

— Համեցեք, Սևմյոն բիձան եկել է...

Թումանյանը սիրում է լսել բիձայի պատմությունները:

Նոր, անծանոթ աշխարհ է նրա համար: Նա անգիր սովորեւ է ծովի հետ կապ ունեցող բոլոր երկրների պատմությունները: Մինչև Խաղաղականի կղզիները, Չինաստանը, Ճապոնը: Չգիտե սակայն Կովկասի սահմաններից այն կողմ գտնվող Հայաստանը: Լսել է աղոտ և սրտաճմլիկ ընդհանուր պատմություններ: Բուն կյանքի մասին գաղափար չունի:

Գալիս նստում է անկյունում և լսում:

Մերսնու բոլոր ասածները շի հասկանում: Նա անծանոթ շատ բառեր է գործածում և հուզումի վալրկյաններին թոթսվում է, խոսքերը ուսում:

— Բիձա ջան, ասածդ շհասկացանք,— բողբոլում են ամեն կողմից: Մերունիք բարկանում է: Գինի են տալիս: Կրկնում է:

Այս գիշեր նորից նստել է կրակի առաջ: Գլուխը այժմ է նմանվում: Երկար ձեռքերը տվել է բացերին, ասքը գցել ասքի վրա և մտածում է: Դրսում քամին բարկացկոտ վայում է:

— Բիձա ջան, նորից մտքերդ գնացին հեռացան,— ասում է տղաներից մեկը:

— Մտածում էի... Կարող է պատահել լավ օրեր տեսնեք, բայց անուշ օրերը, որ մենք տեսանք, դուք չեք տեսնի...

— Ասում ես, էլի, ասում ես... տեսնեք ի՞նչ անուշ օրեր են դրանք...

— Գե, հայտնի է... Վանում ամեն ինչ երկիքից թափվող մանանա էր...

— Ախր, թողեք մարդը պատմի, ինչի՞ էք միջամտում:

Երբ հակաճառում են, բիձան տաքանում է, բարկանում և սլսու՜մ պատմել:

Մորուքը քերում է, խորամանկ ժպտալով:

— Օրինակի համար,— սկսում է նա,— հազար տարի էլ ապրեք, ձեզանից ո՞վ կարող է Վանի ուխտագնացություն տեսնել...

Հոնքերը վեր քաշելով հողթական շորս կողմ է նայում և սպասում պատասխանի:

— Էդ մեկը լավ էր, քո արև...

— Բիձան առանց գինու չի կարող խոսել...

— Թե որ առանց գինու չի կարող խոսել, մենք էլ բաժակը կըլց-
նենք... ասա էդպե՞ս և կասա՞ք իրեն...

— Անուշ լինի, բիձա ջան...

Սերունին հասկանում է, որ շարժել է ամենքի հետաքրքրությունը: Գինու բաժակը վերցնում է, մի քանի կում խմում, մտածում, հա-
զում, կարծես պատրաստվում է երգելու:

Ամենքը լարված ուշադրությունով սպասում են:

Վերջապես, աչքերը տնկում է մի կետի վրա: Պատմում է:

— Աղվոր ժամանակներ էին... Վասպուրականի հայ Առաքելա-
կան եկեղեցվո գլխին կանգնած էր առաքյալի դեմքով, աննման այն
մարդը, որ հետո եկավ էջմիածնի սուրբ գահի վրա բազմեց Խրիմյան
անունով...

— Հայրիկը...

— Հայրիկ... Իսկական առջուժ, փառավոր, ուժեղ, անվախ: Կարմիր,
արյունաբերու սուլթանն անգամ չկարողացավ անոր հախից գա... և հետո,
երբ եկավ բազմեց լուսավորչի գահի վրա... գլուխ ցարի առաջ շժոնց
Գիտեք, երբ ուզեցին հայ եկեղեցվո իրավունքներ կապտել, ողջ ժողո-
վուրդ ուրի հանեց և ամեն տեղ գինված գրմադրություն պատրաս-
տեց...

— Դե հայտնի է... Խրիմյանը...

— Էդ չէի ուզում ասել...

Մի կում բաժակից խմում է:

— Եթե չեմ սխալվում, Քրիստոսի այլակերպության տոնի օրեր
էին... Գե, մեր երկրում եկեղեցվո տոներ ուրիշ ին, հանդիսավոր, մար-
դու սրտի խոսող, վերացնող... Տոնին սպասում ին, տոնի համար
պատրաստվում, տոնով հրճվում... Մարդկանց սրտի վրա կարծես լույս
ի ընկնում...

— Իսկական քրիստոնյաներ են, բիձա ջան...

— Հա, քրիստոնյա և ազգաբեր... Եկեղեցի և ազգ միացած ին,
ոնց որ բոլոր հայերի համար... Արե՛մն, այլակերպության այգ տոնի
օր... մեկ էլ լուր տարածվեց, որ Խրիմյան անձամբ հանդիսավոր պա-
տարագ ի անելու վարագա վանքում: Դե, մեծ հուզում առաջ իկավ

ժողովրդի մեջ... Մի աներեակայելի բան, ամենքին մի տեսակ ջերմ բռնեց... Չտիսնված հայրենասիրական շունչ անցավ քաղաքի և գյուղերի վրով: Ամեն ինչ մոռացան և ամեն մարդ ոգևորվեց: Այդպիսի գեպք ամեն օր չի պատահում և, բնական ի, ամեն մարդ ուզեց ներկա գտնվել հանդիսավոր այդ արարողության:

— Դու էլ գնացի՞ր, բիձա ջան:

— Հապա ո՞նց... Ո՞վ ասես չգնաց: Կին, տղամարդ, մանչ, աղջիկ, շինական, քաղաքացի: Վան քաղաք և ամբողջ Վասպուրական էրպես բան չէին տեսել: Ամեն կողմից բազմություն խուժեց դեպի վանք: Խումբերով, թափորներով, ոտքով, ձիով, կառքով... օղլուշաղներ իրենց լավագույն զգեստներ հագած, վերից վար զարդարված, ճակատին և կրծքերին ոսկի կախած, շխիւացող կապաներով, գունավոր շալերով... Աղջիկներ՝ մի-մի ծաղկած ծառ, խնձորի թուշերով, համեստ ժպիտ երեսին, մանչերի հետ կատակելով...

— Դու էլ նրա՞նց հետ, բիձա...

Մերուկը մորուքը քերում է, ծիծաղում:

— Ես էլ հեծել ի Մկոռ անունով իմ ձին... Յորդա ձի, որ հետո բավական լավ գնով ծախեցի մի քուրդ փաշի... Հա, ուրեմն, բազմություն գնում իր խումբ խումբ, հայրենասիրական երգեր երգելով, Ուրբաթ-Առու հրաշալի ծաղիկներով ծածկված դաշտով: Կարծես հարսանիք իր: Մերեր գավազանների վրա հենվելով, գլուղի կանայք պաշարով ձեռնաբերված, երեսաներ աղմկելով, գնում ին հա՛, գնում... Կես ճանապարհին կանգ ին առնում Դղրիկ աղբյուրի մոտ, հրաշալի ջրից խմում... ասում ին հոգիների պայծառություն և ոտքերի հազար մղոն քայլելու ուժ ի տալիս... Զուր ի, ջուր, նման աշխարհում չկա... Համով, անուշ, զով...

— Գինուց էլ լա՞վ...

— Ի՞նչ գինի, ի՞նչ բան... Դե, ճամփան երկար ի, ժողովուրդ քիչ կանգ ի առնում աղբյուրի մոտ, ուտում, խմում: Աղբյուր խշշալով, վշշալով թափվում ի վար. ջրի տակ շարված օղու կամ գինու շեր, վաբունգ, պողկ... Խոտի վրա փռված սփռոցներ, իսկ սփռոցների վրա աւսածո բարիք. ուտելիքներ, մեղններ, դոլմաներ: Ուտում ին, խմում և պարում: Եվ ինչ օդ, ինչ ծաղիկներ, արբեցուցիչ ինչ բուրում, թուշներին ի՞նչ դալլալ... Բառ չկա նկարագրելու համար: Աղջիկներ ջեյրանի նման քեթի վազում ին, խաղ անում, խաղ ասում, տղաների հետ աչքով-ուքով անում, իրենց ծիծաղ խառնում թուշներին երգերին, կատակում և հետո ուրախ, երջանիկ՝ ժամ անցնում... Եվ ինչ տեսարան... Վանա լիճ, Աղթամար և դաշտեր, և լեռներ... Հիսուս Քրիստոս...

Միմոն բիձան խաշակնքում է և տխրած՝ չի կարողանում շարունակել:

— Դարդ մի՛ անի, բիձա,— ասում է պահակներից մեկը,— շուտով Աղթամարը ետ կվերցնենք...:

Ասում է և կամաց ծերունու բաժակը լցնում:

— Մի կում խմիր...

— Երբ մարդ մտածում ի,— շարունակում է ծերունին մի կում խմելուց հետո,— ուղղակի... Ի՞նչ ասեմ... Լեռան վրայից վար նայելի՛ր՝ ճանապարհները լցված ին՝ ահագին բազմութունով: Մրջյունի շարքով ին՝ ու զալիս... Ամբողջ գավառի բնակչություն լցվել ի էյնտեղ: Տեղտեղ կանգ ին՝ առնում, ձի խաղացնում, շրջապար դառնում, խմբերգում: Երբ հասնում ին՝ վեր՝ ուրիշ թամաշա: Վանք փեթակ ի դարձել: Այնքան մարդ, այնքան մարդ, որ ասեղ նետելու տեղ չի՝ մնացել: Վանքի ներսում, խուցերում, բակում, աղբյուրների մոտ, ծառերի տակ, պատերի վրա ամեն տեղ բազմություն: Աղմուկ, երգ, դավուլ-զուռնա: Բայց երբ վանքի դանգակներ հնչեցին և լուր տվին, որ պատարագ կսկսվի, խոր լռություն պատեց: Կին, մարդ, օղլուշաղ խոնվեցին՝ եկեղեցու մոտ: Բնական ի, էղքան մարդ եկեղեցում չի տեղավորվի: Չոքեցին դրսում, և սկսվեց օրվա աննման պատարագ...

— Պատկերացնում եմ, բիձա...

— Ով սեփական աչքով չի տեսել, չի կարող գաղափար կազմել: Պետք ի տեսնել նրիմյան եկեղեցական փառավոր զգեստներով, եպիսկոպոսական բարձր խուլըր գլխին, գավազան՝ ձեռքին, աչքեր վառ, դեմք՝ ներշնչված, գունատ, վերացած... Մինչ շարականներ հնչում ին՝ քաղցր և տխուր, պատարագի ձայն բարձրանում ի առաքյալի ձայնի նման. բամբ, խոր, հուզված, հավատքով աննկուն և սքանչացած... էլ չեմ ասում արարողության մասնակցողների շապիկների գունավոր շքեղություն, հազարավոր մոմերի փայլ, ոսկիների և արծաթների պսպղանք, խնկի բույր, խշռոցների զրնգոց փեթակ... Ամեն ինչ փայլում ի, կայծակլիտում, երգում:

Լուում է: Ամենքը լուում են:

— Իսկ հետո, բիձա ջան, հետո ի՞նչ արիք...

— Հետո,— ժպտալով ասում է ծերունին,— ինչպես միշտ, կերան, խմեցին, պարեցին, երգեցին... երեք օր, երեք գիշեր...

— Դե, որ էդպես է, մենք էլ մի բան ուտենք, մի քիչ էլ խմենք...

Կրակի վրա նոր փայտեր են դնում:

Լավաշ, պանիր, օղի են բերում:

Քամին գլուխը խփում է տանիքին, գլոր դալիս, հառաչում, գանգատվում:

— Ես որ խոխա էի,— ասում է տղաներից մեկը,— Վաղարշապատում երիմյանին տեսա...

— Վանեցի էր,— ասում է բիձան:

— Վանեցի՞... Իսկ ես կարծում էի դարաբաղցի է...

Իբձան շի պատասխանում:

Ամենքն էլ գիտեն՝ երիմյան կաթողիկոսը հիմա պառկած է այնտեղ, էջմիածնի բազում, մի կտոր մարմարի տակ, ձեռքերը կրծքին, աչքերը փուլ եկած, մարմինը որդերից կերված:

Բիձալի դեմքը լցվել է կնճիռներով և շուքերով: Կարծես հազար տարեկան է, կարծես հարյուր հազար տարեկան է:

— Առաքել, շիշը էս կողմը բեր...

Ամենքն էլ գիտեն Վարագը պաս-պարապ է. թուրքերը վանքը բանդել են: Եվ Վանը, և բոլոր գյուղերը, և բոլոր հնադար և գեղեցիկ եկեղեցիները քանդել են, փոշու վերածել: Եվ այնտեղ, Հայաստանի պատմական գավառներում հիմա ձյուն է և սաստիկ քամի, և պարապություն է, անապատ, մենակություն:

Օղին լավ ընկեր է: Ցրտին, բուք բորանին օղին պատվական ընկեր է:

— Առաքել, քե մատաղ, Սայաթ-Նովայից մի տուն երգիր...

Եվ Առաքելը, հրացանը երկու ծնկներին օեղմած, ձեռքերը զրուպանում, շրթները տխրած, երգում է Սայաթ-Նովայից և մարտի...
հնում Վարագ:

Գիշեր է:

Երևանի կենտրոնական հրապարակի մեծ ժամացույցը աշուկիով շարժվում է, ամբուշ մարմնով սարսուտ և զանգահարում:

Խփում է տասներկու անգամ:

Ժամը տասն է:

Քամին թափահարում է ծառերը և թափված ձյունը տառապանաբար հավաքում փակ տների պատուհանների տակ: Քիչ հետո միտքը փոխում է՝ պատուհանների տակից ձյունը վերցնելով տանում կուտակում է զարպասների առաջ:

Քանաքեռի կողմից հեծելազորի մի գունդ է իջնում կայարան գնալու համար: Ձյունը շտապող ձեռքերով ձիերի ոտքերի տակ փափուկ կտավեղեններ է սփռում: Ձիերը խքխնջում են:

Երբ հեծելազունը հասնում է կենտրոնական փողոց, սպաներից

մեկը ենթասպային ինչ-որ բան է ասում: Ենթասպան նախում է հոս, սուլում և ձեռքը վեր բարձրացնում: Փողոցը և գիշերը հանկարծակիի եկած լցվում են երգի ձայներով: .

Ձյունը բախվում է արթնացած շուքերին և նրանց հետ գլորվելով հեռանում:

Պատուհանների ետև լույսեր են վառվում և հետաքրքրված դեմքեր իրենց քթերը ճզմում են ապակիների դեմ:

Մի տան դուռը կամաց բացվում է: Մտահոգ դեմքով մի երիտասարդ դուրս է գալիս, աջ ու ձախ նայում, ապա, հանգստացած նորից ներս է մտնում, բարձրանում կարճ սանդուղներից, բաց անում մի դուռ և իր վրա տնկված հարցաքննող նայվածքներին պատասխանում է ձեռքի մերժողական շարժումով:

— Ընկերներ, ժողովը շարունակվում է...

Մի մեծ սեղան: Մի ինքնահոս Բաժակճիճի, պնակներ, անուշեղեններ, կարկանդակ: Ամեն ինչ ընտանեկան պարզ հավաքույթի տպավորություն թողնելու համար:

Միջահասակ, սրված կարճ մորուքը ծնոտին կպած, այտերը հոգնած, ռեզներից վայր իջնող երկու խոր գծերով ու փանր աչքերով մի մարդ նախագահում է:

Կենտրոնից եկած ընկեր է:

Շուրջը երիտասարդ տղաներ և աղջիկներ:

Աղջիկները՝ առնական դեմքով, կտրուկ շարժումներով: Տղաները՝ համեստ, լուրջ և մտատանջ:

Սեղանի անկյունում նստած է թուխ դեմքով մեկը. երկայնահասակ, բազուկները նիհար և տարածուն, մազերը խճողված, ջղային, անհամբեր, դյուրահառու նրա մոտը՝ երկու ձեռքերը սեղանի վրա դրած, աչքերը արթուն և քիչ ախուր Ձվարթը:

— Ուրեմն, անցնենք երկրորդ հարցին, պրոպագանդան զորքերի մեջ: Առ այժմ, ամենակարևոր խնդիրը դա է... Իշխանությունը հենվում է բանակի վրա և գնալով խրվում է ավանտյուրանների մեջ... Կամալորական այդ մտայնությունը սնվում է պատերազմով...

Ձվարթը ձեռքերը սեղանի վրայից հոս է քաշում և ջղային շարժումով ուսերը սեղմում:

— Ճիշտ չէ, — մտածում է նա: — Թշնամիներն են աշխատում խառնակել երկիրը: Ձենք են մտցնում, դրամ են բաժանում: Չէ, այդ ճիշտ չէ:

Զարմացած աչքերը հասում է հարևանի աչքերին և հանդիպում է սև և խիստ մի նայվածքի: Ձեռքերը շփում է, անհանգստանում:

Սպասում է:

Նախագահը, որ նկատել է Զվարթի անհանգստությունը, խոսում է իր բառերը նրան ուղղելով: Բացատրում է, տրամաբանում է:

— Պետք է վերջ դնել աշխատավոր մասսաների շարժարանքին: Թշվառությունը ահավոր է մանավանդ գյուղում, մարդկանց թալանում են, ամեն բանից զրկում և վերցնում ճակատ ուղարկում... Կապիտալիստական պետությունների համար զոհեր են պատրաստում... հարուստների լակեյները... Սին պատրանքներ են ստեղծում... Այսպես կոչված դաշնակից պետությունների վրա հույսեր են դնում և դա՛ այդքան զոհերից հետո: Կապիտալիստական պետությունները բորենիներ են, պատրաստ հայ ժողովուրդը հազար անգամ ծախելու... Պարզ է. միայն միջազգային պրոլետարիատը կարող է մեզ փրկություն, ազատություն և խաղաղություն բերել...

Զվարթը, սիրաշահված, որ իրեն այդքան կարևորություն են տալիս, լսում է հոնքերը վեր առած, ուշադիր, շնչառությունը զսպված:

Տարակույս չկա, ինչ-որ բան պեղվում է ներսում: «Պետք է սովորել, հասկանալ պատմական և հասարակական երևույթները գիտական սառը մեթոդով»,— մտածում է նա:

Գիտական, մանավանդ գիտական: Ոչ թե ղզացումով, այլ՝ գիտական աշխարհայացքով:

Աշխարհայացքով:

Զվարթը կամաց-կամաց փոխվում է: Ամեն ինչ նրա մեջ շրջվում է, տարբեր ձևեր օտանում, տարբեր նշանակություն:

Կինը հավիտենական ուսանողուհի է: Գիտությունը ազդում է նրա վրա տարբերի նման, բացում և ճեղքում է նրա մարմինը:

Գիտական աշխարհայացքով...

Մոտը նստած թուխ երիտասարդը, որ այժմ ապրում է Հերյանի նախկին սենյակում, նախ անզգալաբար, ապա, ավելի և ավելի տիրում է նրա մտքի վրա: Մարքսյան տեսությունը, օղակ-օղակ շաղկապված, հրամայական տրամաբանությամբ լուսավորում է նրա միտքը:

Ամեն ինչ դյուրին կերպով գտնում է իր բացատրությունը, ամեն ինչ պարզվում է, կորցնում է իր գաղտնիքը...

Գիտական աշխարհայացքով...

— Կարևորը,— շարունակում է նախագահը,— կարևորը այն է... հասկանալ զինվորի հոգեբանությունը, անհրաժեշտ խոսքեր գտնել նրա հետ զրուցելու համար. նրա գյուղի մասին, նրա անմիջական շահերի, նրա կովի, նրա ուխարճների, նրա արտի մասին... Սպանների հետ խոսելիս շմոռանալ, որ նրանք արհամարհանքով են նայում բոլոր այն խմբապետներին, որոնք առանց կանոնավոր զինվորական կրթության բարձր դիրքերի են հասել: Նշել այդ. պնդել այդ կետի վրա, բացատրել, որ խմբապետները իրենց արկածախնդրությամբ շարիք են ամբողջ ժողովրդի համար:

Զվարթը կախվում է նրա շրթներից:

— Իսկական մարքսիստը, ընկերներ, պետք է իմանա դուրս ցցել երևույթների տնտեսական ազդակները: Տնտեսականը այն երկաթգիծն է, որի վրայով վազում է կյանքի գնացքը: Պրոպագանդիստը այն պետք է իմանա և ամեն մի երևույթ դնի իր գծերի վրա:

Այդ ճիշտ է, մտածում է Զվարթը, այդ տրամաբանական է:

— Միջազգային ամբողջ պրոլետարիատի համատեղ ուժերով միայն կարելի է ձեռք բերել վերջնական հաղթանակը: Համաշխարհային հեղափոխության տարածումը Արևելքում...

Ահ, այո, հեղափոխությունը ամեն տեղ. սահմանների ջնջում, արգարություն, սեր: Զվարթի սիրտը ուժգին բաբախում է:

— Եվ երբ համաշխարհային հեղափոխությունը գա, վստահ ենք անպայման կզա, այն ժամանակ ի՞նչ կարևորություն ունեն սահմանային հարցերը: Սահմանները կանհետանան և հողերը կսլատկանեն ամբողջ աշխատավորներին: Լինենք տրամաբանական...

Այո տրամաբանական: Մանավանդ տրամաբանական:

— Լինենք տրամաբանական... հիմարություն է, ոճիր է կովել, առանց դրան էլ արյունաքամ այս ժողովուրդը թնդանոթի միս է դարձել... Հնդկաստանը այս րոպեիս այրվում է, Ֆրանսիայում զորքերը ապստամբել են, Իտալիայում կոմունիստական ռեժիմի խնդիրը օրերի հարց է, Գերմանիան հեղափոխության մեջ է, Չինաստանի մեր ընկերները բանակներ են կազմել, Թուրքիան ուզի-չուզի կենթարկվի ընդհանուր այդ շարժումին իր փրկության համար...

Եվ Զվարթի աչքերի առաջ աշխարհը բոցերի մեջ այրվում է: Ամեն տեղ ապստամբություն, զինված ամբոխներ, հաղթական քայլերգեր, կարմիր դրոշակներ:

— Իսկ մե՞նք, ընկերներ, մենք ի՞նչ ենք անում... Պատրաստվենք

տապալելու հայ բուրժուազիային, կապիտալիզմի լակեյներին... Կարմիր բանակը կազմ և պատրաստ սպասում է մեզ օգնության գալու համար...

Ներկաների աչքերը բացավառվում են, նրանց օրտերում կրակ է վառվում: Դեմքերը լրջանում են, բռունցքները սեղմվում:

Հենուն, աշխարհը վեր է ցցվում ապոկալիպսյան տեսարաններ պարզելով:

— Հիմա անցնենք գործնական հարցերին...

Ժողովը վերջանում է շատ ուշ:

Զվարթը քեպետ հոգնած է, բայց իրեն զգում է բախտալու: Բախտավոր է, որ կարող է մասնակցել այգպիսի կարևոր և մեծղի շարժման: Աչքերը խորացել են, ճակատի վրա փոքրիկ մի գիծ է փայցել:

— Միտում եք, ընկերուհի...

Ամենքը ծիտում են: Զվարթը առաջին ծիտախոտը վերցնում և վառում է: Ձի սիրում, ծախք գլխին է տալիս. շարունակում է ծխել, իբր թե վաղուց է վարժ, անկաշկանգ ծխի գալորչիկը փստացնելով:

— Պետք է մազերս կտրեմ,— մտածում է:— Բոլոր աղջիկներին մազերը կտրված են:

— Ուրեմն, վաղը որոշված վայրում...

— Անպայման:

Դուքս են դալիս զոյգ-զույգ:

Լոակյաց և ժենակյաց փողոցներում ձյունափոշին վայելով ման է գալիս:

Քաղաքը սունում է վերազորված պաշտնի եման:

Քայլում են քովարտիսյամբ Աստաֆյան փազուցը Եկեղեցու գոտան կամարի տակ ձյունապոչոտ է ժած գալիս: Ձյունը ծածկել է մարդկային մարմինների մի կուտակում: Մեկը մյուսին փաթաթված, կծկված գալարված այդ մարմինները կուտակված միասին գողում են: Երբ վաղը առավոտ արթնանան՝ նրանցից շատերը իրենց թևերի մեջ գիակներ պիտի գտնեն:

Ո՞ր են լեռները:

— Ո՞ր է Մասիսը, Արագածը, Գեղամա շղթան:

Ոչինչ չի երևում: Աշխարհը ձյունափոշի է և քամի:

Զվարթը, որ գլուխը քամու դեմ տված վալել էր, կուրացած կանգ է առնում: Թուխ երիտասարդը շտապում է նրա հետևից, մոտենում և թևերը տարածում՝ նրան քամու դեմ պաշտպանելու համար: Զյուները նրանց շորջը պտույտ է գալիս, վայրկենապես նրանց ծածկում է և մտրակում:

Դիմացի տան մի պատուհանը լուսավորված է:

Մեկը նստած է հեռագրակապն գործիքի առաջ: Տիկ-տակ, տիկ-տակ, տիկ-տիկ-տիկ-տիկ, տիկ-տիկ: Մխախտող վարի շրթունքին կպցրած՝ մարդը ակնոցները անզաղար ուղղում է և գրում:

— ... Շուշվա կիրճում թուրքերի հետ կռիվը շարունակվում է: Անտանելի ցուրտ: Ենթասպա Շաբանյան տասը մարգկանց հետ անհետացավ: Տրամադրությունը բարձր: Ապասում ենք պաշարք...

— Տիկ-տիկ, տիկ-տիկ...

— Օլթի: Կենդանագրքի սառնամանիք: Մարգիկ առանց կոշիկի: Թշնտեին նստ մղված, կարևոր կորուստներով: Պանազորքի հրամայական անհրատեղատություն:

Մի դարպասի միջից կնոջ լացի խուլ ձայն է լսվում:

— Լացի ձայն է լսվում, — ասում է Զվարթը:

— Սպասիր:

Երիտասարդը նեղս է մտնում:

— Գնանք... Խնչ անել, — ասում է նա դուրս գալով: Երկո՞ւզում վակների դիակի առաջ չոքած լաց է լինում...

Զվարթի թևից բռնում քաշում է:

— Ահա քեզ կապիտալիստական ուժիմը:

5

— Եղբայր, համբերությունն էլ սահման ունի, չէ՞... Խնչ է, ծիծաղո՞ւմ են մեր վրա, տխմարի տե՞ղ են դնում... Ի՞նչ քուռակներ... մեզ թողել են այս շոր, ամայի անապատում... թե մի քանի ժամից ետ կգանք... Դեռ գալու են... Մարդ աստծու, այդպիսի անկազմակերպություն, այդպիսի անիշխանություն իսկի կարելի՞ է պատկերացնել... Շիրակի բոլոր հավերը նայում են մեզ վրա և հոհոում... Սպասեք, ես

նրանց ցույց կտամ... Ավելի վտանգավոր անասունների հետ եմ գործ ունեցել...

Հերյանը զայրացած կանգնել է:

Ոտքի կրունկը վեր է բարձրացնում, ծխամորճը շղային շարժումով թափ տալիս, ապա վեր ցցում, օդում թափահարում և աչքերը կատաղովյամբ լցված շարունակում:

— Ահա երկու ամիս է ճանապարհ ենք ընկել. ուղղակի դժոխքի վրաստանում ասես էլ ինչեր չտեսանք... անհավատալի բաներ... Երբ, վերջապես, սահմանը անցանք՝ ուրախացանք: Տուն հասանք, թե հիմա ամեն բան կկարգադրվի... կարգադրվեց, ընկանք լուսնոտների ձեռքը... բա՛ն եմ ասում՝ կովի աչքերով նայում են քեզ, քթի տակից մոմուսով համաձայնվում, հետո առանց խաբար տալու գնում, կորչում... Եկն էնք հասել Գյումրու մոտերը, գոնե քաշեին տանեին մինչև քաղաք... չէ, թողին գնացին... Ես նրանց հերը, ես նրանց...

Չայնը գլխին գցած հայհոյում է:

— Ասում են դժվար է, բարձր է, մաշինը ուժ չունի քաշելու...

Հերյանին պատասխանողը մի գյուղացի է, որի տարիքը անկարելի է որոշել, այնքան, որ նրա դեմքի գծերը և կնճիռները շփոթված են: Նայվածքը կարճ է, բառերը սակավ: Երբ ստիպված է բան ասել, ամեն երկու բառից հետո կանգ է առնում, գլուխը մի կողմ ծռում, ձեռքերը միացնում փորի վրա և աչքերը բացխփում:

— էս զահրմար մաշինը երակներում արյուն չունի...

— Դե, որ արյուն չունի,— պատասխանում է Հերյանը,— կարող էին մյուս վագոնները թողնել: Ի՛նչ կա որ այդ վագոններում... գիրթ դիրիլ...

— Չէ, վրան փեշատ է խփված...

— Մեծ բան... Փեշատը խփում են գողերի համար, իսկ գողիը հենց էստեղ են, ներսը... Իրենց հետ խոսես, իրենք զաղափարական են, առաջադեմ... որովհետև աշխարհ են տեսել, Երևանից Քիֆլիս են գնում և Քիֆլիսից Երևան... Դա անվանում են աշխարհ տեսնել... Ինձ հարցնես, անխիղճ մարդիկ են... Եվ ես՝ հիմարս ինչ ունեի չունեի տալիս էի նրանց... էլ ծխախոտ ասես, օդի ասես... Եվ ահա՛ առ քեզ...

Վհատվում է, բարկանում, ուսերը թոթվում:

— Բա՛, բա՛, բա՛, բա՛...

Չի իմանում ինչ անի: Մխամորճը լցնում է, վառում, տոռաչ և ետ գնում, ապա ձեռքերը ծալում է կրծքի վրա և հուսահատ նայում:

Մի երկու հարյուր քայլ հեռուն, մերկացած լեռների և այրված ժայռերի ու լի տարածված դաշտավայրում ցցվել է նավը:

Երկու ապրանքատարների վրա բազմած, նրա վարի մասը շրջապատված է ամեն տեսակ վայտեղեններով, գերաններով, տախտակներով: Կապված, բանտարկված ծովային տարօրինակ էակի է նմանում: Կայմը ցուցամատի պես վեր տնկված, ծխնելույզը պարապ և շվարած:

Որբացած, կարեհույզ, ծիծաղելի:

Հերյանը երկար ժամանակ նայում է նավին, ծխում և զսպում իր հառաչը:

— Հիմա ի՞նչ ենք անելու,— դիմում է վստահ շեշտով, հանգիստ կանգնած գյուղացուն:

Գյուղացին ձեռքով ցույց է տալիս շեղակի իջնող արևին:

— Զարմանալի է,— ասում է նա,— Երևանը չեկավ...

— Իսկապես,— հանկարծակիի եկած համաձայնվում է Հերյանը,— Երևանի գնացքը վաղուց պետք է անցներ...

Մեկ մեկի աչքերի մեջ են նայում:

— Մտածում եմ,— աչքերը բացիսփելով ասում է շինականը,— մտածում եմ, որ պոեզիա...

Զեռքերը միացնում է փորի վրա, գլուխը բարձրացնում դեպի երկինք և այդպես մնում:

— Դե, ասա էլի, ի՞նչ ես մտածում...

— Ես ի՞նչ իմանամ, սխալվում եմ... Մտածում եմ Երևանը ոնց որ պիտի չգա...

— Զպիտի՞ դա... Ուրիշ անգամ պատահե՞լ է...

— Չէ:

— Այսօր ինչի՞ չպիտի գա...

— Ես ի՞նչ իմանամ... Հազար ու մի բան են ասում... Ելեկ գիշեր գեղում ջահեղները խոսում էին, որ իբր թե գործերը Գյումրում լավ չեն գնում... Ես ի՞նչ իմանամ...

Հերյանը ուշադիր կերպով նայում է նրան: Զգում է, որ ծածկամիտ շինականը շատ բան գիտի, բայց վախենում է ասել: Եվ, հանկարծ, սկսում է մտածել երկաթուղային ծառայողների և բանվորների տարօրինակ վարմունքի մասին. նրանց քմծիծաղները, կառավարութան հանդեպ նրանց կծու և թշնամական քննադատությունները, ապա նրանց այդպես թողնել գնալը...

— Ադա,— ասում է նա գյուղացու աչքերի մեջ շեշտակի նայելով,— ադա, դու բաներ ևս իմանում և չես ուզում ասել... Ախր, ինձանից ծածկելու ի՞նչ կա... Ես խոմ թշնամի չեմ, բարեկամ մարդիկ

ենք... Ես մտահոգվում եմ, ոչ ինձ համար, այլ այն խեղճ արարածի համար...

Մատով ցույց է տալիս նալը:

— Ժողովրդի ապրանք է, ես էլ պարզ ծառա եմ... Մտածիր, երկու տարի է արյուն-քրտինք եմ թափում...

Հուզվում է: Ուզում է իմանալ, անպատճառ իմանալ: Զգում է ինչ-որ դեպքեր են տեղի ունենում: Նորից դիմում է գյուղացուն:— Հասկացիր, եղբայր... Այս անմեղ անասունը եկել ընկել է այս չոլերը, սպասում է, տառապում... Ժողովրդի սեփականություն է, խալիսի համար... Եթե մի բան է պատահել, քե մատաղ, ինձանից մի ծածկիր... Հայ ենք, չէ՞, ամենքս էլ հայ քրիստոնյա ենք, չէ՞...

— Ի՞նչ իմանամ,— պատասխանում է գյուղացին,— Ի՞նչ իմանամ... Ասում են կարմիրները պիտի գան... Դե... շինականը հոգնել է, սպանվել է, արտերի համար ցանքս չկա... Դե, իհարկե, եթե գան, շատ լավ է, շատ և շատ լավ... շինականը ուրախ կլինի...

Հերյանը մնում է ապշած:

— Ի՞նչ իմանամ, էդպես են ասում,— շարեւեակում է մարդը:

Հերյանը այլևս նրան չի լսում:

Անորոշ նալվածքը ման է ածում շուրջը: Հսկա լուծյուն է և հսկա պարապություն: Թեթև զարնանային քամի: Քարերի տակից թարմ խոտեր են բուսնում: Նայում է լեռներին, նայում է նալիճ և, հանկարծ, ամեն ինչ թվում է անիրական: Իրեն զգում է սոսկալի կերպով մեծակ, անպաշտպան:

Նայում է գյուղացուն. փակ, համառ մի էակ:

Նալը, դաշտը, լեռները, գյուղացին: Ի՞նչ է այդ, երա՞զ է:

— Աղա ջան,— ասում է մարդը երկար լռելուց հետո,— ոնց որ պոեզըր էլ չի գա, իզուր սպասում... Հացս էլ վերջացել է...

— Ի՞նչ է, գնո՞ւմ ես: Ո՞ւր ես գնում,— հարցրեց Հերյանը երազից արթնացող մարդու ձայնով:

— Ի՞նչ իմանամ... գեղ...

— Լավ, իսկ ե՞ս... Այստեղ մենակ ի՞նչ անեմ. ես էլ պաշար չունեմ...

— Ուրեմն, գեղ գնանք:

— Իսկ նա՞վը:

— Նալը չի կարա գալ: Թող մնա, քիչ սպասի. խոմ չի փախի... Աստված նրան պահպան:

— Ինչքա՞ն ժամանակ պետք է գյուղ հասնելու համար:

— Գլուճբոսց հեռու չէ... որ բան ման պատահի, շուտ էլ մանանք: Մաշինիստն էլ էնտեղում է, տեսնենք ինչի՞ շի եկել...

— Լավ,— ասում է Հերյանը վճռական ձայնով,— ինչ ուզում է թող լինի, գալիս եմ: Սպասի՛ր: գնամ նավի կաբինը կողպեմ:

Բավական երկար ժամանակ քայլում են երկաթգծի ուղղությամբ, ապա սկսում են մազլցել բլտօրները:

Հերյանը զարմանքով դիտում է գլուճացուն: Նա ծուլլ, դանդաղ, ծանր մարդ չէ այլևս: Քայլել սկսելու վայրկյանից նա բուրբուրովին փոխվել է: Աբաբաշարժ, քեթե, ճիւղ: Բլտօրները մազլցում է այժի նման: Ցատկելով, քամու նման ստահելով, աշխույժ:

— Շինականները բուրբն այ այդպես են,— մտածում է Հերյանը, հազիվ նրա հետևից հասնելով,— մարդ չի իմանում ո՞ւմ հետ գործ ունի: Ամեն ինչ ժածկում են՝ շարժումները, մտքերը, բառերը: Չեն խոսում, հարցերին չեն պատասխանում, նայում եմ աչքերիդ սառած աչքերով, մինչ՝ ամեն բան գիտեն, ամեն բան հասկանում են...

Երբ հասան բարձր բլտան կատարին, կանգ առան: Այլևս ճանապարհի ամենադժվար մասը անցել էին, մնացածը զառիվար էր:

— Մի քիչ հանգստանանք...— ասաց գլուճացին,— դեռ երկար ճանապարհ կա... Մենք սովոր ենք, նոր մարդու համար քիչ դժվար է...

— Լավ,— պատասխանեց Հերյանը:— Բավական է, որ շուշանանք... մութը ընկնելուց առաջ տեղ կհասնենք:

— Կհասնենք, ասածու կամքով կհասնենք:

Հերյանը դիտեց տեսարանը:

Մեկը մյուսին հրող, մեկը մյուսի վրա գլորվող բարձրությունների մի շարք: Կարծես երկնքի ծայրից անկանոն վայր թափված բրոնզե բաղադրություններ լինեին, որոնք ժամանակի ընթացքում քարացել էին: Այդ տեսարանը տարածվում էր առանց վերջանալու:

Տեղ-տեղ ցցվում էին սրածայր ժայռեր և կուտակումներ, որոնք բնական ամրացների տեսք ունեին: Արդյո՞ք ժամանակին այստեղից չեն անցել հսկաներ և ժամանցի համար ամեն ինչ ցրել, հրժշտել, աչ ու ձախ նետել և մեկնել:

Մերկ քարեր, խոր սովերներ, բոնկվող լույսեր:

Մեծդի, կլանիչ, մարդկային շափից վեր:

Թեթև էր օդը: Պայծառ: Կարծես մթնոլորտը ղողանջում էր:

— Այն կողմերը բնակչություն չկա,— ասաց Հերյանը երկար դիտելուց հետո:

— Ո՞րնց թե: Գյուղերը բլուրների հետևում են, քամիների պատ-
ճառով...

— Իսկ Գյումրին ո՞ր կողմն է:

— Էն բարձունքների հետևում... արևի կողմը, էնտեղ որտեղ ժայ-
ռերը վերջանում են...

— Այո:

— Քիչ աջ մեր գյուղն է, Շուշնավանը... Մեր գյուղից մի ժամ
հեռու... քաղաքն է...

— Գեո որքան պիտի քայլենք:

— Կես ճանապարհը անցել ենք: Հիմա հեշտ է... իջնելու ենք:

Նորից ճանապարհ ընկան: Քայլեցին առանց խոսելու:

Զառիթափի վրա կուտակված ճերմակ տներ երևացին:

Շների հաշոց:

Մայր մտնող արևը հորիզոնը բոցավառել էր: Հրկիզված լույսերով
ծանրացած լուսթյունը օրոր էր գալիս բլուրների կատարին:

Պետք է նորից բարձրանալին:

Մի գյուղացի՝ կովի վղից կապած թուղը ամբողջ ուժով քաշելով՝
գոռում էր: Կովը սև էր, միայն մի եղջյուր ուներ և համառ ճակատ:
Քիչ ավելի վերը, մի մարդ և մի կին, մի-մի ճիպտո շարժելով ոչխար-
ներ էին քշում: Կինը՝ սկուկ և չոր, ձախ ձեռքով ծանր զամբյուղ էր
կրում. մարդը՝ ուսի վրա բեռնված մի կապոց: Ոչխարները ամեն վայր-
կյան կանգ էին առնում, մեկ մեկի քսվում, իրենց շրթունքները հողերին
քսում: Փոշի և բուրդ:

— Բարի երեկո,— ասաց Հերյանը, ուրախ, որ վերջապես մարդ-
կանց էր հանդիպում:

— Հազար բարով,— պատասխանեցին կինն ու մարդը և հետաքրք-
րված նայեցին Հերյանին:

Բավականին դժվար զառիվեր էր:

Հաստ հոնքերով, լեցուն և եփված երեսով մեկը՝ երկու եզներով
լծված ճոռացող սայլ էր քշում, երկար ճիպտո խաղացնելով: Եզները
չէին ուզում բարձրանալ. մարդը աջ ու ձախ էր վազում, եզներին խը-
փում, գայրանում:

Հերյանի ընկերը սկսեց նրան հարցուփորձ անել: Չէ, քաղաքում
չի եղել, բայց ճանապարհին քաղաքից ծանոթների է հանդիպել: Լավ
բաներ չեն պատմում: Ասում են շարժում կա: Զի հասկացվում: Ասում
են բանվորները և դինվորները ապստամբել են, կարմիր դրոշակ բարձ-
րացրել, զայմադալ սարքել: Ասում են կառավարութունը փախել է...
Ո՞վ գիտե, ճիշտ է, թե սուտ... Շատ բան են պատմում:

Հորիզոնի երկու ծայրերում ման եկող լուսերը հանկարծ մարեցին: Լուրեր հաղորդող գյուղացին վազեց սայլի հետևից: Սայլը անտանելի կերպով ճռուում էր:

Հերյանի սրտի վրա մեծ հուսահատություն իջավ:

Հանկարծ, սմեն կողմից շներ դուրս պրծան և սկսեցին հաշել: Հերյանի ընկերը գոռաց, փորձեց նրանց սիրաշահել, փաղաքշել, բայց ոչինչ չօգնեց: Շները սպառնում էին: Ստիպված քար նետեցին:

Ավելի վերը, մի սղբյուրի մոտ, ջերմ շրթունքներով և սառը ատամներով հաստամարմին աղջիկներ էին կանգնած: Կարմիր թուշեր ունեին և մեծ աչքեր: Մոտից անցնելու ժամանակ լռեցին և աչքի տակով նայեցին Հերյանին: Հերյանը բարևեց: Նրանք պատասխանեցին վախկոտ ձայնով և ծիծաղը զսպելով: Զորացած խոտի, թառամած ծաղկի և զամբուռի հոտ էր գալիս նրանցից: Մի աղջիկ, կովի առաջ պպուզ արած, արագաշարժ, թավշյա մատներով կաթ էր կթում: Կովը ետևի ոտքով աքացի էր տալիս, աղջիկը շարունակում էր կթել: Հերյանը նայեց և մեծ ցանկություն զգաց մի բաժակ կաթ խմելու: Սոված էր:

Սվահա գյուղի առաջին տները: Շինականների մի խումբ էր կանգնած: Զիբուխ էին ծխում և զրուցում: Մեծ փափախներ, ծանրաբեռնված հոնքեր, երկայն բեղեր, փայլփլուն փոքրիկ աչքեր և կոճղի նման ծոված ձողեր:

Մեծ մասամբ ծերեր էին:

Կանգ առան, բարևեցին:

— Բարի... հազար բարով...

Նայեցին ուշադրությամբ և կասկածանքով:

Հերյանի ընկերը բացատրեց իրենց ներկայության պատճառը: Խառնաշփոթ մի բացատրություն: Ստանցիա նավ է եկել, իսկական մի նավ: Գնում է Երևան: Պոեզի մաշինիստը մեկնել է, ասել է կգա և մինչև հիմա չի եկել:

Գյուղացիները լսում էին, մեկը մյուսի աչքերի մեջ նայում և լռում: Վերջապես, նրանցից մեկը անհարմար լռությանը վերջ տալու համար նայվածքը ման ածեց երկնքի վրա և ասաց՝

— Աշխարհ է, ամեն ինչ կարող է պատահել...

Այդ ասաց մտահոգված, իմաստուն շեշտով, ապա նայեց մյուսներին, որոնք աչքերը վար գետին նայեցին:

— Ո՞վ է իմանում, ի՞նչ է անցնում այդ գյուղացիների գլխով.— մտածեց Հերյանը:

— Ասացեք, ի սեր աստծու, ի՞նչ կա, ի՞նչ չկա քաղաքում,— հարցրեց նա:

Գյուղացիները իրենց ուսերը թոթվեցին:

— Ո՞վ կարա ինչ ասի...

Ոչինչ չէին իմանում:

Մոված, կտկտոված մի ծերունի, շիբուխ սեղմօղ բառանցքը վեր տընկեց, սրածայր ծնոտը ուղղեց Հերյանին և ասաց՝

— Երբ տանտերը տունը թողնում մեկնում է, ամեն ինչ քարուքանդ է լինում: Զահեղները հանգիստ չեն. էս ենք ուզում, էն ենք ուզում... էն ա, առին նստեցին...

Դողացող ձեռքով շիբուխը բերնին հասցրեց և բարեկացած շքրթունքներով ծծեց:

Մի ուրիշը, շատ հաստ բեղերով մեկը, ասաց՝

— Զահեղությունը երբեք չրի նման է, մտածել չգիտի... Յորդա ձիու նման վազում է, վազում...

Հառաչեց:

— Իսկ տուժողը ո՞վ է,— բացականչեց մի երրորդը,— տուժողը գյուղացին է...

— Ըղորդ է...

Հերյանի ուղեկիցքը, որը իբրև կայարանի սլաքավար իրեն համարում էր պետական պաշտոնյա, գիտուն և տեղյակ մարդ, երկու ձեռքերը լայն բացեց, մատները շոյեց, սրան նրան նայեց, օղեց մի բան սսել և ոչինչ չասաց:

— Ի՞նչ է, Մարտիրոս, բա՞ն էիր ուզում առել,— հարցրեց ծերերից մեկը:

Մարտիրոսը նորից ձեռքերը բացեց, աչքերը պղպեց և առատիկ հուզվեց:

— Ախր, պետք է հասկանալ,— վերջապետ ասաց նա,— պետք է հասկանալ... Երբ պոեզիա գծի վրա գնում է, ոչ ոս ձախ չի նայում, գնում է և վաս սալամ... Եվ մեկ էլ, պետք է հասկանալ, ոտաը կա, չէ՞, ոտաը...

— Դե, էգ մեկը ճիշտ է,— համաձայնվեց մեկը,— պետք է ընդունել... ոտաը, հենց գործը դրանում է, ոտաը...

Մարտիրոսը քաջալերվեց:

— Ախր պետք է հասկանալ: Ռուս կա, ըզորդ է, ամա ոտաը էլ հին ոտաը չի և թագավորն էլ էն թագավորը չի... Դե, մենք ամեն բանից մի քիչ խարար ունենք... Զինովնիկ մարդը, դե, գիտեք... Հիմա գրությունը էդպես է. նոր թագավորի անունը կենին է և էս կենինը ուզում է ամեն տեղ արդարություն լինի: Անպատճառ ուզում է: Ասում են կանչել է վեզիր մեզիրին և սսել, որ աշխարհի վրա էլ հարուստ չի

ուզում, ասել է, ոսկի-մոսկի, հող, ապրանք տանեն բաժանեն աղքատ-ներին...

Գյուղացիները լսում էին աչքերը լայն բացած:

— Լենինը ասել է՝ թող գնդակահարեն բոլոր հարուստներին, որ խեղճերին մինչև էսօր շահագործել են... ասել է էս հրամանս թող գնան կարդան Ռուսաստանի և մյուս երկրների բոլոր տեղերում... Մեր հայերից մեկը, որ ասում են զոկ է, չոքել է առաջը, ճակատը նրա ոտքին կպցրել և ասել է՝ Մեծ Լենին, խնդիր ունեմ, հրաման տու՛ք, որ խոսեմ: Խոսա, զավակս, խոսա, բարի ձենով ասել է Լենինը:— էնտեղ, մեր երկրում, ասել է նա, մեր հայ շինականները չարչարվում են... մնացել են առանց ալյուրի, առանց ապրանքի, աստուց աշնչի...— Երբ թագավորը էդ լսել է, շատ բարկացել է, հրաման է տվել՝ ինչ հարկավոր է բաժանել հայ ժողովրդին...

Մի վայրկյան լռեց և հազթական նայվածք սփռեց ամենքի վրա:

— Եվ չեփ-լեցուն վազոններ եկել հասել են Բաբու և էնտեղից էլ եկել հասել են մեր ասճամանը, բայց մեր կառավարութունը չի ուզում ներս թողնի...

Գյուղացիների աչքերը անհազ փայլվում էին:

— Այ քեզ բան... Ինչո՞ւ չեն ուզում ներս թողնել...

— Ի՞նչ իմանամ: Ախր, պարզ շարութուն է...

— Երևի գրա համար էլ գինվորները ապստամբել են...

— Իհարկե, գրա համար: Զինվորականները ժողովրդի հետ են Մտածեցին, ժխեցին:

— Թողնենք ալյուրը, — ասաց շիլ աչքերով մեկը, — ալյուրը անշուշտ, ամա հարցը գա չի, հարցը նրանում է, որ արյուն է թափվում... էլ ջահել չմնաց, գնում չեն վերագտնում... Որք շատ կա և օղուշաղը մնացել է անհարակ:

— Ժողովրդին չեն մտածում, — պնդեց Մարտիրոսը, — աշխատավորին չեն մտածում:

Հերյանը լսում էր առանց մասնակցելու վիճարանության: Մտածում էր, որ ավելի խոհեմ է շահյաճառել: Միևնույն է, ինքը ոչինչ չէր կարող փոխել: Պետք էր սպասել: Վազը քաղաքում ամեն ինչ կպարզվեր:

Լսում էր, մտահոգվում, չարչարվում:

Քիչ հետո եկեղեցու զանգակը տկսեց հնչել: Գյուղացիները չիբուխները մարեցին, ազգովեցին գեպի եկեղեցի:

Զով, մայրամուտի վերջին բույսերին խառնված մթութուն էր իջնում: Աքաղաղները երգում էին: Տավարը զնգնզալով և մայիով վերադառնում էր գյուղ:

Ապա՝ ծանր խաղաղություն:

— Տեսնենք վաղը ի՞նչ կլինի,— ասաց Հերյանը սլաքավարին:— Առավոտ ստանցիա գնալու ես, չէ՞...

— Հա, գնալու եմ լուսը չբացված:

— Ես ուզում եմ քաղաք գնալ: Աչքդ նավի վրա կպահես:

— Անպայման: Անհոգ կաց:

— Կա՛մ, շնորհակալ եմ: Պարտքի տակ չեմ մնա... Իսկ գիշերը ո՞րտեղ ենք քնելու...

— Մտածել եմ,— պատասխանեց Մարտիրոսը:— Հեշտ է... Երբ ժամը վերջանա, տերտերից խորհուրդ կհարցնենք: Կինը մեռած է և տեղ ունի: Գյուղ եկողները նրա մոտ են գիշերում:

Ահավասիկ գյուղի քահանան, տեր Պողոսը: Փոքրահասակ մարդ. քիթը քիչ տափակած, աչքերը մեծ և պարապ: Մորուքը նրա հասակի համար շափազանց երկար էր, և այդ պատճառով էլ գյուղի ջահելները նրան անվանում են տեր Մորուք: Խոսելու ժամանակ նա այդ մորուքը անդադար շոյում է, իսկ երբ հուզվում է, կրծոտում է նաև առատ բեղերը: Բարի մարդ է, ոչխարի և հովվական շան տարօրինակ մի խառնուրդ: Մազոտ և դանդաղ:

— Աչքիս վրա, գլխիս վրա, քահանայի տունը ամենքի տունն է,— ասաց նա Մարտիրոսին լսելուց հետո:— Միայն թե ներողամիտ կլինեք, շինական մարդ ենք, քաղաքի հարմարություններ չունենք, ինչ ունենք-չունենք հալալ սրտով ձեր տրամադրության տակն է... Դե, գնանք:

— Ես գնամ, հետո կգամ,— ասաց սլաքավարը և մեկնեց:

Քահանայի տունը եկեղեցու մոտ էր: Պարզ գյուղական մի խրճիթ: Առաջը մի քանի ծառեր: Ներս մտնելու համար պետք էր գլուխ ծռելով մի քանի աստիճաններ վայր իջնել: Մեծ սենյակը կես լուսավորված էր անկյունում դրված փոքրիկ նավթի լամպարով: Խորքի դուռը բացվում էր գոմի վրա: Հարդ, թրիք և մզլտություն:

— Համեցեք...

Հերյանը գրավեց սենյակի միակ աթոռը: Տեր Պողոսը կոշիկները հանեց և ծալապատիկ նստեց անկյունում: Դուռը բացվեց և մի աղջիկ՝ ծանր սև մազերով, երկար հոնքերով, բոբիկ ոտքերը գետնին շրմփացնելով, ամաչկոտ աչքերը վար կախած ներս եկավ տաք ջրով լցված ամանը ձեռքին: Հերյանի առաջ շոքեց և ուզում էր նրա կոշիկները հանել:

— Չէ, քույրիկ ջան,— բողոքեց Հերյանը,— շատ և շատ շնորհակալ եմ, հիմա չէ, հետո կարող է... մի քիչ ջուր, խնդրում եմ...

Աղջիկը մնաց անորոշ, մինչև ականջները կարմրեց:

— Ճամփորդի ոտքերը լվանալը պապենական սովորություն է,— ասաց քահանան:— Լավ, Հայկանուշ, եթե պարոնը չի ուզում, նրան հանգիստ թող... Գնա խոհանոց և աստծու շմերժածը բեր տեսնենք... Աղջիկը շտապ անհետացավ:

— Հանգուցյալ եղբորս աղջիկն է,— բացատրեց տեր Պողոսը:— Որք է մնացել. հերը ընկավ ավստրիական ֆրոնտում, մերն էլ շղիմացավ այդ ցավին, մեռավ: Պատերազմը ինչքան ասես տներ քանդեց...

Տերողորմյան հանեց և ձեռքում խաղացրեց:

Ուտելու ժամանակ սենյակը կամաց-կամաց լցվեց այցելուներով: Բարևում էին, բարի ախորժակ ցանկանում և գնում շարքով նստում պատի երկայնքին: Հազիվ նստում էին, գոտու միջից դուրս էին հանում շիրուխները, փոքրիկ տոպրակի ծխախոտը ափի մեջ ճզմում և բթամատը անդադար շարժելով ծխում:

Հայկանուշը պնակները վերցրեց: Քահանան խաչակնքեց, քթի տակ մի աղոթք մոմոաց, հառաչեց:

— էդպես բաներ,— ասաց նա,— էդպես բաներ... Հո՛, հո՛, հո՛... էդպես բաներ...

Մեջքը տվեց պատին, մորուքը շոյեց և լռեց:

Ամենքը լուռ սպասում էին:

— էս մեր պատվական հյուրը,— ասաց նա, Հերյանին մատնանշելով,— ծովային գործերով է զբաղվում: Բաթումի ծովից մի նավ է տանում Սևան:

Ներկաների նայվածքները կուտակվեցին Հերյանի դեմքի վրա:

— էնտեղի սրբերին սիրելի գործ է,— ասաց ներկաներից մեկը:

— Նայած,— պատասխանեց քահանան հեղինակավոր շեշտով,— նայած... Նավը, ինչպես պատմում է, թխթխկացող, փշտփշտացող մաշին ունի... գրքերից հայտնի է, սուրբերը աղմուկ չեն սիրում, աղմուկը սատանի համար է... Բարեկաշտ, սուր մարդիկ քաշվում են կղզի, աշխարհի ղալմաղալից փախչելու համար... Աշխարհում էնքան աղմուկ, էնքան աղմուկ կա, որ աստված մարդկանց ձենը չի կարող լսել...

— էդ մեկը ճիշտ է,— համաձայնվեցին հյուրերը:

Տեր Պողոսը գրպանից թուղթ և ծխախոտ հանեց, մի գլանակ ուրեց և լռեց:

— էսօրվա օրը մարդը մարդ չի, իմ արև...— ասաց անշարժ դեմ-

քով, շրթների ծայրին խոր գծեր սեղմած մի ձերտնի:— Աստված էլ իր փեշակը դժվար է տանում:

— Ղալմաղալ երկրում, զալմաղալ երկնքում. ո՞վ կարա ինչ լսել,—
ալիւլացրեց մի ուրիշը:

Մխեցին:

Մոտի ախոռում տավարը սմբակաները գետինն էր խփում:

— էդպես բաներ... էդպես բաներ...

Տեք Պողոսը կուշ եկավ և մատները ման ածեց մորուքի երկայնքին: Մատները բարձրացան մինչև ծնոտը, այնտեղ հաստ ու գեր միջատների նման մի վայրկյան կանգ առան, անհանգստացան և երբ պատրաստվում էին վայր իջնել, հանկարծ, շփոթվեցին... Դուռը ազմուկով բացվեց և Մարտիրոսը մի անծանոթ զինվորականի հետ ներս մտավ:

Բարևեցին, նստեցին: Ամենքը ուշագրությամբ նայեցին զինվորականին:

Նա բարձրահասակ մի տղա էր. լայն ուսերով, լեցուն դեմքով, առողջ, կայտառ: Կապտավուն սուր աչքեր ուներ և շեկ, խնամքով սանըրված մազեր:

— Բարով, հազար բարով,— ասաց քահանան,— էդ մեր երիտասարդին առաջին անգամն եմ տեսնում...

Մարտիրոսը հարցաքննող աչքերով նայեց զինվորականին, հետո շվարած աչքերը այս ու այն կողմ դարձրեց և քաջություն առնելով, ասաց՝

— Ընկերը նոր է... Եկել է քաղաքից... Կոմիտեն նրան ուղարկել է պաշտոնով... աշխիճքն, վասն որո... ժողովրդի հարցերի մասին խոսելու... առհասարակ...

Զինվորականը ժպտաց:

Քահանան վառ նախազգացումով լցվեց: Ինքն էլ վախից և շնորհ-շուքյունից մի ժպիտ ձեռքրեց դեմքի վրա:

Հազաց:

Բուր ներհաները նույնպես հազացին:

Ամենքը մնացին սառած:

— Երկրացիներ,— լուրջ և բամբ ձայնով հայտարարեց նորեկը,— Ռազմա-հեղափոխական կոմիտեն, որը կազմվել է Ալեքսանդրապոլում, ինձ ուղարկել է ձեր գյուղը, աշխատավոր գյուղացիներին ողջունելու և դեպքերի մասին նրանց տեղեկություններ տալու համար:

Խոր, մեռելային լուսթյան մեջ լսում էին:

Զինվորականը շարունակեց՝

— Ռազմա-հեղափոխական կոմիտեն ներկայացնում է աշխատա-

վոր մասսաների կամքը... Ինչպես գիտեք, մեր ժողովուրդը հոգնել է անդադար տևող պատերազմներից, տիրող աղքատությունից, անոթությունից և որոշել է վերջ տալ անտանելի դրությունը: ... Մայիսի մեկը եղավ վճռական օր... պրոլետարիատը ամեն տեղ ապստամբեց... Հենց այս րոպեիս, երբ խոսում եմ ձեզ հետ, երկրի տարբեր վայրերում՝ Պարսում, Պարսիստանում, Սարիլամիշում, Նոր Բայազետում և ուրիշ վայրերում—կազմվել են նույնանման կոմիտեներ... Կոմիտեն ինձ ուղարկել է ձեզ մոտ, որպեսզի դուք էլ միանաք բանվորների և գյուղացիների շարժմանը և վերջ տաք այն խայտառակ դրություն, որի անմեղ զոհերն եք...

Խոսում էր: Տեղ-տեղ տաքանում, տեղ-տեղ կանգ առնում, որպեսզի ժամանակ տա մտածելու: Նայում էր դեմքերին, տեսնելու համար, թե ինչ տպավորություն են թողնում իր ասածները: Լսողների համար այդ ամենը նոր էր:

Երբ երիտասարդը վերջացրեց, բոլոր ներկաները նայեցին տեր Պողոսին: Տեր Պողոսը կուչ եկավ, գլուխը թաղեց ուսերի մեջ, երևու ձեռքերով բռնեց մորուքի ծայրերը և, հանցանք գործած շնիկի նման, աչքերը հառեց Հերյանի վրա:

Հերյանը լցնում էր իր ծխամորճը, առանց ոչ սքի նայելու:

— Հիմա դե հանգամանքը էնպես է, որ,— ասաց Մարտիրոսը կմկմալով,— հանգամանքը նա է, որ ընկերք ասաց իբր ասելիքը... Պարզ է, որ գրանք էդպես առած պետական գործեր են և շատ բարձր և շատ կարևոր...

Շփոթվեց:

— Լավ կլիներ,— ասաց զինվորականը նրա խոսքը կտրելով,— որ բոլորը արտահայտվեին...

Որ այդ ասաց, ամենքը իբար նայեցին:

— Դե, որ պետք է խոսել, խոսեք,— դիմեց շինականներից մեկը մյուսներին:

— Վարդան բիձա, դու ասա՛,— առաջարկեց մի ուրիշը:

Կնճիռներով լցված շրթունքները սեղմելով, Վարդան բիձան մտածեց, ապա խոր մի գաղափար արտահայտելու ձևով ասաց՝

— Եթե հարցը պետական հարց է, բարձր, ինչպես Մարտիրոսն է ասում, է՛ն ժամանակ խոսքը պատկանում է մեր տերտերին: Մենք ի՞նչ կարող ենք... Տերտերը ավետարան գիտի և է՛դ բաներից հասկանում է...

— Է՛դ մեկը ճիշտ է...

— Ըղբոր է, տերտերը գիտի...

Տերտերը վախեցած շորս կողմ նայեց և տասը մատներով մորուքը շոյեց:

— Տերտերը էստեղ գործ շունի,— բացականչեց պատգամավորը նեղացած ձայնով,— ձայնը պատկանում է աշխատավորներին, ժողովրդին...

— Աղասի,— դիմեց սլաքավարը անկյունում նստած մեկին,— Աղասի, դու ի՞նչ ես ասում...

— Ի՞նչ կարամ ասել, խխպեր ջան: Ես ասում եմ, որ առանց եկեղեցու մենք ի՞նչ կարանք ասել: Եթե էստեղ տերտեր ենք պահում, մի բանի համար ենք պահում, չէ՞... Թող ինքը ասի ինչ պետք է ասել, և մենք համաձայն ենք...

— Կավ ասացիր, Աղասի...

Գլխի շարժումով համաձայնության նշաններ արեցին:

Տերտերը աչքերը չզեղեց և ամբողջ մարմնով երեր եկավ:

— Ես ծառա մարդ եմ,— ասաց նա վերջապես համարձակություն առնելով:— Ամեն բան խալխից կախում ունի և մեր եկեղեցին ժողովրդի եկեղեցի է... Իհարկե, կան մեր մեծերը... որոշում առնելուց առաջ տեսնենք ինչ է ասում մեր սրբազան առաջնորդը... Ախր, վարդապետներ կան, էջմիածնա աթոռ կա... էդպես չի կարելի...

— Մենք մեկ մեկի շենք հասկանում,— նրա խոսքը կտրեց զինվորականը բարկացած շեշտով:— Ի՞նչ առաջնորդ, ի՞նչ բան... Ես եկել եմ Ռազմա-հեղափոխական կոմիտեի հրամանով որոշ գիրեկտիվներ հաղորդելու համար... Տեսնում եմ, այստեղ ավելորդ է այդ մասին վիճաբանելը... էգուց ընդհանուր միտինգ կանենք, պահանջում եմ, որ գյուղի աշխատավոր զանգվածը հավաքենք...

— Միտինգը ո՞րն է...

— Ժողով, հրապարակային ժողով...

— Հա, դե եթե ժողով է, թող ժողով լինի...

— Հարցը նրանում է,— ասաց Մարտիրոսը հաշտարար ներկայանալով,— որ պետք է հարցին նայել շահի տեսակետից: Նախ և առաջ ջինականի շահը...

Կանգ առավ և ավելի հանաքով՝

— Եթե լավ մտածենք, կտեսնենք տեր օրհնած Ռուսաստանը ուղում է մեզ օգնի, ժողովրդի շահերը պաշտպանի, հողը գյուղացուն տա, իսկ ժողովուրդը չի կարողանում օգտվել էդ օգնությունից... Իսկ ինչի՞ համար ժողովուրդը չի կարողանում... հարցը դրանում է...

Գյուղացիները զարմացած նայեցին:

— Ընկեր Մարտիրոսի ասածը ճիշտ է,— միջամտեց զինվորականը

նը,— Եղբայրական կարմիր Ռուսաստանը պատրաստ է ամեն բանով օգնելու աշխատավոր հայ ժողովրդին... Հիմա դուք պետք է որոշեք...

Գյուղացիների աչքերը փայլփլեցին:

Ամենքը սկսեցին միասին խոսել:



Չնայած մեծ հոգնության, Հերյանը չկարողացավ լավ քնել: Սիրտը կծկվում էր, միտքը շարձարվում: Ինչպիսի անսպասելի դեպքեր...

Մոտը պառկած քահանան նույնպես չէր կարողանում քնել. անկողնի մեջ թավալ էր գալիս, մի վայրկյան խռմփում, ապա արթնանում, այն քաշում:

— Տեր աստված,— ասում էր նա,— տեր աստված...

— Ի՞նչ է, տեր հայր, շե՞ս քնում...

— Քուսս փախել է,— հառաչում էր քահանան:— Բայց ինձ մի նայիր, դու քնիր, բալա ջան, դու քնիր...

Ախոռում կռվը անդադար շարժվում էր, գլուխը զարնում պատին: Սենյակում օդ չկար:

Լույսը հագիվ բացվեց, Հերյանը անկողնից վեր թռավ, արագ հագնվեց և քահանայից հրածեշտ առնելով մեկնեց:

— Աստված քեզ հետ,— ասաց քահանան:— Տեսնենք մեր գլխին ինչ օլին է գալու...

Դրսի զովը նրան ցնցեց: Երեսը տվեց նոր արթնացող լույսերին և քայլեց: Հորիզոնի վրա բոցավառ սնդիկ էր ման գալիս: Բլուրների կատարները ճարճատում էին քամուց ծեծված խարույկների նման: Մանր ու լայն խաղաղությունը գրկել ու նվաճել էր ամբողջ տեսարանը: Գյուղը քնած էր: Ճանապարհը մխրճվում էր շոր և մոռյլ սարի կողերի մեջ:

Հերյանը առաջացավ լայն քայլերով, թևերը ճոճելով, աշխույժ: Սիրեց այդ զովը, այդ առավոտը, այդ նոր և վիթխարի տեսարանը:

Նեղ կաթանով վեր բարձրանալիս, խուլ քամու մի ալիք կպավ նրա երեսին և նա ցնցված կանգ առավ, թոքերի ամբողջ ուժով օդը ներս քաշեց: Խոնավ և աղի օդը գրգռեց նրա լայն բացված ունգները: Նորից շնչեց:

Մովի հոտ էր:

Ուները տորոնեց, գլուխը թափահարեց, քայլեց:

Մտքի առաջից շարան-շարան ծանոթ պատկերներ: անցան: Աչքերը հառեց նրանց վրա և շտապեց:

Մովը:

Հիշեց գիշերվա անսահմանության մեջ վեցերորդակով դիտված աստղերի հմայքը: Ցրտից դաղված այտերը ապտակող կոհակների զորեղ շունչը. արև և աղ: Կայմերի սարսուտմը, կատաղի հողմերից հրձուխված նավի հանկարծակի տատանվելը, բարձր ալիքների փշրվելը առաջակայմի ոտքի մոտ, դատվող փայտերի ճարճատյունը, երբ ջրի մակերեսից վեր բարձրացած պտուտակը շրջում է պարապում, և նալը, քիթը վար կախած, միքնովում էր անդունդ: Այդ վայրկյաններին, նա, կամբջակի վրա կանգնած, գլխարկը մինչև հանքերը խոթած և ձեռքերը զրպաններում, գիտում էր այդ տեսարանը և լայն բացված ստքերի վրա երերում:

Չէ, ծովի հետ մտերմացած մարդը գծվար է համակերպում ցամաքի կյանքին: Իրեն զգում է մշտնջենական տարազիր: Մարմնի և հոգեկան ուժերի մեծ մասը միում է թմրած, անշարժածելի, անբավարարված: Չէր հասկանում մարդկանց: Այդ կոիվները, փոքրիկ շահերի շուրջը դարձող հսկայական այդ աղետները, այդ թափված արյունը և այդ ամեն ինչ լափող կրակը:

Չի հասկանում ժարդկանց:

Յամաք իշած օրից ի վեր նրա արածը ուրիշ բան չէր եղել, եթե ոչ վազել ծովի հետևից: Ինչպես էլ լինի, որտեղ էլ լինի գտնել ծովը: Նավարկել: Միանալ ջրերի մենակության, չափվել տարերքի խալության հետ, մոռանալ մարդկանց, նրանց ցնորքը, նրանց ունայնությունը, նրանց փոքրությունը:

Օդ, աղ: Բաց տարածություններ:

Ահա այդ էր, որ նրան մզում էր քայլելու ամայի և անհյուրընկալ այս վայրերում. այդ էր, որ նրան բերել զցել էր այդպիսի տարօրինակ, խենթ ու ծիծաղելի ձևնարկի մեջ: Սվ բոլոր պատճառաբանությունները, որ նա հնարում էր, բոլոր ճառերը, որ ասում էր ինքն իրեն, միայն մի նպատակի համար էր՝ հասնել ծովին:

Չէր հասկանում ցամաքը: Կարծր հողեր, քրտինք, արյուն, հույզերու ծամաքը նա միշտ էլ տեսել էր ծովից, իբրև հեռավոր փափագ, մարմնական զրգոտ, միքած: Նա ճանաչում էր նրան կարճ կանգնումների ժամիրին, — աղմկալի կապելաներով լցված արվարձաններ, բեռնակիր բանվորներով վիտացող քարափներ, լուսավորված սրճարաններ, դյուրին արկածներ, մեքենայական երաժշտություններ, ծիծաղ, օդի, կոիվ, հեշտ կանայք: Անցողակի հանգիստումներ, ասան համբուրքներ, պատահական անկողիններ: Կարևորը իր նավն էր և իր ծովը: Մեկնելու պատրաստությունները, մարդկանց կարգապահությունը, ժամանակին տեղ

հասնելու և ածուխ ու նավթ խնայելու մտահոգությունը, քամիների, փոթորիկների միջոց անվնաս անցնելու փափագը:

Քաղաքները և նրանց բաղմուքյունները մնում էին հեռվում: Նրանք կորչում էին հորիզոնի ետև, մտնում անորոշ հիշողությունների շարքի մեջ, քողարկվում, մարում: Տներ, փողոցներ, ծառուղիներ, քարափներ, լամպարների շարքեր, ինքնաշարժների վազք, բենդինի հոտ, ոստիկաններ, պոռնիկներ: Այդ շենքերի կուտակումներից և աղմկալի զուգահեռությունից մարդ հեռանում էր առանց զղջալու: Ընդհակառակը, սիրելի էր այն ժամը, երբ կամրջակի վրա կանգնած՝ հրաման էր տալիս պարանները թուլացնելու մասին: Կարմիր մատանի հագած ծխնելույզը քուլա-քուլա ծուխ էր արձակում: Սուլոցը՝ շոգի անձրևելով, բամբ ձայնով ոտնում էր: Պտուտակը մետաղե շերեփով խառնում էր ջուրը, և նավը մեծ կենդանու նման սկսում էր տեղից շարժվել: Նա իր մարմինը ողորկ և բարձր քսում էր պաշտպանության գերաններին, որոնք գանգատվելով ճռնչում էին, պարանները ընկնում էին ջուրը: Նավը սուր քթով ծովը ակոսելով հեռանում էր առանց ետ նայելու: Վերջին փարոսը վեր էր ցցում մենակության առաջին դրոշակը և բացը սկսում էր շարժել իր հսկայական բազուկները...

Իսկ հիմա ո՞ւր էր ինքը և ի՞նչ էր այս աշխարհը, որի վրայից ահա քայլում էր:

Արևը լքել էր հորիզոնը:

Գարնանային թեթև օդը՝ նա ևս տարագիր, թևերը բաց արած պլլվում էր երկրին, նրան հրավիրում էր գիրկը, շոյում, ոստոստալով անցնում բլուրից բլուր: Երկիրը չէր պատասխանում նրա հրավերին: Չոր, կոշտ, անզգա՝ նա մնում էր անտարբեր, չեզոք և մոռյալ...

Երկիրը քար էր:

Հերյանը քայլում էր ոտքերը շարշարելով, միտքը հեռուն, սիրտը ծանր:

Նա մտավ քաղաքի կողմնակի մի դատարկ փողոցից:

Ցածր, տանիքները տափակած տներ: Փոշի: Փակված դռներ, կուրացած պատուհաններ: Ոչ մի բաց խանութ: Մի՞թե այդքան կանուխ էր: Չէ, կանուխ չէր: Արևը երկնքի մեջտեղն էր:

Ուրե՛մն:

Փողոցում երկու երեխաներ էին խաղում: Հերյանը որոշեց նրանցից իմանալ կայարանի ճանապարհը, բայց նրանց մոտ չհասած՝ մի պառավ կնոջ գլուխը դուրս եկավ կես բացված դռնից և բարկացած շեշտով ներս կանչեց նրանց:

— Ի՞նչ է,— զոռաց կինը,— ուզում եք գուլլի տա՞կ մնալ...

Երեխաները ներս վազեցին և դուռը աղմուկով փակվեց: Փողոցը աննավթ լամպերի նման մարեց:

Հերյանը ոչինչ չհասկացավ: Քայլեց:

Այ բեզ բան... Սիրտը լցվեց վատ նախազգացումներով: Չգիտեր, ո՞ր կողմը գնար: Հանկարծ, կանգ առավ: Պատուհանի հետևից դուրս նայող կնոջ գլուխ տեսավ: Մոտեցավ, թմբկեց ապակու վրա: Կինը վարագույրը վայր իջեցրեց և վախեցած անհետացավ: Այդ վայրկյանին հեռվից հրացանի տրաքոցներ լսվեցին:

Հերյանը ականջ դրեց և մնաց անորոշ:

Մարդ չկար: Կարծես քաղաքը դատարկված էր:

Տխրեց: Քայլեց:

Սա ի՞նչ բան էր, ի՞նչ բան...

Հասավ փողոցի ծայրը, թեքվեց աջ, շարունակեց քայլել: Ահավասիկ մի հրապարակ: Զինվորների խմբեր: Զինված քաղաքացիներ. մեծ մասամբ բանվորներ: Կարմիր դրոշակներ:

Ամեն կողմից խուզարկիչ աչքերով նայեցին նրան: Ուշադրութուն չդարձրեց: Անցավ: Հազիվ անցավ, հետևից մի ձայն լսեց, որ ասում էր՝

— Հե՛յ, քաղաքացի, ո՞ւր եք գնում...

Կանգ առավ: Երկու զինվորներ մոտեցան:

— Կայարանն եմ փնտրում,— պատասխանեց Հերյանը,— նոր եմ եկել...

— Քաղաքում նոր եք և չեք իմանում որտե՞ղ է կայարանը...

— Երկնքից է ընկել,— հեզնելով ասաց թուխ և մազոտ մեկը:

— Խուզարկեք,— հրամայեց մի ուրիշը:

Խուզարկեցին: Բարիբախտաբար, ատրճանակը թողել էր նավի վրա:

— Զենք չունի...

Հերյանը բացատրեց: Վագոնները մնացել էին այնտեղ, դաշտում, և ինքը եկել էր մեքենավարի հետևից:

— Իսկ ինչո՞ւ համար եք ուզում կայարան գնալ,— կասկածելով հարցրեցին նրան:

— Դե, ասացի էլի. ուզում եմ իմանալ մաշինիստը գա՞լու է, թե ոչ...

Մի երիտասարդ սպա մոտեցավ, աչքերը մխրճեց նրա աչքերի մեջ, պրպտեց: Հերյանը՝ քիչ շփոթված, նորից բացատրութուններ տվեց:

— Կայարան գնալը միանգամայն ավելորդ է,— ասաց սպան վերից վար նրան չափելուց հետո:— Բանվորները հիմա շատ ավելի կրեոոր գործով են զբաղված և չեմ կարծում ժամանակ ունենան... ձեր

նավի մասին մտածելու: Եթե կայարան գնաք, ձեզ ներս չեն թողնի առանց պրոպուսկի:

Կասկած հարուցողը նրա կարտուզն էր: «Ինչ ուզում են մտածեն, կարտուզս չեմ հանի», որոշեց Հերյանը: Քայլեց այն ճանապարհով, որ նրան ցույց տվեցին: Հեռվից մեկը գալիս էր: Հերյանը անտարբեր ձայնով:

Ամեն տեղ, մանավանդ փողոցների անկյուններում, խումբ-խումբ զինվորներ էին կանգնած: Ամեն տեղ կարմիր դրոշակներ էին կախված: Հերյանը քայլում էր մտածկոտ, հետաքրքրութամբ աչ ու ձախ նայելով: Մի քանի անգամ նրան կանգնեցրին և նորից հարցուփորձ արեցին: Նա բացատրեց, որ գնում է կայարան, Ռազմու-հեղափոխական կոմիտեի Դատարար, կարևոր տեղեկություններ ստանալու համար: Այդ բացատրությունը բավարար համարելով նրան թողնում էին, որ անցնի:

Կայարանի փոքրիկ շենքի առաջ ահագին բազմություն էր խոնված: Իանվորներ, գյուղացիներ, զինվորականներ:

Կանգ առավ, նայեց:

Անշարժ և ուշադիր այդ ամբոխը նայում էր կայարանի դռան: Երևի կարևոր բանի էին սպասում: Ինքն էլ ոտքի մատների վրա բարձրացավ և գլուխների վրայից նայեց նույն ուղղությամբ: Զէր ուզում հարցեր տալ: Կարող էին կասկածել:

Հանկարծ ամբոխը շարժվեց: Կողմնակի մի փողոցից երգի, աղմուկի, կեցցենների ձայներ թնդացին:

— Սրանք ովքե՞ր են,— հարցրեց նա մտքը կանգնած բանվորից, որը գլխարկը թափահարելով ուրախ կանչեր էր արձակում:

— Մեզ նոր միացող զինվորներ են,— պատասխանեց բանվորը և շարունակեց գոռալ:

— Վե՛րջ դաշնակներին... Կեցցե՛ կոմունիզմը...

— Հուռո՛ւ, հուռո՛ւ...

Ցուցարարները՝ կարմիր դրոշակներ և հակակառավարական լուգունգներ կրող երկար կտավի կտորներ բռնած՝ մտան հրապարակ:

Ամբոխը ճեղքվեց, թույլ տվեց, որ նրանք անցնեն: Աննկարագրելի խանդավառության ալիք բարձրացավ: Նոր եկողներին շրջապատում էին, ողջունում, համբուրում: Հեղափոխական երգեր էին երգում, կեցցեններ գոռում, աղմկում, փրփրում:

— Կեցցե՛ բանվորա-գյուղացիական իշխանությունը...

Երբ ոգևորության առաջին ալիքը անցավ, երիտասարդները մեկին բարձրացրին իրենց ուսերի վրա: Երեսը կարմրած, մազերը շփոթված, նա բազուկն: որ վեր կարկառեց և լ. ո. թյուն պահանջեց:

— Լոուիթյուն, լոուիթյուն,— գոռացին ամեն կողմից:

Երիտասարդը խոսեց տարած հաղթանակների մասին: Աղբբեցումը արդեն կարմիր էր: Վրաստանը պատրաստվում էր տապալելու մենշևիկների զագրելի լուծը: Այդ ավազակների և մարդասպանների մահը մոտեցել է: Երևանի կառավարութունը փորձում է դեռ դիմանալ, բայց նրանց վերջին ժամն էլ հնչել է. գրեթե ամբողջ բանակը անցել է աշխատավոր ժողովրդի կողմը... Հայաստանի սովետականացման հարցը ժամերի հարց է... Զրահավորված զնացքը, որ այժմ կայարանում կանգնած է, պատրաստ է ոչնչացնելու կապիտալիզմի վերջին լակեյներին... Ամբողջ երկաթուղագիծը հեղափոխականների ձեռքում է... Հեռագրով վերջնագիր է տրված Երևանի կառավարութան, եթե իշխանութունը մեզ չհանձնեն, այն ժամանակ, ընկերներ..

Անկարելի եղավ լսել վերջին բառերը: Ահագին հուռոնները ծածկեցին հոետորի ձայնը, որը բոռնցքները թափահարելով, աչքերը դուրս գցած աշխատում էր տիրապետել ամբոխի վրա:

Սկսեցին երգել Ինտերնացիոնալը:

— Դեպի գորանոց, ընկերներ... Դեպի կազալի պոստը... Կեցցե՛ կարմիր բանակը...

Դրոշակները վեր բարձրացան:

Երգող երիտասարդ տղաները և աղջիկները շարժվեցին առաջ: Բազմութունը հոսեց նրանց հետևից:

Հերյանը նայում էր հուզված և շվարած: Քույնը սփրթնել էր, ձևաքերը դողում էին: Ի՞նչ պիտի աներ հիմա: Աջ և ձախ քայլեց, նայեց դեմքերին, ականջ դրեց խոսակցութուններին և վերհիշեց նավը:

Նավը:

Հրապարակի ծայրում մի խումբ մարդիկ էին կանգնած: Բնազդաբար զգաց նրանց հոգեկան վիճակը: Մոտեցավ կանգնեց նրանց կողքին: Նայեց նրանց աչքերի մեջ...

Հերյանը ուզեց մի բան ասել, շրթունքները դողացին և ոչինչ չկարողացավ ասել:

Այդ վայրկյանին, հրապարակի բազմութունը իրար անցավ:

Ահագին աղմուկ բարձրացավ: Մատերը շտապ մտնում էին կալարանից ներս, ուրիշները դուրս էին գալիս և իրենց շուրջը հավաքված խմբերի հետ զայրացած խոսում:

Ի՞նչ էր պատահել:

Հանկարծ կայարանի դուռը լայն բացվեց և բարձր, լայնուս, ծանրաքայլ մի մարդ դուրս եկավ: Ամբոխը շարժվեց նրա կողմը: Հերյանը

ինքն էլ մոտեցավ: Մարդը բարձրացավ ներսից բերված մի աթոռի վրա, ձեռքը վեր առավ, լուսթյուն պահանջեց:

Հրապարակը սառեց անշարժ և ուշադիր:

— Ընկերներ, և քաղաքացիներ,— ասաց մարդը,— պետք է պատրաստվել վերջին վճռական պայքարի համար... Քիչ առաջ հեռախոսով կապվեցինք Նրևանի կառավարության հետ... Եվրոպայի և Ամերիկայի կապիտալիստներին ծախված այդ սրիկաները...

— Կորչի՛, կորչի՛...

— Ընկերներ, լսե՛ք, լսե՛ք...

Ամբոխը ալիք-ալիք շարժվեց: Սկսեցին մեկ-մեկի հրմշտկել: Ամեն մարդ ուզում էր առաջ անցնել ճառախոսին ամելի լավ լսելու համար: Շատերը մազլեցեցին պատուհանների և լամբարների վրա:

Ճառախոսը նորից ձեռքը թափահարեց լուսթյուն պահանջելով:

— Ուշադրություն, ուշադրություն...

— Դուք պետք է իմանաք, շարունակեց մարդը,— որ Կարսի, Ղարաբաղի խառնի բանակայինները մեզ հետ են... հայ աշխատավոր մասսաները պահանջում են երկրի իշխանությունը... Դաշնակները դիկտատուրա են հռչակել... մատուցեցին քայլում են մեր վրա...

— Կորչեն, կորչեն,— աղաղակեց ամբոխը:

— Ընկերներ, մեր զրահապատ գնացքը նրանց կընդունի ոնց որ հարկ է, հենց կես ճանապարհին...

— Կեցցե՛ զրահապատը, կեցցե՛...

— Ընկերներ և քաղաքացիներ, դա կլինի վերջին, վճռական կոնվեր... Զինվեցեք և ցույց տվեք, որ պրոլետարիատի կամքը անխորտակելի է... Կեցցե՛ Հայկական Սովետական Հանրապետությունը... Կեցցե՛ կոմունիզմը...

Ահագին ձայնի ղղրղյունը ցնցեց օդը:

Մի խումբ երիտասարդներ սկսեցին երգել:

Դա է վերջին կոնվեր և պայքարը մեր մեծ...

— Զենք, զենք,— բացականչեցին ամեն կողմից:— Պետք է զինվել, պետք է զինվել...

Ժողովուրդը ռազմաշունչ երգեր երգելով, առաջացավ դեպի քաղաքի կենտրոնը: Հերյանը շկարողացավ զսպել հետաքրքրությունը և գնաց նրանց հետևից:

Դռների և լուսամուտների առաջ ազգաբնակչությունը կանգնած նայում էր հուզումով և ոգևորությամբ:

Ողջունում էին փողոցում կանգնած զինվորներին:

— Կեցցե՛ Կարմիր բանակը...

Զինվորները ժպտում էին:

Երբեմն Խայրաշահից վազելով ելիտասարդներ էին գալիս և նոր ստացված տեղեկություններ հաղորդում: Լուրերը անմիջապես բերնից բերան էին անցնում նոր ոգևորություն պատճառելով:

— Ընկերներ, Կարսի հեծելազորը միացել է բուլղարիկներին... Ամբոցները մեր ձեռքում են...

— Կեցցե՛ն, կեցցե՛ն...

Կարմիր դրոշակը ցցվում էր վեր: Ոգևորությունը հասնում էր գազաթնակետին:

Բամբ հիեզի մոտերը Ախուրյանի կողմից թնյանոթի ձայն լսվեց: Մեկը Վլուսի հետևից որսուցող հարվածները ցնցեցին քաղաքը: Ցուցարարները մտահոգված կանգ առան և լայն բացված աչքերով նայեցին դեպի հեռուն:

— Մերոնք են,— ասաց Հերյանի մոտ կանգնած մեկը,— խփում են, հա...

Քիչ շանցած, թնդանոթների ձայները բազմապատկեցին: Տրաքտորաքեցին նաև գնդացիները:

— Չէ, դա ուրիշ բան է,— ասաց Յի ուրիշը:

Բազմությունը անհանգստացած այս ու այն կողմ շարժվեց: Չայները իջան, սկսեցին շշուկներով խոսել:

Հրաձգության ձայները ավելի և ավելի մոտեցան:

Զրահավորված գնացքը, ահագին աղմուկով, կրակելով ու սրընթաց, կայարանից անցավ և մեկնեց հակառակ ուղղությամբ:

Ամենքը նայեցին բերանը բաց:

Ռումբի մի դղրոց ցնցեց քաղաքը: Պայթեցնում էին կամուրջները:

Սկսել էր մթնել: Հրաձգությունը շարունակվում էր:

Լուսաբացի մոտ փողեր հնչեցին:

Պատերի վրա հայտարարություններ կայցրին: Ժողովրդական ապստամբությունը ճնշված էր: Հերյանը կարդաց և վազեց կայարան: Ամբողջ երկրում պատերազմական դրություն էր հռչակված: Պետք էր սակայն ամեն կերպով հասնել նավին:

— Պետք է սպասել,— ասացին նրան կայարանում:— Բանվորներից շատերը փախել են... կամուրջները քանդված են...

Բողոքեց, գայրացավ: Եվ երբ պատրաստվում էր ոտքով ճանապարհ ընկնել, իմացավ, որ զինվորական հատուկ մի գնացք մեկնելու է ճիշտ այն կողմերը, ուր սպասում էր նավը: Վազեց պաշար գնելու... վերադարձավ այն վայրկյանին, երբ գնացքը շարժվում էր:

Երբ հեռվից նավը տեսավ, սիրտը 'սկսեց ուժգին բաբախել: Չլինի խեղճ արարածը վնասված է, չլինի՞ վիրավորված է...

Բարեբախտաբար, գնացքը արագ չէր վազում: Ցատկեց վայր: Մի վայրկյան շշկվեց, ապա ոտքի կանգնելով՝ գլխարկը հանեց, մեկնող գինվորներին ողջերթ մաղթեց և վազեց դեպի նավը:

«Աբբատյոսը» կանգնած էր իր տեղում: Մնշարժ, ուրվականացած, անիրակասն և որբ: Հանկարծակի ցցւած տեսիլքի նման լուռ, մենակ, մեծղի: Մեկը մյուսին զամված տախտակների կուլտի միջոց նա քիթը վեր էր ցցել համառ և գոռոզ, մինչ կայմը սառնում էր վեր անթելի կայանի նման՝ կարծես խորացած այս երկնքի խորհրդավոր ալիքները որսալու համար:

Հերյանը նայեց հափշտակված աչքերով:

Ջինմոռա՛յան գնացքի վերջին աղմուկը կորավ հեռվում:

Ամեն ինչ թաղվեց խոր լռության մեջ:

Մնաց մենակ: Ինքը և նավը: Ինքը, նավը և այն քանդվածութունը, որն անվանում էին ստանցիա: Կես փյած ողորմելի մի շենք, փշրված մի պատուհան, ծոված մի տանիք, որի ծակերից երկինք էր թափվում: Ամեն տեղից առուտ, անսահման երկինք էր թափվում:

Լավ, հիմա ի՞նչ անել...

Դաշտի վրա փոքրիկ դեղյն քամի էր խաղում: Հողերին կպչելով պտույտ էր գալիս. մի վայրկյան կանգ առնում, ապա թույլ շունչը ժողովելով վազում էր, և գրոհ տալիս շնչին, նիհար, թորախտավոր բույսերի վրա: Իռլյանըրը ամբողջ մարմնով սարսուռում էին, թեքվում մի կողմ և ճամփա տալիս զարնան այդ գինովության:

Լավ. հիմա ի՞նչ անել...

Աչքերը լողացին այդ խաղաղության մեջ: Ամեն ինչ ծանրացավ և սպասեց: Երկիրը, լեռները, երկինքը, նավը, ինքը: Կարծես անհայտ մի զորութուն պատրաստվում էր աշխարհ իջնել: Պատրաստվո՞ւմ... Ո՞վ գիտե, գուցե նրա մեծղի ոտքերը արդեն քայլում էին հորիզոնի ետևը ընկած երկրներում... գուցե... նա հանկարծ պիտի ցցվի հեռուն, ցատկի լեռների վրայից և մտնի դաշտ: Եվ երբ նա գա, դաշտերը պիտի սարսռեն, երկինքը պիտի գոռա և աղմկի... լեռները պիտի ցնցվեն:

Լավ...

Թփերի միջից մի խայտիտ դուրս թռավ, արագ սուրաց դեպի կայմը, նստեց նրա կատարին, թևերը թափ տվեց և, գլուխը դեսուղեն ծռելով, նայեց:

Հերյանը ժպտաց: Ուրախացավ:

Ջարմանալի էր, որ սլաքավարն այնտեղ չէր:

Պատկերու տրամադրութիւն շուներ: Թափառեց, սուլեց, քիչ հաց կերաւ, երկարեց մարմինը գետնի վրա և երբ պատրաստովում էր աչքերը հանձնել երկնքին... զարմացած՝ գլուխը վեր բարձրացրեց: Հեռվից, պոչը շարժելով և փորը ելիւր ածելով մոտենում էր հաստ մոխրագույն նախարայահ մի շուն:

Հերյանը նստեց:

Շունը իջնում էր փլած շննքի հողակույտի վրայից, լեզուն դուրս գցած, գլուխը վարձ՝ գետինը հռտոտելով: Կենդանին, առանց վարանելու մոտեցաւ Հերյանի ոտքերին, կանգնեց, պոչը շարժեց, ուրախ-ուրախ կաղկանձեց, գլուխը դրսց գետնի վրա, աչքերը բարեկամական հռոտեց նրան և այդպես մնաց:

Հովվի շուն էր: Հաւտագլուխ, շինականի փափախին նմանող այն մազոտ շներից մեկը՝ կես գայլ, կես ոչխար, որոնցով լեցուն են գլուղերը և արոյավայրերը:

Ո՞րտեղից էր գալիս այդ շունը: Հերյանը ձեռքը դրեց ճակատին, ամեն կողմ նայեց և մարդ չտեսաւ: Ոտքի կանգնեց, քայլեց: Շունը հետևեց նրան:— Նստեց: Շունը գետին փովեց և, աչքերը կես փակած, հավաքարիմ աչքերով լրտեսեց նրա ամեն մի շարժումը:

— Լավ, — մտածեց Հերյանը — բարեկամ հոգի է, եկել է բաժանելու իմ մենակութիւնը:— Մի կտոր հաց նստեց շանը: Շոյեց նրան:

— Անունդ ի՞նչ է, լեզու չո նես որ ասես, — դիմեց կենդանուն:— Արի մի նոր անուն. . . Գտա... Ռիմ, Ռիմ...

Շունը կարծես հասկացաւ, պոչը ուրախ-ուրախ շարժեց և համաձայնվեց:

Այդպես, ժամերով մնացին միասին: Կամաց-կամաց երեկոն նվաճեց դաշտանկարը: Նավի կայմի գլխից բացերի շողողորոշ կախվեց, ծխնելույզի մետաղե մասերը հրդեհվեցին, պղինձները կայծկլտացին և, մինչ լեռները աստիճանաբար: սուվերանում էին երկնքի անկյունում, պատանի մի լուսին դուրս ցցեց ոսկեզօծված արծաթի սկավառակը և կաթնագույն քողերով ծածկեց դաշտը:

Հերյանը փայտերի վրայից մագլցեց խուցը մտնելու համար: Ռիմը, վարը կանգնած, սկսեց անհանգստանալ: Աչ ու ձախ վազեց, գետինը քերեց և պաղատելով նայեց Հերյանին: Հերյանը նորից վաչր իջաւ և օգնեց շանը վեր բարձրանալ:

— Այստեղ կարող ես պառկել, — ասաց կամ: շակը ցոյց տալով:

Ռիմը պտոկնց, մի քանի վայրկյան մնաց սնշարժ, ապա վեր թռաւ տեղից և սկսեց ոռնալ լուսնի դեմ:

Նալը շարունակում էր նավարկել անապատում:

Գնացքի երկաթե կամախճները ծանր զնգում էին լուսթյան տակ փակված ամառի տարածություններում: Շոգեմեքենան՝ պատահական վառելանյութով լցված, քիմիական գործարանի ծխնելույզի նման կրակի և ծխի առատ և թունավոր քուլաներ էր դուրս փսխում, բոլորովին աննպատակ կերպով սուլում, խորխորատների վրայից նետած կամուրջները շարշարելով կոխկրտում, շունչը կտրած փորձում վազել ու մեկ էլ՝ փրփշտում, շոգիները հառաչանքների ձևով դուրս թափում և ուժասպառ կանգ առնում: Հերյանը կատաղած խածնում էր ծխամորճի ծայրը, վհատած նայվածքը տարածում շրջապատող ամառուժյան վրա, ձեռքերը գրպանները խոթում, սպասում: Ռիմը տեղից վեր էր թռնում, ուշադիր աչքերով աջ ու ձախ նայում, հաշում մարմինը շարշարող միջատների կամ այն ուրվականների դեմ, որոնք ոտքի էին կանգնում իր երևակայության մեջ:

— Սատանի պոչ... հազար կրակ... նորից շունչը մեռավ,— մոռում էր Հերյանը շոգեմեքենային նայելով:

Ավելորդ էր իջնել և մարդկանց հետ վեճի բռնվել: Շոգեմեքենան կանգ էր առնում, որովհետև վառելիք չկար, ջուր չկար, կամ որովհետև հանդիպող մարդատարը ուշացել էր և պետք էր սպասել որ գա, անցնի:

Վերջին դեպքերից հետո ամեն ինչ կսզմալուծվել էր: Երկաթուղին անցել էր գինվորականների ձեռքը և ծառայում էր գլխավորաբար պատերազմական կարիքների համար:

Վագոններից վառոտի, դեղորայքի, արյունի հոտ էր գալիս: Ռիմը փոշտկում էր, երբ գինվորական զնացքներ էին անցնում: Պատուհանների հետևից նայում էին սփրթնած, դեղնած, հիվանդություններից կերված դեմքեր: Նրանք ներս ընկած, ջերմոտ աչքերով զարմացած նայում էին և չորացած շրթները սեղմելով ժպտում: Ներսը լցված էր ամեն տեղ պառկած վիրավորներով. ցեխով և արյունով ծածկված, հառաչող, մղկտող, իրենց կես փակած աչքերը արդեն ուրիշ աշխարհի վրա հառած գինվորներով:

Երբեմն այդ զնացքները կանգ էին առնում: Զինվորներից մի քանիսը վայր էին իջնում և բահը ձեռին՝ երկաթուղագծից մի քանի քաչլ հեռուն փոս էին փորում: Ուրիշ գինվորներ իջեցնում էին դիակները և շարքով շարում, որպեսզի այդ ճեղքերը՝ ծոված բերաններ, փլված դեմքեր, բորիկ և սևացած օտքեր՝ մի անգամ ևս հաղորդվեն պարապ երկնքի և ամառի ու մռայլ դաշտի հետ:

Բահերը կոփում էին կարծր հողերը և մղկտալով գրնգում: Եվ երկար ժամանակ հետո, երբ ամեն ինչ վերջանում էր, այդ ձայները շփին ուզում լքել վայրը, մնում էին կպած մարդկանց և իրերին, ինչպես կպած մնում է յոդոֆորմի հոտը:

Թիմը պոչը սեղմում էր, ականջները վեր բարձրացնում և խուլ հաշոցներով գանգատվում:

Հայտնի չէր, երբ կհասնեին Երևան:

Ոչինչ հայտնի չէր:

Անվերջանալի տարածություն, անվերջանալի լռություն:

Գանդաղ և անորոշ շարժումներով մարդիկ, որոնք մեքենաբար գնում գալիս էին, հառաչում, հայհոյում ու նայում՝ այդ տարածությունով և այդ լռությունով լցված աչքերով:

Ճամփորդության ամենանշանակալից դեպքը եղավ Ալեքսանդրապոլում երեք օր մնալու Կարծես քաղաքը կրկես էր եկել. Բազմությունը լցվում էր նավի շուրջը և հետաքրքրված նայում: Թիմը, որին ստիպված եղան շղթայել, երկու օր անդադար հաշելուց հետո, վերջապես, հանգրստացավ և լռեց: Մեքենավարը և նրա օգնականները բոֆետից չէին հեռանում և սրան նրան նավի մասին երեակալական պատմություններ պատմելով անվերջ հյուրասիրվում էին: Հերյանը՝ մտազբաղ և հանգիսավոր հետաքրքրվողներին բացատրություններ էր տալիս: Դուրս եկավ, որ ոմանք իրենց կյանքում ոչ նավ էին տեսել և ոչ էլ ծով:

— Ո՞նց թե, նավ չե՞ք տեսել, — զարմանում էր Հերյանը և մանրամասնությունների մեջ մտնում:

Այդ բազմությունը գալիս էր հեռավոր թաղերից և նույնիսկ շրջակա գյուղերից: Գալիս կանգնում էին և ժամերով բերանը բաց նայում: Հետո, ամեն ինչ, ըստ կովկասահայերի սովորության, վերջանում էր երգով և պարով:

Մեկնելու օրը ամենքը խմած էին:

Քաղաքի լոթիները, կառքով փողոցներում պտտելուց հետո, գինու շշեր իրենց ձեռքին՝ համախմբվել էին կայարանում: Եկել էին նաև տղա և աղջիկ սկառտները, դպրոցական աշակերտները և շատ քաղաքացիներ:

Չտեսնված մի բազմություն: Կեցցեններ, հուռուսներ:

Հերյանը այնքան հուզված էր, որ քիչ մնաց ճառ ասելու: Ծառ շասաց, այլ կարտուզը քաշեց մինչև հոնքերը և քարացած աչ ու ձախ նայեց: Չէր ուզում հուզումը ցույց տալ:

Վերջապես մեկնեցին: Առաջագան կրիայի քայլերով: Անդադար

կանգ էին առնում: Կանգ էին առնում պարապ կայարանների առաջ, որոնց ծառայողները փախել էին: Իջնում էին, մեկ-մեկի երեսին նայում, նայում երկնքին, նայում հեռուներին և մնում անորոշ: Չգիտեին ինչ անել. մեկնե՞լ, մնա՞լ: Եթե մեկնեին՝ կարող էին հանդիպել հակառակ կողմից եկող զնաքցներին. եթե մնային--ինչքա՛ս ժամանակ պետք էր սպասել:

Որոշում էին սպասել:

Հերյանը նախընտրում էր սպասել, նավը չվտանգելու համար: Երբեմն բարկանում էր:

— Երբ կանգ եք առնում, եղբայր սիրելի, շի՞ կարելի այդ զահ-րումարը մի քիչ կամաց կանգնեցնե՞ք... տորփոզը սեղմեք... Հազար անգամ ասել եմ... Վագոնները մեկ մեկի եք խփում, փայտերը ճարձատում են, նավը երերում է... Ի՞նչ է, անպատճառ ուզում եք գլխիս օյին սարքել, նավը վա՞յր գցել...

— Ինչ հնադավոր է անում ենք... Դաս առնելու կարիք չունենք... տասնութ տարի է պոեզդ եմ քշում և բան չի պատահել...

Վիճաբանում էին, գոռում, կանչում, աշխարհը անիծում:

Սպասում էին, ձանձրանում, օդի խմում, մասալ պատմում:

Երբե՛մն ամայի այդ տեղերից շինականներ էին անցնում: Յուպը ձեռքին, տոպրակը ուսին, երեսները հողի գույն: Գնում էին երկաթուղազօծի ուղղությամբ, դանդաղ և մտածկոտ քայլերով: Իրենց դեմ անակրնկալ կերպով ցցվող նավի ս ոռջ կանգ էին առնում, ձեռքերը ծալում կրծքի դեմ տված ցուպի ծայրին և ապշած նայում:

— Հը, ապեր, ո՞ւր էդպես,— հարցնում էր Հերյանը ուրախ:

Գյուղացին աչքերը բացխփելով նայում էր նրան և ձեռքերը բաց անում:

— Չենք իմանում ուր ենք գնում... Մեր զավակն ենք փնտրում... Ի՞նչ ասեմ, սաղաթ տարին... խաբար չկա... Ասում են կարող է հիվանդանոցում լինի, մեր գեղացի Մաթոսի տղան էնտեղ է. Գյումրի... գնում ենք Գյումրի...

— Վատ ժամանակներ են, ապեր, վատ ժամանակներ...

— Հա էլի, ընկել ենք կրակի մեջ...

— Գյուղում գործերը ինչպե՞ս են...

— Ի՞նչ ես ուզում... վատ է...

Ապա, նման հողերին, փոշուն, տավարին նրանք հեռանում էին մեջքը ծռած, ոտքերը քարշ տալով և ընկնում անապատի դատարկության և երկնքի հակայության նետած ուռկանի մեջ:

... Երեկոյան դեմ, մինչ դաշտի վրա սառը և ցոթրիկ քամի էր ման գալիս, մարդիկ մացառով կրակ էին վառել: Չորացած բույսերը արագ ճարճատում էին և քամին ուրախ ձևոքերով հնձում էր վեր բարձրացող բոցերը: Ամենքը բոլորվել էին կրակի շուրջը: Լուռ, մտածկոտ սպասում էին: Մեկ էլ, Ռիմը, որ հանգիստ պառկած էր, վեր թռավ, անհանգստացավ և սկսեց հաչել: Նայեցին: Հեովից երկու ստվերներ էին առաջանում:

— Ինչպես երևում է, այդ շինականները ուշացել են,— ասաց մեքենավար Սերգոն:— Մինչև գյուղը հասնեն...

— Առջևից քայլողը երեխա է և մյուսի ձեռքը նրա ուսին է... Երևի կույր է,— ասաց նրա օգնականը լավ նայելուց հետո:

— Այս կողմն են գալիս, երևի կրակը տեսել են,— նկատեց Հերյանը:

Քիչ հետո ստվերները մոտեցան: Ռիմը վազեց, փորձեց հարձակվել եկվորների վրա, բայց գոռացին և ետ կանչեցին նրան:

— Ադա, շասե՞ս աշուղ է,— բացականչեց Սերգոն:— Կրծքին սազ ունի կախած... Համեցե՞ք, համեցե՞ք, բարով հազար բարի...

— Աստծո բարին ամենքին,— ողջունեց կույրը կրակից քիչ հեռու կանգնելով:

— Էդ ո՞ր սարերից, ո՞ր շուերից...

— Գեղից: Շուտ ենք դուրս եկել,— ասաց երեխան,— ամա ճանապարհից շեղվեցինք...

— Աշակերտս նոր է,— բացատրեց կույրը:— Էս կողմերը լավ չի ճանաչում և իզուր էսքան քայլեցինք... Ասում եմ իզուր,— ավելացրեց ժպտալով:— Բայց աշխարհում իզուր բան չկա. վերից նայող աչքերը ձեզ տանում են այնտեղ, ուր պետք է... Հիմա ուրախ ենք, որ հանդիպել ենք ձեզ նման ազնիվ մարդկանց: Ողջ մնաք, բարի ժողովուրդ...

Երկու մեռած աչքեր քամիներից կեղևի նման շորացած և արևից թանազունած դեմքի վրա: Կանգ առած և անորոշության մատնված մի երիտասարդութուն, շեկ բեղեր և ոլոր մորուք: Նուրբ, զրեթե կանացի բերան: Կարճահասակ, նիհար: Մաշված գյուղացու շուխա, ոտքին տրեխներ, գլխին առատ մի փափախ, որի բրդե ծայրերը ընկնում էին մինչև հոնքերը:

Աշակերտը միամիտ սև աչքերով տասը-տասներկու տարեկան մի տղա էր: Նույնպես շուխա և փափախ հագին: Փափախը շափազանց մեծ էր և սրածայր, փլած մի եկեղեցու գմբեթի նման: Կւյր, բիծերով ծած-

կրված դեմքը ծանր այդ փափախի տակ գրեթե կորչում էր. երևում էին լավ գծված շրթները և փայլփուղ աչքերը:

Երկուսն էլ պպուզ արեցին կրակի առաջ և իրենց ձևքերը տաքացրին:

— Է՛, աշուղ ախպեր, ձեզ համար էլ ժամանակները նպաստավոր չեն,— ասաց Սերգոն, ոտքերը Լրկտրելով գետնի վրա:

— Ճիշտ է,— պատասխանեց կույրը,— մենք եղգուչ, խաղ ասող մարդ ենք, իսկ երգը խաղաղություն է սիրում և ուրախ ժամանակներ... Երգը բույսի նման է, ծնվում է հողերի լուսթյունից:

Խոսելու ժամանակ դեմքը վեր էր բարձրացնում և ձայնը ուժեղացնում, կարծես զրուցում էր երկնքի հետ: Ու նրա ասածները վերջնական, համոզման շեշտ ունեին, այն շեշտը, որ գալիս էր ներշնչումից և խոր հավատից:

— Էն գյուղում, որսեղից գալիս եք, իսկի երգելու առիթ չեղա՞վ,— հարցրեց Հերյանը:

— Ո՞նց թե... առանց երգելու ոնց կարելի է... Երգեցի՞նք... ուր գնում ենք, երգում ենք: Ծառայում ենք ժողովրդին, նաև մեր սրբություններին... Ճիշտ է, աշխարհը տակնուվրա է... ամեն տեղ շատ ցավ կա, շատ լաց... Մարդ չի հասկանում պատճառը. էղբան ցավ, էղբան թշնամություն...

Գլուխը կախեց և լուեց:

— Երևի էղպես է գրված ճակատագրի գրքում,— ասաց կես լուրջ, կես կատակով բանվորներից մեկը:

— Էղպես է գրված և ուրիշ տեսակ էլ է գրված,— կտրուկ և անմիջապես պատասխանեց աշուղը:— Գրվածը գրված է, ամա մարդ պիտի կարենա ընտրել: Գրքերը լեցու՞ն են բառերով, լավ բառերով և վատ բառերով, բայց երեխան, որ լավ կարդալ չգիտի, շփոթվում է, միտքը մնում է առանց լույսի: Հարցը նբանում է, որ մարդիկ լավ կարդալ չգիտեն...

— Բան ասացիր,— հեզնեց բանվորը:

— Նրա ասածի մեջ շատ ճշմարտություն կա,— միջամտեց Հերյանը, աշուղին քաջալիբելու համար:— Ամեն մարդ կարդացած գրքով է երգում, և կարծում է, որ ճշմարտությունը հենց էնտեղ է որ կա: Եվ որովհետև մարդիկ զանազան գրքեր են կարդում՝ մեկ մեկի չեն հասկանում, վիճում են, կովում, պատերազմում...

— Էն, ինչ հրամանքդ ասաց, շատ ճիշտ է. մարդիկ գիրը զանազանել չգիտեն: Մեր վարպետները միշտ ասել են, ճշմարիտ գիրքը էն գիրքն է, որի ասածը կարելի է երգել, նրա համար, որ էդ գրքերի բառերը սըր-

տից են գալիս և կրակի նման դաղում են... Ուրեմն՝ ճշմարիտ ելլո՞ւ է և բոց, իսկ մնացածը ճշմարիտ չի...

— Հասկացանք, աշուղ ջան, հասկացանք,— կատակեց Սերգոն,— դրանով ուզում ես արդարացնել փեշակդ... Դուրս է գալիս, որ առանց երգի աշխարհը չի կարող սլտտվել...

Ամենքը ծիծաղեցին:

— Մենք մեզ պաշտպանելու պատճառ չունենք,— պատասխանեց կույրը:— Ազատ կամքով ընդունել ենք մեր դժվարին փեշակը, խալխին և աստծուն ծառայելու համար: Երբ մեր տոպրակում մի կտոր չուր հաց կա, մենք երջսնիկ ենք և եողում ենք, մեզանից չի, այլ վերևից է... Չէ, մենք մեզ պաշտպանելու պատճառ չունենք...

— Մի՛ նեղանա,— հանգստացրեց նրան Հերյանը:— Կատակի համար էլ ասում:

— Մենք չենք նեղանում, իսկ հրամանքդ լավ մարդ է երևում... ո՞վ է ձեր հրամանքը...

— Իսկի չես կարող պատկերացնել,— ասաց Սերգոն:— Մովի մարդ է, նավ քոչո... Վագոնների վրա մի նավ բարձած աւանում է... Սևանա լճի վրա ման ածելու...

— Հալա-հալա,— բացականչեց կույրը:— Էդպես բան չէի իմացել... Համա չեմ զարմանում, կյանքը նաղ է և ամեն ինչ կարող է պատահի... Ցավում եմ, որ աստված ինձ աչքեր չի տվել...

— Իսկ ծովը գիտե՞ս,— հարցրեց Հերյանը:

— Աշուղ մարդը ամեն ինչ գիտի: Ծիշտ է, կոպերիս վրալից ծովի քամի չի անցել, ամա երգերում լսել եմ: և կարող եմ ասել՝ երգերով տեսել եմ...

— Դե, մեր երկրում ծով չկա,— ասաց բանվորներից մեկը,— միայն լեռներ, բարձրություններ և երկինք...

Երեկոն դանդաղելով թափվում էր դաշտի վրա:

Արագածի կողմից եկող ամպերը ծածկում էին հորիզոնի մի մասը, վարագուրում մայր մտնող արևի թողած լուսավորությունը և արագացնում մութը: Դաշտը արագ կերպով լայնանում էր, խորանում և, կրակի մոտ նստած մարդկանց շուրջը գիծ քաշելով՝ նրանց կուտակում իր անհունության եզերքում:

— Այդ մեկը դժբախտաբար, ճիշտ է,— հառաչելով համաձայնվեց Հերյանը:— Չեմ հասկանում ինչո՞ւ համար մերոնք ծովից խույս են տվել... Եկել են մինչև ծովեզրյա բարձրությունները և այնտեղ կանգ առել: Ուղղակի դարմանաչի է...

— Տեսնենք մեր աշուղը դրան ի՞նչ կասի...

— Հրամանքդ կատակ է անում,— պատասխանեց աշուղը ժպիտը շրթներին:— Մենք ոնց իմանանք ինչ էին մտածում մեր թագավորները և մեծամեծները... Մեր երկիրը սուրբ է, իսկ ծովը սուրբ չի... սուրբ հոգին էնտեղ բնակություն չի կարող ճարել... կա՞վ եմ ասում...

— Ասա, ասա...

— Կներեք...

— Ներված ես, ասա...

— Հարցը նրանում է, որ ծովը քամի է, փոթորիկ է, խորություն է և, մանավանդ, մշտական փոփոխություն... Շարժուն. անհանգիստ տեղում չի կարելի սրբատեղի շինել և էդ աստճառով էլ աստծո կամոք չի... Ասեմ՝ հասկացեք... էստեղ էս մեր սուրբ երկրում,— նա այդ ասաց ձեռքերը շորս կողմ տարածելով — ամեն մի բուռ հողում մի լույս է ճառագայթում... եթե մարդ կարողանա փորել դաշտերը և փորել լեռները՝ տակից դուրս կգան լույսերով լցված տարածություններ... Եվ եթե մարդ ձեռքը կպցնի էդ հողերին, քարերին, սարերին և բլրանց կողերին՝ ձեռքի վրայից բոցեր կվազեն, որ շեն էրի. այլ կմտնեն մարմնի ներսը և սրտից եկող երգի նման կտրորեն... Մենք գիտենք. մենք քայլել ենք մեր երկրի բոլոր վայրերում... թեպետ մեր կուրության պատճառով շենք տեսել, բայց մեր ականջներով լսել ենք բոլոր ձեները, հայոց աշխարհի բոլոր տեղերից... Ուզում եմ ասել, որ ծովի ձեները հակառակ են Ավետարանին, նրանք լեցուն են բարկությունով... էնքան անհանգիստ են, որ մարդկանց հառաչանքները շեն լսում և հենց էդ պատճառով էլ մեր լուսահոգի պապերը, որ սուրբ և իմաստուն մարդիկ էին, հասել են բարձրություններին, բայց դեպի ծով շեն իջել...

Հերյանը հետաքրքրությունով լսում էր այդ ինքնատիպ բացատրությունները: Մյուսների համար ճառը խրթին էր և անհասկանալի:

— Դա էլ տեսակետ է,— ասաց Սերգոն:— Ախպեր, այսօր Կարլ Մարքսի և տնտեսականի մասին են խոսում, իսկ մեր աշուղը հոգու և կրակի մասին է ճառում...

— Ով ինչ կարող է, այն է ասում,— ժպտալով պատասխանեց աշուղը:

— Վարպետ,— ասաց աշակերտը աշուղի փեշից քաշելով,— գիշեր է, ո՞նց պիտի շարունակենք ճանապարհը...

— Ի՞նչ է,— բողոքեց Հերյանը:— Ուշ ժամին ո՞ւր պիտի գնաք: Ամենամոտ գյուղը առնվազն երեսուն վերստ հեռու է և դաշտը լեցուն է բորենիներով և ուրիշ գազաններով:

— Եթե էդպես է, գիշերը կմնանք այստեղ,— որոշեց կույրը,—

մանավանդ որ, օգուժ խոնավութունն է ման գալիս... եղանակը կէ-րոզ է փոխվել:

Ամենքը հոտոտեցին օդը և զննեցին երկինքը:

— Չեմ կարծում, որ այս գիշեր եղանակը փոխվի.— ասաց Հերյանը:— Ճիշտ է, ամպեր կան, բայց հյուսիսային քամին նրանց քշում տանում է: Եթե քամին մեղմանա, վաղը անպատճառ անձրև կիջնի:

— Էդ վատ կլինի... վաղը պիտի մեկնենք,— նկատեց մեքենավարը:

— Ի՞նչ է, վախենում ես մաշինը հալվի՞ր...

— Չէ, էնպես էլի...

Միժաղեցին:

— Հիմա ժամանակն է մի քիչ բան ուտելու,— ասաց մի քենավարը:— Վարպետ աշուղի հետ մեր համեստ հացը կբաժանենք, եթե սիրտը կամի, մէ բան էլ մեզ համար կերգի:

— Աչքիս վրա, խալխի ծառան եմ,— համեստ շեշտով համաձայնվեց աշուղը:

Քիչ հետո, երբ կրակի լույսով ամենքը ուտում էին, երկնքի ծայրին, լեռների հետևից խուլ որոտի ձայներ լսվեցին:

— Երկնքի ոգիները արթնացել են,— բարձր մտածեց աշուղը,— վախենում եմ էս կողմերը գան:

— Չեմ կարծում,— հանգստացրեց նրան Հերյանը,— համենայն դեպս հեռու են, մինչև մեզ հասնեն, բավական ժամանակ է պետք...

— Էդպես է էլի, մեր անուշ երկրի գլխին միշտ էլ մի բլուր է ման գալիս...

— Համեցեք... էս կտորը վարպետին...

Լուռ կերան:

Հացը ծամեցին մտածկոտ բերաններով: Լուռթյունը, դաշտը, գիշերը կուտակվեցին նրանց աչքերի մեջ, կպան հացին, որ ուտում էին, մտան նրանց սրտերից ներս:

Գինի ածեցին:

— Ստեփան,— դիմեց մեքենավարը իր օգնականին,— մի լավ կենաց ասա:

Ստեփանը գինու բաժակը բարձրացրեց և ասաց՝

— Խմենք նրանց կենացը, ու՛քեր իրենց գաղափարի երիտասարդ նժույգի վրա՝ համառ քշում են, իրենց կուրծքը քամուն ու մրրիկին տալով, և երբ հարկ է ալք գաղափարի համար զոհվել, նրանք իրենց հոգին քաջաբար վեր են նետում, ինչպես ուրախության և ոգևորության ժամանակ մարդ դեն է նետում իր գլխարկը...

— Մաշալլա՛. լավ ասացիր...

— Ձեր կենացը, ողջ մնաք...

Հեռուն մի լույս ման եկավ, մարեց, և թիչ սպասելուց հետո, աղա-
ղակեց:

Սերգոն ասաց՝

— էս էլ խմենք էն մարդու կենացը, որ գիշեր ցերեկ քայլում է,
սար ու ձոր անցնում, հեռավոր ճամփաներ կտրում, փնտրելով իր սրտի
հրաշավոր գլուխը և, երբ վերջապես գտնում է՝ չի քաղում՝ ծաղկի կոթին
մղկտանք շպատճառելու համար...

— Օրհնյալ լինես — բացականչեց կույրը, — մեծ բան ասացիր...

Մի քանի աստղի՛ր ներս մտան երկինք: Մենակյաց մի լույս ան-
հանգստացավ և ամբողջ մարմնով սարսուռեց: Խարույկի բոցերը մի վայր-
կյան ցիրուցան եղան և նորից միացան:

Կույրը գլուխը վեր բարձրացրեց, պարապ աչքերով նայեց երկնքին:

— Քամին մտաւնում է...

— Դեռ չեռու է, — ասաց Հերյանը:

— Գինի ածեք...

— Ծս էլ ուզում եմ մի բան ասեմ, — նորից ասաց Հերյանը:

— Ասա, նավապետ, ասա...

— Տղերք ջան, այս էլ խմենք այն մարդու կենացը, որի սրտում
աշիարհը ծաղկել է խիտ և հրաշալի պարտեզի նման և երբ թեթև
քամին նրան տրորում է՝ պարտեզը խշխշալով օրորվում է, խարշափում
և զևզուցիկ երգի վերածվում... Խմենք մեր պատվական հյուրի, վար-
պետ աշուղի կենացը...

Բաժակները մեկ-մեկի զարկեցին:

— Շնորհակալ եմ, — պատասխանեց աշուղը, սազը վերցնելով: —
էդպիսի կենացին էրգով ջուլաբ կտամ...

Բայց հագիվ սազը զնգզնգացրել էր, երկինքը որոտաց, մի մեծ քամի
խարույկի կրակները ցրեց և գիշերը բարկացած հսկայի նման թավալ
եկավ դաշտի վրա:

Աշուղը մնաց բերանը բաց:

Մենակյաց բույսը թափահարեց տերևները, ծովեց և, գլուխը բո-
ցերին իջեցնելով վառվեց:

Գիշերը բնակվեց հանկարծ արթնացած սովերներով և որոտնե-
րով:

Անձրևի մեծ կաթիլներ վայր ընկան:

— Այդպես է, էլի, — հառաչեց Ստեփանը: — Հայ երգը ժամանակ
չի գտնում հնչելու:

Ամենքը փախան մի տեղ պատասպարվելու:

Երբ հաջորդ օրը ճանապարհ ընկան, հեղեղային անձրևը դեռ մըր-
ճահարում էր երկինքը:

Սաստիկ քամի էր, մրրիկ:

Ապրանքատար զնացքը առաջանում էր դանդաղ, անդադար սուլե-
լով փակված և բարկացած երկնքի դեմ: Ճանապարհը ծոռելու ժամանակ
նավը ցնցվում էր և նրան շրջապատող գերանները և տախտակները
ճարճատում էին: Հազար աղբյուրներից թափվող այդ ջուրը ծեծում էր
նրա կամրջակը, սելավի նման ներս խուժում, տեղ-տեղ լճակներ կազ-
մում, որ քամին քիչ հետո շառաչելով ավում էր, ալիքի պես վեր
բարձրանում, մտրակում, կոփում, վեր ժայթքեցնում:

Հերյանը՝ մտահոգ և ցնցված ինչպես մեծ փոթորիկների օրերին,
կանգնել էր հրամանատարական կամրջակի վրա, աչքերը հռոկ այդ
հսկայական տեսարանին և մնացել հափշտակված:

Նավը նավարկում էր մրրիկներով ծեծված իսկական ծովում:

Այդ պատրանքը ուժեղանում էր մանավանդ այն պատճառով, որ
շրջակա տեսարանը բոլորովին փակված էր: Երկու քայլ այն կողմ ոչինչ
չէր երևում:

Երբեմն հակառակ կողմ փռող քամու ալիքը նրա ականջների մոտ
հնչեցնում էր շոգեմեքենայի հուսահատ և զիլ սուլոցը: Քամու մղկտո-
ցին խառնված այդ ձայնը Հերյանի գլխում կրկնապատկվում, մեծա-
նում, խորանում էր: Եվ այդ վայրկյաններին նա իրեն տեսնում էր
փոթորկած ծովի վրա: Լսում էր մեծ նավերի իրար պատասխանող
բամբ ոռնոցները: Նախազգում էր վտանգը:

Ո՞ր է դեկավարը, ո՞ր են օգնական նավապետները, ո՞ր են նա-
վաստիները... Շտապ կամրջակից վայր էր սահում, գլուխը քամուն և
անձրևին դեմ տված մագլցում սանդուղների վրայից, զննում թոկերը,
նայում թե պատուհանները լավ փակված են, ապա՝ մինչև ոսկորները
թրջված, կուրացած նորից բարձրանում էր վեր և հուզված դիտում:

Ուրիշ մի աշխարհ էր:

Անապատը, ամայությունը և լռությունը անհետացել էին: Երկինքը
առատ ձեռքերով դուրս էր թափում իր թաքնված ձայները: Ջրերը տրո-
րում էին հողերի կմախքները, թմբկում, աղմկում և վեր թռչելով՝ երկրի
խորդուբորդությունները և բլրակները ալիքների նման աչ ու ձախ
նետում:

Մի տեղ ջուրը բարձրացել էր մինչև երկաթուղագծերի մակերեսը:
Շուրջը ամեն ինչ լճացել էր:

Հերյանը, երբ այդ տեսավ, սառած կանգ առավ:

Մի մեծ վախ կաշկանդեց նրա բոլոր շարժումները, նրա ձայնը, նրա միտքը:

Իսկական ջրհեղեղ էր:

Ի՞նչ պիտի լիներ, եթե ջրերը ավելի և ավելի բարձրանային և կրկնվեր այն, ինչ պատմության մեջ տեղի էր ունեցել մի քանի անգամ:

Եվ նրա երևանալուստյան մեջ հեղեղը սաստկացավ, աշխարհը ծովի վերածվեց, նավը կամաց-կամաց վեր սահեց, լողաց ջրերի վրա, և ինքը և Ռիմը մնացին մենակ՝ մեծ և պարապ երկնքի առաջ:

Սիրտը սեղմվեց, գլուխը պտույտ եկավ:

Ձեռքը դրավ հոնքերի վրա և սրված, ջրմուտ նայվածքը պտույտ ածեց շորս կողմը:

Ոչինչ չէր երևում: Ամեն ինչ խառնվել էր, բղավող և գոռացող քառսի վերածվել: Ուղեց գոռալ, կանչել, սակայն ձայնը չհպատակվեց իրեն:

Բնազդաբար նետվեց դեկի անիվի վրա և, նրան երկու ձեռքերով ուժեղ սեղմած, սպասեց:

Այլևս բացահայտ էր, նավարկում էին անիրականում...

Վերջ երկրորդ մասի

1

Նաւապետ Հերյանը մտաւ մայրաքաղաք, ցեխով և փոշիով ծածկը-
ված, կարտուզը յուղոսոված, կոշիկները մաշված, դեմքը ներշնչված, աշ-
քերը վառ:

— Վերջապե՛ս,— բացականչեց նա,— վերջապես եկանք, հասանք
տեղ:

Մարավ աչքերով նայեց շուրջը: Նույն կենտրոնական փողոցը, նույն
մարդիկ՝ դանդաղաքայլ, մտազբաղ, մտահոգությունների և հույսերի
մեջ կորած:

Մանոթների շհանդիպեց: Ման եկավ, առանց որ նկատեն իր ներ-
կայութիւնը: Նրան ոչ ոք չտեսավ, ոչ ոք չնշմարեց:

Ինչ փորձութիւններից էր անցել, ինչ դժվարութիւններ էր հաղ-
թահարել:

Այդ մասին ոչ ոք ոչինչ չգիտեր:

Ձեռքերը խոթեց գրպանները, կուրծքը դուրս ցցեց և քայլեց քիչ
երեքալուծ, գոհ, մեծ և դժվարին աշխատութիւնից հետո հանգստացող
մարդու ձևով:

Սպասում էր, որ մեկը մոտենա, ուրախութիւն հայտնի, հարցու-
փորձ անի:— «Ահ, կապիտան, վերջապես եկաք... լսեցինք, լսեցինք. .»:
Մինչ, մարդիկ անցնում էին առանց նրան նայելու, առանց նրա ներ-
կայութիւնը նշմարելու:

— Հավ: Բող այդպէս լինի...

Քաղաքը իսկի չէր փոխվել:

Շոգ էր: Առատ արևը լույսի լավաններ էր վայր թափում: Ամեն ինչ ծած-
կըված էր յուզոտ և ծանր փոշիով, Միջատների տիտ կանաչով ծանրացած
պարտեզները հաստ շուքեր գրկած մրափում էին: Մրափում էին՝ դրժ-

բա՛ւտ տավարի նման մայթերի վրա երկարած գաղթականները: Արևը եփռո՛ւմ էր այդ աղքատությունը հասունացող պտուղի պես:

Շատ շոգ էր:

Հերյանը ճակատից վայր ընկնող քրտինքի կաթիլները սրբեց և շարունակեց նայել: Բարձր կաղամախի վրայից թռչունի ծվվոց լսվեց: Կանգնեց և գլուխը վեր բարձրացրած նայեց: Թռչունին շտեսավ:

Փողոցը դնալով դատարկվում էր: Կճօրից հետո ազգաբնակչու-թյունը հանգստանում էր: Արևի դեմ պաշտպանվելու համար պատու-հանների փեղկերը ծածկում էին: Քաղաքացիները՝ կես բացված դռան կամ կես բացված պատուհանի հետևից պառկած, քնում էին մինչև երեկո: Երեկոյան փոքրիկ քամին, որին անվանում էին Լուսավորչի քամի, էշ-միածնի կողմից վազելով գալիս էր և այրվող մատներով բռնած հո-վահար շարժում:

Օդը լցված էր բթամատի մեծությամբ ճանճերով և ասեղի պես ծակող միջատներով:

— Չմոռանամ խինին ընդունել,— ասաց Հերյանը ինքն իրեն:

Մալարիան ցնցո՛ւմ էր մրրիկով թափահարվող ճշուղի նման:

— Տո, տես, մի նոր խանութ:— Կանգնեց ցուցափեղկի առաջ և ուրա-խացած նայեց: Սպիտակեղեններ, շապիկներ, կոճակներ: Ածելիներ, սանր, փողկապ: Նայեց ներս: Շատ հաստ և լեցուն մի մարդ՝ երեսը կարմրած, բերանը կես բաց, աթոռի վրա նստած քնում էր:

— Լավ է, խանութը բացվել է,— մտածեց Հերյանը:— Մի օր կգամ, ավելի ճիշտ, մի օր կդանք և գնումներ կանենք:

Այդ որ մտածեց, մարմնի վրայից սարսուռ անցավ: Տեղից շկա-րողացավ շարժվել: Տխրեց և մտահոգվեց: Վաղուց է Ջվարթից լուր չուներ:

Ա՛հ, իղուր է այդ մասին մտածել:

Ուսերը թոթափեց և քայլեց: Քայլեց և բարկացավ: Բարկացավ իրեն դեմ և կանանց դեմ:

— Չմոռանամ մի քիչ խինին ընդունել:

Մոտեցավ փողոցի անկուռնի աղբյուրին, երեսը դրեց վազող սառը ջրի տակ և անհագ շրթներով խմեց:

Ինքն իրեն հետ խոսեց:

Կանանց մասին մտածելու ժոմանակ չէր: Դաշենկան էնպես, Ջվար-թը էսպես: Սատանան տանի, կարևորը նավն էր: Դժվարին աշխատան-քը դեռ նոր պիտի սկսվեր: Պետք էր միջոցներ գտնել նավը վեր տանե-լու: Բոլոր միջոցները ուսումնասիրել էր, ամեն ինչ ծրագրել էր: Պա-

տերազմի պատճառով մեքենայի միջոցներ շկային: Նախ՝ բանակը: Լավ... Մնում էին եզները, իսկ եզներին պիտի փնտրել: Անշուշտ, մարդ երբեմն էլ մտածում է սեփական երջանկության մասին... Չէ, նախ պետք էր փնտրել եզներին:

Հեռվից զինվորական թմբուկների ձայներ լսվեցին: Նորից զինվորներ:

Ազգաբնակչությունը հանգստանում է, իսկ երկիրը դեռ պատերազմի մեջ է:

— Չմոռանամ մի քիչ խինին ընդունել:

Պետք էր սպասել մինչև ժամը վեցը: Ժամը վեցին կգնա Զվարթի բնակարանը, այցելություն կտա և ամեն ինչ կպարզի: Ո՞վ է իմանում, գուցե սխալ ենթադրություններ է անում, գուցե հիվանդ էր, գուցե...

— Պապիրոս, պապիրոս...

Խոժան տղաները վաճառականությամբ են զբաղվում: Դա առաջադիմություն է:

Անտանելի շոգ էր: Կրակ և փոշի: Ավելի վեր գնալու ուժ չունեն, իսկ ժամանակը պետք էր մի կերպ սպանել: Թեքվեց, մտավ կողմնակի փողոցներից մեկը: Ցած, պարսկական ոճով շինված կավե տներ:

Լուծություն և արև:

Հավեր: Թափառական շներ: Ցնցոտիների մեջ փաթաթված գաղթականներ:

Հարյուր քայլ այն կողմ քաղաքը կանգ էր առնում: Քարեր, ճաղատ գետին: Մի լճակ: Կարծուն ջուր, փտած տերևներ, մամոռոտ, լորձունքոտ փայտի կտորներ, կանաչ ցեխ: Դիմացի ափի աղքատիկ խոտի միջից մի հիմար գորտ փորձում էր երգել, աչքերը ուռեցնում էր, բերանը լայն բաց անում, ապա, միտքը փոխում, աչքերը և ձայնը կուլ տալիս և լռում:

Հերյանը կանգնեց և զարմանքով նայեց շուրջը: Ինչո՞ւ էր եկել այս տեղերը:

Ի՞նչ կապ կար նրա և տխուր, հուսահատ այդ տեսարանի միջև:

Նա իրեն զգաց, ինչպես պատահում է բոլոր մարդկանց հետ, ժամանակավոր հյուր այս աշխարհում: Միտքը, սիրտը, ամբողջ էությունը ետ քաշվեց և անջատված դիտեց: Այս լեռկ բլուրները, այս հրաշալի այգիները, պղպալակներով ծածկված այս մեռած ջուրը, այս գորտը, այս արևը թվացին ժամանակավոր, անիրական, ինչ-որ հանկարծակի բացված վարագույրի հետևից ցցված տեսարան, որը շուտով պիտի փոխվեր, անցներ, մտներ ուրիշ՝ անիրական իրականություններով բաղադրված մի աշխարհ:

Պատերազմ, արշավանք, ապստամբություն, հիվանդություններ:

Նա մտել էր թշնամիներով շրջապատված մի շրջան: Վարագույրը բացվել էր՝ սովիչներով և քառսով լցված մի բեմագործության վրա:

Եվ շնայած դրան, քաղաքացիները կեսօրից հետո հանգստանում էին: Մարդիկ և կանայք՝ տակի շորերով, ստամոքսը լցված, կես մերկ, ուժասպառ պառկում էին շուքերի տակ և մրափում: Չէին կարողանում ապրել, ինչպես գորտը շեր կարողանում երգել: Կուլ էին տալիս իրենց աչքերը, իրենց ձայները և պատսպարվում սպասող մահվան աներևույթ կամարների տակ:

Այդպես, երկար ժամանակ, նա կորավ ինքն իր մեջ:

Մի ժամ հետո, մեծ պողոտայի զառիվների վրա կանգնած, մեկ ոտքը առաջ գցած, մեկ ձեռքը մեջքին և մյուսով կարտուզը թափահարելով՝ նա ճառում էր զարմացած և թերահավատ աչքերով մարդկանց խմբի առաջ:

Ձայնը հնչում էր բարձր և աչքերը փայլվում էին:

Նա խոսում էր ինքն իրեն վստահություն ներշնչելու համար, առանց մեծ ուշադրություն դարձնելու ունկնդիրների վրա:

— Այո, պետք է ընդունել,— ասում էր նա: Ձեռնարկել էր դժվարին գործի: Հանդիպել էր անասելի արգելքների, վատ սպասարկության, պաշտոնյաների անխղճության, ընդհանուր անկազմակերպության, բայց, դե, ի՞նչ արած, կյանքը կյանք է, չէ՞, պետք է ամեն ինչ հաղթահարել, չվհատիլ, լինել ուժեղ և առնական:

Նա այդ ասում էր ձեռքը օդում թափահարելով, հուզված, ձայնը լեցուն, որովհետև, իրականության մեջ նրա սիրտը անհանգիստ էր և միտքը վհատ: Զվարթին այցելելու ժամը մոտենում էր, և վատ նախազգացումը պեղում էր նրա ներսը:

— Մանավանդ չվհատվել... Ամեն ինչ մանրամասն հաշվի առնել, նախօրոք ուսումնասիրել, նախատեսել բոլոր հնարավորությունները և բոլոր դժվարությունները... Այդ ոչ միայն մասնավոր ձեռնարկի, այլև ընդհանուր պետական կազմակերպության համար: Պատմությունը մեր առաջ դրել է խնդիրներ, որ պետք է լուծենք պատվավոր կերպով: Մենք պատասխանատու ենք մարդկության առաջ...

— Այդ էլ նոր բան,— առարկեց ճերմակող մազերով մի ոլոր մարդ,— այդ էլ նոր բան... Մինչև հիմա մեզ ասում էին, որ մարդկությունն է պատասխանատու մեր առաջ...

— Դա ջոկ հարց է,— կտրեց նրա խոսքը Հերյանը,— դա նայած ինչ անկյունից եթե նայում և առհասարակ... Եղբայր, ճշմարտությունը

այն է, որ դրանք պառավ կնոջ խոսքեր են և մեր ճակատագիրը որոշող մենք ենք և ոչ թե մարդկությունը... Եվ ի՞նչ է մարդկություն ասվածը՝ վերացական գաղափար, շոտ, երևակայական... Ասում ենք մարդկություն, ինչպես ասում ենք օդ, ջուր, հող, այնպես, ընդհանրապես... Խոսենք Զանգու գետի մասին, խոսենք Ալաշկերտի հովտի մասին, Մշո գավառի մասին. դրանք դրական, իրական բաներ են... Մարդկություն, երկրագունդ, համաստեղություն՝ օդ, օդ, օդ...

Հանկարծ կանգ առավ.

— Ժամը քանի՞սն է...

— Չորս և կեսը...

— էդ հարցերի մասին ուրիշ անգամ ավելի մանրամասն կխոսենք, հիմա պետք է վայր իջնեմ, կարևոր գործի համար...

— Մենք էլ այն կողմն ենք գնում...

Շարունակում էին խոսել, բայց Հերյանը նրանց չէր լսում: Ուշքը և միտքը ուրիշ տեղ էին: Երեսի գույնը քիչ նետել էր, խոսակիցների վրա նայում էր հեռավոր, բացակա աչքերով, կարծես նրանց երբեք չէր տեսել:

Երբ հասան Նազարյանց փողոցի անկյունը, նա մազերը կարգի բերեց, կարտուզը դրեց գլխին, և ասաց՝

— Դրանք կարևոր հարցեր են, պարոններ, դրանք շատ կարևոր հարցեր են... Կխոսենք... Յր՝:

Բարձր և անտեղի կերպով ծիծաղեց: Ուսերը ջղային կերպով վեր ու վար շարժեց և նորից ծիծաղեց:

— Պարոններ, ցը՝:

Կանգ առավ իր նախկին բնակարանի առաջ Մնաց անորոշ: Փոշոցի վրա նայող պատուհանի փեղկերը փակ էին: Դրսի դուռը կես բաց էր:

Դուռը կամաց թրխկացրեց: Ոչ մի պատասխան:

Հստակ կերպով լսում էր սրտի բարախումը:

Սպասեց, ականջ դրեց. ներսից ոչ մի ձայն չէր լսվում: Գուցե տանը չէի՞ն: Նորից, այս անգամ ավելի ուժեղ թրխկացրեց: Վարի շըրթունքները դողացին:

— Ո՞վ է, հարցրեց ներսից մի ձայն:

— Ես եմ,— պատասխանեց Հերյանը:

— Ո՞վ...

Հազաց և ներս մտավ:

— Մայրիկ ջան, դո՞ւք եք... Սա ի՞նչ բան է. հին բարեկամներին չե՞ք ճանաչում... Նավապետ Հերյանն եմ, նավապետ Հերյանը,— գոռաց նա...

— Հա-ա... Դո՛ւք եք, պարոն Հերյան... Մի բոպե խնդրում եմ... մի բան հագնեմ...

Սպասեց բակում:

Ներսից փսփսացող ձայներ էին գալիս: Այս ու այն կողմ էին վազում, շտկում, պատուհանների փեղկերը բաց անում:

Սպասումի այդ վայրկյանները նրան թվացին անտանելի կերպով երկար: Ինչքան սպասում էր, այնքան ինքնավատահուժյունը չքանում էր: Կարծես պիտի ներկայանար քննության, որի համար լավ պատրաստված չէր:

Վերջապես, դուռը բացվեց և նա տեսավ Զվարթի մոր ժպտուն և անակնկալի եկած դեմքը: Նրանք բարեեցին մեկ մեկի շափազանցված ձայնով և շափազանցված ձեռքով՝ ծածկելու համար իրենց ներքին շփոթությունը:

Մտտակա խոհանոցից եփվող ճաշի ուժգին հոտ էր գալիս: Ոտարորիկ կանգնած կտոր աչքերով երկու երեխաներ զարմացած նայում էին նրան, ինչպես մի մարդու, որին առաջին անգամ են տեսնում:

Ներս մտնելիս նա նկատեց, որ կողքի սենյակը տանող դուռը շտապ փակվեց: Նա հասկացավ: Հեռացողը Զվարթն էր և գույնը նետեց: Տիկինը Հերյանի աչքերին շահնդիպելու համար սկսեց արագ-արագ սեղանը կարգի բերել, աթոռները շարել, պնակները առանց նպատակի մեկ տեղից մյուսը տեղափոխել...

— Ներեցեք, պարոն Հերյան,— ասաց նա, ձայնին բնական և մտերիմ շեշտ տալով,— այս մեր տանը միշտ ամեն ինչ տակնուվրա է... Շոգը եկավ, և անպիտան ճանճերից ազատվելու համար ստիպված ենք պատուհանների փեղկերը փակ պահել... Լավ, լավ, լավ, վերջապես վերադարձաք, պարոն Հերյան... Հավատացեք, միշտ էլ ձեր մասին հարջրնում էի, միշտ էլ հետաքրքրվում... Աթոռը... Համեցե՛ք, նստե՛ք, պարոն Հերյան... Նստեք, տեսնենք ի՞նչ կա, ինչ չկա... Շատ ուրախ եմ, որ նորից Երևանում եք... Երբեմն մտածում էի, մտածում էի, ի՞նչ եղավ այդ մարդը... Ուզում էի նույնիսկ զնալ պարոն Պերոնյանի մոտ, բայց պարոն Պերոնյանը, գիտեք չէ, մի օր էստեղ է, իսկ մյուս օրը ո՞վ է իմանում որտեղ... Լավ, լավ, լավ, ուրեմն էստեղ եք, մեր Երևանում... Շատ ուրախ եմ, հավատացեք, շա՛տ...

— Խոսում է խոսելու համար,— մտածեց Հերյանը,— ուզում է շփոթությունը ծածկել:

Նստեց, թևերը ծալեց կրծքի վրա, համբերությամբ լռեց:

— Ես էլ շատ ուրախ եմ, որ վերադարձել եմ և նորից ձեզ գտել, տիկին ջան,— ասուց նա հանգիստ ձայնով— Ասել էի կվերադառնամ,

և, տեսնո՞ւմ եք, վերադարձաւ խոսքի մարդ եմ, երբ մի բան աւում եմ...

Վերջին բառերի վրա առանձին շեշտ դրեց և ձայնը բարձրացրեց:

— Գիտեմ, գիտեմ,— պատասխանեց տիկինը գլուխը թափահարելով:— Այ տղերք,— գոռաց երեխաների վրա,— մի տեսեք սամովարը ետում է, թե չէ... Դե, ի՞նչ եք ուզում որ ասեմ,— շարունակեց նա գոգնոցի ծայրով ճակատը սրբելով,— դե, ի՞նչ եք ուզում որ ասեմ. ձեր մեկնելուց ի վեր էնքան բաներ տեսանք, էնքան բաներ... Գիտե՞ք, քիչ էր մնացել, որ Զվարթիս բանտարկեին...

— Բանտարկեի՞ն... Օրիորդ Զվարթին բանտարկեի՞ն... Եվ ինչո՞ւ...

Հերյանը ցնցվեց և մտահոգված նայեց:

— Ես ի՞նչ իմանամ... մեր կառավարութունը անտանելի է դարձել... չափից դուրս... Ձեր մեկնելուց հետո սենյակը վարձով էինք տվել մի երիտասարդ տղի, նորնախիչեանցի, մի լավ, շատ զարգացած, շատ մաքուր և գաղափարական երիտասարդ... Զվարթի հետ ընկերութուն էր անում, օգնում էր նրա քննութունները պատրաստելու և, առհասարակ, էնպեսի տղա էր, էնպեսի տղա, որին ոչինչ չի կարելի ասել... Ապստամբութունից հետո նրան մեղադրեցին... որ բուլշևիկ է, պրոպագանդ է անում... Եկան էստեղ, խուզարկեցին և առան տարին... Եվ կարծես դա հերիք չէր, ուզում էին Զվարթին էլ տանեն... Իբր թե նա մասնակցել է գաղտնի ժողովների... Շատ վատ ժամեր անցկացրինք, պարոն Հերյան, շատ վատ ժամեր...

— Դեռ բանտո՞ւմ է:

— Այո, պատկերացրեք... խեղճ պարոն Սերոբվյանը դեռ բանտում է...

Լոնցին:

Տիկինը՝ մտազբաղ, աթոռի վրա երերաց:

— Ձեր ամուսինը ո՞նց է,— հարցրեց Հերյանը:

— Շնորհակալ եմ, ծերանում է... Մի կտոր այգի ունենք, գնացել է այնտեղ, տեսնելու, թե ինչ կարելի է անել...

— Իսկ... մյուսնե՞րը...

Հարցրեց և սաստիկ կարմրեց:

Ձեռքը դրեց մազերին և արագ-արագ շոյեց: Նրա ծանր շնչառութունը լսելի եղավ ամբողջ սենյակում:

Գիտեր, որ Զվարթը տանն է, մյուս սենյակում: Ինչո՞ւ չէր գալիս: Ծածկվում էր, ուրեմն խիղճը հանգիստ չէր:

— Մյուսները... էսպես էնպես... Ահ... ներքե, գնամ սամովարը...

Կինը դուրս վազեց:

Հերյանը երկու ձեռքերով ծածկեց երեսը և տանջվեց:

— Պետք չէր գայի, — մտածեց, — պետք չէր գայի... — Վեր թռավ տեղից և ուզեց փախչել, բայց այդ վայրկյանին տիկինը նորից ներս մտավ և, տեսնելով, որ Հերյանը ուզում է մեկնել, բողբոջեց.

— Այդ չէ, այդ չէ, պարոն Հերյան... էդպես, առանց մի բան խմելու չեք կարող մեկնել... Սամովարը եռալու վրա է և շուտով միասին մի բաժակ թեյ կիմենք... Նստեք, խնդրում եմ, նստեք...

Հերյանը մնաց անորոշույթյան մատնված:

— Շնորհակալ եմ, տիկին ջան, շնորհակալ եմ, — ասաց Հերյանը կմկմալով: — Ուշ է և էնքան գործ կա... Գիտեք, նավը...

— Հա, նավը, բա ինչպե՞ս չէ, նավը, — բացականչեց տիկինը, վաղուց մոռացված մի բան հիշելու շեշտով: — Երեխաները էդ մասին խոսում էին... Երբ իմացանք, էնքան ուրախացանք, էնքան ուրախացանք... Հասաք ձեր նպատակին, երազը իրականացավ:

Այդ վայրկյանին հարեան սենյակի դուռը լայն բացվեց և Զվարթը ներս մտավ:

Մայրը, այդ անսպասելի ելույթից զարմացած, աչքերը լայն բացած նայեց և ձեռքի գդալը վայր ընկավ:

— Աղջի, — ասաց նա շփոթված ձայնով, — դու տա՞նն ես եղել, իսկ ես չէի իմանում... Կարծում էի դուրս ես գնացել...

Կեղծիք էր:

— Ձայներ էի լսում, — սառը պատասխանեց Զվարթը, — բայց չէի պատկերացնում, որ նավապետն է... Դե, դե, ասացեք ինչպե՞ս եք, պարոն Հերյան...

Մոտեցավ նրան և ձեռքը սեղմեց:

Հերյանը ժպտաց մեղավոր ժպիտով և օրիորդի ձեռքը պինդ սեղմեց, ապա շիմացավ ինչ անել իր ձեռքերի հետ, դրեց գրպանը, դուրս հանեց, նորից դրեց գրպանը:

Նստեց, ծնկները սեղմեց և շիտակ նայեց Զվարթի աչքերի մեջ.

Առաջին տպավորությունից նա հասկացավ, որ Զվարթը տարօրինակ կերպով փոխվել էր: Մեծացել էր, հասունացել: Կորցրել էր դեմքի միամիտ, երեխայական արտահայտությունը և թարմությունը: Երկար, գեղեցիկ մազերը կտրել էր: Ծուկատի վրա թեթև գիծ էր գոյացել, նայվածքը խստացել էր: Այո, այլևս այն աչքերը չէին, այլ խորացած, ուշադիր, ծակող և ֆոսֆորե բիբերով աչքեր էին: Տարբեր մի Զվարթ էր, բայց, տեր աստված, դեռ ինչքան գեղեցիկ, ինչքան գեղեցիկ, ինչքան գեղեցիկ...

Նստել էր, պարզ, լուրջ, առանց կանացի կեղծիքի: Լուսավորված:

Հերյանը զգաց, որ Զվարթը գիտում է իրեն, ինչպես գիտում են մեկին, որի մասին երկար պատմություններ են լսել:

Անմիջապես սկսեց քաղաքականության մասին խոսել:

— Ինչպես նկատած կլինեք,— ասաց նա վստահ, համոզիչ և վրճառական շեշտով,— ձեր մեկնելուց հետո այստեղ ամեն ինչ հիմնովին փոխվեց: Հայ աշխատավոր մասսաները գտնվում են անտանելի դրության մեջ և այս վիճակը երկար չի կարող տևել...

Հերյանը զարմացած նայեց նրան. ի՞նչ է, ուզում էր քննել իր քաղաքական համոզումները: Մայրը այդ զարմանքը հասկացավ և թևերը ուժասպառ բարձրացրեց:

— Ահ, պարոն Հերյան,— բացականչեց նա,— էս ջահելները խոսելու ուրիշ բան չունեն: Առավոտից մինչև երեկո էդ է, քաղաքականություն ու քաղաքականություն... Անվերջ վիճաբանություններ, կոիվներ, արյունի պղտորում...

— Մայրիկ, այլևս երեխաներ չենք,— պատասխանեց Զվարթը,— և ժամանակն է, որ մեր արածին գիտակցինք: Կյանքը պրոբլեմներ է դնում, պետք է լուծել... մենք ամենքս պատասխանատու ենք...

— Ան-շո՞ւշտ,— ասաց Հերյանը բառերը քիչ երկարացնելով,— ժամանակները վատ են, և մենք ամենքս նավարկում ենք, այդպես ասած, փոթորկված ծովերում...

Զվարթը, երբ լսեց վաղուց իրեն ծանոթ «փոթորկված ծովերում» բացատրությունը, ուզեց ժպտալ, բայց չժպտաց, այլ ընդհակառակը, ավելի լրջացավ...

— Ուզում եմ ասել, ժամանակները խառն են,— ուղղեց Հերյանը,— բայց էնքան էլ հեշտ չէ կյանքի պրոբլեմները լուծել, ինչպես շատերը մտածում են: Հարցը նրանում է, որ իրականությունը մի բան է և վերացական տեսությունները ուրիշ բան...

— Այո,— ասաց Զվարթը նրա խոսքը կտրելով և տաքացած շեշտով,— այո, բայց այդ չի նշանակում, որ պետք չէ ունենալ որոշ աշխարհայացք: Գիտական տվյալների, պատմական փաստերի, անհերքելի թվերի և ճշմարտությունների վրա հիմնված մի աշխարհայացք: Ընդունեցեք, որ առանց դրան չի կարելի լուսավորել մարդկանց, մղել նրանց պայքարի, ստեղծել և կազմակերպել մի կատարյալ ընկերություն: Տիրող դասակարգը ամեն բան անում է տգիտությունը խորացնելու համար, որպեսզի կարողանա անպատիժ կերպով շահագործել աշխատավոր մասնաներին... Մենք պետք չէ թողնենք, որ այդպես շարունակվի...

— Այդ ամենը կարող է և ճիշտ լինել,— պատասխանեց Հերյանը,— եթե մենք ապրեինք բնականոն ժամանակներում... Ընկերային հարցերի

մասին կարելի է խոսել հանգիստ ժամանակներում, երբ այդ ընկերությունը դրված է հաստատուն հիմքերի վրա, երբ ազգային կյանք կա, երբ պետությունը անկաշկանդ է և արտաքին մտահոգություններից ազատ... Մինչդեռ իրականության մեջ, մենք լողում ենք մթուփուններով լցված քառուստ: Մեր ֆիզիկական գոյությունը վտանգված է... Մենք անդադրում պատերազմի մեջ ենք... Այս պայմաններում ծիծաղելի է խոսել գիտական տվյալների մասին... Հավատացե՛ք, ծիծաղելի է և վտանգավոր...

Հերյանը վերագտել էր ինքնավստահությունը:

Նա նայում էր Զվարթի աչքերի մեջ լուրջ և լայն այն նայվածքով, որը տեսնում է ավելի, քան առարկան... ընդգրկում է հեռուն, թափանցում մտքի և սրտի խորքը:

— Ծիծաղելի է և վտանգավոր... — կրկնեց նա մեքենաբար:

Կրկնեց և այդ վայրկյանին հստակ կերպով նորից տեսավ Զվարթին: Ահ, այն նույն Զվարթը չէր, որի դիմագծերը նա պահել էր հուզումով, պայծառացած իր երևակայության մեջ: Ո՞ւր էր քնքուշ և թավջյա նրա նայվածքը, ո՞ւր էր նրա շրթունքների շուրջը ընկնող անմեղ ժպիտը, բոցավառ այտերը և այն զմայլելի, թրթռացող ձայնը, որ ապրել էր նրա հետ քաղցր արձագանքի նման: Նրա առաջ նստած էր մի հեռավոր հիշատակ, մի ուրիշը, որ նմանվում էր նրան, բայց նա չէր: Նա ընդունել էր շարժումներ, որ իրենը չէին, նա խոր համոզումով կրկնում էր իրեն անծանոթ գաղափարներ, որ ոչինչ չէին ասում իրեն՝ Հերյանի հոգուն, և, առհասարակ, իրեն թվում էր, որ նրա ամբողջ կեցվածքը՝ քիչ թափթփված, քիչ առնականացած, պարզ արտաքին հագուստ էր, որի տակ թաքնված էր թույլ և անմեղ մի արարած:

Այդ տեսավ և սիրտը սեղմվեց: Խղճաց իրեն, խղճաց նրան: Բողոքի մի ուժեղ ալիք խեղդեց կոկորդը:

— Դա մարդասպանություն է, — կրկնեց նա:

Զվարթը զարմանքով նայեց նրան, և կանացի բնազդով անմիջապես հասկացավ նրա հոգեկան ապրումները: Թողեց որ խոսի:

— Ձեմ կարող համաձայնվել և ոչ մի վայրկյան այն մարդկանց հետ, — շարունակեց Հերյանը, — որոնք հանդգնում են այդպիսի պատասխանատվությունների տակ ընկնել... Մոսկվայի պատասխանատվություններ... Հնդուսում եմ, որ մեր ազգային ճակատագիրը գտնվում է միջակ և անպատասխանատու մարդկանց ձեռքում... Մեզ պակասում են խորիմաստ և հանճարեղ պետական գործիչներ... որոնք գերի չլինեն ստորագասության զգացումի ձեռքում... ընդունակ լինեն ստեղծագործ թռիչքի... իսկ ինչ են Օրևանի նախարարները... ողորմելի վարժապետներ...

Զվարթը լսում էր աչքերը վայր առած՝ գրեթե անտարբեր։
Երբ Հերյանը վերջացրեց, նա մի ծխախոտ վառեց, ոտքը ոտքի վրա գցեց և սառը ու հանգիստ ձայնով ասաց՝

— Դուք ձեր համոզումները ունեք, պարոն Հերյան... Ավելորդ է վիճել, իմ համոզումները բոլորովին տարբեր են և ես ձեզ պես չեմ մտածում... Ցավում եմ ասել՝ մենք իրար չենք հասկանում...

Այդ խոսքերը դանակի հարվածի նման խայթեցին Հերյանի սիրտը։

— Փաստերն առկա են,— ասաց նա ձեռքերը ծնկների վրա դնելով։
Խոր և անհարմար լուսթյունը լցրեց սենյակը։

Քաղաքականություն խոսելու պատրվակի տակ ամեն ինչ ասված էր։ Կասկած չկա, մտածեց Հերյանը, սիրում է ուրիշին...

Մայրը հուացող ինքնահեռը երկու ձեռքերով բռնած ներս մտավ, դրեց սեղանի վրա և, ստեղծված դրուժյունը ըմբռնելով, ուզեց սառը կոտրել։

— Ես էդ վիճաբանությունները,— ասաց նա,— իսկի չեմ սիրում... Հավատացեք, էլ հոգնեցի... Ես բոլորովին համաձայն եմ պարոն Հերյանի հետ. էդ բոլոր նորությունները գլուխս չեն մտնում և իսկի լավ բան չեմ տեսնում... Որ ասում եմ, Զվարթս նեղանում է։ Իմ կարծիքով ջահել մի աղջիկ էդ բաներով պետք չէ զբաղվի... Ի՞նչ ասեմ, չեմ սիրում...

Հերյանը նայեց ժամացույցին և ոտքի ելավ։

— Ինձ կներեք,— ասաց նա քիչ դողացող ձայնով,— ինձ կներեք... Ծարևո՞ր ժամադրություն ունեմ և անպայման պետք է գնամ։ Մի ուրիշ աեզամ կգամ և ձեր հյուրասիրությունը կվա՛ելեմ...

— Արդեն ամեն ինչ պատրաստ է,— բողոքեց մայրը։

— Չէ, չէ, տիկին ջան, անպայման պետք է գնամ...

— Դե որ էդպես է, պարոն Հերյան, չեմ ուզում պնդել, բայց նորից եկեք... Մեր դուռը ձեր առաջ միշտ բաց է... Օտարական խոմ չեք... Ամուսինս միշտ ձեր մասին է խոսում, միշտ նավն է հարցնում...

— Շատ շնորհակալ եմ, անպայման կգամ... Ի՞նչ խոսք այդ մասին...

— Ուրեմն, մենք դեռևս առիթ կունենանք ձեզ հետ այդ հարցերի մասին խոսելու,— ասաց Զվարթը ձեռքը երկարելով։

Դուրս եկավ արագ քայլերով, առանց ոչ ոքի նայելու։

Կրծքի տակ, սիրտը վիրավորված գառնուկի նման թպրտում էր, գլուխը պտույտ էր գալիս։ Եթե կարողանար պիտի բղավեր, կանչեր, խենթի նման վազեր...

Հազիվ մի քանի քայլ էր արել, հանկարծ իր նախկին սենյակի պատուհանը լայն բացվեց։ Զվարթը գլուխը դուրս հանեց և՝

— Պարոն Հերյան, պարոն Հերյան,— կանչեց իր հին անուշ ձայնով՝
Հերյանը կանգ առավ:

— Դուք ինձ վրա բարկացած չե՞ք, այնպես չէ՞... Հավատացե՞ք,
ես չէի ուզում ձեզ վիրավորել... Գիտե՞ք, կյանքը... գաղափարները փոխ-
վում են...

Նրա աչքերը փայլեցին, և նա նորից ժպտաց նախկին քնքուշ ժպի-
տով:

— Չէ,— պատասխանեց Հերյանը,— չեմ վիրավորված... Անշուշտ,
կյանքը... Չէ, չէ... Չեմ վիրավորված...

Չկարողացավ շարունակել:

Մեկնեց, դուրսը վար կախած, ձեռքերը մեջքի վրա ծալած, դեղևուն
քայլերով:

2

Ահա մի քանի ժամե ի վեր Հերյանը նստած էր կողմնակի փողոցի
դուռանի ետևի սենյակում:

Սեղանի վրա շարված էին բողկ, պանիր, թարխուն, ուտեստեղեն-
ներ և գինի: Ցած կամարներից կախված լամպարի աղոտ լուսավորու-
թյան տակ. նրա և նրա առաջ նստած երկու երաժիշտների դեմքերը հա-
զիվ նշմարելի էին:

Պատի վերևում բացված ցածր պատուհանը նայում էր մի ինչ-որ
բակի վրա, որտեղից աստղերով լցված գիշերը զովություն էր ներս
սփռում և՛ շորացած խոտի, տավարի և հավաբնի հոտեր:

Երաժիշտներից մեկը՝ հաստ, բեղավոր, լեցուն, ծնկների վրա փոք-
րիկ երեխի նման օրորում էր իր թառը. մյուսը՝ նիհար, դեղնած, շոր՝
մատների ջերմագին շարժումով խփում էր դափը և երգելու ժամանակ
զուրկը թաքցնում նրա հետևում:

Երաժիշտները նստած էին սեղանից քիչ հեռու, որպեսզի ցույց տան,
որ եկած էին վճարովի ծառայելու: Ով ցավ ունի, քեֆ է անում: Քեֆը
միայն ուրախություն չէ: Եթե կովկասահայր առանձնանում է գինետան
անկյունում և երաժիշտներ հրավիրում իր խմած գինու պեղող երազան-
քը հինավուրց բանաստեղծների տաղերով զորացնելու համար, այդ նշա-
նակում է, որ նա մեծ վիշտ ունի, որ միտքը կորած է մութ լաբիրին-
թոսում, որ սիրտը հուսահատ է:

Երաժիշտները այդ գիտեն: Արվեստագետի բնազդով նրանք անմի-
շապես հասկանում են հաճախորդի սիրտը լորորոզ ցավի բնույթը և
ըստ այնմ էլ երգում և նվագում: Իսկ ցավերի ձայնաշարը մեծ է և

անվերջանալի: Կան մարդիկ, որոնք տանջվում են կյանքի անհաշ-
դությունից, ուրիշները՝ կրած վիրավորանքից կամ անհասկանալի մե-
լամաղձությունից: Ամենից զգայուն ցավը սիրո ցավն է: Սիրով տխրած
մարդը խորունկ հոր է. ամեն մի ձայն նրա մեջ արձագանք է գտնում,
լայնանում, մղկատալով շարշարվում: Մի բառ, մի պատկեր՝ և հոգին
շշնջում է քամուց տրտրված բարդու նման. մարմինը լռում է և թափ-
վում ու շերմում, սիրտը թպրտում է՝ թևը վիրավորված բազեի պես:

Զվարթի տնից մեկնելուց հետո Հերյանը երկար ժամանակ թա-
փառել էր, ապա տխրած, վհատված եկել նստել էր այդ գինետան մեջ:

Նստել էին, գրեթե չէին խոսում:

Խմում էին:

— Կենացդ... Շեն կենաս...

— Թող գինի բերեն, — պատվիրում էր Հերյանը:

Գինի էին բերում, բաժակները լցնում, խմում:

Ապա, ինչպես մեռելը թաղելուց առաջ, ամենքը բոլորվում են նրա
շուրջը, աչքերը վար, շրթները կողպված, ձեռքերը ծնկների վրա փռված,
մինչև որ մի կին ուսերը տրորհլով սկսում է բարձրաձայն ողբ երգել և
մյուսները լաց են լինում առանց արցունքի, այդպես... Թառը սկսում
է զնգզնգալ:

Ճակատը գունատված, աչքերը խոր ընկած, Հերյանը խմում էր
կում-կում, առանց շտապելու, խոր մի վերք վճացող սփոփեցուցիչ հե-
ղուկի նման:

— Վարպետ ջան, մի բան ասա, ասա լսենք...

Թառ նվագողի ձեռքը դողդողում էր լարերի վրա, մի քանի լալա-
գին նիշերի մոտ կանգ առնում, պրպտում մեղեդիների աշխարհը և կա-
մաց-կամաց ձևավորվում հիմնական երգը: Գափը պատասխանում էր և
քայլում նրա հետևից: Հնչյունների այդ ամբոխը ոտաբորիկ մտնում էր
ժաղիկներով կարպետված մի դաշտ, նրա զգայուն ոտքերը շոյում էին
թարմ խոտերը, զգուշանալով պտույտ գալիս ծաղկած թփերի յուրյը,
ապա դանդաղում, սարսռում, դալկանում և, մեկ էլ, հանկարծ արթ-
նանալով վազում, կարծես որսալու համար կապույտ քամիների մեղձ
ալիքները և ամեն կողմից բարձրացող թռչունների դայլայլը:

Գլուխը դափի հետևում թաքցնելով երգիչը երգում էր:

Ամեն սիրտ ծարավ է, ամեն հոգի անոթի:

Աղբի, կուժո՞ւ առ, գնա՛. ամեն սիրտ ծարավ է:

Ընկե՛ք նմ մի անգունո՞ւ, խավար է:

Աղբի, ե՛կ, տուր պաշտ հոգուս անոթի...

— Ուրեմն, էդպես,— ասում էր Հերյանը ինքն իրեն,— ուրեմն էդպես... Իսկ ես՝ հիմարս կարծում էի, որ ճանաչում եմ կանանց... Ինչ էր առաջ և ինչ է դարձել հիմա... Ահ, չպետք է մեկնեի... Հիմա հեշտ է ասել, չպետք է մեկնեի, իսկ նա՞վը, իսկ Սևա՞նը...

Աղչի, ևկ տուր պաշտ հոգուս անոթի...

Հաստ մարդու թևերի մեջ թառը շարունակում էր օրորվել: Հնչում էր, կլկլում, գրնգում: Նրա լայն ճարպոտ երեսը կարմրել էր, ուռած աչքերը վայր էր առել թառի լարերի վրա և, մոռացություն մատնված, մեկնել էր ուրիշ աշխարհ: Վիզը լցված էր, փորը առած, կարծես նրա հագած շերքեզկան ահա պայթելու էր...

— Զարմանալի է,— մտածում էր Հերյանը,— այդքան մսերով մարդ և այդպես դգայուն, գրեթե կանացի ձեռքեր...

Պնակից մի կարմիր բողկ վերցրեց, աղամանում երկար թաթալեց, ծայրը կծեց, գցեց: Լեզվի վրայից ազը սրբեց: Սիրտը կծկծում էր:

Հաստ կամարներից կախված աղոտ լամպարի շուրջը թանձր ստվերներ էին ման գալիս: Ամեն ինչ ծանրանում էր, ճնշում: Մրուռած ցածր կամարները, ստվերները, հաստափոր երածիշտը, և անգամ իր մարմինը գնալով ծանրանում էին և սեղմում ուսերը:

Ամեն ինչ թմրում էր նրա մեջ, պառկում քարի տակ, թաղվում: Հառաչեց:

— Ասացեք թող գինի բերեն:

Խմեցին:

Թառ նվազողը երկու մատներով բռնած բաժակը բարձրացրեց վեր:

— Կյանքում,— ասաց նա,— էս կա, էն էլ կա: Լավ է որտեղ մենք չկանք... Համա աստված ամեն բանին ջուղար ունի... Զեր կենացը...

Խմեց մինչև տակը, շրթունքները սրբեց և մի բան կերավ:

— Վարպետ ջան, անունդ ի՞նչ է,— հարցրեց Հերյանը:

Թառ նվազողը աչքերը սալը քաշող եզան նման վայր առավ և պատասխանեց՝

— Առաքել...

— Բռավո, Առաքել,— ասաց Հերյանը և հուսահատ ձեռքը ման ածեց օդում:

Առաքելը քաջալեռովեց, թառի վրա խոտերի միջից գուրս վազող թարմ քամու նմանող մի մեղեդի նվագեց: Մեղեդին կամաց-կամաց գանդաղեց, բարձր լարի վրա կախված թպրտաց, տխրեց և սկսեց հեծկըլտալ:

Հերյանը աչքերը փակեց, լսեց:

Արևելյան այդ նուրբ մեղեդին այրող հեղուկի նման խուժեց նրա ներսը, և այնտեղ ամեն ինչ իրար խառնվեց:

Աշխարհում այդքան մենակ, այդքան անպաշտպան, այդքան կորած իրեն երբեք չէր զգացել: Կարծես ընկել էր ամայի լեռան բարձրությունների վրա, որտեղից հեռանալու ոչ մի հնար չկար:

Հուսահատություն, մենակություն...

Իսկ թառը, որ հասկանում էր նրա սրտում կատարվող դրաման, խոսում էր:

Թառը ասում էր՝

— Այն, ինչ դու անվանում ես մենակություն՝ ինքը կյանքն է: Մենք մենակ չենք, մենք մենակություն ենք: Իսկ մենակությունը ամբողջություն է: Ինչքան նա լերկացած լինի արտաքին աշխարհից, այնքան կատարյալ է:

— Բա՛ց քո սրտի դուռը վշտի առաջ և նրան ընդունիր խոնարհաբար, ինչպես վայել է կորովի մարդկանց: Վիշտը, որ թափվում է քո երեսի վրա, ձեռքերի վրա, ինչպես անցնող ամպերի միջից լույսը, նախանշանն է մեծ դեպքերի, որոնք պատրաստվում են քո ներսում: Այդ նշանակում է, որ կյանքը քեզ չի մոռացել... Վիշտը, շարչարանքը և մահը բուն կյանքի էությունն են, նրա գոյության և նրա գոյանալու ամենակատարյալ զենքերը: Ինչքան հիմար են մարդիկ, որ ուզում են այդ մոռանալ:

Եվ թառը, մի վայրկյան կլկլալով հառաչեց, կանգ առավ ուրիշ մի բամբ լարի վրա, մտածեց և նորից խոսեց:

Թառը ասում էր՝

— Վա՛յ այն մարդուն, որ վախենում է դժվարություններից: Միայն դժվարության բովից անցնելով կարելի է հասնել ներքին հարստության, ներքին անկախության:

Սերը դժվարին է:

Որովհետև սերը էության էությունն է: Սերը վերջին և կատարյալ մենակությունն է. նա ոչ տալ է և ոչ միություն, այլ՝ վշտերով ցանված դաշտ է, որի միջից մարդ անցնում է ինքն իրեն հետ հանդիպելու համար:

Ջահել սրտերը սպասել չգիտեն: Նրանք խենթանում են ուրիշի սիրո համար և կորցնում են թե իրենց, թե ուրիշին: Սրտերը այրվում են, իսկ հոգիները պատրաստ չեն:

Սերը դժվարին է:

Սերը ոչ տալ է և ոչ առնել. սերը ամբողջովին լինել է: Նա մահ է և կյանք է և այնքան մեծ, որ մեր մարմինը նրան չի հասնում: Նրան

հասնում է մեր հոգին, երբ պատրաստ է: Իսկ քանի՞ հոգիներ կան, որ պատրաստ են:

Արը գոյանալու համար պետք ունի երկու մենակությունների, որոնք մեկը մյուսին ամբողջացնում, սահմանում են, մեկը մյուսի առաջ խոնարհում: Եթե այդ մյուս մենակությունը, որին դու անհամբեր սպասում էիր, քեզ ընդառաջ չի գալիս՝ թող լինի այդպես: Ականջ դիր. լսիր լռության մեջ քեզ այցելող անհայտին և թող քո մարմնի հետ նա լինի մարմին և քո հոգու հետ՝ հոգի:

Հետո թառը երգը փոխեց:

— Բռավո, Առաքել,— ասաց Հերյանը հազիվ լսելի ձայնով և նորից փակեց աչքերը: Նրա մտքի առաջով պատկերների շարան անցավ: Դուքանի ծանր կամարները կամաց-կամաց լայնացան, բարձրացան, ճեղքվեցին ամպերի նման դիզված հեռավորությունների վրա և Հայաստան աշխարհը՝ լեռնոտ, մերկ, ամեհի՝ ցցվեց ծանր գիշերվա մեջ և խորխորատների ձայներով մոնչաց:

Դափը սարսռալով հնչեց և երգիչը ողբաց:

*Միր-Մահմուդը քառասուն աղջիկ առավ տարավ,
Աշխարհ լցվեց լաց ու կոծով...*

Ահավասիկ Միր-Մահմուդը, աֆղանների կենդանաբարո էմիրը: Փոքրահասակ, ծոված ուսերով, մոնղոլական շեղակի աչքերով, դեղնած դեմքով, հազվագյոտ տ մազերը վայր տնկված մորուքով: Նա կանգնել է ոսկինեղով հյուսված վրանի առաջ, կեռ սուրը ձեռքին, աչքերը կրակ, ձայնը խեղդված: Ուզում է, որ հայերը ոսկի, արծաթ, խալի, հյուսվածեղեններ, մետաքս և թավիշ, փղոսկր և նախշուն էբենոս և մեծ քանակությամբ դրամ ուղարկեն իրեն, ուզում է նաև, որ հայերը ուղարկեն քառասուն ամենագեղեցիկ կույս աղջիկներ...

Եվ քառասուն ամենագեղեցիկ աղջիկները, ամաչկոտ և վշտահար, մերկացած կանգնել են, նշանման իրենց աչքերը գետնին հառած դողում են և սպասում, որ նրա շնացած և տարփոտ աչքերը ընտրությունը կատարեն:

*Միր-Մահմուդ քառասուն աղջիկ առավ տարավ,
Աշխարհ լցվեց լաց ու կոծով...*

— Ահա,— ասաց թառը,— դու քո անձնական, անցողիկ վիշտը ցցել ես քո հոգու առաջ և կարծում ես, որ աշխարհը սկսվում է և

վերջանում է քեզանով: Իսկ աչք գցիր անցյալի վրա, աչք գցիր ներկայի վրա և կրակը քեզ կբռնորի:

Հերյանը բաժակը լցրեց, առանց ոչինչ ասելու խմեց և աչքերը լայն բացած նայեց:

— Ինչ ժամանակներ էին, ինչ ժամանակներ,— հառաչեց նա:

— Մեր աշխարհում էդպես է,— ասաց երաժիշտը:— Մարդիկ մոռանում են, իսկ երգը չի մոռանում:

— Ասում ես, ուստա, մարդիկ մոռանում են, իսկ երգը չի մոռանում,— հանկարծ ցնցված բացականչեց Հերյանը:— Ի՞նչ խոսք, լավ է, որ երգը չի մոռանում և առանց երգի մեր պատմությունը պատմություն չի... Բայց, չեմ հասկանում, ինչո՞ւ երգը միայն վերքերն է հիշում, լաց ու կոծը, տանջանքը...

Երաժիշտները զարմացած նայեցին նրան:

Հերյանի աչքերը փայլեցին:

— Ինչո՞ւ հիշել միայն վիշտը,— շարունակեց նա...— Հենց վերցրենեք Միր-Մահմուդի ժամանակները... Ես այդ մասին կարդացել եմ, գիտեմ... վատ ժամանակներ էին, աշխարհը տակնուվրա էր... Աֆղան էմիրը բազմահազար ձիավոր զնդերով ստեպներից փոթորկի նման դուրս էր նետվել, մտել էր Պարսկաստան, Շահին ցահից վայր նետել, սարսափ տարածել... Կովկասի ցեղերը՝ լազգի, շերքեզ, ընգուշ՝ օգտվելով անիշխանական դրությունից, ահագին խմբերով և մինչև ատամները զինված արշավել հասել էին մինչև Սևանա լիճը... և անպատիժ ասպատակում էին, քանզում, այրում, կողոպտում...

— Բա, տխուր չի, ի՞նչ է,— ասաց թառ նվագողը:

— Սպասիր,— շարունակեց Հերյանը ավելի ոգևորված,— սպասիր... Ահա այդ օրերին, Ուտեացոց Հովհաննես իշխանը՝ մի կտրիճ հայ, իր դղյակից դուրս եկավ, ձայնը բարձրացրեց. հայ քաջերին մարտի կանչեց, զնդեր կազմեց և ընկավ թշնամու վրա, թուրը զարկավ, արյուն թափեց, կոտորեց և նրանց փախցրեց մինչև իրենց լեռնային աուլները... Ուտեացոց Հովհաննես իշխանը... շանթ ու կրակ... զորավոր ձեռքերով, բոցակեզ աչքերով, հաղթանդամ մարմնով, անվախ, քաջարի մի մարդ... քամու նման արագ, կայծակի նման անողոք, քաջերի քաջը... Ահա, ձեր երգը այդ մասին ոչինչ չի ասում...

— Ասում է, քաջերի մասին հայ երգը խոսում է,— պատասխանեց երգիչը:— Սասունցի Դավթի շարքը կա, ազատագրության երգերը կան, Վարդանանց երգերը և ուրիշ շատ, բայց զրա համար տրամադրություն պետք է...

— Վիշտ ունեցող մարդը վշտոտ երգ է սիրում կամ պար է սիրում,— ավելացրեց թառ նվագողը:

— Խմենք,— առաջարկեց Հերյանը:

— Ձեր կենացը...

— Աստված մեծ է... ողորմի...

Խմեցին և նորից լռեցին:

— Եկել ենք և պիտի գնանք,— փրկիստփայեց Հերյանը:— Հարցը նրանում է, որ եկել ենք և ընկել թշնամու առաջ... ամեն կողմից վտանգ, կրակ, մահ...

— Ի՞նչ արած, պետք է տանել...

— Սխալ բրիստոնեոթյուն է,— բողոքեց Հերյանը,— պետք չէ ամեն բան ստրկաբար տանել...

— Ստրկաբար չասացի,— առարկեց երաժիշտը, մեղմ շեշտով,— ընդհակառակը, պետք է տանել իմաստությունով և երգով: Մարդը որ երգում է, ազատ է...

— Լավ ասացիր, ուստա: Մարդը որ երգում է, ազատ է... Միայն թե, ամեն մարդ երգել չի իմանում...

— Երգել չիմանալը ամոթ չի, ամոթ է երգը չհասկանալը,— պատասխանեց դափ զարնողը:

— Լավ ասացիր...

Եվ նորից բաժակները թրխկացրին և խմեցին:

Ինչքան գիշերը առաչացավ, այնքան գինու շշերի թիվը շատացավ սեղանի վրա:

Հերյանի աչքերի առաջ ամեն բան սքողվել էր: Գինին ու երգը թթվածնի նման խածել էին նրա մարմինը, բթացրել նրա վիշտը և մոռացության մշուշներ տարածել նրա շուրջը:

Նա այլևս լավ չէր գիտակցում, թե ինչ է անցնում շուրջը: Հիշում էր միայն, ինչ որ մարդիկ ներս մտան, նստեցին սեղանի շուրջը, խմեցին, աղմկեցին ու պարեցին:

Ինքն էլ պարեց:

Առավոտվա դեմ, երբ վերի պատուհանից աստղերը հեռացան և ցուրտ լույսը ներս թափանցեց, երբ աբլորները սկսեցին կանչել և երաժիշտները «Առավոտ լուսո» նվագեցին, նա խմեց վերջին բաժակը, վճարեց և դուրս եկավ փողոց երկրող քայլերով, առաջացավ և նոր լույսը ողջունեց ոնգները լայնացած և համառ ճակատը վեր տնկած:

Գնաց դատարկ փողոցներով, վիզը բաց, կարտուզը ձեռքում բռնած, առանց նպատակի, թարմ և զով օդում երեսը լվանալով:

Երբ հասավ Կոնդի բարձրության վրա, լուսաբացը իր բոլոր կրակները գուրս հանեց, ողողեց նրա աչքերը, հափշտակեց նրան:

Հեռուն, Արարատի ձյունածածկ գագաթից ճառագայթների հեղեղ էր թափվում: Վարի լայնատարած դաշտը կաթնագույն մշուշից կամաց-կամաց ազատվելով արթնանում էր և սևձայն հնչում կանաչ նվագի նման: Մոտակա պարտեզներում թռչունները երգում էին: Օղջ հարբած էր:

Աշխարհը վերածնվում էր հզոր և գեղեցիկ կյանքով:

Հերյանը, որին ամբողջ գիշերը խմած Հայաստանի ուժեղ գինին չէր կարողացել հարբեցնել, իրեն զգաց գինով և երջանիկ: Եվ նրա շըրթունքների վրա ուրախ պարի մի անորոշ մեղեդի ման եկավ:

Ինչ հարուստ և հզոր և գեղեցիկ էր այս երկիրը:

Նստեց մի քարի վրա և հանձնվեց ամեն կողմից խուժող լույսերին և երգերին:

3

Տորմիդի սպա Թումանյանը նոր կոշիկներ էր գնել:

Մի մեծ օր էր...

Առավոտից ի վեր հրավառ արևը բոցկլտող ասեղների տարափ էր թափում լճի վրա: Ամեն ինչ տոնական բնույթ էր առել: Տեղ-տեղ դրոշակներ էին կախվել: Գերանները ներկել էին, ծովափ իջնող սանդուղների վրա խալի փռել և քարափը ափլել:

Երեք գյուղացի ձկնորսներ, նավաստիի նոր զգեստներ հագած, շփոթված կանգնել էին մի կողմ: Նրանք նմանվում էին հանկարծ ծերացած երեխաների, որոնք առաջին անգամ իրենց կյանքում երկար տաբատ էին հագել: Վախենում էին ոյ և է շարժում անել, որպեսզի իրենց գլխին տնկված նավազի գլխարկը, որի վրա ոսկե տառերով «Աշոտ Երկաթ» էր գրված, հանկարծ վայր չընկնի:

Օրվա բուն հերոսը՝ երկարատև և դժվարին աշխատանքների արդյունքը, սպասում էր վարը, լճափի կամրջակին կապված: Մաքուր, պըսպրղուն: Իրականում «Աշոտ Երկաթ» ռազմանավը մեծ մի նավակ էր մութ մոխրագույն ներկված, կողերը շափազանց ուռած՝ շատ միս ուտող կնոջ գիստերի նման, քիթը վեր, երեւը տափակ: Շարժման ժամանակ այդ հզի կովի սուրճոքսի վրա զեւեղված փոքրիկ մեքենան բզզում էր հագարավոր մժեղների ձայնով, և նավը թրթռում մալարիայից տառապող հիվանդի նման:

Քթի վրա և վերջամտում զետեկված նրկու նոր և բարակ թնդանոթները նրան տալիս էին ինչ-որ ազնվութուն և պատերազմական տեսք:

Ափից վեր տանող փայտե սանդուղների վրա մի քանի ոստիկաններ կանգնած սպասում էին և, մերթ ընդ մերթ, անձկալի նայվածքներ նետում ճամփու այն կողմը, որտեղից բարձր իշխանութունը պիտի ժամաներ: Մի քանի ուս մուծիկներ և բազմաթիվ հայ շինականներ՝ լռակյաց և զուսպ, իրենց մորուքները շոյում էին, հետաքրքրված աչքերով նայում իրենց շուրջը և վեր վար ման գալով նույնպես սպասում: Մի խումբ երեսներ մի քիչ վախեցած պպուզիկ նստել էին և ծամածռություններ էին անում:

Իբրև երաժշտութուն՝ մի քանի փողեր և մի թմբուկ: Փողերը արևի տակ ուժով փայլփլում էին, իսկ մարդիկ, որոնք պիտի նվագեին, քայլում էին և սպասում:

Տորմիդի սպա Թումանյանի հայրը, Ավակիմ Մարտիրոսովիչը, անպայման ուզեցել էր այդ այնքան կարևոր հանդեսին ներկա գտնվել և, հարողով լցված սայլի ծայրին գիշեր և ցերեկ երերալով, եկել հասել էր Երևանից: Փոքրահասակ, շոր, ստուած. Բեսարաբիայի նախկին այդ դատավորը լուրջ և հանդիսավոր տեսք ուներ: Տոնի պատճառով, նա հարմար էր դատել բաց դեղին գույնով և իր ձեռքերի համար շափազանց մեծ մի զույգ ձեռնոց հագնել և սև փողկապ: Իր զավակի մոտ կանգնած նայում էր հիացումով և մեղամաղձությամբ: Ահավոր մի անցյալից հետո ահավասիկ լուսավոր մի ապագա, մտածում էր նա: Ցավում էր, որ հեղափոխության շրջանում տիֆից մեռած իր կինը չպիտի կարողանար այդպիսի մի հանդիսավոր ժամին տեսնել այնքան պաշտած զավակին: Զավակ, որ գրեթե կրոն էր նրա համար: Երբ տղան գալիս էր արձակուրդով, նա դողում էր նրա ամեն մի քայլի վրա: Նրա համազգեստը բենզինով մաքրելիս, հազար անգամ համբուրում էր այն, շոյում, շտկում ամեն մի կոճակը: Երբ մեկնում էր, օրը երեք անգամ եկեղեցի էր գնում և անդադար աղոթում: Մեռավ գնաց: Եվ ահավասիկ ինքը մեն մենակ կանգնած զավակի մոտ, ոտքերը զինվորական ձևով միացրած, երեսը արևից այրված և աչքերը հուզումից թրջված:

— Քաղաքում ասացին, որ նախարարաց խորհրդի նախագահը անձամբ պիտի գա, — փսփսացող ձայնով ասաց հայրը:

— Լավ, — պատասխանեց զավակը և նորից լռեց:

— Նաև ասացին, որ, — ավելացրեց հայրը, — արտասահմանի բոլոր հայ թերթերին հաղորդել են ուրախալի լուրը...

— Լավ, — պատասխանեց տղան և նորից լռեց:

Թումանյանը գիտեր, որ այդ վայրկյանին հայրը մտածում էր իր մոր մասին: Ինքն էլ մտածում էր նրա մասին: Կյանքի բոլոր կարևոր ժամերին, դժվարին թե ուրախալի, նա մտքով գնում միանում էր իր

մորը: Քիչ լեցուն, շարժուն, արագախոս մի կին էր, ամբողջովին ջիղ և հուզում: Հորդառատ սեր միացած լալկան անձկության: Երբ մտածում է նրա մասին, տաք և քնքուշ մի զգացում լցնում է սիրտը և այրում: Եվ սակայն, երբ նա ողջ էր, ինքը ամեն կերպով աշխատում էր պաշտպանվել մայրական երբեմն կաշկանդի: և երբեմն էլ բռնակալ այդ սիրուց: Իսկ սհա, ինչ չպիտի տար նրան նորից ունենալու համար...

Իշխանութունը ուշանում էր:

Սպան նայեց իր կոշիկներին: Դրանք ծածկվել են թանձր փոշիով:

— Աժան ապրանք,— ասաց նա:

— Ի՞նչ...

— Ոչինչ, կարևոր չէ:

Մտտեցավ նավաստիներին, ուղղեց նրանց օձիքները, նորից կրկրենեց նախապես տված հրամանները: Ոտքը ոտքին, կուրծքը դուրս, երեսը ուղղել դեպի իշխանութունը և շրջել նրանց առաջանալու ընթացքին: Ողջույնին պատասխանել միաձայն:

— Հասկացա՞ք:

Նավաստիները ձգվեցին և իրենք աչքերը պլզեցին: Թումանյանը հուսահատ վերադարձավ իր տեղը:

Իշխանութունը ուշացել էր մի ժամով:

Արևը ընկնում էր շեղակի և ուժեղ: Ամենքի ոտքերը կապար էին գարձել:

— Ուշացան,— ասաց հայրը:

Երիտասարդ ծովային սպան հանեց ժամացույցը, նայեց և նորից դրեց գրպանը: Ապա աչքերը վար առած երկար նայեց կոշիկներին: Կոշիկների վրա ավելի ճարպ կար, քան ներկ և այդ պատճառով ամբողջովին ծածկվել էին փոշով: Ուզեց թաշկինակի ծայրով փոշին մաքրել, բայց բնածին ամոթխածության պատճառով համարձակութուն չունեցավ... Մտածեց, երկար ժամանակ տատանվեց, ապա թաշկինակը հանեց, մի ոտքը վեր բարձրացրեց և մաքրեց: Երբ պատրաստվում էր նույնը անել մյուս կոշիկի հետ, ինքնաշարժների ձայներ լավեցին, մարդիկ անհանգստացան և ոստիկաններից մեկը դեպի իրեն վազելով հայտնեց՝

— Պարոն սպա, գալիս են, գալիս են...

Թումանյանի ի՞նչ կոշիկը մնաց մաքրված, իսկ մյուսը՝ փոշուտ:

Ափի մոտ երկարող ճանապարհից ինքնաշարժները մոտենում էին: Փոշու ամպեր: Այդ ամպերի մեջ կորած գլուղացիները գլխարկները հանած բարևում էին: Երևիսները դես ու դեն էին վազում: Ոստի-

կանները ձգված կանգնել էին և երեք նավաստիները բուրբուղի շփոթված սառել էին և սարսափած աչքերը դուրս գցել:

— Կա-արգի,— գոռաց Թումանյանը, երբ առաջին ինքնաշարժը կանգ առավ:

Քչաց և սաստիկ կարմրեց:

— Փո-ղերը,— ավելացրեց նա և հանդիսավոր կերպով գնաց ընդ-առաջ:

Փողերը վեր տնկված՝ խոփած ձայներ հանեցին և թմբուկը արագ-արագ խփեց: Զինվորականները արձանացան: Ժողովուրդը ծափահարեց: Բարձրաստիճան սպաներով շրջապատված երկու մարդ իջան սանդուղներից վայր:

Թումանյանը մոտեցավ նախարարներին և սաստիկ ձգված զեկուցեց:

— Պատիվ ունեմ զեկուցելու, պարոն նախարար. որ նավը կազմ և պատրաստ է, զինված երկու թնդանոթներով և մի գնդացրով...

Սովորած դասի նման արագ-արագ արտասանեց ասելիքը:

Նախարարը նրան լսեց ժպտալով, գլխարկը ձեռքին, ականջը վար կախած: Պինդ սեղմեց Թումանյանի ձեռքը: Նշմարեց հոր դեղին ձեռնոցները և մոտեցավ նրան: Թումանյանը պարտք համարեց ներկայացնել իր հորը, թեպետ նախարարը վաղուց նրա հետ ծանոթ էր:

— Հայրս,— ասաց նա,— Բեսարաբխի շրջանային դատարանի անդամ, Վլադիմիրի երկրորդ աստիճանի շքանշանի կավալեր, Կալեժսկի ասեսոր, Ավակիմ Մարտիրոսովիչ Թումանով...

— Ուրբախ եմ,— ասաց նախարարը և Ավակիմ Մարտիրոսովիչի բիշ դողացող ձեռքը սեղմեց:

Ավակիմ Մարտիրոսովիչը շփազանց հուզված էր, նա աչքերը անդադար բացխփում էր և ուժ անո՛ւմ արցունքները զսպելու:

Հետո եկողները խմբով կանգնեցին նավի առաջ, զննեցին, հարցուփորձ արեցին, մանրամասն տեղեկություններ ուզեցին, ժպտացին, փսփսացին և երեք նավաստիներին վերից վար դիտելուց հետո, այլևս ամեն ինչի տեղյակ՝ նայեցին լճին, նայեցին երկնքին:

Զինվորականներից ամենից աշխույժը Երևանի պարետն էր: Այդ նախկին դերասանը, զվարճացած՝ նրա ականջին կատակներ էր փսփոսում, բարձր ծիծաղում, անդադար շարժվում: Նա Թումանյանին հարցեր էր տալիս, նրա հոր ուսին խփելով շնորհավորում նրան, ապա, թատերական չերթեզվախ մեջ սեղմված՝ կովկասյան ավանդական զորապետի դիրք առնելով նայում և սպասում:

Երբ բարձրաստիճան զինվորականները, որոնք վիճում էին՝ ձեռ-

քերը դեպի լճի հակառակ կողմի ժայռերի վրա տնկած լոնցին, ակնուցավոր նախարարը գրպանից թղթի մի կտոր հանեց, նայեց և ճառասաց...

Լճի ամայացած այդ լռության մեջ ճառը հնչեց հանդիսավոր և հուզիչ՝ «Աշոտ Երկաթ» անունը առագաստի նման լցվեց անցյալի փառքերով... Բառերը մեծացան և բառերի հետևից Հայաստանը ցցվեց արյունոտված, վիրավորված... Իր դարավոր գոյությունը վճռական պաշտպանելու համար:

Թումանյանին հուշակեց օրինակելի հայ: Նա եկել էր հեռվից և կարողությունները ի սպաս դրել հայրենիքին: Կառավարությունը նրան բարձրացնում է հրամանատարի աստիճանի:

Այդ որ լսեց՝ Ավակիմ Մարտիրոսովիչի վարի շրթունքը դողաց և աչքերը լցվեցին: Ինքը Թումանյանը ավելի ձգվեց և քարացած մնաց:

Նախարարը նայվածքը տարածեց դիմացի ժայռերի վրա, որոնց ետև գտնվում էր կոմունիստական Ադրբեյջանը... ձայնը ավելի բարձրացնելով, հայտնեց, որ թշնամիները կարող էին անցնել միայն հայ ժողովրդի դիակների վրայով և որ հայերը իրենց անկախությունը պաշտպանելու համար պատրաստ էին կովելու մինչև վերջին մարդը: Վեց դարն ի վեր անկախության սպասող հայ ազգը չպիտի ուրանար միլիոնավոր զո՞ւրի հիշատակը և պիտի կովեր ինչպես կովել էին հեթոսները, Աշոտ Երկաթները: Կեցցե՛՛ Աշոտ Երկաթը...

Նախօրոք կարգադրված էր, որ երբ նախարարը իր ճառը վերջացնելը, երեք նավաստիներ և ոստիկաններ հուռա, հուռա, հուռա պիտի գոռային և փողերը նորից պիտի հնչեին: Իսկ դուրս եկավ մի հիմար բան: Թումանյանը ձեռքով և աչքերով նշաններ տվեց նավաստիներին, սակայն նրանք վախեցած նայեցին նրան. բերանները լայն բացեցին և ոչ մի ձայն չհանեցին...

Երևանի պարետը վազեց նրանց կողմը:

— Ի՞նչ է, — ասաց նա, — ձեններդ կտրվե՞լ է...

Նավաստիները նայեցին նրան սարսափած և նրանց կլոր գլխարկների տակից քրտինքի մեծ կաթիլներ վազեցին:

Բարեբախտաբար փողերը հնչեցին և թմբուկը չափազանց ոգևորվելով վայր թափվող կարկուտի նման դրմպաց: Մարդիկ և կանաչք վազեցին դեպի ափը: Աղմուկ և փռշի բարձրացավ: «Աշոտ Երկաթ» նավի վրա կռագույն դրոշակ բարձրացրին և բոլոր զինվորականները բարեկի կանգնեցին:

Իշխանությունը ուզեց նորից դիտել նավը: Թումանյանը բացատրու-

թյուններ արեց և զինվորականներին նշեց նա՛վի ռազմական կարելիու-
թյունները:

— Վրան նայես, թ՛վում է շնչին բան,— ասաց մի զորավար,—
սակայն, անհրաժեշտ վայրկյաններին եթե լավ օգտագործվի, կարող է
մեծ դեր կատարել:

— Կարող եք վստահ լինել,— ասաց Թումանյանը, համեստ շեշ-
տով,— մենք մեր պարտքը լիովին կկատարենք:

— Այդ մասին կասկած չունեմ, հրամանատար,— պատասխանեց
զորավարը և հարցուփորձ արեց նրա անցյալ ծառայութ՛յան մասին:

Թումանյանը երբեք այդքան իրեն երջանիկ չէր զգացել:

Ոստիկաններից մեկը ներկաներին առաջնորդեց դեպի փոքրիկ և
ճերմակ մի խրճիթ, ուր համեստ սեղան էր բացված:

— Վերջապես,— բացականչեց պարետը:

Այդ պարոնները սոված էին: Հազիվ ներս մտան, հարձակվեցին
օղու և խորտիկների վրա: Տրամադրութ՛յունները բարձրացան: Օղին
խմում էին ոտքի վրա, բաժակի պարունակութ՛յունը մեկ կումով կույ
տալով, աչքերը կես փակելով և պատառաքաղը ման ածելով ծխված
ձկնեղենների վրա:

Թումանյանը ամենքին առաջարկեց նստել:

— Խնդրում եմ, խնդրում եմ, համեցեք, նստեք...

Նրա աչքերը փայլփլում էին: Այդ զինվորականները, որոնք իրեն
նման գալիս է՛յն ռուսական բանակի շարքերից, հիշեցնում էին հին և
լավ օրերը: Մեղք որ ծովային սպաներ չէին: Մովային սպան ուրիշ էր
և սու՛րոր էր բանակի վրա նայել քիչ բարձրից: Բայց, ոչինչ, ներկա
պայսաններում դա էլ լավ էր:

Նստեցին: Սկսեցին ամենքը միասին խոսել:

Երևանի պարետը աներևակայելի և ծիծաղաշարժ պատմութ՛յուններ
էր պատմում և հավատացնում... որ աստված վկա, պատմածը սուտ
չէ, այլ իրականութ՛յուն:

Խորովածը կերան ուրախ տրամադրութ՛յամբ: Գինու բաժակները
լցրին և ըստ սովորութ՛յան ճառեր արտասանեցին և կենացներ խմեցին:
Թումանյանի հայրը, որ կծկված նստել էր սեղանի անկյունում,
ոտքի կանգնեց, թուքը մի քանի անգամ կույ տվեց և խոսք սւզեց:

— Պաժալստա, պաժալստա,— համաձայնվեցին ամեն կողմից:

Նա դողդողացող ձայնով խոսեց այն հայերի մասին, որոնք Բե-
սարաբխյուն և արտասահմանի ուրիշ վայրերում կարոտով սպասում

էին երկիր վերադառնալու ժամին... իրենց կարողութիւնները հայրենիքին ի սպաս դնելու համար... Նա ցավում էր, որ միայն մի զավակ ուներ: Եթէ տասը որդի ունենար, ամենքին էլ կհանձնէր այդ մեր դժբախտ և մեծ, այդ մեր անուշ...

Արցունքները խեղդեցին նրա կոկորդը, և նա շկարողացավ շարունակել:

Նախարարը գովեց նրա հայրենասիրութիւնը և լավատես գուշակուհիներ կատարեց Հայաստանի ապագայի մասին: Ըստ Վիլսոնյան ծրագրի Հայաստանը ծով անգամ պիտի ունենա...

Քումանյանը այդ լսելով տակնուվրա եղավ: Աչքերը վառվեցին և նա բացականչեց՝ «Մով, ծով, ծով»...

Խմեցին ապագա ծովի համար:

Երբ պտուղը կերան վերջացրին, նախարարը ժամացույցը հանեց նայեց և ոտքի ելավ: Ամենքը իրենց ժամացույցները հանեցին, նայեցին և ոտքի ելան:

Մեկնեցին:

Երբ հայր և զավակ մնացին մենակ, հայրը մոտեցավ Քումանյանին և, հուզումով լցված ձայնով ասաց՝

— Միշա, Միշա, թող քեզ համբուրեմ...

Գրկախառնվեցին:

Հայրը արցունքները սրբեց և շտապ մեկնեց:

Երեք նավաստիները, որոնք նույնպէս խորոված էին կերել և առատ գինի խմել, թե թեկ տված, ժպտավենով զարդարված կլոր գլխարկները քթի վրա, երեբայով և դանդաղելով լճի ափին վեր վար էին քայլում և գոռալով երգում:



Մի քանի օր հետո, երբ քաղաքական դրութիւնը հանկարծ լրջացել էր, «Աշոտ Երկաթը» սկսեց խուզարկութիւններ կատարել: Երևանից հասել էր գաղտնի և ստիպողական մի հեռագիր, որի մեջ ասվում էր՝ թաթարներից կազմված մի բանակ, օգտվելով Հայաստանի մյուս սահմանների վրա տեղի ունեցող դեպքերից, մտել է Դիլիջանի կողմերը, Սեանա լճից ոչ շատ հեռու մի վայր, և այնտեղից սպառնում է ամբողջ Հայաստանին: Քումանյանին հրամայված էր հսկել այդ զորքի շարժումների վրա:

«Աշոտ Երկաթը» անդադրում շարժման մեջ էր: Ապահու կպագ հըս:

կայական միջատի նման նա աղմուկով վզզում էր, դրոփում, փռշտում և քիթը ջրի հայելին կտրելով շտապում լճի մեկ կողմից մյուսը: Նավային սպա Թումանյանը հեռագիտակը ուղղում էր դեպի դիմացի ժայռերը և ուշադրությամբ դիտում: Թնդանոթներին և գեղացիներին սպասարկելու համար նրան տվել էին մի քանի զինվորներ: Նավաստիները զբաղվում էին մեքենայով և ուրիշ գործերով:

Հրամանատարը գոհ էր իր մարդկանցից:

Թնդանոթաձիգ զինվորները կարգապահ, խելացի և վճռական տղաներ էին: Երեք նավաստիները, որոնք քայնքան անպաշտպան և հուզիչ էին իրենց պատահական համազգեստների մեջ, գործի ժամանակ պարզ, համեստ, քաջ մարդիկ էին: Կատակասեր և նուրբ, ինչպես լինում են երբեմն գյուղացիները: Անձնվեր և խորապես հայրենասեր:

Սուրենը, Սարգիսը, Մարգարը:

Մարգարը մոխրագույն աչքերով նիհար, ատերի ոսկորները դուրս ցցված, դրանով հանդերձ պնդակազմ, քիչ ջղային, քիչ մեղամաղձոտ և քիչ էլ երազուն երիտասարդ էր: Քթի տակից միշտ մի երգ էր մոմում և հանգստի ժամանակ աչքերը հառում էր նոր Բայազետի կողմը և այդպես անշարժ մնում:

Իր ընկերների կատակի առարկան էր:

— Հը, Մարգար, հարսդ քեզ է սպասում... Տո, մի հեռագիր շուղարկե՞ս...

Մարգարը բողբոջում էր և մինչև ականջները կարմրում:

— էջի քուռակներ... Սուտ է... Իմ արև...

Սուրենը և Սարգիսը առողջ գյուղացիներ էին, ցած և համառ ճակատներով, սուր և խելացի աչքերով:

Բանակից ուղարկված զինվորները այդ երեքի վրա նայում էին քիչ բարձրից: Իրենք մալզված, պատրաստված և ճակատամարտերի մասնակցած իսկական զինվորներ էին, իսկ մյուսները...

— Աղա, ի՞նչ է, կարծում եք կովելը կորկոտ ուտե՞լ է...

— Կորկոտ չէ, հարիսա է... Մեծ-մեծ մի փրթեք, հալա թող կոփը ցա, տեսնե՞ք...

... Ամենքն էլ սիրում էին իրենց հրամանատարին, շնայած նրա պահանջկոտության և չափազանց խստության:

Մանկական աչքերով և դպրոցականի տեսքով այդ սպան, երբ հարցը գալիս էր գործի, միանգամայն այլափոխվում էր: Նա դառնում էր կտրուկ, սառը, մանրակրկիտ: Ուզում էր, որ նավի վրա ամեն ինչ փայլփրի, ամեն ինչ տեղը դրվի, ամեն մի անկյունը մաքուր մնա: Առար-

կություն չէր ընդունում: Տված հրամանները պիտի կատարվեին անմիջապես և ամենալուրջ կերպով:

— Ձեր ամեն մի շարժման համար պատասխանատուն ես եմ, ուստի խոսք չեմ ուզում, գործ, գործ...

Գիտեին, որ այդ խոսակցության տակ ծածկված էր բարի, վեհանձն մի սիրտ: Տպալորում էր նրանց նաև այն հանգամանքը, որ Թումանյանը տեղացի չէր, երկրի սովորություններին և հոգեբանության ծանոթ չէր: Օտար աշխարհում կորած մարդու տեսք ունեւր: Հայերենը արտասանում էր ուսական շեշտով, բառերը որոնելով և շատ անգամ շփոթվելով:

— Ախպեր,— ասում էին նրանք,— մարդը ուսական պատերազմական մեծ նավերի վրա աֆիցեր է եղել, կոիվների է մասնակցել, գիտի ինչ է ասում...

— Ծիշտ. է...

Եվ Իրանցից ամեն մեկը աշխատում էր հրամանատարին գոհացում տալ...

Թումանյանը նրանց բացատրում էր իրենց կատարած դերի կարեւորությունը: Մտնում էր ռազմագիտական մանրամասնությունների մեջ, քարտեզը ձեռքին ցույց էր տալիս թշնամու հնարավոր դիրքերը և այն, ինչ որ իրենք կարող էին անել երկիրը պաշտպանելու համար: Ուզում էր, որ իմանան, սովորեն, գիտակցեն:

— Եթե կովի ժամանակ սպանվեցի... դուք պիտի իմանաք... ինչ պետք է անել առանց ինձ...

Լսում էին ուշադրությամբ և համակրանքով:

Նավը անդադար թափառում էր:

Շրջակա գյուղերի շինականները իջնում էին ափ, ձեռքը տանում իրենց ճակատի վրա, երկար նայում:

Ասես, պզտիկ մի բան է, համա տես ինչ դաշմադալ է անում...

Երբեմն անցնում էին կղզու մոտից, որը լցված էր բանտարկյալներով: Այդ մարդիկ ման էին գալիս ափի վրա, պառկում էին արևի տակ, անվերջ վիճում, իսկ երբ նավը անցնում էր, գլուխները վեր էին տնկում և քմծիծաղով նայում:

Մի օր մեքենայի հետ ինչ-որ մի բան պատահեց և նավը ստիպվեց կանգ առնել կղզու ափից ոչ հեռու: Կոմունիստ բանտարկյալները իջան մինչև ջուրը և սկսեցին խոսել նավաստիների և զինվորների հետ:

— Ընկեր գյուղացիներ,— գոռաց մեկը,— ինչո՞ւ եք ծառայում ձեզ հարստահարողներին... Եթե կարծում եք, որ ձեր դրեղնոտը կկարողանա հաղթական կարմիր բանակը կանգնեցնել, մեծապես սխալվում

եք. ճանճը փղի դեմ ի՞նչ կարող է անել... Ջուրը գցեցեք ձեր էդ աֆի-
ցերին և միացեք մեզ... միևնույն է, մերոնք այսօր-վաղը կգան...

— Դուք ծառայում եք սով և պատերազմ բերող իմպերիալիստներին,— գոռաց մի ուրիշը,— կորչե՛ն դաշնակները և կեցցե՛ պրոլետարիատը...

Կղզին լցվեց աղաղակներով:

Թումանյանը սաստիկ զայրացավ:

— Հեռացեք ափից,— բղավեց նա:— Եթե այդպես շարունակեք, կհրամայեմ կրակել... Հեռացեք...

— Կրակում ես, կրակիր,— պատասխանեցին բանտարկյալները:— Ձենք վախենում... Ցուսիմա... շուտով կտեսնես...

Ձինվորները և նավազները մնացին լուռ:

Երբ նավը ափից հեռացավ, Թումանյանը շկարողացավ լռել: Հեռադիտակը աչքերից վար դրեց և վառված նայվածքը ման ածեց մարդկանց վրա և ասաց՝

— Մի՛ հավատաք... Ես ձեզ ճիշտ եմ ասում, մի՛ հավատաք... Դե, գործի. . Ղեկը այք...

Եվ նավը արագ հեռացավ:

Իհճ, լեռներ, ամայություն, լուսթյուն:

Եկենովկայի ափին բարձրահասակ, մորուքավոր մի մալական և մի հայ շինական, որոնք կանգնած էին նոր շինված կամրջակի առաջ, աչքերը կես փակած հետաքրքրությամբ նայում են նավին և խոսում:

Մալականը իր ահագին, մազոտ ձեռքը երկարում էր մինչև շինականի աչքերը, բոլոր մատները լայն բաց անում և հայերենը մենտորական շեշտով արտասանելով, իրր թե խոսում էր մի աշակերտի հետ, և ասում էր՝

— Ի՞նչ ես տեսնում. մի ձեռք և մատներ... Դրա մասին խոմ կասկած չկա. տեսնում ես մի ձեռք և տեսնում մատներ...

Հայ շինականը իր փոքրիկ աչքերը լայն բաց արած ուշադրությամբ նայում էր նրա կոշտ կապած մատներին, հետո նրա երեսին, մտածում էր և համաձայնվում:

— Հա էլի... ի՞նչ ասել, ձեռք է...

— Կավ — շարո նակում է համբերությամբ մուծիկը,— լավ... Ինչպես էդ ձեռքը ձեռք է, չնպես էլ իմ ասածը ըղորդ է... Հասկանո՞ւմ ես Հայը աչքերը բացփում է:

— Հասկանո՞ւմ ես... Ասենք դու շինական ես... Իրրև շինական, ի՞նչ է քեզ հարկավոր ապրելու համար... Քեզ հարկավոր է մի կտոր

հող, քեզ հարկավոր են լծկան եզներ, քեզ հարկավոր է կով՝ քնտանիքին կաթ տալու համար և քեզ հարկավոր է հանգստութիւն՝ աշխատելու համար... Չես ուզում կոիվ, դալմադալ, ուզում ես խաղաղութիւն, լավ հարեանութիւն... Եվ ուզում ես ազատ պահել քո հավատը, քո եկեղեցին, մարդ առանց հավատի չի կարող ապրել...

— Ծիշտ է առանց հավատի և եկեղեցու կյանք չկա...

— Լավ, ուրեմն հասկանում ես: Հիմա ուրիշ մի բան... Սրանից առաջ Ռուսաստանին հրամայում էր ցարը, Նիկոլայը... և դրա համար էլ արդարութիւն չկար: Ամեն բան կախում ուներ ռուսականներից և Սինոդից: Հայերին հալածում էին, ուզում էին նրանց եկեղեցիները գրավել... հալածում էին մալականներին Սինոդի պատճառով: Մեր ձեռքից խլեցին մեր հողերը, մեր տները և մեզ քշեցին այս կողմերը և մեր եղբայրներից շատերն էլ գնացին Ամերիկա, Ալյասկա, Կանադա, Սիբիր... Այդ ամենը պատահեց մեր հավատի համար... Ի՞նչ է, դա արդարութիւնն էր, չէ... Աստված տեսավ, վերևից նայեց և պատժեց: Կրակի ավելը ուղարկեց երկիր և մաքրեց: Յարին և Սինոդին ոչնչացրեց, ռուսականներին կոտորեց... Հիմա ամեն մարդ կարող է հավատալ այն հավատին, որ ուզում է և հողերն էլ պատկանում են ոչ թե հարուստին, պամեղչիկին, այլ՝ շինականին, որ նրանց վրա աշխատում է... Ինչ ասում եմ, ճիշտ է, ճիշտ է... Ինչպես օրվա լույսով տեսնում ես իմ ձեռքը և մատները...

— Դե, որ ասում ես, Ֆոմա, երևի մի բան իմանում ես... աշխարհը փոխվել է...

— Լավ,— շարունակում է մոծիկը,— հիմա մի ուրիշ հարց... Նայիր էս ձեռիս. ձեռք է, թե ձեռք չի...

Հայը կուտակում է հոնքերը: Իր քթի տակ տնկված ռուսի ձեռքը սկսում է կասկած արթնացնել... Ո՞ւր է ուզում հասնել...

— Դե, ասենք ձեռք է,— պատասխանում է շինականը թերահավատութամբ:

Ռուսը աչքերը պլզում է:

— Ո՞նց թե... ասենք,— բողոքում է նա:— Տեսնես, էս ձեռք է, թե ձեռք չի... լալա լավ նայիր...

Հայը մեղավոր ծիծաղում է:

— Հա էլի, ձեռք է...

— Խարաշո... Քանի օր է նայում եմ, նայում եմ ջրի վրա բզրզող էդ ձանձին, որ նավ են ասում և ինքս ինձ հարց եմ տալիս. ո՞վ է էդ աֆիցերը, որ էդ նավը սարքել և հիմա էլ քշում է... էդ ջահել աֆիցերը առաջներում ծառայում էր ռուսական ռազմական վրա... Պողպատե

լեռան նման մեծ նավեր, ուր հազարավոր մատրոսներ էին ծառայում, հազարավոր թնդանոթներ ունեին, ռումբեր և մեքենաներ ունեին... էդ կղզու նման ածղահաներ էին, որ երկաթ և կրակ էին փոխում, քաղաքներ քանդում, ուրիշ նավեր խորտակում... Հիմա, էդ տղան էդ ամենը թողել է, մեխերով մի քանի տախտակ կպցրել և նրա վրա կանգնել... Մտածում եմ և սիրտ: ուղղակի ցավում է... Չեմ ասում, լավ տղա է, եկել է հայրենիքին ծառայելու, ժողովրդին օգնելու... Չեմ ասում... համա ասում եմ. գիժ է, սխալվում է... Խ՞նչ կարող է անել մեծ ուժե-րի դեմ...

Հայ շինականը ոչինչ չի պատասխանում. ոռուը մորուքը շոյում է և սրված աչքերը հառում նրա աչքերին:

— Թողնենք աֆիցերը և նրա տախտակները և գանք էս Արմենիա-յին... Եթե լավ նայենք, դրուժյունը նույնն է... Ի՞նչ կարող է անել էս վաճառիկ, պատերազմից շարշարված, աղքատացած, թշնամիներով շրջապատված Արմենիան առանց Բասելյայի, մանավանդ որ զենք չունի, պաշար չունի... Առաջ, երբ թուրքը Մոսկովի անունը լսում էր՝ դողում էր և... ամեն մարդ ասլուրում էր հանգիստ, զբաղվում էր գործով, ալիշ-վերիշ էր անում, պանիր էր շինում, բազար էր բերում, կտավեղեն էր անում. տուն էր բերում... Հիմա տես, անվերջ պատերազմ, անար-խիա... Հարց եմ տալիս, ինչի՞ դեմ կենալ ոռուս զորքերին... ուզում են գալ երկիրը պաշտպանել, հաց բերել, պաշար բերել...

Նայում է հայ շինականի աչքերի մեջ:

Հայ շինականը աչքերը վար է առնում և չի ուզում ասել այն, ինչ մտածում է:

— Ի՞նչ անել... մեծեր կան, մեզանից շատ գիտեն և, առհասա-րակ, աշխարհի բաները էնպես են...

Մուժիկը ձեռքերը նոթում է կաֆտանի գրպանները և, անբավա-կան, լռում: Աջ ոտքի ծայրոտ արսուգ արագ խփում է գետնին:

— Ծիշտ է,-- ասում է նա վերջապես.— աշխարհի բաները էսպես են և ըղորդը ըղորդ է, ինչպես իմ անունս Ֆոմա Կարելին է և քո անունդ Սմրատ է...

— Կապրենք կտեսներք, Ֆոմա ջան... Աստված մեծ է և ամեն ինչ կկարգավորվի... Ախր, ի՞նչ ես ուզում... մենք, շինական մարդիկս ինչ անենք. բեռը առել ենք մեր ուսերի վրա և նստել...

— Խախը հիմա էդպես չի մտածում,— բողոքում է ոռուս.— Տե՛ս, Ռուսաստանում ինչ է կատարվում, ժողովուրդը անում է ինչ ուզում է. հրամայում է...

— Ինչպե՞տե՞ս վեզուն թրխկացնում է...

Հետո խոսում են կովերի, ոչխարների, արոտատեղիների մասին: Գիշերները նավթ կանգնում էր կամրջակի մոտ:

Մալականները հավաքվում էին հարուստներից մեկի տունը: Դըռները և պատուհանների փեղկերը պինդ փակում էին: Ներսից լսվում էին մեղա երգի ձայներ, ապա ամեն ինչ մտնում էր ~~ժամեր~~ և խորհրդավոր լուսթյան մեջ:

Ընի երեսին քամին աստղեր էր ման ածում: Փոքրիկ ալիքները նրանց քշում տանում էին կղզու ափը և ծփալով խփում քարերին:

Մալականները նորից երգում էին և աղոթում: Ինչպե՞ս էին աղոթում, դա մեծ գաղտնիք էր: Հազար ու մի բան էին պատմում այդ մասին: Ասում էին, որ կատարում են մութ և տարօրինակ արարողություններ, մինչև լուսաբաց:

Նավի վրա հրացանը ծնկներին կուշ եկած Մարգարը, որ հերթապահ էր, նայում էր լճին, աստղերին, ժայռերին և կամաց օրորվում: Աչքերը փակվում էին. ուժ էր անում շքնելու: Երբեմն մոտեցող քայլերի ձայներ էին լսվում: Գլուխը թափահարում էր, հրացանը սեղմում:

— Ո՞վ է...

Քամին ձայնը առնում տանում էր: Ոչ ոք չէր գալիս:

Ու ծանրացած նրա աչքերի տակ աստղերը մերկանում էին, երկինքը բազուկները լայն բաց էր անում, ժայռերի մեծացած ստվերները ընկնում էին նրա գիրկը և ամեն ինչ պարում, եղբայրանում էր.

Մարգարի ուժասպառ գլուխը վայր էր ընկնում կրծքի վրա:

4

Այն օրը մայրաքաղաք ժամանողները, մանավանդ նրանք, ովքեր գալիս էին Քանաքեռի կողմից, զարմացած կանգ էին առնում մի շտեմունքով տեսարանի առաջ: Բոլոր տներից քաղաքացիները շտապ դուրս էին նետվում, իրենց բաճկոնի երկրորդ թևը արագ-արագ հագնելով կամ փողկապի ծայրերը քաշելով վազում էին... Կենտրոնակա՞ն փողոցից իջնում էին դեպի քաղաքի վարի մասը:

Խառն բազմություն՝ մարդիկ, կանայք, երեխաներ:

Քաղաք նոր հասնողները, մեծ մասամբ շինականներ, մի վայրկյան մնում էին քարացած. տեր աստված, արդյոք երկրաշարժ էր, հեղափոխություն՞ էր, թե թշնամիները արշավել էին... Նախ նրանք մտածում էին ևս փախչել, ապա, չկարողանալով զսպել հետաքրքրությունը, իրենք էլ՝ հոսանքից տարված, գլխարկը երկու ձեռքով վար քաշած, բազուկները ճոճելով գլխիկոր գնում էին մյուսների հետևից:

Գնալով բաղմուքյունը շատանում էր: Կողմնակի փողոցներից նոր-
նոր մարդիկ էին գալիս: Էլ ո՞վ ասես չկար: Կանայք՝ ուսերից լունկող
շալը մեկ ձեռքով վեր էին քաշում և մյուս ձեռքով պահում լացող երե-
խաներին: Չուստերը՝ չքովաքնոող պատանիներ: Անուպատեղի կենդանու-
թյուն առած զառամյալ ծերունիներ: Բարոցատկան արդասներ, սպառցիկներ,
պաշտոնյաներ և գինվորականներ:

Շատերը վազում էին առանց իմանալու, թե ո՞ւր են գնում:

Փորձում էին հարցուփորձ անել: Իզուր սակայն: Վազողները ժամա-
նակ չունեին պատասխանելու: Ձեռքերով ինչ-որ անորոշ նշաններ էին
անում կամ խուլ մոնչում: Ամենից բարյացակամները իրենց գլուխը
չրդում էին, «նավ» գոռում և անհետանում:

Նա՞վ...

— Նա՞վ, — ինքը իրեն հարց էր տալիս շշկված նորեկը: — Երևա-
նում նա՞վ: Խալիք գժվել է:

Այդ առեղծվածից բոլորովին ցնցված և հետաքրքրությունից կա-
տաղած նա այլևս կորցնում էր մտային հավասարակշռությունը, ար-
մունկները դուրս հանում, վազողներին հրմշտկում, հրում և աշխատում
առաջ անցնել:

Հեռվից, կայարան տանող մենակյաց և փոշոտ ճանապարհին դեռ
չհասած, նա լսում էր խուլ և մոնչող աղաղակներ: Ավելի մոտենալով
նա տեսնում էր ճամփու երկու կողմերում խոնված մեծ ամբոխը, որը
անհանգիստ ալիքի նման առաջ ու ետ էր շարժվում, հուզվում, գրոփում,
հարյուրավոր ձեռքերով օդը թափահարում, ինչպես այդ պատահում է
ձիարձակարանում, վազքի վերջին վայրկյաններին:

Աչքերը սրած նայում էր: Ծամփի մոտ տնկված բարձր կաղամա-
խիների շարքերը ծածկում էին տեսարանը և նրա անձկությունը սաստ-
կանում էր: Վազում էր նոր թափով և քանի մոտենում էր, այնքան նրա
զարմանքը ավելանում էր: Նրա ճակատից քրտինքի մեծ կաթիլներ էին
վազում և աչքերը լայնանում էին: Նա տեսնում էր վեր կարկառված մի
կայմ, մի ծխնելույզ, ապա նավի քիթը:

Իսկական նավի քիթը...

Այդ վայրկյանին նրան բռնում էր վարանոտության նման մի բան.
մարմինը դռգի մեջ էք թնկնում և նա, զոչ ոչխարի նման գլխի հար-
վածներ տալով, աշխատում էր բազմության միջից ճամփա բացել և հաս-
նել առաջին շարքերին: Բազմությունը նրան հրում էր ետ, իսկ նա
համառ, կրկնապատկում էր ուժերը, և ծեծվելով, ճզմվելով, քաղվելով

վերջապես հասնում էր մի անդ. որտեղից ոտքի մատների վրա ցցվելով կարող էր ամեն ինչ տեսնել:

Նայում էր և մնում ապշած: Երկար շարքով տասնյակ խզներ՝ լծված գերաններով սարքված մի կառուցվածքի, որի վրա ցցված էր մեծ և խակական մի նավ, ահագին ճիգ էին անում առաջ գնալու համար, վախեցած ամբոխի ազդակներից և իրենց մեջքի վրա ընկնող հարվածներից:

— Հը, մոտ, մոտ,— գոռում էին ամեն կողմից: Եզները լարում էին իրենց ամբողջ ուժերը, քաշում, բայց առաջանալու տեղ ետևի ոտքերի վրա վայր էին ընկնում, ծանր գլուխները ծոում, արյունով լցված աչքերը շղում և այդպես նույն կետի վրա մնում:

Մովային նավապետի գլխարկով մի մարդ, բարձր կոշիկներ հագած և կապույտ ուռակական շապիկ, ոտից մինչև գլուխ փոշիով ծածկված, ձայնը խզված և աչքերը մտահոգ, աջ ու ձախ էր վազում, սրան նրան հրամաններ գոռում, կառուցվածքի տակ գերաններ դնել տալիս, ամբողջ մարմնով գետնի վրա փոփում, նայում, ապա վեր ցատկում, եզները քաշող գյուղացիներին ինչ-որ պատվերներ տալիս, վերադառնում. նորից փոփում գետնի վրա և ձեռքերով նշաններ անում:

Բազմութունը գնալով մեծանում էր:

Մի քանի ոստիկաններ աշխատում էին կարգապահութուն հաստատել: Անհուսալի գործ: Ճանապարհի եզրին հաստատված շարքերը անդադար խորտակվում էին, բազմութունը թափվում էր ճանապարհի վրա, մտնում եզների կանգնած տեղը, նավի առաջ պատ կազմում, վախեցնում կենդանիներին, խանգարելով նավի փոխադրության աշխատանքները:

— Ախր, չի կարելի... ախր, չի կարելի...

Ոստիկանները հրացանով հրում էին, սպառնում: Բռնիչ շեր օգնում: Հակիվ առաջին շարքերը ետ էին մղվում, հետևից ուրիշ եկողները նրանց քշում էին առաջ: Մարդկանց գրեթե հիվանդագին հետաքրքրությունը այնքան մեծ էր, որ կարգ պահպանելը գառնում էր անկարելի:

— Խփեցի, քո արև, խփեցի... Հալա-հալա-հալա...

Ո՛ւմ ես ասում...

Մարդկային մարմինների այդ կոհակները մեկը մյուսի հետևից թափվում էին, մեկը մյուսին սեղմում, ճզմում:

Սկզբում Հերյանը գոհ էր, որ նավը այդքան հետաքրքրություն է շարժում: Նեղվում էր, բայց ոչինչ չէր ասում: Սակայն, երբ աշխատանքը միանգամայն անկարելի դարձավ այդ խառնաշփոթության պատճառով, նա կանգնեց ճանապարհի մեջտեղ, թևերը խաշածեց կրծքի վրա և

հանդիմանութիւննով և տխրութեամբ լցված աչքերը ման ածեց չորս կողմը:

Այդ կեցվածքը ոչ մի ազդեցութիւն չունեցավ:

Մի քանի վայրկյան հետո նորից կանգնեց և այդ անգամ նայեց բարկացած աչքերով:

— Նու, էդպես չի կարելի,— մոմռաց նա:

Բարձրացավ նավի տակը գետեղված կառուցվածքի վրա, ձեռքերով լայն շարժումներ արեց լուռութիւն խնդրելով, ինչպես անում են ճառել ուզող քաղաքական գործիչները, և խզված ձայնով գոռաց.

— Խնդրվում է պատվական ժողովրդից մեր դժվարին և պատասխանատու գործը շիանգարել...

Ուզում էր դեռ մի քանի խոսք ավելացնել, բայց կեցցեներով և հուռուսներով լցված այնպիսի մի աղմուկ բարձրացավ, որ նա չկարողացավ շարունակել: Փոշիով ծածկած նրա բերնի ծայրերից ժպիտը և գոհունակութեան երկու գծեր վայր ընկան և նա շտապ իջնելով գլուղացիներին պատվիրեց եզներին քշել:

Եզներին քշել շկարողացան:

Ձրի թամաշայից ուրախացած ամբոխը խանգարում էր եզներին: Ավելին, գտնվեցին մարդիկ, որոնք պարտք համարեցին գործին խանդել, խորհուրդներ տալ, վիճաբանել... Գերանները լավ չէին դրված: Առաջին եզներին պետք էր ետ տանել, ետևի եզներին բերել առաջ: Ինչո՞ւ նավի տակ անիվներ չէին դնում, ինչո՞ւ էդպես, ինչո՞ւ էնպես... Մինչ քաղաքավարութեան համար լսում էին մեկին, ամբոխի միջից ուրիշներ՝ ձեռքերը բարձրացրած պնդում էին ճիշտ հակառակը: Գոռում էին, վիճում, մեկ մեկի վիրավորում և կովի բռնվում:

Այդ դադարի ժամանակ քրտինքից և փոշուց ճերմակած եզները իրենց ոտքերը լայն չուում էին, աղմուկով միզում և թավշյա աչքերը մոտակա կանաչ մարգագետնի վրա հառած մնում անշարժ: Գյուղացիները ձեռքերը ծալում էին երկար ցուպերի ծայրին և նույնպես սպասում: Ուտիկանները, քրտինքի մեջ կորած, ուժասպառ, դեսուդեն էին նայում և լուում:

Հերյանը՝ զզված, հուսահատված, ձայնը զլխին էր տալիս և բողբոմ:

— Ձէ, չի կարելի, էդպես չի կարելի... Մենք ուղղակի կուլտուրայից գորկ ժողովուրդ ենք... առաջադիմութիւնն ասված բանը չենք սիրում... Ամա՞թ է... Ասում եմ: ամա՞թ է...

Չորս ժամից ավելի աշխատեցին, բայց նավը հինգ քայլ չէր առաջացել:

Հինգ քայլ, հինգ քայլ... Մինչև Սևան հասնելու, զառիվերները բարձրանալու համար ինչքան ժամանակ էր հարկավոր, ուրեմն... Հինգ քայլ...

— Տղերք ջան, ձեզ մատաղ,— աղաչում էր Հերյանը, հուսահատությունով և կատաղությունով լցված ձայնով,— ձեր հոգուն մատաղ, հավիվ հինգ քայլ ենք արել, հինգ քայլ...

Գյուղացիները ցուպերը վեր էին բարձրացնում:

— Հո՛, հո՛, հե՛, հո՛... Մոռա...

Եղները խորհրդավոր և անուշ երազից հանկարծ արթնացած՝ գլուխը վար էին առնում, ետևի ոտքերի վրա պինդ կռթնում և ամբողջ ուժով քաշում...

Նավի տակի տախտակները խուլ ճարճատում էին: Կայմի վերի ծայրը կամաց երերում էր: Ահագին այդ ծանրությունը թվում էր... Թե պիտի շարժի:

— Քաշիր, քաշիր...

Հերյանը գետինը փռված նայում էր ճզմվող գերաններին, աչ ձեռքը բարձրացնում, նշաններ անում: Մտրակները վզզում էին օդում, գյուղացիները գոռում էին, աչ ու ձախ վազվզում, և նավը, հսկա և անտարբեր, քիչ ցնցվում էր և մնում այնտեղ, որտեղ էր:

Այդպես շարունակվեց մինչև երեկո:

Ամենքը ուժասպառ էին: Եղները և մարդիկ: Սակայն, նայեցին, զննեցին, չափեցին և ուրախացան: Նավը ավելի էր առաջացել, քան կարելի էր ենթադրել:

Ձայնը կտրված, քրտինքի մեջ կորած և հոգնած, Հերյանը, վերջին կարգադրությունները անելով, նորից ամեն ինչ դիտեց, նորից չափեց և վճռական կերպով հայտարարեց, որ այլևս կասկած չկար, նավը պիտի կարողանար տեղ հասնել:

— Ի՛նչ ասաց,— հարցրին բազմության հետևում կանգնողները:

— Ասաց, որ գործը լավ է գնում և նավը պիտի տեղ հասնի...

— Աստված տա, աստված տա...

Բազմությունը դեռ երկար ժամանակ մնաց նավի առաջ:

Երեկոն, մթնշաղը և խաղաղությունը ստվերներ փռեցին նավի շուրջը: Նավը վեր ցցվեց հեթաթային մի աշխարհից վայր իջած երազանքի նման:

Նավի շուրջը եղները պառկեցին և գյուղացիները կրակ վառեցին

կերակուր եփելու համար: Խարույկի անհանգիստ բոցերը կրկնապատկեցին այդ տեսիլքը:

Նավը մեծացավ, ծածկվեց խորհուրդներով և դրոշմվեց երևակայությունների մեջ անկարելի հրաշք բնորոշող եղելության նման:

Առօրյա կյանքի մտահոգությունները մի քանի օրով անհետացան: Մոռացվեցին անգամ անողորմ պատերազմը, սովը և անասելի թշվառությունները:

Ամենքը զբաղվեցին նավի ճակատագրով:

Եվ որովհետև ով ասում էր նավ, հասկանում էր Հերյանը, նա դարձավ օրվա կենտրոնական այն անձնավորությունը, որի մասին ամենքը խոսում էին:

Այս ժողովուրդը հոգնած՝ տարիներով տևող տառապանքներից, անմիտ և աննպատակ շարշարանքներից, ծարավ էր լույսի, ծարավ էր հույսի: Նրա ջղագրգռված երևակայության մեջ ամեն ինչ մեծանում, կրկնապատկվում, երազի և միթոսի կերպարանք էր ստանում: Մովի անաչառ ալիքների դեմ անհավասար պայքար մղող մարդու նման նա կառչում էր ամենաչնչին գերանի կտորին և փրկության նոր ճրագով լուսավորում:

Հերյանը դարձել էր օրվա հերոսը:

Հերյանը խորհրդանշան էր դրական կառուցողականության, հանդըգնության, հարատևության: Այդ հատկությունները մոտ էին ժողովրդի սրտին և բնորոշել էին նրա պատմական գոյությունը:

Նավի մասին խոսում էին ամբողջ երկրում:

Արկածախնդրության այդ լուրը տարածվել էր մի վայրից մյուսը, հարստանալով, բարդանալով, նորանոր իմաստներ հագնելով, ինչպես այդ պատահում է դուցգազնական երգերի հավաքական ստեղծագործության ժամանակ: Ամեն գավառ մի բան էր ավելացրել, ամեն գյուղ մի տող, մի մանրամասնություն, մի զարդ:

Լեռնային վայրերում լուրը փարթամացել էր և կրոնական լեզենդի բնույթ ստացել:

Պատմում էին...

— Ասում են, Երևան քաղաք է հասել մի մարդ, ուժեղ, հաղթանգամ և սուրբ հոգուց ներշնչված... Ասում են տեսիլք է ունեցել. սուրբ Կարապետը եկել կանգնել է նրա տեղաշորի մոտ և ասել. «Վեր կաց, որդի, սիրելի, գնա դեպի էն մեծ ծովը, որ կա արևի ծեփի կողմում: Որ հասնես էդ ծովի ափը, էնտեղ կա մի մեծ նավ. վերցրու էդ նավը և

դաշտերի, ձորերի, գետերի և լեռների միջով հասցրու Հայոց աշխարհի էն լիճը, որ լեռան վրա է... որտեղ ապրել են սուրբեր և ճգնավորներ... որտեղ և ճգնել է մեր լուսավորիչը... էսենց:

— Հետո երկինքը որոտացել է և սուրբ Կարապետը ասել՝ «էդ նավը թող լող տա սրբազան լճի վրա ամեն ուղղությամբ... և մարդիկ տեսնեն աստվածային ոգու ներկայությունը, նրա հաստատ կամքը հայ ժողովրդին օգնելու... որ էնքան արին է թափել Հիսուսի համար»... էսենց...

— Էդ ձենը և էդ որոտը լսելուց մարդը փովել է գետնին, երկրպագել, և ամբողջ սրտով աղոթել, հետո վեր կացել գնացել արևի ծեփի կողմի ծովը, նավը գտել ոնց որ սուրբ ոգին ասել էր, և դաշտերի, ձորերի, գետերի և լեռների միջով բերել է Հայաստան... հիմի հասել է Երևան... Բա, հրաշք չի, ի՞նչ է, քե մատաղ, ի՞նչ է...

Իսկ ավաններում և քաղաքներում ասում էին՝

— Կապիտան Հերյանը՝ ահա իսկական մի մարդ: Մեծ մի մարդ: Հազվագյուտ մարդկանցից մեկը: Հղանում է մի գաղափար և առանց տատանումի լեռ և անապատ հաղթահարելով իրագործում է այն: Հանդուգն, տոկոն, հերոսական, համեստ: Դե, մենք հայերս, առհասարակ էրպես ենք...

Թիպետ ոչ ոք ծանոթ չէր նրա կենսագրությանը, այնուամենայնիվ, հազար ու մի զրույցներ էին շրջում նրա անցյալի մասին:

Պատմում էին նրա հերոսությունները, նրա անհավատալի արկածները:

— Դե, այդ մասին, — ավելացնում էին նրանք վստահ շեշտով, — թե՛ ուուսական և թե՛ զագրանիչնի թերթերը գրեցին և ամեն մարդու հայտնի է...

Կամ, ավելի հեռուները գնալով խորհրդավոր ձայնով պատմում էին, թե նա հեռավոր ժողովրդում թափառելու ժամանակ, մի նոր, մի զարմանալի, մի շատ հարուստ կղզի էր գտել և, բնականաբար, անմիջապես մտածել էր այնտեղ գետեղել զաղթականներին, մանավանդ վանեցիկներին, բայց էդ-էդ-էդ խորամանկ և անհագ Ալբիոնը միջամտել էր՝ Հայաստանը դրոշակ չունի ասելով, և ձեռքից կղզին խլել էր... Խլել էր միայն թղթի վրա, որովհետև Հերյանը, այդպիսի անարդարության դեմ զայրացած, կղզու իսկական տեղը չէր ասել... Հիմա դրոշակ ունեք, իսկ Հերյանը գաղտնի ծրագրերն ունի կղզու մասին...

— Ադա, — առարկում էին շատերը, — չափազանցություն չիինի... — Քո արև, քեզ բան եմ ասում...

Իբրև զգայուն արարածներ, կանայք իուսում էին նրա աչքերի գույնի, նրա տեսքի մասին սիրահարված շեշտով, երզեցիկ թրթռացող ձայնով, և տղամարդիկ, թևպետ ներքնապես նախանձով լցված, չէին համարձակվում հակաճառել:

Բանը հասավ այնտեղ, որ նոր վարդապետության ծարավ երիտասարդ մտավորականները սկսեցին նրա շուրջը ընկերափոխությունական տեսություններ ստեղծել: Չգիտես որտեղից, հրապարակ նետվեց հերյանականություն: Բառը, իբրև հոմանիշ կյանքի նոր ուղու և նոր ոճի:

Նրա դիմ աուրկեցին մի քանի տարոնցիներ: Ըստ նրանց, Հերյանը եթե նույնիսկ ծնված չէր Տարոնում, անկասկած, իր բնութագրական գծերով, կեցվածքով և մտայնությունով տարոնական էր, ինչպես տարոնական էին... անցյալի և ներկայի բոլոր հայ ներկայացուցչական դեմքերը:

Այդ լսելով դարաբաղցիները զայրացան: Դա պատմական խեղաթյուրում էր: Ամենքին հայտնի էր, որ Ղարաբաղը եղել էր այն վայրը, որտեղից դուրս էին եկել ականավոր հայ դեմքեր: Մոռանում էին գրաֆ Լորիս-Մելիքովը, գեներալ Լազրևը, գեներալ Շելկովնիկովը, գեներալ Տեր-Ղուկասովը... և մոռանում էին մանավանդ, որ հարյուր ուրիշների շարքում Զարաշտը ծնվել է Ղարաբաղում և պատճառ չկար նրան հայ չհամարելու:

Բայց տեղացիները անդրդվելի կողմնակից էին հերյանականության: Նրանք ասում էին՝

— Որոշել, վճռել, իրագործել, լինել հերյանական: Թեզիս՝ գաղափարի հրամայականը, հակաթեզիս՝ իրականության դժվարությունները, համադրաթեզիս, հաղթահարում, հերյանականություն:

Այդ վիճաբանությունները շարունակվում էին մինչև ուշ գիշերը բուլվարում, հրապարակներում, տներում:

Մարքսիստները լսում էին, ծիծաղում:

Ինքը, օրվա հերոսը, այդ իրադարձություններին անտեղյակ էր:

Կլանված իր աշխատանքներով, իր մտահոգություններով, առավոտ կանուխ, քաղաքի վերի մասից նա իջնում էր վար, մտազբաղ, հոնքերը կիտած, ճակատը ծանր, գլուխը վար առած և քայլերը վստահ: Շտապում էր և մամտում:

Նրան բարևում էին հարգանքով:

Նավը և ինքը դարձել էին ընդհանուր մտազբաղումների առարկա: Շատ շուտ, լուսաբացի մոտ, արդեն մարդիկ էին հավաքվում աշխատակները դիտելու համար: Մոռակա գյուղերից շուկա եկած չինականները, խուժանի տղաները, բանվորները, արհեստավորները, գործի սկսելուց առաջ նախ վազում էին նավը տեսնելու:

Նրանք, որ չէին կարողանում գնալ և իրենց աչքով տեսնել, անց-
նող գնացողին հարցուփորձ էին անում:

— Ներողություն, բարեկամ, էն բանը ինչքա՞ն է առաջացել...

— Վատ չի, մի քսան արշին:

— Ինչքա՞ն,— հարց էին տալիս տան ներսում գտնվողները:

— Ասում են քսան արշին... էրեկվանից ավելի...

Կանայք այդ լսում էին և ավելի եռանդով փշում ինքնաեռի կրակի վրա: Տղամարդիկ մատիտը ձեռքին հաշիվ էին անում և մտահոգվում: Լավ կլիներ, եթե եղների թիվը ավելացնեին: Ասենք եթե օրը հարյուր արշին առաջ քշի...

— Փառանձեմ, ի՞նչ ես կարծում, մեյդանից մինչև ոռուսաց դպրոցը
բանի՞ արշին է...

— Ես ի՞նչ իմանամ, շեմ չափել...

Նավի մասին, ինչպես ամեն բանի մասին Հայաստանում երգ էին
կապել: Ամենքը գիտեին այդ երգը, մինչև իսկ հեռավոր վայրերում:

*Եկե՛ք, տեսե՛ք ինչ մազալու բան է եկել,
Շոգեկառքից մի իսկական նավ է իջել,
Երևանի փողոցներում ման է գալիս,
Խալխը նայում, զարմանում է, ծափ է տալիս...*

Երեկոները, երբ Արարատի կողմից զով քամի էր փշում, և շոգից
ու մծեղներից հոգնած բազմությունը կենտրոնական փողոցի երկայնքին
քայլում, գլխավոր խոսակցությունների առարկան միշտ նալն էր:

Ընդհանրապես լավատես էին և ոգևորված: Սակայն, ճշմարտու-
թյան դեմ շմեղանչելու համար պետք է ավելացնել, որ քննադատու-
թյուններ էլ չէին պակասում:

Խուլ, ծածկված:

Կային այնպիսիներ, որոնք նավի մասին լսելուց իրենց ուսերը վեր
էին առնում, քթի տակ մոմոում, փսփսում, բերանը քմծիծաղով ծռում:

Այդ քննադատների մեծ մասը ինժեներներ էին, թավշյա ժապա-
վենի վրա ոսկեզօծ մուրճ և բահ կրող կարտուզներով, կամ ցելլուլոիդե
օձիքներով և ճռճոացող կոշիկներով հին մարդիկ: Նրանք ծխախոտից
դեղնած երկու մատներով քաշում ու ոյորում էին իրենց ճերմակած բե-
ղերը, կրծոտում էին վարի շրթունքը, աչքերը կես խփում ու լեղի խոսքեր
ասում:

Ինչո՞ւ համար կառավարությունը, այդպիսի գործի ընթացք տալուց
առաջ, չէր դիմել իրենց, չէր հարցրել իրենց կարծիքը:

— Գիտական և տեխնիկական միջոցները թողած՝ դուզարի և տավարին են դիմել և... եթե այդ տգետները կարծում են, որ նավը երբևէ Սևան կհասնի, շարաշար սխալվում են: Սևա՞ն... Ախ, պաժալտա, թողեք որ ծիծաղեմ...

Խոսում էին թունավոր ծիծաղով, մեջքի վրա բռնած գավազանը անհանգիստ ճոճելով:

Շատերը նրանց հետ անմիջապես համաձայնվում էին: Առանց պատճառի: Հաճախ, հայր հայի հաջողությունից տառապում է:

Այդ ժամերին Հերյանը բոլորովին հոգնած, սպառած պտկում էր իր զինվորական մահճակալի վրա, պատուհանը լայն բաց արած, դեմքը քրտինքով ծածկված, գլուխը երազներով և հաշիվներով լցված, ճակատը մծեղներից կերված:

Երբ նրան հաջողվում էր քնել, սաստիկ խոնկում էր: Երբեմն էլ զառանցում էր և բարձր աղաղակում: Երիտասարդ սպայի շիկավարս գեղեցիկ կինը, որի տանը նա սենյակ էր վարձել, վախենում էր, կպչում ամուսնուն:

— Ահ, պարոն Հերյան,— ասում էր նա առավոտները թեյի ժամանակ,— էս գիշեր դուք ինձ նորից վախեցրիք...

— Ես ձեզ վախեցրի՞...

— Բա... Գիշերը խոսում եք, խենթի նման գոռում, անհասկանալի բաներ ասում, կարծես թշնամիների հետ կովում եք... Ի՞նչ իմանամ...

Նա այդ ասում էր քաղցր, երեխայական ժպիտը երեսին: Գլուխը մի քիչ ծռում էր, աչքերը փայլվում էին և անուշանում: Քնքուշ և սարսուղուն էակ էր, որը մեղմ հանգստություն էր տարածում շուրջը:

— Իմ արև, տիկին Վարդուհի, դուք ձեր երևակայության զոհն եք... Հերյանը սիրում էր նրա հետ կատակել:

— Ե՛ս... զառանցե՞լ... Դուք պարզապես գիշերը երազ եք տեսնում և կարծում... Եվ գիտե՞ք... պատմությունը լուրջ հանգամանք է ստանում... Մտածում եմ, արդյոք լավ չէ՞ր լինի... մասնագետի կարիք չկա՞...

— Սուտ բաներ... Ինչպե՞ս կարող եմ երազել, եթե... քնած չեմ... երազելու համար պետք է քնել...

— Ո՞վ ասաց, որ պետք է քնել... Հարցը հենց դրանումն է... կան կլինիկական դեպքեր... հիվանդը բոլորովին արթուն վիճակում սկսում է զարմանազան բաներ տեսնել... Նավի վրա, օրինակ, մի նավազ ունեի...

Եվ Հերյանը շատ լուրջ կերպով սկսում էր հնարովի վախեցուցիչ պատմություններ պատմել:

Տիկին Վարդուհու աչքերը լայնանում էին: Սկսում էր հավատալ Հերյանի ասածներին և կասկածել իր առողջության վրա: Այդ վայրկյաններին, ամուսինը միջամտում էր, կնոջ վարսերը շոյում, հանգստացնում:

— Չես տեսնում, որ կատակում է... Սպասիր, բալիկս, մենք նրան մի լավ կպատժենք...

Հեծյալ հարյուրյակի գլխապետ Բարկեն Միրանյանը սելուկ, գանգ-րագեղ, տաք, քիչ դանդաղ, բայց պարզ, բնագոյաին, ոգևորվող մի երիտասարդ էր: Միրում էր կնոջը, երաժշտությունը, լավ ուտելը և իր հարյուրյակը: Միրում էր նաև Նապոլեոնին, որի մասին խոսում էր առանձին հաճույքով և երկար: Սենյակի պատերը լցված էին հռչակավոր կայսեր պատկերներով, «Բոնապարտը Եզիպտոսում», «Կոնսուլը սենատի առաջ», «Կայսեր թագադրության արարողությունը Նոտրդամում», «Նապոլեոնը ստորագրում է իր հրամարականը Ֆոնտենբլոյում» և շատ ուրիշներ: Իբրև բացառություն, կախված էր նաև Բեթհովենի կավե դիմակը:

Միրանյանը հպարտ էր իր համազգեստով, իր դիմվորական մարտական տեսքով, իր կեռ, արծաթե բարակ թելերով նուրբ հյուսվածքների կրող Դաղստանի թրով և իր կեցվածքի այն ինքնուրույն ոճով, որը զերազանցապես կովկասյան էր:

Վայելուչ, ճկուն, կտրիճ:

Նա զախս էր նավթահորերի նախկին սեփականատեր հարուստ ընտանիքից: Նուրբ դաստիարակություն էր ստացել, լեզուներ սովորել: Միրում և հասկանում էր դասական երաժշտությունը: Պաշտում էր ընտիր ցեղի ձիերին: Գլուխը ածիլում էր լազի նման: Նրա պարելը ամենքի հիացմունքի առարկան էր:

Հերյանը սիրում էր նրան: Թեև միշտ չէ որ համաձայնվում էր նրա հետ, նրա պատմվածքներից շատերը համարում էր վառ երևակայության արդյունք: Սակայն, իբրև ավելի տարիքավոր, նրա հանդեպ հաշրական ձևեր էր ընդունում, կծու, ներողամիտ և բարյացակամ:

Երբ տրամադրությունը բարձր էր, և ուզում էր ցրվել՝ սկսում էր Միրանյանին զրգռել:

— Ախր, սիրելի Միրանյան, — ասում էր նա, բազկաթոռի մեջ խորասուզվելով և ցուցամատը վեր բարձրացնելով, — հավատո՞ւմ եք, որ ձեր Նապոլեոնը այնքան էլ կատարյալ էր... Տեսեք, ինչպես է նրան ներկայացնում Տոլստոյը «Պատերազմ և խաղաղություն» վեպում...

— Տուտտոյը, շնայած որ մեծ գրագետ է, Նապոլեոնին չի հասկացել կամ չի ուզեցել հասկանալ,— անվրդով պատասխանում էր երիտասարդ սպան:

— Ինչեր եք ասում, սիրելի բարեկամ, ինչեր եք ասում... Պատմութունը պատմութուն է, մարդը եկավ Կուտուզովից ծեծ կերպով, փախավ...

Միրանյանը անմիջապես տաքանում էր. և, վառված աչքերը Հերյանի վրա հռեւելով, նախ հայտարարում էր, որ ծովի մարդիկ զինվորական զործերից բան չեն հասկանում, ապա վազում էր սենյակը, սպայակույտի մի մեծ քարտեզ բերում, փռում սեղանի վրա, մատով գծեր քաշում և խոսում... ռազմագիտութուն, հարձակում, պաշտպանութուն, մանկր և... չէր ուզում ընդունել իր հերոսի պարտութունը:

— Դա խեղաթյուրում է, առնչազն շափաղանցում,— առարկում էր զվարճացած Հերյանը:

Բայց Միրանյանը նույնպես գիտեր Հերյանի թույլ կողմը և մեկ-մեկ խաղում էր նրա հոգու հետ, իր իսկ հորինած հնարովի պատմութուններով:

— Պատկերացրեք,— ասում էր նա,— պատկերացրեք, եթե Մոսկվայի այդ հրդեհը չլիներ, եթե Նապոլեոնը հաջողեր... Արևելքի, և մասնավորապես Հայաստանի, ճակատագիրը կլիներ տարբեր... Տուժողը եղանք մենք...

— Հայաստանը,— հարց էր տալիս Հերյանը զարմացած և հետաքրքրված,— այ՛ք քեզ նորութուն, էդ չէի իմացել...

— Բա... Կայսրը իջել էր Արևելք մեծ ծրագիրներով: Նա ուզում էր այս երկրները վերակազմել, նոր կյանքի կոչել, ազատագրել: Նրա բանակում բավականին թվով հայ սպաներ կային. դրանք Վենետիկը գրավելուց հետո այնտեղի հայ վանքը ազատեցին, և շատերը պնդում են, որ մարշալ Մյուրադը Միհրան Մուրադյան անունով մի դարաբաղցի էր... Ուստի հայերի մասին տեղեկութուն ունեւր... և եթե ռուսներին հաղթեր, անպատճառ կիջներ Կովկաս և կիրագործեր այն, ինչ Մեծ Կատերինան խոստացել էր և չէր իրագործել: Պատկերացնում եք... Եթե Հայաստանը այն ժամանակ անկախութուն ստանար, այժմ մեծ պետութուն էր...

Հերյանը մնում էր սառած:

— Ա՛յ, տղա,— ասում էր Հերյանը հուզվելով,— այդ ամենը ճի՞շտ է, թե ինչպես... Զարմանալի է, այդ մասին իսկի չէի իմացել... ինչպե՞ս սասցիք...

Միրանյանը ձեռքերը դնում էր մեջքի վրա, անկյունից անկյուն երթնեկում և դասախոսում: Նկարագրում էր ճակատամարտեր, կոիվներ,

հաղթութուններու, Հեռավից լսում էր փողերի և թմբուկների ձայներու: Մեծ բանակը պատռտված և փառավոր դրոշակներով անցնում էր Կովկասյան լեռներից, մտնում Հայաստանի սահմաններից ներս, քայլում Արարատյան դաշտում, առաջանում դեպի Վան, Մուշ...

Կեսգիշերին Հերյանը հանկարծ վեր էր թռնում...

— Տո, ուշ է, վաղը առավոտ ժամը հինգին պիտի վեր կենում...

— Ես էլ շուտ վեր պիտի կենամ, մարդանքներ ունեմ...

— Ուրեմն, գիշեր բարի...

Եվ հորանջելով բաժանվում էին:

Առավոտ շատ շուտ նավի տեղափոխության աշխատանքները վերսկսվում էին:

Գյուղացիները իրենց երկար ճիպտաներով հարվածում էին եզներին և գոռում, կանչում: Առավոտյան զովը անհետանում էր լեռների ետև և նրա տեղը բռնում էին կիզիչ արևը, այրող ու խեղդող տոթը, փոշին:

Մարդիկ և եզները ահագին ճիգ էին անում, և «Ալբատրոսը» ծանրածանր, ահագին, անվրդով՝ տեղից մի քիչ վեր էր ցատկում և գերանները ճզմելով մի քանի սանտիմետր առաջանում:

Նավը այլևս դրսից եկած, ապշեցուցիչ օտարական չէր:

Նա մասնակցում էր քաղաքի ամենօրյա կյանքին: Նա դարձել էր դաշտանկարի անբաժանելի մի մասը: Մոտակա կաղամախիների հետ միասին, նրա կայմը լուսավորվում էր լեռների ներկայությունից և գունավորվում ծառերի թրթռացող կանաչներով:

Թռչունները խաբվում էին, նստում էին նրա կատարին, երգում:

Սակայն պետք էր շտապել: Ամառը հավիտենական չէր, աշունը մոտենում էր և գյուղացիները արդեն անհամբեր աչքերը հառում էին դաշտերի վրա, մտազբաղ նայում և գյուղ վերադառնալու մասին խոսում:

Պատահել էր նաև մի դժբախտ դեպք: Մի երկու օր առաջ, անասուններից մեկը վայր էր ընկել և այդպես մնացել: Նրան ոտքի հանելու բոլոր հնարքները մնացել էին ապարդյուն: Մեծ, ուռած, դժբախտ, նա պառկել էր կողքի վրա և մեկ սրունքը թրթռացրել: Սարսափի մատնված գյուղացիները թրջած լաթեր էին դրել նրա գլխին, պնդացած և մեծացած փորը մասամբ ենթարկել, բայց ոչինչ չէր օգնել: Անասունը, բերանը լորձուներով ծածկված, աչքերը ապակիացած, ախանջները պինդ սեղմած սատկել էր:

Գյուղացիները տակնուվրա էին եղել: Սկսել էին բողոքել, հայհոյել, փափախները զայրույթով գետինը գցել և նավ ու նավապետ ջա-

հաննամը զրկելով պահանջել էին, որ վնասները անմիջապես վճարեն, իրենց վարձքը տան և թողնեն, որ տուն գնան:

Գույնը նետած, պերճախոս Հերյանը ժամերով վիճել էր նրանց հետ և փորձել նրանց համոզել, որ աշխատանքները դեռ միաժամանակ շարունակեն:

Աշխատանքները շարունակել էին, բայց ոչ առաջվա թափով: Գյուղացիների ուշքը միտքը ուրիշ տեղ էր:

Ջնայած դրան, կայսրանի բավականին երկար փողոցը անցել էին և մոտեցել քաղաքին:

— Հարցը նրանում է,— ասել էր Հերյանը մտահոգ աչքերով զատիվերին նայելով,— որ հիմա պետք է բարձրանալ... Կբարձրանանք, կբարձրանանք,— ավելացրել էր նա վստահ և միանգամայն համոզված շեշտով:

Այդ կարծիքին շէին ծեր ինժեներները:

5

Արարատյան դաշտում քամի բարձրացավ: Նա եկավ Գեղամա լեռների շղթայի հետևից, ուժգին և անսպասելի: Մտավ դաշտ, գոռաց: աղմկեց, լայն և խենթացած բազուկները ջաղացի նման պտույտ ածեց, զրնգացող կուրծքը զարկեց ժայռերին, ոտքերը խփեց հողերին, հառաչեց:

Այդ տևեց ամբողջ գիշերը:

Առավոտյան դեմ քամին մեկնեց, և լեռները լվացված պայծառացան:

Ամառվա հուրը մարվեց... Սկսվեց աշունը:

Ով չի տեսել Արարատյան դաշտի աշունը, ոչինչ չի տեսել:

Նա գալիս է դանդաղ, խոհուն և կարմիր քայլերով: Լեռների կատարից իջած թևթև դովը իջնում է ամառվա թողած ճերմակ հրդեհների վրա, մաղում է օդը, ալքիմիկոսի իր աշխատանոցում թանկագին և զարմանալի մետաղների բաղադրություններ ձուլում, հողերի վրա լույսեր ման ածում. ծառերի մեջ մոմեր վառում և հորինում է դեղին և մեծդի այնպիսի նվազներ, որոնց մասին կարելի չէ պատմել, որովհետև նրանք գալիս են կյանքի և մահվան սահմաններից հեռու անհայտ վայրերից:

Երկբազնդի ուրիշ վայրերում աշունը օրհասական ամառվա վերջին և անուժ ցնցումն է, հուսալքված մեկնում և հեկեկող տերևաթափ: Հա-

յաստանում, ընդհանրապես, նա ընդհանուր և լուսավոր այլափոխութեան երկար արձրողութիւնն է:

Ով չի տեսել Արարատյան դաշտը աշնանը, չի կարող երեւակայել ինչպիսի խոր հոգեկանութեան, ինչպիսի վերացման, ինչպիսի ներում խաղաղութեան կարող է հրավիրել բնութիւնը:

Ձյունագագաթ լեռները գրկող ոսկյա վարսերով, սարսուռն, համատարած անդորրութիւն: Դեղին բոցերով այրվող կաղամախիների շարքեր: Մանրացած մրգաստաններ, պսպղուն պարտեզներ, պղինձների հետ հավված հորիզոն և խորացած, ճառագայթող, հստակ երկինք:

Ամեն ինչ խորասուղվում է, մտածում, բոցկլտում:

Այս տարի աշունը հասած ողկույզի նման ծանրացած էր մտահոգութիւններով:

Լեռան կողերին ապրող մարդիկ, որոնք զուսպ, դանդաղ, իշխանանման մարդիկ են, ժայռերի կատարին կանգնած նայում էին վարդեպի դաշտը և մտածում:

— Տեսնանք... Աշունը եկել է, ամեն կողմ ման է գալիս, իսկ վարի մարդիկը նոր են լծվել աշխատանքի... Քիչ բան չէ, բաղբը քաղել, հողերը վարել, ցանել... Հարցը նրանում է, որ թշնամին հանգիստ չի թողնում...

— Ամեն կողմ կոխվ է...

Նրանք մեծացած աչքերով նայում էին լեռներին, նայում էին դաշտին, նայում էին աշնանը:

Ոչխարները մայում էին: Շները վազում էին մացառների հետ խաղացող քամու հետևից և խաբված հաշում:

Դաշտում սկսել էին աշխատել:

Շտապ-շտապ վարուցանք էին անում: Եզների ոտքերը մխրձվում էին թարմ բացված ակոսների մեջ: Արորը սեղմելով շինականները գոռում կանչում էին:

— Հոռա, հո, հոռա...

Հայաստանի հողը կարծր էր, բայց բարի:

— Հոռա...

Արորը մխրձվում էր, զրնգում, տնքում, հերկում: Եզների ոտքերը շփոթվում էին և ճիգը կրկնապատկում: Մերերը, որոնք փոխարինում էին ճակատ մեկնած երիտասարդներին, անհամբեր էին, համառ:

— Հոռա... շուտ, ձեզ մատաղ, շուտ...

Շտապում էին նաև բաղերում:

Բաղերը լցվել էին կանանց ձայներով: Ամեն անգամ, որ հոհոում էին, ճյուղերի վրայից դող էր անցնում: Իսկ ճյուղերը ծանրաբեռնված էին մեծ, հյութեղ, արևի բյուրեղի արյուն ամբարած ողկույզներով:

Խաղողը Հայաստանի երգն էր:

Անուշ, փարթամ, հարբեցուցիչ: Սարսուռն աղջիկների կրծքերի նման: Հմայիչ լուսնի լույսի տակ փայլվող բուփ աչքերի նման:

Ուրիշ տարիներ աչգիները դղրդում էին նվազի և երգի ձայներով: Գհուլ-գուռնայի բարձր գոռոցը հնչում էր մինչև լուսաբաց: Մարդիկ և կանայք պար էին բռնում: Բացված կարասներից գինի էին խմում շերեփով և ինքը, լեռների հետնից եկած Դիոնիսիոսը, սրտերից հույզ էր քաղում և ծառերի թևթև խարշափով ծիծաղում:

Այս տարի զամբյուղները գլխին դրած կանայք շտապում էին: Խաղողների կույտերը բարձրանում էին, իսկ ճզզան կոխող մարդիկ չկային: Սայլեր չկային, եղևեր չկային:

Այդ սպառնալից էլ Հերյանի գյուղացիները տակնուվրա էին եղել:

— Քո արև, շենք կարա,— պնդում էր նրանցից մեկը հուզված ձայնով, երեսը կարմրած, աչքերը դուրս ընկած:— Ասում ենք շենք կարա, շենք կարա... Ծա-եա-եա-եա... Ախպեր, մեր ի՞նչ գործն է եկել ընկել ենք... Հողերը մնացել են երեսի վրա... Գեղից մարդ է եկել, եզներին ուզում են տանել...

Ուրիշ երկու գյուղացիներ սուպ կանգնած գլուխը վար սպասում էին:

Կարտուզը գլխի կատարին, Հերյանը համբերությամբ լսում էր և աշխատում հանգիստ ձևանալ:

— Այդպես է,— պատասխանում էր նա մեղմ ձայնով,— հասկանում եմ... Բայց մարդու նման խոսենք, տրամաբանենք... կտեսնենք, որ բանը այդպես ասած...

— Էստեղ բան ման չկա,— կտրում էր նրա խոսքը համառ շինականը,— մենք շենք կարա...

— Սպասիր, է, սպասիր... Ասում եմ, եթե էս զահրումարը մինչև էս տեղ հասցրիք, կարող եք քիչ էլ վեր տանել և էստեղ...

— Վա՛յ, վա՛յ, վա՛յ,— անհամբերանում էր մյուսը փափախը գլխից քաշելով և օդում շարժելով:— Ես քեզ ասում եմ հալ քրիստոնյայի նման... Գեղից ջահելներին տարել են, կինամարդ և լակոտ է մնացել և... և...

Բերանը փրփրում էր և հուզումից չէր կարողանում շարունակել: Հերյանը հուսալքվել էր:

— Հիմա ես ի՞նչ անեմ... կրակ տամ այրե՞մ...

— Երկաթ է, չի այրվի...

Լուսծ սպասում էին: Հառաչում էին:

Հանկարծ խեղճացած և վհատ Հերյանը նայում էր սրա նրա երե-
սին և քիչ էր մնում լաց լինելու:

— Դուք ասացեք, ձեզ մատաղ, դուք ասացեք... դա էլ խի՞ղճ է,
մարդկութիւնը՞ն է: Ախր, վերը աստված կա, չէ՞... էնքան աշխատան-
քից, էսքան շարշարանքից հեռու-թողնել, հեռանալ... Մարդ եք, չէ՞...
սիրտ ունեք, չէ՞...

Գյուղացիները ճակատը վար կախած լուռ էին... աշունը եկել
կոխել է աշխարհը և հողը կանչում է, բաղը կանչում է...

Մոտակա կաղամախիները ոսկե տերևներով կամաց խարշափում
էին:

Աշունը դեմքերի վրա գունաթափվում էր:

— Ուրեմն ի՞նչ անենք...

— Եթե մենք չենք կարա՝ ուրիշներ կան... Ասենք հենց Մարգարա
գեղում վարուցանքը վերջանալու մոտ է... Գնալ խոսելու է... ո՞վ է
իմանում...

— Մարգարա...

Հերյանի աչքերը սկսել էին արթնանալ:

— Ինչպե՞ս չէ,— պնդում էին գյուղացիները ուրախացած,— տա-
վար շատ... Եթե գնաս խոսես, բան հասկացնես...

Այլևս ավելորդ էր վիճաբանութիւնը շարունակել:

— Պետք է գնալ, ահագին ժամանակ կորցնել...

— Դե ի՞նչ արած...

Հերյանը մնացել էր անորոշ: Նայում էր ծառերին, նայում էր եր-
կընքին և տխրում...

— Մի հարց էլ...

— Հարցրու...

— Ասենք մի ամսից երբ ձեր աշխատանքները ավարտվեն, խոսք
կտա՞ք... կվերադառնա՞ք:

— Ինչի՞ խոսք շտանք... Եթե ողջ լինենք...

— Եթե այդպես է...

Երկարել էր իր ձեռքը:

— Ավել պակասը կներես: Ասծով... աշխարհ է, ամեն ինչ պա-
տահում է... Դժվար է, վատ ժամանակներ են...

Գյուղացիների մեկնելուց հետո Հերյանը թևերը ծալել էր կրծքի վրա և խորասուզվել մտածումների մեջ:

Ահավաստիկ նորից մենակ էին մնացել ինքը և նավը:

Քաղաքի փողոցի ծայրին: Շվարած, հուսահատված:

Ռիմը, որ ամեն բան հասկանում էր, պոչը շարժելով գլուխը քսում էր նրա ոտքերին: Ապա վազում էր վայր ընկնող տերեւների հետևից. խաղում նրանց հետ և նորից վերադառնում:

Իսկ Հերյանը փայտացած կանգնել էր:

— Այ քեզ երկիր,— մտածում էր նա,— այ քեզ երկիր... Հիմա պետք է գնալ, աղաչել գյուղացիներին, որ եզներ տան... Պետք է տքնել, մաքառել ամենաշնչին բանների համար... Այ քեզ Հայաստան...

Սակայն ո՞վ պիտի հսկի նավի վրա, ո՞վ պիտի պաշտպանի նրան խուժանի տղաներից, անսիրտ այդ վանդալներից:

Ամբողջ օրը նավի շուրջը ման էր եկել և հուզվել:

— Ձեր անունը ի՞նչ է,— հարցրեց Հերյանը:

Ջարմացած և քիչ էլ վախեցած երեք տղաները մի քանի քայլ ետ քաշվեցին, մեկ մեկի երեսին նայեցին և ոչինչ չպատասխանեցին:

Հերյանը ծիծաղեց.

— Ի՞նչ է, չե՞ք ուզում ասել...

— Իմ անունը Մարտին է,— ասաց երկայնահասակ, նիհար, դեղնած երեսով տղաներից մեկը:— Սրա անունը Աշոտ է, նրա անունը՝ Շահեն,— ալիլացրեց նա ցույց տալով ընկերներին:

Հերյանը ուշադրությամբ նայեց նրանց և ժպտաց:

— Դուք ինձ ճանաչո՞ւմ եք:

— Ճանաչում ենք,— պատասխանեց նույն տղան,— նավի մարդն եք... ձեզ ամենքը ճանաչում են...

— Ձէ, նավից առաջ, նավից առաջ... Հիշո՞ւմ եք, մի գիշեր դուք հարձակվեցիք իմ վրա...

Տղաները, բոլորովին վախեցած, աչ ու ձախ նայեցին և պատրաստվում էին փախչել, բայց Հերյանը նրանց հանգստացրեց:

— Սպասեք, դրա համար չեմ եկել...

Տղաները դողացող ձայնով սկսեցին ստել:

— Աստված վկա, մենք չէինք, Հայկազ ասված տղան էր, նա մեզ ստիպեց... Աստված վկա...

— Ոչինչ, ոչինչ,— ասաց Հերյանը բարեկամական շեշտով,— ես եկել եմ ձեզ մոտ շատ կարևոր գործով... գիտեմ, դուք քաջ, պատվավոր

տղաներ եք, ձեր խոսքին տեր, տղամարդ, իսկական հայեր... Հայկազն
ս'ըր է...

— Չենք իմանում: Առաջ փողոցում ծխախոտ էր վաճառում, հիմա
գնացել է Ռուսաստան...

— Ասում են, գնացել է կոմունիստների մոտ,— ավելացրեց Աշոտ
կոշվող, սևուկ, ցնցոտիներով ծածկված, ոտաբորիկ, դողողացող
տղան:

— Հավ, ահա բանը ինչումն է...

Բացատրեց նպատակը:

Պիտի գնար գյուղերը: Նավը պիտի մնար փողոցում և կարող էր
վտանգների ենթարկվել: Անշուշտ գիտակից մարդիկ շպիտի ուզեին
վնաս հասցնել, բայց փողոցի տղաները, խուժան լակոտները ամեն ինչ
փշրում, կտորում են, առանց հասկանալու, թե ինչ են անում: Եվ ահա
ուլում է նավի հսկողութունը հանձնել այդ տղաներին:

Շոյեց նրանց ինքնասիրութունը, խոսեց նավի կարևորության մա-
սին երկրի շինարարության գործում, խոսեց այն մեծ գերի մասին, որ
խլենք կարող էին խաղալ: Ինքը ամեն բանով պիտի օգներ նրանց, հացի
փող տար, հագուստ ճարեր և վաղը, երբ նավը տեղ հասնե՞ր՝ պիտի գործ
տար և մարդ դարձնե՞ր նրանց:

— Այդպես թափառելով, մուրալով, գողութուն անելով, պատերի
տակ քնելով չի կարելի... Սա լավ առիթ է մարդավայել կյանք սկսելու...
Ես ձեզ համար հայր կլինեմ, և դուք էլ անպաշտպան որբ չեք լինի,
այլ պարտաճանաչ, ազնիվ տղաներ...

Լսում էին զարմացած և թերահավատ:

Իրենց գլուխը վար կախած, աչքերը պլզած, լուռ:

Մինչ Հերյանը խոսում էր, ուրիշ խուժան տղաներ էլ բռնորվել էին
նրա շուրջը: Մարտինը բարկացած նայեց նրանց, և նրանք անմիջապես
հեռացան:

— Ո՞վ է ձեր պարագլուխը,— հարցրեց Հերյանը:

— Մարտինը,— պատուսխանեցին նրանք միաձայն:

— Այդ լավ է: Ուրեմն, Մարտին ջան, հիմա հասկացար հարցը
ինչումն է... պետք է որոշում կայացնել: Ազնիվ կերպով՝ կամ հա կամ
չէ...

— Ուրախությամբ, աղա ջան...

— Աղա մաղա չկա... պարզապես պարոն Հերյան...

— Արխային եղբք,— ասաց Մարտինը վստահ շեշտով:— Մինք
ամեն ինչ կանենք...

— Երգվո՞ւմ եք:

— Երգվում ենք,— պատասխանեցին ամենքը միասին բղավելով
և ուրախ:

— Այսօր հաց կերե՞լ եք:

— Չենք կերել:

— Դե, գնանք, մի բան ուտենք միասին:

Այդ նույն գիշեր, ժամը երկուսի մոտերը, Հերյանը կամաց ելել էր անկողնից, հագնվել և դուրս եկել փողոց: Ուշքը միտքը նավի մոտ էր, ուզում էր սեփական աչքերով տեսնել, թե նոր բարեկամները ինչպես են հսկում «Ալբատրոսի» վրա:

Տղաների հետ պայմանավորվելուց հետո նա վերադարձել էր տուն և ամեն ինչ պատմել Միրանյանին: Միրանյանը ծիծաղել էր նրա վրա:

— Միամիտ մարդ եք եղել... ես չեմ իմացել,— բացականչել էր նա:— Ձեր հոժար կամքով նավը հանձնել եք գալլերին: Տո, մարդաստված, գաղափար ունե՞ք, թե ինչ են խուժան տղաները, չսկ նրանց խոսքին կարելի՞ է հավատալ: Իմացեք, եղած շեղածը կքանդեն, կտանեն և ձեր նավից միայն հիշատակ կմնա...

Հազար ու մի օրինակներ էր բերել և ինչպես միշտ տաք վիճարանություն էր տեղի ունեցել:

Հերյանը այդքան հոռետես չէր: Եթե մարդ—պնդում էր նա— հավատով և սիրով մոտենա ամենասարսափելի ավազակին անգամ, կարող է նրա մեջ արթնացնել այն հոգեկան լույսը, որից ոչ մի էություն զրկված չէ:

— Մոթած քրիստոնեություն...

— Օրինակներ կան, չէ՞... Նեպոլը գրավելու ժամանակ Գարիբալդին քաղաքի կարգ ու կանոնի պաշտպանությունը հանձնել էր տեղացի ավազակներին և արդյունքը եղել էր կատարյալ...

Հետո, բնականաբար, որբերից անցել էին Նապոլեոնին: Հերյանը հոգնած մտել էր սենյակը և անհանգստացել:

— Գուցե Միրանյանը իրավունք ունի...

Հիմա, ահա գնում էր կասկածանքները փարատելու համար:

Ինչպես միշտ, ամալի քաղաքը լցված էր հրացանաձգության ձայներով: Փողոցներում ոչ ոք չկար:

Տները փակ էին, խոնարհ, միայնացած: Նրանք նման էին ժամանակավոր հանգստության հանձնված նավերի, որոնք նախազգում են հորիզոնի հտև կուտակվող անխուսափելի վտանգները:

Վայր իջած երկինքը, որ անհամար աստղերով կայծկլտում էր, ավելի էր շեշտում անվերջանալի ծովացման այդ զգացումը:

Մովացում, որ գնում անցնում է իրերի շրջագծերը, իրականությունը դիպվածականի վերածում, մեծ շնչով լվանում ներկած և երգեհոնի հիմնական ձայների նման բարձրանում և թևերի վրա է առնում կյանքի անսահմանացած էականը:

Հերյանը քայլում էր այդ տարօրինակ անիրականություն մեջ:

Նա լավ չէր ըմբռնում թե ինչ է: Քայլում էր, ինչպես կույրը քայլում է իր մեռած բիբերի վրա ծանրացած անսահմանություն մեջ: Գիտե՞ր միայն — և այդ արդյունքն էր նախկին փորձառությունների — որ այստեղ, ահա այդ միջավայրում կյանքի շափը տարբեր էր, ուրիշ:

Ուրիշ էր հոգեկան երկրաչափականը:

Եթե նայես բնական, ֆիզիկական աչքերով, քո առաջ կցցվի սարսափով ուռած մի տեսարան: Անասելի թշվառություն, ընդհանուր փլուզում, վտանգ, պալքար, անմարդկային պայմաններ: Իսկ եթե քաշվես ետ և ներքին նայվածքով ընդգրկես այն ամբողջականը, որի մեջ միացած են փողոցը և աստղերը, տները և երկինքը, մարդկային թշվառությունը և լեռների վեհությունը և այն լուծած ձայները, որոնք անբաժանելի միություն են կազմում քո մեջ և ամեն բանի մեջ, իրականությունը կայլափոխվի, և դու կքայլես վերացած և անսահմանացած:

Նա գնում էր և նրա ոտնաքայլերը խուլ հնչում էին քարերի վրա: Իսկ նրան թվում էր, որ իր քայլերը գալիս են հեռվից, որ նրանց ձայնը գուրս է գալիս խոր և անմատչելի վայրերից, որ սահմանները ջնջվել են և իր անձը և իր մտածումները անբաժանելի մասն են մի անշափույթյան, որ նույնպես լցված է շարժումներով, դեպքերով, իրողություններով:

Ի՞նչ էր այդ...

Ճիգ էր անում այդ զգացումը հաղթահարելու:

Սկսել էր թթի տակ երգել:— Ախ, յարլուկա, կուդա կա-ա-տիշ-սեա»¹... Ուզում էր այդ անսահմանությունից ազատվել:

Քիչ ցուրտ էր: Օձիքը վեր էր բարձրացրել և քայլում էր բազուկները ճոճելով:

— Ախ, յարլուկա...

¹ «Ախ, խե՛ղճը ջան, ո՞ր ևս գլորվում» — այն տարիներին շատ տալածված ուսուկան երգ:

— Չէ, ի՞նչ էր այդ...

Կարծես բարձրանում էր անտեսանելի սանդուղներից: Քայլում էր առանց քայլելու: Երգում էր և նրա ձայնը չէր լսվում:

Փողոցը թեքվելիս, նա հանկարծ կանգնեց: Դիմացի անկյունից կրակում էին: Բնազդաբար կպավ պատին և նայեց: Կրակողը մի ուստիկան էր:

— Տո, ի՞նչ ես կրակում,— գոռաց նա և մոտեցավ ուստիկանին:

— Էնպես, էի,— պատասխանեց ուստիկանը, բաշլդի երկար ծայրը ուսին քաշելով:

— Չասե՞ս վախեցել ես...

— Ոնց չվախեանամ... քաղաքը ժուլիկ-մուլիկով լցվել է և ո՞վ է իմանում... Սեփական ոտից ձեն լսելուց կրակում ենք, մյուս պահակներին իմաց տալու համար...

Հերյանը ծիծաղեց և ուստիկանին ծխախոտ առաջարկեց:

Բարձրահասակ, պնդակազմ, երկաթե ձեռքերով մի տղա էր:

— Էիս, էիս,— շարունակեց պահակը ծխախոտը վառելով,— գիշերվա մթով ամեն տեսակ մարդիկ քաղաք են մտնում, զենք են բերում...

— Մարդկանց վրա ե՞ք կրակում...

— Կրակում ենք օգտում...

Հրացանաձգութունը հեռավոր փողոցներում շարունակվում էր: Գնդակների ձայները վզգում էին և կորչում տարածության մեջ: Անտարակույս հրացաններ էին, ոչ թե ատրճանակներ: Հայաստանի բնակիչները այնքան սովոր էին զենքերին, որ անգամ երեխաները ձայնից կարող էին որոշել զենքի տեսակը, կպնել կամ չկպնելը...

Հերյանը քայլում էր և ինքն էլ, այլևս վարժ, զվարճանալով որոշում էր կրակող զենքերի տեսակը: Ժամանակին, նավերի սուլոցից նա կարողանում էր որոշել նավի և ընկերության անունը:

Ինչ տարօրինակ բան էր կյանքը:

Երեկ՝ նավերի սուլոցը, այսօր՝ հրացանների ձայները: Երեկ՝ ծովը, քամիները և փոթորիկները, այսօր՝ գիշերը, թաքի տակ ընկած տերևի նման տափակած փողոցները, առանցքից դուրս նետված և դեռ շրջող այս իրականությունը, աստղերով լցված այս երկինքը և անմիտ ու ողբերգական այդ զառանցանքը...

Ախ, յարլուչկա, կուդա կա-ատիշսեա...

Չէ, պետք չէր մտածել:

Կենտրոնական փողոցի մոտերը հասնելիս նա կանգ առավ:

Վարը, վառված կրակի պատճառով ցցվում էր նավի ստվերը: Խառույկի շուրջը ուրիշ ստվերներ:

Արագ մտավ խաչածակող մի փողոցի անկյունը, պատի ետև թաքնվեց և նայեց: Կրակի շուրջը գաղթականներ էին լցվել: Կանայք, երեխաներ, ծեփեր: Ումանք պառկած քնել էին, ուրիշներ՝ ծնկների վրա փոքրիկ երեխաներ սեղմած, իրենց գլուխը կրծքի վրա կախած նստած, օրորվում էին:

Կարծես տավարը արածելու գնացած խաշնարածներ լինեին: Մեկը մյուսի դեմ սեղմված, անշարժ նստել էին:

Ինչ տարօրինակ տեսարան էր այդ և ինչ տարօրինակ քաղաք էր այդ:

Փողոց: Նավ: Գաղթականներ: Հրացանաձգություն:

Արտատոց մի երևակայությունից դուրս ցցված մի կտոր անկարելիություն:

Ահավաստիկ Մարտինը և Աշոտը: Նրանք անդադար շրջում էին նավի շուրջը, հսկում: Ոչ ոքի չէին թողնում, որ նավին մոտենա: Ինչպես երևում էր, նրանք ուրիշ տղաների էլ լծել էին գործի: Մարտինը անդադար դեսուդեն էր նայում, սրան-նրան ինչ-որ հրամաններ տալիս, ապա գալիս նստում էր մի ծերունու մոտ, որը գլուխը քերելով խոսում էր: Երևի պատմություններ էր պատմում:

Հերյանը նայեց և աւրախացավ: Խեղճ և ազնիվ տղաներ: Իրենց խոսքի տեր: Հավ պայմաններում նրանք կլինեն հրաշալի մաքրիկ:

Նայեց աստղերին և զտարացավ երկնքի գեմ:

Նախ, որոշեց մոտենալ տղաներին, հայտնել գոհունակությունը, փայփայել նրանց, բայց, քիչ մտածելուց հետո, միտքը փոխեց: Պետք չէր թողնել այն տպավորությունը, որ կասկածում է նրանց վրա: Այդ կարող էր նրանց արժանապատվությունը վիրավորել:

Պատերին քսվելով հեռացավ: Նորից կանգ առավ և նայեց:

Նավը Երևանի փողոցում: Այն նավը, որի շուրջը՝ շերմոտ և անհամբեր քայլերով պտույտ էր եկել Բաթումում, որի հետ դժմարին ճամփաներ էր անցել, սար, ձոր, անապատ, և որի կենսագրությունը այլևս անբաժանելի կերպով կապված էր իր սեփական կենսագրության հետ:

Նավը ինքն էր և ինքը նավն էր:

Ահ, երա՞գ էր, թե իրականություն... Ձևերը քսեց թևերին, կրծքին, ձախտախին: Չէ, երազ չէր: Եվ ո՞վ կարող էր ասել, Հայաստանում ուր է վերջանում երազը և ուր սկսվում իրականությունը: Կյանքը արտա-

ցուվում է մի հսկա հայելու փշրված կտորների մեջ: Կյանքը երգում է հազարավոր կոկորդներից դուրս եկած ձայներով, դառնում է մրրիկ, փոթորիկ, զարնվում է անտարբեր ժայռերին, քայլում է դաշտերում և անապատներում, ապա հանկարծ լռելով գնում թաքնվում է երկու լեռների մեջ, պապանձված սպասում, նորից որոտալով դուրս նետվում, երկրի գլխին աղմկելու համար:

Հանգիստ քայլերով վերադարձավ տուն:

Էցվեց տարօրինակ մի զգացումով: Թվում էր, որ ինքը չի քայլում փողոցներում, այլ փողոցները սահում են իր ոտքերի տակ: Կարծես ձգողութայն օրենքը հիմնովին շրջվել էր: Նրա մտքի մեջ երեկը և այսօրը խառնվել էին, ծածկվել շղարշներով, հեռացել:

Գլուխը վեր բարձրացրեց և աչքերը ման ածեց աստղերի ժխորում: Ծվ երկինք, և՛ աստղեր, և՛ փողոց նրա զգացողութայն մեջ խառնվել, միացել էին: Մի վայրկյան նա կարծեց, որ քայլում է երկնքում: Ահա անցնում է մի խումբ կապույտ աստղերի մոտից, հաճախում է լույսերով ծաղկազարդված մի դաշտ, անզգալի քայլերով անցնում է դյուլթիլ երկրաշափություններից, սահում է վեր, ընկնում է շրջանցող մոլորակների մի անտառ...

— Երևի հոգնած եմ, ջղագրգռված,— մտածեց նա:

Մի ծխախոտ վառեց:

— Պետք է գնալ գյուղեր՝ եզներ ճարելու համար: Պետք է անպայման գնալ և անպայման ճարել...

Ծվ աստղերը վերադարձան երկինք, և ինքը մնաց մենակ: Ինքը և այս մութը: Փողոցի ծայրին հիվանդ աչքի նման մի աղոտ լամպար էր ծխում:

6

Կոկոշենց գյուղում Հևրյանին ընդունեցին սառը, թերահավատ ժպիտներով, դառն մոմոռանքներով:

— Ո՞նց ասացիր, ես՞վ... հալլա՛, հալլա՛, հալլա՛...

Գյուղի մեծը, Սարուխան աղան, որի մասին ասել էին՝ հարուստ է, բազմաթիվ տավարի տեր, հեղինակավոր մարդ, նրան դիմավորեց իր տան առաջ, հագթանդամ մարմնով մուտքը ծածկելով և ուսերին զցած երկար վերարկուն անհանգիստ վեր քաշելով:

Հաստ հոնքերով ծածկված իր փոքրիկ աչքերը հառեց նրա վրա, ոտքից մինչև գլուխ՝ գննեց, կարծես մի միջատ լիներ առաջը կանգնած և՛

— Հը՛, ասա տեսնեմ...

Ընդունելության կոպիտ այդ ձեռը Հերյանին սաստիկ վիրավորեց: Կարտուզը ուղղեց, գլուխը վեր բարձրացրեց և համարձակ նայեց:

— Եկել եմ կառավարության կողմից,— ասաց նա վճռական ձայնով:

— Ի՞նչ,— մոնչաց մյուսը, հոնքերը գեռ ավելի կուտակելով,— կառավարության կողմի՞ց... ո՞ր կառավարության կողմից...

— Ո՞նց թե, ո՞ր... մեր, Երևանի...

— Երևանի՞,— մլավեց մյուսը և ձեռքերը դրեց մեջքին:— Պրիկազըդ հալա հանիր ցույց տուր...

Հերյանը մի վայրկյան շվարեց, բայց անմիջապես վերագտավ իր պաղարյունությունը:

— Էստեղ պրիկազի հարց չկա... Մի քանի եզների կարիք ունենք, շատ կարևոր աշխատանքի համար...

— Եզ-ների՞...

Մարդը ետ քաշվեց, բերանը ծռեց և աչքերը կոպերից դուրս պլր-ծան:

— Գնա՛, — գոռաց նա ամբողջ ուժով, — քո կառավարության ասա, որ նրանց...

Հայհոյեց:

— Ոչ թե եզ, հավ իսկ չեմ տա...

Շրջվեց, մտավ տուն և դուռը աղմուկով ծածկեց:

Հերյանը մնաց բերանը բաց: Ուզեց ներս մտնել, մարդու հետ կովել, բայց միտքը փոխեց և հեռացավ:

Քայլեց, շորս կողմ նայեց, մարդ չտեսավ: Եվ երբ մարդ տեսավ մեղավոր ժպիտով հարձուփորձ արեց: Ոչ ոք ոչինչ չկարողացավ ասել: Գյուղացիները հազացին, հառաչեցին, գետին թքեցին և շրթունքները պինդ սեղմած մեկնեցին:

— Էսենց գործի համար,— ասաց մի զառամյալ ժերունի գլուխը անդադար երկրցնելով,— գնացեք Պլոկանց գյուղը... տավար շատ ունեն և առհասարակ...

Ոսկրոտ մատները օդում շարժելով ցույց տվեց ճանապարհը:

Այն օրը, Հերյանը այցելեց երեք գյուղ, առանց ոչ մի արդյունքի: Խոսք չէր կարողանում հասկացնել: Շվարած, աղքատ այդ գյուղացի-ները ն:ման էին կարծր այն ժայռերին, պինդ և զեղնած. այն հողերին, որոնցով շրջապատված էին...

Լուռ, անհաղորդ, անհույզ:

Հերյանը տաքացած և հուզված բացատրում էր իր այցելության նպատակը, աշխատելով նրանց շահագրգռել: Լսում էին համբերությամբ և անտարբեր:

— Ախր, ի՞նչ խոսք, իրավունք ունես... Համա, եղները ճարել հեշտ բան չի...

Իրենց գլուխը կախում էին և լռում:

Նավ բառը չէին հասկանում: Նա՞վ, Երևանո՞ւմ, ի՞նչ նավ... Իրենց նայվածքները կույ էին տալիս և ապակիացած աչքերով նայում: Կասկածում էին: Երևի, մտածում էին, առավ-փախավի մեկն է, որ քաղաքից եկել է և ուզում է իրենց խաբել:

— Նավ. չէ, չէ, զուռնա...

Իրենց քիթը աղմուկով վեր էին քաշում և ժպիտը զսպում:

Կտրված թևով մեկը, որ իբր զինվոր կռվել էր ավատորիական ճակատի վրա, աչքերը կես փակած, երկար նայեց Հերյանին և փրփստփայեց:

— Աշխարհում,— ասաց նա,— ամեն մարդ մի մասալ ունի... Մեկը էսպես է ասում, մի ուրիշը՝ էնպես... Մեկ էլ տեսնես մեկը դաշաղ է դառնում, իսկ մյուսը վանք է մտնում, ճգնավոր է դառնում... Մազալու բան է... աշխարհ է, ամեն բան պատահում է...

Այդ թերահավատությունը այն աստիճանի հասավ, որ քիչ էր մնացել գող-ավազակի տեղ անցներ Հերյանը:

— էդ բաները... — ասաց բանիմաց մեկը, բեղի ծայրը ոլորելով և սրված նայվածքը Հերյանի աչքերի մեջ սուզելով,— էդ բաները քաղաք տեղում ավելի հեշտ է, քան գյուղերում... ինձ լավ լսիր, դժվար է... քեզ մազ...

Եվ թուրքերեն ինչ-որ բաներ ավելացրեց, որ նա չհասկացավ:

Հերյանը վհատված քայլեց: Ու հանդիպեց, խոսեց: Կարտուզը ձեռքում թափահարելով, ձայնը խզված, աչքերը վառված նա բացատրեց, ճառեց, երդվեց:

Ոչ մի արդյունք:

Կարծես այդ բավական չէր, վերջին գյուղում մի շատ անախորժ բան էլ պատահեց:

Հոգևած, հուսահատված, երբ շղայնացած նա անցնում էր գյուղի ծայրի խրճիթների մոտից, ձայներ բարձրացան:

— Սպասիր, սպասիր,— գոռացին:

Հերյանը կանգ առավ, նայեց:

Թմբի հետևից մի կնոջ գլուխ դուրս ցցվեց, ապա՝ սաստիկ ուռած

մի հզի փոր: Կարճ ստքերով, կտր, դեղնած մի էակ՝ ամեն մի ձեռքում մի երեխա քարշ տալով, շնչասպառ վազեց դեպի նրան, առաջը կտրեց և մազերը երեսին թափված բղավեց՝

— Շո՛ւն, մարդս տո՛ւր... Ասում եմ քեզ, մարդս ետ տո՛ւր...

Եվ բարձրաձայն սկսեց հեկեկալ:

Երեխաները պտուկեցին փոշու մեջ և սկսեցին լալ:

Շրջակա կտուրների վրա բազմություն հավաքվեց: Մի քանի կանայք վազեցին և բոլորվեցին կնոջ շուրջը:

Հերյանը, անակնկալի եկած, շվարած, ուզեց կնոջ հանգստացնել:

— Քույրիկ ջան,— սկսեց նա:

— Քուրդ էլ, հերդ էլ, մերդ էլ,— աղաղակեց կինը կատաղած ձայնով:— Մարդս տարիք, տունս քանդեցիք, երեխաքս սոված թողիք... Վա՛յ, վո՛ւյ...

Վայրի թուլունի նման կանչեց: Շուրջը կանգնած կանայք միացան նրան և վայեցին: Վայեցին նաև նրանք, որ կանգնած էին կտուրների վրա:

Հերյանը գունաթափվեց և մնաց պապանձված:

— Եղբայր, ի՞նչ է, չեմ հասկանում,— կմկմաց նա և ճակատի քրտինքը սրբեց:

— Մարդը զապասնոյ է և տարել են,— բացատրեց շինականներից մեկը:— Տարել են և խեղճը մնացել է սոված... Երեխով է...

— Հասկացա,— պատասխանեց Հերյանը հուզված ձայնով,— բայց ես ի՞նչ մեղք եմեմ...

— Դե, կառավարության մարդ ես, դրա համար էլ եկել է քեզանից է պահանջում...

Հերյանը փորձեց բացատրություններ տալ: Շուրջի բազմությունը գնալով շատանում էր: Կանայք ձայնը զլխին գցած գոռալով, աղմկելով, վայելով բողոքում էին: Սեղմում էին նրան և ամեն կողմից բուռում: Հերյանը փորձեց ճամփա քանալ: Անկարելի էր. նրան դեռ ավելի սեղմեցին և առաջը կտրեցին:

— Պետք է տաս, պետք է մարդս տաս,— գոռում էր կինը փորը դուրս տնկած, աչքերը վառված:

Փորձեց խոսել: Ինքը ոչ մի առնչություն չուներ պատերազմական գործերի հետ: Եկել էր եզների գործով: Հասկանում էր կնոջ դրությունը և համակրում էր նրան, բայց իշխանություն չունեի, զինվորական ժառանգությունից ոչ ոքի ազատել չէր կարող:

Քանի բացատրում էր, այնքան ավելի էին գայրանում: Եթե ինքը ասել էր, որ կառավարության մարդն է, ուրեմն ամեն բան կարող էր:

Կարող էր և չէր ուզում: Իսկ եթե չէր ուզում, ժողովուրդը կարող էր դատաստան տեսնել: Հերյանը հասկացավ, որ սպառնանքը լուրջ էր: Կարող էին նրան ծեծել, քարկծծել, վրան բաց թողնել գյուղի շները:

— Սպասեք, սպասեք,— գոռաց նա հրամայական ձայնով:— Պիտի հասկանալ, որ էստեղից ոչինչ չեմ կարող անել... Պետք է գնամ շտաբ և վանինի նախարարության միջոցով... Նախ անունը, ազգանունը... հետո էնտեղ կտեսնենք...

Բաճկոնի գրպանից թուղթ և մատիտ հանեց և սկսեց գրել:

— Դե, որ էդպես է,— մոտեցավ մի ուրիշ կին,— իմ Բաղդասարի անունն էլ գրիր...

Գրեց:

— Դե որ էդպես է, քե մատաղ, իմ Միրիջանիս անունն էլ զապիսատ արա...

Արեց:

Մարդիկ և կանայք շարքով մոտեցան և անունները գրել տվեցին: Ուրիշներ էլ, փափուշները գետնին քսելով, խրճիթներից դուրս վազեցին և հարազատներին արձանագրեցին:

— Աչքերիդ մատաղ, շմոռանաս Չավարենց Մկոն, երկար բոյով տղա է, ասում են Ղաբսի մոտերն է...

Վերջն էլ—մինչ շարունակում էր արձանագրել— Բարձրահասակ, չոր, իրանը փայտացած և փոս ընկած աչքերը վարագորոված պառավ մի կին, դոնատոված, պատոված մի շուփա և մի փափախ երկու ձեռքերի վրա հոած, ուրվականի նման առաջացավ, բազմությունը ճեղքեց, մոտեցավ Հերյանին: Չուխան և փափախը կարկառեց նրան, աչքերի ճերմակները ոլոր ածեց և գետինը ընկած պնակի նման փշրվեց:

— Տարին... մեռալ... էս մնաց...

Մազերը քանդեց, գալարվեց և անատամ բերանը լայն բացած վայեց:

Արևը մայր մտնելու մոտ էր, երբ Հերյանը շինականների ձեռքից ազատվեց և քայլեց Արարատյան դաշտի արևելյան ուղղությամբ:

Ահա քանի օր է քայլում էր:

Հոգնած էր և հիվանդ: Ամբողջ մարմինը մղկտում էր, ուժերը սկսել էին նրան լքել, կոպերի և շրթունքների վրա փոշի էր նստել, քունքերը այրվում էին:

— Պետք է փորձել, նորից փորձել,— կրկնում էր ինքն իրեն:— Նավը այդպես չի կարելի թողնել: Պետք էր ամեն գնով եզներ ճարել...

Աչքերը սփռում էր աշնան վրա ուժ առնելու համար:

Աշունը:

Եեկ և հսկա մի այլաժուռութուն: Ոսկեջրած հողերի անդորր խորութուն: Բոց և ջերմ:

Չէ, պետք էր մի կերպ այս դրութիւննից դուրս գալ...

Մտածում էր այցելած գյուղերի մասին: Քրիթ, փոշի, քրտինք: Կարծես հսկա ոտքերով մեկը քայլել էր աշխարհի վրայից և ամեն ինչ ճրգմել: Տները մխրճվել էին հողերի տակ, սրտերը փակվել էին, գիտակցութիւնը վարազուրկի: Կարծրացած, սառած դեմքեր: Տավարի մորնչոցի նման արտասանված խոսքեր: Ընդերկրյա հոսանքների նման հանկարծակի եռացող և դղրդացող հուզումներ:

Հրմա, այդ ամենը ծանրացել էր նրա ոսկորների վրա, նրա ուսերի վրա, նրա քրտի վրա: Երթները շորացել էին, գլխում ձայներ էին վզզում:

Ահ, ինչ որ էլ լինի, նորից պիտի փորձել...

Եվ ահա աշունը:

Հայնատարած դաշտում սփռված դեղին աշունը: Լոռած, երածշտացած մի հուշ:

Մարդ չկար: Երբեմն լսվում էին թռուռով վեր բարձրացող թռչունների կանչերը: Ամեն ինչ սահում էր վեր: Ահա բարձրանում էին կաղամախիները և ժանգոտած տերևներով խշխշում երկնքի դեմ: Նրանց կատարների ծայրերի շուրջը թևերը լայն բացած, օդին խարսխած արագիլներ էին սավառնում, այնքան կամաց, որ կարծես չէին շարժվում: Իսկ արագիլներից ավելի վեր՝ լեռները, կապտավուն և արծաթե կուտակումներ, որոնց գլուխների վրա ամպերը լույս հագած թափառում էին երկնքի անորոշում:

Հերյանը նայում էր, շորացած շրթները թրջում և քայլում:

Հայաստանը հող էր հոտում, թառամած տերև և ժայռ: Ահա մի թագավորիկ և ահա մի խայտիտ սուր թևերով, դանակի նման կտրում էին օդը և անհետանում: Ահա կոճղոտ և մեղամաղձոտ տանձենու վրա ծտերի աղմկալից ժողով: Պատրաստվում էին ճամփորդութիւն՝ եռանկյունի երամով իրենց անհամբեր, ծարաված աչքերը դեպի հեռուններն ուղղած: Եվ Հերյանի աչքերը նույնպես ծարավում էին, և բարձրացած իր մտքի լեռների վրա բաց էին անում հեռավոր վայրերի գունավոր և անվերջանալի քարտեզները:

Մի մողես:

Քարի վրա անշարժացած հստակ և չոր մի մարմին: գլուխը մի կողմ ծռած, թաթերը ծաղիկների նման բացված, վիթի աչքերը ուղղած

ղեպի խոր մի երազանք: Այդ աչքերի վրայից բոց վազեց և կենդանու կոնակը կայծկլտաց: Հերյանը գլուխը վեր բարձրացրեց և տեսավ վերջալույսը:

Հեռվից մի եկեղեցու զանգակ ղողանջեց:

Հայաստանը այրվում էր ամեն կողմից խուժող լույսերի մեջ:

Ինքը մրսում էր:

Մարմնի ներսը բարկացած մի քամի էր մտել և նրան կամաց թափահարում էր: Թափահարում էր նաև դյուբիչ և անիրական այդ աշխարհը: Կեռնների գծերը շարժվում էին, ամպերը դողում էին... Սրերում էր ալիք-ալիք հրդեհվող ամբողջ դաշտանկարը:

Հերյանը երբեմն կանգ էր առնում թարմանալու համար: Նայվածքը տարածում էր շորս կողմ և մնում զարմացած: «Ի՞նչ է այդ աշխարհը,— հարց էր տալիս ինքն իրեն,— ո՞րտեղից նա եկավ ինձ և ո՞րտեղից ես եկա նրան...»:

Ջէր հասկանում: Քայլում էր:

Ա՛հ, տարակույս չկար, հիվանդ էր: Գլուխը զրնգում էր, ճակատը այրվում: Բուռն թափով մտածումների և պատկերների շարաններ խուժում, արշավում էին նրա ուղեղի ներսը և նրան շարշարում:

Ամբողջ նրա կյանքը՝ քամու մատներով արագ թերթված գրքի նման անցնում էր մտքի առաջից: Հիշատակների վարագույրների հետծվից անցած դեպքերը դուրս էին ցցվում, կենդանանում, մարմին առնում և այդպես նոր իրականության վերածված նորից կյանքով զգեստավորված քայլում էին նրա մոտը: Իր մանկությունը, պատանեկությունը, սերերը, ծովը, արկածները և այն հոգեկան վճռական վայրկյանները, որ դեպքեր են պատրաստում և այդ դեպքերը, որոնցից հետո ժամերը ծաղկում և մեծանում են հուզումներով:

Այդ ամենը շրջապատեց նրան, խմբով քայլեց նրա մոտից: Քիչ անցած, նա իրեն զգաց բազմացած: Մի և շատ: Անցյալ և հավասարապես ներկա: Իրական և հավասարապես անիրական:

Շրջապատվեց ուրվականներով: Մով, մարդիկ, քամիներ, անձրև, փոթորիկ, արև և աստղ, լուսին և խավար եկան, նրա հետ միասին ոտք ոտքի շտապեցին:

Ինչքա՞ն տևեց այդ, ինքն էլ չգիտեր: Գուցե մի կարճ վայրկյան, գուցեև շատ երկար ժամեր: Գիտեր միայն, որ այդ ներկայությունները հստակ են, կենդանի, իրական: Ինքը և նրանք: Բազմացած այդ մթությունը: Իր մարմինը և այդ մարմինները, իր աչքերը և այդ աչքերը, իր մտածումը և այդ մտածումները:

— Ջերմ ունեմ,— ասաց նա ինքն իրեն:

Ասաց և ուզեց հավասարակշռութեան մի կետ գտնել:

Այդ վայրկյանին տեսավ Արարատը: Նայվածքով պլլվեց նրան: Մեծղի, վեհ, կայուն, ինչպես կյանքի տեական և հրամայական մի պատվեր: Լայն և տարածուն նրա փեշերի վրայից կապույտ լույսեր էին մագլցում, միանում ավելի վերը վառված խարույկներին, և կրակները խառնելով սլանում առաջ դեպի բարձրահասակ և ճերմակ գագաթի երկնքին խառնվող լույսերը:

Նայեց և մնաց հափշտակված:

Նրա ճակատին հանգիստ և սփռփիչ մի լույս նստեց: Սիրտը բարախեց և աչքերը լայնացան:

— Թագավոր,— փսփսացին նրա ջերմոտ շրթունքները:— Իմպերատոր...

Արարատը մոտեցավ, նվաճեց ամբողջ տեսարանը և լայնատարած մի անդորրութուն սփռեց ամեն ինչի վրա: Հերյանը այլևս ուրիշ բան չտեսավ: Նա գնում էր առանց քայլերը զգալու, կարծես մտել էր ձգողութեան օրենքից դատարկված մի աշխարհ: Խոր, լուսավոր, մեծղի: Անհետացել էին քիչ առաջ նրան շրջապատող ներկայութունները: Նա բավմութուն չէր, մենակութուն էլ չէր: Ջնջվել էին սահմանները, ջնջվել էր մարմինը, ջնջվել էր իր ետը:

Ամեն ինչ միացել էր, վերացել, աննյութացել:

Այդ տևեց երկար ժամանակ: Հետո երկրագունդը շրջվեց և կամաց-կամաց պտույտ եկավ մութի մեջ: Լեռները ետ քաշվեցին: Հորիզոնի վրա մի քանի ուշացած լույսեր մաքառեցին քամու դեմ և մեկը մյուսի հետևից մարեցին:

Մթի և լուսնի կատարին պլպլալով կախվեց առաջին աստղը:

Հերյանը արագացրեց քայլերը: Բարեբախտաբար, Սելաձոր գյուղը շատ հեռու չէր: Հարդի ուժգին հոտ էր գալիս և շների հաչոց էր լսվում:

— Մի վերստ ևս,— հաշվեց Հերյանը:

Այլևս ուժ չունեի: Հայաստանը և ջերմը խածել, տրորել էին նրա մարմինը: Սաստիկ ծալավ էր: Շրթները չորացել էին և աչքերը այրվում էին:

Սելաձոր գյուղը լցված էր թանձր ստվերներով: Եկեղեցու բամբ դողանջը ողջունում էր նրանց գալուստը: Մի կով բառաչում էր: Կարծես բարձր ձայնով հորանջում էր: Մի աբրո՞ր՝ երկինք մտած աստղերի թափորից խարված երգում էր:

Հերյանը մտավ գյուղը և նայեց չորս կողմը: Բաց մի դռան կատարին, որ երեկ խանութ էր, նավթե մի լամպար էր վառված: Լամ-

պարը ծխում էր և ապակին սևացած էր: Նրա տակը կանգնած երկու գյուղացիներ խոսում էին: Հերյանը ուշադրութիամբ նայեց. մեկը ամբողջովին փափախ էր և բեղ, մյուսը ստվեր էր՝ սև և երկար:

— Բարի երեկո,— ասաց Հերյանը մոտենալով նրանց:

Ստվերը շրջվեց և դարձավ քիթ, կարճ կզակ և փոքրիկ ծիծաղող աչքեր:

— Բարի եկաք,— ասաց նա: Նրա քիթը ավելի մեծացավ և նրա աչքերը ավելի ծիծաղեցին:

— Չեք ասի... Կարապետ բիճայի տունը ո՞րտեղ է...

— Կարապետ բիճա՞... Ո՞ր Կարապետ բիճան, գեղում Կարապետներ շատ...

Եվ քիթը նայեց փափախին և փափախը նայեց քթին:

— Սասանենց Կարապետը գո՞ւցե... — ասաց ստվերը, միշտ ծիծաղող աչքերը Հերյանի վրա հռոկելով:— Ինչպե՞ս մարդ է, ծե՞ր է, երիտասա՞րդ է... Մի աչքը քոռ խոմ չի՞...

— Հասակավոր մարդ է,— պատասխանեց Հերյանը, զարմանքով նրա աչքերին նայելով:— Ծս, ճիշտն ասած, նրան իսկի շեմ էլ տեսել: Ինձ հայանի է, որ նա հող ունի, բաղ ունի և բավականին թվով եզեեր... Հաճախ Երևան է գնում գալիս... Ավելի շուտ ծանոթն է իմ ծանոթներին... նրանք են հանձնարարել...

— Դա, Մկչենց Կարապետ աղան է, որ կա... Ավոյի հայրը, հաստատ...

— Հա, էլի,— համաձայնվեց մյուսը:— Գեղի ամենամեծ բաղը նրանն է... տավար էլ ինչքան ուզես...

— Ինձ թվում է գտանք,— ասաց Հերյանը:— Ո՞րտեղ է ապրում...

— Գնանք:

Ստվերը և փափախը գնացին Հերյանի հետ:

Գյուղի փողոցում փոքրիկ քամի էր ման գալիս: Չորացած խոտի, քացախի և փոշու հոտ էր տարածում: Շները դեռ հաչում էին: Հերյանը նորից սկսել էր դողալ:

— Չեր հրամանքը քաղաքից է գալի՞ս,— հարցրեց բարձրահասակ ստվերը:

Քաղաք բառը դա-դա-դա-դա-ի վերաժվեց և արձագանքվեց Հերյանի գլխում:

— Քաղաքում եմ ապրում (դա-դա-դա-դա), բայց հիմա գալիս եմ գյուղերից... գործով,— պատասխանեց Հերյանը:

— Գործո՞վ,— զարմացավ ստվերը:

— Գործո՞վ,— զարմացավ փափախը:

Քիչ քայլելուց հետո փափախը ցուցամատը երկարեց և ասաց՝

— Ասում են թշնամին գալիս է...

Հերյանը ոչինչ չպատասխանեց։ Ստվերը ծիծաղող աչքերը մոտեցրեց Հերյանի աչքերին և նրա նայվածքը կայծկլտաց։

— Ասում են թշնամին գալիս է...

Երկուսը միասին հռնացին։

Հերյանը ջղայնացավ։

— Իմ գործը չի, — պատասխանեց նա բարկացած։ — Մերոնք խոս ոչխար չե՞ն, հինգ տարի է կռվում են և նորից կկռվեն...

— Ծիշտ է...

— Հայր որ կռվում է, կռվում է...

Ճանապարհի ծայրին մի գամփռ դուրս եկավ, վազեց դեպի նրանց և սկսեց կատաղած հաշել։

Քիթը և փափախը անհանգստացած և այս ու այն կողմ վազելով աղմկեցին։ Քարեր նետեցին և վերջիվերջո շունը փախցրին։

Փափախավորի բեղերը անհանգիստ շարժվեցին և նա սկսեց բարձրաձայն ծիծաղել։

— Ադա, ինչ ես ծիծաղում, — ասաց մյուսը տխուր ձայնով և իր աչքերը նորից տնկեց Հերյանի վրա։ Հերյանը նկատեց, որ նա շատ մեծ, վեր կարկառած ականջներ ուներ, վարի շրթունքն էլ ճեղքված էր։

— էս պատմությունը շատ երկար տևեց, — ասաց նա վճռակաւն շեշտով։ — Կարապետ աղին ճանաչո՞ւմ եք, թե չեք ճանաչում...

— Ծանաչում ենք, էս ա, հասանք...

Մինչդեռ հասած չէին։

— Այսօր ինձ ամեն բան տարօրինակ է թվում, — մտածեց Հերյանը։ Դողը գնալով սաստկացավ։ Մութ էր, փոշի, լուսթյուն։

Մի պարտեզի առաջ ստվերը հանկարծ բարձրացավ, երկարեց։ Հերյանը գլուխը բարձրացրեց, նայեց և մնաց ապշած։

Գլուխը պտույտ եկավ։

— էս ա, հասանք, — լսեց նա։

Կարապետ աղան բարի, լավ ուտող, լավ խմող, շաբաթը մի անգամ ածիլվող աստվածավախ (առավոտները մի երես աստվածաշունչ էր կարդում) մարդ էր։ Գեր, ծանրաշարժ։ Գործի մեջ՝ գլուխը պինդ, սակայն առատաձեռն։ Իր հարաբերությունների մեջ՝ լայնախոհ և նույնիսկ թույլ։ Գյուղացիները նրան հարգում էին և խոսքը լսում։ Հերյանին տեսնելով ուրախացավ, կսել էր։ Ինչպե՞ս չէր լսել։ Տեսել էր նավը։ Իսկ երբ իմացավ, որ նրան ուղարկողը չառավարչական մի պաշտոնյա էր,

որի հետ զանազան գործեր ունիւր, հուզվեց, հոնքերը վեր բարձրացուց
և նրան ընդունեց գրկաբաց:

Կինը, աղջիկը և զավակը հյուրին բարենցին:

— Պարոնը հիվանդ է,— ասացին:

Գետինը անկողին փռեցին, թեյ պատրաստեցին և պնդեցին, որ
Հերյանը պառկի: Հերյանը հնազանդվեց, մտաւ անկողին և ատամները
կրճտացնելով դողդողաց: Զերմ ունիւր: Զնայած դրան նա ուզեց գործի
մասին խոսել, բայց Կարապետ աղան մատը շրթներին տանելով զլխով
մերժողական շարժումներ արեց:

— Հալա հանգստացիր, հետո կտեսնենք...

— Հարցը նրանում է,— պնդում էր Հերյանը,— որ ժամանակ չկա,
վաղը անպատճառ քաղաք պետք է վերադառնամ... նավը մնացել է
անտեր...

— Նավից ավելի կարևոր է առողջութիւնը... Պառկիր, հեր օրհ-
նած, պառկիր...

— Ահ, Կարապետ աղա, եթե իմանաս, ինչ դժվար դրութեան մեջ
եմ ընկել... Միտքս էնտեղ է և...

Սաստիկ դողը թույլ չտվեց, որ նա խոքը շարունակի:

Այդ վայրկյանին հարեան սենյակի դուռը բացվեց և խորովածի
ուժեղ հոտ խուժեց ներս: Կարապետ աղայի աչքերը փայլեցին:

— Էս ա,— ասաց նա աշխուժացած և ձեռքերը մեկը մյուսին քսե-
լով:— Նախ մի կտոր բան ուտենք, իսկ հետո կմտածենք...

Հերյանը կտրուկ կերպով մերժեց ուտել:

— Լավ,— համ աճալնվեց տանտերը,— ես գնամ մի բան ուտեմ,
վերջը կխոսենք եզների մասին:

Հերյանը զարմացած նայեց նրան:

— Բա՛, կարծում էիր չգիտե՞մ... Քաղաքում պատմեցին... Մեր
տղին ուղարկեմ, թող հարեանները գան, խոսենք, խորհուրդ անենք,
տեսնենք ինչ կարելի է անել... Ընդհանուր գործ է... երեսի վրա չի կա-
րելի թողնել...

Հերյանը մնաց մենակ: Կուշ եկավ անկողնի մեջ և սարսուաց: Գնա-
լով շերմը սաստկանում էր: Ոսկորները ցավում էին, գլուխը այրվում,
ատամները կրճատում: Մարմինը հավաքած պառկել էր, ինչպես մանու-
կը մոր արգանդում, և ուժ էր գործադրում զսպելու... հաղթահարելու
իր մարմնի մեջ մտած թշնամին, այդ բոցավառ զորութիւնը: Քողարկ-
վել էր նաև նրա գիտակցութիւնը: Միտքը անհանգիստ բոցի նման այս
ու այն կողմ էր վազում, ցատկոտում պատառ-պատառ ներկայացող
տեսարանների վրա, շփոթվում, այրվում, մթնում: Ականջների մեջ ձայ-
ներ էին դղրդում:

Մեկը կանչեց նրան: Վերմակի տակից գլուխը դուրս հանեց և կարմրած աչքերով նայեց:

— Օղի եմ բերել,— ասաց Կարապետ աղան, լեցուն մի բաժակ կարկառելով,— ասում են շերմի դեմ դարման է...

Հերյանը փակեց աչքերը և օղին կուլ տվեց: Մի ուրիշ բաժակ էլ, հետո մի ուրիշն էլ: Վերմակը քաշեց գլխին: Երակների միջից թեթև տաքություն վազեց:

— Էս ա, գրաֆինկան թողնում եմ մոտդ,— լսեց նա:— Նորից խմիր, լավ է...

Օղին իսկապես լավ էր ազդում: Քիչ հետո ձեռքը երկարեց, գետինը շոշափեց, գրաֆինկան գտավ և տարավ բերնին: Այդ կրկնեց մի քանի անգամ և շիշը ամբողջովին դատարկվեց: Մածկվեց: Տաք, գրեթե կիզիչ մի հոսանք բարձրացավ նրա մեջ և արևադարձային մի գիշեր գրկեց նրան: Կոպերը ծանրացան և միտքը հալածելով բզկտվեց: Տակտակ-տակ,— զարնում էին քունքերը: Ոտքերի ծայրերը և ծնկները մղկտում էին: Տակ-տակ-տակ... Այո, «Ալքատրոսի» մեքենան աշխատում էր կանոնավոր կերպով, առանց որևէ խոփանքի: «Ափին շատ մի՛ մոտենար,— ասում էր ղեկավար նավաստիին,— մի քիչ աջ թեքվիր... Ասել եմ ուրիշ անգամ, այդ կողմերը ժայռեր կան... լիճ է, հե-հե»... Իսկ լճի շուրջը կանգնել են Աստաֆյան փողոցի տները: Զարմանալի լճի Աստաֆյան փողոցի տները և երկու գյուղացիների՝ փափախը և ստվերը: Ստվերը ամբողջովին քիթ է և նրա աչքերը ծիծաղում են: Աչքերը ծիծաղում են, իսկ ձայնը այնքան տխուր է, այնքան տխուր... Եվ տխուր են Աստաֆյան փողոցի տները և տխուր է Երկինքը և տխուր է աշխարհը, որի վրայից թեպետ ջրհեղեղը սկսել է անհետանալ, սակայն ամեն կողմից գեռ շարունակվում են սելերը, ջրվեժները, մինչդեռ ահա երկնքի մի ծայրը բացվել է և մի ձայն հստակ, հնչուն, քաղցր՝ խոսում է, պատգամներ տալիս:

Գլուխը հնչում էր ցորենի գտիչ մեքենայի նման: Զերմը և ուժեղ օղին բաղադրվում էին, մարմինը և օղեղը խաժնում, կրակ ման ածում, մշուշ սփռում, գիտակցությունը պատտում և ամեն մի պատառի ծայրին անկարելի մի տեսարան կարկառում:

Այդ տևեց բավականին երկար ժամանակ:

Զերմի սաստիկ այդ տագնապի միջոցին, նրան թվաց, որ սենյակում մարդիկ կային: Կամաց խոսակցող ձայններ լսեց: Նախ, ուշադրություն չդարձրեց, ապա աչքերը պոկեց հալածող տեսարաններից և ակունքները սրեց:

— Հասկացանք, Կարապետ աղա, հասկացանք,— լսեց նա:— Ախր

չես ասում... աշխատանքները չեն վերջացել. ձմեռը մոտենում է, իսկ խոտը ներս չի բերված...

— Ես ասում եմ, շատ գործ չի, մի քանի օրվա հարց է,— պնդում էր Կարապետ աղան:

— Ասենք տավարը տվեցինք,— ասում էր մի ուրիշը,— իսկ հետո՞, ո՞վ կերաշխավորի... եթե մի բան պատահեց... Աշխարհը ընկել է փուշ մարդկանց ձեռքը, ժամանակներն էլ խառն են...

Ձայները խառնվեցին նրա գլխի մեջ: Ո՞ւր էին խոսում, ովքե՞ր էին խոսում: Ուզեց աչքերը բաց անել, բայց կապարով ծանրացած կոպերը չհնադանդվեցին: Լսում էր, բայց միտքը չէր կարողանում կենտրոնացնել: Միտքը հեռանում էր, մտնում թանձր ամպերի մեջ, սավառնում անորոշ վայրերում: Չէր քնում, բայց արթուն չէր: Զգում էր միայն, որ ոտքերը գնալով ծանրանում էին և քունքերը շարունակում էին ուժով խփել:

— Տարան... ետ շտվեցին,— նորից լսեց նա:— Ասես թշնամու մալ լինե՞ր... Ախր, շինական մարդուն պլոկելով բան դուրս չի գա...

— Այստեղ ուրիշ հանգամանքներ կան... Մարդը վարձք է վճարելու... պիտի վճարի եզնների համար...

— Ախր, ասում ես պիտի վճարի, իսկ եթե չվճարեց...

— Հա էլի, հարցը հենց դրանում է...

Ձայները շարունակում էին վզզալ: Հաստ, բամբ, խոպոտ ձայներ: Կոկորդում կանգ առնող, կուլ ընկնող ձայներ: Գլուխը վեր բարձրացնող, սուր, հիվանդ աքլորի նման կանչող ձայներ: Տանտերը ասում էր հա, հա, հա, մյուսները ասում էին չէ, չէ, չէ: Ապա բոլոր ձայները միանում էին — գուլու, գուլու, գլուչե, գլուչե, գլուչե — գետի ջրերի նման թափվում էին... Ժայռերի կատարից և քարերի վրայից ցատկելով, վշշալով թափվում էին խոր, խոր մի անդունդ, որ ամեն ինչ կուլ էր տալիս լակելով, լակլակելով... Այդ սև, լայն, ահավոր բացվածքը քաշում էր շերյանին, ուզում էր նրան ևս ներս առնել, իսկ գլուխը և ամբողջ իրանը ետ էր գցում, ոտքերը պինդ սեղմում էր անդնդի եզերքին և ուժ էր գործադրում հավասարակշռութունը պահելու, վայր չընկնելու համար: Այդ պատճառով էլ նրա մարմնի ամբողջ անդամները լարվել էին, ջղերը սրվել և արյունը եռ էր գալիս: Եվ թվում էր նրան, որ ահա նորից երկնքի ծայրը բացվել է, մի տեսիլք է ցցվել և խոսում է...

— Ասում են, շատ բան են ասում,— լսեց նա,— ինչպես չէ՞... Իբր գիշերը ձեն է լսել... սուրբ Կարապետը խոսել է, հրաման տվել, գնա ծովի ափը, նավը վերցրու, տար Սևան...

— Հա՛, լսել է...

— Գյուղերում խոսում են... Շատերը հավատում են... Եթե նավը տեղ հասնի, Հայաստանի գործերը լավ... խաղաղություն...

— Ախր, ասում եմ ձեզ, հավատավոր մարդ է,— պնդում էր Կարապետ աղան,— գործն էլ սուր գործ է...

Այդ վայրկյանին, Հերյանի ուղեղի միջից — զրնգ — մի հոսանք անցավ, ինչ-որ մի ուժ արթնացավ, դեղին լույսի նման վառվեց, ցնցեց նրան, և նա, առանց իրեն լավ հաշիվ տալու, թե ինչ է անում, վերմակը գլխի վրայից գցեց և անկողնի վրա նստեց:

Սենյակի անկյունում բարձր և նեղ սեղանի վրա, կոլոր ապակիով նավթե մի լամպար էր դրված: Նրա տակը, ծալապատիկ նստել էին մի քանի գյուղացիներ: Մորուքներ, հոնքեր, առատ բեղեր: Այդ մորուքների և բեղերի վրա հաստ շուքեր էին ընկած, իսկ շուքերի վրա ծխի ամպեր էին ման գալիս: Հերյանի նավածքի առաջ բոլոր այդ գծերը և ձևվերը փշրվեցին, անկյուններ կազմեցին, խառնվեցին: Նա զգաց միայն իր վրա նայող աչքերի մի խումբ: Մակող, հետաքրքրված, վախեցած աչքեր:

Նրա դեմքը նիհարել էր, դեղնել, երկարել: Մազերը խառնվել էին և փունջ-փունջ կպել քրտնած ճակատին: Զորացած շրթները սեղմվել էին, աչքերի շուրջը խոր փոսեր էին ընկել և բիբերը էլեկտրականացած կայծկլտում էին ֆոսֆորե, անբնական լույսով:

Մի վայրկյան նա նայեց աչքերին և աչքերը նայեցին իրեն:

— Ըղորդ է,— ասաց Հերյանը այնպիսի մի ձայնով, որ կարծես իրենը չէր,— ըղորդ է: Տեսա, խոսեց, լսեցի:

Գյուղացիների վրայից մի սարսուռ անցավ: Ամենքի աչքերը լայնացան:

— Ըղորդ է,— կրկնեց նա այնպիսի շեշտով, որ կարծես ուրվական է խոսում:— Երկնքի ծայրը բացվեց, լույսերով ողողվեց... խոսեց, լսեցի...

Ուլեց շարունակել և չկարողացավ: Սաստիկ դողը թափահարեց նրա ամբողջ մարմինը, և ատամները կրճտացին:

— Պառկիր, պառկիր,— անհանգստացավ Կարապետ աղան:— Ախր, չի կարելի... Պառկիր, կտեսնես, այս քրիստոնյա ժողովուրդը մի բան կանի... Սկեձոր գեղը տակը չի մնա...

Մոտեցավ, վերմակը քաշեց Հերյանի վրա: Սվ հուզված, խորհրդավոր աչքերով նայեց գյուղացիներին:

Գյուղացիների մորուքները և ձեռքերը ալեկոծվեցին:

— Բա... քար խոմ շինք...

— Դե, պարզ է...

— Սուրբ գործը, ինչպես ասում են, սուրբ գործ է...

— Դե, Կարապետ աղա, դու գործը սկսիր, մենք կանենք ինչ կարող ենք:

— Շնորհակալ եմ, շնորհակալ եմ,— ասաց Կարապետ աղան:— Ասում եմ աստծո գործ է... Հիմա թողնենք, թող հիվանդը հանգստանա, վաղը նորից կխոսենք...

Ամենքը ոտքի կանգնեցին: Մի քանի րոպե հառաչը զսպելով դեռ փսփասցին և ոտքերի մատների վրա քայլելով մեկ ուսը առաջ հակված դուրս գնացին:

Երկու օր հետո Հերյանն ու Կարապետ աղան երկար վիճելով, պաղատելով ու վճարումների համար ստորագրություններ և երաշխավորություններ տալով գործը մի կերպ գլուխ բերեցին:

Հերյանը եզների հետևից ընկած քայլեց դեպի մայրաքաղաք:

7

Նավի տեղափոխության աշխատանքները վերսկսվել էին նոր թափով և եռանդով: Սելաձոր գյուղի անսպասելի հաջողությունը Հերյանին լցրել էր վստահությունով: Քիչ բան չէր եզներ ճարելը: Զերմի մյուս օրը, երբ Կարապետ աղան նրան պատմել էր տեղի ունեցած դեպքի մասին, Հերյանը զարմացած և զվարճացած խոստովանել էր, որ ոչինչ չէր հիշում:

Ու նրա աչքերի մեջ մոլեռանդ մի լույս էր թառել:

Գնալով մեծացել էր նաև նրա ժողովրդականությունը: Այդպիսի ժամանակներում գյուղից եղներ բերել, և նավը անդադար դժվարացող զառիվերով բարձրացնելը խսկական հրաշք էր համարվում:

Եվ հրաշք չէ՞ր նաև փողոցի տղաների այդ հլու հավատարմությունը: Հաճույք էր տեսնել, թե նրանք ինչպիսի գուրգուրանքով պաշտպանում էին նավը: Նրանք Հերյանի հրամանները կատարում էին, մտահոգված երեսներով աջ ու ձախ վազելով:

Անշուշտ ոչ ոք չէր մտածում այն դժվարությունների մասին, որ Հերյանը ստիպված էր հաղթահարել: Նրա անձնական փողերը գրեթե ամբողջովին ծախսվել էին: Պետք էր ապրել, եզները կերակրել, գյուղացիներին գոհացում տալ, տղաների մասին հոգալ: Նրա մի քանի արժեքավոր իրերը վաղուց վաճառվել էին: Իշխանությունը փող չունեն և պետական գրասենյակներից մի բան ստանալը դարձել էր տանջանք: Ոմանք նրան խորհուրդ էին տվել դիմել արտասահմանից այցելության եկած անձնավորություններին:

— Արդյոք կարելի չէ՞ր, որ դրսի հայությունը օգներ այդ անհրա-
ժեշտ և շինարարական գործին...

Խնամքով հագնւած և նախարարութեան ձգտող այդ պարոնները
ձեռքը դրել էին նրա ուսի վրա, գովել նրա գործը և խոստացել մի բան
աննել, երբ օվկիանոսը անցնէին...

Երբ օվկիանոսը անցնէին... Բայց գործը չէր սպասում... Աշունը ան-
հանգստանում էր: Լեռների ետևից դժբախտ թափներ էին դուրս գա-
լիս, վազում քաղաք, կուրացնող փոշիները ամպերով ծածկում փողոց-
ները և անկարելի դարձնում որևէ աշխատանք: Կամ, մեկ էլ երկինքը
սեանում էր, գոռում, կանչում և հազարավոր դուլերը շրջելով աներևա-
կայելի մի ջրհեղեղ թափում վար: Զարագուշակ դեպքերը հաջորդաբար
գրոհ էին տալիս Հայաստանի վրա: Թուր սահմաններին վտանգ էր
սպառնում: Երկնքի մոտությունով ծանրացած և կիզիչ արևով լվացված
այս բարձրավանդակի վրա ապրող ժողովուրդը իրեն զգում էր պա-
շարված բերդի մեջ, Բերդ, որի պաշարը վերջացել էր, զենքերը սպառել
էին և տարիներով շարունակվող պատերազմներից հոգնած կուլոդները
ջղագրգռված սպասում էին եվրոպական բանակների օգնութեանը, որը
հեռավոր, անիրական երազ էր:

Ներսը, հայերի մի մասը պայքարում էր մյուս մասի դեմ:

Ցնցոտիներով և վերքերով ծածկված հարյուր հազարավոր գաղթա-
կանները վեր էին բարձրացնում զայրույթով գալարուն իրենց ոսկրոտ
բազուկները, ծոռում շարձարված շրթունքները և իրենց սները, իրենց
երկիրը ետ պահանջում: Այդքան բեռների տակ ճղված, հոգնած, հու-
սահաստված տեղացիները իրենց աչքերը հառում էին դեպի արևմուտք
և սպասում խոստացված փրկութեան, որը չէր գալիս...

Զէ, պետք է շտապել: Կուսակցութեանները վիճաբանում էին:

— Չի կարելի, իմ արև, չի կարելի... համարյա առաջ չենք գնում,
շարժվում ենք կրիայից էլ դանդաղ... Ախր, Մարտին, ասացի, պետք է
հսկել առաջին շարքի եզներին վրա, չեն քաշում ինչպես հարկն է... ամ-
բողջ ծանրութեանը ընկնում է ետևի չժակների վրա... Պաժալստա, մի
բան արա... Կենդանիներին որ շտապես, առաջ չեն գնա... հալա տես,
է. Անպետքները խորամանկութեան են անում... չորս արշին հազիվ ենք
առաջացել...

— Ես չափել եմ հինգ արշինից քիչ պակաս...

— Չինգ արշինից քիչ պակաս... Հեր օրհնած, առափոտից արյուն
քրտինք ենք թափում... և հինգ արշինից քիչ պակաս... էշի... գատկին
հազիվ հասնենք լիճ... Հասկացիր, մեզ համար ամեն մի վայրկյանը

թանկ է, աշունը մեր գլխին հազար օյին կարող է խաղալ, գլուղացի-
ները սկսել են քթի տակով մոմուալ... Ի՞նչ իմանամ, մեկ էլ տեսար
գեպքերը բարդացան...

— էդ մեկը ճիշտ է...

— Բա...

Եվ մտահոգված նայում են մեկ մեկի աչքերի մեջ:

Մարտինը հագել էր Հերյանի հին բաճկոնը, որը շափազանց լայն
էր և որի մեջ նա ամբողջապես կորել էր: Ոտնաման շուներ: Կարճ տա-
բատի ծայրերը պատռված էին և գլխի շապկան ծիծաղի առարկա էր,
այնքան որ փոքր էր: Այգում կախված խրտվիլակի էր նման, սակայն
այդ շփոթեր: Հպարտ էր բաճկոնով և իրեն լավ հաղնված մարդու ձևեր
էր տալիս: Զեռքերը խոթում էր լայն թևերի մեջ, մեկ ոտքը առաջ գցում
և կուրծքը ուռեցնում:

— Ի՞նչ ասացիր...

— Դրությունը լավ չէ:

— Այսինքն...

— Գիշերով գորքեր անցան... ո՞ւր էին գնում, չիմացա... Նոր
փախտականներ են գալիս... գործերը լավ չեն երևում...

— Դատարկ բաներ ես պատմում... Դա մեր գործը չէ... Մեր գոր-
ծը ուրիշ է... մինչև վաղը առավոտ ամեն բան պատրաստել...

— Պատրաստ կլինի:

— էդպես: Գիշեր բարի:

Դա զարմանալի է:

Սև թշվառութուն է:

Հայաստանի դռներին ամեն կողմից երկաթե մուրճերով թակում
են: Երկրի գլխից ծանր և շարագուշակ ամպեր են անցնում: Երևանի
փողոցները լցվել են աղբով, ջերմով, մահով, բայց արի տես... հենց
որ շարաթ երեկո է լինում, ունևորների տների պատուհանները լուսա-
վորվում են, երկար սեղաններ բացվում, թառ ու դավալ ածում, գինի
խմում, հաց ուտում, պարում, քեֆ անում:

Կովկասի հայութունը ձի քշող, գինի խմող, պար եկող ժողովուրդ
է: Կովող, տոկուն, դարդը երգի վերածող և ցավը պարի վերածող ժո-
ղովուրդ է:

Այդ գիշեր երկար պնդումներից հետո նա ընդունել էր բարեկամ
մարդկանց հրավերը: Եկել էր տուն, լվացվում էր: Սապոնած փոքրիկ
խոզանակով քերում էր մարմինը՝ փողոցի, հզների և մարդկանց կեղտը

արբելու համար, չափ տրամադրված էր: Ջուրը նրան Երջանկութուն էր տալիս: Քթի տակ երգ էր մոմոում:

Ժամանակին նազի վրա բաղնիք ուներ: Առավոտները, հենց որ անկողնից վեր էր թռնում, տասը վայրկյան մարմնամարզութուն էր անում, մկանունքները տրորում, ծովի աղերը ներս շնչում, ապա գնում կանգնում մտրակող ջրի հեղեղի տակ: Կյանքը մտնում էր նրա մեջ շառաչող ալիքի նման:

Հիմա ժամանակ չունեի մարմնի մասին մտածելու: Երբեմն անկողին էր մտնում առանց հանվելու, առանց լվացվելու, առանց ուտելու:

Այդ գիշեր, բացառաբար, փոքրիկ սենյակը լցվել էր ջրով, ոտք գնելու չոր տեղ չկար: Ոտքի մատներին վրա մեկ կողմից մյուսն էր ցատկում և հագնվում: Ուրախ էր, ձայնը գլխին գցած երգում էր: Մարմինը լցվել էր անդիմադրելի ուժերով, ճկունացել, վառվել:

— Կա՛մ էր, երբեմն մաքուր հագնված մարդիկ, շքեղ սեղան և կանայք տեսնել:

Կանայք...

Չորս ելո դերի¹, մաքուր թաշկինակ չկար: Օձիքի կոճակը ներս չէր մտնում, փողկապը թրջվել էր և արդեն ժամը ինն էր:

— Հանգուցյալ Պյոտր Բաղդասարովիչ Տանձիբարովը, որին մենք մտերմաբար Պետյա էինք անվանում, և որը Մոսկվայի Մեծեվոյ ինստիտուտը ավարտելուց հետո Երևանյան նահանգի հողային բաժանումների վերահսկիչ էր նշանակված... հանգուցյալ Պյոտր Բաղդասարովիչը...

Սեղանը բացված էր երկար դահլիճում: Կարմիր տախտակահատակը՝ շուրջը սև գծերով փայլվում էր հայելու նման, և նազթ ու պարաֆին էր հոտում: Պատերի մոտ բազմաթիվ վիեհնական աթոռներ էին շարված: Պատերի վրա կախված էին մի քանի թառամած լուսանկարներ՝ վեհնասիկի մի ջրանցք, խալիներ և պարսկական մի թուր: Սեղանը լցված էր պնակներով, գինու շշերով, ուտեստեղեններով:

— ...Սովորութուն ուներ, շնայած շատ խոսել չէր սիրում, իր մտերիմ բարեկամներին ասելու...

— Ահ, կապիտան ջան, շեք կարող պատկերացնել ինչքան ուրախ եմք, որ մեր հրավերը շեք մերժել և եկել եք... Կա՛մ, լավ, լավ, տեսնում եմ, Առաքել Իվանիչը ձեզ զբաղեցնում է... Ախ, դուք մեր Առաքել Իվանիչին լավ ժամանակներին շտեմաք, ի՛նչ տուն, ի՛նչ հյուրասիրու-

¹ Կառանան ասիք:

թյուն... Դե, ի՞նչ արած, աշխարհը փոխվել է, հանգամանքները ուրիշ են... Ոչինչ, կգա ժամանակը, էլի լավ օրեր կտեսնենք... Նստեք, խնդրում եմ, ինչո՞ւ եք ոտքի, նստեք... Կնոջս ճանաչում եք, չէ՞... Սո- նինկա, կապիտան շերյանն է, մեր, այդպես ասած, օրվա հերոսը...

— Շատ և շատ ուրախ եմ, պարոն շերյան, Սերյոժան լավ ասաց՝ օրվա հերոսը... էլ քաղաքում ուրիշ խոսակցություն չկա: Նավը, նավը, նավը... Մանոթացեք... օրիորդ Բուդաղյան... Պատկերացրեք, մի քա- նի ամիս էր մնացել, բարձրագույն կուրսերը ավարտելու, բայց դեպքե- րը նրան ստիպեցին թողնել Պետերբուրգը... Լսեք ինչեր է պատմում... Ինձ ներեք... նոր հյուրեր եկան...

— Այդպես, դուք ևս հանդիսատես եք եղել հեղափոխության պատ- մական օրերին...

— Այո:

— Ուժեղ տպավորություններ...

— Շատ: Ամենքս այնքան ոգևորվեցինք, այնքան ուրախ... Հրա- շալի օրեր էին, միանգամայն անմոռանալի... Մնվում էր տարիներով երազած նոր Ռուսաստանը, ժողովուրդը գտավ իր իսկական դեմքը, իր իդեալը...

— Ռուսաստանը տարերք է, ինձ համար անհասկանալի հանելուկ:

— Այդ շափազանցություն է:

— Ամբողջ պատմությունը մեջտեղն է...

— Պատմությունը ցույց տվեց ռուս ժողովրդի մեծահոգությունը, նրա մարդասիրությունը, նրա վեհանձնությունը... Իսկ գրականությունը՝ նրա Գոստոևսկին, Պուշկինը...

— Գոստոևսկին, անշուշտ, հանճարեղ է, բայց ինձ համար բոլո- րովին օտար: Նա թափառում է հոգեկան անդունդների շուրջը, հիվան- դոտ ուրվականի նման տանջվում է գոյություն ունեցող հարցերով:

— Իսկ հապա Պուշկի՞նը...

— Պուշկինը այո: Նա այն է, որին ռուս ժողովուրդը բնազդաբար ձգտում է՝ շափ, ներդաշնակություն, պայծառություն: Հենց դրա համար է, որ Գոստոևսկին իր հուշակավոր ճառում Պուշկինին ցույց էր տալիս իբրև այն հեռավոր ճրագը, որին ռուս ռզին պետք է հասնի...

— Ահա, ինչ եք ասում, պարոն շերյան...

— Ներեցեք, Առաքել Իվանիչ, օրիորդի հետ վեճի բռնվեցի...

— Հասկանալի է. ջահելները սիրում են վիճել, տաքանալ... Մեր Բուդաղյանի աղջիկն է... Հայրը բժիշկ էր և աննման մարդ... հան- գիստ, բարի, հին տեսակի մարդ էր: Կլուբում պրեֆերանս խաղալիս

մեկ էլ գույնը գցեց, ճեփ-ճերմակ դարձավ և հոգին ավանդեց: Շատ, շատ ցավեցինք... մեծ, փառավոր թաղում տեղի ունեցավ... Նրա գավակներից մեկը սպա է, Սաշան, քրոջ հետ կանգնած խոսում է, իսկ մյուսը... մի բան չի... Ամենից շնորհալին աղջիկն է. նա էլ գեպքերի պատճառով կուրսերը շարողացավ ավարտել... Լավ են. տուն-տեղ ունեն, մի երկու բադ...

— Առաքել Իվանիչ, մի բան էիք պատմում, եկան խանգարեցին...

— Ի՞նչ բան... բոլորովին մոռացա... Հա-ա, խոսում էի Պյոտր Բաղդասարովիչ Տանձիրարովի մասին... Պետք է ընդունել, որ շատ պատվավոր, շատ հարգված և բարձր շրջաններում լավ գիրք ունեցող մարդ էր... Հաճախում էր Աֆիցերսկի կուրբը, որտեղ գալիս էին բոլոր բարձրաստիճան շինովնիկները և մեզանից... Ես, ինժեներ Հարամովը, բժիշկ Ասլանյանը, Խան Բիժինսկին և էդպես, մի քանի վաճառականներ, պաստավլչիկ, մաստավլչիկ, վտարոյ գիլդի կուպեցներ... Լավ օրեր էին: Մեղք, դուք շտեսաք... Հա, ի՞նչ էի ասում...

— Խնդրում եմ, խնդրում... պարոն Հերյան, Առաքել Իվանիչ, համեցեք, օղի խմենք, մինչև սեղանը բոլորովին պատրաստ լինի...

— Մանթացեք. պարուշիկ Ալեքսանդր Բուդաղյան... Սա մեր կապիտանն է, գիտեք չէ՞...

— Ինչպե՞ս չէ...

— Գործե՞րը... ի՞նչ գործեր եք ուզում... Ճանապարհները փակվել են, ապրանք ասես չենք տեսնում. Պարսկաստանից մի քանի կտոր-մտոր բան ենք ստանում... Ախր, դրան վաճառականություն չի կարելի ասել... Չէ, էդպես որ գնա... սոսկալի է...

— Մի հատ էլ: Թույլ տվեք ձեր բաժակը լցնել: Մովի մարդ եք, իսկ ծովի մարդիկ...

— Ես... սիրելի կապիտան, սովորություն եմ արել երեք բաժակ... Ավելին՝ նի՛-նի՛... Երեք բաժակ կեսօրին, երեք երեկոյան...

— Առաքել Իվանիչ, ձեր Տանձիրարովի պատմությունը չվերջացրիք...

— Համարյա վերջացրի... Ուրիշ անգամ կշարունակեմ... Ձեր կենացը... Խորհուրդ եմ տալիս սրանից վերցնել... Բալըկ է, շատ լավ ձուկ է... վերջին ժամանակներս ուղղակի առանց կապչոննի ձուկի ենք մնացել, իկրա չի ճարվում, շամայկայի հոտը անգամ չկա... Ընդունեք, սա անտանելի դրություն է... Ասում եմ, եթե Եվրոպան մի բան պիտի անի... այդպես շարունակել չի կարելի...

— Կապիտան Հերյանը ինչ ուզում է մտածի, առանց Ռուսաստանի փրկություն չկա մեզ...

— Դուք որսեղի՞ց գիտեք, թե ինչ եմ մտածում, սլարուչիկ Բուդաղյան:

— Փույրս քիչ առաջ պատմում էր:

— Հա՞...

— Մենք՝ ռուսական բանակի նախկին սպաներս, դրանում համոզված ենք, եթե սպիտակ Ռուսաստանը մեզ օգնության չգա... կորած ենք...

— Եվրոպան կա, չէ՞...

— Ահ, Առաքել Իվանիչ, Եվրոպայի անունը ավելի լավ է շտալ... Եվրոպական պետությունները պարզապես սոված դայլեր են, շեն իմանում ինչպես բաժանեն զոհի մսերը և... մեկ մեկի դեմ են դավում... Թուրքերին մեզ դեմ զինողները հենց դրանք են, և մենք տեղեկություններ ունենք... նայեք, անգլիացիները ինչեր են անում Կովկասում... Չէ, մեզ կարող է հասկանալ միայն Ռուսաստանը...

— Ախր, ո՞ր Ռուսաստանը...

— Կարևոր չի: Եթե այնտեղ ժամանակավոր խառնաշփոթություն է տիրում, այդ խո՞մ չի նշանակում... Վաղը, հսկան կվերականգնի, ուժերը կգտնի և վճռական խոսք կասի...

— Սաշա ջան, խնդրում եմ, գոնե այս գիշեր քաղաքականությունից շխտեսներ... էսօր իմ տոնն է... ուզում եմ, որ հյուրերը լավ քեֆ անեն, ջան ասեն և ջան լսեն...

— Սերյոժան իրավունք ունի. թողնեք ցավոտ հարցերը...

— Սելյոդկան քիչ աղի է... Աշխարհում ամեն բան գիտություն է, արվեստ... Ես ձեզ մի գաղտնիք ասեմ. ո՞վ է իմանում, մի օր պետք կգա... Սելյոդկան պետք է լվանալ եռացրած ջրով, փշերը հանել և մի ամբողջ օր թողնել կաթի մեջ... Ըն ժամանակ, ուրիշ բան դուրս կգա... րեբանումդ հալչում է... Դե, խմենք: Զուկը, ինչպես ասում են, սիրում է լող սալ օդու մեջ...

— Ռեկի կիլկիներն էլ շատ լավ էին...

— Ասորի՜ բան էր... Բայց ձկների թագավորը շամայկան է, իսկակունը, ոչ Գոնի շամայկան...

— Մանավանդ թարմ շամայկան խորոված...

— Իհարկե, ճաշակի հարց է: Ես սիրում եմ ծխածք, կտրում ես՝

¹ Ասորի — առանձնահատուկ (ոտսերեն):

յուզը թափվում է... Ձէ, չէ, պաժալստա, էլ չեմ կարող... երեքի տեղը չորս խմեցի... Աձեք մեր նավապետի համար...

— ...Խնդրում ենք նստեք, մի բան ուտենք... Առաքել Իվանիչ, համեցեք, ահա այս աթոռի վրա... Սաշա, դու անցիր դիմացի կողմը և խնդրում եմ զբաղվիր օրիորդներով... Դուք, կապիտան, նստեք մեր սիրուն, մեր վարդի նման վառված օրիորդի մոտ, որի հետ, խնդրում եմ, Պուշկինի և Ռուսաստանի մասին կռիվ շանեք, այլ, ինչպես փորձառու կավալեր ուտացրեք, խմացրեք... Ախր, աշխարհ է. էսօր կա, վաղը չկա... Վայելենք...

— Սերյոժա, դու էս կողմը արի տիկնոջ մոտը...

— Դուք նստեք... իմ մասին մի՛ մտածեք...

— Ուզում ենք, ուզում ենք...

Լավ էր:

Հերյանը վաղուց էր այդպիսի ջերմ ընկերության մտերմությունը չէր վայելել: Օղին էլ լավ էր, աղած ձուկն էլ լավ էր: Ամեն ինչ լավ էր:

Միայն թե դա կարող է տեել մինչև լուսաբաց: Վաղը շատ գործ կար: Նու, թող այս լինի բացառություն: Ուղղակի այստեղից կգնա գործի, ինչպես հին ժամանակները, երբ մինչև լուսաբացը քեֆ անելը սովորական բան էր:

— Խնդրում եմ, շշերը մի մոռանաք... բողոքում են...

— Ո՞վ է բողոքում...

— Շշերը, շշերը...

Հանկարծ Հերյանը հիշեց, որ պետք էր ծառայել օրիորդին:

— Ներեցեք, օրիորդ, ի՞նչ եք հրամայում... կարմիր, թե՞ ճերմակ...

— Ճերմակ...

— Լավ եք ընտրում, ես էլ ճերմակ եմ խմում... Հայաստանի ճերմակ գինին ամենալավ գինին է... Գիտեք չէ՞, ինչպես են պատրաստում...

— Խաղողից...

— Այո, իբրև հիմք վերցնում են խաղողը, հետո նրա հետ խառնում են թել-թել հավաքած Հայաստանի արևի ճառագայթներից, ժայռերից պոկած մի քիչ գույն և հողերի սրտից առած բավականին մեծ քանակությամբ ջերմություն... Այդ ամենը խառնում են, կարասներում եփ տալիս... երկու տարի պահում... որպեսզի տարվա չորս եղանակ-

ները նրանում բաղադրվեն... և գարնան կրակը շրճների կաշելիս բոց լինի և սևր... լցնեմ...

— Լցրեք... Բանաստեղծ եք...

— Ե՞ս... շարքաշ մարդ եմ, ճանասլարհից շեղված մի նավաստի...

Շիշը երկարացրեց և բաժակը լցրեց: Լցնելիս դեմքը մոտեցավ օրիորդի կրծքին: Թեթև մի բուրում սովեց գլխին:

Շիշը վար դրեց և մնաց անշարժ:

Կնոջ բույր...

Դաշենկան էլ այդ անուշահոտությունից գործ էր ածում: Դաշենկան և ուրիշ կանայք, որոնց մասին լավ չէր հիշում, բայց որոնք ներկա էին իր մարմնի ծալքերի մեջ, իբրև համ և բույր:

Տաք և անուշ մի հոսանք անցավ նրա սրտի վրայից: Մնաց սառած: Վախեցավ նայել օրիորդի կողմը:

Կնոջ բույր...

...Դաշենկա, ես քեզ համար կբերեմ թռչուններով զարդարված արևելյան մետաքսներ և իսպանական շքեղ մի շալ՝ տոթ և վառ վարդերով ծաղկած...

Գինու բաժակը վերցրեց, մի կում խմեց, մի կում էլ խմեց: Գինին քիչ պահեց բերնի մեջ, հաճույքով համտեսեց, գրեթե կերավ:

Լցվեց ջերմ սարսուռով:

Դաշենկայի իսպանական շալը լայն բացվեց, փոխվեց Սեվիլյան պարսեզի: Արծաթե լուսինը ծարավ շրթունքները երկարած խմում էր մետաղե շողերով տերևների տենդը և փարթամ ճյուղերի տակ թառած գիշերվա անհանգիստ կրակը: Մի կիթառ ողբում էր: Դաշենկան մերկ այդ լուսնի նման հասած ցորեն էր և ոսկի...

Իսկ վաղը՝ եզներ, շինականներ, խուժան, թրիք...

Բաժակը դատարկեց մինչև տակը:

— Ստեփան Մարկոսովիչ, Ստեփան Մարկոսովիչ... Պահանջում ենք, պահանջում ենք... Կեցցե՛ մեր թամազան...

Անակնկալի եկած նայեց և ինքն էլ սկսեց աղաղակել:

— Ուզում ենք, ուզում ենք, Ստեփան Մարկոսովիչ...

Ո՞վ էր այդ Ստեփան Մարկոսովիչը, գաղափար չուներ: Սեղանի գլխին նստել էր շատ հաստ, ահագին փորը տնկած, առատ և կարմիր երեսով, կախված վզով, շինացու աչքերով և նեղ ճակատով մի մարդ: Լեցուն, փոքրիկ ձեռքերը վեր բարձրացրած նա բողբոջում էր և ինչ-որ բաներ ասում, որ Հերյանը չէր լսում:

Ոչինչ չէր լսում, ոչինչ չէր հասկանում:

— Ստեփան Մարկոսովիչը, Ստեփան Մարկոսովիչը,— շարունակեց գոռալ նա, այս անգամ ավելի ուժեղ ձայնով:

Ամենքը զարմանքով նայեցին նրա կողմը:

— Քամադան արդեն ընտրվել է,— ասաց օրիորդը:

Միծաղեց:

Հերյանը նկատեց սեղանակիցների զարմացած նայվածքները և կարմրեց: Ետ ընկավ աթոռի մեջքի վրա, ոտքը ոտքի վրա դրեց և կամաց երեք եկավ: Հանկարծ այրված էլեկտրական լամպերի նման տրխորությունը մի կտոր խավար դրեց նրա սրտի վրա: Մխախտ վառեց և ծուխը հառաչանքի նման ներս քաշեց:

— Պահանջում եմ բաժակները լցնել,— ասաց թամադան:

Շիշը վերցրեց: Բայց օրիորդի բաժակը դեռ լեցուն էր: Լցրեց իր բաժակը և խմեց: Նորից լցրեց: Գլուխը շրջեց օրիորդի կողմը, որպեսզի մի բան ասի, նայեց և ոչինչ չկարողացավ ասել:

Օրիորդը հոնքերը վեր բարձրացրեց:

— Ուղում էիք բա՞ն ասել...

— Իսկի չեք խմում...

— Լավ. մի կում խմեմ...

Ժպտաց:

Ժպտուր գեղեցիկ չէր: Շրթները տձևացան, աչքերը փոքրացան: Գեղեցիկ էր, երբ լուրջ էր: Լայն ճակատ ունեւր, ոլոր դեմք և խելացի ու կայծկլտուն աչքեր: Կարճ կտրված մազերը սազում էին նրան, երբ, մանավանդ, գլխի կտրուկ շարժումով դրանք ետ էր գցում: Հմայիչ էր, երբ լսում էր: Աչքերը մտածում էին, ճակատը քիչ վայր էր իջնում, շրթները ներդաշնականում էին: Այդ վայրկյաններին, նա միայն կին չէր, այլ նաև ոգի, մտածում, կենտրոնացած ուշադրություն:

Այնուամենայնիվ, նա կին էր: Կանացիություն: Կրծքերը, ուսերը, գիստերի թեթև շարժումը, սրունքների հմայքը, և ընդհանուր այն խնամվածությունը, որ նուրբ ճաշակ է վկայում և փափուկ զգայնություն: Կին էր մանավանդ, երբ խոսում էր ռուսերեն. ձայնը թրթռում էր, տեղ-տեղ երգում:

— Եթե դուք մի կում խմեք, ես կխմեմ ամբողջ բաժակը...

— Դե, դուք տղամարդ եք և ծովի մարդ... ես ձեզ չեմ կարող հասնել...

— Նայած... հասնելը գինու հարց չի...

— Շատ խոր էր. չհասկացա...

— Եվ շատ լավ արիք, որ չհասկացաք: Խոսքերը ստեղծված են մտքերը թաքցնելու համար... ով միայն խոսք է հասկանում՝ ոչինչ չի հասկանում... Խմենք:

— Ահ, կապիտան, հիմա էլ փիլիսոփա եք դարձել...

— Ե՛ս, փիլիսոփա՞... Արդեն ասացի. ես շարքա մարդ եմ, ճապարհից շեղված մի նավաստի:

Քամադան ճառում էր: Ուրիշներ էլ ոտքի էին կանգնում և ճառում: Քամադան ստիպում էր տանտիկնոջը՝ հրապարակավ համբուրել ամուսնուն: Համբուրում էր. ծափահարում էին:

...Ինքը, ի՞նչ գործ ունեի այստեղ...

— Ե՛ս, փիլիսոփա՞... Ահ, թողեք որ ծիծաղեմ... Գործ, շարժում, իրականություն, դեպքեր, անակնկալներ, արկածներ... Մի կտոր խորոված ևս... Չէ՞... Ուրեմն, սպասում եք ճուտով փլավին: Դե, մի քիչ էլ պատմեք Պետերբուրգի մասին...

...Սկզբի վայրկյաններում ամեն ինչ նոր էր, տարբեր: Մեծ սեղանի մաքուր սփռոցը, արծաթեղենները, լույսերը, ճաշերը... Հիմա տեսնում է ծամոզ բերաններ, հաստ, յուղոտված շրթունքներ, կարմրած երեսներ: Առաջել իվանիչը և նրա Տանձիբարովը, կաթում պահած սելոգկան, «լումբրնի» սեղանը...

Բոլոր այդ դեմքերը ծխած շամայկայի էին նմանում: Ոսկեզօծված մարմիններ և մեռած աչքեր: Եվ հիմար այդ օձիքը, որ սեղմում էր նրա կոկորդը, և վաղուց չհագած այդ կոշիկները, որ սեղմում էին նրա ոտքերը և, առհասարակ, ամբողջ այս բազմությունը, որ սեղմում էր նրա սիրտը և կաշկանդում նրա ազատությունը:

— Հասկանում եմ, ձեզ հետաքրքրողը կուրսերն էին, դասախոսությունները, գիտությունը...

...Ինչո՞ւ օրիորդի հղբայրը աչքերը տնկել էր Հերյանի վրա և լըրտեսում նրա ամեն մի շարժումը...

— Խնդրում եմ բաժակները լցնել... այդպես չի կարելի... Եվ ցավով պետք է ասեմ, որ մեր նավապետը, ուրիշներին օրինակ ծառայելու փոխարեն գործադուլ է հռչակել...

— Շտրաֆ, շտրաֆ...

— Ժողովուրդը պահանջում է, ուրեմն, կապիտանը պետք է շտրաֆը խմի...

Հերյանը խմեց: Բաժակը լցրեց և նորից խմեց: Նորից լցրեց, ոտքի կանգնեց, նայվածքը պտույտ ածեց շոբս կողմը, խմեց և հռհուաց:

— Մենք, ծովի մարդիկս,— ասաց նա,— այդպիսի ճատի-պստի բաժակները անվերջ կարող ենք պարպել...

— Խնդրում ենք նրան տալ մի դազան,— բացականչեց բեղերը և հոնքերը վեր թռած փոքրիկ մի անձնավորութուն:

— Ղազանում, պարոն, ձեզի նման լոբիներ են եփում,— մոմոաց Հերյանը և անմիջապես նստեց:

Անհարմար լուսություն տիրեց: Ամենքը նայեցին թամադայի երեսին:

— Այս աննշան միջադեպը չեղյալ եմ համարում... Պառլամենտական երկրներում առհասարակ սովորություն է...

Հերյանը շէր լսում, թե ինչ են ասում:

Փոքրիկ անձնավորութունը ոխակալ աչքերով շարունակում էր նայել նրան...

— Երևի ինժեներ է կամ պառլամենտի անդամ,— մտածեց Հերյանը:

...Տեր աստված, ինչքան գեղեցիկ են կոստա Բրավայի ափերը, երբ ամառը, լուսաբացի դեմ մարդ ծովից մոտենում է Բարսելոնային... այդ ժամերին Բարսելոնան ջրի խոտ, ոստրե և սերկևիլ է բուրում...

— Օրիորդ, դուք երբևիցե եղե՞լ եք Բարսելոնայում...

— Ոչ, դժբախտաբար, Բարսելոնայում երբեք չեմ եղել: Առհասարակ Ռուսաստանից դուրս չեմ եկել... Իսկ դուք երևի ամեն տեղ եղել եք, այնպես չէ՞...

...Արի, դիր գլուխդ սրտիս մոտ, քեզ տանեմ աշխարհի ամենագեղեցիկ վայրերը... Առավոտ, հազիվ լույսը բացված, մենք միասին կկանգնենք նավի կամրջակի վրա և կընդունենք մեզ մոտեցող երկրագնդի շքեղութունները... Այդ վայրկյաններին, քո խելացի աչքերը կլայնանան փայլփլելով և քո ճակատը կլուսավորվի ծաղիկների մեջ թաղված բլուրներից վայր սահող արշալույսի ճառագայթներով: Մենք կմոտենանք վեր մազլցող Բարսելոնային, որից ջրի խոտ, ոստրե և սերկևիլ է բուրում, և մինչդեռ ծաղկազարդ ուսմբլանները կուրվազովեն հեռուն, քո սարսուռն և երջանիկ թևերը կփաթաթես իմ վզի շուրջը և թուլացած շըրթունքներով կորոնես իմ շրթունքները...

— Այո, բավականին ճամփորդել եմ... գործի բերումով... Ինչպե՞ս... Նայած թե ինչ ենք սպասում մեր այցելած վայրերից... Այդ կախում ունի մարդից. կարող եք ամբողջ աշխարհը ման գալ և ոչինչ չտեսնել... Վերջ է վերջո, աշխարհը մեզ տալիս է այն՝ ինչ մենք տալիս

ենք աշխարհին... Չե՞ք հասկանում... Այնքան պարզ է, Չեզ մի բան ասեմ. դա փիլիսոփայություն չէ, այլ ճշմարտություն... Նու, դա ջոկ հարց է և այդ մասին կարելի է երկար վիճել, իմանալու համար, թե ուր է վերջանում փիլիսոփայությունը և ուր է սկսվում ճշմարտությունը... Գիտեմ, համաձայն չեք: Ես միայն այս եմ ասում. մինչ փիլիսոփայությունը տեսություններ է ստեղծում, սիստեմաներ է կառուցում, կյանքը հոսում է, փոխվում և բոլորովին տարբեր հարցերի լուծումը պահանջում... Նույնիսկ դրական գիտությունը, նույնիսկ մաթեմատիկան զերծ չեն այդ թերություններից... Հենց Նյուտոնի տեսությունները. անհերքելի օրենքներ են, դպրոցներում ծամված ճշմարտություններ են, և, սակայն, այսօր գտնում են, որ Հերմեսի ինչ-ինչ շարժումները այդ օրենքներով բացատրել չի կարելի...

— Ինչո՞ւ եմ, ուշադրություն...

— ...Եթե բնության թեկուզ մի երևույթը բացատրել չես կարող, ուրեմն պեսք է նորից փնտրել, նորից այդպես ասած...

— Պաժալստա, ուշադրություն եմ խնդրում...

— Բայց իմ ասելիքը դա չէ: Մենք խոսում էինք աշխարհի տարբեր վայրերի մասին:

— Սիրելի ժողովուրդ, այստեղ մի թանկագին հյուր ունենք, որ կարելի է ասել, եզակի է շատ բաներով... Նա մեկն է այն իսկական մարդկանցից, որոնց առաջ ոչ ծովն է կարողանում արգելք կանգնել և ոչ լեռ... Գուք, անշուշտ, հասկացաք, իմ խոսքը սիրելի կապիտան Հերյանի մասին է...

Հերյանը գլուխը վեր բարձրացրից և աչքերը հանդիպեցին քմծիծաղով լցված դազան առաջարկող փոքրիկ անձնավորության աչքերին: Չար, նախանձոտ, անհրապույր աչքեր: Նա աչ ու ձախ շրջեց, իր հարևանների ականջին ինչ-որ բաներ ասաց և ամենքը միասին ծիծառեցին:

— Մենք ամեն օր վկա ենք նրա համառության, նրա շարշարանքների... Ուղղակի զարմանալի բան է տեսնել, թե ինչպես այդ մարդը, ելել ընկել է այս շուրթը, մեր ժայռերով և լեռներով շրջապատված երկիր և անպատճառ ուզում է նավարկել... Եզները առաջ գցած, առավելից մինչև ուշ երեկո, հը հա հը, առանց վճատելու, առանց աննպաստ նշանակներից ազդվելու նպատակը հետապնդում է համառ կերպով...

— Ավելորդ ոռոմանտիզմ է,— բացականչեց փոքրիկ անձնավորությունը:

— Ինչքան էլ գովելի լինեն կապիտանի ջանքերը,— ավելացրեց

պարուշիկ Բուդաղյանը ջղախնացած ձայնով,— ես կարծում եմ, որ այդ-
քան եռանդ ավելի լավ կլինեն գործածել թնդանոթներ տանելու վրա,
քան թե մի անորոշ սամավար...

Հերյանը գույնը գցեց:

— Խնդրում եմ լուռ լինել,— միջամտեց թամազան խիստ ձայնով,—
էդպես չի կարելի... էդպես չի կարելի...

— Նկատողությունները ներելի են,— գոռաց մազերը շատ կարճ
կտրած տղու դեմքով մի աղջիկ, սուր, անբնական շեշտով,— դա դե-
մոկրատիայի սրբազան իրավունքն է... Ժողովրդի ձենը պիտի լսել ամեն
բանից առաջ...

Թամազայի դեմքը բուրբուրովին կարմրեց, վիզը վայր կախվեց, և
աչքերը փայլփլեցին:

— Պահանջում եմ սուս մնալ... կարգապահություն, կարգապահու-
թյուն...

Մի հահագին գոռում-գոչում բարձրացավ:

— Զէ, ախր, ինչո՞ւ լռենք... դա պարզապես աշխատավոր ժողո-
վրդի շահագործում է, մասսաները խաբելու մի անբարոյական մի-
ջոց... Դա մի կոմեդիա է, որ ներկա ռեժիմը հնարել է իր սնանկությու-
նը ծածկելու համար...

Անդանի հակառակ ծայրում գայրանում էր մի ուրիշ ձայն:

— Տնաշեններ, այստեղ, ձեր քթի տակ, բարձրագույն ուսում ստա-
ցած ինժեներներ են նստած... տեխնիչեսկի պատրաստությունով և
պրակտիկայով... գոնե կանչեք, հալա նրանցից մի խորհուրդ հարցրեք
և հետո գործի ձեռնարկեք... Ախր չի կարելի էդպիսի կուստարնի մի-
ջոցներով ամեն բանին ժողտնալ... դա ուղղակի ասիականություն է...

Ռ.րիշները բողբոջում էին:

— Սա խայտառակություն է...

— Ամոթ է, այդպես չի կարելի... մարդը հոգի է տալիս...

— Մեծ բան, հոգի է տալիս... ո՞վ հոգի չի տալիս...

— Սաշան լավ առաջ՝ սամավար...

Այդ վայրկյանին, սփռոցը քաշվեց, փշրվող պնակները զրնգալով
ձայր թափվեցին և բոլոր ձայները լռեցին:

Հերյանը հանձնվեց փողոցում մռլեղնող քամուն և քայլեց: Դեռ լավ
չէր կարողանում իրեն հաշիվ տալ պատահածի մասին: Ընկատը այր-
վում էր, ջղերը անհանգիստ էին:

Կանգնեց և երեսը տվեց քամուն:

Նորից քայլեց սրունքները երերուն, ինչպես սովոր էր քայլել, երբ նավը սաստիկ տատանվում էր:

Մու-մու-մու, ոռնում էր քամին: Այդ ձայնը մտավ նրա սրտի մեջ և այնտեղ գանգատվեց: Փաստը այդ էր. սեղանի սփռոցը քաշել էր և ամեն ինչ վայր թափել... Էլ ոչինչ չէր հիշում: Հիշում էր միայն մոտը նստած օրիորդի սարսափած աչքերը:

Մու-մու-մու:

Երկնքի աստղերը դարձել էին անհուն: Մութ էր: Քամի էր: Աշուն էր: — Դուք, ազուն, գիշատիչ, բորենու հոգիներ, — գոռացել էր Հերյանը կատաղության վայրկյանին: Պարուշիկ Բուզադյանը ատրճանակը դուրս էր հանել: Օրիորդը վազել էր և եղբոր ձեռքը բռնել: Մի կին ուշաթափվել էր: Եվ մինչ ամենքը գոռում կանչում էին, սազանդարը ներս էր մտել և սկսել նվագել:

Հիմար տեսարան...

Նորից կանգնեց, բազուկները բացեց և քամու հետ գրկախառնվեց: Քամին գուրգուրալով շոյեց նրա երեսը, կուրծքը, թևերը: Նա կոկորդը խեղդող կոճակը բաց արեց և օձիքի ծայրերը աղավնու թևերի նման վզի շուրջը խաղացրին:

Ահա Երևանի քաղաքների դասակարգը: Կաթում պահած սերոգլանների միջովայրը: Արյունը գլուխը խփեց և սաստիկ բարկությունը ցնցեց նրա ամբողջ մարմինը: Սուկինի սինի¹, մոմուաց զայրութով: Բուրբ այդ դեմքերը փլավից յուղոտված շրթունքներով, անմիտ աչքերով, լող-լող մսերով...

Մու-մու-մու...

Մեղք, իսկական կոիվ տեղի շունեցավ: Այն լավ կոիվներից մեկը, որոնք պատահում են նավամատույցներում անզլիացի կամ ֆրանսիացի նավաստիներին... ոչ թե մեղրամոմե շինված Տանձիբարովների հետ...

...Գեղեցիկ էին օրիորդի աչքերը: Խոր, թափշյա, խելացի... Եվ ասել թե... ուզում էր նրա հետ գնալ Բարսիլոնա... Սատանան տանի, ուզում էր գնալ Բարսելոնա...

Իսկ դուրս եկավ խայտառակություն և Տանձիբարով... ոչ մի տեղ չգնացին:

Այդ վայրկյանին նկատեց, որ Տանձիբարովի ստվերը քայլում էր իր կողքով: Մեծ ոտքեր, կարճ, քառակուսի մարմին, երկար բազուկներ և կրծքի վրա կախված հաստ, ոսկե ժամացույցի շղթա: Երես շուներ,

¹ Շահ որդիներ:

այլ՝ ոսկե շրջանակներով ակնոցներ, որի գլխին կանգնած էր մի շատ մեծ կարտուզ, մեծեվոյ ինժեների նշաններով:

Եվ Հերյանը զգաց, որ այդպիսի ոտքեր և այդպիսի գլխարկ ունեցողը պետք է լինի նեղմիտ իմաստակության հրեշ, օրինապահուցիչ և գրասենյակային թղթեր լափող բորենի, փորապնդությունից և թվաբանական միջին տեղերից տառապող մկամարդ:

Մի մեծ զայրույթ թափահարեց նրա ամբողջ մարմինը և շրթները գունատվեցին:

— Ես քեզ ատում եմ,— գոռաց նա ամբողջ ուժով,— ես քեզ ատում եմ, Տանձիրարով...

Ստվերը անհետացավ:

Ա՛յ քեզ բան...

Ա՛յ քեզ բան: Բարկեն Միրանյանի պատուհանները լուսավորված էին: Կանգնեց: Ականջ դրեց: Չէ, քեֆ չկար: Ձայն չէր լսվում: Վարագույրները արգելում էին ներսը տեսնել: Նայեց ժամացույցին. առավոտվա ժամը երեքի մոտերն էր: Այդ ժամին նրանք քնած են լինում: Ուրեմն, ի՞նչ էր պատճառը, որ նրանց լույսը վառված էր: Չլինի՞, որ մեկն ու մեկը հիվանդ է. որ մի բան է պատահել...

Անորոշության մատնված սպասեց:

Մտտի փողոցից անցնող զորքերի ոտնաքայլեր լսվեցին: Ձինվորները մեկնում են, մտածեց, չլինի՞ որ...

Պատուհանի ապակու վրա կամաց թրխկացրեց: Ոչ ոք չպատասխանեց: Սպասեց և նորից թրխկացրեց, այս անգամ ավելի ուժով: Վարագույրի ետև մի շուք շարժվեց, մոտեցավ, վարագույրը մի կողմ քաշեց, քիթը կպցրեց ապակուն: Դրսի մթության պատճառով ոչինչ չտեսավ:

— Ո՞վ է...

Միրանյանի ձայնն էր:

— Ես եմ, Հերյանը...

Քիչ հետո փողոցի դուռը բացվեց:

— Լույսեր տեսա, մտածեցի չլինի մի բան է պատահել... ի՞նչ է, մարդ ու կին մեն-մենակ քե՞ֆ եք անում...

— Չէ,— պատասխանեց Միրանյանը, աշխատելով ձայնին անտարբերության շեշտ տալ,— չէ, այնպես նստել էինք... Մտեք ներս:

Երբ տիկին Վարդուհին թախտի վրայից վեր կացավ բարևելու համար, Հերյանը նկատեց, որ նրա աչքերը սաստիկ կարմրած էին, գույնը

սփրթնած էր և ուսերը ուժասպառ վայր էին ընկնում: Սակայն, զարմանալի էր, որ նա հագնվել էր շքեղ, Բաքվից բերված մութ կապույտ թավշյա այն զգեստը, որը նրան այնքան լավ էր սազում...

— Իմ արև,— բացականչեց Հերյանը,— իմ արև, նմանվում եք գահը նոր կորցրած թագուհու...

Տիկինը շվարած նայեց, ձեռքերը տարավ երեսին և սկսեց հեկեկալ:

— Ի՞նչ է պատահել,— շփոթված հարցրեց Հերյանը:

— Ախր, ոչինչ,— պատասխանեց Միրանյանը մեղավոր ձայնով,— ուղղակի ավելորդ տեղն է մաշվում... Քնել շուգեց և ամբողջ ժամանակ լաց է լինում... Ժամը ութին մեկնում ենք ճակատ...

— Ճակատ... Ի՞նչ է, պատերա՞զմ է...

— Այնպես եք զարմանում, կարծես մինչև հիմա տեղի ունեցող զեպքերը պատերազմ չէին... պատերազմը երբեք չի դադարել... Պարզապես կոիվները շարունակվում են... Այս անգամ դրությունը ավելի լուրջ է երևում... Թուրքերը քայլում են Կարսի վրա: Ասում են մեր ընդհանուր հրամանատար Նազարբեկյանը շատ մտահոգ է...

Հերյանը նստեց և աչքերը վար կախեց:

Լոնցին:

Միրանյանը գնաց մյուս սենյակը և վերադարձավ մի շիշ կոնյակ ձեռքին: Բաժակները դրեց սեղանի վրա, լցրեց:

— Ի՞նչ է, քեֆի՞ց եք գալիս...

— Չէ... հյուր էի գնացել,— պատասխանեց Հերյանը:

— Վարյա ջան, դու էլ մի բաժակ խմիր... Խնդրում եմ, մի՛ հուզվիր, ժպտա, դուշկա, ժպտա...

Տիկինը արցունքները սրբեց, ժպտաց և բաժակը վերցրեց:

— Այ, էղպես,— ուրախացավ հեծելազորի սպան:— Ախր, կրակի մեջ ապրողը կրակից չի վախենում... Հինգ տարի է հանգիստ չունենք: Ավստրիական ճակատը, Բաքվի կոիվները, Սարըղամիշը... Չորս վերքեր ունեմ, մարմինս սովորած է... Դե, ողջ լինենք...

Հերյանը խմեց և շուգենալով նրանց մտերմությունը խանգարել, վեր կացավ... Միրանյանը բողբոջեց:

— Նստեք մի քիչ զրուցենք,— ասաց նա,— մեկ էլ ո՞վ է իմանում, երբ կհանդիպենք...

Գլուխը շուռ տվեց և նայեց հեռուն:

— Վարյա ջան, ուզում ես... ֆոնոգրաֆը դիր, մի բան նվագիր... մի թեթև բան... ցիգանական...

— Հիմա չէ, հետո...

— Լա՞վ, ոնց ուզում ես... Մինչև հիմա նվազում էինք,— ասաց նա բաժակները լցնելով:— Խմել ջ... Լսում էինք... երաժշտությունը, սիրում եմ ամենից ավել...

— Երաժշտությունը,— հարցրեց տիկինը, տխուր և նախանձոտ ձայնով:

— Երաժշտությունը և Վարյաս... Եթե խառն ժամանակներ չլինեին, երևի կգնայի Պետերբուրգի երաժշտանոցը ջութակի դասերը շարունակելու... Բաժականին ընդունակություն էի ցույց տալիս...

Վեր կացավ, նստեց կնոջ մոտ և նրա ձեռքերը առավ ափերի մեջ:

— Տարօրինակ բախտ վիճակվեց մեր սերնդին, հիմար բախտ... Որովհետև Ֆրանսիան և Գերմանիան առկախ հարցեր ունեին՝ էլզաս-լորեն, տնտեսական գերակշռություն և էլ չգիտեմ ինչ և մեր գլխին կրակ թափվեց... Աշխարհը քանդվեց, կազմալուծվեց, վայրենացավ... Երբ մարդ մտածում է ինչքան ամեն բանից հեռացել ենք, երբ մարդ մտածում է... Այս գիշեր, Վարյայի հետ լսում էինք... Բախի երկու ջութակների կոնցերտը, Բեթհովենի կլիինտետները, Բրամսի շորրորդը և ուրիշ բաներ... Ի՞նչ լավ էր, ինչ լավ... Սո, մանավանդ, սիրում եմ Բախին. նրա զսպված կրակը, նրա պայծառ գծերով ճարտարապետված հոգեկանությունը, նրա սառը ջերմությունը, նրա... Ինչպե՞ս բացատրել... նրա լուսավոր կեցվածքը կյանքի առաջ... Ախ, Վարյա ջան, նորից նվագիր երկու ջութակների կոնցերտոն, թող պարոն Հեբբանը լսի...

Նա գլուխը դրեց երկու ձեռքերի մեջ և ալոպես մնաց մինչև նվագի վերջանալը: Երբ գլուխը բարձրացրեց (Հերյանը երբեք նրան այդ վիճակում չէր տեսել) նրա աչքերը այրվում էին, դեմքը սփրթնած էր և թափանցիկ:

— Ահա, հիմա դուք առացեք,— բացականչեց նա հուզված ձայնով,— ահա մի կողմից այս պայծառ և խորհրդավոր ջութակների դիալոգը, մահի և սիրո այս բախտավոր խոսակցությունը և մյուս կողմից՝ արյունարբու թուրքը... Բախը և թուրքը... Չէ, բնությունը անողոք է...

Հերյանը, որ սովոր էր Միրանյանին հակաճառելու, այս անգամ էլ չկարողացավ իրեն զսպել: Մեջքը ետ գցեց բազկաթոռի վրա և ասաց.

— Ծիշտոն ասած, եթե վերցնենք մեր ապարանցուն, նա էլ Բախի երաժշտությունից բան չի կարող հասկանալ...

— Հարցը դրանում չէ, հարցը դրանում չէ,— բողոքեց Միրանյանը:— Երևի նույն Գերմանիայում էլ կան շատ գյուղացիներ, որոնք Բախից ոչինչ չեն հասկանում... Սո այդ մասին շատ անգամ մտածել եմ... Մտտեցավ սեղանին: Բաժակները նորից լցրեց: Ծվ քմեց:

— Իսկ թուրքը... այստեղ, դեմ դիմաց կանգնած երկու իրարա-

մերժ, հակոտնյա աշխարհներ են... Սոսկալին այն է, կապիտան Հերյան, որ թուրքը հոգեկան անցյալ չունի, նա լցված է գազանային բնազդներով և նախնական ախորժակներով...

— Անկասկած իրավունք ունես,— պատասխանեց Հերյանը տրխրած ձայնով:— Փաստերը համառ են, բայց ժողովուրդը միշտ մնում է ժողովուրդ, ինչ ազգի էլ պատկանի, հանցավորը ղեկավարներն են...

— Ես սպա եմ. պատերազմը պատերազմ է... Կռվել, դա՛ երբեմն պարտադրություն է... Սակայն, անպատիվ բան է մորթել անպաշտպան կանանց և երեխաներին, անպատիվ բան է քանդել քանդելու համար... ղեկավարներն են թե ժողովուրդը, ես այդ չգիտեմ, սակայն այսօր թուրքը անպատիվ զինվորական է: Քաջ, առկուն, անվախ, բայց անպատիվ: Նա ավելի մարդասպան է, քան մարտիկ: Եվ իբրև մարդասպան, նա չի կարողանում տանել այն ամենը, ինչ կապ ունի հոգու և մտքի հետ: Այսօրվա թուրքը գերազանցապես հակամշակութային է: Այդ պայմաններում, ի՞նչ առնչություն թուրքերի և Բախի միջև...

Լոնց: Ման եկավ անկյունից անկյուն:

— Ես այդ բոլորը ասում եմ,— շարունակեց նա, կանգ առնելով Հերյանի առաջ,— որովհետև ուզում եմ ինձ պարզ հաշիվ տալ, թե ինչո՞ւ համար եմ ահա մեկնում և վտանգում իմ երիտասարդ կյանքը... Կարող եմ սպանվել, ուզում եմ իմանալ ինչո՞ւ համար պիտի սպանվեմ: Պիտի կռվեմ և սպանեմ ուրիշներին. ուզում եմ իմանալ ի՞նչ եմ պաշտպանում և հանուն ինչի՞ պիտի սպանեմ ուրիշներին... Երկիր, ժողովուրդ, անկախություն պիտի ասեք: Դրանք ընդհանուր խոսքեր են: Եթե այս երկիրը, այս ժողովուրդը, այս անկախությունը բարձր և ստեղծագործ ոգու մարմնացումը չեն, եթե դրանք պահապանը չեն դարերով պատրաստված և խորապես ներկա մի կոչումի, այն ժամանակ ես հիմար եմ, որ ուզում եմ նահատակվել ոչնչի համար... Ես գնում եմ՝ թող այս տարօրինակ չթվա՝ պաշտպանելու համար բախյան հոգին բարբարոսներից և մշակույթի թշնամիներից...

— Ինչ բաներ ես ասում, Բարկեն ջան,— ասաց տիկինը՝ զարմացած աչքերը ամուսնու վրա հառելով:

— Զգիտեմ,— ասաց Միրանյանը մի վայրկյան մտածելուց հետո,— չգիտեմ, գուցե ասածներս իսկապես տարօրինակ են, գուցե ծիծաղելի են և միամիտ... Տես, Վարյա ջան, մենք ապրել ենք երկար տարիներ հայությունից դուրս: Հայ ենք եղել, անշուշտ, բայց ավելի ծնունդով, քան մտքով և հոգիով... Ռուսական կրթություն, ռուսական դաստիարակություն, ռուսական կյանք... Մեր աչքերը սևեռած էին Պետերբուրգի վրա... Տոներին եկեզեցի էինք գնում, ավելի բակը, քան ներսը,

թեթև ազգասիրություն էինք անում Տաճկաստանից եկած գաղթականների համար, փող էինք տալիս, որպեսզի փողոցներում մուրացկանություն չանեն և մեր արժանապատվությունը չվիրավորեն, հայ գրականության մասին մեր հայրերից անորոշ բաներ էինք լսում և Հայաստան բառը այնպես պատմական հեռավոր մի թռչուն էր, անհայտ վայրերում բույն դրած և ցավով և երազով շրջապատված... Հայրս իր աղատ ժամերին սիրում էր թղթատել հայության վերաբերվող զանազան գրքեր. «Սղբարական օգնություն հայերին», Անիի գունատած լուսանկարների ժողովածու, Եզովի, Պատկանյանի, Ադոնցի գրքերը... Առհասարակ, նկատե՞լ եք, մեր վաճառականները, որոնց պատճառով օտարականները այնքան աննպաստ կարծիք են կազմել մեր անմեղ ժողովրդի մասին, սիրում են՝ իրենց մակերեսային հայրենասիրությունը շոյելու համար, հայության վերաբերյալ գրքեր հավաքել... չեն կարդում սակայն և եթե կարդում են, չեն հասկանում... Բայց էդ չէր իմ ասածը. ուզում եմ ասել, որ երբ մարդ գրքերը բաց էր անում, ուղղակի հուսահատվում էր. Քանզված եկեղեցիներ, վայր թափված քարեր և զարդաքանդակներ, խորտակված գմբեթներ, անապատներ, և անապատներում՝ մի քանի գյուղացիներ և վարդապետներ... Մի տեսակ ընդհանուր փլուզում, որ մեզ վիրավորում էր և չէր ոգևորում...

— Ծիշտ է,— համաձայնվեց Հերյանը,— ես էլ այդ տպավորությունը շատ անգամ ունեցել եմ...

— Փողոցներում՝ պատռված, կեղտոտ, աներես գաղթական մուրացկաններ, գրքերում՝ վայր թափված քարեր, թերթերում՝ անվերջանալի սարսափների նկարագրություններ... Մեզ՝ ազատ ապրած, կովի վարժված, հպարտ և գոռոզ ժողովրդիս համար — այդ ամենը վիրավորական էր, նվաստացուցիչ... Մեր սիրտը ողբում էր և մեր միտքը ընկճվում: Չէինք կարողանում այդ իրականության հետ հաշտվել և չէինք կարողանում այդ իրականությունը հասկանալ: Եվ ահա մեկ էլ, ամեն ինչ փոխվեց, երբ դեպքերը շանթի արագությանմբ խուժեցին մեր վրա, ամբողջ մեր կյանքը տակնուվրա արեցին, արժեքները շրջեցին, մեզ գցեցին փոթորիկների բերանը... Իսկ մտածե՞լ եք, ինչպիսի հեղաշրջում տեղի ունեցավ... Կայուն, հաստատ, վերջնական ձև ստացած մի դարից, հանկարծ արաբական հեթաթի հերոսի նման թռող կարպետի վրա ընկանք և սուրացինք մի ուրիշ դար... Երբեք չպիտի մոռանամ էն օրը, Վարյա ջան, հիշում ես, չէ՞... երբ առաջին անգամ մտանք Հայաստան...

Աչքերը փակեց, մի վայրկյան լռեց, ապա շարունակեց.

— Երբեք չտեսած մի նոր երկիր... Հազիվ նայեցիր և կարծես սրտիդ մեջ մի լույս վառվեց... Ամեն ինչ թվաց այնքան մտերիմ, այնքան խաղաղ, այնքան քաշող... Անկարելի է բացատրել... ուղղակի խոսքեր չեմ գտնում... Հորս գրադարանում տեսած լուսանկարները հանկարծ կենդանութուն ստացան, պսակվեցին արևով, ապրեցին ուրիշ կյանքով, մտան պայծառութուններով և թաքնված իմաստներով լցված մի մթնոլորտ, և ես հասկացա... Ասում եմ հասկացա, բայց պետք էր գործ ածել մի ուրիշ բառ, նու, ասենք զգացի, ապրեցի, վերագտա իմ մեջ այն, ինչ չէի նշմարած... Եղա տարբեր, ուրիշ... Եվ այն, ինչ առաջ թվում էր այնքան հեռու, այնքան բարձր և այնքան անորոշ, միանգամից պարզվեց և այս հողերի, այս լեռների, այս շենքերի հետ լեցուն, ամբողջական կյանք ստացավ... Ահա, էականը հենց դրանում է... Երբ ասում եմ Բախ, թող այդ ձեզ զարմանալի չթվա... ես իմ երաժշտական կրթությունը նրա օրինակով եմ զարգացրել և հոգեկան բարձրությունները նրանով կարող եմ չափել... էջմիածնում եղե՞լ եք, կապիտան...

— Եղել եմ, ինչպե՞ս չէ...

— Լավ, Վերցրեք Հոփսիմեի հոյակապ տաճարը, օրինակի համար, կանգնեցեք և լավ դիտեցեք այն, և կտեսնեք, որ նրա պարզ, հրստակ, ներդաշնակ գծերը, նրա բարդ պայծառութունը, նրա զսպված և տիրապետված թռիչքը, ճիշտ և ճիշտ բախյան կառուցվածք է... Նույն հոգու վերածված մարմինը, նույն կրակ թավալող արյունը, նույն ուրիշ... Երբ Գյոթեն ասում է, որ ճարտարապետությունը սառած երաժշտություն է, օրինակը հենց այստեղ է... Ես էդ զգում եմ խորապես, հոգով և մարմնով, ամբողջ էությունս և, ահա, ասում եմ՝ էստեղ Հոփսիմեն է և էնտեղ գազանը. Բախը և գազանը... կոհվը նրանց միջև է...

Միրանյանը այնքան սրտանց էր խոսում, այնքան հուզված, որ ոչ ոք չէր ուզում նրա խոսքը կտրել: Հերյանը նրան երբեք այդքան լուրջ, այդքան խորացած չէր տեսել:

— Ուրեմն, ասում եմ, կոհվը նրանց միջև է,— շարունակեց նա:— Ինձ համար հարցը դրված է այսպես՝ կամ կհաղթի տասնյակ դարերի զոհաբերություններով պաշտպանված հոգեկան այս հարստությունը, կամ կհաղթի խավարը...

Հերյանը նրան լսում էր զարմանքով: Ինչ տարօրինակ արարած է մարդը, մտածում էր նա: Ամիսներով կողք կողքի ապրում ես, բարեկամություն մշակում, միասին ուտում, խմում, խոսում, վիճում, իսկ դուրս է գալիս, որ մարդը, որին կարծում էիր, թե ճանաչում ես, բոլորովին ուրիշ է: Այդ Միրանյանը ճառում էր նապոլեոնի մասին, հայելու առաջ ժամերով շտկում էր համազգեստը և էպոլետները, պաժարակի

կատրեսների մասին նուրբ մանրամասնություններ պատմում, սիրում էր ձին և կնոջը և, առհասարակ, շվարած, արհամարհանքով լցված հարուստ երիտասարդի տպավորություն էր թողնում, մինչդեռ... Բախ, Հոբիսիմե...

* * *

Պատուհանների վրա կաթնագույն մառախուղի նման մի լույս թառեց: Սենյակում ներկա գտնվողների դեմքերը գունաթափվեցին: Առավտովա այդ առաջին լույսը, դրսից կանչող ճերմակ թրթռոցի նման կամաց-կամաց ներս խուժեց և ամեն ինչ սկսեց արթնանալ: Ինչ-որ բան անհեռացավ, խորտակվեց մութի հետ, և ծնվեց ուրիշ տարբեր մի իրականություն:

Միրանյանը ճրագը մարեց, բազուկները վեր կարհատեց և հորանջեց: Վարյան ոտքերը հավաքած, կուչ էր եկել թախտի վրա: Շքեղ զգեստի և անորոշ լույսի պատճառով նմանվում էր թառամած հսկա ծաղկի: Նա ծանրացած կռպերը վեր բարձրացրեց, նայեց մշուշոտ նայվածքով և հանկարծ ուշքի գալով տեղից վեր ցատկեց:

— Գնամ փոխվեմ,— ասաց նա:— Բաբիկա ուզեց, որ էս հիշեր անպայման այս զգեստը հագնեմ... Միրում է... անպայման ուզեց...

— Ես էլ,— ասաց Հերյանը,— գե՛ամ այս օձիքս, այս հիմար կոշիկները փոխեմ... Կվերագառնամ և ողջերթ կմաղթեմք...

— Կապիտան ջան, սպասեք, դեռ ժամանակ կա,— խնդրեց Միրանյանը:— Վարյա, բալիկս, դու գնա փոխվիր, իսկ մենք մի բաժակ էլ կխմենք... այդպես չի՞, կապիտան, մի բաժակ էլ կխմենք...

Հերյանը ուզեց պնդել, բայց սպան աչքով արեց նրան, հասկացրեց, որ ուզում է բան ասել: Երբ տիկինը մեկնեց, նա Հերյանին ցած ձայնով ասաց.

— Գնում եմ... կովի ժամանակ ամեն բան կարող է պատահի...

— Ի՞նչ կարող է պատահել... Առաջին անգամ խո՞մ չի՞...

— Անշուշտ... Բայց կոխվր կոխվ է... գնդակը խելք շունի... Ճիշտը ասած, այս անգամ տարօրինակ նախազգացումներ ունեմ... Վերջապես կյանք է... մարդ չի իմանում... եթե ինձ բան պատահի, խնդրում եմ, Վարյային մեռնակ շնորհես... Քույրը Թիֆլիսում է... լավ կանի գնա նրա մոտը... Կասեք իրեն, որ դա իմ կամքս է... թող գնա քրոջ մոտը...

— Կասեմ, վստահ եղեք... Եվ առհասարակ մինչև ձեր վերադարձը կարող եք հանգիստ լինել... Նու, ավելորդ է այդ մասին խոսել իսկ...

— Գալիս է. խմենք...

Երբ տիկինը վերադարձավ, նրանք լցված բաժակները բարձրացրին և Հերյանը, իր ձայնին շինժու ոգևորության շեշտ տալով, բացակասեց։

— ...պաժալստա, այդ շներին մի լավ դառ տվեք... այնպես, ինչպես հարկն է...

— Ես էլ ցանկանում եմ, որ նավը տեղ հասնի... Հաջողություն...

Գլուխները ետ գցեցին և բաժակները պարպեցին։

Մի ժամ հետո Հերյանը վերադարձավ ողջերթ մազթելու համար Միրանյանը, տաք վերարկուն հագած, բաշլիկը վզին փաթաթած արդեն նստած էր ձիու վրա և պատրաստվում էր մեկնելու։ Ես Հերյանին տեսնելով ուրախացավ, ձիու սանձերը քաշեց, կոացավ և նրա ձեռքը պինդ սեղմեց։

— Նու, հիմա, պաշլի՜...

— Բարիկ, Բարիկ,— կանչեց կինը հետևից վազհլով։

Նա կոացավ, կնոջ գլուխը սեղմեց իր ձեռքերի մեջ, համբուրեց և ձին մտրակեց։

— Ըս Բոգոմ²,— պոռաց Հերյանը։

Ձիու սմբակների ձայները անհետացան։

Փողոցը հանկարծ դատարկվեց։

Տիկինը հեկեկալով ներս մտավ։

8

Այն օրը անակնկալների օր էր...

Միրանյանի մեկնումից հետո, նավի մոտ հասնելիս Հերյանը տղաներից իմացավ, որ Բաթումից եկած մի ուրախ իրեն էր փնտրում։

— Մի ուրախ մա՞րդ... — ասել էր նա զարմացած։

— Հա, պայուսակը թողեց այնտեղ, նավի վրա և ասաց... Բայց չհասկացանք ինչ ասաց... ուսերեն էր խոսում...

— Ո՞վ կարող է լինել...

Թյր պայծառ էր և ցուրտ։

Հերյանը հոգնած էր և քիչ էլ ընկճված։ Գիշերվա անքնությունը, պատահած դեպքը, Միրանյանի մեկնումը ազդել էին նրա շղերի վրա և տրամադրությունը փոխել։ Բակ անելիք հազար գործեր կային։

— Գյուղացիները փող են ուզում և շատ գանգատվում են,— առաջ Մարտինը։

— Փո՞ղ են ուզում... երկու օր առաջ տվել եմ...

¹ Գնացինք։

² Աստուծով։

— Ասում են քիչ է, այսպես շարունակել չեն կարալ... Կարապետ աղան լուր է ուղարկել, որ պահանջեն... հակառակ դեպքում ասում են...

— Հավ: Գնամ տեսնեմ ինչ կարող եմ անել...

Կարգադրութիւններ արեց, խորհուրդներ տվեց և ուղղվեց ֆինանսների նախարարութիւն: Զանազան սանդուղներ բարձրացավ: Զանազան դռներից ներս մտավ: Զանազան մարդիկ տեսավ: Խոսեց, վիճեց, բողոքեց, բարկացավ, կծու պատասխաններ ստացավ, կծու պատասխաններ տվեց և վերադարձավ ձեռքերը պարապ: Երեկ գիշերվա անխորժ դեպքի մասին գրասենյակում արդեն տեղյակ էին:

— Հը, նավապետ, գիշերը ի՞նչ է պատահել, ամեն տեղ խոսում են...

Իսկ փող... ոչ իսկ չնչին մի միլիոն:

Հերյանը մտածկոտ, գլուխը վայր գցած քայլում էր: Հեռվից տեսավ, որ նավի աշխատանքները կանգ էին առել և շինականներն ու խուժանի տղաների բազմութիւնը բոլորվել էին մի անձնավորութեան շուրջ, որը խոսում էր ձեռքերը այս ու այն կողմ նետելով:

Բարձր ծիծաղում էին, աղմկում, ուռա կանչում:

Հերյանը արագ մտեցցավ և մնաց ապշած: Բազմութիւնը զվարճացնողն էր Ֆեոդոր Պանտելենիչը: Հարթած էր երևում: Թուլացած աչքերը ոլոր էին գալիս, բառերի կեսը ուտում էր, կեսը դուրս թքնում, բազուկները վեր կարկառած թափահարում և խոպոտ ձայնով սպառնում և հայհոյում: Ողորմելի տեսք ուներ: Գլխարկը ծակված էր, վերարկուն սկից կանաչի էր փոխվել, վզին օձիք շունբու: Իսկական թափառաշրջիկի էր նմանվում:

— Գիտե՞ք ում հետ եք,— գոռում էր նա,— նավի իսկական տերն եմ... Ուզեմ՝ նավը կմնա այստեղ, չուզեմ՝ նավը կտաննեմ... Այդպես չէ՞, նե տա՞կ լի...

— Տակ-տակ-տակ,— ծիծաղելով համաձայնվում էին շուրջը կանգնողները:

— Ասեմ նաև որ այստեղ Բասեյան է,— բացականչում էր նա ձեռքով ցույց տալով ուսաց եկեղեցու դմբեթը:— Ահա՛ Բասեյան...

Գլխարկը հանում էր, երեք մատերը միացրած խաչակնքում, մեղքը մինչև գետին ծռած երկրպագում, նորից խաչ հանում, նորից երկրպագում:

— Երբ ցարը,— ասում էր նա հուզված ձայնով,— երբ նիկոլայ Երկրորդը, բոլոր ուսանների ցարը և բոլոր հայերի ցարը նորից վերադառնա, այն ժամանակ...

— Ցար չկա, ցար չկա,— բողոքում էին շուրջը կեցողները:

Ֆեոդոր Պանտելեևիչը շփոթված կանգ էր առնում, աչքերը պլզած նայում:

— Այո, սպանեցին... այո...

Եվ հանկարծ սկսում էր լաց լինել:

— Ի՞նչ եք հիմար, հիմար կանգնել,— ստենտորյան ձայնով գոռաց Հերյանը, հեռվից այդ ամենը լսելուց հետո:

Բազմությունը ցրվեց, Ֆեոդոր Պանտելեևիչը հենց որ նրան տեսավ, ամբողջ մարմնով դողաց, ձեռքերը վեր կարկառեց, վազեց դեպի նրան, գրկախառնվեց և ուզեց համբուրվել:

— Սիրելի իմ կապիտան, ախ, սիրելի իմ կապիտան...

Հերյանի ձեռքերը սեղմեց, շոյեց:

— Դարագոյ մոյ կապիտան!... Ախ, կապիտան, ախ, կապիտան...

— Դուք աշխատանքները շարունակեք, գալիս եմ,— պատվիրեց Հերյանը և ոռուսի թևից քաշելով ուղղվեց անկյունի սրճարանը:

Սուրճ ապսպրեց: Նստեցին:

Խուժան տղաները հետաքրքրված եկել կանգնել էին սրճարանի առաջ, Հերյանը նրանց հանդիմանեց:

— Թամաշա է, ի՞նչ է... հեռացեք...

Վերջապես մնացին մենակ:

— Ի՞նչ է պատահել, Ֆեոդոր Պանտելեևիչ,— հարցրեց նա լուրջ և հանգիստ ձայնով:— Ինչո՞ւ եք եկել Հայաստան... Եկել եք և իսկույն հարբել...

— Գիտե՞ք ինչ,— պատասխանեց ոռուսը,— գնացի մեր քահանայի մոտ... նստած խմում էր... նա իր ցավերը պատմեց, ես իմ ցավերը պատմեցի... Նու... խմեցինք, այնպես, սրտի որդը սպանելու համար... Վատ է, սիրելի կապիտան, շատ վատ է...

Ասաց և խխունջի նման քաշվեց իր մեջ:

Հերյանը ուշադրությամբ զննեց նրան: Մի քանի ամսվա մեջ մարդը ծերացել էր, ճերմակել, փոքրացել: Երևում էր, որ կյանքի փոթորիկը նրան վերցրել էր իր ատամների մեջ և խածնելով թափահարել:

— Սա այն մարդկանցից է — մտածեց Հերյանը — որոնք ճակատագրի հարվածների տակ տապալվում են, ստորանում և իրենց ստորությունից հաճույք զգում... Կա մարդ, երբ ընկնում է, իջնում է մինչև անդունդը...

Ֆեոդոր Պանտելեևիչը ձայնը քարշ տալով և սուրճը աղմուկով

¹ Իմ թանկագին կապիտան

խմելով պատմեց... Ամեն ինչ ձեռքից առել էին: Դուրս էին գցել բնակարանից և գրասենյակից: Կահակարասիներից մի պարզ աթոռն իսկ չէր կարողացել ազատել: Բողոքել էր, բղավել, աղմկել: Նրան բանտարկել էին: Մի քանի ամիս բանտում պահելուց հետո նրան լավ ծեծել էին և ազատ արձակել: Փողոցներում թափառել էր կես սոված, պատառոտված, ոչլինների և աղտի մեջ կորած: Բարի մարդիկ փորձել էին նրան օգնել, փող էին տվել... Խմել փչացրել էր: Եվ կարծես այդ ամենը բավ չէր... Լուր էր ստացել, որ զավակը Ռուսաստանում սպանվել է: Իսկ ի՞նչ էր պատահել կնոջ հետ, ոչ ոք ոչինչ չէր իմանում:

— Ահա այդպես... Ես ամենքին ասում էի, որ Հայաստան նավ եմ ուղարկել... որ Սևանա լճում նավային մեծ ընկերություն է հիմնվում... Ձեզանից նամակ էի սպասում... Ախ, կապիտան, դուք ինձ մոռացաք... Ամենքը ինձ մոռացել են, ամենքը...

Աչքերը լցվեցին:

— Ահավոր ժամանակներ, ահավոր մարդիկ... Եվ գիտեք,— ավելացրեց նա, սարսափած աչքերը Հերյանի վրա հառելով,— գալիս են...

— Ուլքե՞ր են գալիս...

— Նրանք, բոլշևիկները...

— Նու, այդ... Ֆեոդոր Պանտելեևիչ, այդ...

Հերյանը ձեռքը շարժեց անորոշի մեջ:

— Ես ձեզ ասում եմ՝ գալիս են,— կրկնեց ուսուր համոզված շեշտով:— Ես հաստատ գիտեմ, գալիս են...

Նայեցին իրար լայնացած աչքերով:

— Կավ, էդ թողնենք,— ասաց Հերյանը քիչ լռելուց հետո,— հիմա ասացեք, ի՞նչ եք ուզում անել...

Ռուսը ուսերը վեր բարձրացրեց:

— Ոչինչ,— պատասխանեց նա,— ոչինչ... Եկել եմ... Ո՞ր գնամ... եկել եմ... Հայաստան գալու համար կես ճանապարհը քայլել եմ ոտքով... ապրանքատար վագոնների մեջ ծածկվել եմ, վռնդվել եմ, նորից մտել... սոված, ծարավ... Ես ժամանակին ձեզ օգնեցի, կապիտան, հիմա էլ դուք կօգնեք ինձ... Այնպես չէ՞...

Նա վահերոս աչքերը հառեց Հերյանի վրա:

— Իհարկե,— համաձայնվեց Հերյանը,— ձեզ համար կանեմ, ինչ կարող եմ...

Ֆեոդոր Պանտելեևիչը հուզվեց և պինդ սեղմեց նրա ձեռքը:

— Ասեմ որ,— ավելացրեց Հերյանը,— այստեղ կյանքը շատ ուրախ չի... Տեսնում եք ծով թշվառություն, անասելի դժվարություններ... Պա-

տերազմը ամեն ինչ քանդել է... Եթե ձեզ պատմեմ ինչեր են պատահել
ինձ հետ, չեք հավատա...

— Նի-չեվո¹,— բացականչեց այլևս հանգստացած ուսը,— նի-
չեվո... Ամեն ինչ միասին կտանենք, կապիտան, ամեն ինչ միասին...
Կարևորը մենակ չլինելն է...

— Սենյակի հարցը,— շարունակեց Հերյանը,— անիծյալ հարց է.
շատ դժվար է... Չե՞ք կարող ձեր քահանայի տանը գիշերել...

— Գնամ հարցնեմ...

Այդ օրը Աստաֆյան փողոցի ազգաբնակչության թիվը մեկ մարդով
ավելացավ:

Ռուս քահանայի տանը տեղ չկար: Ֆեոդոր Պանտելեևիչը Մարտի-
նի և Ռիմ շան հետ գիշերեց նավի վրա: Նրանք մեկ մեկի լեզուն չէին
հասկանում, խոսում էին բացականչություններով, հաշոցով և առատ
շարժուձևերով:

Նավային ընկերության նախկին կառավարիչը օրվա մեծ մասը
քնում էր, իսկ մնացած մասը խմում էր և ճառում: Երբեմն պարտք էր
համարում խառնվել աշխատանքներին, մանավանդ երբ Հերյանը բա-
ցակա էր: Չեռքի հաստ գավազանը վեր էր բարձրացնում, գոռալով
դեսուդեն էր վազում, բոլորովին անտեղի կերպով հարձակվում էր եզ-
ների վրա, գլուղացիների գլխին բղավում էր, աչքերը ոլորում, փըր-
փըրում, ապա, տեսնելով որ իր ասածների վրա ոչ ոք ուշադրություն
չի դարձնում՝ բոլորովին կատաղում էր, գետինը թքնում, քթի տակ
մոմոռալով հեռանում... և սրա նրա կոճակից բռնելով խոսում Հերյա-
նի դեմ:

Սրանք նրանք՝ նախանձոտ և խորամանկ հայեր նրան տանում էին
մոտակա սրճարանը, օդի խմեցնում և բերնից խոսք քաշում: Ֆեոդոր
Պանտելեևիչը մի բաժակ ավելի խմելու համար բոլորովին հնարովի
բաներ էր պատմում և, այնքան տարվում էր իր պատմածով, որ ի վեր-
ջո ինքն էլ սկսում էր հավատալ...

Չայնը խորանում էր և շեշտը անկեղծանում:

— Կապիտան Հերյա՞նը... Վատ տղա չի, բայց իբրև կապիտան...
Նավը ես տվեցի նրան, խղճացի և առհասարակ այդ մասին լավ է չխո-
սել, որովհետև եթե ուզեմ պատմել...

Ոլորած ձեռքը տանում էր սրա նրա ականջին և փսփսում:

— Մեկ հատ էլ ածիր, մեկ հատ էլ ածիր...

Ուրախ էին, որ Հերյանի դեմ է խոսում: Ինչո՞ւ: Իրենք էլ չգիտեին ինչու:

Հայր նախանձոտ է:

— Ռուսը ասում է... Ռուսը, որ նրան տարիներով ճանաչել է, պատմում է, որ... Տո, իմացա՞ր, ուսը երեկ փառտերը ձեռքին... ցույց էր տալիս, որ այդ Հերյանը...

Եվ քաղաքի բոլոր անկյուններում, նրա ասածները ավելի շահագնացված կրկնվում էին: Երբեմն այդ բամբասանքները Հերյանի ականջին էին հասնում: Նա ձեռքը դնում էր նախկին կառավարչի ուսին, քիչ սեղմում, և հանգիստ ու խիստ ձայնով նրան հանդիմանում: Կառավարիչը սաստիկ հուզվում էր, բողոքում, երդվում, արտասվում: Նա այդ բաները չէր ասել, հայերը զրպարտում էին, աստված վկա, հայերը զրպարտում էին...

Մի քանի օր թրջված հավ էր դառնում: Կուչ եկած, խոճարհ, հավատարիմ՝ ավելի շուք, քան մարդ:

Հետո, ամեն ինչ մոռանում էր և օդու ծարավը նրան դեսուդեն էր գցում, ուրիշ մարդիկ ճարում և երևակայական պատմություններ պատմում:

Հաճախ գիշերը նրան հալածում էր:

...Հրացանների անդադրում տրաքոցները, մայթերի վրա փոված գաղթականների խուլ հռուչները, ոռնող շները...

Նստում էր անկողնի վրա և սասանած նայում:

Մարտինը՝ ձեռքերը գլխի տակ դրած, ոտքերը լայն բացած պինդ քնած էր: Ռիմը աչքերը կես բաց էր անում և պոչը շարժում: Եվ շարժվում էր փողոցի մութը, լցվում էր ստվերներով և ուրվականներով: Ֆեռդոր Պանտելեևիչը գույնը գցած, շրթները կապտած, վերարկուն ուսերին էր քաշում, գավազանը վերցնում և նավից դուրս գնում:

Աստաֆյան փողոցը վերից վար շահչփում էր՝ ինքն իրեն հետ բարձրաձայն խոսելով:

Ո՞վ է իմանում՝ ի՞նչ էր անցնում նրա գլխով:

Նա տիրացուի բաս ձայնով հին սլավոններն նախադասություններ էր արտասանում, և՛ Հո-օսպոդի-պամիլույ, Հո-օսպոդի պամիլույ՝ ասելով ձեռքի գավազանով աջ ու ձախ էր հարվածում, իրեն հալածող ոգիները վախեցնելու համար:

Փողոցում պառկած գաղթականները հենց որ այդ օտար ձայնը լսում էին՝ սկսում էին անհանգիստ շարժվել:

¹ Տեր ողորմյա, տեր ողորմյա:

Մայրերը իրենց տեղից վեր էին թռնում և վախեցած նայում: Երեխաները արթնանում էին և սկսում լալ: Ֆեոդոր Պանտելեևիչը, այդ լացը լսելով, ավելի էր ոգևորվում և, իր բասը ավելի խորացնելով, ձայնը բարձրացնում էր և դեսուդեն գնալով գավազանը շարժում էր օդում, երկնքի դեմ կռիվ մղում:

Նրա ուլորվող աչքերը և փրփրած բերանը տեսնելով՝ գաղթական կանայք սկսում էին ճշալ: Տղամարդիկ և երեխաները վեր էին ցատկում ու խմբով վազում դեպի ուսը:

Նա փախչում էր:

Փողոցը լցվում էր աղաղակներով: Ոստիկանները սուլում էին: Ամեն կողմից հրացանաձուլթյան կրկնապատկված ձայներ էին լսվում:

Բավական ժամանակ հետապնդելուց հետո, երբ, վերջապես, նրան բռնում էին և պատրաստվում ծեծել, ոստիկանները միջամտում էին, նրան ամբոխի ձեռքից ազատում և, թևերից բռնած, տանում նավ:

— Հարբած է, չե՞ք տեսնում...

Նա հաճախ չէր թողնում, որ Մարտինը քնի:

Անկողնի վրա նստում էր, մեկ մատով ճակատի վրա ընկած մագերը անդադար ուղրում և արագ-արագ խոսում: Մարտինը նրան չէր հասկանում, իսկ ուսը ուզում էր, որ անպայման նա լսի:

— Պանիմա՞եշ,— հարցնում էր:

— Պանիմաեշ¹,— պատասխանում էր Մարտինը կես քնոտ ձայնով: Խոսում էր, խոսում: Անշարժ աչքերը վեր տնկած, միշտ նույն, միապաղաղ ձայնով: Մարտինը մտքի մեջ հայհոյում էր նրան, գլուխը հակառակ կողմ դարձնում և քնում: Հազիվ քնում էր, մյուսը սկսում էր նրա թևից քաշել:

— Պանիմա՞եշ...

— Հա էլի, հա, պանիմաեշ,— նեղացած ձայնով մոմոում էր Մարտինը, կուշ գալիս և թեթև խոմփում:

Ռիմը, որ եկվորի հոտը շատ չէր սիրում, այլևս սովորել էր նրա տարօրինակությունները: Ուրի եկած, հանգիստ քնում էր:

Լուսաբացին, երբ արթնանում էին, ուսը դեռ շարունակում էր խոսել: Մարտինը նայում էր նրա երեսին և սկսում էր հռհռալ: Ռուսը բարկանում էր և բարկությունը շեշտելու համար սկսում էր հագնվել:

Արագ-արագ հագնվում էր, ձեռքը բերանը տանում, թրջում և քսում զգեստին: Գրպանից մի սանրի կտոր էր հանում, մազերը սանրում:

¹ Հասկանում ես:

Պատահողած կոշիկները մաքրում էր տաբատի ետևը քսելով: Գլխարկը հագնում էր:

Երբ բոլորովին հագնված պատրաստ էր, նորից պառկում և քնում էր:

Դրսում եղները լծում էին:

— Տո, Բաղդասար, գերանը լավ դիր...

— Ադա, Առաքել, աջի եզներին քիչ առաջ քշիր...

— Քշե՛նք...

— Քշեք...

— Հոո, հոո-ո...

Փողոցը լցվում էր աղմուկով և... նավը և Ֆեոդոր Պանտելեևիչը մի քայլ վեր էին բարձրանում:

9

Նավը հասել էր Քանաքեռ:

...Ինչպիսի՞ օրեր, ինչպիսի՞ նոյեմբեր...

Ցեխ, քամի, անձրև, սով:

Ցեխը՝ լպրծուն, տեղ-տեղ սոսինձի նման թանձր, թանաքի նման սև, թակարդի նման դավաճան, խոր, ժայթքուն, կլափոտ-ժղների կճղակները մղկտում էին, մարդկանց կոշիկները լաց լինում:

Քամին կատաղած թափահարում էր օրացույցի այդ էջը: Անձրևը նավի երկաթների վրա ծանր մատնեքով թմբուկ էր գարնում: Հերյանջ և նրա մարդիկ՝ տուպրակի անկյունը իրենց գլխին անցկացրած, նմանվում էին խենթացած վեղարավոր վարդապետներին: Վազում էին, աջ ու ձախ նետվում, գոռում, կանչում, ապա, շղիմանալով վայր թափվող հեղեղներին, պատսպարվում էին պատերի տակ և թրջված ու դողալով սպասում:

Հազիվ անձրևը մեղմանում էր, նրանք վերսկսում էին աշխատանքը: Պե՛տք էր շուտ անել: Շուտ, շուտ, շուտ: Ամեն մի բուպեն թանկ էր, ամեն մի բուպեն...

...Ի՛նչ օրեր էին, ի՛նչ օրեր...

— Ադա Մարտին, ադա Մարկոս, ադա Հովնան, ադա, քաշեք է, քաշեք...

Իսկ տների ցած դռներից գունատված և մտածկոտ մարդիկ էին դուրս գալիս, այլայլած աչքերով դեհուղեն նայում, քիթը աղմուկով վեր

քաշում, և փոքրիկ սոպրակը մեկ ձեռքում, զորակոչի թուղթը մյուս ձեռքում՝ շփոթված քայլերով շտապում էին զորանոց:

Քաղաքի օրաթերթերը՝ նպարավաճառի դեղին թղթի վրա տպված, լցված էին հայրենասիրական կոչերով և հուսահատական լուրերով: Մայրաքաղաքը վզզում էր թագուհին կորցրած փեթակի նման:

...Դեպի զենք, հայրենակիցներ, դեպի զենք...

Մինչ Կարապետ աղան սպառնական նամակ էր գրել և պահանջում էր, որ անմիջապես ետ ուղարկեն եզները: Հերյանը, Մարտինը, Ֆեոդոր Պանտելեևիչը ատրճանակը ձեռին գիշեր-ցերեկ հսկում էին եզների վրա...

— Ի՞նչ, եզները ե՞տ տանել... Հեռացիր, կկրակենք, քո արև, կկրակենք...

Պատերի վրա ջրով խառնված ալյուրով՝ հրամաններ և կոչեր էին կպցրել: Քաղաքացիները կարդում էին և առանց մեկնաբանելու անցնում էին աչքերը իրենց կոշիկների ծայրերին հառած:

Պատահել էր նաև մի սոսկալի դեպք՝ գաղթականները եզներից մեկը գողացել էին, քաղաքից դուրս տարել մորթել և կերել:

Պառլամենտում ճառեր էին արտասանում: Ռիմը բոլորովին ցեխոտած, պոչը կպցրել էր հետույքին և թշվառացել: Ֆեոդոր Պանտելեևիչին այլևս ոչ ոք օղի չէր առաջարկում: Դեմքի աջ մասը՝ ծնոտից մինչև աջ ջղագրգռված շարժ էր գալիս, և նա ոչինչ բանի համար լաց էր լինում:

Ամեն կողմից շարուխ հագած զորքեր էին իջնում և երգելով մեկնում դեպի անհայտ ուղղություններ: Նավի մոտից անցնելիս ծիծաղում էին:

— Ադա Մարտին, ադա Մարկոս...

...Դեպի զենք, հայրենակիցներ, դեպի զենք...

Հայաստանը մնացել էր մեն-մենակ: Ինքը, իր լեռները, իր ժայռերը, իր կտոր երկինքը: Ինքը և իր անապատը:

— Ախր, ի՞նչ են ուզում մեզանից...

Պատին կպցրած կոշերը և հայտարարությունները անձրևից հետո վայր էին թափվում: Թուղթը ալյուր էր հոսում: Գաղթականները նետվում էին նշանց վրա, բերանը լցնում, ծամում:

Երկու օրը մի անգամ մի խումբ գյուղացիների հետ Կարապետ աղան քաղաք էր գալիս և եզները ետ պահանջում: Նա մի չախմախի թվանք բռնած, երեսը կարմրած, աչքերը դուրս ընկած, ձայնը գցած բղավում էր և ուռչում, կարծես պայթելու էր...

— Եզներից մեկին մորթել կերել եք...

— Իբր թե սուրբ եք տեսել և խեղճ շինականներին խաբել...

— Սրան տես... իրեն Սև ծովի ադամիրալ է կարծում...

Հերյանը մնում էր անզրդվելի:

— Եզները ետ կտանք, երբ Քանաքեռ հասնենք... հրաման ունեմ...

Այ մարդիկ, շե՞ք հասկանում, հայ քրիստոնյաներ, շե՞ք հասկանում...

Եզները ետ կտամ, երբ Քանաքեռ հասնենք...

Փողոցը զնգում էր վայր թափվող պնակների նման:

Նրանք աշխատում էին օրը քսան ժամ:

Քանաքեռի զառիվների վրա քիչ էր մնացել, որ նավը ետ սահեր: Կերանների ետև կուտակված մեծ քարերը փրկեցին: Այլևս նավը քաշում էին և քարերն էլ հետևից: Նավը ուզում էր ետ փախչել:

Եվ ցեխ, քամի, անձրև:

Ամենքն էլ ազրը ընկած միջատների էին նմանվում: Հերյանի դեմքը ծածկվել էր ցեխով, կարծես սևամորթ լիներ: Աչքերի ճերմակները ոլորվում էին, շրթները զուրս թափվում:

— Կկրակենք, քո արև, կկրակենք...

Հայաստանի բոլոր անկյուններում մի արտակարգ իրարանցում էր տիրում: Թնդանոթները ոռնում էին, զնդացիները իրենց ատամները մեկը մյուսին խփում: Ռումբերը պայթում էին, սարերը հուռա կանչում:

— Ախր, ի՞նչ են ուզում մեզանից, ի՞նչ...

— Ո՞նց թե ինչ են ուզում: Հարցը շատ պարզ է: Թուրքերը ուզում են հայեր չլինեն...

...Դեպի զենք, հայրենակիցներ, դեպի զենք...

Իսկ նավը ուզում էր ետ փախչել:

Եզների աչքերը զուրս էին թափվում. թուլացած ոտքերը ծուլում, ոլորվում:

Զառիվների վրա, ճանապարհը թևքվելիս, պատահեց այնպես, որ նավը քիթը տվեց ժայռին, հետույքը վտանգավոր կերպով վեր հանեց և էլ տեղից չուզեց շարժվել:

Ճանապարհը բոլորովին փակվեց:

— Դա ի՞նչ անկարգություն է... էյ, դուք... Չե՞ք տեսնում, որ հրետանին և գումարտակը շեն կարող անցնել... Չէ, ախր, էգ զահրումարը ի՞նչ է բերել նետել եք էստեղ... Ասում եմ ձեզ, զորքը պիտի անցնի, կորցնելու ժամանակ չունենք...

Զայնը որոտում էր բարկացած և կտրուկ:

— Պատիվ ունեմ ներկայանալու, պարոն գնդապետ... Հեռավոր ճամփորդութիւնների նավապետ Հերյան...

— Ի՞նչ է, նավապետ, զավե՞շտ եք խաղում... Ճանապարհը փակել եք, զորքը չի կարողանում անցնել...

— Զավե՞շտ... Ինչպե՞ս թե զավեշտ... Ես այստեղ եմ նախարարների խորհրդի հրամանով...

Հրետանու ձիերը՝ գեր, պնդակազմ, փայլիլուն, սմբակները գետին էին խփում և գլուխները թափահարելով խրխնջում:

Գնդապետը այս ու այն կողմ էր նայում անհամբերութամբ, Զինվորները անշարժ նայում էին իրենց հրամանատարին և սպասում:

— Նու, լավ, հիմա ի՞նչ անենք... զորքը անպատճառ պիտի անցնի...

— Ցավում եմ, պարոն գնդապետ, եզները հալումաշ են եղել, շեն ուզում քաշել...

— Զոռ զա սվոլոչ, շոռ զա սվոլոչ¹... Կապիտան Եզրեկյան, կապիտան Եզրեկյան...

Կապիտանը ձին քշեց և բարեկերով կանգ առավ գնդապետի առաջ: Խոսեցին, մեկ մեկի աչքի մեջ մտահոգված նայեցին և միասին հայհոյեցին: Մեծ, տաք, եռաստիճան հայհոյանքներ: Իսկ հրետանու ձիերը՝ գեր, պնդակազմ, փայլիլուն, շարունակում էին խրխնջալ:

— Այ քեզ դրութիւն. վարը սպասում են պարագի...

Հերյանը անհազ աչքերով նայում էր ձիերին:

— Ուրիշ միջոց չկա, — ասաց կապիտան Եզրեկյանը վերջուպես, — պետք է ձիերից մի քանիսը լծել և էդ, զատը քաշել մի կողմ:

Հերյանը տակնուվրա եղավ:

— Ես էլ էդ էի ուզում առաջարկել, — բացականչեց նա հուզված ձայնով: — Հավատացեք, մի ըռպեի հարց է...

— ...Ահ, տեր աստված, ահ, տեր աստված...

Հրամաններ հնչեցին: Զինվորները իջան: Զիերը լծեցին:

Քսան ձի:

— Կամաց, պաժալտա, կամաց... Ադա Մարտին, գերանը աշ կողմը... Մարտին, գերանը ձախ կողմը...

Կես ժամ շանցած նավը բարձրացավ վեր:

— Էս երկաթեղենը էստեղ ճանապարհի վրա չի կարելի թողնել, — ասաց գնդապետը: — Պետք է բոլորովին մի կողմ քաշել... Պատերազմական պայմաններում ճանապարհները պետք է միանգամայն աղաատ լինեն...

¹ Ի՞նչ խաժամուժ է, ի՞նչ խաժամուժ է:

Քաղեցիին մի կողմ: Գրեցիին քաղաքին նայող բարձրության կատարին:

Դղրդալով մեկնեցին:

Իսկ քիչ հետո մի ձիավոր հրաման բերեց՝ «Անմիջապես դադարեցնել նավի վերաբերյալ բոլոր աշխատանքները, Սևան տանող նեղ ճանապարհը զինվորական պահանջների համար բաց պահելու անհրաժեշտության պատճառով»:

Կնիք, թվական, ստորագրություն:

Եվ ահա, նավը եկել կանգնել էր Քանաքեռի մի ժայռի վրա:

Նավը նայում էր քաղաքին և քաղաքը նայում էր նավին: Քիթը վեր տնկած, կայմը սլացիկ... նա ցցվել էր բարձրության վրա և սառած սպասում էր:

Եթե դիտենք կենտրոնական փողոցների կողմից, նավը նմանվում էր թևերը ծալած և վիզը երկարած մի թռչունի, որը պատրաստվում է ճախրելով վայր նետվել քաղաքի կտուրների վրա: Կոնդի բլրան կողմից նավը ներկայանում էր իբրև ճերմակ մի արջ, որը հետնամասը շարժելով առաջանում է անհայտ մի թշնամու վրա հարձակվելու համար: Վարի շուկայից՝ փայտերի վրա ցցված անթիվ հեռագրի մի կայանի էր նմանվում: Ավելի հեռվից, մանավանդ, երբ բլրան ստորոտը ծածկվում էր մառախուղով, նավը հիշեցնում էր երազային այն նավերից մեկը, որոնց մասին խոսված է հեքիաթներում և որոնք նավարկում են ալիքների գազաթների վրա...

Իսկ հորդառատ անձրևների ժամանակ նավը Նոյան տապան էր:

Այլևս, քաղաքի որ կողմից էլ գլուխդ վեր բարձրացնեիր նավը անկվում էր քո առաջ, մխրճվում աչքերիդ մեջ, տիրում մտքիդ վրա, երևակայությունդ սրելով տարբեր ձևեր ստանում, մեծանում, լայնանում, ուրվականանում:

Քաղաք հասնող մարդիկ, եթե կայարանի կողմից էին գալիս, հենց որ նավը տեսնում էին՝ կանգ էին առնում, աչքերը ճմռում, թարթիչները վեր վար անում և բերանը բաց մնում թառած: Իսկ Քանաքեռի հետևից եկող մարդիկ շվարում էին, անորոշության մատնվում և ուզում ետ դառնալ. չլինի՞ թե Երևան գնալու փոխարեն գնացել են Սևան:

Գյուղացիները այն անվանում էին «Երկաթն հաղը»: Նախանձոտ քաղաքացիները՝ «Հերյանի գատը»: Երեխաները՝ «Հրեշեն նավը»:

Այլևս նավի տեղափոխության գործը շարունակելու ոչ մի հույս չէր մնացել: Գյուղացիները իրենց եզների հետ միասին մեկնել էին,

Հերյանին և նրա սուրբ Կարապետին հայհոյելով: Դեպքերը մեկը մյուսին էին հաջորդում շանթի արագութեամբ:

Հայաստանի գլխին կրակ էր թափվում:

Սահմանները ճեղքվել էին: Թշնամին խորանում էր դեպի երկրի սիրտը: Ներսում թշվառությունը ջլատում էր ժողովրդին:

Պառլամենտի և կառավարության նիստերը շարունակվում էին գիշեր և ցերեկ: Ճառեր էին արտասանում, որոշումներ էին կայացնում, որոնց գործադրելը անհնարին էր:

...Դեպի գեներ, հայրենակիցներ...

Նավը դարձել էր պարզ բնակության վայր: Հերյանը, Ֆեոդոր Պանտելեևիչը, Մարտինը և Ռիմը մեկը մյուսի մոտ սեղմված ապրում էին այնտեղ: Նավից կազամբի, լվացված շորերի, ծխի և նավթի հոտ էր գալիս:

Անգործության մատնված լինելով, Մարտինը օրերով կորչում էր և վերադառնում գրպանները սև ստեպղինով լցված: Ռուսի հետ միասին ուտում էին, կապտած շրթներով նստում, դուրաչկի խաղում:

Սկզբի օրերին, Հերյանի հրամանով աշխատում էին նավը մաքուր պահել: Երկու օրը մի անգամ կամուրջը լվանում էին, երկաթները սրբում, պղնձե մասերը փայլեցնում: Սակայն, որքան օրերը անցնում էին և ցրտերը սաստկանում, այնքան անփութությունը ավելանում էր: Ոչ ոք չէր ուզում գուլի աղբյուրից ջուր բերել: Մարտինը խորհրդավոր կերպով ճարած իր գետնախնձորները մաքրում էր և կճեպները թափում գետին: Ֆեոդոր Պանտելեևիչը, որ փորձում էր առանց մսի բորչլ եփել, ամանը դնում էր հնացած մի պրիմուսի վրա և պառկում քնում: Պրիմուսը ծխում էր և ամեն ինչ սևանում: Անգամ Ռիմը պետքերի համար այլևս դուրս չէր ուզում գնալ և երբ բարկանում էին և նրան դուրս գցում, նա վերադառնում էր բերելով անպետք ոսկորներ, որոնց հետ ժամեր խաղալուց հետո պահում էր դրանք կաբինի անկյունները: Եվ կարծես այդ չէր բաժի, երբեմն էլ Մարտինը և ուսը իրենց շորերը և գուլպաները լվանում էին և դրսի կամրջակից կախում:

Հերյանը, հուսահատ, այլևս ուժ չունեի բողբոջելու:

Սկզբում նա գրեթե ամեն օր իջնում էր քաղաք, հուսալով, որ ընդհանուր դրությունը կբարելավվի:

Պետական գրասենյակներում, գլուխը կորցրած մարդիկ նրան ընդունում էին մոռնչուններով և թշնամական նայվածքներով: Փողոցներից անցնելիս նրան ոտքից գլուխ շափում էին և ծիծաղում:

— Հը-ը, Ա-աղմիրալ, էդ ձեր զատը ի՞նչ եղավ...

Կամ՝

— Բարեկամ, Քանաքեռի ծովում ձկները ի՞նչ են ասում...

Այդ մարդիկ, որոնց գլխի վրա ահագին վտանգ էր կախվել, և որոնց թշվառութունը ճգմել էր արջի թաթով, պատրաստ էին իրենց կյանքի անհաջողութունը նրան վերագրելու: Կարծես բոլոր դժվարութունների պատճառը Հերյանն էր:

Սկսել էին նրա մասին շինծու և անպատվաբեր պատմութուններ պատմել: Խեղճ գյուղացիների եզր ուտողը հենց ինքն էր: Կառավարութունից ահագին փող էր ստացել և ուղարկել Բաթումում պահած իր «դուշենկային»: Մի քանի պոլսեցիներ, մանավանդ կասկածելի, «հրաշքով» թուրքերի ձեռքից ազատված պոլսեցի լրագրողներ, որոնք տարիներ առաջ իբր թե նրան տեսել էին Պերայի Շիտակի վրա, «անբարոյական մարդու մը տպավորութունը առած էին անկե»...

Եվ հազար ու մի ուրիշ զրպարտութուններ:

Կարծես, խեղճ այդ մարդկութունը թթենու ծառի նման թափահարող մրրիկների պատճառը ինքը, Հերյանը լիներ:

Նավը մխրճվել էր բոլորի աչքերի մեջ և հանգիստ չէր տալիս նրանց: Որ կողմից էլ նայեիր՝ նա այնտեղ էր. լուռ, անողոք վկա: Մեր անհաջողութունների անողոք վկա:

— Ախր, դա ինչի՞ է եկել մեր գլխի վրա կանգնել...

Թշնամի ինժեներները ուրախ էին:

Նավը հանդիսանում է ճակատագրական մի սիմվոլ: Սնանկութուն, անճարակութուն...

— Մի խոսքով՝ Ալ-բատրոս...

— Որի վրա հալա նայեք գուպաներ են չորացնում...

Հոհոում էին:

Մարտինը և Ֆեոդոր Պանտելեևիչը ամեն օր նավ էին վերադառնում նորանոր պատմութուններով: Այս ասացին, այն ասացին: Նակ լրտեսում էին Հերյանի ամեն մի քայլը, այն աստիճան, որ նա այլևս չէր գնում Միրանյանի կնոջ այցելելու, որովհետև իր և տիկնոջ մասին էլ սկսել էին ինչ-որ բաներ պատմել:

Քաղաք չէր իջնում, չէր ածիլվում, չէր քնում:

Մնացել էր մենակ:

Ինքը և իր ուժեղ հեռադիտակը, միակ առարկան, որ կարողացել էր փրկել: Ժամանակին, Տուլոնում գնած մի Զայս, որով հստակ կերպով կարողանում էր տեսնել մինչև Արագածի լանջերը, էջմիածինը, Հայկական Պարը, Ադարատը:

Իսկ քաղաքը, նրա տափակ տանիքներով տները, փողոցները, բակերը և մարդիկ բաց գիրք էին, այնքան պարզ, որ երբեմն անգամ վախենում էր նայել: Տեսնում էր ավելին, քան մարդ տեսնում է մոտից պարզ աչքերով: Ցեխով, աղբով, մարդկանցով լցված տների բակերը և ցեխով, աղբով, գաղթականներով լցված փողոցները:

Լուսաբացին, մինչ լեռ ու դաշտ արթնանում էին շքեղ հրավառությունների մեջ, փողոցներից անցնում էր մեռել հավաքող առաջին սայլը: Ամեն մի քայլափոխին կանգ էր առնում և մերկացած դիակները նետում ներս:

Քանաքեռի կողմից, Զանգուի կամուրջի կողմից, Կոնդի կողմից սկսում էին քաղաք իշնել մթերք բերող գյուղացիները: Նույն այդ բուպեին տների դռները բացվում էին, զամբյուղը ձեռքին մարդիկ էին դուրս գալիս և սայլերի հետևից շտապում շուկա: Նրանց հետևից գալիս էին գաղթականները, դեղնած, կապտած, ցնցոտիների մեջ դողդղեցավով:

Շուկան լցվում էր ահագին բազմությունով:

Գյուղացիները գետնի վրա էին թափում ստեպղինի, ցորենի, լոբու, ոսպի և շորացած պտուղների քանակություններ և, ցուպերը կատաղի կերպով աչ ու ձախ շարժելով, իրենց ապրանքը պաշտպանում էին սոված երեխաների և սոված կանանց հարձակումներից: Հաճախորդները մոտենում էին, ապրանքները զննում և լայն շարժումներ անելով սակարկում: Ոմանք փող էին տալիս, ուրիշներ էլ դուրս էին հանում հին շորեր՝ տաբատ, շապիկ, գլխարկ, որ գյուղացիները շոշափում էին, զննում և փոխանակում ուտելիքների հետ:

Այդ ժամերին շուկան՝ դժբախտ քաղաքի դժբախտ ստամոքսը, նմանվում էր խնթանոցի: Մարդիկ դեսուդեն էին վազում, կովի բռնրվում, աղաղակում, վիճաբանում:

Մինչ այդ, հեռագիտակը շրջում էր և տների դեպի բակ ելնող պատշգամբները լցվում էին աշխատող կանանցով: Անկողիները դուրս էին հանում, կրակ վառում, կարպետները թափ տալիս: Խճողված մազերով սղամարդիկ իրենց տաբատը վեր քաշելով մոտենում էին ջրով լցված դուլչերին և փռշտկալով լվացվում:

Սուրբ Խաչի եկեղեցու զանգակները ղողանջում էին:

Պաշտոնյաները և դպրոցական տղաները շտապ քայլերով մեկնում էին դպրոց կամ գրասենյակ: Շուկա գնացողները զամբյուղները ճոճելով վերադառնում էին տուն: Գաղթականները գայլի աչքերով նայում էին նրանց զամբյուղներին և ձեռքը երկարած վազում էին նրանց հետևից:

Շուկայի հրապարակում տեղ-տեղ կրակ էին վառում և ճղի-պզի տապակում: Ոչխարի աղիքների հարբեցուցիչ և կասկածելի այդ հոտը նվաճում էր ամբողջ հրապարակը և սոված որբերի գլխում ահավոր ոճիբներ գործելու ցանկություններ արթնացնում:

Քիչ վերը, պառլամենտի դիմաց, հեռադիտակը զինվորներ էր տեսնում: Զորահանգես էր: Նվագախումբը հնչում էր կատաղի: Հրամաններ, հառեր:

Զինվորները մեկնում էին:

Քաղաքը հորանջում էր:

Ժամը երկուսի մոտերը ամեն մարդ գնում էր տուն: Ուտում էին: Քնում էին: Քեյ էին խմում: Դուրս էին գալիս կենտրոնական փողոց և, վեր վար, վար վեր ման էին գալիս: Նայում էին նավին և ծիծաղելով խոսում: Ժամը յոթին վերադառնում էին տուն: Արևը իջնում էր, մութը առաջանում:

Տների ներսը լույսեր էին վառվում: Դռները և պատուհանների փեղկերը փակվում էին:

Երևանը հանկարծ տափականում էր:

Ամեն կողմից սկսում էին կրակել: Գաղթականները պառկում էին մայթերի վրա և գրկախառնվում խավարի հետ:

...Եվ հեռադիտակի ծայրը Հերյանի առաջ ցցում էր մեծղի մի տեսարան: Լեռների միայնացած բյուրեղե գագաթները: Լայնատարած, խաղաղ և խոր մտածումի մեջ թաղված Արարատյան գաշտը:

Կարծես գերմարդկային բառերով գրված խորհրդավոր մի գիրք լիներ: Բառեր, և բառերի հետևում թաքնված լույսեր: Նախադասություններ, և նախադասությունների հետևում անծայն, կլանիչ երգեր:

Առերես պարզ, հստակ, դյուրամատչելի, սակայն, ինչքան բարդ և ինչքան առեղծվածային:

Սկսել էր հասկանալ լեռներին:

Ինչպես նավը գարձել էր ժայռի մի մաս, այդպես էլ ինքը և իր մենությունը սկսել էին դառնալ հողերի մի մաս: Անշուշտ, ծովը տարբեր էր: Մովը անհանգիստ էր և փոփոխվող ճանապարհ էր, բաց, լայն, արկածներով լցված: Օթբովող հորիզոններ, անակնկալներ, զգայնության նորանոր գրգիռներ մատուցող շքեղություններով լցված: Մովը, մեծղի սեռականություն էր, մարմնի անհագ ծարավ:

Այստեղ ամեն ինչ տարբեր էր:

Աչքերդ լայնանում էին և սիրտդ մտածում էր: Սիրտդ և միտքդ և

մարմինդ միանում էին, վերանում: Ինչ-որ քեզ հետ էր և ինչ-որ քեզանից ավելի էր: Եվ դու էլ քեզանից ավելի էիր:

Հերյանը չգիտեր ինչպես բացատրի այդ ամենը: Գիտեր, որ գնալով ինչ-որ բան մեռնում էր իր մեջ, և գիտեր, որ գնալով ինչ մի բան ծնվում էր իր մեջ:

Երբեմն ժամերով կամրջակի վրա մնում էր անշարժ:

Ահա մութը և մութի հետևում լեռները: Եվ լեռների հետևում ժայռերի վրա, սարերի ստորոտին հայերը կռվում էին: Ե՛վ ցուրտ էր, և՛ բուք էր, և՛ սով:

10

Ամբողջ երկիրը ծածկված էր ձյունով:

Գիշերվա կատաղի մորիկը առավոտյան մոտերը քիչ մեղմացել էր: Քամին, խեղդված ձայնով գանգատվելով, դեռ շարունակում էր փչել:

Կարծրացած ձյունը ճրճտում էր ձիերի սմբակների տակ:

Հարյուրապետ Միրանյանը նայեց հեռուն ուրվագծվող բարձրություններին և անմիջապես հասկացավ, որ նորից փոթորիկ է սկսվելու: Երկինքը մութ կապարե գույն էր ստացել և ծանրացած իջել վայր: Գունդը առաջանում էր առանց շտապելու: Զիերը հոգնած էին և դեռ բավական ճանապարհ կար գնալու:

Բլուրների հետևից մերթ ընդ մերթ հրացանաձգություն ձայներ էին լսվում: Քամին ձայները երկարացնում էր և ցրում: Երբեմն մի թնդանոթ էր ոռնում: Երևի առաջացած զորքերն էին կրակում, թշնամու ուշադրությունը իրենց վրա կենտրոնացնելով ազգաբնակչությանը փախչելու հնարավորություն տալու համար:

Սահմանագլխի բոլոր ճանապարհները լցված էին խուճապի ենթարկված ամբոխներով: Ո՛ւր էին շտապում այդ մարդիկ, իրենք էլ լավ չգիտեին: Հազիվ աշնանացանը վերջացրած, ձմեռվա պաշարը պատրաստած, ահա ստիպված էին տուն, տեղ, դաշտ և գյուղ լքել թշնամու ոհմակներին... և հեռանալ:

Գնում էին մեծ խմբերով:

Սալլ ունեցողները վերցրել էին այն ամենը, ինչ կարող էին փրկել: սեղաններ, աթոռներ, տոպրակներ և վերջին վայրկյաններին շփոթությամբ վերցրած անպետք իրեղեններ: Այդ իրեղենների կատարին, փախսի կտորի մեջ փաթաթված զոդացող երեխաներ էին նստած կամ կծկված, չորացած, մարած աչքերով պառավներ, որոնց մտրակում էր

քամին, վտանգավոր կերպով երերալով ոտքերը շարդված սեղանների հետ:

Մանր այդ սայլերը խոր ձյունի միջով դժվարությամբ քաշող և ամեն մի վայրկյան կանգ առնող նիհար եզների կողքով քայլում էին մյուսները: Այդ տղամարդիկ և կանաչք իրենց ուսերի վրա կրում էին ծանր մի տոպրակ կամ կապոց, որը հաճախ վայր էին դնում, սառած մատերի վրա շնչում, նորից տնքալով բարձրացնում և ձյունի մեջ մխրճվելով, դեղևելով, շարունակում քայլել:

Սրբեմն անկարելի էր ճանապարհը շարունակել: Յուրտը և բուքը ծեծում էին նրանց և ետ հրում: Եզ, տավար, սայլ, մարդիկ մեկը մյուսին էին սեղմվում, և շատերը, բազուկները ծալելով իրենց աչքերի վրա, սարսուռով սպասում: Շատ անգամ, եզների բեռը թեթևացնելու համար իրեղենների մեկ մասը գցում էին: Գցում էին նաև տոպրակները և կապոցները, նրանց փոխարեն երեխաներ կամ քայլել չկարողացող պառավներ շալակելու համար:

Ճամփաների եզերքին լքած իրեղենների մոտ քիչ չէին նաև երկարած դիակներ: Սրբեմն ձիերը կանգ էին առնում ձյունի միջից դուրս ցցված մի գլխի կամ փայտացած մի բազկի առաջ:

Այդ բազմությունը քայլում էր առաջացող հեծելազորքի գնդի հետևից լուռումունջ, առանց տրտունջի, առանց բողոքի, ընդունելով վիճակված ճակատագիրը:

— Դե ի՞նչ արած... — պատասխանում էին նրանք զինվորների համակրական արտահայտություններին:

Ազգբում ժողովրդի կրած այդ շարշարանքները սաստիկ հուզում էին Միրանյանին և նրա զինվորներին: Նրանք հարցուփորձ էին անում, մխիթարում, քաջալերում և երբեմն էլ ձիերից իջնելով նրանց օգնության էին հասնում: Օրեր, օրեր նույն տեսարանները մեքենական ճըշաությամբ կրկնվել էին: Այլևս դրանք դարձել էին դաշտանկարի և տարերքի անբաժանելի մի մաս: Մարդկանց աչքերը սովորել էին, նրանց խիղճը չնզոքացել...

Յուրտը և բուքը, խիստ և ավեր դաշտանկարը, անտարբեր լեռների վեհությունը, անդադրում կոիվները, փախստականների ողբերգական թափորը և երկրի շորս կողմերից անցնող մահի մոտությունը անցել էին մարդկային մտքի և դատողության սահմանները և այլևս ոչ մի վերլուծումի չէին ենթարկվում:

Կյանքի ձևերը փշրվել էին, շափսերը ռետինի նման ձգվել:

Բաբկեն Միրանյանը այդ զգում էր խորապես: Եվ ընդունելով հանդերձ պարտադրված իրականության անմիտ մեծ խաղը, նա, ինչպես

բոլոր կայսառ մարդիկ, աշխատում էր իր ներքին տեսողությունը կահավորել այնպիսի պատկերներով, որոնց հմայքը անսահման ուժի աղբյուր էր: Այդ էր երևի պատճառը, որ նրա ընկերները համակրական ժպիտով խոսում էին նրա տարօրինակությունների մասին:

Ամենքն էլ սիրում էին նրան: Գիտեին, որ լավ կյանքի սովոր, քիչ քմահաճ և նուրբ ճաշակով այդ տղան խորքով ազնիվ էր, վեհանձն և անհրաժեշտության դեպքում պատրաստ կյանքը վտանգելու մյուսնե-րից առաջ:

Ճակատը բաց, խոսքը տաք և սիրտը պարզ:

Ոչինչ բանի համար զայրանում էր, վառվում հարդի նման և քիչ հետո ամեն ինչ մոռանում էր և ամենքին ժպտում: Չէր կարողանում տանել բարոյական տգեղությունները, փոքրոգությունները: Վիրավորվում էր, շարշարվում, և այնքան տխրում, կարծես հիմա լաց կլինի:

Զինվորների հետ պահանջկոտ էր և արդար: Իսկական ընկեր էր, պատրաստ նրանց հետ բաժանելու բոլոր դժվարությունները: Առաջին օրինակը տվողը, կովի ժամանակ առաջ գնացողը նա էր: Աղա մարդ, լայն հոգի և քիչ խև:

Քիչ խև, քիչ տարօրինակ: Այդ, այո՛:

Մեկ էլ, առանց պատճառի, գիշերը տեղից վեր էր թռնում, երկու երեք մարդ վերցնում, ձիերը թամբել տալիս և քառատրոփ ընկնում սար ու շուր: Ո՛ւր էր գնում, և ինչո՞ւ, ոչ ոք չգիտեր: Զիերը մի քանի ժամ հոգնեցնելուց հետո վերադառնում էր, մարդկանց ուղարկում քնելու, իսկ ինքը սենյակի մի անկյունից մյուս անկյունը քայլում և սուլում: Առավոտյան ընկերները հարցուփորձ էին անում: Պատասխանում էր ծիծաղով՝

— Էնպես, էլի, գնացի...

Պատահում էր, որ գունդը շարժվելու ժամանակ նա չկար: Ոմանք մտահոգվում էին, ոմանք զայրանում: Բայց միշտ էլ, մի քանի վերստ հեռանալուց հետո նա գալիս հասնում էր՝ իր սիրած արաբական ձին սաստիկ մտրակելով:

— Ո՛ւր մնացիր, Բաբկեն:

— Էնպես, էլի, մնացի...

Երբ էին լինում, երբ նա անդադար խոսում էր: Բացատրում էր հայկական լեռների խորհուրդը կամ ուս մարդու հոգեբանությունը և կամ տալիս էր ստեպների փիլիսոփայությունը: Նոր-նոր տեսություններ էր ստեղծում, երևույթների թաքնված իմաստները պարզաբանում՝ անպասելի մանրամասնությունների մեջ մտնելով: Սիրում էր Տյուտչևի և Վահան Տերչյանի բանաստեղծությունները և, թեպետ ձայն չուներ,

երգում էր Սկառլատիի և Բենեդետտո Մարչելլոյի մեղեդիները: Երբեմն էլ, ժամերով մնում էր լուռ, առանց բառ արտասանելու: Ձեռքերը զըրպանները խոթած, անշարժ նայում հեռուն: Այդ տևում էր մինչև երեկո: Իսկ երեկոյան զինվորներին հավաքում էր և շուրջպար կազմակերպում: Ինքն էլ պարում էր, ոգևորված, ուրախ, վայրի կենդանու նման ճկուն:

Իսկ կնոջ մասին երբեք ոչ ոքի հետ ոչինչ չէր խոսում: Երբ նրանից նամակ էր ստանում, ձի էր հեծնում և հեռանում: Ամայի մի վայրում նամակը բաց էր անում և կարդում: Մի քանի անգամ կարդում էր սկզբից մինչև վերջ, հետո՝ որոշ տողեր, ապա նորից՝ սկզբից մինչև վերջը: Նամակը կտոր-կտոր էր անում, ձին մտրակում և կտորները հանձնում քամուն: Վերադարձին նրա շարժումները մնում էին ամփոփված, ձայնը մեղմացած, աչքերը երազուն:

Կովի օրերին սակավախոս էր, պաղարյուն և կենտրոնացած: Շըրթները սեղմված, աչքերը վառ, լուռ: Հրամանները կտրուկ էին, խիստ: Այդ ժամերին մանկանման Բաբկենը բոլորովին այլափոխվում էր: Մարդիկ զգում էին նրա վճռական կամքը և կույր կերպով ենթարկվում նրան...

Չէր կարողանում տանել այն, երբ ոչ իսկական զինվորականներ խառնվում էին բանակի գործերին: Հոնքերը կուտակում էր և շրթները ծովում: Զինվորությունը նրա համար բարձր կոչում էր, իր դրական և խիստ օրենքներով, կարգապահությունով, համազգեստով, մտայնությունով: Չէր թույլատրում ոչ մի շեղում, չէր հանդուրժում ոչ մի բացառություն:

Ամեն առավոտ զննում էր մարդկանց կեցվածքը, նրանց զգեստը, խիստ նայվածքը հառելով ամենաչնչին կոճակի վրա և սրա նրա գոտին թափահարելով:

— Այդպես էլ գոտի՞ կապել... Տես, չորս մատներս մեջն են մըտնում... Իսկական կավալերիստի գոտին պետք է սեղմվի մինչև ոսկորները, մինչև ոսկոր-նե-րը...

— Հանդարտ, ուղղություն...

Ու մարդիկ կատարյալ ձևով քարանում էին:

Գոռալուց, հանդիմանելուց, պատվերներ տալուց հետո զինվորների հետ կատակ էր անում և տղայական շեշտով ծիծաղաշարժ պատմություններ պատմում:

Բաբկենի տարօրինակությունները...

Ահա ամսից ավելի էր, որ դուրս էին փելի Երևանից:

Մի ամիս միայն... և ինչքան եղելու թյուններ:

Մասնակցել էին Ղարաուրգանի և Սարիղամիշի կոիվներին և բավականին զոհեր տվել: Կովել էին անտանելի պայմաններում: Յուրտ, բուք, ձյունամորրիկ: Պակասում էր ռազմամթերքը: Պարենը ժամանակին տեղ չէր հասնում: Փոխադրական միջոցները թերի էին:

Թշնամին սեղմում էր ամեն կողմից: Թուրքերը այլևս հաստատ իմանալով, որ եվրոպական պետությունները չեն միջամտելու, իրենց լավագույն ուժերը համախմբել էին հայկական դիմադրությունը կասեցնելու համար:

Հայաստանի զինակիցներն էին՝ սովր, ցուրաք, ~~թզվառությունը:~~

Թշնամին օգտագործում էր նաև ճակատի այս կողմում գտնվող իրեն բարեկամ տարրերին... Կոիվների ամենատաք վայրկյաններին, շսպասված տեղերից, թիկունքի տարբեր վայրերից հանկարծ սկսվում էր կրակ տեղալ... Թշնամիները հարձակվում էին սակավաթիվ հայերի վրա և նրանց շուրջը օղակ կազմում: Հայերը շատ անպամ աստիպված ետ էին քաշվում, թողնելով վիրավորվածներին:

Խեղճ պարուչիկ Կադինյանը... Բարեկենը նրան չէր կարողանում մոռանալ: Փոքրահասակ, նիհար, դպրոցական տղի դեմքով, աշխույժ և շատ խելացի երիտասարդ էր: Միամիտ, հուզական, ռոմանտիկ: Մխախոտի ոսկե մի տուփ ուներ, որի մեջ պահում էր սիրած աղջկա լուսանկարը: Ժամերով նամակներ էր գրում նրան, և երբ պատասխան էր ստանում, աչքերը փայլփլում էին և ուրախությունը չէր կարողանում ծածկել: Չայնը գցած երգում էր, ցատկում, պարում: Կամ նստում էր աթոռի վրա, ձեռքերը սեղմում երկու ծնկերի մեջ... և երգեցիկ ու մելամաղձոտ ձայնով ոտանավորներ արտասանում: Կապտավուն, արտահայտիչ աչքերը բոցավառվում էին, նիհար դեմքը փոփոխում էր և միամտացած երեխի նմանվում: Խեղճ Կադինյանը... նրա սրտում ջութակի ձայնի նման ջերմ և հուզիչ մի զգացում էր տառապում: Միրում էր կյանքը և մահի վերաբերյալ շատ լուրջ և խոր հարցեր պրպտել: Բայց ինչպես այդ պատահում է միամիտ մարդկանց հետ, այդ հարցերի մասին նրա խորհրդածությունները չէին համապատասխանում ոչ իր գեմքին և ոչ էլ նրա ձայնին: Բառերը կարծես ավելի մեծ էին, քան իր հոգեկան հասակը:

Միրանյանը շուտ էր նրան ուշադրություն և ժպտալով:

— Չէ, չես հասկանում,— նեղանում էր մյուսը, երբ նշմարում էր Միրանյանի ժպիտը,— ինչ քեզ ասում եմ՝ թերթերում կարդացված բաներ չեն, իմ մտածումներն են...

Խոսում էր սիրո և մահի մասին: Չէր հավատում մահին: Մահը սեր էր, ասում էր, և սերը՝ մահ: Պարզապես կյանքի տարբեր ձևեր են: — Հասկանո՞ւմ ես, Բաբկեն ջան, ես էդ մասին մտածել եմ...

Եվ ահա, Ղարաուրզանի մոտերը, ճիշտ այն վայրկյանին, երբ ամբողջ առավոտ տևող կոիվներից հետո թվում էր, որ թուրքերին ետ էին մղել, հեռվից տեսնվեց, թե ինչպես թշնամուն հետապնդող Կադինյանը կծկվեց թամբի վրա, երեքաց, վայր ընկավ և... փրկվեց ձիու առաջ: Միրանյանը անմիջապես երկու ձիավորներ ուղարկեց նրան օգնության: Ձիավորները հասան... Բայց թշնամին ամեն կողմից ահավոր կրակ թափեց և գունդը ստիպվեց նահանջել: Ուղարկված ձիավորները սպանվեցին: Կադինյանը մնաց գետնի վրա:

Թուրքերը, անշուշտ, նրան էլ դաշունահարեցին, կողոպտելով ծխախոտի ոսկե տուփը, սիրած աղջկա լուսանկարի հետ միասին...

— Հասկանո՞ւմ ես, Բաբկեն ջան, ես մտածել եմ...

Հիմա քանի օրեր են անցել, քանի ուրիշ դեպքեր են տեղի ունեցել, բայց Միրանյանի միտքը միշտ ապրում է նրա հետ: Պարուշիկ Կադինյանը ավելի կենդանի է, քան երբեք: Երբեմն թվում է, որ ահա նա գալիս է ձին վազեցնելով: Բերնից վզնոցը վայր է քաշում, ժպտում և հանկարծ լրջացած խոսում:

Ի՞նչ է ասում: Չի լսում: Որովհետև Միրանյանի ականջները փաթաթված են, քամին սաստիկ փչում է և ձյունի ամպեր բարձրացնում:

— Ի՞նչ ես ասում,— հարցնում է Միրանյանը, ականջի փաթաթոցը քիչ վար քաշելով:

— Մի բան էի մտածում,— գոռում էր Կադինյանը,— բայց...

Ձեռքով ցույց է տալիս անտանելի քամին: Անկարելի է խոսել:

Եվ միասին գնում են: Կողք կողքի, Ձյունափոշին մտրակում է նրանց երեսները, նստում է նրանց հոնքերի, թարթիչների վրա. ծածկում է նրանց ուսերը, մորթե գլխարկները: Մածկում է ամբողջ դաշտավայրը:

Ոչինչ չի երևում:

Ձիերը գլուխները թափահարելով հազում են:

Միրանյանը նայում է ետ: Մեկը մյուսին սեղմված հեծելազորքի մարդկանց առաջ թանձր շղարշներ են կախված: Չնայած մոտության, հազիվ թե կարողանում է նշմարել գունդը: Ձյունը ավում է մարդկանց և կենդանիների դեմքերը: Ավում և ոռնում:

Սուլում, բարկանում, կատաղում:

Եվ Միրանյանին թվում է, որ իր հետևից գալիս են լոկ քամին և

ձյունը, որոնց դաժան խաղը ստվերներ է ուրվագծում: Ձյունը դառնում է մարդ և մարդը դառնում է տարերք: Եվ կողքին, ուր կարծում էր տեսնել Կադինյանի մանուկ երեսը՝ քայլում է պարապը: Կադինյանը, ավաղ, ձյան մեջ սառած մնացել է հեռուն կորցրած մի կտոր հայրենիքի հետ միասին: Երևի, ամեն անգամ, որ քամին փչում է և ձյունը վեր բարձրանում, նրա գլուխը դուրս է ցցվում և նրա հավիտենական աչքերը տեսնում են այս աշխարհը այնպիս, ինչպես կա իրականում: Նրա նայվածքը պոկվում է սառած բիբերից, բարձրանում է վեր և քամու հետ միասին սավառնում հարավից հյուսիս և հյուսիսից հարավ:

Վարը, այս աշխարհում, բորենիները ծիծաղում են ուրախ քեֆից հետո հրճվող մարդկանց նման: Լեռներից վայր իջած գայլերը կռվում են դիակների շուրջը և դեմքը ձյունին տալով խմբով ոռնում:

Իսկ մարդիկ շարունակում են կոտորել մեկը մյուսին:

— Ես մտածում եմ...

— Դե, ասա, պարուշիկ Կադինյան, ասա ի՞նչ ես մտածում...

Մեռելի մտածումը այնքան մեծ է, որ ոչ մի մարդկային բառ չի կարող արտահայտել: Մեծ է այնքան, որքան աշխարհը, որքան բովանդակ տիեզերքը, որքան բոլոր արևները, որքան միլիոնավոր աստղերը, որքան անվերջանալի տարածությունը, որքան անհունը:

Միրանյանը այդ մտածում է և վախենում, որ այդ մտածում է: Որովհետև ինքը մեռել չէ, ինքը կենդանի մարդ է... Հարյուրապետ Միրանյանը, Հայաստանի հանրապետության հեծելազորի այսինչ գնդի հրամանատարը, որ տարօրինակ բախտով, չնայած այդքան վտանգների, մնացել է ողջ:

Մնացել է ողջ: Իսկ ողջ մարդու միտքը, սիրտը և մարմինը պահանջում է սահմանված իրերի և սահմանված երևույթների ներկայությունը: Այժմ նրա միակ երազն է, որ պատերազմը վերջանա, վերադառնա տուն, ունենա մարդավայել բնակարան, դաշնամուր (Վարյան կարող է ընկերակցել իր ջութակին), ընտրյալ գրքերով լցված պահարան, մի քանի դուլլ լավ գինի, մի մեծ շուն... Վարյան, որ նուրբ դաստիարակություն ստացած աղջիկ է, սովոր տարրական հարմարությունների, սովոր տաքի, լավ կերակուրների, շքեղ ու վայելուչ զգեստների և թանկագին անուշահոտությունների... որքան տառապեց այդ վերջին ժամանակները... Ցավ է մտածել: Վարյան տառապեց:

Եվ բուքի միջից Վարյանի քնքուշ գլուխը դուրս է գալիս և սեղմվում նրա կրծքին: Միտքը կծկվում է և սիրտ մի մեծ ալիք գալիս բախվում է նրան, երակները ջերմությամբ լցնելով: Միտքը գնում նստում է այն

Թախտի ժայրին, ուր վերջին գիշերը նրանք երաժշտութիւն էին լսում: Նրա թափանցիկ, երկար և խնամված մատներով ձեռքը ավերի մեջ սեղմած նայում է նրա աչքերի մեջ:

— Վարյա, ինչ գեղեցիկ ես այդ զգեստով...

— Պարոն հարլուրապետ, պարոն հարլուրապետ,— լսեց նա հետևից:

— Ի՞նչ է...

Արթնացավ և ձին կանգնեցրեց:

— Տղաները ասում են, որ ճանաչու՞մք շեղձի և քն... Ձլիճի թե ընկնենք թշնամու թակարդը:

Գունդը կանգ առավ:

— Հարցը նրանում է, որ ձյունամրրիկի պատճառով ոչինչ չի երեւում: Սպասեք...

Վերարկուի գրպանից բարտեզը հանեց և, քամու դեմ մաքառելով, աշխատեց մի բան տեսնել:

— Աջ կողմից,— ասաց նա,— մի գլուղ պետք է անցնենք... Հա, էլի, ճանապարհը գլուղի միջից է անցնում...

Քամին քարտեզը քաշքշեց և տրորեց: Փշեց ու ապտակեց մտահոգված երեսները. խոսեցին. քամին խոսքերը կլլեց:

— Իսկ ձեր ասած գեղը իսկի շտեսանք...

— Ի՞նչ...

— Գե-եղը շտե-եսանք:

Փոթորիկը գնալով սաստկանում էր:

— Լավ,— գոռաց Միրանյանը,— արողը ի՞նչ եղավ... Արողը... մինչև հիմա հասած պիտի լիներ...

— Արողը շտեսանք... երևի, շեղվել ենք...

— Մի երկու մարդ ետ ուղարկեք, թող տեսնեն արողը ո՞ւր է մնացել...

Փոխ-վարատար Աբեսյանը ձին մտրակեց և մարդկանց հրամաններ տվեց: Երկու մարդ մեկնեցին:

Այդպես կանգնել մնալը կարելի չէր: Ձիերը պոչերը սեղմած և գլուխները վար առած, մինչև մարմնի կեսը մխրճվել էին ձյունի մեջ, դողում էին: Անկարելի էր առաջանալ. ձյունափոշու ամպերը ահագին արագությամբ գրոհ էին տալիս մարդկանց և անատունների վրա և նրանց ետ մղում: Կարելի չէր որոշել քամու ուղղութիւնը. նա փշում էր բոլոր կողմերից: Երկինք ու երկիր միացել էին և բովանդակ աշխարհը ճերմակ քառսի վերածել:

Փոխ-վարատար Աբեսյանը լայնուս և կայտառ մի դարբառաղջի

տղա է: Վայր ընկնող բեղերը սառած և հոնքերը ձյունով ծածկված, նա գինվորների հետ խորհրդակցելուց հետո վերադարձավ և հայտնեց, որ տղաներից մեկը՝ Այվազը, էս կողմերից է, երկիրը լավ ճանաչում է, և կարծում է, որ, եթե աչ թեքվենք և բլուրը մագլցենք, անպայման կհասնենք արամբացոց գյուղը, որտեղից այլևս ճանապարհը պարզ է...

— Դե որ էդպես է, թեղ ատաջ ընկնի, մեզ ճանապարհ ցույց տա...

Եւ հարցաւորյալիւ աշխատեց անկանոն շարքերով առաջանալ դեպի բլուրը:

Միրանյանի դեմքը փաթաթված էր մինչև աչքերը, հաղիվ կարողանում էր շնչել: Զին դժվարանում էր առաջանալ. ոտքերը ծալվում էին, ամեն վայրկյան կանոց էր առնում և մխրճվում բարձրացող ձյունաթմբերի մեջ: Երբեմն էլ վայր էր ընկնում երկու ծնկների վրա, Միրանյանին գլորելով ձյունի մեջ: Միրանյանը սանձերը ձեռքին ոլորած ամբողջ ուժով քաշում էր, թալալ գալիս, հաջողում ոտքի կանդնել, էին մտրակել և նորից հեծնել:

Բայց ո՞ր է բլուրը, ոչի մասին խոսել էր Այվազը: Ոչինչ չէր երեւում: Հագիվ նշմարվում էին մարդիկ:

Հետևից եկող երկու դաշաւային քնդանոթներն էլ չէին առաջանում: Անիվները քարացել էին և հյւժարվում էին շարժվել: Զինվորները ահագին ճիգ էին անում առաջ մղելու համար:

Միրանյանը սարսափով մտածում էր. թի ինչ պիտի լինի, եթե պաշտօնավորման կառքերը չհասնեն: Էինվորները սոված էին, դեղորայք չկար: Պատասպարվելու տեղ էլ չկար. գոնե ժուլոի մի կտոր լիներ, մի փոս, մի գետ...

Հայաստանը կատաղի ձեռքերով ամեն ինչ խառնել էր, գլորել վար, ծածկել մորիկի կապտած շրթներից դուրս թափվող տարերքի տակ:

Բայց ո՞ր էր բլուրը: Բլուր չէր երևում:

— Փոխ-վարատար Արեւսյան, փոխ-վարատար Արեւսյան...

Քամին քաղում էր նրա ձայնը և կուլ տալիս:

— Փոխ-վարա...

Դեմքի վրա մտրակ էր սուլում: Աչքերը փակում էր, մեջքը ծալում: Այդ նույն վայրկյանին հետևից վայելով մորթի մի կտոր էր զալիս, փետուրի նման նրան բարձրացնում և նետում ձյունի վրա: Ձեռքը բնազդաբար տանում էր աչքերին և այդպես մնում: Հետևից եկող գինվորները օգնութեան էին հասնում և նրան ոտքի հանում:

Կանգնում էր և ծիծաղում:

— Դա, քամի չի, դա... էրում է, էրում...

Տղաները ո՞ր են...

— Յրված գնում են... թնդանդթնները մնացել են վարր...

— Ասացեք թող ամենքը կանգնեն...

— Լսում եմ, գլխապետ:

Եվ Միրանյանը նորից հեծնում էր իր ձին:

Ասել էր, որ կանգնեն, ինչո՞ւ չէին կանգնել: Ժամացույցը հանեց նայեց. ժամը երեկոյան շորսն էր: Շուտով պիտի մթներ: Պիտի մթներ, իսկ չգիտեին ո՞ւր են գնում: Պետք էր անպայման ամենքին համախրմբել, որոշել...

Ձին մտրակեց: Գոռաց: Չեռքերով նշաններ արեց: Քամին թափահարում էր ձեռքերը, պատառոտում ու ցրում նրա հրամանները:

Ահա, վերջապես, կանգնեցին:

— Հաշվել մարդկանց...

— Մեկ, երկու, երեք, չորս...

Քսան հոգի պակասում էր:

— Ընտրեցեք հինգ հոգի, թող գնան մյուսների հետևից...

Գնացին:

Քիչ հետո երկու հոգի վերադարձան վեց զինվորների հետ: Դեռ պակասում էր տասնչորս մարդ:

Իսկ մյուսները ո՞ւր մնացին: Ահա ինչքան ժամանակ է անցել, մյուսները չկան:

— Հավաքել փողհարներին...

Փողերը մշավեցին: Քամին մեկ ումպով ձայները կերավ և ետ փրսխեց երկար մի ոռնոց:

— Եկան, եկան...

Տասը մարդ ևս վերադարձավ: Չորս հոգի չկա:

— Հիմա ի՞նչ անենք...

— Պետք է սպասել, ուրիշ ելք չկա... Ո՞ւր է Այվազը, որ խոսում է բլրան մասին...

Այվազին չեն գտել...

Այն, ինչ հեռվից թվում էր բլուր, ձյունամպ էր: Ուրեմն, նրա ետևը գտնվող ենթադրյալ գյուղն էլ ամպ էր:

Ձիերին համախմբեցին: Մեկը մյուսին կպան և սարսուռով կանգնեցին: Համախմբվեցին նաև մարդիկ: Ցատկոտեցին, քաղուկները՝ կրծքին խփեցին, ղողացին: Ձիերի և մարդկանց բերաններից ահագին շոգի էր դուրս գալիս:

— Այվազը գալիս է...

Այվազը և մի ուրիշը: Հեռվից ուրախության նշաններ էին անում:

Ամենքը վազեցին նրանց կողմը: Քե ձիերը, թե մարդիկ ամբողջովին ձյունով ծածկված էին. կարծես ուրվականներ լինեին:

— Ի՞նչ է ասում...

— Ասում է լավ խաբար է բերել...

— Պարոն գլխապետ, շատ-շատ ասենք, էստեղից մի վերստ հենու... Ախր, ես գիտեի, որ ճանապարհի էն կողմը պիտի... համա, էս անիծյալ եղանակը... Ի՞նչ ճանապարհ, ի՞նչ բան... Մանուկը ասում էր՝ Այվազ, երազ ես տեսնում... ախպեր, սա իմ երկիրն է, ես գիտեմ, չէ՞... Եվ ի՞նչ եք ուզում որ տեսնեմ... Ձյունի մեջ սառած պառկած շորս դիակ... Մանուկին ասացի՝ «Թե էստեղ մեռած մարդիկ են պառկել, էստեղ ճանապարհ կա, որտեղից էդ մարդիկ անցնում էին... Եվ երբ մոտեցա դիակներին, ադա, ո՞ւմ ես ուզում տեսնեմ... Շշմանց չմայակ վարպետին... քարտաշ... Մեր հարևան Ակուլենց գեղից... Նայեցի մյուսներին, լակոտ լկուտ... երևի ընտանիքը... Մանուկ, ասացի, փրկված ենք, քո արև, փրկված ենք... Սրանք փախչում էին Գյումրի և Գյումրի գնալու համար պետք է անցնեն մեր գեղից... Պարոն գլխապետ, ճանապարհը գտել ենք... Երկու հոգի թող էնտեղ... տեղը չկորցնենք...

Ձիերը հեծան:

— Քառյակ շա-արքով... ամենքը միասին...

Քամին դեռ շարունակում էր ուժով փչել, թեպետ թափը որոշ չափով կոտրվել էր: Սահում էր ձյունի վրայից, առանց ամպեր կազմելու: Բերված լուրը մարդկանց նոր աշխուժություն էր տվել: Ձիերն անգամ այդ ընդհանուր տրամադրությունից տարված կարծես վերակենդանացել էին: Նրանք, ավելի քան մարդիկ, բնածին բնազդով նախազգում էին մարդաբնակ վայրերի մոտությունը: Տաքը, կերը, ախոռի անուշ հոտը: Քայլում էին պոչերը շարժելով և խրխնջալով:

Միրանյանի արաբական ձին նույնիսկ ջղայնացել էր: Գլուխը անդադար վայր էր քաշում, ուզում սանձերից ազատվել, վազել: Այդ ջղայնությունը վարակել էր նաև Միրանյանին: Անցկացրած ծանր և անորոշ այդ ժամանակամիջոցից հետո նրա ուսերից մի մեծ բեռ էր վայր ընկել և մարմինը ձգել և թեթևացել: Սիրտը արթնացել էր: Պիտի ուզեր տարօրինակ մի բան անել. ինքն էլ չգիտեր ինչ:

— Երբ այդ կոիվները վերջանան,— մտածում էր նա,— անսպասան կանցնեմ սավառնորդային բաժինը: Լավ է թռչել: Սուրալ ամպերի միջից և, վերևից, թռչունի սուր աչքերով դիտել դանդաղ անցնող վարի աշխարհագրությունները:

Լինել դաշտերից, բլուրներից, լեռներից բարձր:

լինել այս աշխարհի հետ և, միևնույն ժամանակ, լինել այս աշխարհից դուրս: Չէ, անպայման, անպայման պետք է անցնել սավառնորդային բաժինը:

Եվ նրա ներքին աչքերը սավառնում էին երկինքներում: Պրոպելլերը բզզում էր հսկայական բզբզի նման: Մավառնակը՝ մարմնի հետ խորմիև, հետևում էր նրա բոլոր շարժումներին: Ահա, թևը դանակի նման կտրում էր ամպը, թեքվում մի կողմ, պոչը զար առնում և պտուտակի մղանակից արձակված նետի արագությամբ բարձրանում էր վեր և մաղլցում երկինք: Կարծես երկու լայն բացված հսկայական բազուկներ են, որ պատրաստվում են գրկախառնվել անհունի հետ:

Վարից, ժանր գլուխները վեր ցցած նայում են Մասիսները և Արագածը: Նայում են՝ սեղմ շարքով առաջացող Գեղամա լեռները և դաշտերը, այգիները, անապատը: Նայում է Սևանի կապույտ աչքը: Այլևս հասկացվում է, որ ամբողջ Հայկական բարձրավանդակը ուզում է բարձրանալ վեր: Ուզում է և չի կարողանում, և այգ պատճառով էլ երբեքում է, փառնաշփոթվում, խորդուբորդանում, քարե հազար բազուկները վեր կարկառում:

Ինքը և իր սավառնակը՝ տեղից շարժվելու անկարող այս աշխարհի սուրհանդակներն են: Նրա վեր թռչող աղմկալից սիրտը: Նրա սուրացող աղաղակը:

— Ա՛հ, այո, աղաղակը: Որովհետև, պարոնայք բարձրագույն հոգիներ և պարոնայք հրեշտակներ, ես եկել եմ ձեզ ասելու, որ այնտեղ, նեքքեի աշխարհում լավ չէ: Չե՞ք լսում լեռների և ժայռերի թմբուկների վրա բախվող մրրիկների ձայները, անդունդների պատերին զարնվող խալտուն վայոցները և ձյունների միջից բարձրացող հիդդերի պատառոտված ձայները...

Չէ, այնտեղ լավ չէ:

Կռիվ, արյուն, ցեխ, ոչիլ:

Եվ պրոպելլերը խենթանում էր: Սավառնակը սուրում էր նետի նման, փուռարկում երկնքի բոլոր անկյունները, ճեղքում ժանր ամպերը, թևկնում փրենից աճելի արագ զազող հոսանքների մեջ, պարապությունների վիհերում խորտակված, ալիքների կատարին խաղացող նավի նման տատանվում և, նորից քիթը վեր տնկելով, պտույտ գալով բարձրանում վեր:

Իսկ քարձրությունների քարձրության մեջ երկինքը կուրանում էր ճեթմակ ձյունի նման:

Դառնում էր շոշված մի աչք, անվերջանալի մի բիր:

Անվերջանալի, կլանող մի պարապություն:

Այդ տեսարանի առաջ Միրանյանի գլուխը պտուշտ էր գալիս: Միր-
տը սեղմվում էր և մեծ մի տխրություն խուժում էր նրա վրա: Ձին մըտ-
րակում էր և անմիջապես վերադառնում դեպի իրականութուն:

— Հե՛, լսե՞ք, էդ հրանելի ճանապարհը ո՞ւր մնաց...

— Էդ ա, գլխապետ, երբ հասնենք էն մեծ ձյունակուշտի մոտե-
րը... տեսնո՞ւմ եք, էնտեղ, սպիտակ կետը... Հա, ճիշտ էնտեղ... Ար-
դեն տղաները երևում են... Ուրեմն, էնտեղ...

Գունդը վերագտել էր ինքնալստահությունը:

— Է, քամին էլ քավականին մեղմացել է... Դե, առհասարակ էդ-
պես է, երեկոյան քամիների սանձերը քաշվում են...

— Սրան տես, բան ասաց... Ի՞նչ պատճառ կա... երեկոյան սան-
ձերը քաշելու...

— Ո՞վ կարա ասի... ասում են, մութից վախենում են...

— Խմբըլ...

Իսկապես քամին քիչ մեղմացել էր, բայց օդը դեռ պարզ չէր: Եր-
կինքը ծանր էր, գորշ: Լուսավորությունը գալիս էր ձյունի սպիտակու-
թյունից, որը շարշարում էր մարդկանց աչքերը:

Հեռվում բարձրություններ էին ուրվազծվում: Անորոշ, կարծես
թաքնվել էին երկնքի հետևում:

Անհանգիստ մի խաղաղություն էր տիրում: Լսվում էին միայն ձյու-
նի մեջ մխրձվող ձևերի սմբակների ձայները: Խոշտ, խոշտ, խոշտ:

Միրանյանը ձին կանգնեցրեց և նայեց զինվորներին: Թողեց որ
անցնեն: Ուժեղ, կորովալի, խիզախ երիտասարդներ:

— Ի՞նչ հրաշալի ժողովուրդ է մեր ժողովուրդը, — մտածեց նա, —
այդպիսի մարդկանց հետ անգամ դժոխք կարելի է գնալ:

Ձին արագ քշեց և անցավ գնդի գլուխը: Շարքերը սեղմվեցին: Ձեռ-
քը վեր բարձրացրեց և նշան արեց երգելու: Եվ լսվեց առաջին հիանյա-
կի, սկզբում անորոշ, բայց հետո ավելի և ավելի ամուր հնչող խրմ-
բերգը:

Ցար ունեի բոլով չինար, տեսքով աննման,
Սիրունների թագուհին էր սիրով անսահման...

Ետևի երկրորդ հիանյակը պատասխանեց:

Ցար ունեի բոլով գաճաճ, ազոտով նման,
Ման էր գալիս և զոռում էր մի էշի նման...

Ձիերի սմբակների տակ տրորվող ձյունի ձայնը խոշտ, խոշտ, խոշտ ընկերանում էր նրանց երգին...

Միրանյանը միացավ խմբին: Ինչ լավ էր, որ ամենքը միասին երգում էին: Աշխարհի ետ ընկած այս վայրում, ծածկված այս երկնքի տակ, անհայտ այս առաջացումի ժամերին:

Արդյոք ամբողջ մեր այս կյանքը անհայտ առաջացում չէ՞:

Հիշում էր (երգը արթնացնում է հիշողութունները): Հիշում էր ավատորհական ճակատում անցկացրած ամիսները: Այնտեղ ևս համատարած ձյուն է և անվերջանալի տարածութուններ, բայց այդ ձյունը և այդ տարածութունները իրեն համար պատահական էին, գրեթե անիրական: Ինքը այնտեղ օտար էր: Իր հոժար կամքով չէր գնացել, այլ պարտադրվել էր գնալու Ռուսաստանի խորքերը, հեռավոր վայրեր, որոնց հետ ոչ մի բանով կապված չէր: Ակամա պետք է մասնակցեր հսկայական շահսեր առած մեքենական մի գործողության, որի հետ ոչ մի ներքին կապ չունեի: Անդադրում զղրղոցով անցնում էին զորքերի անվերջանալի շարքերը, հրետանիները, հեծելազորքերը: Այդ օտար վայրերից վառողի, կաղամբի հոտ էր գալիս: Քնդանոթները ոռնում էին, ումբերը պայթում, գնդացիները տրաքտրաքում, մարդիկ խուլ ճիչեր արձակելով վայր էին ընկնում, իսկ թշնամին երբեք չէր երևում: Մեծ և անանուն մի դրամա էր, որի նպատակը իրեն համար մնում էր անհայտ: Ինքը, անշուշտ, այնտեղ էր, մասնակցում էր կռիվներին, վտանգում էր իր կյանքը, անում էր իր լավագույնը, որովհետև պատվի, արժանապատվության հարց էր, սակայն սրտի խորքը, իր անհատականության գաղտնի կենտրոնը բացակայում էր:

Այն օրերին նա այդ լավ չէր հասկանում: Հիմա հասկանում էր:

Հիմա մթագնած և անորոշ այս վայրում, այս թավալ եկող մի կտոր երկնքի և երկրի ծոցում, ուր նա երբեք չէր եղել, ուր հնչում էր միամիտ այս երգը, ուր առաջանում էր զոհվելու պատրաստ, հինավուրց պատմության խորքերից նորից դուրս եկած ռազմիկների այս լեզբոնը, ամեն ինչ թվում էր բնական, անհրաժեշտ, տրամաբանական: Զարմանալի չէ՞ր: Ահավաստիկ բոլորովին անծանոթ վայրեր և, սակայն, ինքը ճանաչում էր նրանց: Տեսել էր: Ապրել էր նրանց հետ: Ինքը ևս նորից վերադարձել էր պատմության ինչ-որ խորքերից:

...Մի յար ունեի կրծքերը նուռ, աչքերը՝ հուր...

Խոշտ, խոշտ-խոշտ-խոշտ...

Այո, այդ զգում էր խորապես. վերադարձել էր: Անցյալ կյանքում երկար ճամփորդելուց հետո վերագտել էր այն, ինչ նրան պատկանում էր, այն, որին ինքը պատկանում էր: Իսկ անցյալ կյանքերը. ո՞վ կարող էր բաց անել խավարի ծալքերը...

— Հասանք, գլխապետ, հասանք... Ո՞վ կարա ասի... Շշմանց Հմայակ վարպետը...

Շշմանց Հմայակ վարպետի դիակը կես մխրճված էր ձյունի մեջ: Փայտացած ձեռքերը գալարված, դեղին մորուքը դուրս ընկած, դեմքը սևացած և աչքերը ոլոր եկած նա պառկել էր կողքի վրա, կարծես սպասում էր, որ մեկը գա, օգնի վեր կենալու համար:

Չորս քայլ ետ մի կին և երեք երեխաներ մեկը մյուսին փաթաթված, երեսի վրա երկարել էին և կապտել:

— Սրանք զարկված են,— ասաց տղաներից մեկը, մի երեխի դիակը կողմ հրելով:

Մոտի ձյունը կարմրած էր և դիակի կոկորդի վրա արյուն էր շոթացել:

— Գոնե ձյունով ծածկենք...

— Հա, ծածկենք...

Միրանյանը քարտեզը գրպանից հանեց ճանապարհը ճշտելու համար, բայց ժամանակ չունեցավ: Ծիշտ այդ վայրկյանին, աչ կողմի բարձրություններից հրացանաձգության ձայներ լսվեցին:

Միրանյանը հեռադիտակը աչքերին ուշադրությամբ նայեց և ոչինչ չտեսավ:

— Դուք էլ լսեցիք, չէ՞,— հարցրեց մյուսներին:

— Էնպես թվաց... կրակում էին...

Ձիերից վայր իջնողները նորից ձի նստեցին: Հրացանները հանեցին և փոքրիկ խմբեր կազմելով ցրվեցին:

— Նորից կրակում են...

Այս անգամ հրացանաձգության ձայները գալիս էին թե՛ աչից և թե՛ ձախից:

— Աղա, ծուղակը ընկած շիներ՞նք...

— Պետք է երկու ուղղություներով էլ հետախույզներ ուղարկենք... տեսնենք ինչ է...

Փոխ-վարատարը մարդիկ ընտրեց և ուղարկեց:

Քամին, որ թվում էր մեղմացել է, հանկարծ ամբողջ ուժով փչեց, ահագին ձյունափոշի բարձրացնելով: Հմայակ վարպետի մորուքը վեր բարձրացավ և ճերմակեց:

— Շանորդն նորից կատաղեց...

Միրանյանը շուրջ երկու ժամանակ կորցնելու Անցավ երկրորդ հիսնյակի գլուխը և որոշեց բռնել բլրան կողը: Ծյուաները տասնյակների բաժանվելով ցրվեցին զանազան ուղղութիւններով և պատրաստ կանգնեցին: Երկու թնդանոթները մեկնեցին հետեակների հետ և կանգ առան ձյունաթմբերի հետևում:

Բուքը սաստկացավ: Ուշինչ շէր երևում: Պետք էր սպասել հետախույզների տեղեկութիւններին: Ո՛ւր մնացին... Սոսկալի էր... Նրանք չգիտեին ո՛ւր են գտնվում և ո՛ր կողմից էր կրակը գալիս: Կրակում էին իրենց վրա, տարակուս չկար: Գնդակները շվալուով անցնում էին գլուխների վրայից: Քիչ անցած, պայթեց նաև թնդանոթային առաջին ումբը:

— Պա-ատրա՛ստ,— հրամայեց Միրանյանը:

Ձին մտրակեց, շարքերի առաջից անցավ և նորից հրամայեց՝

— Հինգ հարյուր քայլի վրա նշան առ, կրա՛կ, կրկին կրակ, անդադար կրա՛կ...

Ետևի երկու թնդանոթները ևս սկսեցին ոռնալ:

Հետախույզներից երկու հոգի վերադարձան և հայտնեցին, որ բլրան հետևում տեսել էին մի քանի հազար թուրքեր, և բավական թվով հրետանի, Հեծելազորք չէին նկատել:

Անհավասար այդ ուժերով ճակատամարտ ընդունելը անմտութիւն էր: Միրանյանը որոշեց կրակը շարունակելով հնարավորութիւն տալ հարյուրյակին, որ ետ քաշվի և ավելի հարմար դիրքեր բռնի: Իրենք բաց դաշտի մեջ էին... Թուրքերը բաղձունքներից իջնելով կարող էին պաշարել...

Արդեն վերավորվածներ կային:

Կային նաև սպանվածներ: Մի ումբ պայթել էր աջ թևի տասնյակի շարքերում և մի քանի հոգի սպանել:

Միրանյանը ետևի շարքերին հրաման տվեց կամաց-կամաց նահանջել, առանց որ թշնամին այդ նկատի: Ինքը քսան մարդկանցով մնաց առաջին դիրքերի վրա և կրակը սաստկացրեց: Բարեբախտաբար, քամին էլ գնալով սաստկանում էր և ձյունափոշին ծածկում էր տեսողութիւնը:

Կես ժամ հետո երբ տեսավ, որ մյուսները բավականին հեռացել են և թշնամու կրակն էլ թուլացել է, հրամայեց իր մարդկանց կրակելով կամաց-կամաց ետ քաշվել:

Պետք էր թշնամուն քաշիլ դաշտը և ավելի նպաստավոր դիրքերից հակահարձակում պատրաստել:

Ձիերին մտրակեցին և քառատրոփ հեռացան: Թշնամու թնդանոթները լռել էին: Լսվում էր միայն քամու աղաղակ:

— Լավ պրծանք,— մտածնց Միրանյանը,— գնացել ընկել էինք թշնամու ծոցը:

Փոխ-վարատարը, մտահոգված, մոտեցավ նրան:

— Մյուս երկու հետախույզները, որոնց զրկել էի ահա այն կողմը,— ասաց նա, մատով ցույց տալով նահանջի ուղղությամբ,— չվերադարձան... Զարմանալի է...

Ասաց և բնազդաբար զլուխը վար գցեց: Հենց նշա ցույց տված կողմից գնդակներ վզզացին:

— Պա-ատրա՛ստ,— պոռաց Միրանյանը և ատրճանակը գուրս հանեց:

Թշնամին վերսկսեւ էր կրակել ավելի սաստկությամբ: Դիմացից երևացին բազմաթիվ ձիավորներ: Կասկած չկա, շրջապատված էին: Այնտեղ... նահանջող տղաները կալի մեջ էին:

— Տղերք ջան,— բղավեց Միրանյանը,— պետք է ճեզքել անցնել... ուրիշ միջոց չկա...

Մարդիկ անմիջապես ցրվեցին և կրակելով նետվեցին առաջացող ձիավորների վրա:

Միրանյանի առաջից գնացող մի զինվոր՝ հազթանդամ Միհրանը, որին, արտակարգ ուժի պատճառով տղաները եզ էին անվանում, ձիու սանձերը հանկարծ բաց թողեց, երկու ձեռքերը տարավ ստամոքսին, խուլ մի ճիչ արձակեց և մի քանի տասնյակ քայլ երերալով գնալուց հետո ծանր տապրակի նման վայր ընկավ, անշարժացավ ձյունի վրա:

Միրանյանի գլխի մեջ ամեն ինչ խառնվեց:

Մինչ իր ձին, որի վրա տարօրինակ մի ուժ էր եկել, վազում էր նետի նման սուրալով, ինքը անզադար կրակում էր: Նրա գլխավոր նպատակն էր հասնել տղաներին, համախմբել նրանց և միացած ուժերով գրոհ տալ թշնամու վրա:

Բայց ս՛ւր էին տղաները:

Մրրիկը, քամիների վայոցը, ռումբերի քղրդացող պայթյունը, մարդկանց երեսները, ամեն ինչ, ամեն ինչ խառնվել էր, ճերմակ քառսի վերածվել և ինքը ուրիշ բան չէր լսում, եթե ոչ՝ տիկ, տիկ, տիկ, տիկ, մի ձայն, որը ժամացույցի նման բանում էր կրծքի տակ:

Մարմինը և գիտակցությունը հանկարծ դատարկվել էին և ամբողջովին չցվել տիրական այդ ձայնով:

Ամեն ինչ քնել էր, ամեն ինչ ճերմակել, թեթևացել:

Երբեմն, կրծքի վարի կողմում, մի ցավ էր արթնանում, ծակում, խանձում, սեղմել տալիս նրա ատամները, այրում շրթները, ապա անհետանում, մոռացվում և նորից՝ տիկ, տիկ, տիկ, տիկ, նվազի շափա-

հարի նման ճոճվում: Եվ այդ ճոճվում էր նվագի շափահարի նման, նրա ջութակի ուսուցիչ Կարլ էրնեստովիչ Մյուլլերի շեկ և ոլոր դեմքը դուրս էր ցցվում, երկար ու բարակ մատը վեր բարձրացնում և՛ այն, ցվայ, տրայ, այն, ցվայ տրայ շափ էր տալիս...

Եվ աշխարհը, որ թեթևություն էր և սպիտակ ձյունի լույս, լցվում էր հրաշալի մի նվագով: Զութակի ձայնը՝ հստակ և թրթռուն, կոհակ-կոհակ տարածվում էր, անտեսանելի թևեր առնում, սուրում անծայր տարածություններում և ընդգրկելով երկինքը, աստղերը, հնչում էր հրաշալի լացի նման, տխրում էր և գանգատվում և լուսավոր հոսանքներին հանձնվելով հեռանում...

Եվ, տեր աստված, նվագողը ինքն էր: Այդ ձայները դուրս էին գալիս նրա մատերի տակից, նրա սրտից, նրա մարմնի ամեն մի մասից: Ամբողջ նրա էությունը նվագ էր:

Եվ ամեն անգամ, որ քամին խփում էր երեսին, ծարավ և այրող նրա շրթունքների վրա ձյուն սփռում, նա երջանիկ զովություն էր զգում և փորձում էր այդ ձյունը ծծել:

Ձյունը և նվագը:

Արդեն մութ էր, երբ տղաները թշնամուն ետ մղելուց հետո Միրանյանին գտան ձյունի մեջ փոկած... Խաչաձևված բազուկների վրա կրելով, նրան տարան իրենց հետ:

— Մենք ենք, գլխապետ, մենք ենք...

Մի վայրկյան աչքերը բացեց, ճանաչեց իր զինվորներին և ժպտաց: Հետո շրթները ծովեցին և նա ուշաթափվեց:

11

«...Ամենքը դեպի ճակատ, ամեն ինչ ճակատի համար...»:

Գորշ, հղի երկինք:

Ետ քաշված լեռների կատարին արևը գունաթափված մի սկավառակ էր կախել: Վարը, դաշտի վրայից ճերմակ մառախուղ էր սողում:

Նավից պարզ երևում էին հեռուն, պատշգամբների վրա տեղի ունեցող զգացական տեսարանները: Հագիվ հագնված կանայք, մազերը ուսերի վրա թափված, ներս ու դուրս էին անում փափուչները գետնին քսելով, և փորը դուրս տնկելով ծանր ինքնահոսներ էին տանում: Շփոթվելով, գինովի նման դանդաղելով այս այն կողմ էին վազվզում, կապոցներ պատրաստում, արագ, վերջին վայրկյաններին փաթաթվում մարդկանց վզին, հուզվում, լաց լինում:

Տղամարդիկ դեռ շարունակում էին ճակատ մեկնել:

Քաղաքի փողոցներից քայլերգի ձայներ էին լսվում: Հեռուն, մառախուղը պլլվում էր դաշտին, ծածկում ամպերով, որի միջից բարձր կաղամախիների կատարներ էին դուրս ցցվում և թվում էր, որ դրանք անհայտ ծովում ընկղմված հսկայական մի տորմիդի կայմերն էին:

Մարտինը, և նրանից անբաժանելի Ֆեոդոր Պանտելենիչը ամբողջ գիշերը քաղաքում թափառելուց հետո վերադարձել էին նա՛վ:

Երկուսն էլ դեղնած, շշկված, նիհարած: Ֆեոդոր Պանտելենիչի աչքերը խորտակվել էին, բաղռակները անուժ կախվել: Նա նմանվում էր դատարկված մի տոպրակի: Շրթունքները անդադար շարժվում էին, ծովում աջ ու ձախ, կարծես ականջներ էին փնտրում գաղտնի բաներ փսփսալու համար:

— Ո՛ւր էիք կտրել, — հաբցրեց Հերյանը:

— Գնացել էինք խորհրդարան... Նիստ էր... դրությունը շատ վատ է... — պատասխանեց Մարտինը, անհանգիստ գետնին նայելով:

— Ինչո՞ւ վատ...

— Խոսում էին, էլի... շատ մտազբաղ...

— Խոսում էին... Ի՞նչ էին ասում...

— Ասում էին... Նավապետ ջան, կորանք...

Քիթը աղմուկով վեր քաշեց:

Հերյանը կռահեց, որ խկապես մի վատ բան էր պատահել: Բարկացավ:

— Կորանք, կորանք... Հիմար, պատմում ես, մարդավարի պատմի...

— Ասում են՝ թուրքերը քայլում են Իգդիրի վա... գրավել են Կարակալա կամուրջը... Ութսուներեքի և ութսունչորսի կարգերը կանչված են... Ասում էին զորքերը էլ շեն ուզում կռվել... Ասում են... Հա, շմոռանամ... ձեր տանտիկիլը տեսա... էն էլի, որտեղ առաջ ապրում էինք... վազում էր հիվանդանոց... Ասաց ամուսնուն բերել, են... վիրավորված է...

— Միրանյա՞նը...

— Հա, նա:

Լռեցին:

— Նու, — ասաց ուսը, — նու, եկանք հասանք.. Գուպուի, գոսպոդի...¹

Գեմքի աջ մասը ջղայնացած շարժվեց:

¹ Ասված իմ, աստված իմ:

— Աշխարհը լցվել է ցավով, շարիքով, — շարունակեց նա: — Իջև են բոլոր վատ ոգիները և տիրացել կյանքին... Հիմա ի՞նչ պիտի լինի, հիմա ի՞նչ պիտի լինի...

— Ի՞նչ կարող է լինել, — ասաց մեքենաբար Հերյանը: — Մեղ հետ կպատահի այն. ինչ պատահելու էր ուրիշներին... Ի՞նչ էիր ասում, Մարտին, թուրքերը քայլում են Իզդիրի՞ վրա...

— Ասում էին...

— Հիմար բաներ... Ես գնում եմ հիվանդանոց... Կինը մենակ է... Չէ, չէ, Իզդիր... Ես գնում եմ հիվանդանոց...

— Լավ:

— Ուրեմն էդպես... ես գնում եմ հիվանդանոց...

Գուրս գնաց, նորից ներս եկավ, գրպաններում ինչ-որ բաներ փնտրեց, կարտուզը հանեց, նորից հագավ, բաճկոնի կոճակները բաց արեց, նորից կոճկեց:

— Հիմար բաներ մի՛ ասա, — մոթմոթաց քթի տակ:

Վաղեց դուրս:

Տիկին Վարդուհուն գտավ հիվանդանոցի ներքին սանդուղներից վար: Ճյուղերը փշրված երիտասարդ ծառի էր նմանվում: Գույնը սփրթնած, աչքերը կարմրած:

Հիվանդանոցի լայն նրբանցքներից յոդոֆորմի ուժեղ հոտ էր գալիս: Բժիշկները և հիվանդապահուհիները մտազբաղ, վազելով անցնում էին, մեծ դռների հետևում տնհայտանում, մի վայրկյան ՚նտո դուրս էին գալիս ականոցները ուղղելով, նորից շտապում և անհայտանում ուրիշ դռների հետևում: Հիվանդանոցը լեփ-լեցուն էր: Ամեն անկյունից տրնքոցի, խեղդված աղաղակի ձայներ էին լսվում:

Շալերի մեջ կծկված, վշտից սառած երեսներով բազմաթիվ կանայք և աղջիկներ սպասում էին սանդուղի վարը:

— Տիկին Վարդուհի՛, — բացականչեց Հերյանը մոտենալով:

Կինը ավելի գունատվեց: Լայնացած աչքերով նայեց Հերյանին, թաշկինակը սեղմեց բերանին և ճիշդ խեղդեց:

— Ահ, պարոն Հերյան, ահ, պարոն Հերյան, — հառաչեց նա, իրանը աջ ու ձախ ճոճելով:

— Դե, դե, ավելորդ տեղը մի՛ մաշվեք, — մխիթարեց նրան Հերյանը, — պետք չէ... Ե՞րբ բերեցին...

— Երեկ, — ասաց տիկինը արցունքները կուլ տալով, — երեկ... Չե՞ն թողնում մոտը գնամ...

Հերյանը թուրք կուլ տվեց և շիմացավ ինչ ասել:

— Սպասեք,— ասաց նա հանկարծ վճռական,— զնամ հարցուփորձ անեմ, տեսնեմ ի՞նչ կարող ենք անել...

Վազեց ճերմակ հագած մի մարդու հետևից։

— Ներեցեք, արդյոք բարի կլինեի՞ք։

— Ի՞նչ եք ուզում,— նեղացած շեշտով հարցրեց մարդը։

— Երեկ մի վիրավորված սպա են բերել... գլխապետ Միրանյանը...

— Գլխապետ Միրանյան՞ը,— հարցրեց մարդը կանգ առնելով,— ո՞ր մասում է...

— Հենց այդ եմ ուզում իմանալ...

— Ի՞նչ եք կարծում, այս խառնաշփոթության մեջ ես կարո՞ղ եմ ճանաչել բոլոր վիրավորվածներին... Ոչ քուն ունենք, ոչ հանգիստ... Գիմեցեք գրասենյակ...

Ենչ դուռը փակեց Հերյանի երեսին։

— Մի բա՞ն եք ուզում, պարոն Հերյան։

Բամբակի և փաթաթոցների կապոցներ գրկած, ժպտալով առաջը կանգնել էր օրիորդ Քուղաղյանը, որին հուշակավոր քեֆի գիշերից ի վեր հանդիպելու առիթ չէր ունեցել։

— Ո՞ւմ եմ տեսնում,— բացականչեց Հերյանը և մինչև ականջները կարմրեց։

Օրիորդը այդ նկատեց և ավելի սիրալիր ժպտաց։ Դեմքը հոգնած էր, գունատված։ Գթության քրոջ զգեստը շատ էր սազում նրան, մի տեսակ մեղմություն և աննյութական քնքշություն տարածելով նրա անձի վրա։ Երեսի գծերն էլ այդքան տառապանքի մոտության պատճառով ավելի թափանցիկ էին դարձել, լուսավորվել։ Նույն օրիորդ Քուղաղյանն էր և սակայն կարծես ուրիշ էր։

— Չէի սպասում ձեզ այստեղ տեսնել,— կմկմալով ասաց Հերյանը և նորից կարմրեց։

— Ի՞նչ արած, պետք է մի բանով օգտակար լինել այնպես չէ՞... Սոսկալի վիճակ է. ահագին վիրավորներ են բերում, հիվանդանոցում տեղ չկա. բոլոր անկյունները լցված են... Պակասում են բժիշկները և դեղորայքը... Իսկ դո՞ւք... հիվանդ ունեք այստեղ...

Հերյանը բացատրեց։

— Հա, էն երիտասարդ սպան... վերը... Դուք նրան ազգակա՞ն եք...

— Չէ, բարեկամ։ Ապրում էի նրանց մոտ...

— Դե որ այդպես է, կարող եմ ասել... վիճակը լավ չէ։ Երեկ գոր-

ծողութիւնն ենթարկվեց... Մինչև բերել են, ահագին արյուն է կորցրել... Անշուշտ, բալոր հույսերը չեն կտրված, բայց...

— Նրա կինը այստեղ է և շատ է ուզում...

— Այսօր... Գործողութիւնն երկրորդ օրը այդ միանգամայն անկարելի է.. Պետք է նրան բացատրել, որ այդպիսի մի տեսակցութիւն կարող է հիվանդին հուզել և շատ վատ հետևանքներ ունենալ... Պիտի հասկանա և սպասի Իսկ ձեր գործե՞րը... պարոն Հերյան:

Հերյանը ձեռքն զննելով բարձրացրեց և անորոշութիւն շարժում արեց:

— Հեռվից ձեր նավը միշտ տեսնում եմ և հիշում այն գիշերը...

— Ցավում եմ, որ այդպես վերջացավ...

— Դուք մեղավոր չէիք: Մարդիկ այնքան փոքր են... Դե, ինձ ներեք...

Փռքրիկ, սահուն քայլերով, շտապ-շտապ սանդուղներից վեր վազեց: Հերյանը հիացումով նայեց նրա հետևից:

— Ինչ գեղեցիկ արարած է,— փսփսաց նա:

Տիկին Վարդուհին չէր ուզում հեռանալ հիվանդանոցից:

— Թողեք,— ասում էր նա,— թողեք մնամ այստեղ: Եթե գնամ կգժվեմ, հասկանո՞ւմ եք. . կգժվեմ...

Պետք եղավ ա՛հեն տեսակ պատճառաբանութիւններ գտնել նրան համոզելու համար:

— Ես ձեզ ասում եմ,— ստում էր Հերյանը,— ոչ մի վտանգ չկա: Գթութիւն քույրը ինձ շատ պարզ ասաց՝ գործողութիւնը լավ է անցել... հիվանդը կարիք ունի կատարյալ հանգստութիւն: Դուք զարգացած կին եք... պետք է հասկանաք...

Տիկինը գլուխը թափափարում էր և հեկեկանքը խնդրելով մերժում:

— Ես գիտեմ... նրա վիճակը լավ չէ... Գոնե թողնեն մտքը մնամ...

Գլուխը պատին էր կպցնում, և երեսը ճերմակ էր ինչպես պատը:

Դուրս գալու ժամանակ, քիչ էր մնացել, որ նա ուշաթափվեր:

Հիվանդանոցի մայթի երկայնքին զինվորները վայր էին դրել վիրավորների՝ ցիխոտված զգեստներով, մոմ կտրած դեմքերով, ետ ուրված աչքերով: Եվ դռնապանի հետ կռվում էին:

— Ախր, ասում եմ,— գոռում էր դռնապանը,— հիվանդանոցում մի վերշոկ տեղ չկա... Հասկացեք, ամեն ծակուծուկ լցված է... չի կարելի...

— Սրանք ծանր վիրավորներ են, խո՞մ փողոցում չպիտի՞ մնան,— զայրանում էին զինվորները:— Նաշալստվոն թուղթ է տվել... պետք է հրամանը կատարել...

— Դե, արի բան հասկացիր... Աղա, ասում եմ տեղ չկա-ա-տ...
Տարեք զինվորական երկրորդ հիվանդանոցը...

— Տարինք, բա շտարր՞նք: Չորս տեղ ենք տարել... Չեն ընդունում:

— Դե որ չեն ընդունում, ես ի՞նչ մեղավոր եմ... Տարեք ջահան-
նամը...

— Ռեխդ մաքուր պահիր... Նաշալստվոն թուղթ է տվել...

Կովում էին, մեկ մեկի վիրավորում:

Իւ՛կ պարզ շինելների տակ պառկած վիրավորների պատառոտված
միտերը մղկտում էին: Մոված իրենց շրթունքները լզելով, նրանք աշ-
քերը կես բաց տնքում էին և լսում հայհոյանքները...

Տիկին Վարդուհին կանգ առավ, նայեց այդ տեսարանին, գույնը
բոլորովին գցեց և «Բաբկենս, Բաբկենս» հառաչելով ընկավ Հերյանի
ձեռքերի մեջ: Զուր բերեցին: Երեսը լվացին: Ուշքի եկավ:

Հերյանը նրան կառք նստեցրեց տարա՛լ տուն:

Փողոցները գրեթե պարապ էին:

Հազվադեպ անցորդները մտահոգ վազում էին, մարդ չգիտեր դե-
պի ուր: Օղում ծանր և ճնշիչ լուսթյուն էր կախված: Մայթերի վրա
փռված գաղթականներն անգամ լռել էին և, խումբ-խումբ հավաքված
կուշ էին եկել, ավելի դժբախտ քան երբեք: Չէին լսվում կոշիկ մաք-
րողների և ծխախոտ ծախողների սովորական աղմկալի ձայները:

Պատերի վրա, ինչպես միշտ, բազմաթիվ կոշեր էին կպցրած:

Հերյանը կանգ առավ, ուշադրությամբ կարդաց: Չնայած կոշերի
ոգևորված շեշտին, այդ ընթերցումը սիրտը լցրեց ծանր հուսահատու-
թյամբ: Կասկած չկար, պատերը գոռում էին աղետի և կործանումի
մասին:

Ի՞նչ պիտի լիներ, ի՞նչ պիտի լիներ, ի՞նչ պիտի լիներ...

Մետաղի նման սառը փաստը այն էր, որ թուրքերն արդեն Իգդիրի
շրջանում էին, Երևանի դռների մոտ: Ամեն կողմից գալիս էին, Հայաս-
տանի շուրջը օղակ կազմելով:

Ամեն կողմից գալիս էին:

Որոշեց գնալ խորհրդարանի կողմը: Բուլվարի ծառերը լեցուն էին
ազոավիներով: Ճյուղերի վրա երերալով, նրանք նայում էին հեռուն,
ապա, անհանգստացած խմբով վեր էին թռչում և երկնքի վրա կենդանի
աղեղ կազմում:

Կենտրոնական փողոցի երկու անկյունների սրճարանները պարապ
էին: Ավելի վաղը, մի քանի մարդիկ խմբված խոսում էին ցածր ձայ-

նով: Նրանց դեմքերը նման էին երկնքին, գորշ և ծանր. Հերյանը նրանց շնոտեցավ: Քայլերը ուղղեց խորհրդարանի դուռը, որի գլխին կախված էր եռագույն դրոշակ: Մի քանի մարդիկ իրենց աչքերը պատշշամբին՝ սպասում էին: Պատշգամբը պարապ էր և դրոշակը տխուր:

— Բարև ձեզ, պարոն Հերյան...

Ծտ նայեց: Զվարթի հայրն էր:

Լուռ նայեցին մեկ մեկի: Հետո նայեցին պատշգամբին, դռշակին, երկնքին: Մարդը խոր հառաչ քաշեց և արպսեց Հերյանի աչքերի մեջ:

Ասաց՝

— Ի՞նչ պիտի լինի:

— ...

— Եկանք հասանք զզբաշների օրին... և վստահություն չկա,— նորից ասաց մարդը:— Ավելի լավ է դրոշակը վար առնեն, ի՞նչ կարիք կա իզուր արյունահեղության... գալիս են... Զվարթս նամակ է գրել...

— Նա որտե՞ղ է,— հարցրեց Հերյանը անտարբեր ձայնով:

— Գործո՞վ...

— Հա, ընկերների հետ... Ասում է հույս չկա...

— Ցտեսություն:

Եվ Հերյանը արագ քայլերով մտավ խորհրդարան:

Մի քանի մարդիկ՝ վերարկուների օձիքը բարձրացրած և ձեռքերը գրպանները խոթած, խոսակցելով դուրս էին գալիս.— «Փրակցիայի ժողովում այդ մասին խոսվեց...»: «Այդ որոշումը քվեարկվել էր սրանից մի ամիս առաջ գրեթե առանց վիճաբանության...»: «Ծտ ասում եմ, դա միանգամայն սկզբունքային հարց է, նախ պրինցիպները...»: «Այո, սկզբունքային, բայց պետք է աչքի առաջ ունենալ ստեղծված դրությունը և պառլամենտական ռեժիմի հրամայական պահանջները...»:

Այդ կցկտուր նախադասություններից Հերյանը ոչինչ չհասկացավ:

— Եթե այդպես սկզբունքային հարցերի մասին են խոսում,— մտածեց նա,— ուրեմն, դրությունը այնքան էլ հուսահատական չէ:

Քննեց նրանց դեմքերի արտահայտությունը: Հանգիստ էին: Մոտեցավ նրբանցքից անցնող մի երիտասարդի և հարց տվեց՝

— Արդյոք այսօր նիստ կա՞...

— Զէ, Ֆրակցիայի ժողով է... Պառլամենտի նիստը տեղի կունենա երևի այս երեկո... Կառավարության անդամները զբաղված են... հույս ունենք... երեկոյան ազատ կլինեն...

— Քաղաքում հազար ու մի լուրեր են պտտվում,— ասաց Հերյանը,— ասում են թուրքերը...

— Պետք չէ բողոք լուրերին հավատալ,— պատասխանեց նրիտասարդը, նրա խոսքը կտրելով,— կարդացե՛ք կուսակցութեան թերթը... Անշուշտ, ամեն կողմ կոխվ կա, այդ նորութուն չէ... Մեր զորքերը կատարում են իրենց պարտականությունը... և բանակի հրամանատարները, որոնք քիչ առաջ գեկուցեցին ֆրակցիայի առաջ, հույս ունեն, որ պիտի կարողանան թշնամուն հտ մղել...

Նրբանցքի տախտակահատակը եզան արյունի գույն կառմիր էր ներկված և փայլվում էր։ Այդ փայլը Հերյանի վրա ազդեց հանգստացուցիչ կերպով։ Չէ, աշխարհը դեռ ոտքի էր, դեռ քարուքանդ եղած չէր։

Դրսում կանգնած մարդկանց թիվը ավելացնլ էր։ Սպասում էին։ Ի՞նչ էին սպասում, իրենք էլ չգիտեին։ Լուռ, ճնշված, սառած նայվածքները հառած պարսպին։ Դրանցից մի քանիսը մոտեցան Հերյանին։

— Ի՞նչ խաբար... Ի՞նչ են ասում...

— Ոչինչ։ Մի առանձին բան շասացին։ Զորքերը կովում են... Հրամանատարությունը հույս ունի...

— Մածկում են, շեն ասում,— վրդոված ձայնով ասաց փոքրահասակ, վազվզող աչքերով մի երիտասարդ,— խարում են, պարզապես խարում են...

— Ճիշտ է, էլի,— համաձայնվեց մի ուրիշը։— Ամեն կողմից փայտականներ են գալիս և սոսկալի բաներ են պատմում... Ախր, ինչո՞ւ ուսուների առաջարկները չեն ընդունում և ժողովրդի շարժարանքներին վերջ չեն տալիս...

— Ժողովուրդը անվերջ կոխվներից հոգնած է,— ավելացրեց առաջին երիտասարդը։— Լուր կա, որ զինվորները շեն ուզում կոխել... Կոմարդիկ շեն հասկանում, որ աշխարհը փոխվել է, որ հեղափոխությունը եկել... մորիկի նման ամեն ինչ փշրում տանում է...

Հերյանը ուշադրությամբ նայեց երիտասարդի աչքերի մեջ։

— Ժողովուրդը հասկանում է,— շարունակեց երիտասարդը,— ժողովուրդը հասկանում է, որ փրկության միակ ճանապարհը Ռուսաստանն է... ուս ժողովուրդը մեզ օգնության ձեռք է երկարում...

Ուրիշ երիտասարդներ մոտեցան խմբին։

— Ի՞նչ է,— ասաց նա,— ուզում եք, որ ժողովուրդը բռնորովին փչանա...

— Մննք կովում ենք մեր անկախության համար,— պատասխանեց Հերյանը,— ավելի լավ է պատվով մեռնել, ոչնչանալ, քան կորցնել այդ անկախությունը։

— Դա բուրժուական տեսակետ է,— ետևի շարքից առաջ գալով

առարկեց նիհար, սրված մորուքով ակնոցավոր մեկը:— Մեռնել անկախութեան համար՝ գեղեցիկ գաղափար է, բայց անկախութուն ունենալ մեռնելու համար՝ հիմար գաղափար է...

— Զհասկացա...

— Շատ պարզ է: Բավական չէ անկախութուն ունենալ, պետք է այդ անկախութունը կարողանալ պահել: Մերոնք այդ շատ լավ են հասկանում և այդ պատճառով էլ հույսերը դրել են դաշնակից պետութունների վրա և մանավանդ Ամերիկայի հոգատարութեան վրա... Իսկ ես համոզված եմ, որ Վիլսոնի խոստումները օգային խոստումներ են, Հայաստանում նավթ չկա... ո՞նց Ամերիկան մեզանով հետաքրքրվի... Ամերիկացիները նախ և առաջ վաճառականներ են... մնացածը դատարկ խոսք է...

— Իսկ Ռուսաստանը կարծո՞ւմ եք նրանից տարբեր է... Լենինը քանիցս հայտարարել է, որ Հայաստանի անկախութեանը չի ուզում ձեռք տալ... Նրա ներկայացուցիչ Լեգրանը, որ այստեղ է, անդադար կրկնում է, որ մեր ազգային իրավունքները պիտի պաշտպանեն:

— Սթե այդպես է, ինչո՞ւ... ինչո՞ւ ստորագրեցին Բրեստ-Լիտովկի դաշնագրութունը, — հարցրեց Հերյանը:

— Հեղափոխութուն է... այսօր, սահմանների հարցը ոչ մի կարեւորութուն չունի, համաշխարհային հեղափոխութունը ամեն ինչ կփոխի... Թուրքիան կդառնա կոմունիստ, ինչպես և բոլոր մյուս երկրները...

Եվ մարդը, սրածայր մորուքի ծայրը երկու մատներով տրորելով նկարագրեց ծնվող նոր աշխարհի հրաշալի մի պատկեր: Պրոլետարիատի շահերը արտահայտող Ինտերնացիոնալը համաշխարհային գործերի ղեկը կվերցնի իր երկաթե ձեռքերի մեջ, կվերացնի դասակարգերը, կազատագրի աշխատավոր մասսաները, կհաստատի արդարութուն և հավասարութուն, կզնչի սահմանները, ավելորդ կղարձնի պետութունների գոյութունը, բանականների գոյութունը, ոստիկանութեան գոյութունը:

— Այո...

Մարդը խոսում էր այնքան համոզված շեշտով, որ Հերյանը չի մացավ ինչ պատասխանի: Ո՞վ չէր ուզում ապրել գաղանութունից, անարդարութունից, թշվառութունից լվացված մի աշխարհում: Հայաստանի բոլոր հորիզոնների ծայրերին հրդեհներ էին ճարճատում, բոլոր անկյուններից արյունի հոտ էր գալիս, բոլոր ճանապարհներից մահ էր առաջանում, և բնական է, հոգնած էին, պետք ունեին հավաստի...

Հայերը հույսի կարոտ էին:

Հերյանը հեռացավ: Նկատեց, որ ամեն տեղ, Բուլվարի և կենտրոնական փողոցի տարբեր անկյուններում մարդիկ համախմբված խոսում էին նույն հարցերի շուրջը: Ամեն տեղ էլ, կոմունիստները այլևս առանց ծածկվելու, ուժեղ պրոպագանդա էին անում: Խոսատանում էին հաց, խաղաղություն, անկախություն:

Այդ նշան էր, որ դրուձյունը անհուսալի էր: Փրկության ուրիշ միջոց չկար: Ժողովուրդը աչքերը հառել էր կարմիր բանակի վրա:

Փողոցից վեր բարձրանալիս նա հանկարծ տեսավ իր նավը: Կանգ առավ: Յուրաքանչյուր տված անհայտին, նա թառել էր ժայռի վրա մեծ տրեխի նման, օտար, մենակ, ծիծաղելի: Ի՞նչ կապ ուներ նա այդ ժայռերի հետ, այս փորված պարապոթյան հետ, այդ մեկը մյուսի վրա մազլոդ տափակ տանիքների հետ:

Նվ սակայն, նրա սիրտը, միտքը նավի հետ էր: Երևի ինքն էլ, նավի նման օտար էր, մենակ, ծիծաղելի: Ինքն էլ ընկել էր մղկտացող անհայտի մեջ, մեծ մի տրեխի նման:

Ճամփան շարունակեց մենախոսելով:

Մայթի վրա, մի ձեռք նրա տաբատի ծայրից բռնեց, բռնեց, քաշեց: Նայեց: Ոտքի շուրջը բոլորված էին ոսկրոտ, նիհար, վերքերով ծածկված բաղուկներ: Ոտքը ուժով ետ քաշեց... և առաջը երեսի վրա վայր ընկավ մի էակ:

— Հաց, մի կտոր հաց,— հառաչեց նա:

— Հաց, հաց,— հառաչեցին ուրիշ ձայներ:

Կմախքացած, վերքոտած, անհետացած մարմիններ: Թարախով նածկված աչքեր, արյունած շրթունքներ:

Հերյանը ետ քաշվեց, ձեռքը խոթեց գրպանը, ճգմված մի կտոր թուղթ հանեց, որի վրա միլիոն էր տպված, գցեց և առանց ետ նայելու արագ քայլերով հեռացավ:

Ման եկավ առանց նպատակի: Չգիտեր ո՞ւր գնալ, չգիտեր ի՞նչ անել: Ի՞նչ էր սպասում երկրին, ի՞նչ էր սպասում նավին, ի՞նչ էր սպասում իրեն: Սիրտը լցված էր վատ նախազգացումներով:

Ման եկավ: Ուզում էր հոգնել, ուզում էր, որ միտքը շաշխատի, ուզում էր, որ սիրտը լուի: Մուրջը կյանքը կանգնել էր, խոնջայլի նման ներս քաշվել: Տների դռները բացված էին պարապոթյան վրա, պատուհանները կույր էին և դատարկ:

— Տե՛ր աստված, ի՞նչ պիտի լինի... եթե թուրքերը հասնեն մինչև Երևան...

Քարխանյան փողոցի անկյունում մի խումբ երեխաներ խաղում էին։ Կրկնապատկված ոգևորությամբ, աղազակելով կոպում էին ոչինչ բանի համար։ Կենսախինդ, աննպատակ վազվզում էին, պատերին կայում, գետինը թավալ գալիս, գոռում, կանչում։

Վտանգի ժամանակ կանայք ծաղկում են և երեխաները գերազըր-գըրվում։

Որոշեց նորից գնալ քաղաքի կենտրոնը։ Ուզեց գնալ խորհրդարանի կողմը, իջնել մինչև շուկա։ Գուցե նոր լուրեր ստանա կամ մեկին հանդիպի։

— Ներողություն, — նրան դիմեց մեկը, — կարո՞ղ եք ասել ժամը քանիսն է...

— Ժամը երկուսին հինգ պակաս, — պատասխանեց Հերյանը ժամացույցին նայելուց հետո։

— Ժամացույցս կանգ է առել... արևն էլ փակ է։ Մարդ չի իմանում կեսօր է, թե երեկո։ Ամեն բան խառնվել է... Շնորհակալ եմ։

Մարդը աչքերը բացիսփեց և նորից մտավ խանութ։

Հազիվ մի քանի քայլ էր արել, կանգ առավ։ Այդ նույն վայրկյանին, կանգ առան նաև փողոցից անցնողները։ Զեռքերը դրեցին ճակատի վրա և ուշադրությամբ նայեցին վեր, երկնքի արևմտյան կողմը։

Մտերի վրայից մեծ խմբով ազոավներ բարձրացան և աղմկելով թռան անորոշ ուղղությամբ։

Հերյանը նայվածքը սրեց և նույնպես նայեց վեր։ Կասկած չկար, սավառնակ էր։ Թեպետ միայն մեքենայի ձայնն էր լսվում, երկնքի ամբողջ տարածության վրա։

Փողոցի մարզիկ մտահոգված վազեցին գիմացի կողմը և ձեռքերը վեր կարկառած ցույց տվեցին երկնքում շարժվող կետը, որը գնալով մեծացավ և կամաց շրջելով մոտեցավ քաղաքի կենտրոնին։

Մարդիկ նորից վազեցին փողոցի այս կողմը և խմբվեցին գալտեսած ոչխարների նման։ Դղրդոցք սաստկացավ և նվաճեց ամբողջ երկնակամարը։ Տներից հետաքրքրվողների խմբեր գուրս եկան։ Պատուհանների առաջ կանայք և երեխաներ հավաքվեցին։

— Աերուպլան է...

Դիմացի կարմիր ներկված տան պատշգամբի վրա մի մարդ դուրս եկավ, ակնոցները ուղղեց, վեր նայեց, ապա ձեռքը ճաղառ գլխին քսեց և այդպես մնաց։ Փողոցի բազմությունը մտահոգված հայացքը ուզեց այդ մայրու վրա, որը նսխարար էր, և պրպտեց նրա դեմքի արտահայ-

տու՛յյունը: Մարդը նորից ձեռքը քսեց ճակատին և արագ ներս մտաւ:
Սավառնակը, մի բիպլան, մի քանի վայրկյան անորոշ թափառեց,
ապա քիթը վայր իջեցրեց և պտույտ գալով անհետացավ տանիքների
հետևում:

Բաղմուծյունը վազեց վար:

Հերյանը, ընդհանուր այդ շարժումից տարված, նույնպես արագացրեց քայլերը, բայց շուտով միտքը փոխեց, զսպեց անհամբերությունը, հանգիստ շարժումով գրւպանից ծխամորճը դուրս հանեց, լցրեց ծխախոտով, վառեց, ծուխը մի քանի անգամ ներս քաշեց և ծխամորճը ատամների արանքում պինդ սեղմած, քայլեց առանց վռագելու... դեպի խորհրդարան:

Ագոռալները վերագարձել և ծառերի վրա խմբված կոկոում էին:

...Ուշ գիշեր էր, երբ նա ճանապարհ ընկավ նավ վերագառնալու համար:

Մուժ էր: Յուրտ էր նրա սրտի վրա և գլուխը ծանր էր, ասես լցված լիներ կապարով:

Աշխատում էր շտապ քայլել, որպեսզի ջերմություն տա մարմնին, բայց ոտքերը դժվարությամբ էին շարժվում, գետինը մագնիսի նման նրան քաշում էր, բռնում:

Օդը հղի էր ձյունով:

Քայլում էր աչքերը հառած փողոցի վերը վառված արցունքոտ մի լամպարի վրա: Այդ լույսի հետևում հիվանդանոցից հետո սկսվում էր դատարկությունը, պարտեզները սևանում էին և խավարը կպչում էր ժայռերին: Քանաքեռի բարձունքը պետք էր բարձրանար՝ կույրի նման ոտքերը զգույշ գետինը քսելով և ձեռքերը պարապի մեջ շարժելով:

Բայց հարցը դրանում չէր:

Ահ, հարցը դրանում չէր... Մուժը բռունցքներով զարկեց նրա կրծքին և գլուխը պտտվեց:

Հարցը նրանում էր, որ Կարսը ընկել էր:

Այդ սարսափելի լուրը բերել էր քաղաքի վրա աղմկող սավառնակը: Կարսը, հսկայական այդ բերդը, ահագին պաշարներով, մեծաքանակ ռազմամթերքով, անառելի ենթադրված ամրությունով ընկել էր թուրքերի ձեռքը:

Կարսը ընկել էր: Ուրե՛մն: Ամեն բան վերջացել էր: Ուրե՛մն...

Ահ, լավ էր, ոք գիշեր էր, որ խավար էր, որ ցուրտ էր: Եվ Հերյանը քիչ էր մնացել բարձրաձայն գոռա, ազադակի, հեկեկա: Արյունը երեսին էր խուժել... ամաշում էր:

պօ Մափառնորդը պատմել էր դժբախտության բոլոր մանրամասնութիւնները: Զինվորները խուճապի էին մատնվել: Սպանների հրամանները մնացել էին անկատար: Նրանցից մեկը՝ Մազմանյանը առճանապարհ հանել էր և զինվորների առաջ ինքնասպանութիւն գործել...

Միակ լուսավոր կետը ինքնասպան հրամանատարի դիակն էր...

Այո, լավ էր մեռնել, լավ էր...

Զեռքը շտապ գրպանից դուրս հանեց:

— Նավը,— ասաց նա,— նավը պետք չէ մոռանամ... Դեռ բոլոր հույսերը կորած չեն, դեռ ո՞վ է իմանում ինչեր կարող են պատահել...

Քայլերը արագացրեց: Վախենում էր ինքն իրենից:

Փախչում էր ինքն իրենից:

Խորհրդարանի նիստը չէր կարողանում մոռանալ: Ներս մտնելուց առաջ թափառել էր շենքի շուրջը: Ամբողջ օրը ոչինչ չէր կերել... Բայց սովածութիւն էլ չէր զգում: Նայել էր գունաթափ երեսներով, լուակյաց և տխուր մարդկանց երթևեկին: Մեկը մշուսի հետևից գալիս էին և գլուխը վար գցած, առանց ուրիշներին նայելու մտնում խորհրդարանից ներս և անհետանում: Կարծես մեռել էր անփոխարինելի մեկը: Կարծես ներսը հսկայական, ամբողջ դահլիճը լցնող մի դիակ էր պառկած: Ըմ մարդիկ անցնում էին անձայն, խուլ քայլերով, որպեսզի նրա հանգիստը չխանգարվի, որպեսզի նա հանկարծ շարժնանա և վիհը ընկած քամու նման չհառաչի:

Եվ այդ մարդիկ շարժել էին նրա գթութիւնը, որովհետև նրանք փոքր էին և խեղճ...

Հետո, ուրիշների հետ միասին, մտել էր ներս և բազմել ժողովրդին հատկացված նստարաններից մեկի վրա:

Նստել էր և լայնացած աչքերով նայել:

Այդ համեստ գավառական ակումբի թատերական դահլիճը՝ դեռ կանգուն բեմով, երկու օթյակներով և նախնական կարգ ու սարքով, իրերի բերումով դարձել էր ամբողջ մի ժողովրդի ապրած ողբերգության ճակատագրական վայրը:

Կարծես դահլիճի անցյալ կյանքի սովերները դեռ շարունակում էին ապրել ներկայումս: Կարծես ահա բեմ պիտի դուրս գային սիրողներ և անարվեստ շարժումներով, չափազանցված ու անբնական առողջանութիւնով պիտի խաղային մի վսեմ, բարդ դասական գլուխգործոց:

Այդ տպավորութիւնը ավելի էր զորացել, երբ նա տեսել էր շվա-

րած շարժումներով ներս մտնող պատգամավորներին, որոնց յամեն օր հանդիպում էր փողոցներում...

Երբ, նախագահը ներս մտավ, նստեց, նայեց առաջը դրված թղթերին և զանգը տվեց — ակումբին պատկանող ճերմակ մետաղե մի զանգ — դահլիճը հանկարծ լցվեց ծանր, անտեսանելի ներկայություններով:

Խորը լուսթյան մեջ նախարարներից մեկը խոսեց.

«Պարոնայք պատգամավորներ, այսօր կեսօրից հետո լուր ստացվեց Կարսի անկման մասին... Ցավով իմացանք, որ թուրք ասկյարները քաղաք են մտել գրեթե առանց զնդակ արձակելու... Զորավար Փիրումյանը, նախարար Բաբալյանը, մոտ 1500 հայ զինվորներ և 150 հայ սպաներ գերի են ընկել և ուղարկվել էրզրում... Կարսի մեջ թուրքերը թույլ են տվել անկարգություններ, սպանություններ և կողոպուտ: Ըստ առաջին տեղեկությունների թուրքերը սպանել են մոտ 3500 հոգի... Ազգաբնակչության մնացած մասը փախչում է դեպի Ալեքսանդրապոլ, Երեվան կամ Թիֆլիս... Պարտք եմ համարում հիշել այստեղ մի սրտառուչ դեպք... քաջ զնդապետ Մազմանյանը հուսահատությունից մղված, հենց տեղնուտեղը ինքնասպան է եղել»...

Այդ վայրկյանին՝ այդ ամենքը տեսան, զնդապետ Մազմանյանի սովերը համր քայլերով, ծակված, արյունոտված զլխով անցավ նստարանների միջից և դահլիճի խորքում կանգ առավ:

«Կառավարությունը, աչքի առաջ ունենալով ստեղծված դրությունը, որոշել է ամեն զնով ամրացնել ճակատը, բարձր պահել ժողովրդի տրամադրությունը և նոր եռանդ մտցնել զորքերի մեջ... Միևնույն ժամանակ որոշել է բանակցություն սկսել Տաճկաստանի հետ զինադադարի և խաղաղության մասին»...

Այդ վայրկյանին՝ ամենքը այդ տեսան, գլուխը հակված զնդապետ Մազմանյանը երերաց և մարմնի ամբողջ ծանրությամբ վայր ընկավ: Բոլոր ներկաները սփթնեցին:

— Խնդրում եմ... ուշադրություն,— ասաց նախագահը և ճերմակ մետաղե զանգը հնչեցրեց:

...Վախենում էր ինքը իրենից, փախչում էր ինքը իրենից...

Հեռվից, ծովային հրամանատար Թումանյանը նմանվում էր փախըստականների կառքից վայր ընկած մի մեծ կապոցի: Ոտքերին հագել էր ուսական թաղիքի բարձր ոտնամաններ: Ոլխարի մորթի հաստ

բաճկոնի պատճառով վերարկուն այլանդակ կերպով ուռել էր: Վիզը և ականջները փաթաթված էին անկարելի փողապահներով: Կարտուզը իջել էր մինչև հոնքերը և նրա ամբողջ դեմքից երևում էին միայն քթի կարմրած ծայրը և միամիտ, երեխայական աչքերը:

Շարժվելիս նմանվում էր արջի:

Երբ մի բան ասելու համար բերանը բաց էր անում, նախ ահագին շոգի էր դուրս գալիս, կարծես կապոցի մեջ փուռ էր գետնազել, ապա հնչում էր ձայնը, զրնգում ապակու նման և վայրկենապես անհետանում քսան և հինգ աստիճան զրոյից վար ցրտի մետաղե ատամների տակ:

Ելենովկան մի մետր հաստությամբ ձյունն մուշտակ էր հագել:

Սառնամանիքը հագիվ երևացող պատուհանների վրա լուսթյան ծաղիկներ էր նկարել: Միակ կյանքի նշանը ծխնելույզներն էին, որոնց կատարին սև ամպեր էին ոլորվում և մերթ քնդ մերթ պայթող ոռոժ-բերը, որոնք քնկնում էին լերկ ափի վրա: Դրանք կարճ վայոցի մեջ խեղդվելով պեղում էին ձյունը և հողերը:

Շրջակա ճերմակ բարձրությունները քնկել էին լիճը, դանդաղ լողում էին:

— Նորից սկսեցին,— ասում էր Մարգարը, մտահոգ նայելով պայթող ոռոժբերի կողմը:

— Շանորդիք, խաղ են անում...

Քումանյանը ուշադրությամբ զննում էր կղզու ետևի ափի ժայռերը, ուր կանգնած էր կարմիր բանակը: Ապա, կրկնակողշիկները քարշ տալով ափից քիչ հեռանում էր, հեռադիտակը ման էր ածում խրճիթների վրա, տեսնելու համար, թե... լույսի նշաններ չե՞ն անում կոմունիստ զորքերին...

— Համենայն դեպս,— հրամայում էր նա,— մեքենան ճնշման տակ պահեք:

— Լսում եմ: Մեքենան վառ է,— պատասխանում էր զվարճացած Սուրենը:

Ապստամբած կոմունիստները կղզու վրա չէին կրակում: Չէին կրակում նաև գյուղի վրա: Կրակում էին միայն անմարդաբնակ ափի կողմը, իրենց ներկայությունը զգալի դարձնելու համար:

Քումանյանը այդ զիտեր: Ինքն էլ կրակին պատասխանում էր, պարզապես ցուլց տալու համար, որ պատրաստ են դիմադրելու:

Նավը խորտակելու փորձերը մնացել էին ապարդյուն: Քումանյա-

նը ուսումնաւիրել էր ամբողջ վայրը և ռազմագիտական դիրքերը օգտագործում էր շատ խելացի կերպով:

«Աշոտ Երկաթը» թաքնվում էր կղզու բարձրութունների ետև և կրակում: Դիրքը անգաղար փոխում էր: Վազում էր աչք, պտույտ գալիս և սրընթաց նետովում մի ուրիշ տեղ: Երբեմն, նրանց հանգիստը խանգարելու համար, կենդիշերին, նալք հետանում էր դիմացի տափակ ափի ուղղութայամբ, պատասպարվում երկու մեծ ժայռերի միջև և բումբերի տարափ թափում: Երբ նրանք գլխի էին ընկնում, ինքն արդեն հետու էր:

Կարմիրներին հայտնի էր նավի հրամանատարի անունը և նրա դեմ լցված էին ռիսով:

Այդ մասին և առհասարակ դաշնակների արարքների մասին նրանք տեղեկութուն էին ստանում գլուղացիներից:

Թումանյանի միակ բարեկամուհին Անաստասիան էր, որը Եզոր Կոժուխին անունով մի ռուս գլուղացու աղջիկն էր: Նոր ծեծված հարդի գույն մագեր ուներ և մեծ լճի գույն աչքեր, որոնց մեջ տխրութունը և ներքին անբավականութունը պսպղուն կայծեր էին ման ածում: Միջահասակ, կոլոր ցցված կրծքերով և անհագ շրթներով, գեղեցիկ և մտատանջ աղջիկ էր:

Մի քանի տարի ապրել էր Բաքվում, կաշվի վաճառական իր հորեյքոր մոտ և հաճախել միջնակարգ դպրոցը, որը գեպերի պատճառով չէր կարողացել ավարտել: Չէր սիրում գլուղը: Չէր սիրում խիստ, մոլեռանդ կրոնապաշտ հորը:

— Ես խեղդվում եմ այստեղ... Հասկանո՞ւմ ես, Միշա, ես խեղդվում եմ այստեղ...

Եզոր Կոժուխինը փոքրահասակ, պնդակազմ, երկար մորուքով, կարճ ճակատով, ձեռքերի բթամատը ետ ծոված մարդ էր: Նրա համար բոլոր մարդիկ մեղավորներ էին, որոնք պարտավոր էին ենթարկվել աստվածաշնչական անողոր հարվածներին: Փոքրիկ, ասեղի նման նրա աչքերը սառն էին և ձայնը՝ չոր: Առարկութուններ չէր ընդունում: Երբ նա բարկանում էր, տան պատերը շարժ էին գալիս: Կինը՝ նիհար և խեղճ մի արարած, վախից մտնում էր խոհանոց և, գոան ետև կուշեկած, ամբողջ մարմնով դողում էր:

Անաստասիան նրա միակ աղջիկն էր: Նրան շատ էր սիրում և այդ պատճառով էլ շարշարում էր: Երբեմն, նայում էր նրա վրա և սիրտը լցվում էր գուրգուրանքով, աչքերը ալեելի էին փոքրանում և բեղերի տակ շրթները թուլանում էին: Այդ վայրկյաններին, նա հոնքերը վայր էր առնում, երեսի վրա ժպիտ ձևացնում և աղջկան մոտենալով պատ-

բաստվում էր սիրալիք մի բան ասելու: Բայց, բերանը դեռ չբացված, միտքը: փոխում էր, մարդկային սերը թուլութուն է, մտածում էր նա, մարդկային սերը գողութուն է... Մենք գողանում ենք այն, ինչ պատկանում է գերագույնին:

Եվ աչքերի արտահայտությունը ամբողջապես փոխվում էր, բիբերը սառչում էին, հոնքերը կուտակվում և ձայնը խստանում:

— Ինչի՞ ես այդ ժապավենը կապել մազերիդ... Այսօր շաբաթ էլ և ոչ էլ դիմակավոր պարահանդես... Հազար անգամ ասել եմ... Այս գրքերը չեմ ուզում իմ տանը լինեն, չեմ ուզում... Ուժեղ մարդը մի գրքի մարդ է... Կարգա, այն, ինչ կարդում եմ ես, ինչ կարդում է ամեն մի իսկական հավատացյալ... Լսո՞ւմ ես...

Եվ հաստ մատները մորուքի մեջ խաղացնելով, հեռանում էր:

Անաստասիան երևի վաղուց տնից փախած կլիներ, եթե Թումանյանին շնանդիպեր: Ափի վրա կանգնած, նա օրերով դիտել էր նիհար, մտազբաղ, երիտասարդ ծովային սպայի աշխատանքները: Զայրացել էր, որ գյուղացիները նրա մասին հեզնանքով էին խոսում: Սիրելի էր նրա լրջութունը, նրա համառությունը, նրա մենակությունը: Երեխայական աչքերը և աղքատությունը: Եվ այն, որ իր կողքով անցնելիս նա քաղաքավարի բարև էր տալիս և աչքերը վար առնում: Եվ այն, որ նրա վերարկուն փոխել էր գույնը և կոշիկները մաշված էին և հին: Աչքերի լույսը, ձայնի թրթռացումը: Անաստասիան նրան զգացել էր մոտիկ, որովհետև ինքն էլ նրա նման մենակ էր այս վայրերում և դժբախտ:

Սկսել էր տանջվել, գիշերները չքնել:

Մի օր, երեկոյան, երբ հայրը տունը շէր, նա տների ետևից անցնելով գնացել կանգնել էր Թումանյանի սենյակի դռան առաջ:

— Բարի երեկո, պարոն հրամանատար,— բարևել էր նա ամաչկոտ ժպիտը երեսին:

— Բարի երեկո, օրիորդ,— պատասխանել էր Թումանյանը բոլորովին անակնկալի եկած:

Այդպես, մի քանի վայրկյան մնացել էին կանգնած:

— Զեզ հյուր եմ եկել: Ուզո՞ւմ եք,— ասել էր Անաստասիան:

Թումանյանը շփոթվել էր, կարմրել և նրան հրավիրել ներս:

— Ինչպես տեսնում եք, սենյակս պատերազմական վիճակում է,— կմկմացել էր նա:

— Տեսնում եմ, գինվորի սենյակ է...

Անաստասիան նստել էր անկողնի ծայրին և վառվռուն աչքերով նայել նրան: Հետո, առանց խոսելու, սենյակը կարգի էր բերել, ուղղել անկողինը, շտկել թանաք թափած սեղանը և փախել...

— Ես ձեզ մոտ նորից կգամ...

Երկու օր հետո վերադարձել էր, մի պնակ և մի խոզանակ գոգնոցի տակ թաքցրած:

— Միխայիլ Ավակիմովիչ, շեմ կարողանում ձեզ այդպես տեսնել,— բացականչել էր նա:— Նայում եմ, ամեն օր նայում եմ և սիրտս փշուր-փշուր է լինում...

Մտտեցել էր սպային այնքան մոտ, որ շունչը խառնվել էր նրա շնչին, մազերը կպել էր նրա երեսին և ձեռքերը փաթաթվել էին նրա վզին: Թավալ էին եկել անկողնի վրա և սկսվել էր սիրո խենթ և երջանիկ մի շրջան:

Այդ օրվանից ի վեր նավի շինությունը առաջացել էր անսպասելի արագությունով: Անաստասիայի աչքերը հետևել էին նրա ամեն մի քայլին, ամեն մի շարժումին և նրա սիրտը լցվել էր մեծ և կապույտ մի հույզով:

Եզոբ Կոժուխինը նկատել էր սպայի և իր աղջկա մոտիկությունը: Եվ տանը սարսափելի կոիվներ էին տեղի ունեցել: Մոլեռանդ մալականը դիմել էր ամենախիստ միջոցների և նույնիսկ փորձել էր նրան ծեծել:

— Հա՛յր, Եզոբ Մարտինիչ,— գոռացել էր Անաստասիան,— ես քեզ ասում եմ, դու ինձ հանգիստ թող... Սրտիս շես կարող հրամայել... Լսո՞ւմ ես, հա՛յր... Կգնամ, ընդմիշտ կգնամ...

Մայրը տերևի նման դողալով ընկել էր նրա ոտքերին և՝

— Խփի՛ր, ինձ խփի՛ր, ռայց նրան ձեռք մի՛ տա... Մի՛ թող, որ աղջիկս գնա... մի՛ սպանիր, բատուշկա, մի՛ սպանիր...

Եզոբ Մարտինիչը՝ ձեռքում բռնած գլխի մազերի խոզանակը ուժով գցել էր գետին, մտել էր սենյակը, դուռը կողպել, և երեք օր, առանց պառասխանելու անգամ իր լավագույն բարեկամների հորդորանքներին, պառկել էր անկողնի մեջ և քնել: Երրորդ օրը դուրս էր եկել՝ մազերը և մորուքը լավ սանրված և ամենքից ներողություն էր խնդրել:

— Այդպես է աստժո կամքը,— ասել էր նա հնազանդ ձայնով,— այդպես է հրամայում ամենակալը...

Եվ այդ մասին այլևս չէր խոսել:

Երբեմն, ուշ ժամերին, մինչ դուրսը մրրիկը վայում էր և լճի ափերն ծեծում էին ափը, Անաստասիան շալի մեջ փաթաթված, այտերը կարմրած, աչքերը վառ, գալիս էր Թումանյանի մոտ, սիրում նրան և պատմում:

— Լսիր, Միշենկա... Դու գիտես, ինձանից ամեն ինչ ժածկում են... Սակայն, մայրս կին է... գաղտնիք չի կարողանում պահել... ան-

գագար ականջիս փսփսում է... գաղտնի տեղեկություններ են ստացվում թե՛ Սուխոյ Չանտանի և թե՛ Գիլիշանի կողմից... Հայերի գործերը շատ վատ են գնում... Ասում էիր եվրոպական պետությունները կօգնեն. տեսնում ես՝ չեն օգնում... Ախ, Միշենկա, կարմիրները պիտի գան, անպատճառ պիտի գան...

— Հիմար բաներ ես խոսում...

— Ահ, չէ, մի՛ ասա, որ հիմար բաներ են: Մերոնք շատ հաստատ տեղեկություններ ունեն... Ասեմ քեզ պարզ... մերոնք կարմիրների հետ հարաբերության մեջ են... նշաններ են անում...

— Նշաններ... ինչպե՞ս...

— Մայրս ասում է ճրագներ են վառում: Պատուհանները լուսավորում են կամ տան անկյունում լամպեր են կախում... Տեղեկություններ են տալիս անցնող զորքերի մասին... քո նավի շարժումների մասին... Երբ լսում եմ, Միշենկա, սիրտս դող է ընկնում... Քեզ կարող են սպանել, հոգիս, քեզ կարող են սպանել...

Եվ շունչը կտրված ընկնում էր նրա գիրկը և դողալով համբուրում նրան:

Թումանյանը նրան հանգստացնում էր... և մյուս օրը միջոցներ ձեռք առնում: Գիշերը զինվորները գնդակի հարվածով փշրում էին դուրսը կախված բոլոր ճրագները: Հրաման էին տալիս պատուհանները լուսավորել: Օրենքը խախտողներին սպառնում էին բանտարկել:

Մի քանի անգամ մուծիկներին հավաքել էին և նրանց բացատրել՝

— Դուք կարծում եք,— ասել էր Թումանյանը,— որ կարմիրները կգան և ձեզ ազատություն և հող կտան... Իսկ ես ասում եմ՝ եթե գան հղած շեղածը կտանեն...

Մուծիկները լսում էին և հոնքերը կուտակած լռում:

Հրետանին շարունակում էր ափը պեղել:

— Խնդրում եմ,— ասաց Սուրենը, թեյի բաժակը Թումանյանին երկարելով,— չայր տաք-տաք խմենք, հետո կտեսնենք...

— Անիրավները կատաղել են, ումք չեն խնայում...

— Լսեցի՞ր, նոր Բայազետից մարդ է եկել, ասում է կառավարությունը ուզում է թուրքերի հետ զինադադար կնքել...

Այդ վայրկյանին, ջուրը աղմուկով ժայթքեց մեր և նավը ուժով ցնցվեց:

— Պատրա՛ստ,— գոռաց Թումանյանը և ցատկեց նավի վրա:

Մեքենան շարժման մեջ մտավ և նավը դղրդաց:

— Դեկը աչ... ձախ... ամբողջ արագություն...

Պարզ էր Ուրում էին նալը խորտակել։ Ռումբերի տարափ էր թափում։ Գլուզի բնակիչները սարսափել էին։ Կղզում գտնվողները կաշում էին վանքի սյուներին, վախեցած իրենց աչքերը հասում դեպի հեռուն։ Տեղ-տեղ, պատուհանների ապակիները զրնգալով վայր էին թափվում և վանքի հին էկեղեցու տանիքը կամաց ճեղքվում էր։

Նավը հասավ կղզու մոտերը և երկու ժայռերի միջև պատասպարվելով ափասեց։ Մի վայրկյան ամեն ինչ լռեց։

Հեռվից հրաճանների համազարկ լսվեց։ Տրաքտրաքեցին գնդացիների։ Կիճը ընդունեց լայդ ձայները, մեծալյրեց նրանց և արձագանքելով նետոնց մեկ ափից մյուսը։

— Նրեի մեր զորքի հետ կոխվ է սկսվել,— ասաց Մարգարը, թընգանոթի մի ումբ գետեղելով։

— Պատրա՛ստ...

Թումանյանը հեռադիտակը ուղղեց դեպի դիմացի ժայռերը և ուշադրությամբ նայեց։ Հեռվից զենքերի ձայները զնալով սաստկանում էին։ Նավից քիչ հեռու մի նոր ումբ պայթեց։

— Կրա՛կ...

Ռումբը դուրս նետվեց և նավը ցնցվելով նտ սահեց։

— Նորից կրա՛կ... կրա՛կ... Մեքենան... ա՛ջ, ե՛տ, առա՛ջ... ամենայն արագությամբ... ստո՛պ... կրա՛կ...

Նավը անզագար տեղափոխվում էր և կրակում։

Ի՛նճը զրնգում ու դճրդում էր։ Կարծես լեռներից հինավուրց քաջեր էին իջել և աղմկելով կուլում էին։

Կղզու վարի էկեղեցում, ումբերի պայթյուններից ցնցվող մոմերով լուսավորված պատկերների առաջ ծնկաչոք աղոթում էին մի վարպապետ և մի արեղա։

Ամեն անգամ, որ օղբ թնգում էր և թվում էր, որ ա՛հա գմբեթը հառաչանքով վայր պիտի թափվի, նրանց գունաւած երեսներից սաքսուտ էր անցնում, ծնոտը դողում էր և նրանց լայնացած սրտերից բոցի նման աղոթքի խոսքեր էին բարձրանում։

— Տե՛ր ողորմյա, տե՛ր ողորմյա...

Նվ տերը պատասխանում էր իր հոկայական խոքերը գետին զարնելով, բարկացած բռունցքները կոփելով պատերին, սյուններին, զրմբեթներին։ Գլուխը ետ էր գցում, բերանը լայն բաց անում, երկար մորուքը տալիս քամիներին և ամբողջ ուժով գոռում։ Նվ երբ գոռում էր, մոտակա ժայռերը զրնգում էին, ափերը շարժվում էին, և լիճը հուսահատ աղաղակներ էր արձակում։

Չեռքերը վեր կարկառած վարդապետի և աբեղայի ճակատների վրայից քրտինքի սառը կաթիլներ էին վայր ընկնում, և նրանց ձեռքէլը դողդողում էին շորացած տերևների նման:

Իսկ վանքի ներքին մի խցից, որտեղ տասներկու տարիներն ի վեր փակված էր խենթացած Ավետիս աբեղան, խուլ հոհոցի ձայն էր լսվում: Որոշ ժամերին խուցի դուռը կամաց բացվում էր, և նա դուրս էր գալիս: Մեծ, բոբիկ ոտքերով, պատռած վերմակի կտոր ուսերին գցած, այտերը շորացած, աչքերը վառ, երկար մորուքը և մազերը շփոթված, շրթները անդադար կրծելուց արյունած, ոսկրոտ ձեռքերի սև եղունգները երկարած, նա մտնում էր... եկեղեցի: Դռան առաջ մի քանի վայրկյան կանգ էր առնում, ապա, ոտքի ծայրերի վրա առաջանալով՝ գալիս էր սեղանի առաջ, ամբողջ մարմնով փոփում և կենդանու նման մլավում:

Վարդապետը և աբեղան սարսափած աչքերով նայում էին մեկ մեկի:

Գմբեթը դղրդում էր: Մի խշշոց զնգալով վայր էր ընկնում: Կախված նկարները երևում էին:

— Տե՛ր ողորմյա, տե՛ր ողորմյա...

Այնտեղ, գյուղում, տանիքի վրա կանգնած, վզի փաթաթած շալը երկու ձեռքերով բռնած Անաստասիան անձկությամբ լցված աչքերով դիտում էր նավի ամեն մի շարժումը:

13

Հերյանը ամեն օր գնում էր հիվանդանոց: Տիկին Վարդուհին մենակ էր և բոլորովին վհատված: Միրանյանի առողջությունը օրեցօր վատթարանում էր:

Մահճակալներով լցված վերի հարկի սենյակներից մեկում պառկած, նա հուսահատ աչքերով նայում էր շուրջը և անդադար պահանջում, որ իրեն տուն ուղարկեն: Սենյակում քրտինքի, առաջացած վերքերի և դեղորայքի հոտ էր գալիս, և հիվանդների անդադրում հառաչները չէին թողնում, որ նա հանգիստ քնի: Օրիորդ Բուղալյանի աջակցությամբ Հերյանը կարողացավ Միրանյանին տեղափոխել հարևան սենյակը, որի միակ բնակիչ հազարապետը մեռել էր...

Հերյանը և տիկին Միրանյանը հիվանդին կարողանում էին տեսնել միայն որոշ ժամերին, ընդհանրապես սրսկումներից հետո, երբ նա իրեն զգում էր քիչ ավելի հանգիստ:

Այդ վայրկյաններին, նա իր դեղնած ճակատը վեր էր տնկում, շորացած շրթները թրջում, աչքերը կես բաց անում և տնքում:

— Վարյա ջան,— ասում էր նա,— հիմա ինձ լավ եմ զգում, իսկի մի անհանգստանա...

— Գիտեմ... լավանում ես... շուտով տուն կգնանք...

Նա այդ ասում էր և արցունքները կուլ տալով կուշ գալիս:

— Հա, կգնանք տուն,— ուրախանում էր հիվանդը:— Գիտես, շատ ծարավ ունեմ երաժշտություն լսելու... Բախ, Սկարլատտի... Ինչ հիմարություն է մեկ մեկի կոտորել... Կյանքը էնքան կարճ է, էնքան կարճ... էնքան լավ բաներ կան՝ երաժշտություն, բանաստեղծություն, ծաղիկներ, Մոցարտ...

Շունը կտրվում էր:

— Բարկեն ջան...

Հիվանդը աչքերը փակում էր և լռում:

Երբեմն անկապակից խոսքեր էր մոմռում: Հանկարծ բարկանում էր, հրամաններ տալիս, զառանցում: Տիկինը ձեռքերը սեղմում էր կրծքին և վշտից օրոր գալիս:

— Ձեմ հասկանում,— գանգատվում էր հիվանդը,— ասես ներսս կրակ է ման գալիս, աղիքներս այրվում են: Անիրավները ինձ հանգիստ չեն տալիս, գալիս են ու գալիս են...

— Ովքե՞ր, Բարկեն ջան, ովքե՞ր են գալիս...

Ձէր պատասխանում: Աչքերը հառում էր ձեռունին և լռում: Միտքը և ուշքը խարխափում էին այն աշխարհի սահմաններից դուրս, անհաղորդելի մաս էին դառնում:

Տիկինը այդ նախազգում էր և հարցը չէր կրկնում: Գիտեր, որ անխուսափելին մոտենում է, բայց չէր ուզում հավատալ, ուզում էր հուսալ: Կարելի՞ բան էր, տեր աստված, կարելի՞ բան էր... Ուժ էր գործադրում շուշաթափվելու համար:

Հերյանը սենյակից դուրս էր գնում և նրանց թողնում մենակ: Ի՞նչ ասել, ի՞նչ անել: Քայլում էր դրսի պատշգամբում և սպասում կնոջը: Գիտեր, որ փրկության ոչ մի հույս չկա: Գնդակը չէին կարողացել հանել, ներքին թունավորումը արդեն սկսել էր, և հիվանդը ապրում էր սրսկումների ուժով:

Այդ տեղեկությունները նա առնում էր օրիորդ Բուդաղյանից: Երբեմն օրիորդը մտնում էր սենյակ, ապա շտապ դուրս գալիս և Հերյանին ուղարկում ներս:

— Տիկինը նորից գույնը գցել է, փորձեք նրան տուն տանել...

Հերյանը ներս էր վազում և հանդիպում հիվանդի մտահոգված աչքերին: Միրանյանը լայնացած նայվածքը հառում էր նրա վրա և իր գնդի մասին տեղեկությունները ուզում: Հերյանը հնարովի պատաս-

խաններ էր տալիս շահակաճառելու համար: Քուրքերը ետ էին մղված բոլոր ճակատների վրա և խաղաղությունը օրերի խնդիր էր:

— Ինչ լավ, ինչ լավ,— ուրախանում էր հիվանդը և նորից ընկնում մուռացության մեջ:

Հերյանը կնոջը նշան էր անում դուրս գնալ: Նա մերժում էր:

— Քիչ էլ, քիչ էլ մնամ...

Հերյանը նրա թևից բռնում էր և դուրս տանում: Հազիվ դուրս էր գալիս պատշգամբ: Կինը թաշկինակով բերանը ծածկում էր և հեծկըլտում: Չէր ուզում հիվանդանոցից հեռանալ: Օրիորդ Բուզաղյանը միջամտում էր և կտրուկ կերպով հայտնում, որ այցելության ժամը վերջացած է և հիվանդին պետք է թողնել մենակ:

Օրիորդի ներկայությունը բարեբախտություն էր: Նա միակ անձնավորությունն էր, որին լսում էր:

Ի՞նչ հրաշալի արարած էր օրիորդ Բուզաղյանը:

Հիվանդանոցը նման էր երկրին: Մարդկային ուժերի բնականոն սահմանները անցնող գեպքերով խառնաշփոթված: Գործողությունների սեղանները մի վայրկյան պարապ չէին մնում: Հուզարկավորության կառքերը անդադրում շարժման մեջ էին: Հիվանդները տառապում էին: Գեղորայք և թմրեցուցիչներ չկային: Բժիշկները և գթության քույրերը դեղևուն քայլերով, գունաթափ՝ անդադար վազվղում էին: Գրսից նոր վիրավորվածներ էին բերում և չգիտեին ինչ անել...

Ինչպե՞ս էր կարողանում այդ նուրբ աղջիկը այդքան աշխատանքի տոկալ: Հաճախ սխալ են լինում առաջին տպավորությունները: Խնջույքի գիշերը, մոտը նստած, շքեղ, հասնող պտուղի նման այդ աղջկա մեջ Հերյանը կենդանական բնազդով միայն կինն էր նախազգացել: Նրա մեջ խոսել էր արուն՝ ունեզները լայնացած, գերազրգույթ ձայնով խրխնջացող ձին: Երազել էր նրա մարմնի, նրա շրթների մոտիկությունը, նրա ցցվող կրծքերի շոյանքը: Մինչդեռ ահա... կյանքը դարձրել էր էջը և նույն այդ արարածը հագնվել էր հոգիով: Նրա դեմքի վրայից անհետացել էին բարեկեցիկ տան աղջկա քմահաճ, ինքնահավան արտահայտությունը, գրականության և գիտության փշրանքների դրոշմած ինքնավստահությունը և ունայնությունը, Պետերբուրգից բերած կեղծիքի հետքերը և զարգացած մտքի բռնադրոսիկ այն ցուցադրումը, որ կանանց մոտ միշտ էլ հրապուրանքի խորամանկ մի միջոց է:

Հիմա հագնվել էր Գոգիով:

Վազվել էր տառապանքի և արյունի մեջ: Խորացել էր, գտել էր իր էություն ուրիշ մի երեսը:

Հերոսանք ուշադրութեամբ դիտում էր նրա ամեն մի շարժումը: Տեղի անտեղի, նրան կանգնեցնում էր և հարցեր տալիս: Նրա հետ խոսելիս իր դեմքը երեխայական արտահայտություն էր ստանում և սիրտը սեղմվում էր:

Օրիորդը գլուխը վար էր կախում և ուշադրութեամբ լսում: Հարցերին կտրուկ և վճռական պատասխաններ էր տալիս: Մի բան խոստանալուց անմիջապես կատարում էր:

— Ներողություն, օրիորդ...

— Ասացե՛ք:

— Արդյոք մեր հիվանդին չե՞ն կարող երկրորդ գործողության ենթարկել և կապարը հանել...

— Ես ձեզ արդեն ասել եմ... դա ինձանից կախված չէ... Եթե բժիշկները չեն ուզում նրան երկրորդ գործողության ենթարկել... նշանակում է, որ դա ավելորդ է և նույնիսկ վտանգավոր...

— Ձէ, գիտե՞ք, մարդ ուզում է հուսալ... այդ խեղճ կինը...

Օրիորդը ուշադրութեամբ նայում էր նրա աչքերի մեջ, կարծես սուզում էր ծածկված մի միտք կարգալ:

— Այո,— ասում էր,— իսկապես խեղճ... Բայց նայեք ինչ է կատարվում մեր շուրջը... Ամենչա էլ խեղճ ենք, ամենքս էլ...

Ժպտում էր:

— Քաջություն... Պետք է անել ինչ պարտավոր ենք անել և...

Ձեռքերը վեր էր բարձրացնում և շտապ հեռանում:

Նրա ասածները դրոշմվում էին Հերոսանի մտքի մեջ, մեծանում, լուսավորվում: Ոչ թե խոսքերի իմաստը, այլ նրանց հնչումը, ձևը, ասելու կերպը: Դառնում էին ավելի քան խոսք, մարմնական մտերմություն, շոյանք:

Ցնցվում էր:

Լավ: Հիմա ի՞նչ անել...

Քեռակիմ Կարաբեքիր փաշան առաջարկել էր շատ ծանր պայմաններ զինադադար կնքելու համար: Ալեքսանդրապոլի բերդի և կայսրանի զինավորական գրավումը, հայկական զորքերի հեռացումը 15 վերստ՝ Արփաշայ գետի գծից և... Ալեքսանդրապոլ քաղաքի շուրջը ինք վերստ հեռավորության վրա գտնված հողամասի գրավումը...

...Որտեղից ուր: Պերոնյանը եկել էր:

Ամեն տեղ ձյուն էր նստել: Այդ ձյան լույսը Պերոնյանի մարմինը երկարացրել էր: Վզի շուրջը կաս կարմիր մի փողապահ էր փաթաթել,

հագնել էր բաց-շագանակագույն, շատ երկար և շատ տարօրինակ մի վերարկու և դեղին կրկնակոշիկներ:

Աչքերը ուռել էին և դուրս ընկել, քիթը կարմրել էր և բերանը անգաղար շարժվում էր, կարծես մի բան էր ծամում:

— Տո, Պերոնյան, ո՞ւր էիր...

— Զինադադարի պայմանները ընդունել են: Եղբայր, հասկանո՞ւմ ես ինչ եմ ասում. զինադադարի պայմանները ընդունել են... Ես գիտեի, որ այդպես էր վերջանալու...

— Այո, ստակալի է: Ադա, էդ վերարկուն ո՞րտեղից ես գնել...

— Թիֆլիսի բազարում: Անգլիական է... Ով ինչ ունի ծախում է... Չէ, հասկանո՞ւմ ես... Հասանք այս դրու՞թյան... Պետք է տեսնել ճանապարհների վրա ի՞նչ է կատարվում... ձյունը բութին՝ փախչող փախչողի վրա... խրվում են ձյան մեջ, ցեխի մեջ, սառչում, մեռնում...

— Լավ, կրկնակոշիկները ինչո՞ւ դեղին են...

— Ես քեզ ինչ եմ ասում, իսկ դու ինչ... Գեղին են, որովհետև Ֆրանսիայում մոդա է... Արտիստ մարդ եմ, նորաձևությունները սիրում եմ... ինչ ուզում են ասեն՝ բոլշևիկներինց դուրս ուրիշ փրկություն չկա...

— Ի՞նչ ես ասում...

— Ասում եմ, ուրիշ փրկություն չկա: Ռուսների հետ այդքան տարի յուրա ենք գնացել և նորից կգնանք... Ախր, ես ասում էի... ամերիկացիները պիտի գան... Եկան, տեսանք... Կարսը ընկավ, Ալեքսանդրապոլը ընկավ... էլ ի՞նչ մնաց... Արարատի գլխին եռագույն դրոշակ պիտի ցցվեր... մինչդեռ Արարատը փափուկները ձեռքը ոտաբորիկ փախչում է... Ահա, նայիր, այստեղ է և այստեղ չի...

— Փողերի վրա Արարա՞տ էիր տպում:

— Ի՞նչ փողեր:

— Այն փողերը... հանրապետության փողերը...

— Վաղուց թողել եմ ուրիշին... Հա, չմոռանամ, բամբակի գործերով գնացել էի Բաթում... մի ոռու կին քո մասին էր հարցնում...

— Մի ոռու կի՞ն...

— Շեկ, գեղեցիկ: Ուզում էր Հայաստան գալ... Խելոք չես կենում... Հասկացա բանը ինչումն է... համոզեցի, որ չգա:

— Չեմ հիշում:

— Սուտ խենթ մի՞ ձևանա... երեխա չենք...

— ...

— Լա՛վ, լա՛վ, նավապետ Հերյա՛ն... ուրիշ բան խոսենք, հրաբուխի վրա ենք պարում և մարդ չունենք... առհասարակ... օրինակ, ես

դերասան մարդ եմ, իսկ ի՞նչ եմ անում, դրամ եմ տպում, բամբակ եմ ծախում... Ուղղակի շեմ հասկանում...

Հերյանը ձեռքերը վեր բարձրացրեց, ճիշտ այնպես, ինչպես օրիորդ Բուդաղյանն էր բարձրացնում և... մնաց բերանը բաց: Պերոնյանը զարմացած նայեց նրան, գլուխը հտ գցեց և քահ-քահ ծիծաղեց: Սառը օդում այդ ծիծաղը զրնգաց:

— Ի՞նչ ես ծիծաղում...

— Ի՞նչ կա... թող մի քիչ էլ ծիծաղենք... Հա, ի՞նչ էի ասում... Ուրեմն, այդպես, նավապետ Հերյան, ուրեմն այդպես. գործերը վատ են, շատ վատ... վերջին երկու տարում ապրեցիք կծու, հղի, թունավոր և ոգևորություններով լցված տարիներ... անիմաստ կոիվներ, անվերջանալի զոհեր... Կարծում էինք հասել ենք մեր նպատակին: Ժողովել էինք մեր թշվառությունը, մեր գաղթականներին, մեր վերքերը, մեր մալարիան, մեր բժավոր տիֆը, մեր այրված տները, մեր խրճիթները, մեր թոնիրները, մեր երկու զույգ շոգեմեքենաները և տասը զույգ մեր պլոկված վագոնները, մեր հրաշալի բաղերը, մեր վսեմ լեռները, մեր ժայռները, մեր մերկ ու լերկ անապատները և ասում էինք՝ դա մերն է, թող մեզ հանգիստ թողնեն և մենք ամեն ինչ կվերաշինենք...

— Բայց փոխանակ վերաշինելու արկածախնդրությամբ ենք զբաղված:

— Սպասիր, դու էլ մի՛ սկսի բոլշևիկների պես խոսել: Ի՞նչ ենք մենք. մի քանի հարյուր հազար մարդ, իսկ նրանք միլիոններ: Մեր երկիրը քանդված է և աղքատ, իսկ նրանց երկրները լցված են հանքերով: Այդ պատճառով էլ ոչ ոք չի ուզում օգնել...

Այդ ասելիս Պերոնյանի փողկապը ձյունի գլխին շարժվում էր բոցի նման: Ոտքը գետնին էր խփում և դեղին կրկնակոշիկը պսպղալով այրվում էր: Աչքերը փայլփլում էին:

— Չեմ հասկանում... քիչ առաջ ասում էիր, որ մեծամասնականները փրկություն են առաջարկում...

— Լենինը հայտարարել է, որ մեր անկախությունը պիտի հարգեն, իսկ մնացածը կարևոր չի... Ասում են կոմունիստական կարգեր... թող լինեն կոմունիստական կարգեր... Մենք աղքատ, աշխատավոր ժողովուրդ ենք, հարուստներ չունենք, արդյունաբերություն չունենք, պրոլետարիատ չունենք... Գալիս են հողերը բաժանելու, բաղերը բաժանելու, թող բաժանեն... թող թուրքերին հեռացնեն և մեզ հանգիստ տան...

— Լավատես ես...

— Էս վատե՞մ...

— Բա, ի՞նչ...

— Չե՞ս տեսնում, կա՞կը ընկած այրվում ենք... Մի քիչ շունչ քաշենք, հասկանո՞ւմ ես, մի քիչ շունչ... Մեր ուժերը հավաքենք, մեր աղետը ու փոշին մաքրենք, մեր վերքերը բուժենք, մեր զենքերը կարգի բերենք... Ահա երկու հազար: տարի է, ահա շորս հազար տարի է... անդադար սկսում ենք, բայց երբեք չենք վերջացնում... Անդադար, անդադար...

Ուսից վայր ընկնող փողկապի ծայրը կտրուկ շարժումով ետ նետեց և լռեց: Այդ վայրկյանին Հերյանը նկատեց նրա ձևնոցները: Մուշտակի կտորներից կարված, անմատ, ահագին ձևնոցներ:

Հերյանը մնաց ապշած:

Այդ ազվեսի մորթի ձևնոցների բաց դեղինը նման էր նրա կրկնակոշիկների գույնին, և այդ պատճառով էլ նրան այնպես թվաց, որ եթե Պերոնյանը կանգնած է երկու ոտքերի վրա, դա պարզ պատահականություն է... Հենց որ խոսքը վերջացնի, նա պիտի ընկնի շորս ոտքերի վրա և պողը վեր տնկած կես առյուծի կամ կես արջի նման երեքալուստ պիտի վազ տա...

Այդ պատկերը մխրճվեց նրա ուղեղի մեջ և լուգեց նրան թողնել Գնալով ուժեղացավ: Պերոնյանի շարժումները, նրանի արտահայտությունը, աչքերը, հոնքերը, մսոտ և խորդուբորդ քիթը միանգամայն կերպարանափոխվեցին և հալածեցին նրա երևակայությունը:

Այդ երևի դրոշմվեց նրա նայվածքի վրա, որովհետև Պերոնյանը զարմացած նրան նայեց և...

— Տո, ի՞նչ ես աչքերդ այդպես պլզել,— հարցրեց նա:

— Ե՛ս... աչքե՛րս...

Այդ հարց ու պատասխանը տվին կես ձայնով, գրեթե գաղտնաբար: Ասացին, մոռացան:

Պերոնյանը շարունակեց.

— ...Հազարավոր տարիներն է վեր... մեր լեռների լանջերին կառուցած վայրի գազանների նման պաշտպանում ենք մեր գոյությունը...

Հերյանի գեմքի մորթի տակից սառուտ անցավ:

— Վայրի գազանների նմա՞ն,— կմկմաց նա:

— Հա, էլի...

Աղմուկով շնչեց:

— Հա, էլի... Ապրեցինք կովերով... Կովեցինք ամեն մի քարի համար... Բուն հայ ժողովուրդը, որ պահում պաշտպանում է մեր ավանդները, մեր աստվածները, մեր ոգիները, դեռ մինչև այսօր էլ խրճիթներում նստած սպասում է... Այդ իսկական պարոնները և իշխանները — մեր գյուղացիները պարոն են և իշխան — դուրս են գալիս միայն

պայքարի համար... պայքար բնության դեմ և պայքար. մարդկանց դեմ... Գերանդին շարժում են Սասունցի Դավթի թրի նման և թուրը գերանդու նման: Մտածե՛լ ես այդ մասին, նավապետ Հերյան: Դար դարերի հետևից գալիս անցնում է, և թշնամիները միշտ նոր են, նրանք դուրս են գալիս բոլոր անկյուններից, լեռնավայրերից, դաշտերից, ձորերից... Թամեռլան, Չինգիզ խան, արաբներ, թաթարներ, թուրքեր, սելջուկներ, աֆղաններ, պարսիկներ... Գալիս ավերում են, այրում, քանդում, անցնում, իսկ հայ ժողովուրդը՝ հողի հետ հող, ժայռի հետ ժայռ, նստած սպասում է: Նստած սպասում է հրաշալի այլասփոխության այն օրին, երբ մարդկանց հոգիները կլցվեն լույսով, երբ Արարատի քաջերը և ոգիները կփշրեն իրենց շղթաները և ուրախությամբ ճիշարձակելով կիջնեն դաշտ, երբ ավանդները արյուն և միս կդառնան և հայութունը կհազնի իր արևային թագը...

Հերյանը դարմացած լսում էր:

— Ասում ենք հայ ենք, — բաղականչեց Պերոնյանը, — անցնող գնացողը ասում է հայ ենք. իսկ հայը ի՞նչ է. . ինքներս էլ լավ չենք իմանում... Հայ լինելը բարդ և դժվարին բան է... Կարծում ենք պարզ անվանակոչություն է, վիճակ, պատահականություն, և մեր հայությունը քաշում քաշքշում ենք ցնցոտիների նման...

Ջայրացած ծիծաղեց:

— Հայ լինելը անողոր և հերոսական բան է: Ճակատագիր է և պատգամ: Դարերի խորքից եկած հրամայական պատգամ... Այո՛, ա՛յդ: Մենք առաջապահներ ենք... կյանքի սկզբից պայքարող լույսի և խավարի առաջապահներ, մեծ պատասխանատվություններով բեռնավորված... Իսկ ինչ ենք անում մենք... այստեղից այնտեղից լսած դաղափարներով ուզում ենք չափել և կշռել այն, ինչ անչափելի է և անկշռելի...

— Ինչ բաներ ես ասում այսօր..

Հերյանի լայնացած աչքերը կանգնեցին. երա վրա:

— Գիտես, եկել լցվել է... Շատ եղավ, էլ շատ եղավ...

— Հասկանում եմ, բա շե՛մ հասկանում...

Այդ վայրկյանին փողոցից անցնում էին երկու մարդիկ:

Մեկը փոքրահասակ, քառակուսի, մոնղոլական փոքր աչքերով, թուխ դեմքով, և մյուսը՝ կտր, այտերը ուռած, փորը դուրս ընկած, թևերը կարճ և հաստ վիզը կարմրած:

Պերոնյանին տեսան և կանգ առան:

— Ահավասիկ մեր լեզվաբանական կաճառը, — ներկայացրեց նրանց Պերոնյանը:

Նրանք գալիս էին շուկայից: Մեկ ձեռքով բռնել էին ուտեստեղեն-
ներով լցված զամբյուղ, մյուս ձեռքով՝ մի-մի գիրք:

Կանգնեցին, զամբյուղները վար դրեցին, սպասեցին:

— Հը, ի՞նչ խաբար,— հարցրեց Պերոնյանը:

Նրանք գլուխները վար առան, նայեցին իրենց կոշիկների ծայրե-
րին և միասին հառաչեցին:

— Ի՞նչ ես ուզում որ լինի,— պատասխանեց կլոր մարդը,— վատ
է... Այսօր միջօրյա ավուրն այնորիկ մեզ ի խավար փոխարկյալ գիշե-
րացավ...

Նայեց մյուսին: Մյուսը շարունակեց՝

— Գազանաբար ազգն հեթանոսաց, որք ի վաղընջավն ի խշտիս
յուրյանց մռնչեին... մռնչեին... Հետո ինչպե՞ս է...

Նայեց մյուսին: Մյուսը շարունակեց՝

— Խշտիս յուրյանց մռնչեին... Տո, ես էլ մոռացա... ինչ որ է...

Գլուխները նորից վար առան և գոհ իրենց գիտությունից, ժըպ-
տացին:

— Դա ո՞րտեղից էր,— հարցրեց Պերոնյանը:

— Արիստակես Լաստիվերցի,— լեցուն բերանով պատասխանեցին
գիտնականները:

— էդպես, միշտ նույն պատմությունը.— ասաց Հերյանը, թեպետ
գրաբարը շեր հասկացել,— էդ Լաստիվեցին շատ լավ է ասել...

— Լաստիվերցի,— ուղեցին նրանք:

Ժպտացին:

— Ինչե՛է,— բացականչեց Պերոնյանը:— Հարցը նրանում է՝ այս
գրությունից ոնց ենք դուրս գալու...

Գիտնականները իրենց ուսերը վեր բարձրացրին և այդպես մնա-
ցին:

— Ցը,— ասացին և զամբյուղները վերցնելով հեռացան:

Պերոնյանը հուսահատվեց:

— Բառերի և մեջբերումների տոպրակներ,— ասաց նա, նրանց
հետևից նայելով:— Գիրք են կարդում և հողված միզում... Եկան, տի-
րացուի նման սաղմոսեցին, հեռացան: Այդ թողնենք... դու ի՞նչ է, նա-
վ՞ում ես ապրում...

— Այո:

— Ուզում եմ գալ տեսնել: Հա, շմոռանամ, երկու շիշ պատվական
օղի եմ բերել... Մնում է մի քիչ ուտելիք ճարել...

— Դա դժբախտաբար...

— Գիտեմ, Սպասիր... թթու դրած վաբունց կա, պահածո միս կա, լավաշ կա... Ձկնեղեն չկա... Թիֆլիսից շամայկա էի բերել, բայց ճանապարհին կերան... Ահ, երբ մտածում եմ ճանապարհին տեսածներիս մասին, մազերս բիզ-բիզ են լինում... Չէ, ախր... Դե, նավապետ Հերյան, ցտեսություն... Անպարման կգամ...

Նա ահագին ոտքերը ծուռ-ծուռ դնելով շտապ հեռացավ:

Հերյանը նայեց նրա հետևից:

Չէ, քայլում էր մարդ արարածի նման...

Հերյանը որոշեց տուն վերադառնալիս մտնել հիվանդանոց:

Հաղիվ սկսել էր սանդղուներից բարձրանալ, նրան կանգնեցրին և հաղորդեցին տխուր լուրը...

Միրանյանը մեռել էր:

Հաջորդ օրը նրան պատմել էին բոլոր մանրամասնությունները:

Մահվան օրը զարմանալի կերպով հանգիստ էր Իրեն զգում էր ուժեղ և իր ապաքինման մասին լավատես էր: Քաղաքական դրուժյան մասին տեղեկություններ էր ուզել... և կինը, տեսնելով որ լավ է, նրան պատմել էր ամբողջ ճշմարտությունը: Ասել էր, որ թուրքերը գրավել էին Ալեքսանդրապոլը և շատ ծանր պայմաններ առաջարկել զինադադար կնքելու համար:

Հիվանդը այդ բոլորը լսել էր առանց հուզումի որևէ նշան ցույց տալու:

— Եթե այսպես է,— ասել էր վճռական շեշտով,— ես էստեղ չեմ ուզում մնալ: Ես ուզում եմ անպայման դուրս գնալ, անպայման դուրս գնալ...

— Ո՛ւր, Բաբիկ ջան, ո՛ւր...

Պատասխան չէր տվել:

Երկար ժամանակ մնացել էր լուռ, ամփոփված:

— Գիտե՞ս ինչ, Վարյա ջան,— ասել էր նա վերջապես,— սիրտս կիսել է ուզում...

Կինը շտապ վազել էր տուն, կիսել պատրաստել և բերել: Հիվանդը կերել էր մեծ հաճույքով, շտապ-շտապ լափլփելով...

— Շատ լավ էր, շատ... Հիմա ինձ բոլորովին լավ եմ զգում...

Երկարել էր անկողնի վրա և... մեռել:

Թաղման օրը ձյուն էր գալիս: Մեծ փաթիլներով ձյուն՝ շոր, մեղմ, գրեթե տաք:

Հերյանը, Ֆեոդոր Պանտելենիչը և Մարտինը ուժասպառ էին եղել: Ամեն ինչ վերցրել էին իրենց վրա. պետք էր գերեզման փորել, դազազ

սարքել, քահանա ճարել, կառքեր գտնել: Դժվարին բաներ: Քաղաքի դռների տակ կոիվներ էին տեղի ունենում... կյանքը դադարել էր: Ամբված քաղաքը փաթաթվել էր ձյան մեջ և լռել: Փողոցները դատարկ էին, խանութները փակ:

Անգամ քահանան չէր ուզում տեղից շարժվել: Պետք եղավ խնդրել, աղաչել, բողոքել:

— Ինչի՞ հենց էսօր թաղել,— ասում էր նա մարած ձայնով,— թող մի օր էլ մնա, աստուծով վաղը ամեն ինչ կխաղաղի և կտանենք փառքով կթաղենք...

Խոսելիս ծնոտը դողում էր և ձեռքերը հանգիստ չէր կարողանում պահել:

Այդ դժվարությունների վրա եկել բարդվել էին տիկին վարդուհու բմահաճ պահանջները: Մահից անմիջապես հետո, հիվանդանոցում սրտաճմլիկ տեսարաններ էին տեղի ունեցել: Լացել, աղաղակել, մագերես քանդելով պոռուցել էր և ի վերջո ճեփ-ճեփմակ դարձած ուշաթափվել էր: Տարել էին տուն, դրել անկողին: Ամբողջ գիշերը անշարժ պառկել էր դեղնած, ուժասպառ, անձայն: Առավոտ վեր էր կացել և, հանկարծ կենդանացած, զինվորական երաժշտություն էր պահանջել թաղման համար:

Զինվորական երաժշտություն... երբ քաղաքում զինվոր չկար, երբ երկու քայլ հեռու ճակատագրական կոիվներ էին, երբ ամեն վայրկյան թշնամին կարող էր ներս խուժել:

Կրունկը խփել էր գետին, թե՛

— Դա, իմ գործը չի. ամուսինս աֆիցեր է... նրա իրավունքն է վաննի օրկեստրով թաղվի...

Իսկ դուրսը ձյուն էր, թնդանոթները ունում էին, քաղաքը պաշարված էր:

Այս ընդհանուր շփոթության մեջ Ֆեոդոր Պանտելեևիչը միջոց էր գտել սաստիկ հարբելու: Հազիվ էր կարողանում կանգնել ոտքի վրա: Մարտիքը նայում էր նրան և հիմար-հիմար ծիծաղում:

Մեծ դժվարություններով կարողացել էին երկու կառք ճարել, բայց երբ եկել կանգնիլ էին հիվանդանոցի առաջ և դագաղը տեսել, կառապանները կտրուկ մերժել էին դերեզմանատուն տանել:

— Դագաղը ծանր է... ձիերը չեն կարա տանել...

Սկսել էին վիճել, գոռալ, կովել:

— Քսան միլիոնից պակաս չենք կարա... Դե, ոնց ուզում եք. գնում ենք, գնում ենք...

Քահանան ձեռքի արծաթե խաչը շարժելով աշխատում էր նրանց համոզել, որ ավելի քիչ պահանջեն: Ֆեոդոր Պանտելեևիչը ձայնը գցած բղավում էր, սև շալի մեջ փաթաթված տիկինը նստել էր կառքի մեջ և լաց էր լինում:

Վերջապես... երբ ծանր դագաղը բարձրացրին կառքի մեջ դնելու համար, մեկի ոտքը սահեց, դագաղի ծայրը վայր ընկավ, խուփը բացվեց և Միրանյանի գլուխը և ուսերը դուրս ցցվեցին: Անկարելի եղավ նրան ետ դնել և դագաղը փակել: Ճարահատ նրան այդ վիճակի մեջ գետեղեցին կառքի մեջ...

Ֆեոդոր Պանտելեևիչը բարձրացավ մեռելի մոտ: Մյուս կառքում նստեցին քահանան, տիկինը, Հերյանը և Մարտինը: Տիկինը խորտակված լուռ էր: Քահանան հեռվից գենքերի ձայներ լսելիս ամբողջ մարմնով դողում էր և աչքերը փակած ինչ-որ բան փսփսում:

Քաղաքի վարի մասով անցնելիս Հերյանը և Մարտինը ստիպվեցին մի քանի անգամ ցած իջնել և դագաղը կրող կառքին օգնել... Ձիերի ոտքերը սահում էին, կառքը վտանգավոր կերպով աչ ու ձախ էր թեքվում և Ֆեոդոր Պանտելեևիչը սկսում էր աղաղակել, թե դագաղը վայր է ընկնում: Ստիպվեցին ճանապարհի մեծ մասը քայլել, դագաղի ծայրից բռնած:

Միրանյանի դուրս ցցված դեղին երեսի վրա ձյուն էր նստում: Նրա աչքերը կես բաց էին և քիթը տարօրինակ կերպով երկարել էր և վեր տնկվել: Ֆեոդոր Պանտելեևիչը աչքերը հառում էր նրա վրա և խոսում: Ձյունը շարունակում էր իջնել մեծ փաթիլներով:

Իրը գերեզման հասան, դեռ փոսը պատրաստ չէր:

Դագաղը դրեցին ցած: Սպասեցին:

Գեոզգմանը փորողը, հաստ բեղերով մի մարդ, ոտքը խփում էր բահին և ամբողջ մարմնով վրան ծանրանում: Բահը սահում էր կարծր գետնի վրա, և մարդը զայրանում էր:

— Հող չէ, քար է... Առավոտից աշխատում եմ, պնդացել է...

— Շուտ արա, քեզ մատաղ, մեռելը սպասում է...

— Մեռելը կարա սպասել, մարդը չի կարա սպասել... մահը էժանացել է... լսում եք չէ՞, տրաքում է ու տրաքում, կարծես երկիրը շարժ է գալիս...

Քահանան մտահոգված նայում էր վեր և թուրք կուլ տալիս:

— Շատ խորը մի գնա,— անհամբեր և վհատ ձայնով ասում էր նա,— ի՞նչ կարիք կա, բավական է ծածկի...

— Հիմա ոչինչ, բայց ամառը... Դիակ ասածը ծառի արմատի նման է, շատ հող է ուզում...

Քահանան գլուխը ճոճելով մոմում էր:

— Ուտաքանդ եղե ես որպես զարմավենի, պտղակորույս՝ որպես ձիթենի. այլ անհիշաշար և անոխակալ, խնայեա ի մեռուցյալ ծառայա...

— Ի՞նչ ասացիր, տերտեր:

— Աղոթում եմ...

Տեղորդ Պանտելեևիչը նախ մի կողմ քաշված հանգիստ սպասում էր: Մեծ ուշադրությամբ նայում էր քահանային և աչքերը պատկառանքով վար կախում: Հետո, հանկարծ անհանգստացավ, աչքերը մտահոգվեցին, և նա շտապ քայլերով մոտեցավ քահանային, վիզը երկարեց և սկսեց փիլիսոփայել:

— Դու, բատյուշկա, ինձ ա՛յդ ասա, ահա կար մարդը և չկա մարդը... Կար և մեկ էլ՝ չկա... Չկա, բայց չի ուզում բոլորովին չլինել... Ահա գլուխը դազադից դուրս է հանում և հողն էլ պնդացած՝ չի ուզում նրան ընդունել... բատյուշկա, մարդը կար և ահա մարդը չկա... Ոչինչ չեմ հասկանում, ոչինչ...

Քահանան աշխատում էր ժպտալ և մատը վեր բարձրացրած՝

— Բոգ, բոգ, աստված...

— Ի՞նչ բոգ... աստված ինքն իրեն համար, և մենք մեզ համար...

Արի ինձ բացատրիր... ինչո՞ւ մարդը կար և հանկարծ մարդը չկա... էխ, էխ, բատյուշկա, դու էլ չես իմանում... ես էլ չեմ իմանում... Հարցը հենց դրանում է, դրանում...

Քահանան նայում էր մեղավոր աչքերով և քիթը ուժով վեր քաշում...

Դագաղը փոսը իջեցնելու ժամանակ տիկին Վարդուհին դեղևուն քայլերով կառքից իջավ, մոտեցավ գերեզմանին և ամբողջ մարմնով փովեց գետնի վրա: Հերյանը և Մարտինը նրան վեր բարձրացրին և թևերից բռնեցին: Երբ քահանան սկսեց մեռելուց երգել խոպոտ և մեղամաղճոտ ձայնով, նա բազուկները տարածեց և բարձր ձայնով սկսեց հեկեկալ:

— Ինձ էլ հետը թաղեք, ինձ էլ...

Տեղորդ Պանտելեևիչը, որ մինչ այդ ուսերը և ձեռքերը հավաքած դողդողալով կանգնել էր, գրպանից մի մեծ կարմիր թաշկինակ հանեց, մի քանի անգամ քիթը աղմուկով խնչեց, ապա ծնկի ընկնելով՝ սկսեց անբնական ձայնով վայել, կարծես նրան մորթում էին:

Քահանան, որ այդ ձայնը լսեց. շշկլված լռեց, գույնը գցեց և ձեռքի բուրվառը բարձր պահած՝ մնաց սառած:

Հերյանը և Մարտինը վազեցին ուստի մոտ: Ռուսը նրանց տեսնելով ավելի սաստկացրեց վայոցը: Սկսեց մագերը քաշել և բռունցքները կատաղի կերպով կրծքին խփել:

— Չեմ կարող, չեմ կարող...

Ջենքի ձայներ լսվեցին:

Քահանան, բռռերի երեք քառորդը ուտելով, արագ-արագ շարունակեց աղոթել և երերալով գերեզմանի մեկ կողմից մյուսը անցավ:

Այդ վայրկյանին, գերեզմանատան մյուս ծայրում, հսկա դրդողով մի ումբ պայթեց: Ներկաները բնագոյաբար մի կողմ քաշվեցին: Ֆեոդոր Պանտելեևիչը լռեց և բերանը բաց սարսափած նայեց:

— Մենք գնում ենք,— պոռացին կառապանները,— մենք գնում ենք...

Առանց խոսելու ամենը վազեցին և նստեցին կառքերի մեջ: Ջիեռին մտրակեցին:

Ջյունը շարունակում էր մեծ փաթիլներով վայր իջնել:

14

Ելենովկայի ամբողջ բնակչությունը դուրս էր թափվել:

Կարմիր բանակը Դիլիջանից վայր էր իջել և ահա շուտով կհասներ լիճը և կքայլեր Երևանի վրա:

Տեղական ոստիկանները հեռացել էին: Բանակի բեկորները, մի քանի օր կոփվներ մղելուց հետո, հրաման էին ստացել ետ քաշվել: Ծնթադրվում էր, որ նրանք պիտի համախմբվեին Սուխոյ Ֆանտանի մոտ և այնտեղ դիմադրություն կազմակերպեին:

Լուսաբացի մոտ, ժողովուրդը մտել էր վանք և ազատել բանտարկված կոմունիստներին: Նրանցից ոմանք մեկնել էին դիմավորելու համար կարմիր բանակը, իսկ մյուսները ազգաբնակչությունը հավաքել էին և միտինգ կազմակերպել: Մեկը մյուսի հետևից նրանք բարձրացել էին տափակ մի տանիքի վրա և ոգևորությամբ ճառեր արտասանել:

Տները զարդարվել էին կարմիր դրոշակներով:

Գյուղացիները ուրախ և հետաքրքրված լսել էին այդ ճառերը և հիմա, լուռ կանգնած, օպասում էին: Նրանք տրեխները անհանգիստ քսում էին ձյունին և մտքով իրենց երեսին խաշ հանում:

Արև էր և ցուրտ:

Ափի մոտ, նավից ոչ շատ հեռու, գույնը գցած և վարի շրթունքը

արյունած կանգնել էր հրամանատար Թումանյանը: Շուրջը զինված երկու ուսուներ և մի հայ երիտասարդ: Զինված պահապաններից մեկը Սգոր Կոժուխինն էր:

Երեկ, մինչև կեսգիշեր, նալը կրակել էր վերջին ումբերը: Երբ այլևս պաշտպանություն ոչ մի հույս չէր մնացել, որոշել էին իջնել ափը և տեսնել, թե ինչ կարելի էր անել: Երկար փնտրել էին և ոչ ոքի չէին գտել: Զորքը մեկնել էր, ոստիկան չկար:

— Դե որ էդպես է,— ասել էին տղաները,— մենք էլ մեր գլխի ճարը տեսնենք...

Թումանյանը զայրացել էր: Կենտրոնից ոչ մի հրաման չէր եկել, և նալը թողնելու իրավունք չունեին: Գուցե գորքերը և ոստիկանները մեկնել էին Դիլիջանի ուղղությամբ, կարմիրներին դիմադրելու համար: Մեկնել, նալը թողնել զինվորական օրենքի և պատվի դեմ էր: Լավ էր սպասել մինչև առավոտ, լուսաբացին ամեն ինչ կպարզվեր:

— Պառկեք հանգիստ, վաղը կտեսնենք,— հրամայել էր Թումանյանը և մտել խուցը:

Մտել էր ներս և առանց հանվելու նստել էր անկողնի ծայրին: Զարմանալի էր, որ Անաստասիան մեջտեղ չկար: Եթե մի որևէ վտանգ կա, նա անպայման կգա, իմաց կտա: Գուցե դեռ կգա... մոտեցել էր պատուհանին և ականջ դրել: Չէ, ոտնաքայլերի ձայն չէր լսվում: Ուրիշ ձայներ էլ չկային, ամեն ինչ խոր լուսթյան տակ ճնշվել էր, տափակացել:

Քուն չուներ: Կարծես մի ծանր ձեռք սեղմում էր նրա սիրտը: Սկսել էր ման գալ սենյակի մեկ անկյունից մյուսը: Նորից մոտեցել էր պատուհանին և ականջ դրել: Ոչ ոք չէր գալիս: Վերջ ի վերջո, այդ լավ նշան էր. այդ նշանակում էր, որ Անաստասիան հաղորդելու նորություն չուներ և մտահոգվելու ոչինչ չկար: Վաղը, կուսումնասիրի դրությունը... եթե կենտրոնից լուր չստանա, կգնա քաղաք, ռազմամթերքի հարցի մասին տեղեկություններ ստանալու համար:

Կտեսնի հորը:

Հուզումի մի մեծ ալիք բախվեց նրա սրտին: Երբեք հորը տեսնելու ցանկությունը այդքան ուժեղ չէր եղել: Աչքերը լցվեցին արցունքով և շրթները դողացին:

Խեղճ հայրը և խեղճ ինքը:

Այդ վերջին տարիները, երկուսն էլ որբացած, մեն մենակ այս աշխարհի վրա ինչեր չէին տեսել, ինչեր չէին ապրել: Իրենց ոտքերի տակ ամեն ինչ քանդվել էր: Մեկ կրակից մյուսը վազելուց հետո, մի օր էլ, երկուսը միասին լուսավորվել էին մի նոր լույսով մի նոր ու գեղեցիկ

երազով... Հեռավոր հայրենիքը... Գնալ, միանալ ժողովրդին, սիրո և միախառնման ապաստան գտնել, ապրել նոր, վերածնված կյանքով, ամբողջ ուժերը ի սպաս դնել երկրի կառուցմանը:

Հեռավոր հայրենիքը...

Ինքը ոչինչ չդիտեր այդ հայրենիքի մասին: Եվ ի՞նչ էր հայությունը: Բնաարաբիայի մի քանի ծերեր, որոնք անդադար կռվի մեջ էին եկեղեցական գործերի և ծխական դպրոցի պատճառով, մի քանի պառավ կանայք, որոնք ուսուցանեին հայերեն խրթին բառեր էին խառնում, սէր Քերովբեի հաստ ու մազոտ ձեռքը համբուրում, դարավոր սովորությունները պահում և բարդ ու համով ճաշեր եփում:

Նրա համար հայ լինելը պատկանում էր իր անհատականության ստորնրկրյա հարկին: Ինչ-որ աղոտ և անորոշ մի զգացում էր, որ ծնվել էր իր մարմնի հետ, առանց որ ինքը այդ ուզեր... Եվ ահա, աշխարհի բնականոն ընթացքը հանկարծ կանգ էր առել, երկրաշարժային ցնցումների ենթարկվել և ցնցել նաև անհատները: Նրա կյանքն էլ տակնուվրա էր եղել, փոթորիկներին հանձնված ժողի նման ալեկոծվել և անսպասելի կերպով էության խորքից դուրս էր նետել այնպիսի գաղտնի կապեր և սերեր, որոնց մասին առաջ երբեք չէր մտածել:

Հիշում էր իր հոր և նրա բարեկամների ուրախությունը, երբ ստացվեց Հայաստանի անկախության լուրը: Սեղանների վրա քարտեզներ փռած, այդ մարդիկ և կանայք ժամերով վիճում էին և երազում: Դպրոցի սրահում, եկեղեցում, ակումբներում, անվերջանալի ժողովներ էին կայանում և բախտավոր և լուսավորված դեմքերով մարդիկ ճառեր էին արտասանում, իրենց ցուցամատը ուղղում դեպի ցանկալի հեռուն:

Երբ հայրը և ինքը որոշել էին մեկնել, ամբողջ հայութունը կայարան էր թափվել:

— Համբուրեցիք հայրենի հողը և ամեն բան ըրեք, որ մենք ալ կարողանանք շուտով գալ...

Ճանապարհին ամեն տեսակ դժվարությունների էին հանդիպել: Ծամփորդել էին անասունների վագոններում, կայարաններում օրերով սպասել էին աղտ և ոչիլի մեջ թափալ գալով:

— Ոչինչ, Միշա, ոչինչ, — կրկնել էր հայրը, — վերջին դժվարություններն են. ահա կհասնենք Հայաստան և կտեսնես... Անդլիացի ճանապարհորդ լինչը նկարագրում է Արարատյան դաշտը մեծ հիացմունքով, նա ասում է...

Եվ հայրը, աչքերը կես փակած, սերտել էր օտար ճանապարհորդի գեղեցիկ նկարագրությունները:

Անշուշտ, Հայաստանը այն չէր, ինչպես երազել էին: Մերկություն,

քանդվածութունն, թշվառութունն: Բայց՝ մեծղի, խորհրդավոր, հափըշտակիչ:

— Ոչինչ, Միշա, ոչինչ,— շարունակել էր կրկնել հայրը,— Հայաստանը աղքատ է, բայց, հասկանո՞ւմ ես, մերն է... Անհրաժեշտ է վերաշինել, լծվել գործի... Այո, լերկ է, աղքատ է, բայց մերն է, հասկանո՞ւմ ես...

Եվ լծվել էին գործի:

Ահա...

Ահ, կարողանար տեսնել հայրը:

— Նու, պապաշա, հիմա ի՞նչ ենք անելու... Կարմիրները գալիս են... Ավելի լավ է վերադառնալ Բեսարաբիա, մի կերպ ճանապարհ գտնել և վերադառնալ Բեսարաբիա... Պետք չէ բաժանված մնանք... պետք չէ, որ դու մնաս առանց ինձ և ես, պապաշա, մնամ առանց քեզ...

Այդ մտածում էր և վատ նախազգացումները տանջում էին սիրտը: Քայլում էր անկյունից անկյուն: Պատուհանի առաջ կանգ էր առնում, լռում: Անաստասիան չկար:

Ծճմարտութունը այն էր, որ Եգոր Կոժուխինը Անաստասիային կողպել էր սենյակում:

Աղջիկը, հուսահատված, երկու բռունցքներով ձեռք էր դուռը, բողբոջ, կանչել: Վայելով գլուխը պատերին էր խփել: Հորը անիծել էր, հայհոյել:

— Բաց արա դուռը, սատանա... Ավազակ, մարդասպան, բաց արա դուռը... Բաց արա, թե չէ... գլուխս կխփեմ պատերին, գանգս կճեղքեմ...

— Չայնդ կտրիր, անամոթ,— մոնչալով պատասխանել էր Եգորը:

— Քեզ ասում եմ, բաց արա դուռը, դու իրավունք չունես ինձ բանտարկելու... Բաց արա, թե չէ վատ կվերջանա... Լսո՞ւմ ես, անիծյալ, լսո՞ւմ ես... Ես քեզ անիծում եմ: հայր, ես քեզ անիծում եմ...

— Լո՛իր: Ուզում ես քեզ կորուստի՞ մատնել: Ամենքը գիտեն, որ որ դու այդ հայի հետ... Ուզում ես, որ կարմիրները գան... մեզ ամենքիս ոչնչացնե՞ն... Ուզում ես ասեն, որ մենք թշնամիներ ենք, հակահեղափոխականներ ենք... Լո՛իր: Հրամայում եմ քեզ, լո՛իր...

— Չեմ լո՛իր: Եթե ինձ չազատես... երբ նրանք գան... կբարձրանամ տանիքի վրա և կպոռամ՝ էյ, լսեք, ժողովուրդ, էյ, լսեք... Եգոր Կոժուխինը, որ ահա տեսնում եք, ստոր խաբեբա է և ավազակ... ես

Նրա աղջիկն էմ և նու հակահեղափոխական է, կուլակ և շահագործող... Մի՛ հավատաք նրան, էյ ժողովուրդ, մի՛ հավատաք նրան...

— Քեզ ասում եմ ցած խոսիր: Գյուղը լրտեսներով լցված է... Ի՞նչ է, ուզում ես մեր ամբողջ համայնքը, ամբողջ մալականությունը քանդվի՞, ոչնչանա՞ քո պատճառով, Եզոր Կոժուխինի աղջկա պատճառով... Գյուղում բոլորը իմանում են, որ դու մեզ լրտեսում էիր... գնում մեր գաղտնիքները հաղորդում ցարական նախկին այդ աֆիցեբրին... Վաղը, երբ կարմիրները գան, կարող են քեզ բանտարկել, գնդակահարել...

— Թող բանտարկեն, թող գնդակահարեն... Դու ինձ բաց թող, բաց թող, թե չէ կպոռամ, որ ինձ այստեղ մորթում են... օ՛-օ՛-օ՛-օ՛...

Եվ սկսել էր գոռալ:

Մայրը վազել էր, երկու ձեռքերը դրել դռան վրա և աղաչել:

— Նու, նու, Անաստասենկա, խելքդ կորցրել ես, ի՞նչ է... Ի՞նչ է, ուզում ես մեզ խայտառակել... Նու, նու, Անաստասենկա...

— Օ՛-օ՛-օ՛... օ՛-օ՛-օ՛...

— Թող ինձ նրա մոտ, Եզոր, ես նրան կհանգստացնեմ...

Կոժուխինը կնոջը թողել էր ներս մտնի և դուռը կոշկել:

Անաստասիան ընկել էր մոր ոտքերին:

— Ազատիր, մասուղկա, Իրենա Մատվենա, ազատիր, գալուբուղկա, ազատիր... Եթե չգնամ... հասկանո՞ւմ ես, նրան վաղը կարող են սպանել... Ես նրան սիրում եմ, մայր, ես նրան սիրում եմ...

— Ինչո՞ւ... ոչ ոք նրան չի սպանի...

— Ես գիտեմ, ա՛հ, ես գիտեմ... Մեր մուծիկները որոշել են նրան մատնել... Ես գիտեմ, որոշել են այստեղից նրան բաց չթողնել...

— Հանդստացիր, Անաստասենկա, հա՛նգստացիր...

Անաստասիան թավալ էր եկել գետնի վրա, մազերը քաշել, ձեռքերը կոտրատել, աղաչել, վայել և վերջապահ ոտքի էր կանգնել, դողացող ձեռքերով վայր գցել շրջագետքը և ցույց տվել ուսած փորը:

— Հղի եմ, հասկացիր, հղի եմ նրանից...

Ու երկու կիները սկսել էին միասին վայել:

Թումանյանը սպասել էր, քայլել, մտատանջվել:

Երբեք մենակությունը այդպես չէր ճնշել նրան: Երբեք այդքան դժբախտ չէր զգացել իրեն: Կանգնել էր մոր լուսանկարի առաջ և հուսահատվել: Իրեն զգացել էր անպաշտպան, լքված, օտար:

Մի վայրկյան երկարել էր անկողնի վրա թարմանալու համար: Հենց որ լույսը բացվեց, պիտի քայլեր դեպի Երևան: Երևի, հայրը տեղյակ էր անցուդարձերի մասին, երևի, նա էլ չէր քնում, նա էլ քայլում

էր սենյակի մեկ անկյունից մյուսը, նա էլ խոսում էր ինքը իրեն հետ:
— Նու, Միշա, ուրեմն այդպես... Ոչինչ, Միշա, նորից կվերագառ-
նանք Բեսարաբիա, ոչինչ...

Ժամը առավոտյան շորս ու կեսի մոտ էր: Թումանյանը անկողնից
վեր թռավ և պատրաստվեց մեկնելու: Երեսը սառ ջրով լվաց, թարմա-
ցավ:

Դուրսը դեռ մութ էր, բայց արդեն զգացվում էր լուսաբացը:

Ցուրտ էր: Դանակի նման խայթող ցուրտ:

Թեևրը ջաղացի նման ճոճեց, որպեսզի քիչ տաքանա: Մոր լուսա-
նկարը դրեց աջ գրպանը, ապա հանեց, տեղափոխեց ձախ գրպանը,
սրտին մոտ: Մի քանի թղթեր, մի քանի ուրիշ լուսանկարներ էլ... Ունե-
ցած շունեցածը՝ գուլպաներ, երկու շապիկ, մի քանի նամակներ կա-
պեց մի թաշկինակի մեջ: Ուրիշ բան չուներ:

Ուշադրությամբ նայեց ամեն կողմ: Չէ, էլ ոչինչ չէր մնացել:

Սեղանի վրա մի կտոր հաց տեսավ. ուզեց ուտել, բայց միտքը
փոխեց, ավելի լավ է ուտել ճանապարհին:

Պետք էր շտապել: Պետք էր գնալ տղաներին արթնացնել և նավը
հանձնել նրանց. հենց որ քաղաք հասներ կգնար գինվորական նախա-
րարություն և պետք եղած կարգադրություններ...

Դուռը բաց արեց, և ցուրտն ու մութը կպան աչքերին:

Կանգնեց: Ուսերը սեղմեց: Չափազանց ցուրտ էր: Լիճը թաղված
էր ծանր խաղաղության մեջ: Երկնքի ծայրին աղոտ լույսեր էին ման
գալիս: Չյունը մութ-կապույտ էր:

Հեռվից աքլորի ձայն լսվեց: Լոռից լույսը ավելի խորացավ:

Թումանյանը ուղղվեց դեպի մոտակա ճերմակ տնակը: Երբ մոտե-
ցավ տան դռան, կանգնեց և նայեց հտ: Իրեն այնպես թվաց, որ իր իսկ
քայլերը դեռ շարունակում են հետևել իրեն:

Չէ, ոչինչ չէր երևում:

Խփեց: Չպատասխանեցին: Ավելի ուժեղ խփեց: Դուռը բաց էր.
նեքս մտավ, կանչեց: Մարդ չկար: Պարզ էր: Տղերքը գիշերը մեկնել
էին:

Ինչո՞ւ չէին տեղեկացրել...

Տխրությամբ լցված աչքերը հառեց մութին: Այդ չէր սպասում:
Միասին կովել էին, վտանգել իրենց կյանքը, արհամարհել մահը և,
հանկարծ, այդպես...

Ամբողջ մարմնով մրսեց:

Դուրս եկավ և արագ քայլեց դեպի նավի կողմը: Իջավ ափը՝ ոչ ոք
չկար: Ափի կամրջակին կապված նավը երկարել էր ջրի վրա ստվերի

նման, բարակ թնդանոթների քթերը վեր տնկված: Միրտը սեղմվեց: «Աշոտ Երկաթը» որը էր և մենակ, երեսի վրա թողված, ինչպես ինքը: Հայրական գուրգուրանք զգաց հանդեպ նավին: Նրան հղացել էր, կառուցել, աշխարհ բերել: Միասին անցկացրել էին դեպքերով և արկածներով լցված կյանքի մի կարևոր շրջան:

Գլուխը թափ տվեց: Զգացվելու ժամանակը չէր:

Գյուղի տների առաջից անցնելով քայլեց: Ազգաբնակությունը դեռ քնած էր, ոչ մի տեղ լույս չկար: Մի վայրկյան կանգ առավ Անաստասիայի տան առաջ, Պատուհանների փեղկերը փակ էին: Շատ զարմանալի էր, որ չէր եկել: Երևի, գնացել է Սուխոյ Ֆանտան բարեկամուհիների մոտ: Սուխոյ Ֆանտանից անցնելիս կանգ կառնի գյուղացիների մոտ, մի բաժակ կաթ կխմի և Անաստասիայի մասին հարցուփորձ կանի: Իսկ եթե այնտեղ էլ չէ, ուրեմն, գնացել է Երևան: Ինչ լավ, կհանդիպեն Երևանում:

Արդեն լույսը մաքառում էր մութի հետ: Զյունը գնալով գունատվում էր և լճի վրա մեծ ճերմակ արատներ էին ման գալիս: Տեղ-տեղ ճառագայթներ էին պսպղում: Այդ լույսը ընկավ նրա սրտի վրա: Մարմինը վայրկենապես ծաղկեց: Ինչպես միշտ՝ այգափսի ըոպեններին, գըլխում երգեց մի հին նավային գորահմբի աշխույժ քայլերգի առաջին նախադասությունը: Այդ երգը արթնացրեց նրա հուշերը, մտաբերեց սովոր տեսարանը: Նավաստիները ձգված կանգնած են ուղմանավի առաջակայմի մոտ, զրոշակները ցցված են, սպաներով շրջապատված աղմիրալը սանդուղներից բարձրանում է վեր, փողային երաժշտախումբը հնչեցնում է քայլերգը:

Զեռքը գրպանը տարավ, գտավ հացի կտոր: Սաստիկ քաղց զգաց: Հանեց, խածեց, նորից դրեց գրպանը: Մեծանով քայլեց:

Այնտեղ, ուր վերջանում էր գյուղի ճանապարհը և սկսվում էր վայրէջքը, երեք մարդ էին կանգնած: Նայում էին նրա կողմը: Երբ ավելի մոտեցավ, տեսավ, որ մարդկանցից մեկը Եգոր Կոժուխինն էր, Անաստասիայի հայրը: Մյուսը կարճ, դեղին մորուքով մի մալական էր, իսկ երրորդը՝ փոքրահասակ, լայնուս, կլոր փափախով, զինված հայի էր նմանվում:

Հացը բերանում մնաց:

— Տի կուդա՛... Ո՛ւր էդպես, — հարցրեց Եգորը:

— Գնում եմ քաղաք, — պատասխանեց Թումանյանը:

— Նե, նե, նե, — ասաց Եգորը բարկացած, աչքերը նրա վրա հառնելով և գլուխը թափահարելով:

— Ո՛նց թե...

— Էնպես... Մինչև հիմա որտեղ էիր, այնտեղ էլ մնացիր...
Քումանյանը բերանում մնացած հացը ծամեց, կուլ տվեց և շվարած նայեց:

— Ձեմ հասկանում,— ասաց:

— Էստեղ շհասկանալու բան չկա,— միջամտեց հայր:

— Պետք է սպասեք մինչև մերոնք գան...

— Մերո՞նք...

— Այո: Կարմիրբանակայինները... Ռազմա-հեղափոխական կոմիտեն...

— Ես նրանց սպասելու կարիք չունեմ,— բողոքեց Քումանյանը,— ևս գնում եմ Երևան, գործ ունեմ...

— Հրաման չունեք գնալու...

— Հրամա՞ն...

Ուզեց ծիծաղել, ցույց տալ, որ այդպիսի բառերից չի վախենում, բայց չկարողացավ, շրթունքները ծովեցին և մնացին սառած: Հանկարծ հասկացավ, որ ընկել է ծուղակը: Հետը զենք չուներ:

Մի վայրկյան անորոշ նայեց, ապա մտածեց, որ ինչ գնով էլ լինի պետք էր ազատվել սրանց ձեռքից:

— Քողեք... ժամանակ չունեմ,— պոռաց և երկու բռունցքները սեղմած, նետվեց առաջ:

Առաջը կտրեցին:

Ամբողջ ուժով նրանց հրեց: Գեղին մորուքով ուսը նրա օձիքից բռնեց և բռունցքի մի ուժգին հարված իջեցրեց: Մի ուրիշը հետևից խփեց նրա գլխին: Աչքերը կայծկլտացին, երերաց: Վարի շրթունքից արյուն հոսեց:

Ատրճանակները ուղղեցին՝ նրա կրծքին:

— Ձախ՞մ... Ինչո՞ւ,— փսփսաց նա, ձեռքը շրթունքին տանելով:

— Ավելի լավ է անել այն, ինչ քեզ ասում ենք... Ավելորդ է գիմադրել, միևնույն է, ազատվել շես կարող,— ասաց Եզորը առանց նրա երեսին նայելու:

— Ի՞նչ եք ուզում որ անեմ...

— Դե, առաջ ընկիր...

Հիմա կանգնել էր ափի մոտ, նավից ոչ հեռու:

Վանքից դուրս եկած կոմունիստները տենդոտ գործունեություն մեջ էին: Անդադար այս ու այն կողմ էին վազում, հրամաններ տալիս, պատրաստություններ տեսնում:

Նրանցից մի քանիսը եկել կանգնել էին Քումանյանի առաջ:

Ինքը մնացել էր թմրած: Կարծես մի մեծ բարձրությունից վայր էր ընկել և ամբողջ մարմինը փշրվել, անզգայացել: Պատուած շրթունքից արյունը շարունակում էր վազել. ծնոտը, կուրծքը, ձեռքերը կարմրել էին: Ուռած, տեղ-տեղ կապտած երեսը բոլորովին ճերմակ էր: Կենդանի էին միայն երեխայական լայն բացված աչքերը, զարմացած, կորած:

Ինքը մնացել էր թմրած: Մի թմրություն, որ նման էր սփռված խաղաղության: Միայն ձեռքերը կամաց դողում էին և այրվում էր շրթունքի վերքը: Երբ այրվում էր, գիտակցությունը քիչ արթնանում էր, սիրտը սեղմվում և մղկտում:

Աչքերը հառում էր Երևան տանող ճանապարհի կողմը և սպասում: Իրեն այնպես էր թվում, որ այդտեղից մարդիկ են գալու օգնության: Հայրը և ուրիշները: Անպայման կգան:

Սակայն չէին գալիս:

Քիչ առաջ միտինգի ճառախոսները, ամեն անգամ, որ դատապարտում էին դաշնակներին, իրենց ցուցամատը ուղղում էին դեպի նրան: Ինքը ոչ ոքի չէր շահագործել, ինքը քայլել էր պատուած կոշիկներով, ապրել էր հաց ու պանիրով, մրսել էր, շարշարվել, գիշերները չէր քնել... Սիրել էր դժբախտ հայրենիքը և պաշտպանել էր նրան...

Երբեմն գիտակցությունը սրվում էր, հասկանում էր վիճակը և քիչ էր մնում, որ խենթանա: Վանդակ ընկած կենդանու նման ուզում էր մոնչալ:

Շրթունքը ուռել էր, ժանրացել, կախվել: Դժվարանում էր կուլ տալ թուփը:

...Հեռվից երգի ձայներ լսվեցին:

— Գալիս են, գալիս են...

Գյուղացիները խմբով առաջ վազեցին և սկսեցին կեցցե գոռալ: Պատուհանները բացվեցին, և գլուխներ դուրս նայեցին: Շատերը բարձրացան կտուրների վրա:

Թումանյանի ամբողջ մարմինը դողաց: Աչքերը մթնեցին. երեսը թրջված ցեմենտի գույն ստացավ: Չնայած դրան, բնազդաբար, նա ոտքերը միացրեց և զինվորական կեցվածքով ուղիղ կանգնեց: Ձեռքերը վար, գլուխը շիտակ: Նախ ձիավորների մի խումբ անցավ, ապա երկու ինքնաշարժներ: Հետո լսվեց Ինտերնացիոնալը և ներս մտան կարմիր բանակի մասերը:

Այդ ամբողջ տեսարանը անցնում էր Թումանյանի այրերի առաջից՝ փայցած ֆիլմի նման երեւոն, խառնաշփոթ, արծաթե գծերով կտրտրված:

լսում էր ձայները, աղմկում էին, գոռում, երգում:

Կարմիր բանակը վատ էր հագնված: Ոմանք զինվորական համազգեստ էին կրում, ուրիշներ՝ բանվորական կաշվե բաճկոններ: Շատերը հրացանները կրում էին ուսին, ուրիշները կախել էին մեջքին կամ բռնել գավազանի նման:

Աշխույժ էին: Միծաղում էին, կատակում, տեղ-տեղ կանգ առնում և ծխախոտ վառում, բնակիչների հետ խոսակցում:

— Տովարիշի, այս կողմ... Տովարիշի, կանգ մի՛ առ...

Տովարիշները չէին լսում: Հավաքվում էին տների առաջ, հաց ու պաշար էին բաժանում գյուղացիներին: Թումանյանը սկսեց հանգրստանալ և հետաքրքրությամբ նայել: Այդքան պարզ կերպով ծիծաղող և բարի մարդիկ չէին կարող շարություն անել: Իսկ նրա վրա չէին նայում: Ինքն էլ սոված էր:

Առաջին խմբերը անցան և նորից նոր խմբեր եկան:

Նրանք ևս հաց ու պաշար հանեցին: Մի տեղից գարմոշկայի ձայն լսվեց: Սկսեցին խմբով երգել: Գյուղի աղջիկներից շատերը միացան նրանց: Շրջան կազմեցին և երկու հոգի մեջը ընկնելով պարեցին: Մանոթ երգ էր և ծանոթ պար: Սովային երկար ճամփորդությունների ժամանակ, տոն և կիրակի օրերին նավաստիները համախմբվում էին ետեվի կամրջակի վրա և ճիշտ այդպես երգում ու պարում էին: Հիշեց: Նրանց մեջ կար կրակ ու բոց մի երիտասարդ, Կերշից, Մատվեյ Միկուլին անունով: Ասես ռետինե էր շինված, ոսկոր շուներ, գնդակի նման չատկում էր վեր...

— Ահա այնտեղ է...

Թումանյանը այդ լսեց և ուշքի եկավ: Իր կողմն էին գալիս վերից վար զինված մի քանի մարդիկ: Փափախավոր, դեղնած դեմքերով, փոքրիկ, փայլվուռն, ծակող աչքերով:

— Ձեր անո՞ւնը, — հարցրեց նիհար, վիզը կարճ մեկը և աչքերը մխրճեց նրա աչքերի մեջ:

— Միքայել Թումանյան...

— Նախկին ցարական սպա՞...

— Այո:

— Դո՞ւք էիք այդ նավակի հրամանատարը...

— Այդպես է:

— Նավակը շինողը հենց ինքն էր, — միջամտեց Եգորը: — Ինքը շինեց և զինեց...

— Ոչինչ, հիմա արդեն անվնաս է... վերցրեք կալանքի տակ, հետո կպարզենք:

Գյուղում պարբ շարունակվում էր:

15.

Պերոնյանը նավ էր եկել հանդիսավոր և տխրած: Օղի և ուտելիք էր բերել:

— Այժմ նստենք քո երազների այս պալատում, դժբախտությունների կատարին կանգնած ուրվատեսիլ նավում և հանգիստ խմենք:

— Բարձր ոճով ես խոսում... Ի՞նչ է, Պոլսի՞ց ես եկել...

— Նկատե՞լ ես, ամեն անգամ որ գործերը վատ են գնում և այդպես ասած, այլևս ասելիք չկա, հայերը բարձր ոճով են խոսում... Այդ թողնենք. ժամը ճիշտ չորսին, ինքնաշարժը կգա ինձ տանելու: Գիշերը մերն է, քնելու մտադրություն չունեմ. ունենայի է՛լ՝ աչքերս չէի կարողանա փակել...

— Գնում ես կովի դաշտ...

— Այո: Ֆինանսական նախարարության կողմից փող եմ տանում և այլն:

— Չեմ հասկանում, ասում էին զինադադար են կնքել:

— Վերջին վայրկյաններին թուրքերը իրենց պայմանները անընդունելի են դարձրել: Իմացել են, որ Ազգերի լիգան մերժել է Հայաստանը և Վրաստանը ընդունել իբրև անդամ... այդ տեսնելով թուրքերը այնպիսի պայմաններ են դրել, որ մեզ մնում է պատվով մեռնել և ուրիշ ոչինչ...

— Ազգերի լիգան... ա՛յ քեզ մարդկություն...

— Մարդկություն չկա, կա գայլություն...

Պերոնյանը նայեց դուրս:

— Մարդկություն չկա,— կրկնեց նա:— Կա, ահա, այս թանձր, անասող, խավար գիշերը, որ ուտինն կոշիկները հագած ման է գալիս աշխարհի վրա և ոտքը դնում, ճզմում, մարում այն ամենը, ինչ կարող է լույսի նմանվել... Նայիր դուրսը՝ խավար և լուծություն...

— Մյուս բարեկամները ո՞ւր մնացին...

— Երևի շուտով կգան...

Շուտով եկան նաև Մարտիրոս Ուրանյանը և Ստեփան Բանդունին: Նրանք ևս ուտելիք և գինի էին բերել:

Ֆեոդոր Պանտելեևիչը երբ շշերը տեսավ, մազերը արագ-արագ

սանրեց և հանդիսավոր երևույթ ստացավ: Ամեն ինչ դրեցին սեղանի վրա և նստեցին: Ոչ ոք ախորժակ չունեի: Ծրագրի մեջ նավթ չկար. մոմեր էին վառել: Կարբինը նեղ էր և կես մութ:

— Էսենց բաներ,— հառաչեց Ուրանյանը և լռեց:

Ուրանյանը սև, կայտառ, պնդակազմ մի տղա էր: Բժիշկի Չնայած իր համալսարանական կրթության և Պետերբուրգում անցկացրած տարիներին, մնացել էր գյուղացի: Պարզ, սզնիվ, համառ, ինչպես են Ղարաբաղի գյուղացիները: Գաղափարակից էր ռուս սոցիալիստ-հեղափոխականներին, համակրում էր ազգերի ֆեդերացիային, ահաբեկության, Բակունինի և Միխայլովսկու փիլիսոփայության: Մենակ եղած ժամանակ, բարձր ձայնով և ուժգին հայկական արտասանությամբ Կորոլենկո էր կարդում և աչքերը լցվում էին արցունքով:

Ստեփան Բանդունին, երկարահասակ, ակնոցավոր, վատ տնկված գերանի նման երեբացող մի անձնավորություն էր: Լավ ատամներ ուներ և կարճատես աչքեր: Չնայած մշակած լավկան գրականության, նա սիրում էր կյանքը և ամենայն եսասիրությամբ փնտրում էր նրա վայելքները: Ծեմարանական էր և վրայից, ինչպես բոլոր ճեմարանականների վրայից, փարաշայի հոտ էր գալիս, և միշտ խոսում էր կղերականների դեմ:

— Եղբայր, բաժակները լցրել եք և չեք խմում...

Ֆեոդոր Պանտելեևիչը, օղու երկրորդ բաժակից հետո, անկյունում կուչ էր եկել և ուսերը դողում էին: Երեսի գույնը անհետացել էր, աչքերը վարագուրվել: Հեբյանը սկսել էր նրա մասին մտահոգվել: Գնալով արագ ծերանում էր: Անդադար գանգատվում էր առողջության մասին: Գրպանում փոքրիկ մի իկոն էր կրում: Մենակ եղած ժամանակը նրան համբուրում էր և հետը ժամիրով խոսակցում:

— ...լցրել եք և չեք խմում...

— Ռուսին ուղարկի թոզ քնի. մեղք է... Նու, Ֆեոդոր Պանտելեևիչ, ուրեմն էղպես...

— Էստեղս, դոկտոր, էստեղս... Չեմ հասկանում, սեղմում է...

— Մի օր կգամ, ձեզ մի լավ կքնեմ... Հիմա պառկեք...

— Հալատո՞ւմ եք, պառկում եմ և... Որտեղի՞ց են գալիս, շեմ խմանում... ոգիներ, ոգիների ամբոխներ... Անիծյալ լինի...

— Դուք մենակ չեք, մենք ամենքս էլ շրջապատված ենք ոգիներով... շղթայված...

— Ինչո՞ւ չեք խմում, շեմ հասկանում...

— Ոչ ախորժակ կա, ոչ տրամադրություն:

— Ճիշտ ասացիր, բժիշկ, մենք ամենքս շրջապատված ենք ոգի-
ներով... Չար, անողոք ոգիներով...

— Ուզիները ներսն են, մարդկանց մսերի մեջ, ուղեղի մեջ... Չար
ոգին միջակուսյունների ոգին է...

— Մենք պատրաստված չէինք այդքան դեպքերի տիրապետելու
համար...

— Հարցը հենց գրանում է: Պատրաստված էինք փոքրիկ, ամե-
նօրյա կյանքի համար... Բժշկություն էինք անում, վարժապետություն,
փաստաբանություն, ծածկվում էինք կուսակցական միջին տեղերի վեր-
մակի տակ, եկեղեցական, դպրոցական հարցերին էինք խառնվում,
գաղթականների համար փող էինք հանգանակում, մի քիչ գենք էինք
փոխադրում, գաղտնի ժողովներ էինք գումարում... Խոսքս այդպես
անվանած մտավորականության մասին է... Մինչ դեպքերը եկան
ասավոր, կատաղի, տարերային...

— Եվրոպական դիվանագիտության գայլերի դեմ հանեցինք ժխա-
կան դպրոցների նախկին վարժապետներ:

— Բեռլինի համաժողովում, Գիզրայելի անվանված խորամանկ
հրեայի դեմ հանեցինք միամիտ և փառասեր երիմյանին...

— Մեզ պետք էր մի Գարիբալդի:

— Մեծ դեպքեր՝ փոքրիկ մարդիկ...

— Սակայն մեր ժողովուրդը մնաց հոգեկան բարձրության վրա:
Նա տոկունությամբ և հերոսությամբ կրեց դեպքերի ծանրությունը:

— Խմենք մեր ժողովրդի կենացը...

— Այդ այո, խմենք...

...Նավի շուրջը սահող գիշերը խորանում էր: Հեռվից խուլ, խա-
փանված որոտումի ձայներ էին լսվում և արձագանքելով փշովող ալիքի
նման մեռնում քաղաքի սահմանների մոտ:

— Պերոնյան, ես ուզում եմ անպայման քեզ հետ գալ...

— Եթե ինքնաշարժում տեղ լինի... Իսկ նա՞վը, նավը առանց նա-
վապետի ո՞նց կնավարկի:

— Նավը կպել է ժայռին և կանգ առել: Մովերը փախել են, և մենք
նավարկում ենք խավարի ալիքների վրա... Տեսնո՞ւմ ես, խոսում եմ
բարձր ոճով... Չէ, անպայման ինձ էլ կտանես...

— Վաղվա ճակատամարտը ամեն ինչ կորոշի: Կամ կոշնչանանք,
կամ...

— Ինչ էլ լինի... ոռուսները կգան: Արդեն հասել են Սևան:

— Ռուսները չեն, այլ բոլշևիկներն են...

— Ի՞նչ տարբերություն կա...

— Կա, Բանդունի, կա: Եկողները, նախ, մեծամասնական հայեր են, օգնական զորքն է միայն ուսական, երկրորդ, ցարական Ռուսաստանի և այսօրվա Ռուսաստանի միթոսները տարբեր են: Յարական տիրապետության պատճառները, այդպես ասած, բնազանցական էին, բիրտ ուժ, ձուլում, բռնապետություն: Մեծամասնականներինը տարբեր է: Այսօր Ռուսաստանը քառս է, որովհետև այնտեղ քանդվում է այն ամենը, ինչ հնից էր գալիս, և ստեղծվում է նորը, ճիգ է արվում այդ քառսը կազմակերպել:

— Ձեմ հասկանում, ինչի՞ է ուզում, որ մենք հետը լինենք...

— Դա էլ մի ուրիշ խնդիր է, Բանդունի: Ռուսը չի սիրում մենակ մնալ. նա սիրում է եղբայրությունը: Ի՞նչ է պատճառը, երևի ստեպները՝ միօրինակ, տխուր, անվերջանալի: Փնտրում է իրենից տարբերը՝ արևը, լեռը, փարթամ կանաչությունը...

Պետք է իրերի պատմական դասավորման վրա նայել մի քիչ բարձրից, թուղունի աչքերով... Հայաստան երկիրը պետք է վերածնվի և վերաստեղծվի... Այդ վերաստեղծումի մեծ դրաման բաժանված է գործողությունների... Առաջին գործողությունը՝ արևմտահայ գավառների ահավոր ողբերգությունը: Երկրորդ գործողություն՝ հայերի կենտրոնացումը այստեղ: Երրորդ գործողություն՝ Հայաստանի նյութական վերաշինությունը: Չորրորդը՝ հայության նյութական և հոգեկան վերածնունդը և նոր պատմական դարաշրջանի սկզբնավորությունը...

— Ինչ լավատես ես: Մարտիրոս:

— Լավատեսություն չէ, համոզում է: Գիտեմ մի բան, երբ մարմինը ենթարկվում է գործողության, պետք ունի հանգստի, ուժերը վերագտնելու համար: Մենք պետք է վերագտնենք մեզ, վերակառուցվենք: Այդպես չէ՞, Բանդունի:

— Ձէ, այդպես չէ: Վերակառուցվել կարելի է միայն հոգեպես, ազատ և անկաշկանդ որոնումների ճանապարհով, ոչ թե ուրիշներից պարտադրված...

— Դրանք մտավորականների բառեր են,— միջամտեց Պերոնյանը,— և իրականության շին համապատասխանում:

— Ինչպե՞ս, դու ուրանում ես ազատության սկզբունքը...

— Նախ պետք է մտածել ժողովրդի մասին...

— Ժողովուրդ, ժողովուրդ... Մենք ի՞նչ գիտենք ժողովրդի մասին...

— Հարց է...

— Ես գլուղացու զավակ եմ,— ասաց Ուրանյանը,— և կարող եմ ձեզ ասել, որ ժողովուրդը հանգիստ կմնա իր տեղում, ինչպես լեռը

մնում է, երբ մրրիկ է, բուք ու բորան: Մենք ժողովուրդը լավ շենք ճանաչում. մեր և նրա աշխարհը, մեր զգալու և նրա զգալու կերպերը տարբեր են: Ես ապրել եմ գյուղում, ես գիտեմ... Մենք կորցրել ենք հիմնական այն պարզությունը, այն խորությունը, բնության այն կապը, որով տոգորված է նա... Մենք վազում ենք ժամանակի ետևից, մինչ նա՝ հաստատուն հողի վրա կանգնած, թողնում է, որ ժամերը անցնեն իր կողքով... Անհամբեր և ջղախին՝ մենք մասնակցում ենք կյանքի անցուդարձերին մտքի ծավալով, իսկ նա՝ հանգիստ և անվերդով, թողնում է, որ այդ անցուդարձերը անցնեն իր կողքով և նայում է մարդկանց և դեպքերի վրա ներքին կայունությունից, որ մեզ անծանոթ է: Նա իրեն զգում է իրական, ինչպես իրական է դաշտը, լեռը, երկինքը և արևը, նա մնայուն է, ամբողջական, և այդ է անշուշտ պատճառը, որ նա չի կարողանում արտահայտվել, կմկմում է, պլզած աչքերով նայում: Այդ նայվածքը և այդ շկարողանալ արտահայտվելը մեծ խելք է, որ մենք շենք ըմբռնում: Նա եղել է, կա և կմնա...

— Ծղրա՛յր,— բացականչեց Հերյանը վհատված ֆայնով,— խոտում ենք ամեն տեսակ հարցերի մասին և մոռանում եք մի հարց, մեր սահմանների հարցը... Առանց Սուրմալուի, առանց այն հողերի, որ մենք կորցրինք, ինչպե՞ս կարող ենք ապրել...

Ամենքը մտահոգված լռեցին:

— Դա, անշուշտ, կարևոր և մեծ հարց է,— ասաց Պերոնյանը,— շատ կարևոր... Սակայն, պետք է ընդունել, որ մեր դժբախտությունների մեծ մասը առաջ եկավ հենց այդ հարցի պատճառով: Ամեն մի հայուղում էր, որ իր ծննդավայրը մեր երկրի սահմանների մեջ լինի: Մեզ կաշկանդեցին, մեզ վրա բարոյական բռնություն գործադրեցին և, կայծի է ասել...

— Վարվեցին կուսակցական մտայնությունով, ոչ պետական...

— Այդ հանցանք է...

— Անպայման,— համաձայնվեց Ուրանյանը:

— Ահա որ Բակունինը մեջտեղ եկավ,— ծիծաղելով ասաց Պերոնյանը:

— Նորից հարցը փոխեցիք: Ես սահմանների հարցի մասին էի խոսում, իսկ դուք Բակունին եք մեջտեղ բերում,— բողոքեց Հերյանը:

— Դու ի՞նչ ես մտածում, Ուրանյան:

— Ես կարծում եմ, որ առայժմ սահմանների հարցը երկրորդական է: Ժողովուրդների նպատակը մշակույթն է, իսկ մշակույթը խորություն է և ոչ տարածություն: Այսօր, ամենից լավ կազմակերպված, ամենից քաղաքակրթված ժողովուրդները հյուսիսային երկրների փոք-

րիկ ազգերն են: Նորվեգիան այնքան աղքատ է, որքան Հայաստանը, բայց տեսե՛ք... Չոր, մեռած հողերի, քարերի կույտերի, դարավոր լուսթյունով սառած լեռների առաջ կանգնած այդ ժողովուրդը պարտավոր է նորանոր գյուտեր անել հողերը կյանքի բերելու համար: Գյուտ անել, նշանակում է խելք գործադրել, հոգի մաշեցնել, ճիգ անել, հնարել, պայքարել: Մարմնով և հոգիով կերակրել շրջապատող միջավայրը, բնության և մարդկանց կրավորականության վրա հաղթություն տանել: Այդ մշակույթ է:

— Այդ այդպես է,— ասաց Պերոնյանը:— Պետք է սկսել ամենատարրական բաներից: Պետք է մոռանալ անցյալը, գոնե առժամայես, և վերսկսել ամեն բան նորից՝ պարզ սրտով, պայծառ աչքերով:

— Իհարկե...

— ...Դեռ մի շիշ գինի է մնացել...

Ֆեոդոր Պանտելեևիչը, որ ամբողջ ժամանակ մնացել էր կես քնած վիճակում, հանկարծ աչքերը բացեց, զարմացած շորս կողմը նայեց, տանջող մի մտքից ցնցված ոտքի կանգնեց և պաղատող ձայնով ասաց՝

— Գասպադա¹, ես ուզում եմ գնալ...

— Ո՞ւր, այդպես, Ֆեոդոր Պանտելեևիչ...

— Ո՞ւր, չգիտեմ... Ես ոչինչ չգիտեմ, ես ոչինչ չգիտեմ... Ուզում եմ գնալ, ուզում եմ գլուխս առնել փախչել... Գասպադա, ես ունեի մի զավակ... փոքրիկ դեղին բեղեր ունեի, կապույտ աչքեր ունեի, խելացի ճակատ ունեի... Երբ փոքրիկ երեխա էր, նա փայտի կտորներով նավ էր շինում: Գիմնազիայի շորքորդ դասարանում թվաբանության մեջ առաջինն էր և իր ընկերներին փողով դաս էր տալիս... Տեսնո՞ւմ եք ինչպիսի տղա էր իմ տղան... Եվ հիմա...

Հուսահատ ձեռքերը շարժեց և աչքերը լցվեցին արցունքով:

— Իմ զավակը... փոքրիկ դեղին բեղեր ունեի... Ես չեմ կարողանում, հասկանո՞ւմ եք, ես չեմ կարողանում... Ես գնում եմ...

Ասաց և նորից տեղը նստեց:

— Չգացվել է: Թողեք, կհանգստանա...

— Ահա հանգիստ նստել խմում ենք, խոսում, վիճում... Մտրդը վիճում է, որովհետև վախենում է մտածել...

¹ Պարոնայր:

— Հա, էլի...

— Ըի՛շտ է, Երբ մարդ մի վայրկյան լռում է, կարծես մեկը դղըր-դացող քայլերով գալիս է... Եվ մարդ խոսում է, վիճում է... Հը՞...

— Ուղղակի մարդ խեղդվում է, ոչ պոռալ կարող է, ոչ կանչել... Գինին էլ չի ազդում, ինչքան խմում ես, այնքան արթուն ես... Երբեմն էլ մարդ թմրում է, մարմինը չեզոքանում է, ես այստեղ չեմ, ասում է... Ձէ, հուսահատություն է...

— Այդ դյուրազգայնությունները թողնենք մի կողմ...

— Ի՞նչ դյուրազգայնություն. ես քեզ բան եմ ասում...

— Լինի, ինչ լինելու է... մենք ի՞նչ կարող ենք անել...

— Հեշտ է այդպես ասել... Մենք խոմ մահամեղական չենք, թե ինչ գրված է՝ միևնույն է, պիտի լինի...

— Եթե անգամ գրված է՝ խառն է... Ղուրան, Ավետարան, Զրա-դաշտ...

— Կարլ Մարքսի «Կապիտալը», Լենինի հատորները...

— Կատակը մի կողմ, կուզենայի իմանալ կաթողիկոսը այս բո-պեիս ի՞նչ է մտածում...

— Այս ժամին կաթողիկոսը քնած է և ոչինչ չի մտածում...

— Եթե կա մի հոգի, որ վշտահար ման է գալիս Հայաստանում, նա էլ մեր հարեան Աբովյանն է...

— Ման է գալիս և պատրաստում «Վերք»-ի երկրորդ հատորը...

— Նա էլ օրեր էր տեսել, հա...

— ...Կուլեծակի ասեսոր Աբովյանը, ապրիլ ամսի երկուսի լուսա-բացին տնից դուրս եկավ և էլ երբեք չվերադարձավ...

— Նրան ես Հայաստանի խավարը կուլ տվեց...

— Եղբայր, սա ինչ երկար գիշեր է...

— Եվ թող լինի երկար: Միևնույն է, լուսաբացը խինդ ու ծիծաղ չի բերելու...

— Սոսկալի է այս անորոշությունը: Մեզանից ամեն մեկը այլևս մի Աբովյան է, կայիր և չկաս...

— Փոխվում է գործողությունը, փոխվում են բեմազարդերը, և դու փախչում ես դեպի կուլիսները: Դեպքերը երեսիդ վրա ուրիշ դիմակներ են դնում, և դու այն չես, ինչ կարծում էիր որ ես...

— ...էլ պինի շմնաց...

— Ժամը քանի՞սն է:

— Զորսի մոտ է, ինքնաշարժը չեկավ:

- Սո, համենայն դեպս կպատրաստվեմ:
- Սպասեք, կւրժեմ ձայն է լսվում...
- Չէ, ոչինչ չի լսվում...
- Ինձ այդպես թվաց...
- Հա, նա է...
- Տեղոր Պանտելեևիչ, ես կվերադառնամ միայն երեկոյան... Ձեր աչքերը նավի վրա պահեք, խնդրում եմ... Ահա քանի օր է շունը նավ չի վերադարձել, ո՞վ է իմանում, որտեղ է թափառում, եթե գա, կպեք... Եվ, առհասարակ, Տեղոր Պանտելեևիչ, սատանան տանի, տրամադրությունը բարձր պահեք, բարձր...

I

...Քանաքեռի կողմից հնչում էր Ինտերնացիոնալը...

Ամեն կողմից մայթերի վրա թափված երիտասարդների խմբերը ուրախացած աղմկում էին և կուրծքները ուռեցնելով ուռա՝ կանչում: Պատուհաններից դուրս թափված ազգաբնակչությունը անձկությամբ նայում էր և սպասում:

Մայրաքաղաքի կենտրոնական փողոցում, մի նախարար և մի Բամբակետ՝ իրենց անբուն երեսների վրա լեղի ժպիտ կախած, անհանգիստ աչքերը այս ու այն կողմ ուղորելով սպասում էին...

Կարմիր բանալի և կոմունիստական կուսակցության ներկայացուցիչները պետք է ժամանեին...

Վերջապես, լսվեցին ձիապայտերի ձայներ:

Երևացին մարդիկ: Հնչեցին փողերը: Պղնձի աղմուկով Ինտերնացիոնալը հնչում էր մայրաքաղաքի վրա...

— Թող ամեն մարդ հանգիստ գործը շարունակե...

Հեղափոխական կոմիտեի անդամները, որոնք երկար ճանապարհի ընթացքում ցեխոտվել էին, ինքնաշարժերից վայր իջան, մտան նալբանդյան փողոցի տներից մեկը, զգեստների վրայից ցեխը թափ տվեցին ձեռքով, թմրած ոտքերը խփեցին գետնին, նստեցին կլոր մի սեղանի շուրջը, ծխախոտներ վառեցին և հայտարարեցին ժողովը բացված: Բոլորն էլ հայեր էին...

Տան առաջ հրացանը ձեռքին զինվորներ կանգնեցին:

Կաշվե բաճկոններ հագին և ատրճանակներով զինված տղաներ անհանգիստ այս ու այն կողմ վազեցին, ներս մտան և շտապ մեկնեցին, անհետացան:

Փողոցը փակվեց:

— Թող ամեն մարդ հանգիստ գործը շարունակե...

Մինչ զորքերը կարմիր դրոշակներ ցցած անցնում էին փողոցներից, ազգաբնակչությունը ողջունյի խանդավառ ուռա էր կանչում...

Ոչինչ չպատահեց: Անգամ տատամսող մարդիկ և կանայք մոտեցան պատուհաններին, վարագույրների ծայրերը կամացուկ վեր քաշեցին, նայեցին, ականջ դրեցին և, տեսնելով որ ամեն ինչ խաղաղ էր, զգույշ կերպով կանգնեցին շեմերի առաջ, այս ու այն կողմ նայեցին, ապա, ինչ ուզում է թող լինի... ծնկների թեթև դողը զսպելով իջան փողոց:

Ման եկան: Վեր վար:

Սկսեցին բարձրաձայն խոսել: Միծաղեցին, ինչպես վայել է անմեղ մարդկանց, որոնք քաղաքականության հետ գործ չունեն:

— Ախպեր, հայ են չէ՞, նրանք էլ մեզ նման հայ են...

Հայ էին:

Շատերը մինչև անգամ հանդիպում էին կոմունիստ հին ժանոթների: Ձեռքը երկարած վազում էին նրանց ողջունելու համար: Աղմուկով ուրախանում էին...

— Առաքելը... եղբոր նման ենք եղել, միասին հաց ենք կերել... պատվական տղա է...

Առաքելը կամ Մարտիրոսը այդ ողջուններին պատասխանում էին քաղաքավարի, զսպված ժպիտներով:

Խոսակցության մեջ ուրիշներ խառնում էին Մարքսի, էնգելսի, լենինի անունները:

— Դե, Մարքսը վաղուց ասել է...

Լսում էին և նայում:

— Թող ամեն մարդ հանգիստ գործը շարունակի...

Ձմեռը:

Մխնելույզների մեջ քամու կատունները անհանգիստ մլավում էին: Մռնչելով ավում էր տանիքների ձյունը: Քաղաքային կլուբում մարդ չկար: Խանութները վաղուց փակվել էին: Նալբանդյան փողոցի տան մեջ կոմիտեի ժողովը շարունակվում էր:

Վերը, ժայռի վրա նավի կայմը դողում էր և պարապ ծխնելույզը երգում:

Տևողոր Պանտելենիչը...

Հենց որ իմացել էր կոմունիստների դալու լուրը, պատուհանից կախած փալասի կտորի նման ծալվել էր: Անկյունում կուշ էր եկել և մրսել: Սակայն, երբ հեռվից լսել էր ներս մտնող կարմիր բանակի երածշտույթյան ձայնը, տեղից վեր էր թռել, դուրս նետվել, գնացել նրանց դիմավորելու: Գլխարկը խենթի նման թափահարելով՝ վազել էր նրանց կողքից և, ձայնը պահած, կեցցեններ պոռացել:

— Բրատցի, եղբայրներ, տավարիչի... կեցցե՛, կեցցե՛...

Իջել էր մինչև քաղաք: Մեկ մայթից մյուսը թռնելով, բռունցքները կրծքին վարնելով թավալ էր եկել կարմիր դրոշակի հետևից և խրզված ձայնով ճշացել, ոգևորվել:

— Գիտե՞ք, կապիտան, ուրեմն եկան, եկան,— ասել էր նա՝ շունչը կտրած նավ վերադառնալով:

Հերյանը նայել էր նրա աչքերի մեջ և ոչինչ չէր պատասխանել:

— Չե՞ք հասկանում, եկան, վերջապես, եկան...

— Ի՞նչ է, ուրախացե՞լ եք...

— Բա, ո՞նց շուրախանալ... Գիտե՞ք ովքեր են եկել... Կոմունիստները... Իսկական մարդիկ, իսկական զինվորներ... Հիմա էլ վերջացան պատերազմ, սով, շարչարանք: Հիմա կարող ենք շունչ քաշել, աշխատել, մտածել նավի մասին... Իսկական մարդիկ, իսկական զինվորներ...

Գրպանից լավաշի մի երկար կտոր էր հանել, արագ-արագ կերել և, վերարկուն վրան քաշելով պառկել քնել էր:

Մարտինը և շունը երկու օրե ի վեր կորել էին:

Հերյանը կարտուզը հագավ, բաճկոնի օձիքը բարձրացրեց և կանգնեց կամրջակի վրա, քամին նրան ետ հրեց և ապտակեց երեսին: Մութ էր: Քաղաքում մարել էին բոլոր ճրագները: Ոչինչ չկար: Չէին լսվում գիշերային հրացանածգույթյունները:

Գիշերը լափել էր Երևան քաղաքը:

Հանկարծ մեծ, անհասկանալի մի զորություն լափել էր Երևան քաղաքը...

Տները պառկել էին ուժասպառ, վշտոտ, դատարկված: Հերյանը ևս իրեն զգում էր ուժասպառ, վշտոտ, դատարկված: Ահ, լինել ծովի վրա, նավարկել...

Ռունգները բաց արեց և տարածությունով ծարավ՝ քամին ներս քաշեց: Այն չէր: Պակասում էր աղը: Լեռ էր և հող: Քար, փտած տերևներ, քար:

ձյուն էր: Հին, շարշարված և մաշված երկիր էր: Թրիք, ճարպով եփված տնային օճառ, գոմ և հարդ:

Երեսը երկարեց քամուն, որ խփի: Ինչքան նա խփում էր, այնքան սիրտը մղկտում էր: Նրա սրտում անխոս մի վիշտ, անհասկանալի և համր՝ թպրտալով անհանգիստ ման էր գալիս:

Անկարելի էր մտածել: Ինչպե՞ս կարելի էր մտածումով ընդգրկել անսահման ուժերի այս խաղը: Զորությունների այս բախումը, արթնացած ալիքների վիթխարի այս վազքը:

Իրեն զգաց ծիծաղելի և մենակ: Անուժ, լքված, որբ:

Եվ անձկությունով լցված նրա սիրտը ցանկաց նրան, որին ուղղված նամակը պահում էր գրպանում: Երբեք այդքան ծարավ չէր եղած սիրո համար, երբեք այդքան շէր սիրած սերը: Ու լաց եղավ որբը: Լաց եղավ այն մանուկը, որ յուրաքանչյուր մարդ կրում է իր մեջ. այն միա՝ միտ և անպաշտպան էակը, որ թույլ ձեռքերը երկարում է լրացուցիչ լույսին և ուզում է ամբողջանալ:

Նրա ամբողջ կյանքը Ֆիլմի արագությամբ անցավ աչքերի առաջից: Տեսավ ինքն իրեն: Ո՞վ ուներ այս աշխարհում, ո՞ւմ հետ էր սրբտով, մտքով, հոգով կապված... Ահագին շարշարանքներով փորձել էր վերագտնել իր երկիրը, իր հայրենիքը... Ի՞նչ պիտի լիներ, եթե նավից էլ գրկեին նրան...

Այդ միտքը սարսափեցրեց նրան: Այդ չէ, այդ երբեք. ավելի լավ էր մեռնել: Զէ, այդ չէ: Աչքերը փայլփլեցին և բուռնցքները սեղմվեցին: Ուրիշների համար այդ համեւտ նավը կարող էր նշանակութուն չունենալ, բայց իրեն համար ամեն ինչ էր: Իրեն համար կյանք էր, ներքին իմաստ:

Նավը, իր նավը...

Խոնավությունից ուսի վերքը սկսեց ցավել: Ներս մտավ, նստեց: Մոմը մարել էր: Ռուսը շարունակում էր խոմփալ: Ե՞րբ պիտի բացվեր լույսը: Ուզում էր, որ լույսը բացվի: Վախենում էր, որ լույսը կբացվի Գլուխը դրեց սեղանի ծայրին — այդպես սովոր էր անել հերթապահությունների ժամանակ — և աչքերը փակեց:

Նավի ծխնելույզը երգում էր:

— Ախ, դու անիծյալ սատանա,— բացականչեց Ֆեոդոր Պանտելենիչը վերարկուն ուսերից նետելով:

Այս ու այն կողմ շարժվեց, նստեց:

— Ի՞նչ է, կապիտան, քնած չե՞ք...

Հերյանը գլուխը բարձրացրեց և հորանչեց:

— Չէ, քնած չեմ:

— Ախ, ինչ լավ է, որ քնած չեք:

— Ինչո՞ւ:

— Ուղղակի տանջանք է...

Չեոքերը քսեց ճակատին:

— Ուղղակի տանջանք է,— կրկնեց նա:— Սատանան տանի... Ի՞նչ է, մոմը պրծե՞լ է...

— Պրծել է:

Հառաչեց և մութի մեջ խոսեց:

— Երա՞զ էր, տեսի՞լք... Մի տարօրինակ բան, բոլորովին, մի ուրիշ բան... Պատկերացրեք, իմ սեփական աչքերը հետեիցս ընկած ինձ հալածում էին... Ինչպե՞ս եք այդ բացատրում, ա, ինչպե՞ս... Ասում եմ ձեզ, ահա իմ այս աչքերը... կոպերի տակից դուրս եկած... Հետեիցս գալիս էին և ինձ հետապնդում...

— Նու, Ֆեոդոր Պանտելեևիչ,— մոմոաց Հերյանը նեղացած ձայնով,— դուք էլ միշտ...

Ուժ շունհցավ նախադասությունը վերջացնելու Աղմուկով հորանջեց:

— Պարզապես,— ավելացրեց քիչ հետո,— ձեր կերած լավաշը հում է եղել և չեք մարսել...

— Ինչ ուզում եք ասացեք, կապիտան... Չեմ հասկանում... Իմ աչքերը... Եվ ոչ թե այն աչքերը, որ ունեմ հիմա, այլ այն աչքերը, որ ունեի սրանից մի քսան տարի առաջ... Հիշում եմ հայելուց... Այն տարիներին խմիչքը և կյանքը նրանց այդպես փոխած չէին, նրանց բիբերը լցված էին արևով, ուստիսը պինդ էր և նայվածքը որոշ, ուղիղ և քիչ էլ խիստ... Եվ ահա՛ նրանք էին... Ինչպե՞ս նկարագրեմ այն, ինչ զգացի Վախեցա, կապիտան... Եվ ինչո՞ւ պետք է վախենայի իմ սեփական աչքերից, ահա, հարցը հենց դրանում է... Նրանք գալիս էին սահելով... երկու բիբերի կայծկլտող ասեղները իմ վրա սառած... Եվ ես փախչում էի...

— Երևի երեկ խմել եք...

— Դժբախտաբար, և ոչ մի կաթիլ...

Լռեց: Քիչ հետո տկտկող մի ձայն լսվեց:

— Ի՞նչ եք անում,— հարցրեց Հերյանը:

— Ոչինչ: Յուցամատով խփում եմ իմ գանգին...

— Հը՛...

— Յուցամատով խփում եմ իմ գանգին և ուզում եմ հասկանալ... Իմ սեփական աչքերը, կապիտան... Մտածում եմ նաև. երբ մեռնե՞ք

և ամեն ինչ մարի այդ մոմի հիման, պիտի մնան աչքերը իրենց հազարավոր նայվածքներով... Այդ նայվածքներում արձանագրված կլինեն մեր ամբողջ կյանքի պատմությունը, բոլոր եղելությունները, բոլոր զգացումները, բոլոր հուզումները, սերերը, ատելությունները... Եվ այդ նայվածքները կպատմեն շատ բաներ, որոնք ներկա էին մեր մեջ և մենք չէինք ըմբռնում... Պիտի հասկանանք և պիտի սարսափենք...

— Ը՞ր դա՛-ա... — մոմոաց Հերյանը:

Հետո լռեցին:

— Ծ՞րբ պիտի լուսանա,— մտածեց նա:

Այդ սպասումը անտանելի է: Անտանելի է:

— Ծս ասում եմ,— շարունակեց ուսը,— ասում եմ, որ մահից հետո կյանքը գնում է ետ և ոչ թե առաջ...

— Ի՞նչ եք ասում...

— Չե՞ք հասկանում ինչ է... Աչքերը վազում են ետ... Խեցզետի-նի նման... ապրած տարիները միշտ վերադառնում են... մինչև անհայտության այն գիշերը, որտեղից մի անհայտ մղանակ բոլորովին իզուր կերպով մեզ նետել էր լույս աշխարհ... Հող էիր և հող պիտի դառնաս...

— Մեծ նորություն ասացիք...

— Մեծ չէ, կապիտան, բայց ճիշտ է... Առհասարակ, չգիտեմ ինչ է... անա մտածում եմ մահի և ամեն տեսակ իմաստասիրական հարցերի մասին, իսկ իմ սիրտը շարշարվելու աստիճան պայուսնի իկրա է ուզում... Եվ անա մարդ ասված արարածը, շուրջը խավար է ման գալիս, լցվել է ամեն տեսակ վատ նախազգացումներով, իսկ մարմինը ձգտում է նուրբ և համով բաների...

Հռհռա՛ց:

...Եթե ուժ ունենար, առյուծի նման կմոռնար...

Ի՞նչ պիտի պատահեր վաղը:

— Ֆեոդոր Պանտելեևիչ, ի՞նչ եք կարծում, ի՞նչ կարող է պատահել մեզ հետ...

— Ի՞նչ եք ուզում որ լինի: Ծս արդեն որոշել եմ:

— Ի՞նչ եք որոշել:

— Ծս, կապիտան, ինձ հայտարարում եմ կարմիր:

— Հիմար բաներ եք ասում:

— Հիմար... իսկի էլ հիմար չէ... ինձ համարում եմ մեռած... Ահա կատակը ինչու է, մեռած եմ, չկամ... Անցել եմ, այդպես ասած, կյանքի սահմանները և մտել ուրիշ մի լինելության սահմաններից ներս...

Իսկապես, ենթադրեցեք, որ ընկել եմ անշունչ, որ մարդիկ եկել մարմինս հանձնել են մի կտոր հողին: Դուք կարծում եք ամեն ինչ վերջացել է, իսկ դուրս է գալիս, որ չի վերջացել, ձեր աչքերը բաց եք անում և տեսնում եք, որ այդ մյուս աշխարհը զարմանալի կերպով նմանվում է ներկա աշխարհին՝ նույն մարդիկ, նույն տները, նույն փողոցները: Ուրախանում եք: Մահը այնքան էլ սոսկալի չէ...

...Եթե ուժ ունենար, առյուծի նման կմռնչար...

— Դե, հիմա փորձենք քնել...

— Կա՛վ, քնենք:

Ոչ ոք չքնեց: Կտու՛մ էին քամու սուլոցը:

2

Առավոտյան, առաջին մարդը, որին Հերյանը հանդիպեց, Մաթոսն էր՝ հիվանդանոցի դռնապանը: Աչքերը քնով և վախով լցված, ուսերը թուլացած, վայր ընկնող տաբատը անդադար վեր քաշելով, նա հենց որ Հերյանին տեսավ, սկսեց բառերը ուտելով, թքելով, հառաչելով պատմել և գանգատվել:

Հերյանը շէր ուզում հավատալ: Նա գիտեր, որ ծպտյալ գործակալները սուտ լուրեր էին տարածում ժողովրդի մեջ:

— էղպես, ամբողջ գիշերը... մինչև լուսաբաց... — շարունակում էր Մաթոսը, — քաղաքում ոչ ոք աչք չի փակել... Մեկ էլ տեսար եկան, բոլորովին անսպասելի կերպով... կեսգիշերին կամ ավելի ուշ... Գալիս են, գինվորներով տունը շրջապատում, մտնում ներս և սկսում խուզարկություն...

— Ի՞նչ են փնտրում...

Մաթոսը ձեռքերը բարձրացրեց դեպի երկինք:

— Ի՞նչ իմանամ, քե՛ մատաղ, ի՞նչ իմանամ... Խոխեքը լաց են լինում, կիները սարսափում են, մարդիկ անկողնից վեր են թռնում և գույնը գցում...

Աչքերը դուրս ընկան և բեղերի ծայրերը ծալվեցին:

— Ամենից շատ պաշար և ուտելիք են փնտրում... — շարունակեց նա ձայնը իջեցնելով, — եղած-չեղածը տանում են Ռուսաստան...

Հերյանը ապշած նայեց մյուսի երեսին:

— Ռուսաստան, — կրկնեց նա:

— Ադա, դու էլ բան ասացիր...

— Ասված վկա, էնպես են ասում...

— Մխալ ես հասկացել: Ախր նրանք եկել են թշվառության մեջ քնկած ժողովրդին օգնության հասնելու... Մաթոս, խն՛ ես, ի՞նչ է... սխալ ես հասկացել... պաշարը Ռուսաստանից գալու է Հայաստան... և ոչ թե...

Եվ Հերյանը ջղախին ծիծաղեց:

Մաթոսը շապկան հանեց, ուժով թափ տվեց և նորից գլխին դրեց: Երեսը մոտեցրեց Հերյանի երեսին և աչքերը մեծ բացած՝

— Ինձ պատմեցին... տանում են, եղած-չեղածը տանում են... էլ այլուր ասես, լավաշ ասես, միս, հավ, մեղր, շորթան, լուբիա... Իսկ շատերին էլ տանում են բանտ... Ասում են գնացել են Մխալի բիձայի տունը... թե՛ հանիր ինչ ունես... — «Ծս ոչինչ չունեմ,— ասել է Մխալը,— ես վեց երեխի տեր մարդ եմ և կիսս էլ, տեսեք, հիվանդ պառկած է»: Զինվորները մտել են մառան...

— Դրանք այդպես կոչված ականատեսի սուտեր են, մի՛ հավատաք... — ասաց Հերյանը:

— Բա՞...

Լոեցին: Հերյանը հեռացավ:

...Ման էր գալիս ոտքերը մի քիչ գետնին քսելով: Եվ ոտքերի այդ քավելը, ինքն էլ չգիտեր ինչու, իրեն հիշեցրեց նախ ալիքների մեղմ շփումը ափին, ապա խոտը կտրող գերանդիի խուլ խշշոցը... Ճրբիկ, ճրբիկ... Մարմնի վրայից սարսուռ անցավ... Այդ պատկերին հաջորդեց ուրիշ պատկեր: Մառածեց, երբ գործիքի սուր դանակը մխրճվում է խոտերի մեջ, հարևան բույսերը երևի զգում են մոտեցող վտանգը, բայց չեն կարողանում փախչել...

Սիրտը հուսահատվեց:

Որոշեց իջնել քաղաքի կենտրոնը:

Քայլեց հանգիստ, աչ ու ձախ նայելով: Անցորդները շտապ-շտապ անցնում էին և անհետանում փողոցների անկյուններում: Կենտրոնական փողոցում հանդիպած քահանան մորուքը շոյելով մտավ եկեղեցի: Նրա հետևից ներս մտան մի քանի ծերեր:

Ուրեմն, ոչինչ չէր փոխված: Մաթոսը չափազանցում էր:

Ներքևից եկող մեկը՝ կաշվե բաճկոն, բարձր կոշիկներ, ատրճառակը մեջքին անցավ Հերյանի կողքով: Կայծկատող նայվածքը կանգնեցրեց Հերյանի աչքերի մեջ և պեղեց մինչև աղիքները: Կարծես բզբոզ մի մեծ միջատ խայթեց նրան:

Այդ նայվածքը թունավորեց Հերյանի սիրտը: Սառը մի հեղուկ վազեց ծնկների միջից:

— Ո՞վ կարող է լինել,— մտածեց:— Երևի ինձ շփոթեց մի ուրիշի հետ:

Այնուամենայնիվ, անտանելի ճնշվածություն զգաց: Ինչ-որ ուժ նրան սեղմեց աքցանի մեջ: Իրեն զգաց կաշկանդված, շղթայված, ճնշված: Ինքը սովոր չէր կաշկանդումի, սովոր էր ազատ կյանքի: Ընդվզեց: Արյունը գլխին տվեց: Ուզեց փողոցի մեջտեղը կանգնել և բղավել: Սակայն հրաժարվեց և ձեռքերը մեջքին դրած անտարբեր շարունակեց փողոցից վայր իջնել:

Նավի առաջ կանգնած Ֆեոդոր Պանտելեևիչը սպասում էր նրան:

— Ա՛հ, կապիտան, լավ է եկաք... Չգիտեի ինչ անել... եկել ձեզ էին հարցնում...

— Ի՞նչ: Ո՞վ:

— Իշխանության կողմից: Նավի մասին տեղեկություններ էին ուզում, ես ինքս կարող էի նրանց բոլոր տեղեկությունները տալ... ուզում էին ձեզ անձամբ տեսնել:

Հերյանը նայեց ռուսի աչքերի մեջ:

— Գիտե՞ք ինչ, կապիտան... Ծս ուզում եմ գնալ քաղաք...

— Լավ, գնացեք...

Մտավ նավ, պայուսակը լցրեց ինչ կարող էր, կաբինը բանալիով կողպեց և դուրս եկավ:

Ռուսը արդեն մեկնել էր: Մուժ էր:

Պայուսակը վերցրեց, վերջին անգամ նայեց նավին և, կուրծքը մուժին տալով, հեռացավ:

3

Հերյանը նախ մտածել էր բարձրանալ Սևան, բայց քիչ քայլելուց հետո միտքը փոխել էր, կողմնակի փողոցներով իջել էր մինչև Զանգուի կամուրջը և մտել Վաղարշապատ տանող ճանապարհը:

Այդ արել էր առանց շատ երկար մտածելու, գրեթե բնազդաբար, քամու հոսանքի ուղղության հետևող թռչունի պես: Բացի այդ, տարվա այդ եղանակին Սևանի ճանապարհը լցված էր ձյունով, քամիներով և լեռներից իջած սոված գայլերով:

Այլևս ոչ մի «ինչու» գոյություն չունեի: Ահա մուժը եկել փաթաթվել էր նրա մարմնին. ահա եկել էր նաև ծերունի ցուրտը՝ ոսկրոտ և անկյունավոր. ապա բոլոր մարդիկ մտել էին տներից ներս, պատըս-

պարվել հաստ պատերի ետև, իսկ ինքը տուն շուներ, ապաստարան շուներ, այլևս ոչինչ, այլևս ոչինչ:

Նրանք՝ Հերյանը և նավը, եկել էին ծովի կողմից երազով լցված աչքերով: Եկել էին ծովի կողմից և ընկել քարերի, հողերի, լեռների ծոցը: Ընկել էին վայրեր, որտեղ ձյուն, քամի և տառապանք կար: Տավար, հող, արշուն, մարդկային մարմին, թրիք և ժայռ:

Ցուրտ էր: Մութ էր:

Քայլում էր արագ, տաքանալու համար: Ավելի արագ վազում էին նրա մտածումները: Ո՛ր էր գնում, ինքն էլ չգիտեր:

Երկինքը լցված էր կանաչ աստղերով: Կարծր ձյունը մղկտում էր նրա ոտքերի տակ:

Բաղերի շուրջը քաշված հողաշեն պատերի ետևում հաստ ձյուն էր նստել, ամեն ինչ ծածկել: Ձմռան որթատունկերը իրենց ջերմութունը պահող մեռելներ էին, գարնան այդ գերեզմանները պիտի բացվեին և նրանք շրթունքները արևի ստինքներին կպցրած պիտի բարձրանային վեր, հողերը թափ տալին և վերապրեին նոր և գեղեցիկ կյանքով:

— Մարդ արարածը ևս, — մտածեց Հերյանը, — քանի-քանի՞ անգամներ անհետանում է ինքն իր մեջ, մրափում իր մսերի ծալքերի խորքում, ապա, մի նոր գաղափարի արևի լույսի տակ, նորից վերադառնում է կյանքին և ծաղկում գարունով:

Այո, քանի-քանի՞ կյանքերով է ապրում մարդ արարածը...

Ահա ինքը՝ գիշերվա և ձյունի մեջ կորած մի մարդ, որին տանում է ճանապարհը, որի ձեռքից բռնել են քամին և գիշերը և տանում են չի իմանում ուր: Եվ ինքը՝ հեռավոր ճամփորդությունների նավապետ Արա Հերյանը և ոչ բոլորովին ինքը, ոչ բոլորովին Արա Հերյանը: Ինքը, որթատունկի նման առայժմ ծածկված է գիշերով, ցրտով, աստղերով և անհայտով:

...Կարևորը այդ չէր սակայն: Կարևորը իր միութունը և իր գիտակցությունը շիրտներին էր: Չկորցնել ներքին աչքերը: Կապույտ այն բոցը, որ ետ քաշված, նայում է իրեն կրող մարմնի ամեն մի շարժումին, շրջապատող գեպերին, աշխարհի շարժումներին և մնում է անփոփոխ, ինքն իրեն հավատարիմ: Մնում է նույնը՝ կյանք — մահի և մահ — կյանքի ոլորվող շրջաններում, մինչև հավիտեանություն...

Ինչ լավ արեց, որ մեկնեց քաղաքից:

Այն վայրերը, որտեղից նա անցնում էր, այնքան մոտ էին սրտին, այնքան հոգեպես մտերիմ, որ նա իրեն այլևս մենակ և լքված չէր

զգում: Արարատյան դաշտը, Մասիսի հսկա ստվերը, էջմիածինը, բաղերը, տների մեջ քնուծ շինականները և լուսթյուններով, ցրտով լցված մեծագի այս գիշերը, վերևից նայող այս աստղերը, ձյունը և ձմեռը չէին կարող իրեն դավաճանել, որովհետև ինքն էլ մի պատառ Մասիս էր և մի պատառ էջմիածին, և՛ աստղ, և՛ գիշեր, և՛ ձմեռ...

Զէ, սիրտը հանգիստ էր: Հիմա նույնիսկ գիտեր, թե ուր պիտի գնա: Զէ՞ որ Ուրանյանը վաղարշապատում էր: Նա մնացել էր այնտեղ վիրավորվածներին բուժելու համար: Ուրանյանը, կայտառ, մաքուր, Ուրանյանը, որից լեռ էր հոտում, ժայռ և թթենի:

Այդ միտքը նրան ուրախացրեց: Կանգ առավ, ժպտաց գիշերին, ձեռքերը տաքացնելու համար մեկը մյուսին քսեց, պայուսակը բարձրացրեց և քայլեց: Մի գյուղի մոտից անցնելիս, շների հաշոց լսեց: Կրակեցին օդում: Նորից ամեն ինչ լռեց:

Այդ լուսթյունը, և այն ամենը, ինչ այդ լուսթյունը նվաճել էր, փարվեց նրան, միացավ նրա մարմնին, լցվեց նրա աչքերի մեջ, պառկեց նրա սրտի վրա, և նա քայլեց կես հափշտակված, այդքան մեծություններից գրեթե հարբած:

Գիշերը սարսուռում էր քամուց հպված թմբուկի նման:

— Հարցը նրանում է,— մենախոսեց նա,— որ մենք չափազանց կապված ենք իրերին: Մեր ձեռքերը, մեր միտքը, մեր զգացումները կաշկանդված են, շղթայված են առարկաներով: Մենք մերը չենք, մենք մենք չենք, այլ քանակությունների մի մասը, կշռույթի, չափի մի աստիճան:

Մինչ ահա գիշերը կառուցել էր անսահման մի աշխարհ, նա քայլում էր և նրա քայլերը ընթանում էին լայն, մեծղի, անվերջանալի անհայտության մեջ: Ոչ մի սահման, ոչ մի շղթա:

Միություն, լիություն:

— Ա՛հ, կարողանալ այդ միությունով մնալ ընդմիշտ զղեստավորված, կարողանալ հրաժարվել հանուն այդ միության...

Հիմա հասկանում է: Հարուստ է նա, ով ամեն ինչից հրաժարվում է: Մերկանում է իր մարմնի սահմաններից, բաց է անում իր մտքի բոլոր պատուհանները և աշխարհը ընդունում է ներսը, ինչպես մի նվազ, որը արյունի և զարկերակի է վերածվել:

Երբ հասավ վաղարշապատի մոտերը, աստղերի բազմությունը ցրվել էր: Երկնքի ծայրին տարածվող ազաթ և ոսկի դաշտերում արևը կրակ և լույս էր ման ածում:

Հերյանը կանգ առավ անորոշութեան մասնոված այդ երկնքի տակ և ինքն էլ մատնվեց անորոշութեան: Գյուղաքաղաքը դեռ փաթաթված էր ստիւերներով: Մարդ չկար:

Պայուսակը դրեց վար և ոտքի ծայրերը խփեց գետնին. ցրտից մարմինը փայտացել էր: Շուտով երկնքի վրայից լայն լուսեր սահեցին և արևելքի կողմից հրավառ բոցեր բարձրացան: Հերյանի աչքերը լայնացան. նրան ողջունելու եկան ոսկեթագ Արարատը և ճանապարհի աջ կողմում ցցված Հոփսիմեհի եկեղեցին:

Նավապետ Հերյանը կարտուզը հանեց, բարևեց Արարատին, բարևեց Հոփսիմեհին:

Նստեց պայուսակի վրա և նայեց:

Հուզումի մի մեծ ալիք բախվեց նրա սրտին, նվաճեց նրա ամբողջ անձը: Ամբողջ գիշեր քայլել էր: Ոչ մի հոգնություն չէր զգում: Աչքերը թարմ էին, և առավոտը պաղ ձեռքերով լվացել էր նրա երեսը:

— Հայոց աշխարհի Պարոնը, — փսփսաց նա Արարատին նայելով: — Ամեն ինչ սկսում է նրանով և ամեն ինչ վերջանում նրանով: Հայոց աշխարհի մեծ Պարոնը:

Նորից կարտուզը հանեց և խոնարհվեց:

Նայեց Հոփսիմեհին և հիշեց Միրանյանի խոսքերը: Մեղեդիացած բոց, թաքնված երգ, ներդաշնակություն, ճրագ: Տարակույս չկար, Արարատը և Հոփսիմեհն Հայոց աշխարհի հոգեկան այն երկու բեռներն էին, որոնց միջև ընթանում էր ամբողջ հայ ժողովրդի պատմությունը:

Հերյանը հասկացավ: Որ նոր իջնող ճառագայթների մեջ հանկարծ կենդանություն ստացած այդ տեսիլքը պարզ ճարտարապետություն չէր, քարերի ներդաշնակ շարվածք և գծերի հոյակապ կառուցվածք չէր միայն... Մեծ էր և խոր, ոչ կրոնական հանգամանքի պատճառով, այլ որովհետև նրա զորությունը գալիս էր մի ուրիշ աշխարհից... Գարդացել էր, որ Տիբեթի լեռներում ապրող կրոնավորները կյանք էին ներշնչում մարդկային ձեռքերով շինված կուռքերին: Նրանց լուսավորում էին նրբագին և անտեսանելի այն լույսով, որ ամեն ինչ այլափոխում էր, վերածնում, կենդանացնում:

Առարկաները գիտապրում էին:

— Ահա, նույն բանը և այստեղ, — ժտածեց նա: — Գարեթի ընթացքին հայ ժողովուրդը արտաշնչել է այդ քարերին և այդ լեռներին հոգեկան հեղեղներ, և այդ քարերը և այդ լեռները այլափոխվել են, լուսավորվել, վերստեղծվել և վերապրել նոր կյանքով:

Հիմա հասկանում էր: Հոփսիմեհն կառուցված էր հոգիով, ոչ թե քարերով: Հոփսիմեհն կառուցված էր հայ հոգու նրբագին շաղախով,

արևային դիզվածություններով և մտքի վերջնական պայծառությունով: Մինչ ուրիշ միջավայրերում հայ մարդիկ, ցրված, այլանդակված, պատան-պատառ եղած կորցրել էին իրենց իսկությունը, ծածկվել դիմակով և ցնցոտիներով: Նա մնացել էր ոչ իբրև վկա և հիշատակ, այլ իբրև ներքին շափ, կշռույթ, առանց որի անկարելի է լինել և տևել: Նա մնացել էր, մինչ օտար ժողովուրդներ և օտար ոգիով հայեր եկել անցել էին...

Մտածեց իր մասին, մտածեց իր նավի մասին:

Ի՞նչ էին նրանք այդքան մեծության առաջ... Եվ սակայն ինքն էլ Տիրեթի մոզերի նման արտաշնչել էր իր հավատքը, լինելու և ներքնապես կառուցվելու իր կամքը, տևելու իր ցանկությունը... ծովերից եկած երկաթե այդ էակին... Նավի միջոցով նա ուզեցել էր միանալ այն հոգեկան աշխարհին, որից այդքան տարիներ մնացել էր կտրված...

Իսկ հիմա...

Պայուսակը վերցրեց և քայլեց:

* * *

Նրան տեսնելիս Ուրանյանը բարձի վրայից գլուխը վեր բարձրացրեց, զարմացած աչքերը լայն բացեց, ուրախացավ և անկողնից վեր թռնելով, մոտեցավ նրան և... գրչախառնվեցին:

— Ի՞նչ լավ ես արել, ի՞նչ լավ ես արել, որ եկել ես... Հալա թող ինքնահող բերեն, տաք-տաք մի թեյ խմենք, հետո կանցնենք հրատապ հարցերին... Ադա, տեսա՞ր... Բա, որ ասում էի, չէիք ուզում հավատալ... նստեք, նստեք...

Հերյանը նստեց և պատմեց բոլոր եղելությունների մասին:

Ինքնահող բերեցին, և երկուսն էլ թեյ խմեցին:

— Գիտե՞ս ինչ,— ասաց Ուրանյանը,— ամբողջ գիշերը շես քնել, պառկիր հանգստացիր, իսկ ես զնամ հիվանդներինս մոտ... Մի քանի ժամից այստեղ կլինեմ, միասին կճաշենք և մեր աշխարհի գործերի մասին կխոսենք... Յր...

Հերյանը պառկեց և անմիջապես քնեց:

— Նստեք... բժիշկ, բարի եկաք, նավապետ, բարի եկաք... Այդպիսի բաներ, այո, այդպիսի բաներ... Ինչ եմ մտածո՞ւմ... Ի՞նչ կարող եմ մտածել... Մի մոռանաք, Հայաստանյաց առաքելական եկեղեցին շատ երկար անցյալ ունի... Ամեն տեսակ եղելություններով, դեպքերով, ողբերգություններով լցված... Եթե մեր եկեղեցու քարերը կարողանային պատմել այն ամենը, ինչ տեսել են, դա կլիներ բոցով և ար-

յունով գրված մի գիրք... Վանական այս կյանքը մենք ընդունել ենք հոժար կամքով, պատրաստ ամեն ինչ անելու մեր ժողովրդի համար, և ոչ մի բանից չենք վախենում... Ծկողները հայեր են, չէ՞... Նրանցից շատերը մեր դպրոցներում են կրթվել, մեր վանքի հացով են մեծացել, մեր Արարատի շուքի տակն են հասակ առել... Քերե՞ք նրանց՝ և տակը հայրենասերներ կգտնեք... Հավատացե՛ք, իզուր եք ծիծաղում... Մարդկային հոգեբանությունը շատ տարօրինակ է... Երբեմն հանդիպում ես մարդկանց, որոնք ամեն ինչ ուրանում են՝ աստված, կրոն, հավատ, եկեղեցի/ Ուրանում են ցավող, տանջվող սրտով, անհանգիստ, ըմբոստ մտքով, բարկացած, կատաղած... Ես նրանց նախընտրում եմ ձևով հավատացողներին, որոնք եկեղեցի են զնում, մոմ են վառում, խաչ են հանում առանց ներքին կրակի, առանց տանջանքի, պարզապես ասածո հետ բարեկամական հարաբերությունները պահելու համար...

— Նույն բանն է հայրենասիրությունը: Ըստ իս, մեր մեծամասնականների հայրենասիրությունը շփագանց հպարտ մի հայրենասիրություն է, քրով շքավականացող, մեծ թոհքներ պահանջող, միանգամից ամեն ինչ իրականացնել ցանկացող... Նրանք զգում են, տեսնում են, որ զուտ ազգային միջոցներով ոչ մի նպատակի չենք կարող հասնել. խեղճ, կոտորված, մենակ մնացած ժողովուրդ ենք, որ մենք պետք ունենք ուրիշներին, պետք է մեր թույլ ձեռքերը բազմապատկենք միլիոնավոր ուրիշ ձեռքերով, կազմակերպվենք, վերածնվենք, միանանք՝ ավելի վեր բարձրանանք... Իսկ մյուսները սպասում էին Եվրոպայի օգնության, Ամերիկայի աջակցության, Ազգերի Լիգայի միջամտության... Հայ մեծամասնականները հասկացան, որ Եվրոպան պիտի իաբի... և խաբեց, որ Վիստնի խոստումները վարդագույն քամի էին և դուրս եկան քամի, որ Ազգերի Լիգա ասվածը գայլ պետությունների ձեռքին շահագործման զենք էր և դուրս եկավ այդպես: Դիմեցին հեղափոխական ուժերին, որ ահա եկան... Մեր այս ազգը գոնե մի քսան տարի հանգստի կարիք ունի, իր տունը, իր ներքին բարոյական ուժերը, իր պայքարի միջոցները վերաշինելու համար... Հիմա եկել են, տեսնենք... Ես կարող եմ ասել, որ նրանք կլինեն հավատավոր և մղեռանդ հայրենասերներ, կերպվեն Վարդան Մամիկոնյաններով, մեր քաջերով, մեր հերոսներով և կողդան բոլոր ազգային արժեքների վրա... Ասացիք, որ եկեղեցին վտանգվելու է... Այդ էլ նորություն չի: Հայաստանյաց եկեղեցին երբևէ անվտանգ ապրած է... Ես իբրև վանական այդպես եմ մտածում. Հայաստանյաց եկեղեցին հայ ժողովրդի համար է, ոչ թե հայ ժողովուրդը Հայաստանյաց եկեղեցու համար: Եթե վաղը այս եկեղեցին այլևս հայ ժողովրդի հոգեկան կարիքներին բավարարություն չի տա-

լիս... կամքը մերն է, կընտրենք ուրիշ ճանապարհ, աստվածութեան ուրիշ կերպեր...

— Հնում էլ,— ասաց բժիշկը,— մեր աստվածները եղել են օժանդակ ուժեր, ժառանգել, նպաստել են մեր հերոսներին, ոչ թե հակառակը... Հայր աստվածներ ստեղծող ժողովուրդ է, և ոչ աստվածանվեր...

— Դրանք բարդ հարցեր են, և ես, իհարկե, իբրև քրիստոնյա չեմ կարող ձեզ հետ համաձայնվել: Ծկեղեցու աստվածարանական սկզբունքները...

— ...Ի՞նչ պետք է անել, ի՞նչ դիրք պետք է բռնել,— հարցրեց Հերյանը:

— Ինչ վերաբերում է ինձ, ես իմ պատմագրի աշխատանքները առաջ կտանեմ, ինչպես մինչև հիմա... Ահա տեսեք. ահագին ձեռագիրներ, երեսուն տարվա աշխատանք և դեռ անտիպ են... Ինչ հրաշալի գանձեր ունենք, որոնց մասին ոչ օտարները գաղափար ունեն և ոչ հայերը... Դժբախտութուն է, որ մենք մեզ չենք ճանաչում... Շարունակենք աշխատել, կարևորը այդ է... պատմում են, որ գնդակ խաղալիս ձեմարանի աշակերտներից մեկին հանկարծ հարց են տվել, թե ի՞նչ կաներ, եթե իմանար, որ կես ժամից վերջին դատաստանն է, նա պատասխանել է.— «Ինչ կանեի՞. կշարունակեի գնդակ խաղալ»... Հիմա մենք ենք. շարունակենք մեր գնդակը խաղալ և սպասել... Շատ ուրախ եղա, շատ... Նորից համեցեք... անպայման համեցեք...

Եվ միջահասակ, առատ հոնքերով վանականի խոնարհած աչքերը ժպտացին և մեծ, լեցուն, մազոտ ձեռքերը ծալվեցին կրծքի վրա:

Արագ քայլերով և մտազբաղ նայվածքներով ուրիշ վանականներ էին անցնում նրբանցքից: Նրանցից մեկը Ուրանյանին ճանաչեց, կանգ առաւ և պրպտեց նրա աչքերի մեջ:

Էջմիածնի շրջաբակում բնակարաններից շատերը փակ էին, ուրիշների մեջ նոր, ոչ կրոնական եկվորներ էին տեղավորվել: Երեխաների և կանանց ձայներ էին լսվում: Աղմուկ, ծիծաղ:

Ուրանյանը և Հերյանը հանդիպեցին այդ եկվորներից մեկին, որը ձաղատ զլիով և մոխրագույն աչքերով փոքրահասակ մի մարդ էր:

Ուրանյանը նրան ճանաչում էր:

— Ուրեղից որտեղ... Դուք էլ էստեղ եք տեղավորվել... — զարմացած բացականչեց նա:

— Ի՞նչ արած, մի կերպ յուր ենք գնում...

Բոունցքները միացրեց, տարավ բերնի մոտ և հռհռաց:

— Իբրև բնակարան էնքան էլ վատ չի... Ժամանակին մեր հա-

բուստները վանականների մասին են մտածել, նրա՛նց համար տուն տեղ են կառուցել... Կարծելով, որ առանց աստանով՝¹ արքայութուն պիտի գնան... Փառասիրութուն, ուրիշ ոչինչ... Շենքերի վրա գրաբար արձանագրութուններ են փորագրել տվել, հայկական թվականներ և հիշեցեք, մայրս՝ Անթառամ, հայրս՝ Աբիսողոմ...

Նորից ծիծաղեց: Շարունակեց.

— Դե, որ շինել են, մի քիչ էլ մենք վայելինք: Երկու սենյակ, մի խոհանոց, հոսուն ջուր. էնքան էլ վատ չէ... Հայաստանը մեծ մի տուն է, տանիքը՝ երկինք, պատերը՝ լեռներ, համա սենյակ ասես՝ չկա, և հենց դրա համար էլ, ուր որ մի օթախ է ճարվում, հազար մարդ է թափվում... Դե, իհարկե, վարդապետները շատ էլ ուրախ չեն, երեսներինց թույն է կաթում, քթի տակ մոմալուով են ման գալիս, մորուքի ծայրը կրծելով են անցնում... Գրսի ճղտի-մղտի մարդիկ եկել մտել են սրբատեղի... կինոյի են վերածել... ցորենի պաշարը սպառել, շորացած պտուղների տոպրակները բաց արել... վայելում են... Իսկի շատ բան չի մնացել: Գաղթականները մորեխի նման ամեն բան կերել մարսել են... Արի տես, որ երիտասարդ վարդապետներից շատերն էլ մեծամասնականների գալուց օգտվելով, վեղար-մեղար դեն են շարտել, գնացել քաղաքում ազատ քաղաքացի են դարձել, աղջիկների հետ սիլի-բիլի են անում... Վանքում ծերերն են մնացել՝ և էղպես ավելի լավ է... Ինչպե՞ս ասացիք, բժիշկ... Զէ... չեմ կարժում, որ ամեն բան պետք է քանդել, ընդհակառակը... երբ դաշտի վրայից կատաղի քամի է անցնում, մնում են կանգնած այն բույսերը, որոնք իսկապես տոկուն են, որոնց արմատները ամուր կպած են հողին: Ախր, կրոնավորը մի բան է. կրոնական զգացումը մի ուրիշ բան: Էջմիածինը եղել է, կա և կմնա... Ամեն ինչ կդասավորվի... եթե կյանքին անհրաժեշտ է, կգտնի տեղը... Հիշում եք, չէ՞, բժիշկ, երբ ապրում էինք Խարկովում, հեռավոր հայրենիքը մշուշոտ երազի նման գանգատվում էր մեր բոլորի սրտի մեջ, մտածում էինք, տխրում... էնպես չէ՞... Կարոտ էինք, միշտ կարոտ, անբավարարված... կիրակիները գնում էինք եկեղեցի, ոչ թե տեր Հովհաննեսի պատարագը հավատացյալի սրտով լսելու, այլ լեզուն, երգը լսելու, եկեղեցական արարողությունը, հայկական վեղարը և փիլոնը տեսնելու համար... Գիտեք էլի խունկի հոտը, քշոցը, բուրվառը, սուրբ-սուրբը, և հետո բարեկամի մոտ կերած ճուտով փլավը, տերևի դոլման կամ կոլոլակը... Ուզում եմ ասել, հենց որ կիրակին գալիս էր— գործից և մտահոգություններից ազատ ժամերին — մարդ սրտով, մտքով թուշում գալիս

¹ Կանգառի

էր աշատեղ, մեր երկիրը... Շարականի նիշերի ետևից Արարատի գլուխը
ցցվում, մեծանում էր, սուրբ-սուրբի ժամանակ մեր դաշտը փովում, լու-
սավորվում էր... Ինչպե՞ս... Հա-հա-հա... Լավ ասացիր. ճուտի թևը կե-
րած ժամանակ հայրենի հավնոցները կտկտալով աղմկում էին... Հա-հա-
հա... Լավ ասացիք, բժիշկ, շատ լավ ասացիք...

Լրջացավ, մտածեց և ասաց.

— Կատակը մի կողմ. մի բան եմ ուզում ասել... Ի՞նչ էի ուզում
ասել... Հա, հիմա որ եկել ենք, հիմա որ մեր հողերում նորից արմատ
պիտի նետենք, ի սեր հայրենիքի, հին-մին բաները մի կողմ նետենք,
բուրվառ-մուրվառից ազատագրվենք, պատրանքներից ազատագրվենք
և, տղամարդի նման, Արարատի դեմ-հանդիման կանգնած, կյանքի պա-
հանջներին նոր լուծումներ գտնենք... Երկիրը ինչ ասելիք ունի, թող
ասի, և մենք էլ մեր ասելիքը ասինք երկրին առանց ավելորդ միջնորդ-
ների... Հասուն մարդկանց նման գործ անենք, քար տաշենք, քար դի-
գենք... էնպես չի՞... Շատ ուրախ եմ, շատ... Մի օր էլ եկեք, մի կտոր
հաց կուտենք, մի բաժակ գինի կխմենք...

Երեկո էր, իսկ եկեղեցու զանգակները չէին ղողանջում:

Լուռ էր Գայանեն, լուռ էր Հոփիսիմեն:

Վարը տպարանը անգաղար աշխատում էր: Տպում էին Լենինի ճա-
ռերը: Կոմսոմոլը: Կոմունիզմի այբուբենը: Կրոնը թույն է: 25,000 օրի-
նակ:

Պատշգամբից մի վարդապետ վախեցած աչքերով նայում էր և
շրթունքները կրժողում:

Մտել էին անկողին, իսկ քնել չէին կարողանում:

— Ի՞նչ է, բարեկամ, հիվանդ խոմ չե՞ս: Աչքերդ փայլում են, բա-
ռերը աղբյուրի նման կլկլում... Ադա, չլինի՞ ջերմ ունես... եկ, զարկե-
րակղ նայեմ...

— Ի՞նչ ջերմ, ի՞նչ բան... Պարզապես, շատ ման եկա...

— Հա, կորար գնացիր: Մտածեցի, որ վերադարձար Երևան:

— Վաղը հավանական է, որ գնամ: Անկարելի բան է նավթ թող-
նել. պետք է անպայման մի բան որոշել...

— Գե, իհարկե...

— Նավթ, հասկանո՞ւմ ես, չի կարելի այդպես թողնել...

— Հասկանում եմ, ինչպիս չեմ հասկանում...

— Ի՞նչ է, լռեցի՞ր...

— Ուղղակի զարմանալի է...

— Զարմանալի՞...
— Հա, էլի...
— Ի՞նչ ես ասում, շեմ հասկանում...
— Տո, մի հնդկահայ կա... հանդիպե՞լ ես...
— Հնդկահայ՞... Մի անգամ Խարկովում մեկին հանդիպեցի, գլա-
բար էր խոսում...

— Գրաբար չգիտեմ, բայց էս մեկը խրթին է խոսում...
— Գե որ խրթին է խոսում՝ սատանան հետը: Հնդկահայերը քիչ
խե են... Ահավոր վաճառականներ են, ասում են... գրաբարը անպի-
րենի հետ են խառնում և ստերլինը՝ Մաշտոցի հետ. հենց դրանցից է
Պետրոս Մարկը... Նրանց տամարը լավ են բռնել Մխիթարյան վարդա-
պետները...

— Գրաբարի պատճառով...
— Հա... Զարմանալի է, ինչպես կեղծ և շինծու լեզուն հայերին
հմայում է...

— Սա տարօրինակ անձնավորություն է... Երրորդ անգամն է, որ
տեսնում եմ նրան...

— Ո՞ւմ:
— Վրաս պիտի ծիծաղես, քո արև...
— Զեմ հասկանում...
— Տեսնում եմ, հետը խոսում... համոզված չեմ, իրական մարդ
է... թե՞...

— Քեզ ասացի, թող զարկերակդ քննեմ...
— Գիտեմ, պիտի ասես հիվանդ եմ... զառանցանքներ և այլն...
— Ադա, մեր տղա...
— Ավելի լավ է քննեք...
— է, որ սկսել ես պատմել՝ պատմիր: Ո՞ւմ տեսար, ո՞րտեղ տե-
սար...

— Երեկոյան, վանքի բակում... Մայր տաճարի մոտ մարդ չկար.
կանգնել էի կաթողիկոսների գերեզմանների մոտ, նայում էի... Մեկ էլ,
մի ծանոթ ձայն լսեցի... Ձայնը մեկի հետ խոսում էր. ավելի շուտ,
բարկացած վիճում էր... գոռում էր. «Ձայլամից, որ շի կարողանում
վազել, ավելորդ է պահանջել, որ թռչի արծիվի նման»... Հետո թե՛
«Ամեն ժողովուրդ ունի իր կենսական ոճը. կա՞մ ապրում է համաձայն
այդ ոճին, կա՞մ չի ապրում բոլորովին»... Նրան պատասխանում էր
մի ուրիշ ձայն. հաստ մի բաս... Ուշադրությունս լարեցի, բայց չկա-
րողացա հասկանալ, թե ինչ էր ասում... Ղո-մո-ղո-ղո... էդքան: Նայե-
ցի, քամին մի մղուճ տրորեց, հետո ուժով մի գոռ փակվեց, և ծա-

նոթ ձայնը մոտեցավ ինձ: Տո, նայեմ, մոտեցողը Պետրոս Մարկ ասված մարդն է, որին հանդիպել էի Սևանում... Ճիշտն ասած, երբ տեսա նրա դեղնած դեմքը և սև ոլորվող աչքերը, ամբողջ մարմինս սկսեց դողալ... «Ահ, քեպտըն,— խեղդված ձայնով բացականչեց նա,— ինչ լավ է, որ ցուրտ քամի է փչում...»: Ասաց և դեմքը տվեց քամուն, լռեց: Իսկ ես մնացի պապանձված՝ չգիտեի ինչ ասել:— «Քամին,— ասաց նա,— աստվածաշնչում ամենակային — միշտ էլ ներկայացնում է փոթորիկի ձևով... Արիելի, գաղափարների, հրեշտակի առաջից մրրիկ է վազում... Ահա, սիտի ուզեի, քեպտըն, որ քամին ուժեղանար և փչեր այդ փոշիների վրա... Աշխարհը նոր է, իսկ մարդիկ հին... — ասաց, ձեռքերս վերցրեց իր երկու ափերի մեջ և ուժով թոթվեց: «Ուրախ եմ, ուրախ եմ, որ ձեզ նորից տեսա, պարոն նավատար...»:

— Նավատար... .

— Հենց էդպես էլ ասաց, պարոն նավատար... Տաքացած խոսեց, շատ տաքացած, ինչպես երևում է, բարկացած էր...

— Մազալու բաներ ես ասում... Հետո ի՞նչ ասաց...

— Հարցը հենց դրանում է... Գժվար է հիշել, էնքան որ խրթին էր... Ինչ-որ հոգեկան համաստեղություն մասին խոսեց, ընդունող և արտահայտող ուժերի աստիճանավորման մասին և ի՞նչ իմանամ...

— Ադա, չլինի բողոքական պատվելի՞՞ է...

— Չէ, եթե պատվելի լիներ, տափակ և ամենին հայտնի բաներ կասեր... Պատվելի չի, բայց ի՞նչ է, չեմ հասկանում... Հայ է. դրա մասին կասկած չկա, բայց իր հայությունն էլ մի ուրիշ հայություն է, հեռվից, դարերի ետևից եկող...

— Ուրիշ բան չասա՞ց...

— Ասաց: Բարկացել էր: Երևի, վարդապետների հետ կովել էր, ինչ է... — «Չեն հասկանում,— ասաց նա ձեռքերը երկարելով վանքի կողմը,— չեն հասկանում, որ մարդկային մեծությունը ծնվում է անդրնդի եզերքին. հանգիստ և ապահով կյանքը մեծ գաղափարների ծննդավայրը չի եղել և մեծ հոգեկան դեպքեր չի ստեղծել... Ապրում են աշխարհիս ամենանախախնամական վայրերից մեկում, իսկ խոսում և գործում են այնպես, ինչպես խոսում են և գործում արևմտյան որևէ մզլոտած արվարձանի բնակիչները... Միշտ նույն բանն են կրկնում,— շարունակեց,— ազատագրվել... Ազատագրվել ինչի՞ց...»

Համատացեք, պարոն նավատար, այդ մարդիկ նման են այգիների շուրջը կանգնած այն հողին, փխրուն պատերին, որ քամիները և անձրևները ուտում են թոնրից դուրս եկած տաք հացի նման...»:

— Հետո՞...

— Հետո, ավելի բարդացավ... լավ չեմ հիշում... հոսեց, խոսեց առանց ինձ վրա ուշադրություն դարձնելու, կարծես ես չկայի... Հետո էլ...

— Ի՞նչ...

— Մեկ էլ սկսեց գանգատվել, որ Հայաստանում կոշկի լավ կաշի չի ճարվում... Մի երկար ճառ ասաց առևտրի բացակայության և կաշվի պատրաստության տարբեր ձևերի մասին և ցույց տվեց իր ոտքերը... Երևակայիր, տրեխներ էր հագել... և հետո արագ մեկնեց. կարծես թռավ... ամեն կողմ նայեցի, չկար... Սա երրորդ անգամն է...

— Չլինի՞ մասալ ես պատմում...

— Ի՞նչ մասալ... Չայնը դեռ ակասնջներին մեջ է և ասածներն էլ մոտավորապես պատմեցի, չէ՞...

— էդպես բաներ...

— Քո կարծիքը ի՞նչ է...

— Ինչ ես ուզում որ լինի... Կարծում եմ, մեր խառն ժամանակներում դրսում ման են գալիս էդպիսի մարդիկ, որոնք իսկապես պետք է լինեին բանտում կամ հիվանդանոցում...

— Ի՞նչ է, ի՞նձ ես ակնարկում...

— Չէ... առհասարակ...

— Եթե բժիշկներին լսենք, հիվանդանոցից դուրս կարելի է թողնել միայն եզներին, գոմեշներին և ղվիցերիական կովերին... Դա էլ մի տեսակ հիվանդություն է...

— Գուցե: Ինչ վերաբերում է ինձ, ես ավելի մանրէագետ եմ...

— Մի բարեկամ ունեի... Փարիզում քիմիագիտական դպրոց էր ավարտել և անունը Բոստանջյան էր... Ազուլիսցի էր և վատ տղա չէր... Անդադար շրթունքները տրորում էր և՛ թիվ-թիվ-թիվ՝ գնդացրի նման օդը բերնից թքում էր... Ասում էր, Արա ջան, եթե իմանաս օդում ինչ մանրէներ կան, ուղղակի կգժվես... Եվ շնայած դրան, ազուլիսցի էր և վատ էլ տղա չէր...

— Քո պատմությունը քուն բերեց...

— Քնա՞ծ ես...

— Չէ, Մարդ աջ ու ձախ է դառնում... անկարելի է...

— Մտածում էի. գլխե՞ս քո հնդկահայի ասածների մեջ ուրիշ իմաստ կա...

— Քեղ բան եմ ասում, իմ մեջ լուրջ կասկած է հարուցել, մանավանդ նրա ձայնը... Առհասարակ, նկատե՞լ ես, մարդկանց ձայները ինչքան տարբեր են և ինչքան ավելի բան են ասում, քան խոսքերը... Սովում քամիների առաջին ձայնից կարելի է հասկանալ մոտեցող փո-

թորկի բնույթը... Երբեմն, դասարկ սլոուացող քամիներ են լինում, դալմադալ են անում, գոռում, կանչում և շուտով անցնում... Իսկ լինում են կես ձայնով վշտացող, բարակ փշող քամիներ, որոնց ձայնը զալիս է հեռուների խորքից, երկնքի սրտից, դրանք վտանգավոր են և դավաճան... Ջրի վրա այլիք չեն բարձրացնում, այլ միայն փոքրիկ կնճիոներ են տարածում, օդը ծծում, ատամների միջից մաղում, վայր թափում... Ամեն ծովային մարդ իմանում է՝ այդ տեսակ քամիների ետևում բարկացած տարերք է թաքնված... Լավ նավապետը անմիջապես միջոցներ է ձեռք առնում և անհրաժեշտ հրամաններ տալիս...

— Հետաքրքիր է...

— Հա, էլի... Առհասարակ, մենք քիչ ուշադրություն ենք ընծայում մարդկային ձայնին: Նայում ենք երեսի արտահայտության վրա, աչքերին, երբեմն ձեռքերի վրա, իսկ ձայնը անտեսում ենք...

— Երբեմն կանանց ձայները... հնչում են մսերիդ ծալքերում...

— Այո... Ձայները տարօրինակ կերպով մնում են հիշողության մեջ, շարունակում են հնչել... Վերցնենք հենց Մարկը, նրա ձայնը միշտ ներկա է իմ մեջ, հեռուներից, շատ հեռուներից եկող մի ձայն... Եվ ամեն ինչ կարելի է կեղծել, բայց ոչ ձայնը:

— Ձայնը փոխվում է հոգու հասակի հետ...

— Ծիշտ է:

— Ի՞նչ է, քնեցի՞ր...

— Անկարելի բան է... Դու բժիշկ ես, շեռ կարողանում քնել, ուր մնաց մենք: Առում են՝ էդիսընը երեք ժամ էր քնում...

— Թողնենք էդիսընը... Մեծ, պատմական օրեր ենք ապրում... Սրանից մի քանի տարի առաջ, երբ դեռ ուսանող էինք, համալսարանի նրբանցքներում, աժան ճաշարաններում, գաղտնի ժողովներում խոսում վիճում էինք քաղաքական հարցերի մասին, ծրագիրներ էինք մշակում, փոքրիկ ցույցերի էինք մասնակցում, բայց մեզանից և ոչ մեկը կարող էր պատկերացնել, որ գրասենյակներում և բանտերում մշակված այդ ծրագիրները կարող են իրականանալ... էնպես. մտածում էինք, որ զուցե մի օր, մեր զավակների զավակները...

— Դուրս է գալիս, որ երբ երազները իրականանում են, մարդիկ իրենց գժրախտ են զգում...

— Մասամբ ճիշտ է: Պատճառը այն է, որ ծրագիրները կազմվում են մտքով, գաղափարով, երազով, իսկ մարմինը իր մարդակազմական բնույթով, իր հոգեբանությունով դանդաղաշարժ է, փոփոխություններ չի սիրում, այլ սիրում է իր սովորությունները, իր ժուլությունը, իր անֆլեքսները... Կան մարդիկ, որոնք հավատում են արքայության, չէ՞...

կավ, եթե նրանց վերցնես և մի վայրկյանից մյուսը գցես արքայություն՝ չեմ կարծում, որ նրանք երջանիկ լինեն... Կնստեն Եղեմի պարտեզի ծայրում և անհանգիստ աչքերով կփնտրեն իրենց տնային փոքրիկ առարկաները, բազկաթոռը, որի վրա նստում էին կուշտ ճաշից հետո, տարիներով ծխած ծխամորճը, սուրճի բաժակը, տաք փափուլները... Մարդկային մարմինը քաղքենի է և ավելի բարդ է, քան կարծում ենք: Կան փոքրիկ ազդականներ, որոնց ազդեցությունը վճռական դեր է խաղում, օդը, հոտը, կերած կամ խմած որոշ բաները, նույնիսկ ծծած թույնը... Իսկ ահա եկել են մոլեռանդ և հավատալի մարդիկ և կյանքի փոշին թափ են տալիս հին փայտափ վրայից... Մեծ բաներ են կատարվում մեր աշխարհում, մեծ բաներ...

— Ամեն ինչ շափի հարց է... Հարցը նրանում է, որ դեպքերը ավելի առաջ են վազում, քան մարդիկ... Հա, էլի, պարզապես այդ է. մարդիկ փոքր են, իսկ դեպքերը՝ հսկայական, չեն կարողանում շափվել... Չափվել չեն կարողանում... Մեքենայի և գիտությունից հարցն էլ կա, նրանց շափազանց արագ զարգացումը... Կյանքը, այնպես ինչպես կազմակերպվել էր, ամեն կողմից ճեղքվածքներ է տվել, ջրերը ներս են մտնում...

— Ճիշտ է...

— Էնպես չի՞... Թե չէ ինչո՞վ բացատրել պատերազմները, կոհիվները, հոսող արյունը... Մարդիկ ուզում են կուլել մահի դեմ մահով...

— Բարդ հարցեր են... Պատճառները շատ են, շատ... Խոսում են, օրինակի համար, մարդկային կազմի և հոգեբանության վրա ազդող արևային բծերի մասին... Ծշմարտությունը այն է, որ շատ քիչ բան գիտենք... Ավելի լավ է պատճառներ չփնտրենք: Դեպքերը եկել են, ընդունենք նրանց կորովալի հանգստությունը:

— Տարերային դեպքեր են, հորդող ջրերի կամ անտառում առաջացող կրակի նման...

— Դու քո նավը, և ես իմ հիվանդները...

— Եթե նավը պետականացրե՞լ են...

— Իսկ առաջ պետական չէ՞ր...

— Պետական էր:

— Ուրե՞մն... Վաղը, երբ որոշեն նավը տանել Սևան, ուզեն շուգեն քեզ պիտի դիմեն... նավապետներ առայժմ չկան...

— Ախր, դու չգիտես, նավը և ես մի ամբողջ պատմություն ենք. դա հասարակ ձեռնարկ չի: Երբեմն մտածում եմ՝ բանաստեղծ լինեի, գրեի... Ինձ համար նավը ուրիշ բան է, բժի՛շկ, ուրիշ բան... Հասկանո՞ւմ ես...

— Կոահում եմ:

— Չէ՞ որ հին ժամանակներում եղել են մարդիկ, ներքին ճրագով լուսավորված մարդիկ, որոնք ամեն բան թողած՝ հղացել են և կառուցել տաճար, եկեղեցի, հուշարձան... Չեմ ասում, որ իմ արածը այնքան էլ կարևոր է, գուցե իսկի էլ կարևոր չէ... Եղել են փահլեամներ, որոնք պարանի վրա պարելուց առաջ տարիներով մի սրբատեղից մի ուրիշն են գնացել, ծոմ եմ պահել, աղոթք արել և ես ի՞նչ իմանամ... գուցե լավ չեմ կարողանում բացատրել... Մի խոսքով, նավի հետ շատ բան է կապված, շատ բան... Չէ, ինչ էլ լինի, նավը, նավը անպայման պիտի հասցնել Սևան... Ինձ համար ուղղակի մահու-կենաց խընդիր է... Անպայման, անպայման պիտի հասցնել Սևան... Քնեցի՞ր...

...Իսկ հունվարը բազուկների մեջ սեղմած մուժը, նրա հետ ամբողջ մարմնով երկարած պառկել էր մայր եկեղեցու դռան առաջ: Մի վանկան՝ սև, մազոտ, ուրվականացած, շոքել էր նույն դռան առաջ և ջերմոտ շրթունքները արագ-արագ շարժելով խոսում էր երկնքի և երկրի սովերների հետ:

Քամին խեղդված ձայնով ոռնում էր:

4

Երևան վերադառնալուց առաջ Հերյանը մի քանի օր աննպատակ թափառեց Արարատյան դաշտում: Այցելեց Գայանեի վանքը, խրճիթների առաջ երկար կանգ առնելով զրուցեց գյուղացիների հետ, Զվարթնոցի քարերի շուրջը քայլամուտր ման եկավ, հուզվեց, ոգևորվեց և, վերջապես, անհամբերությամբ և մտահոգությամբ լցված՝ քայլերը արագացրեց — ինչ լինում է լինի — և ուղղվեց դեպի Երևան:

Ինքն իրեն հետ խոսելով անցավ Զանգուի կամուրջը, մտավ վեր բարձրացող փողոցը և գինու և կոնյակի «Շուստովի» գործարանի առաջ հանկարծ կանգ առավ: Տեսավ նավը: Հեռուն, Քանաքեռի կատարին կանգնած նավը:

Պայուսակը դրեց ցած, կանգնեց և ծարավ, հափշտակված աչքերը հառեց նավի վրա: Չլուսին և ծառերին կպած «Ալբատրոսը» նմանվում էր դժբախտ և մեծղի արարածի, որին թշնամի տարերքը շղթայել էին: Քիթը վեր բարձրացրած, կայմը քիչ ծոված, հետնամասը կաշկանդված՝ նա կարծես ուզում էր փախչել, ազատվել:

— Նեղվում է,— փսփսաց Հերյանը,— ուզում է փախչի, գնա...

Սիրտը բաբախեց նավի հետ և նրա ամբողջ մարմնով սարսուռ անցավ: Բազուկները աչ ու ձախ շարժեց և կոկորդի ծայրին վշտի և

բողոքի մի ձայն խեղդվեց: Խեղդվեց, որովհետև ճիշտ այն վայրկյանին, երբ այդ ձայնը պիտի պոթկար, գինու գործարանի մեծ դարպասից զինված երեք մարդիկ դուրս եկան, իրենց լայնացած աչքերը տընկեցին նրա վրա, անցան առաջ և — կտո՞, շտո՞! — հարցնելով մեկ մեկի, կամաց քայլեցին:

Երբ մարդիկ հեռացան, նա կանգ առավ և մնաց անորոշության մատնված: Ո՞ւր պիտի գնար:

Տուն չունեեր, բարեկամ չունեեր, փող չունեեր:

Պայուսակը թողեց Բուլվարի «Ուրարտու» սրճարանում և դուրս եկավ կենտրոնական փողոց, քաղաքի սիրտը: Ոչ մի բան չէր փոխվել: Նույն տները, նույն քանդված մայթերը, նույն գաղթականները:

Զյուն, ցեխ:

Բազմաթիվ երիտասարդներ՝ զինված: Ռուս զինվորներ: Մի քանի նոր ինքնաշարժներ: Կարմիր դրոշակներ: Նա քայլեց անվստահ, աջ ու ձախ նայելով, աներևույթ շուքերից հետապնդված: Զէ, ոչ ոք իր վրա առանձին ուշադրություն չէր դարձնում: Ուրախացավ, որ ուշադրություն չէին դարձնում: Աշխատեց հանգիստ երևալ: Շունչը զսպեց, դեմքին սառը անտարբերության դիմակ դրեց:

Նազարյան փողոցի անկյունում պատահեց ծանոթ որբերից մեկին:

— Բարև, նավապետ ջան,— ուրախացած ողջունեց որբը:

— Բարև: Տեսնում եմ, հարստացել ես...

Մարսիլիայի օճառի մի արկղ վզից կախած՝ տղան ծխախոտ էր ծախում:

— Մի կերպ յուր ենք գնում...

— Կավ է քեզ տեսա,— սասաց Հերյանը,— սաս տեսնեմ, մեր էս Մարտինը ո՞ւր է կորել...

Տղան պատմեց, որ Մարտինը հիմա կարևոր մարդ էր դարձել: Հանդիպել էր Ռուսաստանից եկած սև սակու գաղտնի առևտուրով զբաղվող վանեցի ազգականին, որը հավատարիմ մարդու կարիք ուներ, և դարձել էր նրա օգնականը:

— Մարտինի հետ հիմա խոսել չի լինի...

Հետո տվավ ուրիշ մի լուր.

— Իսկ ձեր խն ուսին,— սասաց նա,— բանտարկել են...

— Ինչպե՞ս, Ֆեոդոր Պանտելեևիչի՞ն...

Հերյանի ծնկները քիչ դողացին:

¹ Ո՞վ է, ի՞նչ է:

— Հա, էլի, ձեր բարեկամին...

Տղան հեռացավ, պապիրոս, պապիրոս պողպատով...

— Այդ վատ նշան է, — մտածեց Հերյանը:

Քայլեց շնչառութունը զսպելով: Չգիտեր ի՞նչ անի, ո՞ւր գնա, ո՞ւր թաքնվի: Ճիշտ այդ վայրկյանին, մոտից մեկը անցավ և գլխից մինչև ոտքը նրան շափեց: Այլևս նրան թվաց, որ ամեն կողմից իրեն են նայում: Որ տների պատուհանները, փողոցի լամպարները, քարերը, մայթերը լայն բացված աչքեր են... նայում են իր վրա:

— Ահ, եկաք, վերջապես, եկաք, պարոն հեռավոր ճամփորդութունների նավապետ...

Մտավ կողմնակի նեղ փողոցներից մեկը: Մարդ չկար: Գրպանի ըմբիխով կարտուզի մաշած և թառամած ոսկեղօծ նշանները կտրեց, թեղերը հանեց, սև մնացած տեղերը ուժով շփեց և նորից գրեց գլխին: Փողկապը հանեց և դրեց գրպանը:

— Այդպիսով, — մտածեց նա, — ոչ ոք օւշադրութուն չի դարձնի իմ վրա:

Ու նորից վերադարձավ կենտրոնական փողոց:

Վեր գնաց, վար իջավ:

Այո, կասկած չկար, նույն քաղաքն էր, նույն փողոցներն էին: Նույն մարդիկ և կանաչ խառնված ուրիշ նոր մարդկանց և նոր կանանց: Իր տեսած դեմքերից ոմանք դեռ այստեղ էին, իսկ ոմանք չկային: Կային գաղթականները:

Ոմանք կային, ոմանք չկային:

Փոխվել էր մթնոլորտը:

Զարմանալի չէ՞ր, փոխվել էին դեմքերի արտահայտութունները, բայլելու, խոսելու, նայելու ձևերը:

Կայուն, իրենց արմատներին կառչած, կանգնած էին Արարատը, Արագածը, լեռները, ժայռերը, խուժանը և ոսկի ծախող վաճառականները:

Նաև այդ: Այլև ոչ ոք չէր ուզում քեզ ճանաչել: Կարծես, էջմիածին մեկնելուց ի վեր միայն երեք կամ հինգ օր չէր անցել, այլ՝ տարիներ, ինքք գնացել էր Լարրադոր, շրջել էր Խաղաղականի կղզիները, Յոկոհաման, Թումբուկտուն, ուղարկած բացիկները տեղ չէին հասել և նրան մոռացել էին:

Այգ էր. ուղարկած բացիկները տեղ չէին հասել: Այգ էր և ուրիշ ոչինչ:

Ահա նոր եկած մի մարդ, մի հին ծանոթ: Նկարիչ Ասկանյանը:
Նկարիչ Ասկանյանը նեղ ուսերով, մեծ գլխով, փոքրիկ մորուքով,
միշտ զարմանքով բացված աչքերով և լաց եղող շրթունքներով մի
մարդ էր, որին տարիներ առաջ Հերյանը հանդիպել էր Բաթումում:

Գալիս էր Պյատիգորսկից:

Նախ անցավ Հերյանի կողքով առանց բարևելու, ապա կանգ առավ,
զարմացած աչքերը տնկեց նրա վրա, ձեռքը երկարելով մոտեցավ նրան
և ուրախացած բարևեց:

— Ա՛յ քեզ բան, դուք էլ էստեղ եք, ա՛յ քեզ բան...

— Բա, ինչպե՞ս չէ... Բարև, բարև... և...

Հին ծանոթի այդ տաք բարևը Հերյանին տակնուվրա արեց:
Վերջապես, ծանոթ մարդու ձեռք սեղմեց:

— Բա, ինչպե՞ս չէ,— բացականչեց նա,— ինչքան ժամանակ է...

Ուզեց մատով ցույց տալ նավը, բայց միտքը անմիջապէս փոխեց
և ցույց չտվեց: Նկարիչը, բնազդաբար, հասկացավ նրա հոգեկան վի-
ճակը, աչքերը վար առավ և լռեց:

— Մարդ ուղղակի գժվում է,— ասաց նա ցածր ձայնով:

— Ինչո՞ւ,— հարցրեց Հերյանը նույնպես ցածր ձայնով:

— Ինչո՞ւ,— կրկնեց նկարիչը, շորս կողմը նայելով:— Հենց հար-
ցը դա է, որ ոչինչ չկա: Ներկ չկա, կտավ չկա, վրձին չկա... էս պայ-
մաններում ի՞նչ արվեստ կարող է լինել...

Միասին հառաչեցին:

Հրաման են տվել բանակի բոլոր սպաներին հավաքվել Պառլա-
մենտի նախկին սրահում... Ինչ-որ բան պիտի հաղորդեն...

— Գուցե կարմիր բանակում ծառայության պիտի կանչեն...

— Ո՞վ է իմանում...

Գլուխը ետ նետեց և ձայնը քիչ կլկլացնելով խոսեց.

— Հա, այդ մասին կասկած չի կարող լինել, պիտի անպայման
ծառայության կանչեն. կարող եք վստահ լինել... Պարզ է, չէ՞... երկու
անգամ երկու՝ շորս... Հայ բանակը, ուզում է լինի կարմիր, սև, դեղին,
կապույտ, միևնույն է, սպաների կարիք ունի... Ախր, այդպես հեշտ,
մեկ օրից մյուսը փողոցներում սպա չի ճարվում, ինչպես նավապետ չի
ճարվում... Մի մոռանաք՝ մեր բանակում սպայակույտի շատ կարող
զորավարներ կան... Ոչ թե կամավոր-մամավոր, ոչ թե խմբապետ-
մբապետ, այլ իսկական ռազմագետներ, տարիների փորձառությունով
եփված մարդիկ...

Ասկանյանը, ձեռքերը կրծքի վրա միացրած, զարմացած, աչքերը
Հերյանի վրա տնկած, լսում էր:

— Նոր կարգադրութիւններ... պաշար-մաշարի; ոռճիկի և ուրիշ կարևոր և կենսական հարցերի մասին... Մարդիկ պետք է ապրեն, չէ՞... Փոր ասվածք, ստամոքս ասվածք պահանջում է ամենօրյա հացը, Դարւագլագի պանիրը, տերևի դուման, խորովածը...

Այդ խոսքերը ասելիս նա ահավոր պարապութիւն զգաց ստամոքսի մեջ, ամբողջ օրը ոչինչ չէր կերել, և գլուխը պտույտ եկավ: Բերանը լցվեց, թուրը կուլ տվեց: Ասկանյանը անմիջապէս կռահեց դիմացինի վիճակը և շվար աչքերով աջ ու ձախ նայեց:

— Եվ, առհասարակ... հասկանալի է, չէ՞...

Այդ խոսքերին հաջորդեց անհարմար լռութիւն:

Ասկանյանը ձեռքը գրպանում պատրաստվեց մի բան ասելու: Հերյանը հասկացավ, կարմրեց և բարձր ձայնով՝

— Նու, աստուծով... տեսնենք ինչ կլինի... Պետք է գնամ, ուշացա... Սատանան տանի, ճաշի եմ հրավիրված և ուշացա... Տը, շատ ուրախ եղա, շատ ուրախ, շատ ուրախ...

Նկարչի ձեռքը պինդ սեղմեց, մի բանի քայլ հեռացավ, կանգ առավ և հանդիսավոր շեշտով.

— Ասքանազ Արտեմիչ...

Մյուսը ետ նայեց:

— Եթե մի որևէ բանով ձեզ կարող եմ օգտակար լինել, խնդրում եմ առանց քաշվելու...

Հեռացավ առանց պատասխանը լսելու:

Ժամերով թափառեց:

Հիմա ի՞նչ պետք էր անել: Հույսը դրել էր Մարտինի վրա, իսկ Մարտինը մեկնել էր առանց իմաց տալու:

Հիմա ի՞նչ պետք էր անել: Ֆեոդոր Պանտելեևիչը բանտում էր: Ասում էր մեռել է, վերածնվել է, կարմիր է դարձել... Լավ, եթե կարմիր էր դարձել...

Եվ պատերին քավելով, փողոցից փողոց անցնելով, նայվածքներից խուսափելով, կես մարդ, կես շուք, նավապետ Հերյանը ման եկավ և ինքն իրեն հետ խոսեց:

— Մնացի փողոցում, բառի իսկական նշանակութամբ փողոցում... Ես ասեմ, դուք հասկացեք... Ո՞վ կա, որ հասկանա, ոչ ոք չկա, ոչ ոք... Մարդ կամրջակի վրա կանգնած հանգիստ քշում է նավը, նայում է կողմնացույցին, հաշիվներ է անում, որոշում է շարժման անկյունը... Հաշիվներ է անում... իսկ... շնայած հաշիվներին, շնայած կողմնացույցին, շնայած քարտեզին՝ նավի քիթը ծովել է և գնում է վտանգավոր ժայռերի կողմը... Ստոպ, ստոպ... Ղեկը դարձնում ես աջ՝

մառախուղ է, դեկը դարձնում ես ձախ՝ քամի, անձրև... Նավը և քեզ պաշարել են տարերքը... Եվ դու մնացել ես մենակ և հիմար, պատառ-պատառ եղած մի մարդ, նախկին մի մարդ... Կապիտան Արա Հերյա՞ն, համեցեք բանտը... Հեռավոր ճամփորդությունների նավապետ Հերյա՞ն, դե, եկեք, ձեզ պիտի ուղարկենք շատ հեռու, էնքան հեռու... առանց որոշելու շարժման անկյունը...

Քափառեց Կոնդի կողմերում, Զանգուփ ափին, պարապ փողոցներում:

Ցուրտ էր: Գիշեր էր: Սոված էր:

5

«Ալբատրոսի» բնակիչներից Ռիմ գամփուր միայն գալիս էր նրան այցելելու: Միշտ նույն ժամին, կեսօրվա մոտերը: Շունը կտրված, լեզուն գուրս ընկած, աչքերը տխրած: Արագ-արագ մագլցում էր Քանաքեռի գառիվերը և գալիս կանգ առնում նավի առաջ:

Սկզբում, նավը հեռվից նշմարելիս նա ամբողջ ուժով վազում էր, գլուխը վեր բարձրացնում, նայում, պոչը անհամբեր շարժում, կադկանձում այն հույսով, որ ահա մեկը իրեն վեր կկանչի, բարեկամական շեշտով կհանդիմանի, կշոյի, կկերակրի: Սակայն, շուտով հասկացել էր, որ նավի մեջ այլևս ոչ ոք չի բնակվում և ուշադրությունը կենտրոնացրել էր ճանապարհի վրա, որտեղից մեկնումեկը կարող էր վերադառնալ: Օրերով սպասել էր և ոչ ոք չէր վերադարձել: Չնայած դրան, շարունակում էր գալ...

Կանգնում էր, մտահոգ աչքերով նայում, հաչում: Հաչում էր առանց մեծ համոզումի, մեքենաբար: Իբրև համառ գամփո, ուզում էր հավատալ: Նավի շորս կողմը պտույտ էր գալիս, հոտոտում, ականջները վեր տնկած լսում. չէ, ոչ ոք չկար: Ոչ ոք չկար, եթե չհաշվեիր կատուներին: Փաստը այն էր, որ տիրոջ բացակայության նավը անտուն կենդանիների ապաստանի էր վերածվել: Քանաքեռի և շրջակա վայրերի բոլոր հիվանդ, քոստած, որբացած շորքոտանիները պատսպարվել էին այնտեղ: Անվերջանալի մլավոցներ: Նավի կամուրջը և վարի մասերը լցվել էին ազբով և ցեխոտված ձյունով: Երկաթները ժանգոտել էին, պղնձե մասերը կանաչել, ներկը սկսել էր թափվել: Նավը բորոտեղ էր: Կայծի վրա ագռավներ էին նստում և կռկռում:

Ռիմը նայում էր, հուսահատվում:

Սովածանում էր և կադկանձում:

Քանի Մարտինը քաղաքում էր, Ռիմի կլանքը քիչ թե շատ տանելի էր: Նրա հօտը առնում էր շատ հեռվից: Վազելով նրան հետևում էր, կանգ առնում զոնների առաջ, մինչև որ նա դուրս գա: Միասին գնում էին շուկա և այդպես կամ այնպես օր շեր լինում, որ բերանը մի բան շքնկներ: Մարտինը թղթում փաթաթած ոսկորներ էր բերում, դնում առաջը, և նա բախտավոր էր:

— Ռիմ ջան,— ասում էր նա,— դժվար ժամանակներ են, բան չի ճարվում...

Վերջին ճաշը կերել էր կայարանում:

Մարտինի կյանքը փոփոխությունների էր ենթարկվել: Հոտերը փոխվել էին: Նոր կոշիկներ էր հագել, բաճկոնը փոխել էր, ման էր գալիս քթի տակ երգելով, ծխում էր և կոնֆետ էր ուտում: Նրա դեմքը լուսավորվել էր, այտերը սկսել էին կարմրել, աչքերը խնդում էին: Նոր եկած, փոքրահասակ, սև, կծու և օտար հոտով մի անձնավորություն հետ, նա անդադար շարժման մեջ էր, սրա նրա ականջին փսփսալով խոսում էր, շուկայի մոտերը զանազան մարդկանց հետ հանդիպումներ օւնենում և նույն շուկայի հրապարակի վրա օրը մի քանի անգամ ճգիպգի ուտում՝ Ռիմը, որ բնազդով ամեն ինչ հասկանում էր, մնացել էր զարմացած:

Մի օր էլ շափազանց երկար վերարկու հագած, գլխին մորթի գրեթե դրած, ուրիշ երկու մարդկանց հետ միասին, նույնպես երկար վերարկուներով և մորթի գլխարկներով, նրանք նստեցին ֆայտոն և գնացին կայարան, ուր երկաթե հսկայական մի կենդանի էր ման գալիս, աղմկելով կրակ և շոգի փսխում և սաստիկ վախ ազդում: Ռիմը վատ նախազգացումներով լցված վազել էր ֆայտոնի հետևից, շվարել և մտահոգվել: Բայց երբ Մարտինը և նրա ընկերները նստել էին բուֆետում և սկսել ուտել, Ռիմը անմիջապես ամեն ինչ մոռացել էր, երջանկությունով լցվել: Այնքան տաք էր այնտեղ, այնքան լավ: Կերակուրների հարեցուցիչ հօտը և խորովածի բուրումը աշխարհը պատել էին, նվաճել: Մարտինը, ոսկորների վրա բավականին միս թողնելով, նստել էր Ռիմին: Խաժնում էր և կուլ տալիս, առանց ծամելու:

— Ռիմ ջան, կե՛ր, է, կե՛ր...

Ինչպիսի՜ յուղոտ պատառներ, ինչպիսի՜ փափուկ ոսկորներ...

Հետո, մեկ էլ զանգակներ էին հնչել և ամեն մարդ, շտապ-շտապ տեղից վեր թռնելով պայուսակը բռնել էր և վազել դուրս: Մարտինը և նրա ընկերները ուրիշներին հրելով, նույնպես վազել էին դուրս և փոքրիկ սանդղաններից բարձրանալով, մտել էին մի տուն: Ռիմը, բնականաբար, ինքն էլ ուզեցել էր այդ սանդղաներով բարձրանալ, բայց

ներան փախցրել էին: Ինչո՞ւ: Ռիմը, վախեցած քաշվել էր մի կողմ, ապա նոր եկող բազմության ներկայությունից օգտվելով, նորից վերադարձել էր հին տեղը և անձկությամբ փորձել Մարտինին գտնել: Զարմանալի էր, որ Մարտինի մտած տան նման ուրիշ շատ տներ կային, սանդուղներ, դռներ, սանդուղներ, դռներ: Ո՞ր մեկի մեջն էր Մարտինը: Ոչ աչքերը, ոչ ականջները, ոչ ունզները կարողացել էին գտնել նրան: Անհանգիստ վեր ու վար էր վազել, նայել պատուհաններին, հոտոտել, բայց Մարտինին չէր կարողացել տեսնել: Ու կարծես այդ բավական չէր, մեկ էլ մի շտեմնված բան, տները տեղից սկսել էին շարժվել և թրխկթրխկալով վազել: Ռիմը նետվել էր առաջ, ամբողջ ուժով վազել: Երբ հասել էր երկաթե մեծ կենդանու մոտ, վերջինը բարկացել էր, սուլել և Ռիմի գլխին այրող շոգի միզել:

Ռիմը կանգնել էր, փոշտացել: Տները արագ փախել էին:

Ռիմը անմիջապես մտածել էր, որ Մարտինը վերադարձել էր քաղաք: Տարակույս չկար, Մարտինը ֆայտոն էր նստել և վերադարձել քաղաք: Կայարանից դուրս էր եկել և վազել կառքերի հետևից: Վազել էր մեկ կառքի հետևից, մյուս կառքի հետևից, ապա մի ուրիշի հետևից... Չէ, դրանց մեջ չէր: Բայց ո՞ւր էր: Հա, հասկացավ... հեռուն, ձիերը շատ արագ քշելով գնում է մի ուրիշ կառք: Վստահ էր, այնքան վստահ, որ երբ կողմնակի փողոցից մի փոքրիկ, դեղին շուն էր դուրս եկել և հաչել, Ռիմը վազել էր նրա հետևից և սկսել նրա հետ խաղալ: Իր փառավոր ճաշը լավ մարսելու համար ձյունի մեջ թավալ էր եկել, ցատկել, շնի ոտքերը խածել, ուրախացել: Հետո հանկարծ, ամբողջ ուժով վազել էր քաղաք:

Այցելել էր բոլոր ծանոթ վայրերը, բոլոր փողոցները, բոլոր տները: Մարտինը չկար: Հա, հասկացավ, Մարտինը գնացել էր նավ: Շտապել էր վեր: Նավի առաջը կանգնած, տխրած, ջղայնացած, նա սպասել էր ամբողջ օրը, մրսել, սովածացել, բայց ոչ ոք չէր եկել:

Եկել էր գիշերը և բուքը:

Բուքը:

Ռիմը մտել էր նավը պահող փայտերի տակ, գլուխը ոտքերի վրա պինդ սեղմել, ուրովել, մրսել:

Զար ու սառը քամին ճեղքերի միջից սուլելով, վայելով ներս էր խուժել և շարշարել նրա մարմինը: Մի քանի անգամ տեղը փոխել էր, կուշ գալու ուրիշ ձևեր փորձել, բայց ոչինչ չէր օգնել. քամին, վերի կատունների հետ միասին, շարունակել էր մլավել, աղմկել, կատաղել: Ամբողջ մարմնով դող էր եկել, ողնաշարը սկսել էր փայտանալ: Այլևս վա-

խնայել էր տեղից շարժվել, և մեկ աչքը փակ, մյուսը բաց աշխատել էր քնել:

Բաց աչքը, թեպետ նա ևս ուժասպառ, ճիգ էր արել հսկողութեան տակ պահել վտանգավոր կերպով շարժվող փայտերին. շիինի ամեն ինչ ընկնի գլխին:

Փակ աչքը երազ էր տեսել:

Փակ աչքը վերադարձել էր այն գյուղը, որտեղ նա ծնվել էր: Տաք ախոռի մեջ երկու կովերի և մի եզան հետ էր պառկում: Այն ժամանակ անունը Ալաբաշ էր: Գրսում փաթիլ-փաթիլ մեծ ձյուն էր գալիս: Մինչև կեսը հողերի մեջ մխրճված գյուղի խրճիթները ծածկված էին ձյունով: Մարդիկ և կենդանիները քնած էին: Ամեն ինչ խորասուղված էր ծանր լուծյան մեջ: Ախոռից հարդի, գարիի, թրիքի և մեզի հոտ էր գալիս. մթնոլորտը ջէ՛լմ էր և անուշ:

Ինքը պառկում էր հաստ կովի մոտ, որի անունը Մոռ էր: Ստիպված էր ուշադիր լինել, որովհետև այդ Մոռ ասված կովը, գիշերը ամենաանուշ քնի ժամանակ, մեկ էլ ոտքը երկարում և աքացի էր տալիս: Կամ մեկ կողմից մյուսը շրջնիս կարող էր Ռիմին ճղմել: Իսկ առհասարակ, բարի կենդանի էր: Գլխի վրա ճերմակ բծեր ուներ և թավշյա մեծ աչքեր: Երբ արտից տուն էին վերադառնում և Ռիմը պարտականութեան հավատարիմ վազում էր նրա հետևից և հաշելով նրան հասկացնում, որ չնչին խոտերի առաջ կանգ չառնի, այլ շտապի տուն: Մոռն, մյուս կենդանիների նման եղջյուրները վար առած, Ռիմի վրա շէր քայլում... Թե՛ ի՞նչ ես զահլա տանում, այլ աչքի տակով նայում էր նրան, ժպտում և անցնում ճամփի մյուս կողմը:

Ամառը բարձրանում էին լեռ:

Կովերը, եզը, ոչխարները, նոր ծնած հորթերը, գյուղացին, նրա ընտանիքը և ճոռան սայլը:

Ինչ օդ, ինչ կյանք, ինչ ազատություն:

Ռիմը, նրա հայրը (այն ժամանակներում դեռ ողջ էր) հարևանների շները, ամենքը միասին, կարծես թևեր էին առնում: Վազում, խաղում և թավալ էին գալիս թարմ խոտերի մեջ: Անհամար ծաղիկների բուրումներից նրանք ստիպված էին անդադար փոշտալ:

Երբեմն տերերը ոչխարներից մեկին մորթում էին, հողը փորում, տակը կրակ վառում, ոչխարը փոսի մեջ ծածկում, եփում: Առավոտյան դեմ ուտում խմում էին և պարում: Իսկ Ռիմը, մյուս շների հետ, վայելում էր ոսկորները, մնացած մսի կտորները և, խենթի նման այս ու այն կողմ վազելուց հետո մեջքի վրա պառկում էր և ոտքերը արևի տաք ճառագայթներին տված թավալ էր գալիս:

Ահա տեսնում է մի բարիշ տեսարան: Հոտը արածիւոց հետո պառկել էր արտի ծայրին: Որպեսզի վստահ լինի, թե ամենքը իրենց տեղում են, աջ ու ձախ էր վազել, ամեն տեղ հոտտուել, խուզարկել... և առաջը երկու մայրդ հիմար գառնուկներ գցած եկել նստել է մյուսների մոտ: Գլուխը վեր բռնած, ականջները ուշադիր շարունակում էր հսկել: Քիչ հեռուն, առաջնորդող այծը՝ ճկուն, մորուքավոր, հանդիսավոր աչքերը մոտակա ծայրերի վրա, անշարժ նստել է: Ոչխարները մեկը մյուսի քով սեղմված, թմրել են: Գառնուկներից ոմանք, ագահ և անկուշտ, դեռ շարունակում են, գլխով ուժգին հարվածներ տալով, իրենց մոր ստինքները շարշարել: Ամբողջ օրը արևը պայծառ կրակի տակ ամեն ինչ այրել է: Հիմա գնացել թաքնվել է լեռան մյուս կողմը և անուշ քամի է փչում: Երկինքը արագ մթնում է և լցվում անհամար փայլիլուն կետիկներով: Երևի հեռավոր գյուղեր են, որոնց պատուհանների ետև ճրագներ են վառված: Էնթան շատ ճրագներ...

Քամին ուժեղացավ, սուլեց, վայեց: Նրա ամբողջ մարմինը դողում է: Ճիգ է անում մոտենալ ոչխարներին և նրանց ջրմուխյունից օգտուր վել... թեպետ ոտքերը շարժվում են, բայց մոտենալ չի կարողանում:

Բայց աչքը սարսափով տեսնում է, որ հոտը, արոտատելին, լեռները անհետացել են. սակայն տեսածը չի կարողանում հաղորդել գիտակցությանը, որը ամբողջովին կլանված է երագով:

Երագը խավարում է: Աստղերը անհետացել են և — օ՛ սարսափ — ոչխարները, որ հանգիստ պառկած էին, վշամաց-կաժաց քարձրանում են վեր, հսկայական ամպի վերածվում, բաժան-բաժան լինում և սուրում փոթորիկի հետ: Ռիմը սաստիկ անհանգստանում է, ուզում է ոտքի կանգնի, հաշի, նրանց զգուշացնի, բայց կարողանում է միայն տնքալ, թույլ մոնչումներ հանել, աջ ու ձախ շրջվել և սարսուռալ, որովհետև սաստիկ ցուրտը թշնամի շան նման գրոհ է տվել և սուր ատամներով նրա մարմինն է խածնում:

Թշնամի շունը, բարձր, հաստ, արյունոտ աչքերով, մոնչալով վրան է ընկել և ուզում է հասնել նրա կոկորդին: Ռիմը ահագին ճիգ է անում, ազատվում և, դիրք բռնելով, մոճոում: Մյուսը շանթի արագությամբ նորից նետվում է նրա վրա և խածնում պոչը: Անտանելի մի ցավ այրում է նրան: Ռիմը կաղկանձելով տեղից վեր է թռչում և զարժանքով տեսնում, որ պառկած է նավի փայտերի տակ, որոնցից մեկը ընկել է պոչի վրա և վիրավորել նրան:

Եվարած նայում է: Մեծ, անասելի մի տխրություն է լցնում նրա սիրտը: Գլուխը դնում է երկու թաթերի վրա և անձայն լաց լինում: Նրա

լացին պատասխանում են կատուների մլավոցները և քամու հառա-
շանքը:

Լուսաբացին դուրս էր եկել, կանգնել: Անպայման մեկնումեկը
կգա: Բայց ոչ ոք չէր եկել:

Նավի մոտ կանգնելն էլ վտանգավոր էր: Գյուղի լակոտները ան-
տեր նավի վրա քար էին գցում զվարճանալու համար: Քարերը զրնգա-
լով կպչում էին երկաթների, ներկը վար թափում: Այդ հաղթանակչ
տոնում էին աղաղակներով և նորից շարունակում քար գցել:

Հուսահատված՝ Ռիմը իջել էր քաղաք, ման եկել փողոցներում, այ-
ցել էլ այն տների դռները, որոնց առաջ կանգ էր առնում Մարտինը, այն
գինետները, ուր մտնում էր ուսը, այն վայրերը, որտեղից անցնում էր
Հերյանը, բայց մարդ չէր տեսել:

Օրերով թափառել էր:

Ամեն տեղից նրան փախցրել էին: Ցեխտվել էր, նիհարել և մազե-
րը սկսել էին դեղնել: Վիզը ծովել էր, աչքերը լցվել էին վախով:

Բա, չէ՞: Երկու օր առաջ, նա տեսել էր, թե ինչպես գանգուր մա-
ղերով մի շնիկի անխնա ծեծել էին, որովհետև զամբյուղից ընկած մի
կտոր հաց էր բարձրացրել: Այդ տեսնելով Ռիմը տխրած, վախեցած,
վազել գնացել էր... և կանգ առել ամայի մի փողոցում:

Իսկ ուտելիք չկար:

Մի օր, խոր ցեխով լցված փողոցում մի տղա բոլորովին անարդար
կերպով քար էր նետել Ռիմի վրա և վիրավորել նրա առջևի ձախ ոտ-
քը: Այդ ոտքը վեր բռնած, նա կաղկանձելով փախել էր:

Մի փողոցի ծայրին, որտեղ վերջանում են տները և տարածվում է
աղբով լցված մի տարածություն, նա հանդիպել էր մի խումբ շների:

Օտար շներ: Չէր իմացվում որտեղից էին դուրս եկել:

Ամեն տեսակի և ամեն ցեղի շներ: Հազվագյուտ տեսակի քաղաքի
շներ, որ առհասարակ ապրում են հարուստ տներում, շփացած և գո-
ռոզ: Գամփռներին նրանք շեն ուզում մոտենալ:

Ռիմին տեսնելիս նրանք կանգնեցին և, իրենց քիթը վեր բարձրաց-
րած, նայեցին: Ռիմը, ցավոք ոտքը վեր տնկած և պոչը սեղմած, ետ
քաշվեց, գլուխը վար առավ և վախեցած, աչքի տակով նայեց նրանց:
Առամները ցույց տվեց և կամաց մոմոաց:

Շները նայեցին նրան և հետո նայեցին պարագլուխին, որը մեծ,
ուժեղ, դանիական մի շուն էր, ահավոր դունչով և ահավոր թաթերով:

Դանիական շունը ոչ մի ուշագրություն չդարձրեց, այլ մտազբաղ
աչքերը այս ու այն կողմ շրջելով, պոչը վար գցած, շնչառությունը

դժվարացած, պտույտ եկավ, քիչ հեռացավ, ետ եկավ: Հայրնի էր, ինչ-որ բան նրան շարշարում էր և մատնված էր անորոշության:

Հուսահատված էր և սոված, ինչպես բուրբ մյուս շները: Այլևս չգիտեին ուր գնալ, ինչ անել: Այդպիսի թշվառություն տեսնված բան չէր: Սովածությունից ամենքն էլ կես խնթացած էին:

Դանիական շունը աչ ու ձախ վաղեց, և աչքերով հրաման տվեց մեկնելու:

Ռիմը, մենակությունից վախեցած և մեծ շան անտարբերությունից քաջալերված, վազեց ոհմակի հետևից: Փոքրահասակ, գանգուր մագերով մի շնիկ, որ սիրալիր բնավորություն ուներ և որ մեծացած էր գեր տանտիկնոջ առատ ծնկների վրա, վազեց Ռիմին քսվելով և թեթևսուիկ տեղեկություններ տվեց ստեղծված դրության մասին:

Պատմեց, որ այդ շների տերերը քաղաքից փախել էին և նրանց թողել անպաշտպան և սոված: Ուտելու բան չկար: Ամեն տեղից նրանց փախցնում էին, քար նետում, ծեծում: Առաջվա նման տներից բան չէին նետում դուրս: Ոչ ոք չէր իմանում ինչ անել: Ամբողջ օրը, այդպես խմբով վազում էին աչ ու ձախ, աննպատակ, առանց հույսի: Քաղաք չէին մտնում, սաստիկ վտանգավոր էր. անցնում էին հեռավոր փողոցներով... Ահ, շատ, շատ վատ էր, շատ վատ...

Շնիկը վազում էր և անդադար խոսում: Ռիմը, քիչ հետաքրքրված և քիչ էլ քաղաքավարության համար, լսում էր նրան և միշտ մեկ ոտքը բռնած աշխատում էր ետ շմնալ:

Օրեր թափառել էր ոհմակի հետ:

Սոված, ջղայնացած, կատաղած, նրանք ամբողջ օրը վազվզում էին և սպասում գիշերվա, որպեսզի մտնեն քաղաք և փորձեն գողություն անել: Անցնում էին բակերից ներս, այնտեղ, աղբի կույտերում հին ոսկորներ էին ճարվում: Բայց ի՞նչ օգուտ: Դրանց վրա հարձակվողները միշտ էլ ուժեղներն էին: Դանիացի շունը մոտենում էր, մոմում, ոսկորը խլում և հանգիստ կրծում: Մյուսները՝ շուրջը կանգնած, թուրք կուլ էին տալիս և սպասում: Սպասում էին ինչի՞... Շատ դեպքերում կոպում էին ոչինչ բանի համար: Մեկ մեկի վրա էին հարձակվում, փրփրում, այլանդակվում:

Իբրև գյուղի շուն Ռիմը հավասարակշռված և խոհեմ, այդ հիստերիկ տեսարանները չէր կարողանում տանել և, առհասարակ, այդ վիճակի հետ չէր ուզում հաշտվել: Մի օր ոտքի ցավի պատճառով կուլ եկած նստել էր, երբ մյուսները հեռացան: Կավ էր գլխի ճարը մենակ տեսնել: Ներքին մի ձայն նրան ասում էր, որ վերջ ի վերջո դառնելու է

նավի բնակիչներին մեկնումեկին: Չէ, այդպես չէր կարող շարունակվել:

Պատերին քսվելով վերադարձել էր քաղաք: Ման էր եկել, հոտոտել, փնտրել:

Մի երեկո — ինչեր են պատահում շներին — կողմնակի փողոցում պառկելիս, Ռիմը տեսավ՝ զինված մարդիկ առաջը, զինված մարդիկ հետևում, իսկ մեջտեղը... մի մարդ և մի ուրիշ մարդ: Ռիմը, որ այդ տեսավ, ամբողջ մարմնով ցնցվեց, ոտքի ցատկեց, աչքերը լայն բացեց, ականջները վեր տնկեց, կաղկանձեց: Այն մարդկանցից :Իեկը Ֆեոդոր Պանտելեևիչն էր: Ռիմը ուզեց վազել ուրախության նշաններ անելով ցատկոտել, հաչել, բայց վախեցած ետ քաշվեց: Զինված այդ մարդիկ շատ խիստ դեմք ունեին: Վազեց նրանց հետևից, նրանց շուրջը պտույտ եկավ, որպեսզի ռուսի ուշադրությունը իրեն վրա հրավիրի, բայց իզուր. ռուսը քայլում էր գլուխը վար կախած, ոտքերը հազիվ քաշքշելով, ընկճված և առանց ոչ ոքի նայելու:

Երկար քայլելուց հետո նրանք կանգ առան փոքրիկ պատուհաններով մի շենքի առաջ, ուր նույնպես զինված մարդիկ կային: Մեծ դարպասը բացվեց: Ռիմը փորձեց նրանց հետևից ներս մտնել: Զինվորներից մեկը ոտքով այնպիսի մի հարված տվեց նրա փորին, որ կայծեր փայլատակեցին նրա աչքերի առաջ, և նա, ուշքը կես կորցրած, փախավ մի ուրիշ դռնից և ընկավ մի բակ:

Ընկավ բակ և ցավը անմիջապես մոռացավ:

Խոհանոցի մի այնպիսի ուժեղ, այնպիսի հարբեցուցիչ հոտ եկավ, որ քիչ էր մնացել ուշաթափվելու: Պոչը տրորելով մոտեցավ դռան, որտեղից հոտը գալիս էր և ի՞նչ տեսնի. մի մեծ արկղ կաղամբ, ոսկորներ, յուղի և մսի կտորներ: Շների աստված, անգամ մսի կտորներ... Կերավ, կրծեց, լափլափեց այն աստիճան, որ քիչ վատ զգաց... կորցրել էր ուտելու վարժությունը:

Բակից դուրս գալու և նորից ներս մտնելու համար պետք էր ահագին ռազմագիտություն: Պետք է ժամերով սպասել, որ մեծ դարպասը բացվի: Այդ պատահում էր, երբ զինված մարդիկ ներս դուրս էին անում: Բարեբախտաբար, այդ գործողությունը կրկնվում էր օրը մի քանի անգամ: Ռիմը, շուքի նման պատերին կառչելով, համարյա սողոսկելով առաջանում էր, փոքրիկ դռնից անցնում և, հազիվ դարպասը բացված, նետվում էր դուրս: Իսկ մի օր պոչը տնկած վազել էր նավի ուղղությամբ: Ծանապարհի կեսին զարմանքով տեսել էր, որ կապոցներով ծանրաբեռնված բազմաթիվ գյուղացիներ վայր էին իջնում:

Պանիր, կարագ, պահածո, միս էին տանում: Շրջվել էր և գնացել շինականների հետևից:

Կամաց-կամաց հասել էր մինչև շուկա:

Գիտեր, որ շուկայից շներին և խուժան տղաներին քարկոծելով փախցնում են: Ուտի, մեծ զգուշությամբ թաքնվել էր մի պառավ կնոջ զամբյուղի հետևում, առաջացել իբրև նրա հավատարիմ և ինչոք շուտը և հասել մինչև այն վայրը, ուր ձուկ, միս և ուրիշ հազվագյուտ և քանկարժեք բաներ էին ծախվում: Բայց այնտեղ, հապիվ թե թափշ երկարացրել էր սեղանի տակը ընկած փոշոտ մի կտոր լյարդի վրա, մսավաճառը, հաստափոր մեկը՝ բարկացած բղավել էր, գլխին խփել և փախցրել: Բնականաբար, նորից փորձել էր վերագառնալ: Զգուշ կերպով մոտեցել էր սեղանի մյուս կողմից, փոթրացած, մարմինը ամբողջովին հավաքած առաջացել, դունչը երկարել և շանթի արագությամբ լյարդը վերցրել: Մսավաճառը հաստ փորը շրջել էր և դանակը ձեռքին վազել նրա հետևից: Ռիմը վախեցած կանգ էր առել հեռվում: Աչքերը մեղավոր, ունգները լայն բացած հեռվից դիտել էր և մտածել նոր ռազմագիտություն լյարդի կտորը թոցնելու համար: Հանկարծ ականջները վեր էր տնկել, ուշադրությունը լարել, լսել էր մի ծանոթ ձայն: Կարելի՞ բան էր... Լյարդ, միս, սովածություն՝ ամեն ինչ մոռացել էր: Աչքերը վառվել էին և մտահոգվել: Այդ վայրկյանին ձայնը նորից հրնչել էր, և Ռիմը, ուրախությունից խենթացած, ամբողջ ուժով ցատկել և կաղկանձելով ընկել էր Հերյանի ոտքերի տակ:

— Ռիմ ջան, որտե՞ղ էիր... Ռիմ ջան...

Միասին ուրախացել էին:

Ուրիշ բազմաթիվ մարդկանց շարքում կանգնած, Հերյանը բարձր ձայնով անցնող գյուղացիների ուշադրությունը հրավիրում էր առաջը դրած ապրանքների վրա՝ մի շապիկ, մի ածելի, մի զույգ հոգաթափ...

— Էս տեսակ շապիկ, — ասում էր նա, — տասը տարի էլ փնտրեք, ոչ մի տեղում չեք ձարի... Իսկական զագրանիչնի՛ կտավ և անմատչելի... Տալիս եմ երկու ֆունտ յուղի կամ երեք ֆունտ լուրիայի կամ երկու ու կես ֆունտ ոսպի փոխարեն... Համեցեք, համեցեք, ընկեր շինականներ... օգտվեք առիթից...

Գյուղացիներից ոմանք կանգ էին առնում, շապիկ ծայրից բռնում, շոշափում: Հերյանն աշխատում էր նրանց համոզել:

¹ Արտասահմանյան:

— Սա ուրիշ ապրանք է... գնել եմ Ֆրանսիայում, Մարսել ասված քաղաքում և երկու անգամ շեմ հագել...

— Հին է,— պատասխանում էր գյուղացին, կասկածոտ աչքերով նրան նայելով:

— Հի՛ն է... ասում ես հի՛ն է...

— Կես ֆունտ յուղ... ավելի շեմ կարա...

Ասում էին մեքենաբար և շուտ գալիս Հերյանի կողքին կանգնած ուրիշ վաճառողների կողմը:

Քաղաքի գրեթե ամբողջ բուրժուա դասակարգը այնտեղ էր: Ոմանք եկել էին իսկապես կարիքից մղված, ուրիշներ էլ ցույց տալու համար, որ ոչինչ չունեն: Մինչդեռ ունեին ոսկի դրամներ, գոհարեղեններ, պաշար՝ հողի տակ կամ պատերի մեջ պահված:

— Համեցեք, համեցեք, ընկեր շինականներ... իսկական զագրանիշի ապրանք...

— Ինչ զագրանիշի, ինչ բան... Օս ձեզ տալիս եմ Մորոզովի կտավ... անմատչելի...

— Տաք բուրդե վերմակ... տաք յորդան...

— Ով Արաբստանի իսկական ուլտի բուրդ է ուզում, թող էստեղ գա, էստեղ...

— Քախտի մինդար... Դաղստանի յափունջի...

Բարձր դասակարգի այդ վաճառականները աշխատում էին իրենց մեջ սիրալիր, սալոնային հարաբերություններ պահել:

— Սոֆյա Առաքելովնա, տեսա, կարողացաք մի պնակ մածուկ առնել... շատ ուրախացա...

— Շնորհակալ եմ, Աստվածատուր Միկիշովիչ, շնորհակալ եմ... Իսկ դո՞ւք, ի՞նչ արեցիք...

— Ի՞նչ պիտի անեմ. գյուղացիները էնքան պինդ են որ... Նիչևո, քիչ ոսպ կարողացա ձեռք բերել...

Ապա նորից սկսում էին առաջարկել ապրանքներ:

— Դանակ... շանգալ-մանգալ...

— Սեղանի սփռոց... երեք արշին լայնքը, հինգ արշին երկայնքը...

— Ղազան, հրաշալի ղազան...

Ապրանքները վերցնելով իրենց ձեռքում՝ գյուղացիները նայում էին, այս ու այն կողմը դարձնում, մոտեցնում աչքերին, գննում, հաստ մատներով շփում, շոշափում և առանց ոչինչ ասելու ետ տալիս:

— Բիձա ջան, բիձա ջան,— ասում էր վաճառողը հուզված ձայնով,— ախր լավ շնայեցիր... լավ նայիր, տես ինչ հրաշալի ապրանք է... Երկու ֆունտ յուղի փոխարեն...

Հրաշալի ապրանքը փոքրիկ թատրոնական հեռադիտակ էր:

— Ասենք, խոխեքը կովը սարել են դաշտ արածելու և ուշացել են,— բացատրում էր նա:— Ուշացել են... մտահոգվել ես... ո՞վ պիտի գնա, շուերը ընկնի նրանց փնտրելու համար... բարձրանում ես կտուր, էս զատը մոտեցնում ես աչքերիդ՝ և դաշտում արածող կովին և խոխեքին տեսնում, ասես երկու քայլ հեռու լինեն... Երկու քայլ, ոչ ավելի...

— էնպես է,— կմկմում էր թերահավատ բիձան,— էնպես է... բայց ես շալվար եմ փնտրում...

Հաճախորդը շուրջնակու համար հեռադիտակի տերը բիձայի այդ ցանկությունը հաղորդում էր հարևանին.

— Սերյոժա, էս պատվական մարդը շալվար է փնտրում...

— Շալվար ո՞վ ունի, էստեղ շալվար են ուզում,— հաղորդում էր հարևանը մյուսներին:

— Համեցեք, համեցեք, իսկական անգլիական մահուդից կարված շալվար... էստեղ եկեք, էստեղ...

Հերյանի մոտ խելոք նստած Ռիմը գլուխը այս ու այն կողմ էր դարձնում, նայում և զվարճանում:

Բախտավոր էր:

Այն երեկո Ռիմը ծանոթացավ իրենց նոր բնակարանի հետ:

Բնակարան ասելը չափազանցություն էր, որովհետև եթե պատեր ուներ, տանիքը փլած էր, եթե պատուհաններ կային, ապակիներ շկային: Հերյանը բարեկամ որբերի հետ պառկում էր կես փլած, կես այրված այն տներից մեկում:

Քիչ թե շատ պատսպարված սենյակներից մեկում նա կախել էր հին վերմակից շինված մի տեսակ նախնական գամակ, ճարել էր կես կոտրված մի աթոռ, մի քանի անհրաժեշտ առարկաներ և մի կերպ տեղավորվել:

— Իմ որբինգոնյան անկյունը,— ասում էր նա ծիծաղելով:

Կամ իրեն հանգստացնելու համար՝

— Ենթադրենք, որ մեծ մի փոթորիկ նավս խորտակել է և ես ընկել եմ անծանոթ մի կղզի: Ուրախ եմ, որ կյանքս փրկվել է և յուր եմ գնում... Քիթս վեր տնկած նայում եմ հեռավոր հորիզոնին և սպասում...

Ասում էր և ծիծաղում հնչուն, երեխայական ծիծաղով:

Խուժան տղաները նրան սիրում էին հենց այդ ծիծաղի համար:

— Կյանքը պետք է ընդունել այնպես, ինչպես զալիս է,— կրկնում էր նա:— Մեզ այցելող լավ և վատ օրերին պետք է դիմավորել ողջույններով և նրանց հագցնել մեր երևակայության փարթամ զգեստներով... Մարդիկ մոռանում են, որ կյանքը կարճ է, որ եկել ենք և պիտի գնանք, որ մյուս աշխարհում անհամբեր մեզ են սպասում...

Գիշերները կրակ էին վառում և շուրջը նստում:

Բոցերը լուսավորում էին այդ երեխաների շուտ թառամած, տանջված, հիվանդոտ երեսները: Ցնցոտիներով ծածկված, ոչխիլներով լցված և ոտաբոբիկ, նրանք կապտած շրթունքները սեղմում էին, ջերմոտ աչքերը հառում Հերյանի վրա և սպասում, որ մի բան պատմի:

— Դե, նավապետ ջան, սպասում ենք...

Հերյանը շուրջն էր նայում և շինծու մտահոգվում:

— Քամին էլի սկսեց փչել,— ասում էր նա հեռավոր ձայնով:

— Շատ ուժեղ է փչում... մլավում է...

Տղերքը մեկը մյուսին էին սեղմվում: Բոլորի ուշադրությունը լարվում էր:

— Ուրեմն, օվկիանոսի վրան ենք... Հին ժամանակներում, առագաստանալերով էին ճամփորդում... Մեր նավը՝ չորս կայմանի է. բոլոր առագաստները բացված են, ուռել են, կարծես պիտի ճալթեն... Քիթը բիզ, ամբողջ մարմնով մեկ կողմ թեքված՝ նավը արագ սուրում է... Հետևում, դեկի մոտ կանգնածները թող ուշադիր լինեն, ամենափոքրիկ սխալը կարող է ծանր... Տեսնում եք, չէ՞, ինչ է կատարվում ծովի վրա... քամին գրոհ է տալիս, կոհակները բարձրանում են և լեռան նման, ամեն մի վայրկյան նավի առաջ անդունդներ են բացվում... քիթը վեր է տնկվում, ահագին ուժով վայր է ընկնում, ասես պիտի թաղվի ջրերի վիհում... Բրուռ, թրջվել ենք, ցուրտը խածնում է մինչև ոսկորները... Գիտեմ, հասկանում եմ, բա, չեմ հասկանում... քսան օր է, որ անտանելի եղանակը մեզ շարշարում է... Հոգնել եք, ուժասպառ եք... Դե, ի՞նչ արած, տղեք ջան, քաջություն... Մովային մարդկանց ճակատագիր է. պետք է տոկալ, դիմանալ, թշնամի տարերքին հաղթել... Մի՛ մոռանաք. ամբողջ Սպանիայի աչքերը մեր վրան են... Հիշում եք, չէ՞, այն օրը, մեկնելու վերջին ժամին, ինքը փառավոր և գեղեցիկ մի թագուհին եկավ մեզ այցելության... Կարծես հիմա լինի Փողերը հընչում էին, զորքերը շքեղ զգեստներ հագած շարքով կանգնել էին, աղնրվականությունը՝ գրանդները և հիդալգոները՝ լայն, փետուրավոր գլխարկներով, ժապավեններով ծածկված համազգեստներով, ծանր թուրեր կախած կամաց առաջանում էին թագուհու հետևից: Թագուհին՝ շքեղ, հանդիսալուր, հրեշտակի նման գեղեցիկ, ոսկեզարդ մետաքս

զգեստները շխշխացնելով, մոտեցել էր մեզ և իր մեծ պայծառ աչքերով ժպտացել... Ժողովուրդը կեցցե էր գոռում, նվագախումբը հնչում էր, Սանտանդերի աղջիկները իրենց նրբագիւն մատները շրթներին տանելով համբույրներ էին ուղարկում մեզ...

Շունը զսպված ամենքը լսում էին:

— Ձե՞ք հիշում... կարծես երեկ էր... Եվ մենք երդվեցինք հավատարմության Կաստիլիայի շատ գեղեցիկ մեր թագուհուն, երդվեցինք մեր նավի բացված առագաստները հանձնել հյուսիսային քամիներին և, հաղթահարելով մրրիկ և փոթորիկ, հասնել Կոլումբոսի գտած հողերի հարավային վայրերը, մեր օրի ուժով նվաճել երկրներ և վերագառնալ բեռնավորված անհամար հարստություններով և պսակված փառքով... Հիշում եք, չէ՞...

Հերյանի աչքերը վառվում էին: Այդ ամենը նա ասում էր այնքան բնական և համոզված շեշտով, որ աղաները միաձայն պատասխանում էին՝

— Հիշում ենք, այո, հիշում ենք...

— Տղեք ջան, շատն անցել, քիչն է մնացել,— շեշտով շարունակում էր Հերյանը— Ջենովայում տպված այս քարտեզում ամեն ինչ նշանակված է. մի քանի օր ևս, և մենք կտեսնենք ծովային առաջին թռչուններին, որ կգան, կթռչեն մեր կայմերի կատարին և մեզ կավետեն հրաշալի երկրների մոտիկությունը... կհասնենք Մեքսիկայի մոտերը կամ Կալիֆորնիա, Վառ Փուռ ասված տեղերը... Եվ երբ մոտակա բլուրներից թագավորը և մեծամեծները մեզ տեսնեն, կիջնեն վար, մեզ կբերեն թանկագին քարերով զարգարված հարուստ նվերներ, ոսկի թելերով հյուսված կտավներ, արծաթե ծանր պնակներ, անասելի գեղեցկությունով աղջիկներ և բազմաթիվ ստրուկներ... Մենք՝ զրահներով ծածկված, Տոլեդոյի սրասուր թրերով զինված, նավից կիջնենք, կբանանք Կաստիլիայի շքեղ գրոշը, թագուհու զինանշանը և կպահանջենք, որ ամբողջ այդ երկիրը հպատակվի մեզ... ընդունեն՝ լավ, չնգունեն... կնստենք արագավազ ձիերի վրա և կասպատակենք երկիրը հյուսիսից հարավ... Եվ տեղի կունենան կռիվներ... Կգարնենք աջ և կզարնենք ձախ. կգրավենք գյուղեր, քաղաքներ, թագավորություններ և կտանենք բազմաթիվ հարստություններ, որոնցով կզարգարվեն Կաստիլիայի և Արագոնի պաշտպան սրբերին նվիրված եկեղեցիների ավագ սեղանները, և կվերցնենք գեղեցկագույն աղջիկներին և էնքան ուրիշ բաներ... Եվ երբ ամբողջ այդ երկրները կնվաճենք, ձեզանից ամեն մեկին ես կնշանակեմ տարբեր գավառների կառավարիչ, և գուժ հրամաններ կտաք, կարգադրություններ կանեք, կհարստանաք, և ձեր օւկինե-

րի քանակը այնքան մեծ կլինի, որ տասը նավ չի բավի երկիր տեղափոխելու համար...

Տղաների երեսին բախուալոր խիտ էր նստում:

— Այո, հավատացնում եմ ձեզ, այսպես կլինի և ոչ ուրիշ տեսակ... Իսկ առայժմ պետք է դիմանալ... քամին քանի գնում սաստկանում է... Ցուրտ է...

— Փետն էլ վերջացել է...

— Ուրեմն, մի քիչ պառկենք, քնենք, հանգստանանք... վաղը նոր ուժով, նոր եռանդով կշարունակենք մեր դժվարին ճանապարհորդությունը...

Քամին մշվում էր ծակ տանիքի կատարին: Տղաները գողգողում էին և սեղմվում մեկը մյուսին: Կրակը մարում էր: Հերյանը պառկում էր գամակի վրա, որ նմանվում էր թշվառ երեխայի օրորոցի, վերմակը քաշում էր և լռում:

Ոչ ոք այլևս չէր խոսում պատրանքը կենդանի պահելու համար:

Մեկը մյուսին սեղմված նրանց մարմինները ծալվում էին, և նրանց երևակայությունները ման էին գալիս հրաշալի երկրներում, ուր մշտընջենական արե էր, ուր քաղաքները սալահատակված էին ոսկե քարերով, ծառերը բեռնավորված շտենված հյութեղ պտուղներով, ուր կյանքը անվերջանալի երջանկություն էր, ուր կանայք այնչափ գեղեցիկ էին...

Ռիմն էլ սեղմվում էր նրանց կողքին: Ծրջանիկ էր:

...Օրը բացվում էր ծածկված տանիքի կատարին: Կապոցը ձեռքին Հերյանը իջնում էր շուկա: Տղաները ցրվում էին քաղաքի տարբեր մասերում... անկյուններում սպասում... մի բան թոցնելու համար...

Հաճախ վերադառնում էին ծեծված, վիրավորված:

Պառկում էին և տնջում:

Փլած տան մեջ քաղաքական բուռն վիճաբանություններ էին գնում... Այդ վիճաբանությունների պատճառը միշտ էլ Սիսակն էր: Երկարահասակ, երիտասարդ չորացած ծառի նման վեր տնկված, մեջքը քիչ ծռած, աչքերը չերմով լցված, այտերի վերի մասերը կարմրած՝ նա ընդհանրապես չէր խոսում, այլ՝ գլուխը վար գցած, աչքերը բացակա, չէր հասկացվում՝ մտածո՞ւմ է, թե երազում: Մեկ էլ, տեղի-անտեղի, սկսում էր ծիծաղել: Կամ մեկ էլ խոսելու ցանկություն էր բռնում նրան, փայլփլուն աչքերը դուրս էին ընկնում, ձեռքերը անհանգիստ շարժվում էին, մարմինը ձգվում էր և ձայնը այնպիսի շեշտ էր ստանում, կարծես անմար մի կրակ, այրում տանջում էր նրան:

— Հա,— սկսում էր նա, երբ տղաները, հույնած, շարշարված, լուած նստում էին,— ... էւօր երկւոր ճառեր լսեցի... ճիշտ բաներ էին էին ասում...

— Ի՞նչ էին ասում...

— Ճիշտ բաներ էին ասում,— շարունակում էր Սիսակը,— ես ուղղակի համոզվեցի... Խոսողները հայեր են, իսկական հայեր... էլ պիտի շնորհենք, որ հարուստները կեղեքեն աղքատներին, ասում են նրանք. էլ պետք չէ, որ աշխատավոր մարդիկ քրտինք թափեն և հարուստները ուտեն... Ի՞նչ է, ճիշտ չե՞ն ասում. ի՞նչ է, սո՛ւտ են ասում... ճիշտ են ասում... Աշխարհում արդարություն չկա, պետք է արդարություն հաստատելու Զենքի ուժով: Պիտի հարուստների թևերը կտրել...

— Ի՞նչ է, հարուստները ծի՞տ են, որ թևեր ունենան...

— Միտ չեն, գիշատիչ թռչուն են, որ հարձակվում են թույլերի վրա, կտուցի հարվածով նրանց աչքերը հանում, նրանց սիրտը ուտում և առհասարակ... Ես նրանց ատում եմ, ամբողջ սրտով ատում եմ... Հասկացեք, բոլշևիկները եկել են մեզ նրանց ձեռքից ազատելու համար... Ուրեմն, բարի են եկել... լավ մարդիկ են... էնպես չի՞...

— էստեղ հարցը հարուստների մասին չէ,— առարկում էին ուրիշները,— այլ թուրքերի...

Առարկությունների առաջ Սիսակը մնում էր սառնասիրտ:

— Ես էդ մասին էլ հարցուփորձ արեցի... Տղաներից մեկի հետ խոսեցի... նա ինձ ասաց, որ մեր ուժը չի պատի թուրքերի հետ կռվելու համար... կռվեցին, ի՞նչ արեցին, հոնքը շինելու տեղ աչքն էլ հանեցին, Կարսի նման վիթխարի բերդը վրա տվեցին... Ռուս աշխատավոր ժողովրդի հետ միացած մենք պետք է աշխատենք հեղափոխությունը տարածել ամբողջ Արևելքում և մարդկանց, կանանց, խոխաներին երջանկություն տանք... — Եթե լավ մտածենք, սրանք ոսկի խոսքեր են...

— Նրանք ասացին, և դու էլ հավատացիր...

— Հավատացի, բա ոնց, հավատացի... Կարմիր հայերը խոմ ազգի թշնամիները չեն, խոմ օտարին ծախված մարդիկ չեն... Ժողովրդին սիրում են... սիրտ ու խելք ունեցող մարդիկ են, ուլում են մեզ փրկել... Ուզում են էնպիսի Հայաստան շինել, էնպիսի Հայաստան, որի նմանը իսկ չեն տեսել մեր թագավորները. հին փողոցները պիտի քանդեն, նոր ճանապարհներ բաց անեն, նոր փառավոր շենքեր կառուցեն, մարմարե պալատներ, թատրոններ, պարտեզներ, դպրոցներ, աշխատանոցներ, գործարաններ... այդ փողոցներում գաղթականներ չեն պառկելու և մեզ նման ոտաբորիկ չեն քայլելու... Ես այդ մարդկանց գիրեցի... Ի՞նչ թաքցնեմ, սիրեցի...

— Եթե մնան...

— Ո՞նց թե, եթե մնան...

— Ո՞վ է իմանում, հազար բան են ասում...

— Իսկի մի՞ հավատա... նրանց դուրս հանել հեշտ գործ չէ... Ձէ, մի՞ հավատա... եթե ուզում են էդքան բաներ շինել, երկիրը շենցնել, մարդկանց երջանկություն ստեղծել, էլ ի՞նչ կարիք կա նրանց դեմ կըռվելու... Եթե ամեն մարդ հավասար կլինի, բախտավոր... ամեն մարդ իր սենյակում, պեշկայով, անկողինով...

Հուզվում էր և շոր հազը խեղդում էր նրան:

Արիսը վերքերով ծածկված գլուխը վեր էր բարձրացնում և, բառերի կեսը արագ-արագ ուտելով, հակաճառում էր նրան:

— Դու ասում ես հարուստներ չպիտի ըլին, իսկ ես ուզում եմ, որ ըլին. նրա համար, որ ես էլ մի օր հարուստ պիտի ըլիմ...

Ամենքը ծիծաղում էին:

— Պիտի ըլիմ: Քիչ փող ճարեմ, կոշիկի ներկ գնեմ, կտեսնեք... Ոսկի առնեմ... ոսկի ծախեմ... Մարտինը տեսար, չէ՞... Ես էլ էնպես... Մուշտակով վերարկու կառնեմ, մորթե փափախ, ճոճոացող կոշիկներ և ամեն օր հալվա կուտեմ... Իմ հարազատ աշխատանքով... Ո՞վ կարա ինչ ասել...

— Եվ կլինես բուրժուա...

— Եվ կլինեմ բուրժուա... Դու՞մա կուտեմ, ծածիկ պանիր, ճուտով փլավ... Կըլիմ հարուստ, իսկ հարուստ մարդկանց առաջ ամենքը փափախ են հանում, պատիվ են տալիս... էստի համեցեք, էստի համեցեք... պաժալտա, էս մսի կտորը վերցրեք, շոր է, վերցրեք էս կտորը, յուղալի է... էսօր դաուրմա ենք եփել, Արիս աղա, անպայման մեզ մոտ համեցեք... Եկա, եկա...

Արիսը տեղից վեր է թռնում, փորը ուռեցնում և երեքալով ման գալիս: Այլևս քունը փախցրած՝ ամենքը զվարճանում էին:

Սիսակը լռում էր և ընկնում երազանքի մեջ:

— Աղա, ըսլուշայ, զաչե՞մ տակոյ-մակոյ¹, — կատակում էր Արիսը ուսերեն լեզուն կտտրատելով, — սուղա-մուղա տակ ուպպատայ²...

Ահագին աղմուկ էր բարձրանում: Որբերը հանկարծ մոռանում էին հոգնությունը, քաղցը, ցուրտը և վերադառնում էին իրենց տարիքի հատուկ անմեղության: Քահ-քահ ծիծաղում էին, ծամածուրթյուններ

¹ Աղա, լսիր, ինչո՞ւ էսպես-էնպես:

² էս կողմ, էն կողմ, էսպես աշխատիր:

անում, գավեշտ խաղում: Մաղրում քաղաքի հայտնի անձնավորութիւններին:

— Սա թոփալ աղան եմ,— հայտարարում էր մեկը:

Ձեռքերը ետ էր նետում, գլուխը մի կողմ ծռում և ձախ ոտքը քարշ տալով քաջում:

— Աղա ջան, մի քիչ սղորմութիւն,— դիմում էր նրան մի ուրիշը: Թոփալ աղան կանգ էր առնում, հոնքերը վեր բարձրացնում, աչքերը շում և բերանը ծռում:

— Դե կորեք, շան լսկոտներ... Զորտ գնաւտ շտո-մշտո... Եկել են մորեխի նման աշխարհը ծածկել...

Տիլմի նման, քաղաքի բոլոր տեղացիները դեմքերը վերակենդանանում էին: Մեծ ընտանիքով ժանրաբեռնված մարդիկ, շուկայում կուպեկի համար ժամերով վիճաբանող ժլատ ծերեր, աղջիկների հետեից վազող թեթևաուղիկ երիտասարդներ, նախարարի աստիճանի բարձրացած վարժապետներ, կոտորատովոլ կանայք, պարտքով ծխախոտ գնող դերասաններ, քաղաքի միլիցիայէտը և պարետը, Զոնգուլանց Հոիկ քաջին, որ քարը ձեռքին վազում էր իրենց հետեից և հայհոյում: Կլուբից դուրս եկող անբախտ խաղացողներ, վանեցի վաճառականներ, հայր Հարութը, որ երբ հազում էր, փողոցը դրդում էր, և, վերջապես (դա ամենազվարճալի մասն էր), նավապետ Հերյանը, այն օրերին, երբ նավը տանում էր վեր:

— Աղա, ես ձեզ մատաղ... մի ժամ է աշխատում ենք և մի արշին իսկ չենք առաջացել... էս եղները ջան շունն¹, ինչ է... Ախր էգպես չի կարելի, ախր չի կարելի... Նու, դավայ, դավայ... քշիր, է, քշիր...

Ամենից շատ զվարճացողը Հերյանն էր:

Այդ վայրկյաններին ամեն ինչ մոռացվում էր, ծիծաղը և կատակը մաքրում էին տղաների երեսները և լուսավորում նրանց սրտերը: Հետո, ուշ գիշերին, պառկում էին, ոչխարների նման մեկ մեկի սեղմվում և ձեռքերը կրծքին ծալած քնում:

Բաց տանիքից գիշերը և ցուրտը ներս էին մտնում և խուլորեն վայում:

6

Հերյանը ամեն ինչ ծախեց և մնաց թշվառութեան մեջ:

Միակ արժեքավոր առարկան, որ մնացել էր, ոսկի ժամացույցն էր:

¹ Սատանան գիտի ինչ է:

Այդ էլ թանկագին հիշատակ էք. չէր ուզում ծախել: Արձանագրութուններով ծածկված այդ ժամացույցը նրան նվիրել էին իր նավաստիները, մի մեծ փոթորկից հետո: Անցյալի հետ իրեն կապող վերջին հիշատակն էր, որը որոշել էր պահել, անգամ եթե սոված մնար:

Միրելի նախաստիներ, սիրելի ընկերներ... Ո՞րք էին հիմա... Մախելու այլևս ոչինչ չուներ, սակայն շարունակում էր շուկա գնալ հետաքրքրության և ժամանցի համար: Զգիտեր ինչպես անցկացնել օրերը: Դիտում էր մարդկանց և աչս աշխարհի՞ք բաները: Ինչպես ամեն ինչ փոխվել էր... Երեկվա խորխոր, գոռոզ, շփացած մարդիկ և կանայք անպաշտպան մայրդ գառնուկ էին դաթծել: Ամեն մարդ աշխատում էր իր անցյալը մոռացության տալ: Շուք, սովվեր դառնալ: Կանայք հագնում էին իրենց ամենահամեստ զգեստները. մարդիկ՝ առանց օձիքի և փողկապի, աշխատավոր մարդու արտաքին ձևեր էին ընդունում:

Իսկապես կյանքը մի մեծ զավեշտ էր, և մարդիկ՝ դժբախտ, ակամա դերասաններ: Պետք էր տեսնել վախով լցված, այս ու այն կողմ փախչող այդ նայվածքները: Լեղի ժպիտները, երկարած վիզերը, ներս ընկած ձայները՝ մեղմ, թույլ և երկչոտ:

— Համեցեք, ընկեր շինական, համեցեք... ահա երիտասարդ աղջրկա մետաքսե մի կապա...

Երբեմն այդ ձայները հանկարժ լուում էին: Մարդկանց և կանանց գույնը թափվում էր, շրթները դողում և մեղավոր մի ժպիտ դրոշմվում նրանց երեսին: Շրջապատել էին շուկան: Զերբակալում էին ոսկի վաճառողներին:

Հերյանը կամաց հեռանում էր: Փողոցներում ման գալով հեռվից նայում էր անտեր կանգնած նավին:

Միրտը մղկատում էր:

Նա հուսահատված որոշեց նոր իշխանութունից աշխատանք խնդրել: Ուրիշ ճար չկար:

Միսակը մի ամբողջ գիշեր խոսել էր այն հրաշալի բաների մասին, որ կոմունիստները մտադիր էին անել: Հավատավոր, մուլեռանդ շեշտով, աչքերը վառված, ձայնը խորացած և թրթռուն: Այդ խոսքերը, հակառակ նրա կամքին ազդել էին վրան, խուժել նրա գիտակցության ներսը, նվաճել նրան: Վերջ ի վերջո, ինքը կուսակցական մարդ չէր: Պարզ հայ էր, որ եկել էր ծառայելու իր երկրին: Ուստի, եթե կարելիութուն տալին իր գործը շարունակելու, ինչո՞ւ, ինքը իրեն երջանիկ չպիտի զգար: Ինքը ուզում էր վերջացնել սկսված գործը, իսկ մնացածի մասին թող մտածեն ուրիշները: Ոչ մի հույս չկար, որ այդ մարդիկ մեկ-

ներին: Նրանք եկել էին ծանր: Երկաթե քայլերով: Հողերի տարածու-
թյունների վրայից, բզկտված հորիզոնների ետևից, դուրս էր եկել մի
նոր աշխարհ՝ միլիոնավոր ամբոխների փոթորկած, նոր կյանքի և նոր
ճակատագրի ծարավ մի աշխարհ: Ի՞նչ կարող է հակադրել նրանց պա-
տռտված մարմինով, արյունած սրտով, ուժասպառ հին աշխարհը:

Զէ, իրավունք ունեւր կյանքի ետին փողոցներում ծեծված, վիրա-
վորված, բայց սրտի պայծառությունը պահած Սիսակը: Ո՞վ է ասում,
որ նրա հայտնատեսությունը, ինչպես ճգնավորների, ճնշվածների, սըր-
բերի հայտնատեսությունը ճշմարտության ավելի մոտ չէ, քան այս-
պես կոչված գիտակից և բանիմաց մարդկանց՝ դեպքերի առաջ փողո-
վերածվող գիտությունը: Կենդանիները և մաքուր սրտով մարդիկ նա-
խազգում, ընթռնում են տարերային եղելությունները:

Զէ, իրավունք ունեւր Սիսակը...

Այդպես մտածելով, նա ման էր եկել ժողովրդական կոմիսարիա-
տի շենքի շուրջը, բայց ներս մտնելու քաջություն չէր ունեցել:

Գիշերը չէր քնել: Ժամերով մտածել, խոսել էր ինքը իր հետ: Ամեն
ինչ թվացել էր պարզ, հասկանալի, տրամաբանական և, շնայած դրան,
ինչ-որ ներքին ուժ հակառակվել էր նրան: Ի՞նչ էր այդ ուժը՝ վիրավոր-
ված ինքնասիրտը՞ն, դեպքերին հարմարվելու վա՞խ, խղճի տան-
ջա՞նք...

Առավոտ շուտ հենց որ աչքերը բացել էր, գտել էր պատճառը:
Զվա՞րթը:

Գնալ նրանց մոտ, այդ նշանակում էր ընդունել, որ Զվարթը իրա-
վացի էր: Այդ նշանակում էր հանդիպել նրան, գլուխը ծուած կանգնել
նրա առաջ... Հիմար բաներ... որքան ժամանակ էր, Զվարթին չէր տե-
սել...

Երկար թափառել էր քաղաքում: Մաքառել էր իր ներսում արթնա-
ցած ստվերների դեմ: Մեծ, վճռական դեպքերը չափել անձնական փոք-
րիկ զգացումներով և ասել՝

— Ստորություն է: Ո՞վ է իմանում հիմա որտե՞ղ է Զվարթը. գու-
թեև այստեղ չէ...

Նա կոմիսարիատում հանդիպել էր Զվարթին:

Ահա թե ինչպես:

Հերյանը մի քանի անգամ անցել էր կոմիսարիատի առաջից, նա-
յել ներս ու դուրս անող մարդկանց, մտածել, շարժարվել, առանց վերջ-
նական որոշում կայացնելու: Նրա այս ընթացքը պահապանների մեջ
կասկած էր արթնացրել: Աչքի տակով նայել էին նրան և ինչ-որ բա-

ներ փսփսացել: Հերյանը այդ նկատել էր և, կասկածները փարատելու համար վճռական քայլերով մոտեցել էր նրանց.

— Ներեցեք, ընկեր, աշխատանքի գրասենյակի մուտքը ո՞ր կողմից է...

— Բարձրացեք վեր...

Շտապ-շտապ բարձրացել էր վեր, դուռը բաց արել և ինքն իրեն գտել մի երիտասարդ մարդու կարճատես աչքերի առաջ:

— Հը, ի՞նչ կա,— հարցրել էր երիտասարդը երկար նայելուց հետո:

Հերյանը հանկարծ կորցրել էր խոսելու կարողությունը: Ապուշ-ապուշ նայել էր և կարմրել: Վախեցել էր նավի անունը տալ, իսկ ուրիշ ի՞նչ աշխատանք կարող էր ուզել...

— Ասացեք, ի՞նչ եք ուզում...

Բարեբախտաբար, այդ վայրկյանին երիտասարդին կանչել էին մյուս սենյակից, և Հերյանը մնացել էր մենակ: Նախ՝ մտածել էր փախչել, չէր կարողացել, ոտքերը մեխվել էին գետնին: Հինգ ռուպե շանցած երիտասարդը վերադարձել էր: Ներս էին եկել նաև ուրիշ մարդիկ, ինչ-որ թղթեր բռնած և այդ մարդկանց հետևից՝ մի հեռագիր ձեռքին, եկել էր Զվարթը...

Հերյանը գույնը գցել էր և ետ քաշվել: Նրան տեսնելով, Զվարթը սիրալիր և բնական, ձեռքը երկարել էր և մոտեցել...

— Ահա, վերջապե՛ս, նավապետը,— բացականչել էր նա,— մենք քանի օր է ձեր մասին էինք խոսում...

Թևից բռնել էր և քարշ տվել հարևան սենյակը:

— Ընկեր Մավյան, ներկայացնում եմ ձեզ նավապետին, որի մասին խոսում էինք...

— Նստեք, ընկեր, նստեք,— ասել էր մյուսը բարեկամական շեշտով:— Սկանի երթևեկության հարցը մեր շինարարական պլանի մեջ է մտնում... այդ մասին որոշումներ ունենք... Մենք խոսել ենք նաև ձեր մասին...

Եվ ընկեր Մավյանը, լուրջ և գործնական մոտեցումով, հարցուփորձ էր արել նավի մասին, այն միջոցների մասին, որ անհրաժեշտ էին նավը Սևան տեղափոխելու համար, ինչպես նաև Հերյանի անձնական նյութական վիճակի մասին և այլն:

Հերյանը խոսել էր եզների մասին և ծիծաղել էին:

— Չէ, չէ,— ասել էր մարդը,— այդպիսի տնայնագործական միջոցներով երկիր չի շինվում... Մենք շուտով կստանանք ինքնաշարժեր, բեռնատարներ և տրակտորներ, դուք կարող եք ընտրությունը կատա-

րել... Առհասարակ, այդ գործը ամբողջովին հանձնում ենք ձեզ... Ընտրեցեք մարդկանց, արեք այն կարգադրությունները, որ անհրաժեշտ են և ամեն ինչ լավ կընթանա...

Ավելացրել էր նաև, որ այդ առաջին նավով հարցը չէր սպառվելու. կարիք պիտի ունենային ուրիշ նավերի: Պիտի շինեին կամրջակներ և նույնիսկ էլեկտրակայաններ: Անշուշտ, քիչ համբերություն էր պետք, իշխանությունը նոր էր հաստատվել և այդ ամենը իրագործելու համար... Մի վկայական էր գրել, ոտճիկի մասին կարգադրություններ արվել և խնդրել, որ զեկուցեն...

Ընկեր Մավյանի հետ հանդիպումը եղել էր Զվարթի բացակայությամբ: Մեկնելիս նա Զվարթին չէր տեսել: Դրսում մնացել էր շվարած. այդքանը չէր սպասում: Հուզումի հոսանքները խաչաձևվել էին, նրա վիշտը և ուրախությունը խառնվել էին իրար:

Նորից նավը և նորից Զվարթը:

Նավը՝ որք, մենակ, ժանգոտած, կեղտոտված: Ահ, «Ալբատրոսը» նորից թևեր է առնելու, նորից նավարկելու է հողերի վրայից, լեռների մոտերից: Վերջապես պիտի լքեն բուքերով լվացված, փոթորիկներով խառնված ժայռի կատարը իրենց երազը հետապնդելու համար:

Իսկ Զվարթը... Ինչքան փոխվել էր և ինչ լավ էր, որ այդպես փոխված էր: Պարզ, լուրջ, կարծես լուսավորված: Անշուշտ, կորցրել էր կանացի այն քնքշությունը, վիրահարված աղավնու կոկորդը լցված այն հուզականությունը, որ նրա հմայքն էր կազմում, բայց, մյուս կողմից, ինչքան ավելի իրական էր հիմա, ինչքան ավելի պայծառ: Մնվում էր նոր կինը, նոր հայ կինը: Ոչ թե տառապանքներից ծալված, ողբով և արցունքներով լցված հայ մայրը, այլ ավերներից և մոխիրների միջից վերածնված, լուսավոր ճակատով, իմաստուն աչքերով, հասկացող և քաջ սրտով կինը:

Ահ, նորից նավը և նորից Զվարթը:

Հաջորդ օրն իսկ Հերյանը տեղափոխվել էր նավ:

Սիսակը և Վազգեն անունով մի ուրիշ տղա համաձայնվել էին աշխատել Հերյանի հետ: Մյուսները, շնայած առաջարկված լավ պայմաններին, մերժել էին: Նրանք նախընտրում էին շարունակել անկայուն և թափառական կյանքը: Մեծ թափով սկսել էին նավը մաքրել: Կատուներին փախցրել էին: Տաք ջրով ամեն մի անկյունը լվացել, մետաղե մասերը փայլփիցցրել: Պակասում էր ներկը, բայց այդ մասին գրեցին Քաբու, և հույս ունեին շուտով ստանալու:

Հերյանի առաջին մտածումներից մեկն էր բանտից դուրս բերել Յեռոդո Պանտելեևիչին: Երանց ներկայացրել էր գործի համար անհրաժեշտ, անփոխարինելի մարդ: Վազվզել էր գրասենյակից գրասենյակ: Խոստացել էին գործը վերաքննել, բայց բանտից չէին ազատել: Ուտե-լիքներ էր տարել, ընդունել էին:

Սկսվել էր նոր կյանք:

Պայոկ¹, ոռճիկ, անգամ կաշվե բաճկոններ էին ստացել:

Ռիմբ բախտավոր էր. կանգնում էր կամրջակի կատարին և հաշում քաղաքի վրա: Երևի վախենում էր, որ նավը ձեռքից խլեն...

Հազիվ լույսը բացված՝ անցնում էին աշխատանքի:

Կայմի կատարին, եռագույնի փոխարեն հիմա ծփում էր կարմիր դրոշակը: Դրոշակի վրա՝ երկու Մասիսները, մուրճ և մանգաղ:

Կարմիր դրոշակը...

— Շանորդին, գույնը փոխել է... — ասում էին ոմանք և Հերյանի մասին հազար ու մի բաներ էին հնարում:

Հերյանը մնում էր անտարբեր:

Նավը պետք է հասնի Սևան:

Երբեմն սակայն չէր կարողանում ծածկել զայրույթը, մանավանդ, երբ բամբասանքները գալիս էին այսպես կոչված մտավորականներից:

— Այս ժողովրդի դժբախտություններից մեկն էլ, — ասում էր նա, — կես զարգացած, քաղքենի, տափակ սրտով և տափակ խելքով մտավորականներն են... Պառավ աղջիկների նման նախանձոտ, լեզի և հիմար... Երանց համար հայրենիքը կուսակցություն է, իսկ կուսակցությունը՝ հավնոց: Մերտով և կուտով լցված հավնոց... Վանդակը ընկած սկյուռի նման պտույտ են զալիս նույն աժան և մաշված գաղափարների շուրջը, և այն, ինչ անվանում են գաղափար, ուրիշ բան չի, եթե ոչ եղունգները կրծելու նման վատ մի սովորություն...

Եվ շարունակում էր աշխատել:

Երկու անգամ ինքնաշարժով գնացել էր Սևան: Քարտեզի վրա նշանակել էր այն տեղերը, ուր անհրաժեշտ աշխատանքներ պիտի կատարեին: Գիշերները չէր քնել. փոքրիկ սեղանի առաջ նստած՝ գծագրություններ, հաշիվներ, մանրամասն ծրագրերներ էր պատրաստել: Հազար գործ կար անելիք: Մինչև բեռնատար ինքնաշարժների ժամանելը պետք էր Սուխոյ Ֆանտանի կողքով անցնող ճանապարհի շինարարության աշխատանքները ավարտել: Ցեմենտի և փայտեղենի կարիք կար: Անշուշտ, հիմա որ Կովկասյան հանրապետությունների նախկինում

¹ Մթերաբաժին:

փակ սահմանները փաստորեն ջնջվել էին, այդ ամենը կարելի էր բերել Ադրբեջանից կամ Ռուսաստանից: Դժբախտաբար, երթևեկութունը անկանոն էր, պակասավոր: Եվ աննպաստ էր եղանակը: Փետրվարը խիստ էր: Քամի, ձյուն, ձմեռ: Ճանապարհների որոշ մասերը սառած էին: Սևանի ափերը թաղված էին ձյունի մեջ:

— Ամսի կեսը անցավ և երկու ամսից եղանակները կմեղմանան,— ասում էր Հերյանը:— Մարտին կսկսենք պատրաստական աշխատանքները և գարնան մոտ մեր բարեկամին հառա-հուռայով կտանենք...

Այդ ասելու ժամանակ աչքերը փայլում էին և մի լայն ժպիտ լուսավորում էր նրա դեմքը:

...Ապրում էր նավի վրա վանականի նման: Քաղաքի անցուղարձերով քիչ էր հետաքրքրվում: Գրեթե վար չէր իջնում և եթե իջնում էր, փողոցներից անցնում էր արագ քայլերով: Զվարթին երկու անգամ հանդիպել էր գրասենյակներում: Նա էլ շափազանց զբաղված էր: Թըղթապանակը թևի տակ սեղմած վազում էր մեկ ժողովից մյուսը, այցելում մոտակա գյուղերը:

— Ահավոր աշխատանք կա,— գանգատվել էր նա:

Բարևել էր, ասել, անցել, նավի մասին ոչինչ չէր հարցրել. երևի, ամեն բանի մասին տեղյակ էր և հարցուփորձ անելու կարիք չուներ: Իսկ իրենց սե՛րը...

Հերյանը փորձել էր զգացումները վերլուծել, բայց չէր կարողացել: Ամեն ինչ վայրկենապես կանգնել էր մեկը մեկի հանդիպած նույն գծի վրա ընթացող երկու գնացքների նման:

Նաև դեպքերը:

Մեծ անցուղարձերի ժամանակ անհատական զգացումները նսեմանում են, փոթորիկները շլացնում են մեզ, և սիրտը լուում է և սպասում:

Ինքը, Զվարթը, նավը, ամենքը սպասում էին:

Հիվանդանոցի առաջից անցնելիս նա մտել էր ներս և հարցրել օրիորդ Բուդաղյանի մասին: Մեծ այդ շենքը որոշված էր համալսարանի վերածել և հիվանդներին տեղափոխել ուրիշ տեղ: Դռնապանը չէր կարողացել օրիորդի մասին որևէ տեղեկություն տալ:

— Ո՞վ է իմանում, գուցե քաղաքից մեկնել է,— ասել էր նա:

Հանդիպել էր նաև Բաբկեն Միրանյանի կնոջը՝ տիկին Վարդուհուն: Լավ հագված, զուգված, ուրախ: Հերյանի սիրտը սեղմվել էր: Կա-

նանց հիշողութունը այդքան էլ կա՞րճ է... Տիկինը պարտ էր համարել նրան բացատրութուններ տալ: Բախտ էր ունեցել հանդիպելու մանկության ընկերոջը, որին շատ սիրում էր Բաբկենը և որը հիմա կոմիսար էր:

— Ամուսնուս իզուր տեղը զոհեցին,— ասել էր նա վրդովված ձայնով:— Հիմա իրենք էլ պատժվեցին... Ամբողջ սրտով ատում եմ նրանց, ամբողջ սրտով...

Հետո նորից վերագտնելով պաղարյունութունը, ժպտացել էր:

— Պարոն Հերյան, համեցեք մեզ մոտ... նույն տեղն ենք ապրում... անպայման եկեք...

Հերյանը ինչ-որ բան էր կմկմացել և հեռացել:

Այլևս ժամանակ էլ չուներ որևէ տեղ գնալու: Սաստիկ զբաղված էր:

Պատահել էր մի անսպասելի բան: Նպարավաճառի խանութում մի քիչ ուտելիք գնելիս նա նկատել էր թիթեղե արկղեր, որոնք պարունակում էին գերմանական ճերմակ ներկ. ճիշտ և ճիշտ այն ներկը, որ կարիք ուներ նավի համար: Սակայն խանութպանը մերժել էր վաճառել, ասելով, որ իր տան դռներն է ներկելու: Աղմուկ էր բարձրացրել: Հերյանը հայտարարել էր, որ կառավարութունը կարիք ունի այդ ներկին, և... աչքերը ուլորելով և փայլփլեցնելով նայել էր խանութպանին:

Վճարել էր, ներկերը վերցրել վազել վեր:

Ահա երեք օր է աշխատում էին:

Դժվար աշխատանք էր: Նախ հին ներկը քերել, մաքրել, ծակերը գոցել, կարմիր անցնել: Նավի երկու կողմերի վրա շվաններ էին կախել, ճուրիկներ շինել և վրսն նստել: Հերյանը մուրճով զարնում էր երկաթներին և երգում: Վերհիշում էր ծովային բոլոր երգերը և անցած կյանքը, կտոր-կտոր հեռավոր երազի նման:

— Շովային մարդը,— ասում էր նա տղաներին,— ամեն բան պիտի կարողանա անել: Դժվար, բայց լավ դպրոց է, ուժեղ մարդիկ է ստեղծում... Շովային մարդը պիտի պատրաստ լինի բոլոր անակընկալները հաղթահարելու, պիտի իմանա բոլոր արհեստները, տոկա բոլոր տանջանքներին, տոկա քաղցին, ծարավին, փոթորիկներին... Ես շատ ցավում եմ, շատ, որ Հայաստանը ծով չունի... Հայերք լավ մարդիկ են, նրանց պակասում է հորիզոնը... լայն չեն տեսնում... փակված են...

Մի քանի վայրկյան տենդով աշխատում էր և նորից խոսում:

— Հայերը, օրինակի համար, լուսավորչական են, փակ. չուսավոր-

չականությունը լեռների մեջ փակված կրոն է, ինքը իր մեջ ամփոփված, մաքուր, պայծառ, բայց սահմանափակ... թափ շունի, խիզախի շգիտի... Եթե լավ նայես, մեր ազգային շարժումները, կուսակցությունները այդպես են եղել... Լուսավորչական... Արեղա, քաղթների, վարժապետ... Երևի պատճառը դա է, որ մեր ուժեղ, տաղանդավոր մարդիկ դուրս են վազել, գնացել ուրիշների համար աշխատել, դիրք և անուն շինել... Եթե մնային, կխեղդվեին...

Եվ ասում էր.

— Ապարանի գյուղացիները միտինգ են գումարել և պահանջել, որ դաշնակից պետութունները գերմանական հողերից հեռանան... Մատերը քթի տակով ծիծաղում են թե Ապարանը ուր, գերմանական գավառները ուր... Չեն հասկանում, որ այդ միտինգը կարևոր է ոչ թե գերմանացիների, այլ հայ գյուղացիների համար... Մշակույթը լայն հետաքրքրություն է... Մանթանում և հետաքրքրվում են լեռներից այն կողմը տարածվող աշխարհի մասին, մասնակցում են համաշխարհային կյանքին, իրենց համարում են ամբողջության անբաժանելի մի մաս...

Սիսակը սաստիկ ուրախանում էր:

— Հենց էդ է, էլի... Բոլշևիկմը էդպիսի գիտակցություն է տալիս...

— Հա, էլի...

7

Այն օրը վորլա ձուկ էին բաժանում:

Սիսակը զամբյուղը ձեռքին գնացել էր պաշարը ստանալու: Հերթի սպասելիս նա կարդացել էր պատի լրագիրը: Արիմի կողմերում կարմիր բանակը մեծ հաղթություն էր տարել ճերմակների դեմ: Դրանով էլ բացատրել էր գրասենյակի մարդկանց դեմքերի վրա գրված հուզումը:

Երկինքն էլ ծանր էր՝ գորշ:

Ամեն ինչ թվում էր թմրած, սաքած: Փողոցներում գրեթե շարժում չկար: Փոերի առաջ երկար շարքեր էին կանգնել, ինչպես այդ տեղի էր ունենում ուրիշ օրերը: Իչել էր շուկա քնզութի ձեթ ճարելու համար և զարմանքով տեսել էր, որ այդտեղ էլ մեծ շարժում չկար:

Կենտրոնական փողոցի այն տների առաջ, ուր կուսակցական և պետական կարևոր օրգաններն էին, զինված պահակներ էին կանգնած: Պետական ինքնաշարժերից մտազբաղ մարդիկ էին դուրս գալիս, վա-

գելով մտնում էին այդ տներից ներս, շտապ դուրս գալիս, նորից ինքնաշարժ մտնում, մեկնում:

Տարօրինակ բան էր:

Սիսակը, զամբյուղը ուսին դրած, ձեթի պարապ շիշը ձեռքին շվարած նայել էր. ապա, ինքն էլ չգիտեր ինչու, արագացրել էր քայլերը: Սկսել էր մտահոգվել: Այդ մտահոգությունը ավելի էր սաստկացել, երբ քաղաքի վերի այգիների մոտ, հրացանները կրակելու պատրաստ բռնած զինվորներ էր տեսել: Նրանց առաջից անցնելիս նրան կանգնեցրել էին և պահանջել, որ ցույց տա զամբյուղի պարունակությունը: Ցույց էր տվել և բացատրել, որ պաշարը նավի համար էր: Արտոնել էին, որ անցնի:

Քանաքեռի ճանապարհի վրա, մարդկանցով և իրերով լցված՝ քաղաքից մեկնող ինքնաշարժներ էր տեսել: Հեծելագործի մի գունդ, քառատրոփ վեր էր գնացել և դիրքեր բռնել: Նրանց հետևից եկել էին հրետանու մասերը:

— Երևի Սուխոյ Ֆանտանի կամ Դիլիջանի կողմերը մի բան է պատահել,— մտածել էր Սիսակը:

Հետո ինքը և դժվարին զառիվերը մնացել էին մենակ: Երկնքի ծանր ամպերը՝ վզի դանդաղ շարժումներով տրոր էին եկել, իջել վար, նվաճել ամբողջ հորիզոնը: Զառիվերի կատարին քամին սկսել էր թափահարել նրա մարմինը. վազել էր և շունչը կտրած հասել նավ:

Հերյանը հազիվ տեսել էր պարապ շիշը, բարկացել էր:

— Եղբայր, ծով գնաս ջուր չես ճարի... Ասացի, անպայման ձեռք բերես...

Խոսքը չէր կարողացել վերջացնել: Ծիշտ այդ վայրկյանին քաղաքի կողմից հրացանաձգության ձայներ էին լսվել:

Ռիմը ցատկել էր կամրջակի վրա և սկսել հաշել:

— Ի՞նչ է պատահել...

Սիսակը գույնը նետել էր և պատմել այն ամենը, ինչ տեսել էր քաղաքում: Հրացանաձգության ձայները դադարել էին:

— Դե որ պատի գազեթայում կարդացել ես... ուրեմն, տոնում են ճերմակների դեմ հաղթանակը... Պարադ գուցե լինի...

Հանկարծ նավը շարժ էր եկել: Թնդանոթի մի հարված ոռնալով պայթել էր: Հետո նոր հարված: Ռիմը վախեցած ներս էր վազել և անկյունում կուչ եկել:

— Կրակում են Քանաքեռից... քաղաքի վրա...

Հրացանաձգության ձայները սկսել էին սաստկանալ անկանոն:

Տրաքոցները լսվում էին քաղաքի բոլոր մասերից: Կրակում էին այ-
գիններից, տների տանիքներից...

Հերյանը բարձրացել էր վերի կամրջակի վրա և անձկությամբ նա-
յել: Պարզ երևում էր, թե ինչպես փողոցներում զինված մարդիկ էին
վազվզում: Անկյունների ետև թաքնվում էին և կրակում: Մերթ ընդ
մերթ ոռնում էր թնդանոթը:

— Իրարանցում է...

Կասկած չկար, դաշնակցականները փորձում են նորից իշխանու-
թյունը իրենց ձեռքը վերցնել...

Տեղ-տեղ եկեղեցիների զանգակները սկսել էին ղողանջել: Քաղա-
քի որոշ մասերում հրդեհ էր սկսել: Փողոցներում վազվզող մարդկանց
թիվը գնալով բազմանում էր: Ահա տեսնվում էր, թե ինչպես Սուրբ Խա-
չի և շուկայի մոտերը բազմությունը խումբ-խումբ առաջանում էր: Ամեն
անգամ, որ թնդանոթը գոռում էր, խմբերը ցրվում էին, մտնում կողմ-
նակի փողոցները, սողսկում պատերի տակ, թաքնվում: Մի քանի րո-
պե հետո նորից գուրս էին գալիս, միանում, անվստահ քայլերով առա-
ջանում, ապա՝ նորից ոռումքի պայթոցը լսելով ցրվում, տների ետև
պատսպարվում:

Շուկայից կայարան տանող ճանապարհի վրա գաղթականների
ահագին մի բազմություն էր վաղում: Թշվառության ահագին մի
հորդա:

— Դա ի՞նչ բան է, ի՞նչ բան,— ասում էր Հերյանը ինքն իրեն:—
Ինչի՞ վրա են հույս դրել... Իսկ եթե թուրքերը նորից հարձակվեն Հա-
յաստանի վրա՞, եթե Վրաստանում զբաղված կարմիր բանակը վերա-
դառնա՞...

Զանգակները շարունակում էին մռայլորեն ղողանջել:

Գնդացիները ջղայնացած տրաքտրաքում էին:

Վերից նայած՝ գորշ, գրեթե ամբողջովին ծածկված երկնքի տակ
քաղաքը ափելի էր տափակացել: Մառախուղի մեջ կորած Արարատյան
դաշտը չէր երևում: Ետ էին քաշվել նաև լեռները: Ամպերի միջից եր-
բեմն-երբեմն նշմարվում էր Արարատի ձյունապսակ գագաթը և ան-
միջապես ծածկվում: Մանր, ճնշող մի գորություն իջել էր այդ աշխարհի
վրա և ամեն ինչ սեղմել: Ճնշիչ էր նաև զանգակների բարձրաձայն
լացը:

Լայ չէր հասկացվում, թե ինչ էր պատահել: Բուն կովողները չէին
երևում: Գնդացիների և համազարկերի ձայները գալիս էին հեռվից
և կորչում պարապի մեջ:

Կես ժամի շափ փողոցներում ոչ մի մարդ չտեսնվեց:

Այդ կես ժամը հղի էր լուսթյունով և անձկությամբ: Քաղաքը թվում էր հանկարծ դատարկված: Ազոավների ահագին երամներ անհանգիստ թռչում էին երկնքի մեկ մասից մյուսը:

Թնդանոթները լռել էին: Լռել էին նաև զանգակները:

Ի՞նչ էր պատահել:

Քիչ հետո Սուրբ Խաչի մոտերը հավաքված մարդիկ դուրս թափվեցին և սկսեցին վազել:

Հերյանը և Սիսակը նայում էին այդ տեսարանին, երբ մեկ էլ, իրենց մոտից գնդակներ վզզացին:

— Պառկիր,— գոռաց Հերյանը և փովեց գետին:

Կասկած չկար, կրակում էին նավի վրա: Մի քանի գնդակներ զրընգալով կպան նավի երկաթներին:

— Գժվել են, ի՞նչ է,— մոմռաց Հերյանը:

— Կարմիր դրոշակը վար արա, թե չէ...

Ժայռի մյուս կողմից լսվող այդ ձայնին անմիջապես միացան բազմաթիվ ուրիշ ձայներ: Հերյանը վեր կացավ և կայմի դրոշակը վար քաշեց:

— Քեզ հետ հաշիվը հետո... — լսվեց նորից:

Հայհոյեցին, հեռացան:

— Հիմա ի՞նչ պիտի լինի,— դողացող ձայնով ասաց Սիսակը:

Նրեսի գույնը գցել էր: Ձեռքերը միացրել էր կրծքին և շոր հազը չէր կարողանում զսպել:

— Սրիկաներ, սրիկաներ,— գոռաց Հերյանը ամբողջ ուժով,— հագիվ նավը պատրաստվում էր շարժվել, նորից եկան երկիրը քարուքանդ անելու:

Հանկարծ, արյունը գլխին տվեց և սաստիկ մի բարկություն ցնցեց նրա ամբողջ մարմինը: Կամրջակի վրայից նայեց վար և բազուկները գալարեց:

— Չե՞ս տեսնում,— գոռաց նա,— չե՞ս տեսնում, անիծյալ երկիր է, անիծյալ երկիր... Կատաղություն, թշվառություն, արյունով, մահով լցված երկիր է... Ի՞նչ է եղել, ի՞նչ է անցել դարձել այս հողերի վրա, այս քարերի, լեռների վրա... Մարդ խեղդվում է... Տասնյակ դարեր շարունակ... տասնյակ դարեր անդադրում կռիվ, ջարդ, պատերազմ, անոթություն... Ի՞նչ է այդ, եղբայր, ե՞րբ պիտի վերջանա, երբ...

Սիսակը երբեք Հերյանին այդ վիճակում չէր տեսել:

Նրա ամբողջ մարմինը դողում էր: Նրեսը ճեփ-ճեփմակ էր դարձել, լայնացած աչքերը լցվել էին կրակով և բռունցքները վեր կարկառած, կարծես նա սպառնում էր քաղաքին, երկրին, երկնքին:

— Ի՞նչ է, ինչո՞ւ համար այս բոլորը, — կրկնում էր նա զայրույթով: — Ես ուզում եմ փախչել, հեռանալ այս երկրից... փախչել անմիտ ողբերգությունների այս վայրերից... Ուզում եմ, հասկանո՞ւմ ես, ուզում եմ ազատվել թշնամի զորությունների ձեռքից... Թշնամի աստվածների լարած թակարդից... էլ բավական է, էլ բավական է...

Երկար ժամանակ նա այգպես խոսեց:

Հուզված, կատաղած, խենթացած:

Իսկ քաղաքը գնալով լցվում էր աղմուկով:

Թմբուկ, երաժշտություն, հրացանի ձայներ, գոռում-գոչում: Որոշ թաղամասերում դեռ կրակում էին: Երևի տեղ-տեղ կոխվել շարունակվում էր: Հարձակվում էին տների վրա, ոտը կարմիրներ էին պատսպարված: Եատերին հալածում էին արվարձանների այգիներում:

Հեռվում, կայարանի մյուս կողմից, թնդանոթի խուլ ձայներ էին լսվում:

Նույն գիշերը Հերյանը, Սիսակը և Ռիմը (վազգեներ չկար) լքեցին նավը և իջան վար: Կողմնակի ճանապարհներով, պատերին քսվելով, ատրճանակը ձեռքին նրանք վերադարձան որբերի մոտ:

Նավի մեջ մնալը վտանգավոր էր:

Երեկոյան դեմ Քանաքեռի կողմից նորից սկսել էին կրակել: Սիսակին ասել էին, որ Հերյանին անպայման կսպանեն, իբրև կարմիրների ժախված մարդու:

Երևանի շուրջը խրամներ էին փորում:

Հերյանը երեք օր մնաց թաքնված:

Ցուրտ, ոչիլ, աղբ: Որբերի հիվանդոտ, վերքոտած դեմքերի վրա սառը մի անտարբերություն էր պատկած: Փողոցներում թափառում էին շուքի նման: Երբ հրացանի կամ ատրճանակի ձայն էին լսում, վազում էին ձայների կողմը, այն խարուսիկ հույսով, որ կկարողանան կողոպտել սպանվածին: Հասնում էին միշտ էլ ուշ, ուրիշներն արդեն կողոպտել էին...

Այդ մթնոլորտը այլևս անտանելի էր Հերյանի համար:

Չորրորդ օրը, դեռ լույսը չբացված, շենքից կամաց դուրս եկավ: Անգամ Ռիմը չլսեց նրա ոտնաձայները:

Գուրս եկավ և կանգնեց: Ո՞ւր գնար... Նորից էջմիածի՞ն... Վտանգավոր էր. ամենքը նրան ճանաչում էին:

Նորից էջմիածի՞ն...

Արարատը մագնիսի նման նրան քաշեց:

Քայլեց:

Առավոտը նրան գրկեց իր բազուկների մեջ:

Զյուն էր և ցեխ:

Ահ, գնալ, գնալ... Քայց ո՞ւր գնալ, ընկեր Հայաստան, ո՞ւր:

— Ո՞ւր, ընկեր Արարատ, ո՞ւր...

Ահա, հորիզոնի արյունոտ արգանդից ծնվել էին լեռները: Արագածը պայծառ էր: Եղանակը պայծառ էր: Դատարը, այգիները՝ ամեն ինչ պայծառ էր:

Ո՞ւր գնալ, ընկեր Հայաստան, ո՞ւր:

Միրտը ոտանավոր արտասանելու սաստիկ պահանջ զգաց: Մի ոտանավոր, որ ներկա էր իր մեջ, որ երգում էր անբառ, որ լույսի նման ուզում էր դուրս խուժել, բայց որի բառերը անծանոթ էին: Ծանոթ էին և անծանոթ: Ներկա էին և հեռու:

Միրտը ոտանավոր արտասանելու սաստիկ պահանջ զգաց և ոչինչ չարտասանեց, այլ նկատեց, որ աչ ոտքի կոշիկը ծակվել է, ջուրը և ցեխը ներս են մտնում: Մտածեց՝ Հայաստանը ոտաբոբիկ է: Հայաստանի կոշտ, մեծղի, ծուռ ոտքերը, Հայաստանի շարշարված, արյունոտ ոտքերը, որոնք քայլել էին դարեր շարունակ, որոնք քայլել էին անհամար դարաշրջաններ, հրդեհված գիշերներ, մթագնած ցերեկներ:

Հայաստանի ոտքերը մերկ էին, համառ և տխուր:

Եվ մտածեց, որ Հայաստանը բազմոտանի էր: Այնքան ոտքեր ուներ, ինչքան լեռներ: Հայաստանը բազմազխանի էր: Այդ գլուխները նայում էին աշխարհի շուրս կողմը: Արևելք, արևմուտք, հյուսիս, հարավ: Եվ այդ գլուխները նմանվում էին Հնդկաստանի անկարելի այն աստվածների, որոնց բազմաթիվ աչքերը իչել են աստղերից և որոնց գալարված տասնյակ բազուկները բուսել են խավարից:

Տեսավ: Պարզ և կենդանի իրականություն նման տեսավ հսկայական, ծանրածանր, լեռների չափ բարձր և դաշտերի եզրերը ճգմելով անցնող վիթխարի այդ հրեշին, որի թագավորված գլուխները դանդաղ շարժումով աչ ու ձախ էին շրջում, շավիղներից դուրս պրծած աչքերը ուրբվում էին բոցակիզված գնդերի նման, բազմահարյուր բազուկները ձգվում էին ամեն ուղղությամբ, մինչ վայր ընկած ստիխները պարապ էին և մարմինը, նիհար և ոսկրոտ, դողում էր քամուց ծեծված անկարելի ծառի նման:

Քայլերը արագացրեց: Կարծես ուզում էր փախչել ինքն իրենից, իր սեփական աչքերից, իր մտածումներից, իր տեսիլքից:

Ո՛ւր, ընկեր Հայաստան, ո՛ւր...

Հեռվում, այնտեղ, ուր դեպի վեր առաջնորդող ճանապարհը թեքվում էր այգու պատի կողքով, մի խումբ մարդիկ էին գնում: Շտապեց, ուզեց նրանց հասնել:

— Ի՞նչ իմանանք... էլի գնում ենք,— ասաց գյուղացին, առաջն ընկած էշին հրելով:

Մի մարդ, երկու կին և մի էշ էին: Ասացին, որ իգգիրքիներ են: Տուն, հող, տավար, բաղ թողել էին թուրքին և ընկել շուշերը:

Կանայք չէին խոսում:

Քայլեցին:

էլը նայեց հեռուն, ոնգները լայն բացեց, կանգնեց և գլուխը վեր, ատամները բաց սկսեց զռալ: Մարդը սաստիկ բարկացավ:

— Տո, ավանակ, զռալու ժամանակ է...

Եվ ձեռքի փայտով խփեց էշին:

էլը լռեց: Կանանցից մեկը նայեց Հերյանին և տխուր ժպտաց: Երիտասարդ աղջիկ էր:

— Սա երկիր չէ,— հառաչեց մարդը չորս կողմ նայելով,— երկիրը Իգգիրն է... արքայութուն է... առատ, հողը ասես կովի ծծերի նման առատ, օդը ասես մեռած մարդին տեղից վեր կհանի...

Մարդը ոլոր մորուք ուներ և կոպեկի նման կլոր աչքեր: Կզակը ծանր էր և ծոված: Ոտքերը քարշ էր տալիս, կարծես շղթաներ էր կրում:

— Իգգիրը... չէի իմանում,— ասաց Հերյանը:— էդպես ուրեմն... Իգգիրը...

Նայեց աղջկան:

Աղջիկը մեծ, նշանման աչքեր ուներ և գեղեցիկ հոնքեր: Թուխ, տաք, արև ծծած դեմք, գլուղի հացի նման շմաքրված ցորեն: Ծկուն, թեթև, քիչ հանդիսավոր մարմին և պտուղի նման լցված շրթներ:

— Հավ, այս վատ եղանակով ո՛ւր եք գնում... — ասաց Հերյանը:

Չգիտեին ուր են գնում: Իգգիրքիներից շատերը գնացել էին այդ կողմերը և իրենք էլ գնում են... Հայ քրիստոնյա էին և, անշուշտ, մի տեղ ապաստան կգտնեին: Քաղաքում չէին ուզում մնալ, կովում էին:

— էլ բանը բանից անցել է,— ասաց մարդը,— էլ ի՞նչ կարիք կա կռվելու... Չէ, ախր չեմ հասկանում, էլ ի՞նչ կարիք կռվելու...

Հերյանը նայեց աղջկա աչքերի մեջ:

— Հարցը նրանում է, ձմեռ է,— շարունակեց մարդը:— Թողինք

ամբողջ պաշարը... տավարի կերը, վառելիք փայտը, թխած լավաշը, շորացած պտուղը...

— Չորս տեսակ մուրաբա,— հառաչեց կինը:

— Չորս տեսակ մուրաբա, աղի դրած միսը, սուճուխը... էլ ինչ ասես չկար... էնպես, մառանում շարած, պատրաստ... Բա, բա, բա, բա...

Էշին հրեց, վրան բարկացած գոռաց:

Ծրկնքի աջ կողմից կես ծածկված հիվանդոտ մի արև էր նայում: Շրջակա տեսարանը խիստ էր, շոր, մոալ:

Աղջիկը այլևս շժպտաց: Նայեց Հերյանի պատռված կոշիկին: Ամեն անգամ որ ջուրը ներս էր մտնում, կոշիկը ճոռում էր: Հերյանը այդ նկատեց և իրեն զգաց նվաստացած: Դրա համար էլ ձայնը բարձրացրեց ավելի քան պետք էր և համոզումից զուրկ շեշտով ավելորդ բաներ ասաց՝

— Հարցերին նայելու է փիլիսոփայական տեսակետից: Հանգամանքները կարող են փոխվել և ամեն ինչ, ինչպես ասում են, դիալեկտիկա է... Մեր գյուղացիները պետք է հասկանան, որ փշում են անընկալ քամիներ... Ուտի, հարցնում եմ ձեզ՝ ի՞նչ կարիք կա անդադար գանգատվելու և, առհասարակ, ժամանակն է մուրաբաների մասին մտածել, երբ... դիակները մնում են անթաղ...

Ամենքը զարմանքով նայեցին նրա երեսին: Հերյանը նկատեց, որ աղջիկը փորձում էր ծիծաղը զսպել...

Կանգ առավ:

— Դե, բարի ճանապարհ,— ասաց նա:— Ես գնում եմ այս կողմը... Հա, եթե գնում եք էջմիածին, գնացեք Մեսրոպ սրբազանի մոտ... Մեսրոպ սրբազան Մագիստրոսի մոտ և ասացեք, որ ձեզ ուղարկել է նավապետ Հերյանը, խնդրելով, որ ձեզ ամեն տեսակ օգնություն ցույց տան...

Ասաց, ճանապարհը թեքեց և քայլեց:

— Ի՞նչ հիմար եմ,— մտածեց,— ինչ հիմար եմ... Եվ այդ ամենը կոշիկ պատճառով...

Ուզեց նրանց հետևից վազել, բացատրություն տալ:

Զվազեց, այլ փորձեց երգել: Քայլեց:

Ո՞ւր, ընկեր Հայաստան, ո՞ւր...

8

Հայաստանը լեռ էր, քար, ձյուն:

Հերյանը օրերով քայլեց լեռների կողերից, քարերի վրայից, ձյուն:

նի միջից: Մի գյուղում գոմեջի հաստ կաշի ձեռք բերեց և տրեխներ սարքեց: Երեսը ծածկվեց անկանոն բուսած մորուքով: Գեմքի մորթը այրվեց, թուխացավ, գլխի մազերը երկարեցին և կարտուզը երկու տեղից ծակվեց: Մի կտոր հայելու մեջ երբ ինքն իրեն տեսավ, վախեցած հո քաշվեց: Ինքն իրեն չճանաչեց:

Ինքն էր և ուրիշ էր:

Նմանվում էր Սիրիից փախած կալանավորի: Նմանվում էր լեռների, ժայռերի միջից դուրս եկած խորհրդավոր մի ոգու: Վրայից չորացած խոտի և քացախած քրտինքի հոտ էր գալիս: Զեռքերը կոպիտ էին և ծանր, այտերը ներս էին ընկել և աչքերը փայլում էին բոսործ քրագների նման:

— Ո՞վ է դա, — հարցրեց նա, երբ իրեն տեսավ:

Ծակատից պաղ քրտինքի կաթիլներ վազեցին:

Շոշափեց մարմինը, երեսը, մորուքը: Կասկած չկար, ինքն էր: Այն ինքն էր, որի մասին նա լսել էր: Այն ինքն էր, որին քարերը, լեռները, ձյունը և բուքը նվաճել էին, միացրել իրենց, կերպարանափոխել:

Այդ օրվանից նա քայլեց ինքն իր հետևից: Ոտքերը թեթևացան և սովորեցին արագ վազել: Վայրի այծի նման նրանք մազլեցեցին ժայռերը: Մեծ բարձրությունից ձյունի վրա սահելով՝ վայր գյուրվեցին: Ականջները սրվեցին և նա լսեց քամիներին, հասկացավ նրանց: Ականջ ավելց ժայռերի մեջ, լեռների կողերին, անդունդներում և խորխորատներում ման եկող ձայներին և ըմբռնեց նրանց ծածկված իմաստը:

Քայլեց դեպի արևելք, ուր ժայռեր են, անապատ և մենակություն, քայլեց դեպի արևմուտք, ուր գյուղերը փորված են լեռների կողերին և ուր ժրրիկները հուժկու են և վտանգավոր: Իջավ վար, գնաց մինչև Արաքսի ափերը, վերադարձավ հտ, ճեղքեց Արարատյան դաշտը և դանդաղ ու մտածկոտ քայլերով նորից բարձրացավ դեպի լեռները: Գյուղերում նրան ընդունում էին բարի և ներողամիտ ժպիտով, ինչպես քնդունում են ասածո մարդկանց՝ մուրացկաններին, երգասաններին, գծերին: Ինչպես ընդունում են բուքը, որ երկու բռունցքներով խփում է դռան, ինչպես ընդունում են նախագարնանային առաջին խենթ քամին, հանկարծ բռնված արևի ճառագայթները կամ ճանապարհից շեղված շեմի առաջ մայրող այծը: Նրան նստեցնում էին սեգանի գլխին, պնակը լցնում առաջը դնում և լուռ, առանց հարցուփործ անելու, հյուրասիրում: Երբևմն նա մնում էր նույն գյուղում մի քանի օր: Մասնակցում էր աշխատանքներին, սուգերին, ուրախություններին: Տավարի համար հարող էր կրում, մաքրում էր գոմը, ձիերի համար ջուր էր բերում և մեկ

էլ առանց ոչ սքի ոչինչ ասելու անհետանում:

— Սուրբ մարդ էր,— ասում էին:— Երեւի ձեն լսեց, գնաց...

— Հա, բոլոր ձեները լսում էր...

Սարսռենց գյուղում հարսանիք էր:

Ձմեռային պայծառ եղանակը շրջակա լեռների վրա կապույտ մերկութուն էր դրել: Երեկոն եկել էր արագ, մեղմ գույներով զգեստավորված: Լեռան կողը, ուր բույն էր դրել գյուղը, թաղված էր շողշողուն ճառագայթների մեջ և եկեղեցու զանգակները ուրախ դողանջում էին:

Գյուղացի Հովակիմի տունը լցված էր ճրագներով և բազմութունով: Նվազի և երգի ձայներ էին լսվում:

Հերյանը ականջ դրեց, ոնգները լայն բացած շնչեց զով օդը և ամբողջ մարմնով ցնցվեց:

Մոտեցավ դռանը և հետաքրքրությամբ նայեց ներս: Նրան տեսան և դիմավորեցին ուրախ բացականչութուններով:

— Համեցեք, համեցեք ներս...

Տրեխները մաքրեց, ներս մտավ և մնաց ապշած: Անկյունում, նոր փեփի հետ նստած հարսը այն իզգիթի աղջիկն էր, որին հանդիպել էր ճանապարհին...

— Շատ տարիներ,— ասաց նա բամբ ձայնով,— շնորհավոր լինի...

Իրեն կարկառած օդու մեծ բաժակը խմեց մեկ ումպով:

Հարսի հայրը և մայրը մեկ մեկի նայեցին, հետո, պլզած աչքերով նայեցին Հերյանին և մեկ մեկի ականջին ինչ-որ բան փսփսացին: Մայրը մոտեցավ հարսին, Հերյանին ցույց տվեց, խոսեց:

Նորահարսը աչքերը լայն բացեց և զարմանքով նայեց նրան:

Հերյանը այդ ամենը նկատեց, հասկացավ, որ իրեն ճանաչեցին և բարձր, գողգողացող ձայնով ծիծաղեց:

Երբեք այդքան ուրախ և տարօրինակ չէր եղել Հերյանը:

Խոսեց, ամենքին զվարճացրեց, խմեց:

— Շեն կենաս,— ասաց Հովակիմի կինը,— շեն կենաս...

— Խմի՛ր, է, խմի՛ր,— ասաց Հովակիմը նրա բաժակը նորից լրցնելով:

Հերյանը խմեց և ոտքի կանգնեց:

— Թող մի շաղու նվագեն,— բացականչեց նա առաջանալով սենյակի մեջտեղը:

Եվ երբ նվագեցին, նա պարեց: Եվ մարդը, որի մարմինը թվում էր ծանր, ինչպես ծանր են Հայաստանի քարերը, և որի գլուխը (մորուքի

և երկարած մազերի պատճառով) թվում էր հոգիով վերացած, հանկարծ թփերի վրայից սահող թեթև քամի դարձավ: Յատկեց և ոստոստեց հազիվ ոտքերը գետնին կպցնելով: Պտույտ եկավ, աչ ու ձախ դարձավ, շարուխները գնդակի նման խփեց հատակին, թևերը ոլորածեց և ավելի մեծ թափով և ավելի ներդաշնակ կերպով պարեց և ոստոստաց:

Բոլոր հյուրերը ոտքի կանգնեցին և ծափ տալով տաշ-տաշի պոռացին:

Հարսը նրա վրայից շկարողացավ պոկել աչքերը:

— Հարսը, հարսը... թող հարսը պարի,— առաջարկեցին ոգևորված հյուրերը:

Եվ Հերյանը պարեց հարսի հետ: Իր այրող աչքերը մխրճեց նրա աչքերի մեջ և սահելով առաջ ու ետ գնաց, ոտքերը թեթևորեն գետնին տալով՝ պտույտ եկավ նրա շուրջը, հուժկու թափով ցատկոտեց, ապա նրա հետևից ընկած, փախչող եղնիկ հետապնդելու ձևով գրոհ տվեց, գալարվեց, թռչկոտելով ոլոր եկավ: Նա նմանում էր լեռներից իջած զորեղ մի ոգու, որ մաքառում է ձյունամրրիկի դեմ: Հարսը, որ սաստիկ դժգունած էր, թևերը վար առած սահելով անցավ, նազ անելով մի կետի վրա սառեց և հանկարծ ավելի գունաթափվեց և երերաց:

— Հարսը իրեն լավ չի զգում,— ասացին,— հարսը իրեն լավ չի զգում...

Եվ մինչ ամեն ոք շփոթության մատնված այս ու այն կողմ էր գնում, Հերյանը շանթի արագությամբ վազեց դուրս:

Դուրսը աստղեր էին, ձյուն, գիշեր:

Ո՛ւր, ընկեր Հայաստան, ո՛ւր...

Նորից թափառեց Հայոց աշխարհի լերկ ժայռերի շուրջը և մրրիկներով ծեծված լեռնալանջերում: Հասկացավ և միացավ ձյունին, քարերին, լեռներին: Եվ ինքն էլ եղավ, ինչպես ձյուն, ինչպես քար, ինչպես լեռ: Եղավ թաքնված ձայներով լցված մենակություն և ներքին կրակով այրվող լերկություն:

Այլևս ոչինչ չէր վախեցնում նրան:

Եվ մի օր, երբ հասավ հեռավոր մի գյուղ և լսեց մայրաքաղաքի և շարունակվող կոիվների մասին և այն մասին, որ կոմունիստները հիմա նորից եկել են Հայաստան, որոշեց վերադառնալ...

Մազերը կտրեց, մորուքը աժիլեց և քայլեց դեպի Երևան:

Ձանգուի ափերից բարձրանալիս նա տեսավ նավը: Կանգնած էր

միշտ նույն տեղը: Սեպտեմբեր, երկարած քիթը միշտ վեր, գաղտագողի առաջացող նախապատմական կենդանու նման:

Նավը: Հիշեց ծովի հոտը, աղը: Երևակայական մի ալիքի փոշիացած ջուրը կպավ երեսին և ճակատը թարմացավ և բազուկները աշխուժացան և սիրտը գնդակի նման վեր թռավ:

— Ինչ ուզում է լինի,— մտածեց,— նավը, նախ նավը... Շտապեց վեր:

Կամրջի վրա, քիչ էր մնացել սրբնթաց վազող մի կառքի տակ մնար: Մարդկանցով և իրերով լցված կառքը սուրում էր խենթի նման: Կողմ ցատկեց: Մեկը մյուսի հետևից վազելով անցան ուրիշ կառքեր և ուրիշ և ուրիշ... Զարմացավ: Քայլերը ավելի արագացրեց: Զիբրին սաստիկ մտրակելով բազմաթիվ ձիավորներ անցան: Նրանց երեսներին վրա վախ էր գրված և նրանց աչքերը նայում էին սարսափած:

Նորից կառքեր: Լցված սայլեր:

— Ի՞նչ է, ի՞նչ է պատահել,— հարցրեց նա մեկին:

— Զե՞ք տեսնում,— պատասխանեց մարդը,— փախչում են... բուշեիկները եկել են...

Մարդը հայհոյեց:

Երբ Հերյանը մոտեցավ քաղաքի արվարձանին, հրացանաձգութայան ձայներ էին լսվում: Թնդանոթի ումբեր էին պայթում:

Փախչողները վազում էին դեպի վար: Աշմկում էին, բզավում, աղաղակում:

Հերյանը աշխատեց գնալ հոսանքի դեմ: Անկարելի եղավ: Կանգնեց:

— Դեպի Արաքս, դեպի Արաքս,— բղավում էին փախչողները:

Հերյանը սուր զայրույթ զգաց այդ մարդկանց նկատմամբ և բռունցքները սպառնալով վեր կարկառեց:

Նայեց ետ: Այլևս մարդ չէր գալիս: Հրացանի ձայները շարունակվում էին:

Վերը, ժայռի վրա, նավը միշտ կանգնած էր: Անշարժ երկաթե ծանրութայամբ: Համառ, վճռական: Իսկ նավի դիմաց կանգնած էին հայրը լեռները, որոնց գաղտնի կյանքը նա այլևս ճանաչում էր, ինչպես առաջ ճանաչել էր ծովը:

Զեռքերը գրպանները դրեց և հանգիստ քայլերով բարձրացավ քաղաք:

9

Երբ նավը հասավ Սեանա լիճը՝ մայիս էր: Պաղ, արծաթե պսպրղանքներով մայիս, որը թեթևորեն մտրակում էր մարմինները և կես հասած կեռասի երանգներով վառում օդը: Մոտակա լեռների վրա ձյունը դեռ տեղ-տեղ պահում էր իր կայծկլտուն բույները: Կղզին և հինավուրց եկեղեցիները վերացած՝ տիրում էին այդ բնանկարի վրա տեսիլքի նման:

Հերյանը գլխարկը հանեց, մտածկոտ նայեց քիթը քիչ վեր տնկած նավին և առաջը տարածված լճին:

— Դե, ուրեմն այդպես, եղավ...— մտածեց նա, և ամբողջ ժամ-նի վրայից սարսուռ անցավ:

Սատանան տանի, ամեն ինչ կատարվեց պարզ, գործնական կերպով, առանց ավելորդ ազմուկի, վեճի, կովի: Երբ նոր իշխանությունն անհրաժեշտ համարեց նավը տանել Սևան՝ մարդիկ եկան, մեքենաներ բերեցին, լծվեցին գործի և մի շաբաթվա ընթացքում այն հասցրին լիճ: Կարծես երազ լինեեր... Անշուշտ դեռ մնում էր ջուրը գցելու գործը: Բայց դա համեմատաբար հեշտ էր: Անհրաժեշտ մարդիկ կային, փայտեղենը կար, մեքենաները կային և եղանակը նպաստավոր էր: Վաղը կլծվեն աշխատանքի: Նավը քար ու ժայռից կազատագրվի և կգտնե իր հարազատ մորը...

Եվ կբացվի նոր, լուսավոր կյանքի առափոտ:

Հերյանին օգնող աշխատավորներից ոմանք պառկած, ոմանք քարերի վրա նստած հանգստանում էին: Կայտառ, լուրջ, գործունյա մարդիկ:— Սրանք,— մտածեց Հերյանը — գալիք սերունդների նախատիպերն են՝ գիտակից, զուսպ և համառ, առանց ավելորդ ձևերի, առանց բղավոցի, առանց շափազանցված հուզումների, քար տաշող, երկաթ կոփող, կյանքի բարիքներ ստեղծող հայր...

— Դե, ուրեմն, այդպես, եղավ...

Հերյանը հեռվից լսեց իր անունը: Կնոջ ձայն էր: Սիրտը սեղմվեց և ձեռքերը թեթևորեն դողացին: Նայեց, Զվարթն էր: Ոտքի կանգնեց և վազեց դեպի նրան:

— Բա դու ասացիր, որ վաղը կկաս...

— Չհամբերեցի: Ուղեցի տեսնել, թե տեղ հասա՞նք... Տեսնում եմ հասել ենք,— ասաց Զվարթը: Երկու ձեռքերով ծափեց և ուրախ-ուրախ ցատկոտեց: Հերյանը, որ դիտում էր նրան, մտածեց. «Ի՞նչ լավ է եկել է...»:

— Չհամբերեցի: Ուղեցի տեսնել թե տեղ հասա՞նք...

Զվարթը նայում էր նրան մեծ, վառվռուն, սիրով լցված աչքերով: Շանթի նման, Հերյանի աչքերի առաջով անցան զանազան Զվարթներ, որոնց հանդիպած էր: Փխրուն, օղային թեթև աղջիկը, որին հանդիպել էր առաջին անգամ, ապա, գիտակցությունն եկած, մտքով հասունացած, մրգի նման լցված աղջիկը՝ քիչ տխրած, բերդացած, մոլեռանդ... Հիմա՝ կյանքը մեծ շնչով իր մեջ առած, իր իդեալին հասած, լիություն ներշնչող, բուրումով լցված վարդի նման ծաղկած գեղեցիկ էակը, որ կանգնած է դեմը:

— Զվարթ,— ասաց Հերյանը,— ես ուզում եմ քեզ հետ գնալ այն կղզին, որտեղ մենք առաջին անգամ հանդիպեցինք իրար:

— Իսկ դու ի՞նչ հոգնած...

— Ինչ հոգնածություն...

Նստեցին նավակ և կամաց-կամաց թիավարելով հասան կղզի, բարձրացան այն ժայռի վրա, որտեղից առաջին անգամ միասին դիտել էին լիճը և նորից ձեռք-ձեռքի տված նստեցին... և լուեցին:

— Տարօրինակ բան է,— խոսեց վերջապես Հերյանը։— Չնայած բոլոր արգելքներին, կյանքի շրջանը ամբողջանում է, գալիս կանգ է առնում այն կետի վրա, որտեղից նա սկսվել էր... Մեր սերը, մեր նավը և մենք երկուսով անցանք դժոխքի ծայրերով և եկանք հասանք այնտեղ, որտեղ ուզում էինք որ հասնենք...

— Այդ այդպես է,— պատասխանեց Զվարթը,— կյանքը ունի իր տրամաբանությունը, իր հոլովման ուղին, և բոլոր անբնական ճիգերը, որ ուզում են նրան շեղել, փշրվում են փխրուն կավի նման։ Արա ջան, շատ բաներ դու չէիր հասկանում, որովհետև, կորած էիր սովորությունների ծովում, քո մկանունքների նման պնդացած էին ընդհանուր, արյունի և ուղեղի մեջ մտած սխալներում... Ունեիր հրաշալի համառություն, կամք նպատակիդ հասնելու համար, հարատևություն... բայց շունեիր պարզ տեսիլք, պայծառ գիտակցություն և իսկական հայրենասիրություն...

— Գիտեմ, ինձ պակասում էիր դու... և քո նոր գաղափարները։

— Արա ջան, ես քեզ շատ եմ սիրում, շատ, շատ...

— Չես կարող պատկերացնել ինչքան բախտավոր եմ...

— Սիրելիս,— շարունակեց Զվարթը Հերյանի ձեռքը սեղմելով,— նավը լիճ հասցնելը մեծ և գեղեցիկ գործ էր, բայց դա մեր երազների վերջը չէ, այլ սկիզբը միայն... Քարուքանդ եղած այս երկիրը պետք ունի վերականգնվելու, պետք ունի մանրակրկիտ, տեսական, համառ աշխատանքի... Մենք աղքատ ենք, թշվառ, քիչ... Պետք է քանդենք հինը, կառուցենք նորը, մեզ արժանի նորը... և մեծանանք, ցույց տանք թև ինչեր կարող ենք անել մենք՝ ազատագրված ժողովուրդը։ Դա էլ լինի մեր նպատար ընդհանուր մարդկային մշակույթին և... մեր բարոյական վթեժը թշնամիներից, որոնք փորձեցին ոչնչացնել մեզ... Մենք կկառուցենք և կհասնենք, ահա թե ինչ հասակով է, որ մենք կարող ենք մեծանալ... Հասկանո՞ւմ ես, Արա, վրեժ, ոչ թե դանակով, թնդանով, սրբանով, այլ մեծ իդեալի իրագործումով, մարդկային բարձր արժանիքների ցուցաբերումով...

— Ի՞նչ հրաշալի բաներ ես ասում, Զվարթ, ի՞նչ հրաշալի...

— Վաղը, մինչ դու դբաղված կլինես նավով, ես կգնամ գյուղերը կազմակերպչական աշխատանք տանելու համար։ Պետք է վերականգնենք գյուղերի տնտեսությունը, պետք է լծվենք դաստիարակչության գործին։ Պետք է... ահ, Արա, սիրելիս, ամեն բան պետք է...

— Սեանը կլինի իմ և քո աշխարհը, Զվարթ,— ասաց Հերյանը,— այստեղ կապրենք, այստեղ կիրագործենք մեր իդեալը...

Մյուս օրը, ամբողջ առավոտը զբաղված էին նավը ծով իջեցնելու գործով, Կեսերվա մի ժամ ընդմիջումից հետո, աշխատանքը նորից շարունակվեց։ Երկկոյան, երբ արևը իջել էր հորիզոնի վրա և լիճը բոցավառվել հազար կրակնհրով, նավը կամաց և հանդիսավոր կերպով սահեց ջրերի վրա...

Հերյանը շտապ բարձրացավ կամրջակի վրա և սուլոցը քաշեց։ Այդ ձայնը գիլ-սուր, բարձր արձագանքից լճի շորս կողմը նոր և հրաշալի կյանքի կանչի նման։

Կոստան Ջարյան Ալբերտ Կոստանյան	3
Տատրագրմի հարսը	14
Արա աստված	67
Վահագն	113
Նավը լեռան վրա	126

ԿՈՍՏԱՆ ՋԱՐՅԱՆ

ԵՐԿԵՐ

КОСТАН ЗАРЯН
СОЧИНЕНИЯ

(На армянском языке)

Издательство «Советакан грох»

Ереван, 1985

Խմբագիր՝ Ս. Գ. Սահակյան, նկարիչ՝ Ս. Գ. Սաֆյան, գեղ. խմբագիր՝
Կ. Խ. Գյուլամիրյան, տեխ. խմբագիր՝ Ա. Մ. Մուսոյան, վերստու-
գող սրբագրիչ՝ Ս. Մ. Բուլարյան:

ИБ № 5168

Հանձնված է շարվածքի՝ 20.02.85: Ստորագրված է տպագրության՝ 17.07.85: Ֆոր-
մատ՝ 60×84¹/₁₆: Թուղթ՝ տպագր. № 1: Տառատեսակ՝ «Գրքի սովորական»: Տպագրու-
թյուն՝ բարձր: 33,48 պալմ. տպ. մամ., 29,3 հրատ. մամ. + 1 ներդիր: Տպարանակ՝ 30000:
Պատվեր՝ 484: Գինը՝ 2 ռ. 40 կոպ.:

«Առվեսական գրող» հրատարակչություն, Երևան—9, Տերյան 91:

Издательство «Советакан грох», Ереван-9, ул. Теряна, 91.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կո-
միտեի Հակոբ Մեղակարտի անվան պոլիգրաֆկոմբինատ, Երևան—9, Տերյան 91:

Полиграфкомбинат им. Акопа Меганарта Госкомитета по делам издательств,
полиграфии и книжной торговли Арм. ССР, Ереван-9, ул. Теряна, 91.